



della cronaca  
ediz. d'alto 1514

manca

12 fogli di preliminari



68.8.A.20



69



M. TVLLII CICERONIS  
PRO P. QVINTIO  
ORATIO. I.



VAE RES IN CIVITA  
te duæ plurimū possunt: hæ con-  
tra nos ambæ faciunt in hoc tem-  
pore: summa gratia, & eloquen-  
tia. quarum alteram C. Aquili  
vereor: alteram metuo. eloquentia

Q. Hortensij ne me dicendo impediatur, non nihil com-  
moueor. gratia Sex. Nuij ne P. Quintio noceat, id  
vero nō mediocriter pertimesco. neq; hoc tantopere que-  
rendum uideretur: hæc summa in illis esse: si in nobis  
essent saltem mediocria. uerum ita se res habet: ut ego,  
qui neq; usu satis, & ingenio parum possum: cum pa-  
trono disertissimo comparer: P. Quintius, cui tenues  
opes, nullæ facultates, exiguae amicorum copię sunt:  
cum aduersario gratiosissimo contendat. illud quoq;  
nobis accedit incommodum: quod M. Iunius, qui hæc  
aliquotiens apud te egit: homo & in alijs causis exerci-  
tatus, & in hac multum & sæpe uersatus, hoc tempo-  
re abest, noua legatione impeditus: et ad me uentum est:  
qui, ut summa haberem cætera: temporis quidem cer-  
te uix satis habui: ut rem tantam, tot controuersijs im-  
plicatam, possem cognoscere. ita, quod mihi consuevit  
in cæteris causis esse adiumento: id quoq; in hac causa  
deficiat. nam quo minus ingenio possum: subsidio mihi  
diligentiam comparauī. quæ quanta sit, nisi tempus, et  
spatium datum sit: intelligi non potest. Quæ quo plu-  
ra sunt C. Aquili: eā te, & hos, qui tibi in consilio ad



sunt: meliori mente nostra uerba audire oportebit: ut  
 multis incommodis ueritas debilitata tandem æquitate  
 talium uirorum recreetur. quod si tu index nullo præ  
 sidio fuisse uidebere contra uim, & gratiam, solitudi  
 ni, atq; inopiæ: si apud hoc consilium ex opibus, nõ ex  
 ueritate causa pēdetur: profecto nihil est iam sanctum,  
 atq; sincerum in ciuitate: nihil quod humilitatem, cu  
 iusquam grauitas et uirtus iudicis consoletur. certe, aut  
 apud te, & eos qui tibi assunt: ueritas ualebit: aut ex  
 hoc loco repulsa ui, et gratia, locum ubi consistat, repe  
 rire non poterit. non eo dico C. Aquili: quo mihi ue  
 niat in dubium tua fides & constantia: aut quo non  
 ijs, quos tibi aduocasti: uiris electissimis ciuitatis spem  
 summam habere P. Quintius debeat. quid ergo est?  
 primum magnitudo periculi summo timore hominem  
 afficiat: quod uno iudicio de fortunis omnibus decernit.  
 idq; dum cogitat: non minus sæpe ei uenit in mentem  
 potestatis, q̃ æquitatis tuæ: propterea quod omnes, quo  
 rum in alterius manu uita posita est: sæpius illud cogi  
 tant: quid possit is, cuius in ditione ac potestate sunt: q̃  
 quid debeat facere. deinde habet aduersarium P.  
 Quintius uerbo Sex. Neuium, re uera huiusce ætatis  
 homines disertissimos, fortissimos, ornatissimos nostræ  
 ciuitatis: qui communi studio summis opibus Sex. Ne  
 uium defendunt: si id est defendere: cupiditati alterius  
 obtemperare: quo is facilius quem uelit iniquo iudicio  
 opprimere possit. nã quid hoc iniquius aut indignius  
 C. Aquili dici aut commemorari potest? quam me, qui  
 caput alterius, famam, fortunasq; defendam: priore lo  
 co causam dicere: cum præsertim Q. Hortensius qui  
 hoc iudicio partes acusatoris obtiner: cōtra me sit dictus



rus: cui summam copiam facultatemq; dicendi natura largita est. Ita fit, ut ego qui tela depellere, & uulneribus mederi debeam: tum id facere cogar: cum etiam telum aduersarius nullum iecerit. illis autem id tempus impugnandi detur: cum & uitandi illorum impetus potestas adempta nobis erit: et si qua in re, id quod parati sunt facere: falsum crimen, quasi uenenatum aliquod telum iecerint: medicinae faciendae locus non erit. Id accidit Praetoris iniquitate, et iniuria: primum quod contra omnium consuetudinem, iudicium prius de probro, quam de re maluit fieri. deinde quod ita constituit id ipsum iudicium: ut reus, ante quam uerbum accusatoris audisset: causam dicere cogeretur. quod eorum gratia, & potentia factum est: qui quasi sua res, aut honos agatur: ita diligenter Sex. Nuij studio & cupiditate morem gerunt: & in eiusmodi rebus opes suas expeririuntur: in quibus quo plus propter uirtutem nobilitatemq; possunt: eo minus quod possint, debent ostendere. Cum tot tantisque difficultatibus affectus atq; afflactus intumescas. C. Aquili fidei, ueritatem, misericordiam P. Quintius confugerit: cum adhuc ei propter uim aduersariorum non ius par, non agendi potestas eadem, non magistratus aequus reperiri potuerit: cum ei summam per iniuriam omnia inimica, atq; infesta fuerint: te C. Aquili, nosq; qui in consilio adestis, orat: atq; obsecrat: ut multis iniurijs iactatam atq; agitatam equitatem, in hoc tandem loco consistere, & confirmari patiamini. Id quo facilius facere possitis: dabo operam, ut a principio res quemadmodum gesta & contracta sit, cognoscatis. C. Quintius fuit P. Quintij huius frater, sane ceterarum rerum paterfamilias et prau-

dens & attentus, una in re paulominus consideratus: qui societatem cum Sex. Nevio fecerit, viro bono, verum tamen non ita instituto, ut iura societatis, & officia certi patrisfamilias nosse posset. non quo ei deesset ingenium: nam neque parum facetus curra Sex. Nevius, neque inhumanus praeco est unquam existimatus. quid ergo est? cum ei natura nihil melius quam vocem dedisset: pater nihil praeter libertatem reliquisset: vocem in quaestum contulit: libertate usus est: quo impunius dicax esset. quare quod socium tibi eum velles adiungere, nihil erat: nisi ut in tua pecunia condisceret: qui pecuniae fructus esset. tamen inductus consuetudine, ac familiaritate Quintius fecit, ut dixi, societatem earum rerum, quae in Gallia comparabatur. erat ei pecuaria res ampla, et rustica sane bene culta, et fructuosa. tollitur ab atrijs Licinij atque a praecorum confessu in Galliam Nevius: & transalpes usque transfertur. fit magna mutatio loci non ingenij. nam qui ab adolescentulo quaestum sibi instituisse sine impendio: posteaquam nescio quid impendit: et in commune contulit: mediocri quaestu contentus esse non poterat. nec mirum, si is qui vocem venalem habuerat, ea quae voce quaesiverat, magno sibi quaestui fore putabat. Itaque hercule haud mediocriter de communi quicquid poterat, ad se in privatam domum sevocabat. qua in re ita diligens erat: quasi ij, qui magna fide societatem gererent: arbitrium pro socio condemnari solerent. Verum his de rebus non necesse habeo dicere ea, quae me P. Quintius cupit commemorare: tamen si causa postulat. tamen quia postulat: non flagitat: praeteribo. Cum annos iam complures societas esset: et cum saepe suspectus Quintio Nevius fuisset: neque

ita commodè posset rationem reddere earum rerum: quas libidine non ratione gesserat: moritur in Gallia Quintius: cum adesset Neuus: et moritur repentino. heredem testamento reliquit hunc P. Quintium: ut ad quem summus mœror morte sua ueniebat: ad eundem summus honos quoq; perueniret. quo mortuo, nec ita multo post, in Galliam proficiscitur Quintius. ibi cum isto Neuio familiariter uiuit: annū fere una sunt: cum & de societate inter se multa communicarent: & de tota illa ratione atq; re Gallicana. neq; interea uerbum ullū interposuit Neuus, aut societatem sibi quippiam debere: aut priuatim Quintium debuisse. Cum æris alieni aliquantulum esset relictum: quibus nominibus pecuniam Romæ curari oporteret: auctionem in Gallia P. hic Quintius Narbone se facturū esse proscribit, earum rerum, quæ ipsius erant priuatæ. Ibi tum uir optimus Sex. Neuus hominem multis uerbis deterret ne auctionetur: eum non ita commodè posse eo tempore quæ proscrispsisset uendere: Romæ sibi nummorum facultatem esse: quam, si saperet, communem existimaret, pro fraterna illa necessitudine, & pro ipsius affinitate, nam P. Quintij consobrinam habet in matrimonio Neuus, & ex ea liberos. Quia quod uirum bonum facere oportebat, id loquebatur Neuus: credidit Quintius, eum qui orationem bonorum imitaretur: facta quoq; imitaturum. auctionem uelle facere desistit: Romam proficiscitur: decedit ex Gallia Romanam simul Neuus. cum pecuniam C. Quintius P. Scapulæ debuisset: per te C. Aquili decedit P. Quintius, quod liberis eius dissolueret. hoc eò per te agebatur: quod propter æariam rationem non satis erat in



tabulis inspexisse quantum deberetur: nisi à Quæstoribus quæsisset et quantum solueretur. decidis, statuisq; tu propter necessitudinem, quæ tibi cum Scapulis est: quid ijs ad denarium solueretur. hæc omnia Quintius agebat auctore, et cōsuasore Neuio. nec mirum, si eius utebatur consilio: cuius auxilium sibi paratum putabat. nō modo enim pollicitus erat in Gallia: sed Romæ quotidie, simulatq; sibi hic annuisset: numeraturum se dicebat. Quintius porro istum posse facere, uidebat: debere, intelligebat: mentiri, quia causa cur mentiretur, non erat: nō putabat. quasi domi nummos haberet: ita constituit Scapulis se daturum: Neuium certiore facit: rogat ut curet, quod dixisset. Tū iste uir optimus (ueror ne se derideri putet: quod iterum iā dico optimus) qui hunc in summas angustias adductum putaret: ut eum suis conditionibus in ipso articulo temporis astringeret: a se se negat daturum: nisi prius de rebus rationibusq; societatis omnibus decidisset: et scisset sibi cū Quintio controuersie nihil futurum. posterius inquit ista uidebimus Quintius: nunc hoc uelim cures (si tibi uidetur) quod dixisti. negat se alia ratione facturum. quod promississet, non plus sua referre: quā si, cum auctorem uenderet, domini iussu quippiam promississet. destitutione illa perculsus Quintius, à Scapulis paucos dies auferi: in Galliā mitti: ut ea quæ proscripserat, uenirent. deteriore tempore absens auctionatur: scapulis difficiliore conditione dissoluit. tunc appellat ultro Neuium: ut, quoniā suspicaretur aliqua de re fore controuersiam: uideret ut quamprimum & quam minima cum molestia tota res trāsigeretur. dat iste amicum M. Trebellium: pro communem necessarium, qui istius



domi erat educatus: et quo utebatur iste plurimum: pro-  
 pinquum nostrū Sex. Alphenum. res conuenire nul-  
 lo modo poterat: propterea, quod hic mediocrem iactu-  
 ram facere cupiebat: iste mediocri præda contentus non  
 erat. itaq; ex eo tempore res esse in uadimonium cœ-  
 pit. Cum uadimonia sæpe dilata essent: et cum aliquā-  
 tum temporis in ea re esset consumptum: neq; quicquam  
 perfectum esset: uenit ad uadimonium Neuus. Obse-  
 cro C. Aquili, uosq; qui adestis in consilio, ut diligen-  
 ter attendatis: ut singulare genus fraudis, et nouam ra-  
 tionem insidiarum cognoscere possitis. ait se auctiona-  
 tum esse in Gallia: quod sibi uideretur, se uendidisse: cu-  
 rasse ne quid sibi societas deberet. se iam neq; uadari  
 amplius: neq; uadimonium promittere. si quid agere se  
 cum uelit Quintius: non recusare. Hic, cum rem Gal-  
 licanam cuperet reuifere: hominem in præsentia non  
 uadatur. ita sine uadimonio disceditur. deinde Romæ  
 dies XXX fere Quintius commoratur: cum cæteris  
 quæ habebat uadimonia differt: ut expeditus in Galli-  
 am proficisci posset. proficiscitur: Roma egreditur an-  
 te diem IIII Cal. Februarij Spurione & Nor-  
 bano Cons. quæso ut eum diem memoriæ mande-  
 tis. L. Albius Sex. filius quirinas, uir bonus et com-  
 primis honestus una profectus est. Cum uenissent ad  
 Vada Volaterrana quæ nominantur: uident per fa-  
 miliarem Neuij, qui ex Gallia pueros uenales isti ad-  
 ducebat: L. Publicum. qui ut Romam uenit: narrat  
 Neuio, quo in loco uiderit Quintium. quod nisi ex Pu-  
 blicio narratum Neuio esset: non tam cito res in conten-  
 tionem uenisset. tum Neuus ipse, pueros circum ami-  
 cos dimittit: ipse suos necessarios ab alijs Licinijs & a

faucibus macelli corrogat: ut ad tabulam Sextiam sibi  
 assint hora secunda postridie. ueniunt frequentes: te-  
 stificantur isti P. Quintium non stetisse: et se stetisse. ta-  
 bulæ maximæ signis hominū nobilium consignantur.  
 disceditur. postulat à Burrieno Prætorc Neuius: ut  
 ex edicto bona possidere liceat. iussit bona proscribi  
 eius: qui cum familiaritas fuerat: societas erat: affini-  
 tas liberis istius uiuis diuelli nullo modo poterat. qua  
 ex re intelligi facile potuit: nullum esse officium, tam  
 sanctum, atq; solenne: quod non auaricia comminue-  
 re, atq; uiolare soleat. etenim si ueritate amicitia, fide  
 societas, pietate propinquitas colitur: necesse est iste qui  
 amicum, socium, affinem, fama ac fortunis spoliare co-  
 natus est: uanum se & perfidiosum et impium esse fa-  
 teatur. libellos Sex. Alphenus procurator P. Quintij  
 familiaris et propinquus Sex. Neuij deicit: seruulum  
 unum quem iste præhenderat abducit: denuntiat sese  
 procuratorem esse: istum æquum esse famæ fortunisque  
 P. Quintij consulere: & aduentum eius expectare.  
 quod si facere nolit: atq; inhibuerit eiusmodi rationi-  
 bus illum ad suas conditiones perducere: sese nihil præ-  
 trahi: & si quid agere uelit, iudicio defendere. Hæc dū  
 Romæ geruntur: Quintius interea contra ius & con-  
 suetudinem, edicto Prætoris de saltu a groq; communi  
 à seruis communibus ui detruditur. Existima C. Aquili-  
 li id, modo & ratione omnia Romæ Neuium fecisse: si  
 hoc, qd per literas istius in Gallia gestum est: recte atq;  
 ordine factum uidetur. expulsus atq; eiectus è prædio  
 Quintius, accepta insigni iniuria, cōfugit ad C. Flac-  
 cum imperatorem: qui tum erat in prouincia: quem ut  
 ipsius dignitas poscit: honoris gratia nominat. Is eandem

rem quàm uehementer uindicandã putarit, ex decre-  
tis eius poteritis cognoscere. Alphernus interea Romæ  
cum isto gladiatore uetulo quotidie pugnabat: uteba-  
tur populo sane suo: propterea quod iste capui petere nõ  
desinebat. Iste postulat ut procurator iudicatum solui  
satisdaret. negat Alphernus æquum esse procuratorem  
satisdare: quod reus satisdare non deberet: si ipse ad es-  
set. appellantur Tribuni. à quibus cum esset certum  
auxilium petatum: ita tamen disceditur: ut idibus septē  
bribus P. Quintium sibi Sex. Alphernus promitteret.  
uenit Romam Quintius: uadimonium sibi. iste homo  
acerrimus bonorum possessor, expulso, ereptor, an-  
num et sex menses nihil petit: quiescit: conditionibus  
hūc quoad potest producit. à Gn. Dolabella deniq; Præ-  
tore postulat: ut sibi Quintius iudicatu solui satisdet;  
ex formula, quod ab eo petat: quoniam eius ex edicto  
Prætoris Romæ bona dies XXX possessa sint. non re-  
cusabat Quintius quin ita satisdare iuberet: si bona  
possessa essent ex edicto. decernit. quàm æquum nihil  
dico. unum hoc dico: nouum. et hoc ipsum tacuisse mal-  
lem: quoniam utrumq; quicuis intelligere potuisset. iu-  
bet P. Quintiū sponsonem cum Sex. Neuiio facere: si  
bona sua ex edicto P. Burrieni Præ. dies XXX pos-  
sessa non essent. recusabant qui aderant tum Qwin-  
tio: demonstrabant de re iudiciū fieri oportere: ut aut  
uterq; inter se, aut neuter satisdaret: non necesse esse  
famam alterius in iudicium uenire. clamabat porro  
ipse Quintius: sese icairco nolle satisdare: ne uideretur  
iudicasse bona sua ex edicto possessa esse. sponsonem  
porro si istius modi faceret, se (id quod nunc eue-  
nit) de capite suo priore loco causam esse dicturum. Do

lobella (quemadmodum solent homines nobiles: seu recte seu perperam facere cœperunt: ita in utroq; excellunt: ut nemo nostro loco natus assequi posset) iniuriam facere fortissime perseuerat. aut satis dare, aut sponsonem iubet facere: & interea recusantes nostros aduocatos acerrime submoueri. conturbatus sane discedit Quintius. neq; mirum: cui hæc optio tam misera tamq; iniqua daretur: ut aut ipse se capitis damnaret: si satis dedisset: aut causam capitis, si sponsonem fecisset: priore loco diceret. Cum in altera re causæ nihil esset: quin secus iudicaret ipse de se: quod iudicium grauiissimum est: in altera spes esset ad talem tamen uirum iudicem ueniendi: unde eo plus opis auferret: quo minus attulisset gratiæ: sponsonem facere maluit. fecit: te iudicem. C. Aquili sumpsit: ex sponso egit. In hoc summa iudicij causaq; tota consistit. Iudicium esse C. Aquili nō de re pecuniaria, sed de fama fortunisq; P. Quintij uides. cum maiores ita constituerint: ut qui pro capite diceret, is posteriore loco diceret: nos inaudita criminatione accusatorum, priore loco causam dicere intelligis. eos porro qui defendere consuerunt uides accusare: & ea ingenia conuerti ad perniciem: quæ antea uersabantur in salute atq; auxilio ferendo. illud etiam restiterat: quod hesternō die fecerunt: ut te in ius adducerent: ut nobis tempus quādiu diceremus, præstitueres. quam rem facile à Prætorē impetrassent: nisi tu quod esset tuum ius & officium, potestasq; docuisses. neq; nobis adhuc præter te quisquam fuit: ubi nostrum ius contra illos obtineremus. neq; illis unquam satis fuit illud obtinere: quod probari omnibus posset: ita sine iniuria potentiam leuem atq; inopem esse arbitrantur. Vcrū



quoniam tibi instat Hortensius: ut eas in cōsiliū: à me postulat: ne dicendo tempus absumam: queritur priore patrono causam defendente: nunquam perorari potuisse: non patiar istam manere suspicionem: nos rem iudicari nolle. Nec illud mihi arrogabo: me posse causam commodius demonstrare: quàm antea demonstrata sit. neq; tamen tam multa uerba faciam: propterea quod et ab illo qui tum dixit informata iam causa est: & à me qui neq; excogitare, neq; pronūciare multa possum: breuitas postulat: quæ mihi metipsi amississima est. Faciā quod te sæpe animaduerti facere Hortensi: totam causam meæ dictionem certas in partes diuidam. tu id semper facis: quia semper potes. ego in hac causa faciā: propterea quod in hac uideor posse facere. quod tibi natura dat: ut semper possis: id mihi causa dat: ut hodie possim. certos mihi fines terminosq; constituam: extra quos egredi non possim: si maxime uelim: ut & mihi sit propositum de quo dicam: & Hortensius habeat exposita: ad quæ respondeat: & tu C. Aquili iam ante animo prospicere possis, quibus de rebus auditorus sis. Nego mus te bona P. Quintij Sexte Neui possedisse ex edicto Prætoris. In eo sponsio facta est. Ostendam primū causam non fuisse: cur à Prætore postulares: ut bona P. Quintij possideres. deinde, ex edicto te possidere nō potuisse. postremo, non possedisse. Quæso C. Aquili uosq; qui estis in consilio: ut quid pollicitus sim: diligenter memoriæ mandetis. & enim rem facilius totam accipietis: si hæc memineritis: & me facile uestra exiſtimatione reuocabitis: si extra hos cancellos egredi conabor: quos mihi ipse circumdedi. Nego fuisse causam cur postularet. nego ex edicto possidere potuisse. nego possedis

se. hæc tria cum docuero: perorabo. Non fuit causa  
 cur postulares. qui hoc intelligi potest? quia Sex. Neuius  
 neq; ex societatis ratione, neq; priuatim quicquam de-  
 buit Quintius. quis huic rei testis est? idem qui acerrimus  
 aduersarius. in hac re te inquam testem Neui cita-  
 bo. annum & eo diutius post mortem C. Quintij fuit  
 in Gallia tecum simul Quintius: doce te petisse ab eo  
 istam nescioquam innumerabilem pecuniam: doce ali-  
 quando mentionem fecisse: dixisse deberi: debuisse con-  
 cedere. moritur C. Quintius: qui tibi, ut ais, certis vo-  
 minibus grâdem pecuniâ debuit. hæres eius P. Quin-  
 tius in Galliam ad te ipsum uenit in agrum commu-  
 nem: eod deniq; ubi non modo res erat: sed ratio quoq;  
 omnis, & omnes literæ. quis tam dissolutus in re fami-  
 liari fuisset? quis tam negligens? quis tam tui Sexte dissi-  
 milis? qui cum res ab eo, qui cum contraxisset: recessis-  
 set: & ad hæredem peruenisset: non hæredem cum præ-  
 mium uidisset, certio rem faceret? appellaret? rationem  
 afferret? si quid in controuersiam ueniret: aut intra pa-  
 rietes, aut summo iure ex periretur? ita ne est? quod uir-  
 optimi faciunt: si qui suos propinquos ac necessarios at-  
 ros & honestos esse atq; haberi uolunt: id Sex. Neuius  
 nō faceret? qui usq; eo feruet ferturq; auaricia: ut de su-  
 is commodis uelit aliquam partem amittere: nequam  
 partem huic propinquo suo ullius ornamenti relinquat.  
 & is pecuniam si qua deberetur non peteret? qui quia  
 quod debitum nunquam est, id datum non est: non pe-  
 cuniam modo, ueruetiam hominis propinqui sangui-  
 nem uitamq; eripere conatur. huic tu molestus esse uide-  
 licet nolust: quem nūc respirare libere non sinis? quē  
 nunc interficere nefarie cupis: eum tum pudēter appel-

lare nolebas? Ita credo: hominem propinquum, tui ob-  
seruantem, uirum bonum, prudentem, maiorem natu,  
nolebas, aut non audebas appellare. sæpe, ut fit, cum  
ipse te confirmasset: cum statuisset de pecunia mentionē  
facere: cum paratus meditatusq; uenisset: homo timi-  
dus, uirginali uerecundia, subito ipse te retinebas: ex-  
ridebat repente oratio: cum cuperes appellare, non au-  
debas: ne inuitus audiret. id erat profecto. credamus  
hoc: Sex. Neuium, cuius caput oppugnet, eius auribus  
peperisse. Si debuisset Sexte: petisses statim: si non sta-  
tim: paulo quidem post: si non paulo: at aliquando: sex  
quidem illis mensibus profecto: anno uertente sine con-  
trouersia: anno et sex mensibus uero, cum tibi quotidie  
potestas hominis fuisset admonendi: uerbum nullum fa-  
cis: biennio iam confecto fere' appellas. quis tam perdi-  
tus ac profusus nepos, non ad se iam, sed abundanti pe-  
cunia sic dissolutus fuisset? ut fuit Sex. Neuius? cum ho-  
minē nomino: satis mihi uidetur dicere. debuit tibi C.  
Quintius. nunquam petisti. mortuus est ille: res ad hæ-  
redem uenit: cum eum quotidie uideres: post biennium  
deniq; appellas. dubitabitur utrū sit probabilius: Sex.  
Neuium statim si quid deberetur: petiturum fuisse? an  
ne appellaturum quidem biennio? appellandi tempus  
non erat? at tecum anno plus uixit. in Gallia agi non  
potuit? at & in prouincia ius dicebatur: & Romæ iudi-  
cia fiebant. restat, ut aut summa ne gligentia tibi obsti-  
terit: aut unica liberalitas. si ne gligentiam dices: mira-  
bimur. si bonitatem: ridebimus. neq; præterea quid pos-  
sis dicere inuenio. Satis est argumenti nihil esse debitum  
Neuius: quod tam diu nihil petiuit. qd si hoc ipsum quod  
nunc facit: ostendo testimonio esse, nihil deberi? qd enim

nunc agit Sex. Neniū? qua de re controuersia est? quod est hoc iudiciū: in quo iam biennium uersamur? quid negocij geritur: in quo ille tot et tales uiros defatigat? pecuniam petit. nunc deniq? ueruntamen petit. audiamus. de rationibus & controuersijs societatis mult diu dicari. sero. uerum aliquando tamen. concedamus. Nō inquit id ago C. Aquili: neq; in eo nunc laboro. pecunia mea tot annos utitur P. Quintius. utatur sane. nō peto. quid igitur pugnas? an, quod sæpe multis in locis dixisti: ne in ciuitate sit? ne locum suum quem adhuc honestissime defendit: obtineat? ne numeretur inter uiuos? decernat de uita & ornamentis suis omnibus? apud iudicem causam priore loco dicat? & eam cum orarit: tū deniq; uocē accusatoris audiat? quid? hoc quo pertinet? ut ocius ad tuum peruenias? at, si id uelles, iam pridem actum esse poterat. ut honestiore iudicio consistere? at si ne summos celere P. Quintium propinquum tuum iugulare non potes. ut facilius iudiciū sit? at neq; C. Aquilius de capite alterius libenter iudicat: & Q. Hortensius contra caput non didicit dicere. quid à nobis autem C. Aquili refertur? pecuniam petit. negamus debere. iudiciū fiat statim. non recusamus. nunquid præterea? si ueretur, ut res iudicio facto parata sit: iudiciū solui satis accipiat. qbus à me uerbis satis accipiet: isdem ipse quod peto, satis det. actum iam potest esse C. Aquili: iam tu potes discedere liberatus molestia prope dictam nō minore, quam Quintius. quid agimus Hortensi? quid de hac conditione dicimus? possumus aliquando depositis armis, sine periculo fortunarum, de re pecuniaria disceptare? possumus ita rem nostram persequi? ut hominis propinqui caput incolumē esse patiamur? pos



*Simus petitoris personam capere? accusatoris deponere? immo inquit abs te satis accipiam: ego autem tibi non satis dabo. quis tandem nobis ista iura tam æqua describit? quis hoc statuit? quod æquum sit in Quintium: id iniquum esse in Nevium? Quintij bona inquit ex edicto prætoris possessa sunt. ergo id ut confitear, postulas. ut quod nunquam factum esse iudicio defendimus: id perinde quasi factum sit nostro iudicio confirmemus. inueniri ratio C. Aquili non potest? ut ad suum quisque quamprimum sine cuiusquam dedecore, infamia, perniciëque perueniat? profecto siquid deberetur: peteret: nõ omnia iudicia fieri mallet: quàm unũ illud unde hæc omnia iudicia nascuntur. Qui inter tot annos ne appellaret quidem Quintium: cum potestas esset agendi quotidie: qui quo tempore primũ male agere cœpit: in uadimonij differendis tempus omne consumpsit: qui postea quoque uadimonium missum fecerit: hunc per insidias ui de agro communi deiecerit: qui, cum de re agendi nullo recusante potestas fuisset: sponsionem de probro facere maluerit: qui, cum reuocetur ad id iudicium unde hæc nata sunt omnia: conditionem æquissimam repudiet: fateatur se non pecuniam sed uitam et sanguinem petere: is non hoc palàm dicit? mihi siquid debetur peterem: atque adeo iam pridẽ abstulissẽ: nihil hoc tanto negotio, nihil tam inuidioso iudicio, nihil tam copiosa aduocatione uterer: si petendum esset. extorquendum est inuito atque in gratis: quod non debet, eripiendũ atque exprimendum est: de fortunis omnibus P. Quintius deturbandus est: potentes, disertis, nobiles omnes aduocandi sunt: adhibenda uis est ueritati: minæ iactentur: pericula intendantur: formidines opponantur: ut*

his rebus aliquando uictus & perterritus ipse cedat.  
 quæ me hercule omnia, cum qui contra pugnet, uideo:  
 & cum illum confesum considero: adesse atq; impende  
 re uidetur: neq; uitari ullo modo posse. cum autem ad te  
 C. Aquili oculos animumq; retuli: quo maiore conatu  
 studioq; aguntur: eo leuior a infirmior aq; existimo. Ni  
 hil igitur debuit: ut tu ipse prædicas. quid? si debuisset:  
 continuo ne causa fuisset: cur à Præatore postulares: ut  
 bona possideres? non opinor id quidē, neq; ius esse: neq;  
 cuiquam expedire. quid igitur demonstrat? uadimonium  
 sibi ait esse desertum. ante quàm doceo id factum non  
 esse: libet mihi C. Aquili ex officij ratione, atq; ex om-  
 nium consuetudine rem ipsam & factum simul Sex-  
 Neuij considerare. ad uadimonium non uenerat ut ais,  
 is: qui cum tibi affinitas, societas, omnes deniq; causæ, et  
 necessitudines ueteres intercedebant. illicone ad Præto-  
 rem ire conuenit? continuo ne uerum fuit postulare:  
 ut ex edicto bona possidere liceret? ad hæc extrema  
 & inimicissima iura tam cupide decurrebas? ut tibi  
 nihil in posterum, quod grauius atq; crudelius face-  
 re posses: reseruares. nam quid homini potest turpius,  
 quid uero miseriùs, aut acerbius usu uenire? quod tan-  
 tum euenire dedecus? quæ tanta calamitas inueniri po-  
 test? pecuniam si cupiam fortuna ademit: aut si alicui  
 ius eripuit iniuria: tamē dum existimatio est integra,  
 facile consolatur honestas egestatem. at non nemo aut  
 ignominia affectus, aut iudicio turpi conuictus, bo-  
 nis quidem suis utitur: alterius opes, id quod miserru-  
 mum est: non expectat. hoc tamen in miserijs adiu-  
 mento & solatio sublenatur. Cuius uero bona uenie-  
 runt: cuius non modo illæ amplissimæ fortunæ, sed  
 etiam uictus

etiam uictus uestitusq; necessarius sub præcone cum dedecore subiectus est: is non modo ex numero uiuorum exturbatur: sed, si fieri potest: infra etiam mortuos mandatur. etenim mors honesta sæpe uitam quoq; turpem exornat: uita turpis ne morti quidem honestæ locum relinquit. ergo hercule cuius bona ex edicto possidentur: huius omnis fama, & existimatio cum bonis simul possidetur. de quo libelli in celeberrimis locis proponuntur: huic ne perire quidem certe tacite obscurèq; conceditur. cui magistri fiunt: & domini constituentur: qui qua lege, & qua conditione pereat, pronuntient: de quo homine præconis uox prædicat: & præcium conficit: huic acerbissimum uiuo uidentiq; funus ducitur: si funus id habendum sit: quo non amici conueniunt ad exequias cohonestandas: sed bonorum emptores, ut carnifices, ad reliquias uitæ lacerandas, et distrahendas. Itaq; maiores nostri raro id accidere uoluerunt: Prætores, ut considerate fieret, comparauerunt. uiri boni cum palam fraudantur: cum experiūdi potestas non est: timide tamen & pedetentim istuc descendunt, ui ac necessitate coacti, inuiti, multis uadimonij desertis, sæpe illusi ac destituti. considerant enim quid & quantum sit, alterius bona proscribere. ingulare ciuem ne iure quidem quisquam bonus uult. mauult enim commemorare se, cum posset perdere: peperisse: quam cum parcere potuerit: perdidisse. hæc in homines alienissimos, deniq; inimicissimos, uiri boni faciunt, & hominum existimationis, & communis humanitatis causa: ut cum ipsi nihil alteri scientes incommodarint: nihil ipsis iure incommodi cadere possit. ad uadimonium non uenit. quis? propinquus. si

res ista grauissima sua sponte uideretur: tamen eius atrocitas necessitudinis nomine leniretur. ad uadimonium non uenit. quis? socius. etiam grauius aliquid ei deberes concedere: qui cum te aut uoluntas congregasset: aut fortuna coniunxisset. ad uadimonium non uenit. quis? is qui tibi praesto semper fuit. ergo in eum qui semel hoc commisit: ut tibi praesto non esset: omnia tela coniecisti: quae parata sunt in eos: qui permulta male agendi causa fraudandiq; fecerunt. Si de praedijs tuis ageretur Sex. Neui: si in paruula re captionis aliquid uererere: non statim ad C. Aquiliu, aut ad eorum aliquem, qui consuluntur: concurrisses? cum ius amicitiae, societatis, affinitatis ageretur: cum officij rationem atque existimationis ductu conueniret: eo tempore tu non modo ad C. Aquiliu, aut L. Lucullu, sed ne ipse quidem te consulisti: sed ne ipse quidem ad te retulisti: ne haec quidem tecum locutus es: horum duae fuerunt: Quintus ad uadimonium non uenit: quid ago? si me hercule haec tecum duo uerba fecisses: quid ago? respirasset cupiditas atq; auaricia paululum: aliquid loci rationi & consilio dedisses: tu te collegisses: non in eam turpitudinem uenisses: ut hoc tibi esset apud tales uiros confitendum: qua tibi uadimonium non sit obitum, eadem te hora consilium coepisse, hominis propinqui fortunas funditus euertere. Ego pro te nunc hoc consulo post tempus in aliena re: quod tu in tua re, cum tempus erat, consulere oblitus es. quaero abs te C. Aquili, L. Luculle, P. Quintili, M. Marcellae: uadimonium mihi non obijt quidam socius & affinis meus: qui cum mihi necessitudo uetus, controuer sua de re pecuniaria recens, intercedit: postulo ne a Prae



tore: ut eius bona mihi possidere liceat? an cum Ro-  
mæ domus eius, uxor, liberi sint: domum potius denū-  
tiam? quid est quod hac tandem de re uobis possit uide-  
ri? profecto si recte uestram bonitatem atq; pruden-  
tiam cognoui: non multum me fallit: si consulamini:  
quid sitis responsuri. primum expectare: deinde si la-  
titare, ac diutius ludificare uideatur: amicos conueni-  
re: querere quis procurator sit: domum denuntiare.  
dici uix potest quàm multa sint: quæ respondeatis ante  
fieri oportere: quàm ad hanc rationem extremam ne-  
cessariam deuenire. quid ad hæc Neuius? ridet scilicet  
nostram amentiam: qui in uita sua rationem summæ  
officij desideremus: & instituta bonorum uirorum re-  
quiramus. quid mihi inquit cum ista summa sanctimo-  
nia, ac diligentia? uiderint inquit ista officia uiri bo-  
ni. de me ista considerent: non quid habeam: sed qui-  
bus rebus inuenerim quærant: & quemadmodum  
natus: & quo pacto educatus sim. memini, uetus est de-  
scurra: multo facilius diuitem quàm patrem familias  
fieri posse. hæc ille si uerbis non audet: re quidem ue-  
ra palàm loquitur. Etenim si uult uirorum bonorū  
instituto uiuere: multa oportet discat: atque dediscat:  
quorum illi ætati utrunq; difficile est. non dubitauit  
inquit cum uadimonium desertum esset: bona proscri-  
bere. improbe. uerum, quoniam tu id tibi arrogas: et  
concedi postulas: concedamus. quid si nunquam dese-  
ruit? si ista causa abs te tota per summam fraudem et  
maliciam ficta est? si uadimonium omnino tibi cum  
P. Quintio nullum fuit? quo te nomine appellemus?  
improbum? at etiam si desertum uadimonium esset:  
tamen in ista postulatiōe et proscriptione bonorū im-

probissimus reperiebare. nū maliciosum? negas. fraudulentum? iam id quidem arrogas tibi: et praeclarum putas. audacem? cupidum? perfidiosum? vulgaria & obsoleta sunt: res autem noua et inaudita. qd ergo est? uercor mehercule, ne aut grauioribus utar uerbis: quam natura fert: aut leuioribus, quā causa postulat. ais esse uadimonium desertum. quæsiuit à te statim, ut Romam redyt Quintius: quo die uadimonium istuc factum esse diceres. respondisti statim nonis Februarij. discedens in memoriam redyt Quintius: quo die Roma in Galliam profectus sit: ad Ephemeridem reuertitur: inuenitur dies profectionis, pridie Cal. Februarij. nonis Februarij si Romæ fuit: causæ nihil dicimus: quin tibi uadimoniū promiserit. quid? hoc inueniri qui potest? profectus est una. L. Albius homo cum primis honestus. dicet testimonium. prosecuti sunt familiares & Albium & Quintium. dicent hi quoq; testimonium. literæ P. Quintij: testes tot: quibus omnibus causa iustissima est, cur scire potuerint: nulla, cur mentiantur: cum à stipulatore tuo comparabuntur. et in hac eiusmodi causa P. Quintius laborabit? et diutius in tanto metu miser periculoq; uersabitur? & uehementius eum gratia aduersarij perterrebit? quam fides iudicis consolabitur? uixit enim semper inculte atq; horride: natura tristi ac recondita fuit: non ad solarium, non in campo, non in conuiujs uersatus est: id egit: ut amicos obseruantia, rem parsimonia retineret: antiquam officij rationem dilexit: cuius splendor omnis his moribus obsoleuit. at si in causa pari discere inferior uideretur: tamen esset non mediocriter cōquerendum. nunc in causa superiore: ne ut par quidē

sit, postulat: inferiorem esse patitur: duntaxat usq; eo, ne cum bonis, fama, fortunisq; omnibus Sex. Neui cupiditati crudelitatiq; dedatur. Docui quod primum pollicitus sum C. Aquili: causam omnino cur postulat: non fuisse: quod neq; pecunia debebatur: & si maxime deberetur: commissum nihil esset: quare ad istam rationem perueniretur. Attende nunc, ex edicto Prætoris, bona P. Quintij possidere nullo modo potuisse. Tracta edictum. QVI FRAVDATIONIS CAUSA. Non est is Quintius, nisi latitaverit, qui ad negotium suum relicto procuratore proficiscitur. CVI HAERES NON EXTABIT. Ne is quidem. QVI EXILII CAUSA SOLVM VERTERIT.

Quo tempore existimas oportuisse Neui absentem Quintium defendi? aut quomodo? tum, cum postulabas, ut bona possideres: nemo adfuit. neq; enim quisquam diuinare poterat, te postulaturum. neq; quenquam attinebat id recusare: quod Præ. non fieri: sed ex edicto suo fieri iubebat. qui locus igitur absentis defendendi procuratori primus datus est: cum proscribebas. ergo affuit: non passus est: libellos deiecit Sex. Alphenus. qui primus erat officij gradus: servatus est à procuratore summa cum diligentia. uideamus quæ deinde sint consecuta. hominem P. Quintij deprehendis in publico: conaris abducere: non patitur Alphenus: ui tibi admittit: curat ut domum reducat: ad Quintium. hic quoq; summe constat procuratoris diligentis officium. debere tibi dici Quintium. procurator negat. uadari



uis. promittit. in ius uocas. sequitur. iudiciū postulas. non recusat. quid aliud sit absentem defendi: ego non intelligo. at quis erat procurator? credo aliquem eictum hominem, egentem, litigiosum, improbum: qui posset scurræ diuitis quotidianum conuictum sustinere. nihil minus. Eques Ro. locuples, sui negocij bene gerens, deniq; is, quem quotiens Neuius in Galliam profectus est, procuratorem Romæ reliquit. et audes Sex. Neui negare absentem defensum esse Quintium: cum eum defenderit idem, qui te solebat: & cum is iudiciū acciperet pro Quintio: cui tu & rem et famam tuam commendare proficiscens, & concedere solebas: conaris hoc dicere: neminem extitisse qui Quintium iudicio defenderet. postulabam inquit ut satisfaceret iniuria postulabas: ita uidebare: recusabat Alphenus. ita: uerum Prætor decernebat. tribuni igitur appellabatur. hic te inquit teneo: non est istud pati: neq; iudicio defendere: cum auxilium à tribunis petas. hoc ego, cum attendo qua prudentia sit Hortensius: dicturum esse eum non arbitror: cum autem antea dixisse audio: & causam ipsam considero: quid aliud dicere possit, non reperio. fatetur enim libellos Alphenum deiecisse: uadimonium promisisse: iudiciū quin acciperet in ea ipsa uerba, quæ Neuius edebat: non recusasse: ita tamen more & instituto per eum magistratum, qui auxilij causa constitutus est. aut hæc facta non sint, necesse est: aut C. Aquilius talis uir iuratus hoc ius in ciuitate constituat: cuius procurator non omnia iudicia acceperit: quæ quisq; in uerba postularit: cuius procurator à Prætore ad Tribunos appellare ausus sit: eum non defendi: eius bona recte

possideri posse: ei misero, absenti, ignaro *fortunarum*  
*suarum*, omnia uitae ornamenta per summum dedecus,  
 & ignominiam diripi conuenire. quod si probari ne-  
 mini potest: illud certe probari omnibus necesse est: de-  
 fensum esse iudicio absentem *Quintium*. Quod cum  
 ita est: ex edicto bona possessa non sunt. At enim *Tr.*  
*pl.* ne audierunt quidem. fateor, si ita est, procuratorē  
 decreto *Pr. R.* oportuisse parere. quid si *M. Brutus* in-  
 tercessurum se dixit palam: nisi quid inter ipsum *Al-*  
*phenum* & *Nenium* conueniret? uidetur ne interces-  
 sisse appellatio *Tribunorum*: nō morae sed auxilij cau-  
 sa? quid deinde fit? *Alphenus* ut omnes intelligere  
 possent: iudicio defendi *Quintium*: ne qua subesse pos-  
 set aliena aut ipsius officio, aut huius existimatione su-  
 spicio: uiros bonos complures aduocat: testatur isto au-  
 diente, se pro communi necessitudine id primum pete-  
 re: nequid atrocius in *P. Quintium* absentem sine cau-  
 sa facere conetur. sin autem inimicissime atq; infestissi-  
 me contendere perseveret: se paratum esse omni recta  
 atq; honesta ratione defendere. quod petat, non debe-  
 ri. se iudicio, id quod edat, accipere. cuius rei conditio-  
 nisq; tabellas ob signauerunt iuri boni complures. res  
 in dubium uenire non potest. fit rebus omnibus inte-  
 gris, neq; proscriptis, neq; possessis bonis, ut *Alphenus*,  
 promittat *Nenio* sisti *Quintium*. uenit ad uadimonium  
*Quintius*. tacet res in controuersis isto calumniante  
 biennium: usq; dum inueniretur. qua ratione res ab  
 usitata consuetudine recederet: & in hoc singulare iu-  
 diciū causa omnis concluderetur. quod officium *Aqui-*  
*li* commemorari procuratoris potest: quod ab *Alphe-*  
*no* praeteritum esse uideatur? quid affertur: quare *P.*

Quintius absens negatur esse defensus? an uero id  
 qđ Hortensiū, quia nuper iniecit: et qđ Neuius semper  
 id clamat: dicturū arbitror: nō fuisse Neuius parē cer-  
 tationē cum Alpheno, illo tempore, illis dominātibus.  
 quod si uelim confiteri: illud opinor concedent: non  
 procuratorē P. Quintij neminē fuisse: sed gratiosum  
 fuisse. mihi autē ad uincendū satis est, fuisse procu-  
 rato-  
 re: qđ cum experiri posset. qualis is fuerit: si modo absen-  
 tem defendebat per ius & magistratum: nihil ad rem  
 arbitror pertinere. Erat inquit illarū partium. quid  
 ni? qui apud te esset educatus: quem tu a puero sic in-  
 stituisses: ut nobili, ne gladiatori quidem hæreret: sicut  
 tu semper summe concupisti. idem uolebat Alphenus.  
 ea re tibi cum eo par contentio erat. Bruti inquit erat  
 familiaris. itaq; is intercedebat. tu contra Burrieni: qui  
 iniuriam decernebat: omnium deniq; illorum, qui  
 tum & poterant per uim & scelus plurimum: &  
 quod poterant id audebant. an omnes tu istos uincere  
 uolebas: qui nunc tu ut uincas: tantopere laborant? ais  
 de id dicere, non palam, sed his ipsis quos aduocasti.  
 tamen si nolo eam rem commemorando renouare: cuius  
 omnino rei memoriam omnem tolli funditus ac dele-  
 ri arbitror oportere. unum illud dico: si propter par-  
 tium studium potens erat Alphenus: potentissimus Ne-  
 uius. si fretus gratia postulabat aliqd iniquius Alphe-  
 nus: multo iniquiora Neuius impetrabat. neq; enim  
 inter studium uestrum, quicquam, ut opinor inter-  
 fuit. ingenio, uetustate, artificio, tu facile uicisti. ut alia  
 omittam: hoc satis est. Alphenus cum his, & propter  
 eos perijt: quos diligebat. tu postquam, qui tibi erant  
 amici, nō poterant uincere: ut amici tibi essent, qui uina



cebant: effecisti. quod si tum par tibi ius cum Alphe-  
nio fuisse non putas: quia tamen aliquem contra te ad  
uocare poterat: quia magistratus aliquis reperienda-  
tur: apud quem Alpheni causa consisteret: quid hoc  
tempore Quintio statuendum est? cui neq; magistra-  
tus adhuc æquus inuentus est: neq; iudicium redditum  
est usitatum: non conditio, non sponsio, non deniq; ulla  
unquã intercessit postulatio, mitto æqua: uerum ante  
hoc tempus, ne fando quidẽ audita. De re pecuniaria  
cupio contendere. nõ licet. at ea controuersia est. nihil  
ad me attinet: causam capitis dicis oportet. accusa: ubi  
ita necesse est. non inquit, nisi tu ante nouo modo prio-  
re loco dixeris. dicendum necessario est. restituendæ  
horæ ad arbitrium nostrum. Iudex ipse arcessetur.  
Quid tum? tu aliquem patronum inuenies hominem  
antiqui officij: qui splendorem nostrum & gratiam  
negligat? pro me pugnabit L. Philippus, eloquentia,  
grauitate, honore, florentissimus ciuitatis. dicet Hor-  
tensius excellens ingenio, nobilitate, existimatione.  
aderunt autem homines nobilissimi, ac potentissimi:  
quorum frequentiam & confessum non modo P.  
Quintius, qui de capite decernit: sed quiuis, qui extra  
periculum sit: perhorrescat. Hæc est iniqua certatio:  
non illa qua tu contra Alphenum equitabas. huic ne  
ubi consisteret quidẽ contra te locum reliquisti. Qua-  
re aut doceas oportet: Alphenum negasse se procurato-  
rem esse: nõ deiecisse libellos: iudicium accipere noluis-  
se: aut, cum hæc facta sint: ex edicto te bona P. Quin-  
tij non possedisse concedas. & enim si ex edicto possedi-  
sti: quæro cur bona non uenierint? cur cæteri sponso-  
res & creditores non conuenerint? nemo ne fuit cui

deberet Quintius? fuerunt: et complures fuerunt: pro-  
 pterea quod C. frater aliquantum aeris alieni relinque-  
 rat. quid ergo est? homines erant ab hoc omnes alie-  
 nissimi: & his debebatur: neq; tamen quisquam inue-  
 tus est tam insignite improbus: qui uiolare P. Quin-  
 tij existimationem absentis auderet. unus fuit, affinis,  
 socus, necessarius, Sex. Neuius: qui, cū ipse ultro de-  
 beret: quasi eximio præmio sceleris exposito, cupidis-  
 sime contenderet: ut per se afflictum atq; euersum pro-  
 pinquū suum non modo honeste partis bonis, uerū  
 etiam communi luce priuaret. ubi erant cæteri credi-  
 tores? deniq; hoc tempore ubi sunt? quis est qui frau-  
 dationis causa latuisse dicat? quis qui absentem de-  
 fensum neget esse Quintium? nemo inuenitur. at con-  
 tra omnes, quibus cum ratio huic aut est, aut fuit: af-  
 sunt: defendunt: fides huius multis locis cognita ne  
 perfidia Sex. Neuij derogetur: laborant. In huiusmo-  
 di sponsonē, testes dare oportebat, ex eo numero: quī  
 hæc dicerent: uadimonium mihi deseruit: me fraudauit:  
 a me nominis eius, quod inficiatus esset: diem pe-  
 tuit: ego experiri non potui: latitauit: procuratorem  
 nullum reliquit. horum nihil dicitur. parantur testes:  
 qui hæc dicant. uerum opinor uiderimus, cum dixe-  
 rint. unum tamen hoc cogitent: ita se graues esse: ut, si  
 ueritatem uolent retinere: grauitatem possint obtine-  
 re. si eā negligent: ita leues sint: ut omnes intelligant,  
 non ad obtinendum mendacium, sed ad uerum pro-  
 bādum, authoritatem adiunare. Ego hæc duo quæro:  
 primum qua ratione Neuius susceptum negotium non  
 transegerit: hoc est cur bona, quæ ex edicto posside-  
 bat: non uendiderit. deinde cur ex tot creditoribus

alijs ad istam rationem nemo accesserit: ut necessario  
confiteare: neq; eorum tam temerarium quēquam fuis-  
se: neq; te ipsum id quod turpissime suscepisses: perseue-  
rare & transigere potuisse. Quid si tu ipse Sex. Ne-  
ui statuisti bona P. Quintij ex edicto possessa non es-  
se? opinor tuum testimonium, quod in aliena re leue  
esset: id in tua, quoniam contra te est: grauissimum de-  
bet esse. Emisti bona Sex. Alpheni L. Sylla Dictato-  
re uendente: socum tibi in huius bonis edidisti Quin-  
tium. plura non dico. cum eo tu uoluntariam societate  
coibas: qui te in hæreditaria societate fraudarat:  
& eum iudicio tuo comprobabas: quem spoliatum fa-  
ma fortunisq; omnibus arbitrabare. Diffidebā me  
hercule C. Aquili satis animo certo & confirmato me  
posse in hac causa consistere: sic cogitabam: cum con-  
tra dicturus esset Hortensius: & cum esset attente au-  
diturus Philippus: fore uti permultis in rebus timore  
prolaberer. dicebā huic Q. Roscio, cuius soror est cū  
P. Quintio: cum à me peteret: et summe contenderet:  
ut propinquum suum defenderem: mihi perdifficile  
esse contra tales oratores non modo tantā causam per-  
orare: sed omnino uerbum facere conari. cum cupi-  
dius instaret: homini pro amicitia familiarius dixi:  
mihi uideri ore durissimo esse: qui præsente co gestum  
agere conaretur. qui uero cum ipso contenderent: eos  
etiam siquid antea recti aut uenusti habere uisi sunt:  
id amittere. nequid mihi eiusmodi accideret: cum con-  
tra talem artificem dicturus essem: me uereri. tum mi-  
hi Roscius & alia multa confirmandi mei causa di-  
xit: et mehercule si nihil diceret: tacito ipso officio, &  
studio, quod habebat erga propinquum suum: quēuis



commoueret. etenim cum artifex eiusmodi sit: ut solus dignus uideatur esse: qui in scaena spectetur: tum uir eiusmodi est: ut solus dignus uideatur: qui eò non accedat. ueruntamen, quid si inquit habes eiusmodi causam? ut hoc tibi planum sit faciendum: neminem esse: qui possit biduo, ad summum triduo, septingenta milia passuum ambulare? tamen ne uereris ut possis hæc contra Hortensium contendere? minime inquam. sed quid id ad rem? nimirum inquit in eo causa consistit. quomodo? docet me eiusmodi rem, & factum simul Sex. Neuij: quod si solum proferretur: satis esse deberet. quod, abs te C. Aquili, & a uobis qui adestis in consilio, quaeso, ut diligenter attēdatis: profecto intelligetis, illinc ab initio cupiditatem pugnassee, & audaciam. hinc ueritatem, & pudorem, quoad potuerit: restituisse. bona postulas ut ex edicto possidere liceat, quo die? te ipsum Neui uolo audire: uolo inauditum facinus, ipsius, qui id commisit: uoce conuinci. dic Neui diem. ante V Cal. intercalares. bene agis. quam longe est hinc in saltum uestrum Gallicanum? Neui te rogo. DCC millia passuum. optime. de saltu deijctur Quintius, quo die? possumus hoc quoque ex te audire? quid taces? dic inquam diem. pudet dicere. intelligo. uerum, & sero, & ne quicquam pudet. deijctur de saltu C. Aquili pridie Cal. intercalares. biduo post, aut, ut statim de iure aliquis concurrerit: non toto triduo DCC millia passuum conficiuntur. O' rem incredibilem: O' cupiditatem inconsideratam: O' nuncium uolucrum. administri & satellites Sex. Neuij Roma transalpis in sebusianos biduo ueniunt. O' hominem fortunatum: qui eiusmodi nuncios seu po-

tius pegasos habeat . hic ego si Crassi omnes cum  
 Antonys existant : si tu L. Philippe, qui inter illos  
 florebas : hanc causam uoles cum Hortensio dice-  
 re : tamen superior sim necesse est . Non enim , quem-  
 admodum putatis : omnia sunt in eloquentia . est quæ  
 dam tamen ita perspicua ueritas : ut eam infirmare  
 nulla res possit . an antequam postulasti , ut bona pos-  
 sideres : misisti , qui curarent : ut dominus de suo fundo  
 a sua familia ui deiceretur ? utrūlibet elige . alterum  
 incredibile est : alterum nefarium . Et ante hoc tem-  
 pus utrunq; inauditum . Septingenta millia passuū uis  
 esse decursa biduo ? dic . negas ? ante igitur misisti . malo .  
 Si enim illud diceres : improbe mentiri uiderere . cum  
 hoc confiteris : id te admisisse concedis : quod ne menda-  
 cio quidē tegere possis . hoc consilium Aquilio et tali-  
 bus uiris tam cupidum , tam audax , tam temerarium  
 probabitur ? quid hæc amentia ? quid hæc festinatio ?  
 quid hæc immaturitas tanta significat ? non uim ? non  
 scelus ? nō latrocinium ? non deniq; omnia potius quam  
 ius , quā officium , quā pudorē ? mittis iniussu Præ-  
 toris . quo consilio ? iussurum sciebas ? quid ? cum iussis-  
 set : tum mittere non ne poteras ? postulaturus eras .  
 quando ? post dies XXX . nempe si te nihil impediret :  
 si uoluntas eadem maneret : si ualeres : deniq; si uiue-  
 res . Prætor iussisset . opinor si uellet : si ualeret : si ius  
 diceret : si nemo recusaret : qui ex ipsius decreto Et sa-  
 tis daret : Et iudicium accipere uellet . nam per deos  
 immortales si Alphenus procurator P. Quintij tibi  
 tum satis daret : et iudiciū accipere uellet : deniq; omnia  
 quæ postulares : facere uoluisset : quid ageres ? reuoca-  
 res eum quem in Galliam miseras ? at hic quidem iam

de fundo expulsus, iam a suis dijs pœnatibus præceps  
 eiecctus, iam, quod indignissimum est: suorum ser-  
 uorum manibus nuncio atq; imperio tuo uiolatus es-  
 set. corrigeres hæc scilicet tu postea. De cuiusquam ui-  
 ta dicere audes: qui hoc concedas necesse est: ita te cecum  
 cupiditate & auaritia fuisse: ut cum postea quid futu-  
 ru esset, ignorares: accidere autem multa possent: spem  
 maleficij præsentis in incerto reliqui temporis euentu  
 collocares. Atq; hæc perinde loquor: quasi ipso illo tẽ-  
 pore, cum te Prætor iussisset ex edicto possidere: si in  
 possessionem misisses: debueris aut potueris P. Quin-  
 tium de possessione deturbare. Omnia sunt C. Aquili-  
 i eiusmodi: quiuis ut perspicere possit: in hac causa im-  
 probitatem, & gratiã, cum inopia, & ueritate conten-  
 dere. Prætor te quemadmodum possidere iussit? opi-  
 nor ex edicto. sponsio quæ in uerba facta est? si ex edi-  
 cto Pr. bona P. Quintij possessa non sunt? redeamus  
 ad edictum. id quidem quemadmodum iubet posside-  
 re? nun quid est causæ C. Aquili? quin si longe aliter  
 possedit: quàm Prætor edixit: iste ex edicto non pos-  
 sederit: ego sponsione uicerim? nihil opinor. cognosca-  
 mus edictum. QVI EX EDICTO MEO IN  
 POSSESSIONEM VENERIT. De te lo-  
 quitur Neui: quemadmodum tu putas: ais enim te ex  
 edicto uenisse: tibi quid facias, definit: te instituit: tibi  
 præcepta dat. EOS ITA VIDETVR IN  
 POSSESSIONE ESSE OPORTERE.  
 Quomodo? QVOD IBIDEM RECTE CV  
 STODIRE POTERVNT: ID IBIDEM  
 CVSTODIANT. QVOD NON POTE  
 RVNT: ID AVFERRE ET ABDVCERE

LICEBIT. Quid tum? DOMINVM (inquit)  
 INVITVM DETRVDERE NON PLACET.  
 eū ipsum, qui fraudandi causa latitet: eū ipsum, quem  
 iudicio nemo defendat: eum ipsum, qui cū omnibus cre-  
 ditoribus suis male agat: inuitū de prædio detrudi ue-  
 tat. proficiscenti tibi in possessionem Prætor ipse Sex-  
 Neni palam dicit. ita possideto: ut tecum simul possi-  
 deat Quintius: ita possideto: ut Quintio ius non aufe-  
 ratur. quid? tu id quemadmodum obseruas? mitto il-  
 lud dicere: eū qui nō latitaret: cui Romæ domus, uxor,  
 liberi, procurator esset: eum, qui tibi uadimonium nō  
 deseruisset: hæc omnia mitto: illud dico: domum  
 expulsū esse de prædio: domino a familia sua ma-  
 nus allatas esse ante suos lares familiares. hoc dico.

Nenium ne appellasse quidem Quintium: cum simul  
 esset: experiri posset quotidie. deinde quod omnia iu-  
 dicia difficillima cum summa sua inuidia, maximoq;  
 periculo P. Quintij fieri mallet: quàm illud pecunia-  
 rium iudicium: quod uno die transigi posset: ex quo  
 uno hæc omnia nata, & profecta esse concedit. quo  
 in loco conditionem tuli: si uellet pecuniam petere: P.  
 Quintium iudicatum solui satis daturum: dum ipse,  
 si quid peteret: pari conditione uteretur. ostendi quàm  
 multa ante fieri conuenerit: quā hominis propinqui bo-  
 na possideri postularentur: præsertim cum Romæ do-  
 mus eius, uxor, liberi essent, & procurator æque  
 utriusq; necessarius. docui cum desertum esse dicat ua-



dimonium: omnino uadimonium nullum fuisse: quo  
 die hunc sibi promississe dicat: eo die ne Romæ quidem  
 eum fuisse. id testibus me pollicitus sum planum factu-  
 rum: qui & scire deberent: & causam, cur mentiren-  
 tur, non haberent. ex edicto autem non potuisse bona  
 possideri, demonstraui: quod neq; fraudandi causa la-  
 titasset: neq; exilij causa solum uertisse diceretur. re-  
 liquum est: ut eum nemo iudicio defenderit: quod con-  
 tra copiosissime defensum esse contendit, non ab homi-  
 ne alieno, neq; ab aliquo calumniatore, atq; improbo,  
 sed ab Equite Ro. propinquo, & necessario suo: quem  
 ipse Sex. Neuius procuratorem relinquere antea con-  
 suet. neq; eum, si Tribunos appellarit: itarco minus  
 iudicio pati paratum fuisse. neq; potentia procurato-  
 ris Neuius creptum: contra istum potentia sua tum  
 tantummodo superiorem fuisse: nunc nobis uix respi-  
 randi potestatem dare. quæsiui quæ causa fuisset: cur  
 bona non uenissent: cum ex edicto possiderentur. de-  
 inde illud quoq; requisui: quæ ratione ex tot creditori-  
 bus nemo neq; tum idem fecerit: neq; nunc contradicat:  
 omnesq; pro P. Quintio pugnent: præsertim cum in  
 tali iudicio testimonia creditorum existimentur ad re-  
 maxime pertinere. Postea sum usus aduersarij testimo-  
 nio: qui sibi eum nuper edidit focum: quem quomo-  
 do nunc intendit: ne in uiuorum quidem numero tum  
 demonstrat fuisse. Tum illam incredibilem celerita-  
 tem seu potius audaciam protuli: confirmari necesse  
 esse: aut biduo DCC millia passuum esse decursa:  
 aut Sex. Neuium diebus compluribus ante in posse-  
 sionem misisse: quam postulare: uti ei liceret bona pos-  
 sidere. postea recitauit edictum: quod aperte dominum  
 de prædio

de prædio detrudi uetaret: in quo constitit. Neuium ex  
edicto non possedisse: cum confiteretur ex prædio ui  
detrusum esse Quintium. omnia autem bona possessa  
non esse constitur: quod bonorum possessio spectetur non  
in aliqua parte, sed in uniuersis, quæ teneri ac posside-  
ri possint. dixi Romæ domum fuisse: quo iste ne aspi-  
rarit quidem: seruos complures: ex quibus iste possede-  
rit neminem: ne attigerit quidem. unum fuisse quem  
attingere conatus sit: prohibitum fuisse: quiescisse. in  
ipsa Gallia cognostis in prædia priuata Quintij Sex.  
Neuium non uenisse. deniq; ex hoc ipso saltu, quem  
per uim expulso socio possedit: seruos priuatos Quin-  
tij nō omnes eiectiones esse. Ex quo, & ex cæteris dictis fa-  
ctis cogitatisq; Sex. Neuij quiuis potest intelligere istum  
nihil aliud egisse: neq; nunc agere: nisi uti per uim, per  
iniuriam, per iniquitatem iudicij, totum agrum qui  
communis est suum facere possit. Nunc causa per-  
orata, res ipsa & periculi magnitudo C. Aquili cogere  
uidetur: ut te, atq; eos, qui tibi in consilio sunt: obse-  
cret, obtesteturq; P. Quintius per senectutem ac soli-  
tudinem suam, nihil aliud, nisi ut uestre naturæ boni-  
tatiq; obsequamini. ut cum ueritas cū hoc faciat: plus hu-  
ius inopia possit ad misericordiam: quàm illius opes ad  
crudelitatem. quo die ad te iudicem uenimus: eodem die  
illorum minas, quas ante horrebamus: negligere cœpi-  
mus. Si causa cum causa contenderet: nos nostram per-  
facile cuius probaturos statuebamus. quod uitæ ratio  
cum ratione uitæ decerneret. itcirco nobis etiam ma-  
gis te iudice opus esse arbitrati sumus. Ea res enim  
nunc in discrimen uersatur: utrum ne possit se contra  
luxuriam, ac licentiam, rusticana illa atq; inculta par-

*simonia defendere: an deformata atq; ornamentis om-*  
*nibus spoliata, nuda cupiditati, petulantiaeq; addi-*  
*catur. nō comparat se tecum gratia P. Quintius Sex-*  
*Neui: non opibus, non facultate contendit: omnis tuas*  
*artes, quibus tu magnus es: tibi concedit. fatetur se non*  
*belle dicere: non ad uoluntatem loqui posse: non ab af-*  
*flicta amicitia transfugere: atq; ad florentem aliam de-*  
*uolare: non profusis sumptibus uiuere: nō ornare ma-*  
*gnifice splendideq; conuiuium: non habere domum*  
*clausam pudori & sanctimonie: patentem atque adeo*  
*expositam cupiditati & uoluptatibus. contra sibi of-*  
*ficiū, fidem, diligentiam, uitam omnino semper hor-*  
*ridam, atq; aridam cordi fuisse. ista superiora esse, ac*  
*plurimum posse his moribus sentit. quid ergo est? non*  
*usq; eo tamen ut in capite fortunisq; hominum hone-*  
*stissimorum dominantur hi: qui relictā bonorum ui-*  
*rorum disciplina, & quæstum & sumptum Gallo-*  
*nij sequi maluerunt: atq; etiam, quod in illo non fuit:*  
*cum audacia perfidiaq; uixerunt. Si licet uiuere eum,*  
*quem Sex. Neuius non uult. si est homini honesto locus*  
*in ciuitate inuito Neuiō: si fas est respirare P. Quin-*  
*tium contra nutum ditionemq; Neuij: si quæ pudore*  
*ornamenta sibi peperit, ea potest contra petulantiam*  
*te defendente obtinere: spes est, & hunc miserum atq; in-*  
*felicem aliquando tandem posse consistere. sin & poterit*  
*Neuius id quod libet: & ei libebit quod non licet: quid*  
*agendum est? qui deus appellandus est? cuius hominis fi-*  
*des imploranda est? qui deniq; quæstus, qui mæror di-*  
*gnus inueniri in calamitate tanta potest? Miserū est ex-*  
*turbari fortunis omnibus. miserius est, iniuria. acerbum*  
*est ab aliquo circumueniri. acerbius, à propinquo. calami*

tosum est bonis euerti. calamitosius, cum dedecore. fune-  
 stum est à forti atq; honesto uiro iugulari. funestus, ab eo  
 cuius uox in præconio quæstum præstitit. indignum est  
 à pari uinci aut superiore. indignius, ab inferiore, atq;  
 humiliore. luctuosum est tradi alteri cum bonis. luctuo-  
 sius, inimico. horribile est causam capitis dicere. horribi-  
 lius, priore loco dicere. omnia circumspectit Quintius:  
 omnia periclitatus est C. Aquili: non Prætorem modo,  
 à quo ius impetraret inuenire nō potuit: atq; adeo ne un-  
 de arbitrato quidem suo postularet: sed ne amicos qui-  
 dem Sex. Neuij: quorum sæpe & diu ad pedes iacuit  
 stratus, obsecrans per deos immortales, ut aut secum ius  
 re contenderent: aut iniuriam sine ignominia sibi im-  
 ponerent. Deniq; ipsius inimici uultum superbissimum  
 subiit: ipsius Sex. Neuij lachrimans manum apprehen-  
 dit, in propinquorum bonis proscribendis exercitatum:  
 obsecrauit per fratris sui mortui cinerem, per nomen pro-  
 pinquitatis, per ipsius coniugem & liberos, quibus pro-  
 prior P. Quintio nemo est: ut aliquando misericordi-  
 am caperet: aliquam, si non propinquitatis, at ætatis  
 suæ, si non hominis, at humanitatis rationem haberet:  
 ut secum aliquid integra sua fama, qualibet, dummo-  
 do tolerabili conditione transigeret. ab ipso repudiatus,  
 ab amicis eius non subleuatus, ab omni magistratu agita-  
 tus, atq; perterritus, quem præter te appellet, habet ne-  
 minem. tibi se, tibi suas omnis opes fortunasq; commen-  
 dat: tibi committit existimationem ac spem reliquæ ui-  
 tæ. multis uexatus contumelijs, plurimus iactatus inu-  
 rijs, non turpis ad te sed miser confugit. è fundo orna-  
 tissimo deiectus, ignominijs omnibus appetitus, cum  
 illum in suis paternis bonis dominari uideret: ipse filiae



## PRO SEX. ROSCIO

nubili dotem conficere non posset: nihil alienum tantem  
uita superiore commisit. Itaq; te hoc obsecrat C. Aquili:  
ut quam existimationem, quam honestatem in iu-  
diciū tuū propè acta iam ætate decursaq; attu-  
lit: eam liceat ci secum ex hoc loco offerre: ne is, de cui-  
us officio nemo unquam dubitauit: sexagesimo denique  
anno dedecore, macula, turpissimaq; ignominia, note-  
tur: ne ornamentis eius omnibus Sex. Neuius pro spolijs  
abutatur: ne per te ferat, quo minus quæ existimatio P.  
Quintum usq; ad senectutem perduxit: eadem usq; ad  
rogum prosequatur.

## PRO SEX. ROSCIO AMERINO ORA- TIO II.

REDO Ego uos Iud. mirari: quid sit,  
quod, cum tot summi oratores hominesq;  
nobilissimi sedeant: ego potissimum surre-  
xerim: qui neq; ætate, neq; ingenio, neq; au-  
thoritate sim cum his, qui sedcant: comparandus. omnes  
enim hi, quos uidetis adesse in hac causa: iniuriam no-  
uo scelere conflata putant oportere defendi: defendere  
ipsi propter iniquitatem temporum nō audent. ita fit, ut  
adsint propterea: quod officium sequuntur: taceant autem  
ita: quia periculum metuunt. quid ergo? audacissimus  
ego ex omnibus? minime. at tanto officiosior quàm cæteri?  
ne istius quidem laudis ita sum cupidus: ut alijs eam præ-  
reptam uelim. quæ me igitur res præter cæteros impu-  
lit? ut causam Sex. Roscij reciperem? quia si quis istorum  
dixisset: quos uidetis adesse: in quibus summa authoritas

est, atq; amplitudo: si uerbum de Rep. fecisset: id quod in hac causa fieri necesse est: multo plura dixisse, quam dixisset, putaretur. ego etiam si omnia, quæ dicenda sunt, libere dixero: nequaquã tamen similiter oratio mea exire, atq; in uulgus emanare poterit. deinde quod cæterorum neq; dictum obscurum potest esse propter nobilitatem, & amplitudinem: neq; temere dicto concedi propter ætatem & prudentiam. ego siquid liberius dixero, uel occultum esse. propterea, quod nondum ad Remp. accessi: uel ignosci adolescentiæ meæ poterit. tamen si non modo ignoscendi ratio, uerum etiam cognoscendi consuetudo iam de ciuitate sublata est. Accedit illa quoq; causa: quod à cæteris forsitan ita petatum sit, ut diceret: ut utruius saluo officio se facere posse arbitrarentur. à me autem ij contenderunt: qui apud me, & amicitia, et beneficijs, & dignitate plurimum possunt: quorum ego neq; beniuolentiam erga me ignorare: nec auctoritatem aspernari: nec uoluntatem negligere debeam. His de causis ego huic causæ patronus extiti: non electus unus, qui maximo ingenio, sed relictus ex omnibus, qui minimo periculo possem dicere: neq; uti satis firmo præsidio defensus Sex. Roscius, uerum uti ne omnino desertus esset. Forsitan quærat is qui iste terror sit: & quæ tanta formido: quæ tot ac talis uiros impediât: quo minus pro capite & fortunis alterius, quemadmodum consueuerunt, causam uelint dicere. quod adhuc uos ignorare non mirum est: propterea quod consulto ab accusatoribus, eius rei: quæ confluuit hoc iudicium, mentio facta non est. quæ res ea est? bona patris huiusce Sex. Roscij: quæ sunt sexagies: quæ de uiro clarissimo & fortissimo L. Sylla, quem honoris causa nomino: duobus nullibus nummũ


sese dicit emisse adolescens uel potentissimus hoc tempo-  
 re nostræ ciuitatis L. Cornelius Chrysogonus. Is à uo-  
 bis Iud. hoc postulat: ut quoniam in alienam pecuniam  
 tam plenam, atq; præclaram nullo iure inuasit: quo-  
 niamq; ei pecuniæ uita Sex. Rosci obstare, atq; officere  
 uideatur: delectis ex animo suo suspicionem omnem: me-  
 tumq; tollatis. sese hoc incolumi nõ arbutatur huius in-  
 nocentis patrimonium tam amplum & copiosum pos-  
 se obtinere: damnato & eiecto, sperat se posse quod ade-  
 ptus est per scelus, id per luxuriam effundere: atq; con-  
 sumere. hunc sibi ex animo scrupulum, qui se dies no-  
 ctesq; stimulat: ac pungit: ut euellatis postulat: ut ad hanc  
 suam prædam tam nefariam adiutores uos profiteami-  
 ni. si uobis æqua et honesta postulatio uidetur Iudices:  
 ego contra breuem postulationem afferro: & (quomodo  
 mihi persuadco) aliquanto æquiorẽ. Primum à Chry-  
 sogono peto: ut pecunia fortunisq; nostris contentus sit:  
 sanguinẽ et uitam ne petat. deinde à uobis Iudices ut au-  
 dacum scelcri resistatis: innocentium calamitatem leue-  
 tis: et in causa Sex. Rosci, periculum, quod in omnes in-  
 tenditur, propulsẽtis. quod si aut causa criminis, aut fa-  
 cti suspicio, aut quælibet deniq; uel minima res reperie-  
 tur: quamobrem uideantur illi non nihil tamen in defe-  
 rendo nomine secuti: postremo si præter eam prædã, quã  
 dixi, quicquam aliud causæ inueneritis: non recusamus  
 quin illorum libidini Sex. Roscii uita dedatur. sin aliud  
 agitur nihil: nisi ut is nequid desit: quibus satis nihil est:  
 si hoc solum hoc tempore pugnatur: ut ad illam optimam  
 præclaramq; prædam damnatio Sex. Roscii uelut cu-  
 mulus accedat: non ne cum multa indigna, tum uel hoc  
 indignissimum est? uos idoneos habito: per quorum sen-

tentias, iusq; iurandum id assequantur, quod antea ipsi  
scelere & ferro assequi consueverunt? qui ex ciuitate in se-  
natum propter dignitatem, ex senatu in hoc consilium  
delecti estis propter seueritatem. ab his hoc postulare ho-  
mines sicarios, atq; gladiatores? non modo ut supplicia ui-  
tent: quæ à uobis pro maleficijs suis metueret atq; horre-  
re debent: uerum etiam ut spolijs Sex. Roscij hoc iudi-  
cio ornati auctiq; discedant? His de rebus tantis, tamq;  
atrocibus, neq; satis me commode dicere, neq; satis gra-  
uiter conqueri, neq; satis libere uociferari posse, intelligo.  
nam commoditati ingenium, grauitati ætas, libertati  
tempora sunt impedimento. huc accedit summus timor:  
quem mihi natura pudorq; meus attribuit: & uestra di-  
gnitas, & uis aduersariorum, & Sex. Roscij pericula.  
Quapropter uos oro, atq; obsecro Iudices. ut attente bo-  
naq; cum uenia uerba mea audiat. fide sapientiãq; ue-  
stra fretus, plus oneris sustuli: q̃ ferre me posse intelligo.  
hoc onus, si uos aliqua ex parte allenabitis: feram ut po-  
tero studio et industria Iudices. sin à uobis (id quod non  
spero) deferar: tamen animo non deficiam: & id quod  
suscepi, quoad potero, perferam. quod si perferre non po-  
tero: opprimi me onere officij malo: quàm id quod mihi  
cum fide semel impositum est, aut propter perfidiã abij-  
cere: aut propter infirmitatem animi, deponere. Te quoq;  
magno opere M. Fanni quæso: ut qualẽ te iã antea Populo  
R. præbuisi: cum huic idem quæstioni iudex præesses:  
talem te & nobis & P. R. hoc tempore impertias. quã-  
ta multitudo hominum conuenerit ad hoc iudicium, ui-  
des: quæ sit omnium mortalium expectatio, quæ cupidi-  
tas, ut acris ac seuera iudicia fiant, intelligis. longo in-  
ternallo iudicium inter sicarios hoc primum committi-



tur: cum interea cædes indignissimæ maximæq; factæ sunt. Omnes hanc quæstionem te prætor manifestis maleficijs, quotidianoq; sanguine demissius sperat futurâ. Quæ uociferatione in cæteris iudicjs accusatores uti consueuerunt: ea nos hoc tempore utimur: qui causam dicimus. petimus abs te M. Fanni, a nobisq; Iud. ut quam acerrime maleficia uindictis: ut quam fortissime hominibus audacissimis resistatis: ut hoc cogitetis: nisi in hac causa, qui uester animus sit, ostendetis: eo prorumpere hominum cupiditatem, & scelus, & audaciam: ut non modo clam, uerum etiam hic in foro, ante tribunal tuum M. Fanni, ante pedes uestros Iudices, inter ipsa subsellia, cædes futuræ sint. etenim quid aliud hoc iudicio tentatur: nisi ut id fieri liceat? accusant ij: qui in fortunas huius inuasferunt. causam dicit is: cui præter calamitatem nihil reliquerunt. accusant ij: quibus occidi patrem Sex. Roscii bono fuit. causam dicit is: cui non modo luctum mors patris attulit: uerum etiam egestatem. accusant ij: qui hunc ipsum ingulare summe cupierunt. causam dicit is: qui etiam ad hoc ipsum iudicium cum præsidio uenit: ne hic ibidem ante oculos uestros trucidetur. deniq; accusant ij: quos populus poscit. causam dicit is: qui unus relictus ex illorum nefaria cæde restat. Atq; ut facilius intelligere possitis Iud. ea quæ factæ sunt indigniora esse: quàm hæc, quæ dicimus: ab initio res quemadmodum gesta sit: uobis exponemus: quo facilius & huius hominis innocentissimi miseras, & illorum audaciam cognoscere possitis, et Reipub. calamitatem. Sex. Roscius pater huiusce municeps Amerinus, fuit cum genere, & nobilitate, & pecunia non modo sui municipij, uerum etiam eius

uicinitatis facile primus: tum gratia, atq; hospitij florēt  
 hominum nobilissimorū. nam cum Metellis, Seruiijs,  
 Scipionibus, erat ei non modo hospitium, uerum etiā do-  
 mesticus usus et consuetudo. quas (ut æquum est) familia  
 honestatis amplitudinisq; gratia nomino. Itaq; ex suis  
 omnibus commodis hoc solum filio reliquit. nam patri-  
 monium domestici prædones ui ereptum possident: fama  
 et uita innocentis ab hospitibus amicisq; paternis de-  
 fenditur. Hic cum omni tempore nobilitatis fautor fuis-  
 set: tum hoc tumultu proximo, cum omniū nobilium di-  
 gnitas et salus in discrimen ueniret: præter cætoros in ea  
 uicinitate eam partem causamq; opera, studio, authori-  
 tate defendit. etenim rectum putabat: pro eorum hone-  
 state se pugnare: propter quos ipse honestissimus inter  
 suos numerabatur. posteaquam uictoria constituta est: ab  
 armisq; recessimus: cum proscriberentur homines: atq;  
 ex omni regione caperētur ij: qui aduersarij fuisse puta-  
 bātur: erat ille Romæ frequēs: atq; in foro, et in ore om-  
 niū quotidie uersabatur: magis ut exultare uictoria no-  
 bilitatis uideretur: quam timere, nequid ex ea calamita-  
 tis sibi accideret. Erant ei ueteres inimicitiae cum duobus  
 Roscijs Amerinis: quorum alterum sedere in accusato-  
 rum subsellijs uideo: alterum tria huiusce prædia possi-  
 dere audio. Quas inimicitias si tā cauere potuisset: quam  
 metuere solebat: uiueret. neq; enim Iud. iniuria metue-  
 bat. nam duo isti sunt Titi Roscij: quorum alteri Capi-  
 toni cognomen est: iste qui adest, magnus uocatur: homi-  
 nes eiusmodi, alter plurimarum palmarum uetus ac no-  
 bilis gladiator habetur. hic autem nuper se ad eum lani-  
 stam cōtulit: qui, cum ante hāc pugnam tyro esset, quod  
 sciam: facile ipsum magistrum scelere, audaciaq; super-



uit. nam cum hic Sex. Roscius esset Ameriæ: Titus alter iste Roscius Romæ: cum hic filius assiduus in prædijs esset: cumq; se uoluntate patris rei familiari uitæq; rusticæ dedisset: iste autem frequens Romæ esset: occiditur ad balneas Palatinas rediens à cæna Sex. Roscius. spero ex hoc ipso non esse obscurum: ad quem suspicio maleficij pertineat. uerum id quod adhuc est suspiciosum, nisi perspicuum res ipsa fecerit: hunc affinem culpæ iudicatote. Ocaso Sex. Roscio primus Ameriam nuntiat Manlius Glaucia, quidam homo tenuis, libertinus, cliens, & familiaris istius Titi Roscij: & nuntiat domū, non filij, sed Titi Capitonis inimici. & cum post horā primam noctis occisus esset: primo diluculo nuncius hic Ameriam uenit. decem horis nocturnis sex et quinquaginta millia passuum cisjys peruolauit: non modo ut exoptatum inimico nunciū primus afferret: sed etiā cruorem inimici quam recentissimum, telumq; paulo ante e corpore extractum ostenderet. quadriduo, quo hæc gesta sunt: res ad Chrysogonum in castra L. Syllæ Volaterras deferitur: magnitudo pecuniæ demonstratur: bonitas prædiorum (nam fundos decem & tres reliquit: qui Tyberim fere omnes tangunt) huius inopia, & solitudo, commemoratur. demonstrat cum pater huiusce Sex. Roscius homo tam splendidus, & graciosus, nullo negotio sit occisus: per facile hunc hominem incautum, & rusticum, & Romæ ignotum de medio tolli posse. ad eam rem operā suam pollicentur. ne diutius teneam Iudæi cietas coitur. cum iam proscriptionis mentio nulla fieret: & cum etiam qui antea metuerant, redirent: ac iam defunctos sese periculis arbitrarentur: hominis studiosissimi nobilitatis manceps fit Chrysogonus: tria prædia

uel nobilissima Capitori propria traduntur: quæ hodie possidet: in reliquas omnes fortunas iste Titus Roscius nomine Chrysogoni, quemadmodum ipse dicit: impetum facit. hæc bona emuntur HS duobus millibus nummum. Hæc omnia Iud. imprudente L. Sylla facta esse certo scio. neq; enim mirum, cum eodem tempore & ea quæ præterita sunt: & ea, quæ uidentur instare: præparet: cum & pacis constituendæ rationem, & belli gerendi potestatem solus habeat: cum omnes in unum spectent: unus omnia gubernet: cum tot tantisq; negotijs distentus sit: ut respirare libere non possit: si aliquid non animaduertat: cum præsertim tam multi occupationem eius obseruent: tempusq; aucupentur: ut simul atq; ille depexerit: aliquid huiusmodi moliantur. Huc accedit: quod quamuis ille fœlix sit: sicut est: tamen in tanta felicitate nemo potest esse in magna familia: qui neminem neq; seruum neq; libertum improbū habeat. Interea iste Titus Roscius uir optimus procurator Chrysogoni Ameriam uenit: in prædia huius inuadit: hunc miserum, luctu præditum, qui nondum etiam paterno funeri iusta soluisset: nudum eiecit domo: atq; focis patrijsq; poenatibus præcipitem Iudices exturbat: ipse amplissimæ pecuniæ fit dominus. Qui in sua re fuisset egentissimus: erat (ut fit) insolens in aliena. multa palam domum suam auferebat: plura clam de medio remouebat: non pauca suis adiutoribus large effusèq; donabat: reliqua constituta auctione uendebat. quod Amerinis usq; eo uisum est indignum: ut urbe tota sletus gemitusq; fieret. etenim multa simul ante oculos uersabantur. mors hominis florentissimi Sex. Roscij crudelissima, filij autem eius egestas indignissima: cui de tanto patrimonio prædo



iste nefarius, ne iter quidē ad sepulchrū patriū reliquisset: bonorū emptio, flagitiosa possessio, furta, rapinae, nationes. nemo erat q̄ nō ardere omnia mallet: q̄ uidere in Sex. Roscij uiri optimi, atq; honestissimi bonis iactātē se, ac dominantem T. Rosciū. Itaq; decurionū decretum statim fit: ut decem primi proficiscantur ad L. Syllam: doceantq; eum, qui uir Sex. Roscius fuerit: conquerantur de istorum scelere & iniurijs: orēt, ut & illius mortui famam, & filij innocentis fortunas conseruatas uelit. atq; ipsum decretum quaeso cognoscite. **DECRETVM DECVRIONVM.** Legati in castra ueniunt. Intelligitur Iud. id quod iam ante dixi: imprudente L. Sylla scelera haec, & flagitia fieri: nam statim Chrysogonus, & ipse ad eos accedit: & homines nobiles allegat ys: qui peterent ne ad Syllam adirent: & omnia Chrysogonum quae uellent, esse facturum pollicerentur. usq; adeo autem ille pertimuerat: ut mori mallet: quā de his rebus Syllam doceri. homines antiqui, qui ex sua natura ceteros fingerent: cum ille confirmaret, sese nomen Sex. Roscij de tabulis exempturum: praedia uacua filio traditurum: cumq; id ita futurum T. Roscius Capito, qui in X legatis erat: adpromitteret: crediderunt: Ameriam re inorata reuertunt. Ac primo rem differre quotidie, ac procrastinare isti coeperunt: deinde aliquanto lentius, nihil agere: atq; deludere: postremo (id quod facile intellectum est) insidias uitae huiusce Sex. Roscij parare: neq; sese arbitrari posse diutius alienam pecuniam domino incolumi obtinere. Quod is simul atq; sensit: de amicorum cognatorumq; sententia Romam confugit: & sese ad Ceciliam nepotis filiam, quam honoris causa nomino: consulit

quā pater usus erat plurimum. in qua muliere Iud. etiā  
nunc, id quod omnes semper existimauerunt: quasi exē-  
pli causa uestigia antiqui officij remanent. ea Sex. Ro-  
scium inopem, eiectum domo, atq; expulsum ex suis bo-  
nis, fugientem latronum tela, et minas, recepit domum:  
hospitiq; oppresso iā, desperatoq; ab omnibus, opitulata  
est. eius uirtute, fide, diligentia, factum est: ut hic potius  
uiuus in reos: q̄ occisus in proscriptos referretur. nā post  
quam isti intellexerunt summa diligentia uitam Sex. Ro-  
scij custodi: neq; sibi ullam cedis faciundæ potestatem  
dari: consilium coeperunt plenum sceleris, et auda-  
ciæ: ut nomen huius de parriadio deferrent. ut ad eam  
rem aliquem accusatorem ueterem compararent: qui de  
eare posset dicere aliquid: in quare nulla subesset su-  
spicio. deniq; ut quoniam crimine non poterant, tempo-  
re ipso pugnarent. ita loqui homines: quod iudicia tam  
diu facta non essent: condemnari eum oportere: qui pri-  
mus in iudiciū adductus esset. huic autem patronos pro-  
pter Chrysogoni gratiam defuturos. de bonorum uen-  
ditione, et de ista societate uerbū esse facturum nemi-  
nem. ipso nomine parriadij, et atrocitate criminis, fore,  
ut hic nullo negotio tolleretur: cum ab nullo defensus  
esset. Hoc consilio, atq; adeo hac amentia impulsī, quem  
ipsi, cum cuperent, non potuerunt occidere, eum iugulā-  
dum uobis tradiderunt. Quid primum querar? aut  
unde potissimum exordiar Iud? aut quod aut a quibus  
auxilium petam? deorum ne immortalium? populi ne ro-  
mani? uestrā ne, qui summā potestatem habetis, hoc tem-  
pore fidem implorem? pater occisus nefarie: domus obse-  
sa: ab inimicis bona adempta, possessa, direpta: filij uita  
insesta, sæpe ferro atq; insidijs appetita: quid ab his tor

maleficijs sceleris abesse uidetur? tamen hæc alijs nefarijs cumulant: atq; adaugent. crimen incredibile confingunt: testes in hunc & accusatores huiusce pecunia comparant: hanc conditionem misero ferunt: ut optet, utrum malit, ceruices Roscio dare: an insitus in culeum supplicium parricidarum, per summum dedecus uitam amittere? patronos huic defuturos putauerunt: de sunt. qui libere dicat: qui cum fide defendat: id quod in hac causa est satis: quoniam quidem suscepi: non deest profecto Iudices. et forsitan in suscipienda causa temere impulsus adolescentia fecerim. quoniam quidem semel suscepi: licet hercules undiq; omnes in me terrores, periculâq; impendant omnia: suauram: atq; subibo. certum est, de liberatumq;: quæ ad causam pertinere arbitror, omnia non modo dicere: uerum etiam libenter, audacter, libereq; dicere. Nulla res tanta existat Iudices: ut possit uim mihi maiorem adhibere metus, q̃ fides. etenim quis tam dissoluto animo est: qui hæc cum uideat, tacere ac negligere possit? patrem meum, cum proscriptus non esset: iugulastis: occisum, in proscriptorum numerum retulistis: me domo mea per uim expulistis: patrimonium meum possidetis: quid uultis amplius? etiã ne ad subsellia cum ferro atq; telis uenistis? ut hic aut iuguletis: aut condemnetis Sex. Roscium? Hominem longe audacissimum nuper habuimus in ciuitate C. Fimbriam: & quod inter omnes constat: nisi inter eos, qui ipsi quoq; insaniunt: insanissimum. is cum curasset in funere C. Marij, ut Q. Scauola uulneraretur, uir sanctissimus atq; ornatissimus nostræ ciuitatis: de cuius laude neq; hic locus est, ut multa dicantur: neque plura tamen dici possunt: quàm populus romanus memoria retinet: diem Scauolæ dixit: po-

stra quam comperit eum posse uiuere. cum ab eo quaeretur, qd tandem accusaturus esset eum: que pro dignitate ne laudare qdē qsq̄a satis commode posset? aiunt hominem (ut erat furiosus) respondisse: quod non totum telum corpore recepisset. quo populus R. nihil uidit indignius: nisi eiusdem uiri mortem. quæ tantum potuit: ut omnes ciues suos perdididerit & affligerit. quos quia seruare percompositionem uolebat: ipse ab his interemptus est. Est ne hoc illi dicto atq; facto Fimbriæ non simillimum? Accusatis Sex. Roscium. quid ita? quia de manibus uestris effugit: quia se occidi passus non est. illud quia in Scenola factum est: magis indignum uidetur. hoc, quia fit a Chrysogono: non est ferendum. nam per deos immortales, quid est in hac causa quod defensionis indigeat? qui locus ingenium patroni requirit? aut oratoris eloquentiam magnopere desiderat? totam causam Iud. explicemus: atq; ante oculos expositam consideremus. ita facillime quæ res totum iudicium contineat. & quibus de rebus nos dicere oporteat: & quid uos sequi conueniat: intelligetis. Tres sunt res quantum ego existimare possum: quæ obstant hoc tempore Sex. Roscio: crimen aduersariorum, & audacia, & potentia. criminis confessionem accusator Erucius suscepit. audaciæ partes, Roscij sibi poposcerunt. Chrysogonus autem is, qui plurimum potest: potentia pugnat. de hisce omnibus rebus me dicere oportere intelligo. quid igitur est? non eodem modo de omnibus. ideo, quod prima illa res ad meum officium pertinet: duas autem reliquas uobis populus R. imposuit. Ego crimen oportet diluam. uos & audaciæ resistere: & hominum eiusmodi perniciosam atq; intollerandam potentiam primo quoq; tempore extinguere



atq; opprimere debetis. Occidisse patrem Sex-Roscium arguitur. scelerum dii immortales ac nefarium facinus: atq; eiusmodi, quo uno maleficio scelera omnia complexa esse uideantur. Etenim si id quod præclare a sapientibus dicitur, multum sepe læditur pietas: quod supplicium satis acre reperietur, in eum: qui mortem obtulerit parenti? pro quo mori ipsum, si res postularet: iura diuina atque humana cogebant. in hoc tanto, tam atroci, tam singulari maleficio, quod ita raro extitit: ut, si quando auditum sit: portenti ac prodigij simile numeretur: quibus tandem te C. Eruci argumentis accusatorem censes uti oportere? nonne et audaciam eius, qui in crimen uocetur: singularem ostendere: et mores feroces, immanemq; naturam, et uitam uicij flagitijsq; omnibus deditam, et deniq; omnia ad perniciem profligata atq; perditam. quorum tu nihil in Sex-Roscio, ne obijciendi quidem causa contulisti. patrem occidit Sex-Roscium. qui homo? adolescens corruptus, et ab hominibus nequam inductus? annos natus magis quadraginta. uetus uidelicet scitarius. Homo audax? et sepe in cæde uersatus? at hoc ab accusatore nedum quidem audisti. luxuries igitur hominem nimirum, et aeris alieni magnitudo, et indomitæ animi cupiditates, ad hoc scelus impulerunt. De luxuria purgauit Erucius: cum dixit: hunc ne in conuiuio quidem ullo fere interfuisse. nihil autem unquam debuit. cupiditates porro quæ possunt esse in eo? qui (ut ipse accusator obiecit) ruri semper habitauit? et in agro colendo uixerit? quæ uita maxime disiuncta a cupiditate, et cum officio coniuncta. quæ res igitur tantum istum furorem Sex-Roscio obiecit? Patri inquit non placebat. patri non placebat?

non placebat? quam ob causam? necesse est enim eam quoque iustam, et magnam, et perspicuam fuisse. nam ut illud incredibile est: mortem oblatam esse patri à filio, sine plurimis, et maximis causis: sic hoc uerisimile non est: odio fuisse parenti filium sine causis multis, et magnis, et necessarijs. rursus igitur eodem reuertamur: et quaeramus: quæ tanta uitia fuerint in unico filio: quare is patri displiceret. at perspicuum est, nullum fuisse. pater igitur amens: qui odisset eum sine causa: quem procrearat. at is quidem fuit omnium constantissimus. ergo illud iam perspicuum profecto est: si neque amens pater, neque perditus filius fuerit: neque odij causam patri, neque sceleris filio fuisse. nescio inquit quæ causa odij fuerit: fuisse odiū intelligo: quia antea, cum duos filios haberet: illum alterum, qui mortuus est: secum omni tempore uolebat esse: hunc in prædia rustica relegarat. Quod Erucio acidebat in mala nugatoriaque accusatione: idem mihi usu uenit in causa optima. ille quomodo crimen commenticium confirmaret, non inueniebat. ego res tam leues, quæ ratione infirmam, ac diluam, reperire non possum. quid ais Eruci? tot prædia, tam pulchra, tam fructuosa Sex. Roscius filio suo relegationis, ac supplicij gratia colenda ac tuenda tradiderat? quid hoc? patres familias qui liberos habent: præsertim homines illius ordinis, ex municipijs rusticanis, nonne optatissimum sibi putant esse, filios suos rei familiari maxime seruire? et in prædijs colendis operæ plurimum studijque consumere? an amandarat hunc sic: ut esset in agro: ac tantummodo aleretur ad uillam? ut commodis omnibus careret? quid si constat, hunc non modo colendis prædijs præfuisse: sed certis fundis patre uiuo frui solitum esse? tamen ne hæc attentata uita et

*rusticana, relegatio atq; amandatio appellabitur? uidet*  
*Eruci quantum distet argumentatio tua ab re ipsa, atq; a*  
*ueritate. quod consuetudine patres faciunt: id quasi nouis*  
*reprehendis. quod beniuolentia fit: id odio factum crimi-*  
*naris. quod honoris causa pater filio suo concessit: id eum*  
*supplicij causa fecisse dicis. neq; hæc tu non intelligis: sed*  
*usq; eo quid arguas, non habes: ut non modo tibi contra*  
*nos dicendum putes: uerum etiam contra rerum natu-*  
*ram, contraq; consuetudinem hominum, contraq; opinio-*  
*nes omnium. At enim cum duos filios haberet: alterum*  
*a se non dimittebat: alterum ruri esse patiebatur. quæ-*  
*so Eruci ut hoc in bonam partem accipias: non enim ex-*  
*probrandi causa, sed commonendi gratia dictum. si tibi*  
*fortuna non dedit: ut patre certo nascere: ex quo intelli-*  
*gere posses, qui animus patrius in liberos esset: at natura*  
*certe dedit: ut humanitatis non parum haberes. eo acce-*  
*sit studium doctrinæ: ut ne a literis quidem alienus es-*  
*ses. quid tandem tibi uidetur (ut ad fabulas ueniamus)*  
*senex ille Cecilianus minoris facere Eutychum filium*  
*rusticum? quàm illum alterum Cherestratum? nam ut*  
*opinor hoc nomine est. alterum in urbe secum honoris*  
*causa habere? alterum rus supplicij causa relegasse? quid*  
*ad istas ineptias abis inquires? quasi uero mihi difficile sit,*  
*quamuis multos nominatim proferre (ne longius abea)*  
*uel tribulis, uel uicinos meos: qui suos liberos, quos pluri-*  
*mi faciunt: a agricolas assiduos esse cupiunt. uerum homi-*  
*nes notos sumere odiosum est: cum & illud incertum sit:*  
*uelint ne hi sese nominari: & nemo uobis magis notus*  
*futurus sit: quàm est hic Eutychus: & certe ad rem nihil*  
*interfit: utrum hunc ego comicum adolescentem, an ali-*  
*quem ex agro uerente nominem. etenim hæc conficta ar*

bitror à poetis esse: ut effectos nostros mores in alienis per  
 sonis, expressamq; imaginem nostram uitæ quotidianæ  
 uideremus. Age nunc: refer animum sis ad ueritatem: et  
 considera non modo in Vmbria, atq; in ea uicinitate, sed  
 in his ueteribus municipijs, quæ studia à patribus fami-  
 lias maxime laudentur: iam profecto te intelliges inopia  
 criminum, summam laudem Sex. Roscio uicio & cul-  
 pæ dedisse. At non modo hoc patrum uoluntate liberi fa-  
 ciunt: sed permultos & ego noui, & (nisi me fallit ani-  
 mus) unusquisq; uestrum: qui & ipsi incensi sunt studio,  
 quod ad agrum colendum attinet: uitamq; hanc rusti-  
 cam, quam tu probro & crimini putas esse oportere: &  
 honestissimam, & suauissimam esse arbitratur. quid cen-  
 ses hunc ipsum Sex. Roscium? quo studio, & qua intelli-  
 gentia esse in rusticis rebus? ut ex ijs propinquis eius ho-  
 minibus honestissimus audio: non tu in isto artificio acu-  
 satorio callidior es: quàm hic in suo. uerû, ut opinor, quo-  
 niam ita Chrysogono uidetur: qui huic nullum prædiũ  
 reliquit: & artificium obliuiscatur, & studium depo-  
 nat, licebit. quod, tametsi miserum, & indignum est: fe-  
 ret tamen æquo animo Iudices: si per uos uitam et famam  
 potest obtinere. hoc uero est, quod ferri non potest: si et in  
 hanc calamitatem uenit propter prædiorum bonitatem,  
 & multitudinem: et quod ea studiose coluit, id erit ei ma-  
 xime fraudi: ut parum miseriæ sit: quod alijs coluit, non  
 sibi: nisi etiam quod omnino coluit: crimini fuerit. Ne tu  
 Eruci accusator esses ridiculus: si illis temporibus natus es-  
 ses: cum ab aratro arcescebantur, qui consules fierent.  
 etenim qui præesse a gro colendo flagitium putes: profe-  
 cto illum Attilium, quem sua manu spargentem semen,  
 qui missi erant cõuenerunt: hominem turpissimum, atq;



inhonestissimum iudicares. at hercule maiores nostri longe aliter, & de illo, & de cæteris talibus uiris existimabant. itaq; ex minima tenuissimaq; R. P. maximam & florentissimam nobis reliquerunt. suos enim a gros studiose colebant: non alienos cupide appetebant. quibus rebus & agris, & urbibus, & nationibus, Remp. atq; hoc imperium, & P. R. nomen auxerunt. neq; ego hæc eo profero: quo conferenda sint cum hisce, de quibus nunc quærimus. sed ut illud intelligatur: cum apud maiores nostros summi uiri clarissimiq; homines, qui omni tempore ad gubernacula Reip. sedere debebant: tamen in agris quoq; colendis aliquantum operæ temporisq; consumpserint: ignosci oportere ei homini: qui se fateatur esse rusticum: cum ruri assiduus semper uixerit. cum præsertim nihil esset: quod aut patri gratius, aut sibi iucundius, aut reuera honestius facere posset. Odium igitur acerrimum patris in filiū ex hoc opinor ostenditur Eruici: quod hunc ruri esse patiebatur. nūquid est aliud? Immo uero inquit est. nam istum ex hæredare in animo habebat. audio. nunc dicis aliquid: quod ad rem pertineat. nam illa opinor tu quoq; concedis leuia esse atq; inepta. conuiuia cum patre non inibat. quippe qui ne in oppidum quidem nisi perraro ueniret. domum suam istum non ferè quisquā uocabat. nec murum: quæneq; in urbe uideret: neq; rure uocaturus esset. uerum hæc quoq; tu intelligis esse nugatoria. illud quod coepimus, uideamus: quo certius argumentum odij reperiri nullo modo potest. Ex hæredare pater filium cogitabat. nullo quærere, qua de causa. quæro, qui scias? tam et si te dicere, atq; enumerare causas omnis oportebat: & id erat certi accusatoris officium: qui tanti sceleris argueret. ex-

pliatre omnia uitia, atq; peccata filij: quibus incensus pa-  
 rens potuerit animum inducere: ut naturam ipsam uin-  
 teret: ut amorem illum penitus insitum eiceret ex ani-  
 mo: ut deniq; patrem esse sese obliuisceretur. quæ sine ma-  
 gnis huiusce peccatis accidere potuisse non arbitror. Ve-  
 rum concedo tibi, ut ea prætereas: quæ cum taces, nul-  
 la esse concedis. illum quidem uoluisse exhæredare, cer-  
 te tu planum facere debes. quid ergo affers: quare id fa-  
 ctum putemus: uere nihil potes dicere. finge aliquid sal-  
 tem commode: ut ne plane uidearis id facere: quod a-  
 perte facis: huius miseri fortunis, & horum uirorum  
 talium dignitati illudere. exhæredare filium uoluit.  
 quam ob causam? nescio. exhæredauit ne? non. quis pro-  
 hibuit? cogitabat. cogitabat? cui dixit? nemini. quid est  
 aliud iudicio, ac legibus, ac maiestate uestra abuti ad  
 quæstum, atq; ad libidinem? nisi hoc modo accusare: atq;  
 id obijcere: quod planum facere non modo non possis:  
 uerum ne coneris quidē? nemo nostrum est Eruci: quin  
 sciat tibi inimicitias cum Sex. Roscio nullas esse. uidēt  
 omnes qua de causa huic inimicus uenias. sciunt huiusce  
 pecunia te adductum esse. quid ergo est? ita tamen quæ-  
 stus te cupidum esse oportebat: ut horum existimationē,  
 & legem Memmiam putares aliquid ualere oportere:  
 Accusatores multos esse in ciuitate utile est: ut metu con-  
 tineatur audacia. uerum tamen hoc ita est utile: ut ne  
 plane illudamur ab accusatoribus. Inpocens est quispiā:  
 ueruntamen quanquam abest à culpa: suspitione tamen  
 non caret. tametsi miserum est: tamen ei qui hunc accu-  
 set, possim aliquo modo ignoscere. cum enim aliquid ha-  
 beat: quod possit criminosè ac suspiciosè dicere: aperte  
 ludificari, & calumniari sciens non uideatur. quare fa-

ale omnes patimur esse quamplurimos accusatores: quod  
 innocens si accusatus sit, absolui potest. nocens nisi acu-  
 satus fuerit, condemnari non potest. utilius est autem ab-  
 solui innocentem: quam nocentem causam non dicere.  
 Anseribus cibaria publice locantur: & canes aluntur in  
 capitolio: ut significant si fures uenerint. at fures inter-  
 noscere non possunt: significant tamen: si qui noctu in ca-  
 pitolium uenerint. & quia id est suspiciosum: tamen si be-  
 stiae sunt: tamen in eam partem potius peccant: quae est  
 cautior. quod si luce quoque canes latrent: cum deos sa-  
 lutatum aliqui uenerint: opinor uis crura suffringantur:  
 quod acres sint et tum, cum suspicio nulla sit. Simillima est  
 accusatorum ratio. alij uestrum anseres sunt: qui tan-  
 tummodo clamant: nocere non possunt. alij canes: qui et  
 latrare & mordere possunt. cibaria uobis praebere ui-  
 demus. uos autem maxime debetis in eos impetum face-  
 re: qui merentur. hoc populo gratissimum est. deinde si  
 uoletis, etiam tum, cum uerisimile erit aliquem commis-  
 se: in suspitione latratote. id quoque concedi potest. sin au-  
 tem sic agetis: ut arguatis aliquem patrem occidisse: neque  
 dicere possitis, aut quare, aut quomodo: ac tantummodo  
 sine suspitione latrabitis: crura quidem uobis nemo suf-  
 fringer: sed, si ego hos bene noui: literam illam, cui uos  
 usque eo inimici estis: ut etiam eas omnes oderitis: ita uehe-  
 menter ad caput affigent: ut postea neminem alium nisi  
 fortunas uestras accusare possitis. Quid mihi ad defen-  
 dendum dedisti bone accusator? quid hisce autem ad su-  
 spicandum? ne exhaereditur ueritus est. audio. sed qua  
 de causa uereri debuerit: nemo dicit. habebat pater in  
 animo. planum fac. nihil est. non, qui cum deliberarit:  
 quem certiore fecerit: unde istud uobis suspicari in me

dem uenerit. cum hoc modo accusas Eruci: nonne hoc pa-  
 lam dicas? ego quid acceperim, scio: quid dicam, nescio.  
 unum illud spectavi quod Chrysogonus dicebat neminē  
 isti patronum futurum: de bonorum emptione, deq; ea  
 societate neminem esse, qui uerbū facere hoc tempore au-  
 deret. hæc te opinio falsa in istam fraudem impulit. nō  
 mehercule uerbum fecisses: si tibi quenquam responsurū  
 putasses. Operæ precium erat: si animaduertistis Iudices:  
 negligentiam eius in accusando considerare. credo cum  
 uidisset, qui homines in hisce subsellis sederent: quæsis-  
 se, num ille aut ille defensurus esset? de me ne suspicatum  
 quidem: quod antea causam publicam nullā dixerim.  
 posteaquam inuenit neminem eorum, qui possunt, et so-  
 lent: ita negligens esse cœpit: ut cum in mentem ueniret  
 ei: resideret: deinde spatia retur: nonnunquam etiā pue-  
 rum uocaret: credo cui coenam imperaret: prorsus ut ue-  
 stro confessu et hoc conuentu pro summa solitudine abie-  
 teretur. perorauit aliquando. assedit. surrexi ego. respi-  
 rare uisus est: quod non alius potius diceret. cœpi dice-  
 re. usq; eo animaduerti Iudices eum iocari: atq; alias res  
 agere: antequam Chrysogonum nominauī. quem simul  
 atq; attigi: statim homo se erexit: mirari uisus est. intelle-  
 xi quid eum pupugisset. iterum ac tertio nominauī. po-  
 stea homines cursare ultero et citro non destiterunt: cre-  
 do qui Chrysogono nuntiarent: esse aliquem in ciuitate:  
 qui contra uoluntatem eius dicere auderet: aliter causam  
 agi: atq; ille existimaret: aperiri bonorum emptionem:  
 uexari pessime societatem: gratiam, potentiamq; eius  
 negligi: iudices diligenter attendere: populo rem indi-  
 gnā uideri. Quæ quoniam te sefellerunt Eruci: quo-  
 niamq; uides uersa esse omnia: causam pro Sex. Roscio si



*non commode, at libere dici: quem dedi putabas: defen-  
 di intelligis: quos tradituros sperabas: uides iudicare: re-  
 stitue nobis aliquando ueterem tuam illam calliditatem,  
 atq; prudentiam: confitere huc ea spe uenisse: quod putas  
 res hic latrocinium, non iudicium futurum. De parrici-  
 dio causa dicitur. ratio ab accusatore reddita non est:  
 quam ob causam patrem filius occiderit. quod in mini-  
 mis noxis, & in his leuioribus peccatis, quæ magis cre-  
 bra, & iam propè quotidiana sunt: id maxime & pri-  
 mum queritur: quæ causa maleficij fuerit: id Etucius in  
 parricidio queri nō putat oportere. in quo scelere Iudices  
 etiam cum multæ causæ conuenisse unum in locum, atq;  
 inter se congruere uidentur: tamen nō temere creditur:  
 neq; leui coniectura res penditur: neq; testis incertus au-  
 ditur: neq; accusatoris ingenio res iudicatur. cum multæ  
 antea commissæ maleficia, tum uita hominis perditissi-  
 ma, tum singularis audacia ostendatur necesse est: neq; au-  
 dacia solum, sed summus furor, atq; amentia. hæc cum  
 sint omnia: tamen extent oportet expressa sceleris uesti-  
 gia: ubi, qua ratione, per quos, quo tempore, maleficium  
 sit admissum. quæ nisi multa & manifesta sunt: profecto  
 res tam scelestæ, tam atrox, tam nefaria credi non po-  
 test. magna est enim uis humanitatis: multum ualet com-  
 munio sanguinis: reclamitat istiusmodi suspicionibus  
 ipsa natura: portentum, atq; monstrum certissimum est:  
 esse aliquem humana specie, et figura: qui tantum imma-  
 nitate bestias uicerit: ut propter quos hanc suauissimam  
 lucem aspexerit: eos indignissime luce priuarit: cum eti-  
 am feras inter sese partus, atq; educatio, & natura ipsa  
 conciliet. Non ita multis ante annis aiunt T. Clælium  
 quendam Tarracinensem hominem non obscurum, cū*

cœnatus cubitum in idem conclaue cum duobus adoles-  
centibus filiis isset: inuentum esse mane iugulatum. Cū  
neq; seruus quisquam reperiretur, neq; liber, ad quem  
ea suspicio pertineret: id ætatis autem duo filij propter  
cubantes, ne sensisse quidem se dicerent: nomina filio-  
rū de parricidio delata sunt. quid poterat sanè suspi-  
ciosum. neutrum ne sensisse? ausum autem esse quenquam  
se in id conclaue committere? eo potissimum tempore,  
cum ibidem essent duo adolescentes filij: qui & sentire  
& defendere facile possent? erat porro nemo in quem  
ea suspicio conueniret. tamen cum planum iudicius es-  
set factum: aperto hostio dormientes eos repertos esse: iu-  
dicio absoluti adolescentes, & suspicione omni liberati  
sunt. nemo enim putabat quēquam esse: qui cum omnia  
diuina atq; humana iura scelere nefario polluisset: so-  
mnum statim capere potuisset. propterea quod qui tan-  
tum facinus commiserunt: non modo sine cura quiesce-  
re: sed ne spirare quidem sine metu possunt. Videtis ne  
quos nobis poetæ tradiderūt patris ulciscendi causa sup-  
plicium de matre sumpsisse: cum præsertim deorum im-  
mortalium iussis, atq; oraculis id fecisse dicantur: tamen  
ut eos agitent furix? neque consistere usquam patiantur?  
quod ne pij quidem sine scelere esse potuerunt. Sic se res  
habet Iudices: magnam uim, magnam necessitatem, ma-  
gnam possidet religionē paternus maternusq; sanguis.  
ex quo si quæ macula concepta est: non modo laui non  
potest: uerum usq; eo permanat ad animum: ut summus  
furor, atq; amentia consequatur. nolite enim putare,  
quemadmodum in fabulis sæpe numero uidetis: eos qui  
aliquid impie scelere atq; commiserint, agitari, & per-  
terreri furiarum tedibus ardentibus. sua quenq; fraus &

suus terror maxime uexat: suum quenq; scelus agitat:  
 amentiaq; afficit: suæ malæ cogitationes conscientiaq;  
 animi terrent. hæ sunt impijs assiduæ domesticæq; fu-  
 riæ: quæ dies noctesq; parentum pœnas à consciera-  
 tissimis filijs repetant. Hæc magnitudo maleficij facit:  
 ut nisi penè manifestum parricidium proferatur: cre-  
 dibile non sit: nisi turpis adolescentia: nisi omnibus fla-  
 grijs uita inquinata: nisi sumptus effusi cum probro, atq;  
 dedecore: nisi prorupta audacia: nisi tanta temeritas: ut  
 non procul abhorreat ab insania. accedat huc opor-  
 tet odium parentis, animaduersionis paternæ metus, ami-  
 ci improbi, serui conscij, tempus idoneum, locus opportu-  
 ne captus ad eam rem: penè dictam respersas manus san-  
 guine paterno Iudices uideant oportet: si tantum faci-  
 nus, tam immane, tam acerbum, credituri sunt. qua-  
 re hoc quominus est credibile: nisi ostenditur: eo magis  
 est, si conuincatur, uindicandum. Itaq; cum multis ex re-  
 bus intelligi potest: maiores nostros nō modo armis plus  
 quam cæteras nationes, uerumetiam consilio sapientiaq;  
 potuisse: tum ex hac re uel maxime: quod in impios sin-  
 gulare supplicium inuenerunt. qua in re quantum pru-  
 dentia præstiterunt ijs, qui apud cæteros sapientissimi  
 fuisse dicuntur: considerate. Prudentissima ciuitas Athe-  
 niensium, dum ea rerum potita est: fuisse traditur. eius  
 porro ciuitatis sapientissimum Solonem dicunt fuisse,  
 eum, qui leges, quibus hodie quoq; utuntur: scripserit. Is  
 cum interrogaretur, cur nullum supplicium constituisset  
 in eum, qui parentem necasset: respondit: se id neminem  
 facturum putasse. sapienter fecisse dicitur: cum de eo ni-  
 hil sanxerit: quod antea commissum non erat: ne non  
 tam prohibere, quàm admonere uideretur. Quāto ma-

iores nostri sapientius: qui cum intelligerent, nihil esse tam sanctum: quod non aliquando uiolaret audacia: supplicium in parricidas singulare excogitauerunt: ut quos natura ipsa retinere in officio non potuisset: magnitudine poenae maleficio summonerentur. in sui uoluerunt in culleum uiuos: atq; ita in flumen deici. O' singularem sapientiam Iudices. non ne uidentur hunc hominem ex rerum natura sustulisse? Et eripuisse? cui repente caelum, solem, aquam, terramq; ademerunt. ut qui eum necasset, unde ipse natus esset: careret ijs rebus omnibus, ex quibus omnia nata esse dicuntur. noluerunt feris corpus obijcere: ne bestijs quoq; quae tantum scelus attigissent: immanioribus uteremur. non sic muros in flumen deijcere: ne cum delati essent in mare: ipsum polluerent, quo caetera, quae uiolata sunt, expiari putantur. deniq; nihil tam uile, neq; tam uulgare est: cuius partem ullam reliquerint. etenim quid tam est commune? quam spiritus uiuis? terra mortuis? mare fluctuantibus? littus eiectis? ita uiuunt, dū possunt: ut ducere animam de caelo non queant. ita moriuntur: ut eorum ossa terra non tangat. ita iactantur fluctibus: ut nūquam abluantur. ita postremo eijciuntur: ut ne ad saxa quidem mortui conquiescant. Tanti maleficij crimen, cui maleficio tam insigne supplicium est constitutum: probare te Eruci censes posse talibus uiris: si ne causam quidē maleficij protuleris? Si hunc apud bonorum emptores ipsos accusares: eiq; iudicio Chrysogonus praeeset: tamen diligentius paratiusq; uenisses. utrum quid agatur non uides? an apud quos agatur? agatur de parricidio: quod si ne multis causis suscipi non potest. apud homines autem prudentissimos agatur: qui intelligunt neminem ne mi-

Marcelli



nimum quidem maleficium sine causa admittere. esto:  
 causam proferre non potes. tamen si statim uicisse debeo:  
 tamen de meo iure decedam: & tibi quod in alia causa  
 non concederem: in hac concedam, fretus huius innocen-  
 tia. non quero abs te, quare patrem Sex. Roscius occi-  
 derit. quero quomodo occiderit. ita quero abs te C. ERIO  
 et quomodo: & sic tecum agam: ut in eo loco uel respon-  
 dendi uel interpellandi tibi potestatem faciam: uel etiā  
 siquid uoles, interrogandi. quomodo occidit? ipse percussit?  
 an alijs occidendū dedit? si ipsum arguis: Romæ nō fuit.  
 si per alios fecisse dicis: quero seruos ne an liberos? quos  
 homines? indidem ne Ameria? an hosce ex urbe sicari-  
 os? si Ameriæ: qui sunt hi? cur non nominatur? si Romæ:  
 unde eos nouerat Roscius? qui Romam multis annis non  
 uenit: neq; unquam plus triduo fuit. ubi eos conuenit?  
 qui cum locutus est? quomodo persuasit? precium dedit? aut  
 dedit? p quē dedit? unde? aut quantum dedit? non ne his ue-  
 stigijs ad caput malefici perueniri solet? Et simul tibi in-  
 mentem ueniat facito: quemadmodū uitam huiusce depin-  
 xeris: hunc hominem ferum atq; agrestem fuisse: nūquā  
 cum homine quoquam collocutū esse: nūquam in oppida  
 constitisse. qua in re prætereo illud: quod mihi maximo  
 argumēto ad huius innocentia poterat esse: in rusticis mo-  
 ribus, in uictu arido, in hac horrida i culturaq; uita, istius  
 modi maleficia gigni non solere. ut non omnem frugem  
 neq; arborem in omni agro reperire possis: sic non o-  
 mne facinus in omni uita nascitur. in urbe luxuries crea-  
 tur: ex luxuria existat auaricia necesse est: ex auaritia  
 erumpat audacia. inde omnia scelera ac maleficia gi-  
 gnuntur. uita autem hæc rustica, quā tu agrestem uocas:  
 parsimonie, diligentie, iusticie, magistra est. uerum

*haec missa facio. illud quaero. is homo, qui, ut tu te dicis, nunquam inter homines fuerit: per quos homines hoc tantum facinus, tam occultum, absens praesertim, conficere potuerit? multa sunt falsa Iudices: quae tamē argui suspiciose possunt. in his rebus si suspicio reperta erit: culpam inesse concedam. Romae Sex. Roscius occiditur: cū in agro Amerino esset filius. literas credo misit alicui sicutio, qui Romae nouerat neminem. arecessiuit aliquem. at quando? nuncium misit. quem? aut ad quem? precio, gratia, spe, promissis, induxit aliquem. nihil horū ne confingi quidem potest. Et tamen causa de parricidio dicitur. reliquū est: ut per seruos id admiserit. O' di immortales rem miseram, et calamitosam. quod in tali crimine innocenti saluti solet esse: ut seruos in quaestione polliceantur: id Sex. Roscio facere non licet: uos, qui hūc accusatis: omnes eius seruos habetis. unus puer uictus quotidiani administer ex tanta familia Sex. Roscio relictus non est. Te nunc apello P. Scipio, te Metelle: uobis aduocatis, uobis agentibus, aliquotiens duos seruos paternos in quaestionem ab aduersarijs Sex. Roscius postulauit. meministi ne T. Rosci recusare? quid? ij serui ubi sunt? Chrysogonum Iudices sectantur: apud eū sunt in honore, et in precio. etiam nunc ut ex his quaeratur, ego postulo: hic orat: atque obsecrat. quid facitis? cur recusatis? dubitate etiam nunc Iudices, si potestis: a quo sit Sex. Roscius occisus. ab eo ne? qui propter illius mortem in egestate et insidijs uersatur: cui ne quaerendi quidē de morte patris potestas permittitur. an ab ijs? qui quaestionem fugitant: bona possident: in caede atque ex caede uiuunt. Omnia Iudices in hac causa sunt misera, atque indigna: tamen hoc nihil neque acerbius, neque iniquius pro*

alia obliuiscar) hinc omnes intelligere potuerunt: quod ex tota societate, hoc est ex totis ciuitatibus, solus tu inuētus es: qui cum accusatoribus sederes: atque os tuum non modo ostenderes: sed etiam offerres. inimicitias tibi fuisse cum Sex-Roscio, et magnas rei familiaris controuersias, concedas necesse est. restat Iudices ut hoc dubitemus: uter potius Sex-Roscium occiderit: is, ad quem morte eius diuitiae uenerint? an is, ad quem mendicitas? is, qui antea tenuis fuerit? an is, qui postea factus sit egentissimus? is, qui ardens auaricia feratur infestus in suos? an is qui semper ita uixerit: ut quæstum nosset nullum? fructum autem eum solum, quem labore peperisset? is, qui omnium sectorum audacissimus sit? an is, qui propter fori, iudiciorumque insolentiam, non modo subsellia, uerum etiam urbem ipsam reformidat? postremo Iudices, id quod ad rem mea sententia maxime pertinet: utrum inimicus potius? an filius? Hæc tu Erucitot, et tanta si nactus esses in reo: quam diu diceres? quo te modo iactares? tempus hercule te citius, quam oratio deficeret. etenim in singulis rebus eiusmodi materies est: ut dies singulos possis cōsumere. neque ego non possum: non enim tantum mihi de rogo: tametsi nihil arrogo: ut te copiosius quam me putem posse dicere. uerum ego forsitan propter multitudinem patronorum in grege annumerer. te pugna Cannensis accusatorem sat bonum facit. multos cæsos non ad Thrasinenum lacum, sed ad Seruiliū uidimus. quis ibi non est uulneratus ferro Phrygio? non necesse est omnis commemorare Curtios, Marios, denique Mammeos: quos iam ætas à prælijs auocabat. postremo Priamum ipsum senem, Antisthū: quem non modo ætas, sed etiam leges pugnare prohibebant. Iam, quos nemo propter ignobilita

tem nominat: sexcenti sunt: qui inter sicarios, & de ueneficijs accusabant. qui omnes (quod ad me attinet) uellem uiuerent. nihil enim mali est: atnes ibi quamplurimos esse: ubi permulti obseruandi, multaq; seruanda sunt. uerum (ut fit) multa sæpe imprudentibus imperatoribus uis belli, ac turba molitur. dum is in alijs rebus erat occupatus: qui summam rerum administrabat: erāt interea qui suis uulneribus mederentur: qui tanquam si offensa Reip. sempiterna nox esset: ita ruebāt in tenebris: omniaq; miscebant. à quibus miror, ne quod iudiciorū esset uestigium: non subsellia quoq; esse combusta. nam et accusatores, et iudices sustulerunt. hoc commodi est: quod ita uixerunt: ut testes omnes, si cuperent, interficere non possent. nam dum hominum genus erit: qui accuset eos, non deerit. dum ciuitas erit, iudicia fient. Verum, ut cœpi dicere, & Erucius hæc si haberet in causa, quæ commemorauit: posset ea quamuis diu dicere: & ego Iudices possum. sed in animo est (quemadmodum ante dixi) leuiter trāsire: ac tantummodo perstringere unāquāq; rē: ut omnes intelligant, me non studio accusare: sed officio defendere. Video igitur causas esse permultas: quæ istum impellerent. uideamus nunc ecquæ facultas suscipiendi maleficij fuerit. Vbi occisus est Sex. Roscius? Romæ. quid tu Rosci ubi tunc eras? Romæ. uerum quid ad rē? & alij multi. quasi nunc id agatur: quis ex tanta multitudine occiderit? ac non hoc quærat: eum, qui Romæ sit occisus, utrum uerisimilius sit ab eo esse occisum: qui assiduus eo tempore Romæ fuerit: an ab eo, qui multis annis Romam omnino non accesserit. age nunc: cætras facultates quoq; consideremus. erat tum multitudo sicariorum: id quod commemorauit Erucius: & homines im-



pune occidebantur. quid? ea multitudo quæ erat? opinor  
 aut eorum, qui in bonis erant occupati: aut eorum, qui  
 ab ijs conducebantur: ut aliquæ occiderent. si eos putas:  
 qui alienum appetebant: tu es in eo numero: qui nostra  
 pecunia diues es. sin eos: quos, qui leniore nomine appel  
 lant, percussores uocant: quære in cuius fide sint et  
 clientela. mihi crede: aliquem de societate tua reperies.  
 et quicquid tu contradixeris, id cum defensione nostra  
 contendito. ita facillime causa Sex. Rosci cum tua conse  
 retur. dices: quid postea? si Romæ assiduus fui? responde  
 bo: at ego omnino non fui. Fateor me sectorem esse: ue  
 rum et alij multi. at ego (ut tute arguis) agricola et  
 rusticus. Non continuo, si me in gregem sicariorum contu  
 li: sum sicarius. at ego profecto, qui ne noui quidem quæ  
 quam sicarium: longe absum ab eiusmodi crimine. per  
 multa sunt: quæ dici possunt: quare intelligatur summam  
 tibi facultatem fuisse maleficij suscipiendi: quæ non mo  
 do ita prætereo: quod te ipsum non libenter accuso:  
 uerum eo magis etiam, quod si de illis cædibus uelim  
 commemorare: quæ tum factæ sunt ista eadem ratione:  
 qua Sex. Roscius occisus est: uereor ne ad plures oratio  
 mea pertinere uideatur. Videamus nunc strictim, sicut  
 cætera, quæ post mortem Sex. Rosci abs te T. Rosci fa  
 cta sunt: quæ ita aperta et manifesta sunt: ut medijs fi  
 dius Iudices inuitus ea dicam. uereor enim cuiusquemo  
 di es Rosci, ne ita hunc uidear uoluisse seruare: ut tibi  
 omnino non pepercerim. cum hoc uereor: et cupio tibi  
 aliqua ex parte (quod salua fide possim) parcere: rursus  
 immuto uoluntatem meam. uenit enim mihi in mentem  
 oris tui. Te ne cum cæteri socij tui fugerent: ac se ocul  
 tarent: ut hoc iudicium non de illorum præda, sed de

huius maleficio fieri uideretur: potissimum tibi partes istas depoposcisse? ut in iudicio uersare: et sederes cum accusatore? qua in re nihil aliud assequeris: nisi ut ab omnibus mortalibus audacia tua cognoscatur, et impudentia. Ociſo Sex. Roscio, qui primus Ameriam nunciat? Mallius Glaucia, quem iam antea nominavi: tuus cliens, et familiaris. quid attinuit eum potissimum nunciare, quod, si nullum iam ante consilium de morte ac de bonis eius inieras. nullamq; societatem neq; sceleris, neq; præmij, cum homine ullo coieras: ad te minime omnium pertinebat? sua sponte Mallius nunciat? quid quæso eius intererat? an cum Ameriam non huiusce rei causa uenisset: casu accidit: ut id quod Romæ audierat, primus nunciaret? cuius rei causa uenerat Ameriam? non possum inquit diuinare. eo rem iam adducam: ut nihil diuinatione opus sit. qua ratione Roscio Capitori primum nunciauit? cum Ameriæ Sex. Roscij domus, uxor, liberiq; essent: cum tot propinqui cognatiq; optime conuenientes: qua ratione factum est: ut iste tuus cliens sceleris tui nuncius T. Roscio Capitori potissimum nunciaret? ocisus est à cœna rediens. nondum lucebat: cum Ameriæ scitum est. quid hic incredibilis cursus? quid hæc tanta celeritas, festinatioq; significat? non quæro: quis percussit. nihil est Glaucia quod metuas: non excutio te: siquid forte ferri habuisti: non scrutor: nihil ad me arbitror pertinere. quoniam cuius consilio ocisus sit, inuenio: cuius manu sit percussus, non laboro. unum hoc sumo: quod mihi apertum tuum scelus resq; manifesta dat. ubi aut unde audiuit Glaucia? qui tam cito sciuit? fac audisse statim. quæ res eum nocte una tantum itineris contendere coegit? quæ necessitas eum tanta premebat? ut si sua sponte

iter Ameriam faceret: id temporis Roma proficisceretur?  
 nullam partem noctis requiesceret? etiam ne in tam per-  
 spicuis rebus argumentatio querenda, aut coniectura  
 capienda sit? non ne uobis hæc, quæ audistis: cernere oculis  
 uidemini Iudices? non illum miserum, ignarum ca-  
 sus sui, redeuntem à cæna uidetis? non positas insidias?  
 non impetum repentinum? non uersatur ante oculos uo-  
 bis in cæde Glaucia? non adest iste T. Roscius? non suis  
 manibus in curru collocat Antumedontem illum sui sce-  
 leris acerbissimæ nefariæq; uictoriæ nuncium? non orat  
 ut eam noctem peruigilet? ut honoris sui causa laboret?  
 ut Capitori quamprimum nunciet? quid erat quod Ca-  
 pitonem primum scire uoluerit? nescio. nisi hoc uideo:  
 Capitonem in his bonis esse socium: de tribus & decem  
 fundis, tres nobilissimos fundos eum uideo possidere. au-  
 dio præterea non hanc suspensionem nunc primum in  
 capitonem conferri: multas esse infamis palmas: hæc pri-  
 mam esse tamen lemniscatam: quæ Romæ deferatur. nul-  
 lum modum esse hominis occidendi: quo ille non aliquot  
 occiderit: multos ferro, multos ueneno habeo etiam dice-  
 re quem contra morem maiorum, minorem annis LX  
 de ponte in Tiberim deiecerit. quæ si prodierit: atque  
 adeo cum prodierit: scio enim proditum esse: audiet.  
 ueniat modo: explicet suum uolumen illud: quod ei pla-  
 num facere possum Erucium conscripsisse: quod aiunt il-  
 lum Sex. Roscio intentasse: & meditatam esse: se omnia  
 illa pro testimonio esse dicturum. O' præclarum testem  
 Iudices: O' grauitatem dignam expectatione: O' uitam  
 honestam: atq; eiusmodi, ut libentibus animis ad eius te-  
 stimonium uestrum iusiurandum accommodetis. profe-  
 cto non tam perspicue istorum maleficia uideremus: nisi

ipsos cecos redderet cupiditas, et auaricia, et audacia.  
 alter ex ipsa cæde uolucrum nuncium Ameriam ad so-  
 cium atq; ad magistrum suum misit: ut si dissimulare  
 omnes cuperent: se scire, ad quem maleficium pertine-  
 ret: tamen ipse apertum suum scelus ante omnium oca-  
 los poneret. alter (si dijs immortalibus placet) testimo-  
 nium etiam in Sex. Roscium dicturus est. quasi uero  
 id nunc agatur: uirum, is quod dixerit, credendum: an  
 quod fecerit, uindicandum sit. itaq; more maiorum cõ-  
 paratum est: ut in minimis rebus homines amplissimi  
 testimonium de sua re non dicerent. Africani, qui suo  
 cognomine declarat, tertiam partem orbis terrarum se  
 subegisse: tamen si sua res ageretur: testimonium non di-  
 ceret. nam illud in talem uirum non audeo dicere: si di-  
 ceret, non crederetur. uidete nunc quàm uersa et mu-  
 tata in peiorem partem sint omnia. cum de bonis et de  
 cæde agatur: testimonium dicturus est is: qui et sector  
 est, et sicarius: hoc est, qui et illorum ipsorum bono-  
 rum, de quibus agitur: emptor, atq; possessor est: et eum  
 hominem occidendum curauit: de cuius morte quæri-  
 tur. quid tu uir optime? ecquid habes, quod dicas? mihi  
 ausculta: uide ne tibi desis: tua quoq; res per magna agi-  
 tur. multa scelerate, multa audacter, multa improbe fe-  
 cisti: unum stultissime, profecto tua sponte, non de Eru-  
 cy sententia. nihil opus fuit te isti credere. neq; enim ac-  
 cusatore nuto, neq; teste quisquam utitur eo: qui de accu-  
 satoris subtelio surgit. huc accedit quod paulo tamen oc-  
 cultior atq; tectior uestra ista cupiditas esset. nunc quid  
 est? quod quisquam ex uobis audire desideret? cum quæ  
 facitis, eiusmodi sint: ut ea dedita opera a uobis contra  
 uosmetipsos facere uideamini. Age nunc, illa uidea-



mus Iudices, quæ statim consecuta sunt. ad Volaterras  
 in castra L. Syllæ, mors Sex. Roscij quatruiduo, quo is  
 occisus est, Chrysogono nunciatur. queritur etiam nunc  
 quis eum nuncium miserit. nonne perspicuum est, eun-  
 dem qui Ameriam? curat Chrysogonus, ut eius bona ue-  
 neant statim. qui non norat hominem aut rem? at qui  
 ei uenit in mentem prædia concupiscere hominis igno-  
 ti? quem omnino nunquam uiderat? soletis, cum aliquid  
 huiusmodi auditis Iudices: continuo dicere, necesse est  
 aliquem dixisse municipem, aut uicarium. ij plerumq; in-  
 dicant: per eos pleriq; produntur. hic nihil est quod su-  
 spicionem hoc putetis. non enim ego ita disputabo: uerisi-  
 mile est, Roscios istam rem ad Chrysogonum detulisse:  
 erat enim eis cum Chrysogono iam antea amicitia. nam  
 cum multos ueteris à maioribus Roscij patronos hospi-  
 tesq; haberent: omnis eos colere atq; obseruare desite-  
 runt: ac se in Chrysogoni fidem & clientelam contu-  
 lerunt. hæc possum omnia uere dicere. sed in hac causa  
 coniectura nihil opus est. ipsos certo scio non negare, ad  
 hæc bona Chrysogonum accessisse impulsu suo. Si eum,  
 qui indicij partem acceperit: oculis cernetis: poteritis ne  
 dubitare Iudices qui indicarit? qui sunt igitur in istis bo-  
 nis quibus partem Chrysogonus dederit? duo Roscij. nū-  
 quisnam præterea? nemo est Iudices. num ergo dubium  
 est: quin ij obtulerint hanc prædam Chrysogono: qui ab  
 eo partem prædæ tulerunt? Age nunc ex ipsius Chry-  
 sogoni iudicio Rosciorum factum consideremus. Si nihil  
 in ista pugna Roscij, quod operæ precium esset: fecerant:  
 quam ob causam Chrysogono tantis præmijs donaban-  
 tur? si nihil aliud fecerunt: nisi rem detulerunt: nonne  
 satis fuit his gratias agi? deniq; ut per liberaliter agere-

tur: honoris aliquid haberi? cur tria prædia, tantæ pec-  
 unia, statim Capitori dantur? cur quæ reliqua sunt  
 iste Roscius omnia cum Chrysogono communiter possi-  
 det? non ne perspicuum est Iudices: has manubias Ro-  
 scius Chrysogonum recognita concessisse? Venit in decem  
 primus legatus in castra Capito. totam uitam, naturam,  
 moresq; hominis ex ipsa legatione cognoscite. nisi intel-  
 lexeritis Iudices nullum esse officium, nullum ius, tam  
 sanctum, atq; integrum: quod non eiusce uis atq; perf-  
 dia uiolarit: et imminuerit: uirum optimum esse eum in  
 dicatote. impedimento est quo minus de his rebus Sylla  
 doceatur: cæterorum legatorum consilia, et uoluntatem  
 Chrysogono enūciat: monet, ut provideat, ne palam res  
 agatur: ostendit, si sublata sit uenditio bonorum: illum  
 pecuniam grandem amissurum: sese capitis periculum  
 aditurum: illum acueret: hos qui simul erant missi, falle-  
 re: illum identidem monere, ut cauere: hisce insidiose  
 spem falsam ostendere: cum illo contra hos inire consilia:  
 horum consilia illi enunciare: cum illo partem suam de-  
 pacisci: hisce aliqua frætum hora semper omnis aditus ad  
 Syllam intercludere. postremo isto hortatore, authore, in-  
 tercessore ad Syllam legati non adierunt: istius fide, ac  
 potius perfidia decepti, id quod ex ipsis cognoscere pote-  
 ritis: si accusator uoluerit testimoniū eis denuntiare: pro  
 re certa spem falsam domum retulerunt. In priuatis re-  
 bus si qui rem mandatam non modo malitiosius gessisset,  
 sui quæstus aut commodi causa: uerum etiam negligen-  
 tius: eum maiores summum admisisse dedecus existima-  
 bant. itaq; mandati constitutum est iudicium, non minus  
 turpe quam furti. credo propterea: quod quibus in rebus  
 ipsi interesse non possumus: in his operæ nostræ uicaria

fides amicorum supponitur. quam qui lædit: oppugnat omnium commune præsidium: & quantum in ipso est, disturbat uitæ societatem. non enim possumus omnia per nos agere: alius in alia est re magis utilis. itaque amicitiae comparantur: ut commune commodum mutuis officiis gubernetur. quid recipis mandatum? si aut neglecturus? aut ad tuum commodum conuersurus es? cur mihi te offers? ac meis commodis officio simulato officas, & obstitas? recede de medio: per alium transigam. suscipis onus officij, quod te putas sustinere posse: quod minime uidetur graue ijs, qui minime ipsi leues sunt. ergo ita turpis hæc culpa est: quod duas res sanctissimas uiolat, amicitiam, & fidem. nam neq; mandat quisquam ferre, nisi amico: neq; credit, nisi ei quem fidelem putat. perditissimum est igitur hominis simul & amicitiam dissolvere: & fallere eum, qui læsus non esset: nisi credidisset. Ita ne est? in minimis rebus, qui mandatum neglexerit: turpissimo iudicio condemnatur necesse est. in re tanta, cum is, cui fama mortui, fortunæ uiui commendatæ sunt, atq; concreditæ: ignominia mortuum affecerit: is inter honestos homines, atq; adeo inter uiuos numerabitur? In minimis priuatisq; rebus etiam negligentia in crimen mædati iudiciumq; infamia reuocatur. propterea, quod si recte fiat, illum negligere oporteat, qui mandarit: non illum, qui mandatum receperit. In re tanta, quæ publice gesta atq; commissa sit: qui non negligentia priuatum aliquod commodum læserit: sed perfidia, legationis ipsius cerimoniam polluerit: maculaq; affecerit: quæ is tandem poena afficietur? aut quo iudicio damnabitur? Si hæc ei rem priuatam Sex. Roscius mandauisset, ut cum Chryfogono transigeret: atq; decederet: inq; eam rem fidem

suam, siquid opus esse putaret, interponeret: ille, qui sese  
 facturum recepisset: nonne si ex eo negotio tantulum in  
 rem suam conuertisset: damnatus per arbitrum & rem  
 restitueret: et honestatem oem amitteret? Nunc non hanc  
 eire Sex. Roscius mandauit: sed id quod multo grauius  
 est: ipse Sex. Roscius cum fama, uita, bonisq; omnibus a  
 decurionibus publice Roscio mandatus est: & ex eo Ti-  
 tus Roscius, non paulum nescio quid in rem suam con-  
 uertit: sed hunc funditus euertit bonis: ipse iriæ prædia  
 sibi depactus est: uoluntatem decurionum ac municipum  
 omnium tantidem quanti fidem suam fecit. Videte iam  
 porro cætera Iudices: ut intelligatis fingi maleficium  
 nullum posse: quo iste sese non contaminari. In rebus  
 minoribus socium fallere turpissimum est: æqueq; turpez  
 atq; illud de quo ante dixi: neq; iniuria: propterea, quod  
 auxilium sibi se putat adiunxisse: qui cum altero rem  
 communicauit. ad cuius igitur fidem confugiet? cum per  
 eius fidem læditur, cui se commiserit? atque ea sunt ani-  
 maduertenda peccata maxime: quæ difficillime præcæue-  
 tur. tecti esse ad alienos possumus. intimi multa apertio-  
 ra uideant necesse est. socium uero cauere qui possumus?  
 quem etiam si metuinus: ius officij lædimus. recte igitur  
 maiores, eum qui socium fefellisset: in uirorum bonorum  
 numero non putarunt haberi oportere. At uero T. Rosci-  
 us non unum rei pecuniariæ socium fefellit (quod tam  
 etsi graue est: tamen aliquo modo posse ferri uidetur)  
 uerum nouem homines honestissimos eiusdem muneris,  
 legationis, officij, mandatorumq; socios, induxit: decipit:  
 destituit: aduersarijs tradidit: omni fraude, & perfidia  
 fefellit: qui de eius scelere suspicari nihil potuerunt: so-  
 cium officij metuere non debuerunt: eius maliciam non



uiderunt: orationi nanæ crediderunt. itaq; nunc illi homines honestissimi, propter istius insidias parum putantur cauti, prouidiq; fuisse. iste qui initio proditor fuit: deinde perfuga: qui primo sociorum consilia aduersarijs enūtiāuit: deinde societatem cum ipsis aduersarijs coit: terret etiā nos, ac minatur, tribus prædijs, hoc est præmijs sceleris ornatus. In eiusmodi uita Iudices, in his tot tantisq; flagitijs, hoc quoq; maleficium, de quo iudicium est, reperietis. Etenim quærere ita debetis: ubi multa auare, multa audacter, multa improbe, multa perfidiose facta uidetis: ibi scelus quoq; latere, inter illa tot flagitia putatote. tamen si hoc quidem minime lateret: quod ita promptum et propositum est: ut non ex illis maleficijs, quæ in illo constant esse: hoc intelligatur: uerum ex hoc, etiam si quod de illorum forte dubitabitur: conuincatur. quid tandem quæso Iudices num aut ille lanista omnino iam a gladiatore cessasse uidetur? aut is discipulus magistro tantulum de arte concedere? par est auaricia, famulis improbitas, eadem impudentia, gemina audacia. Etenim quoniam fidem magistri cognoscis: cognoscite nunc discipuli æquitatem. Dixi iam antea sæpe numero, postulos esse ab istis duos seruos in quæstionem: tu semper T. Rosci recusasti. quæro abs te: y ne, qui postulabant: indigni erant qui impetrarent? an iste non commouebat: pro quo postulabant? an res ipsa tibi iniqua uidebatur? postulabant homines nobilissimi, atq; integerrimi nostræ ciuitatis: quos iam antea nominauimus: ita uixerunt: talesq; a populo R. putantur: ut quicquid dicerent, nemo esset, qui non æquum putaret. postulabant autem pro homine miserrimo, atq; infelicissimo: qui uel ipse sese in cruciatum dari cuperet: dum de patris

morte quæreretur. res porro abs te eiusmodi postulaba-  
 tur: ut nihil interesset, utrum eam rem recusares: an de  
 maleficio confiterere: quæ cum ita sint: quæro abs te  
 quam ob causam recusaris? cum occiditur Sex. Roscius:  
 ibidem fuerunt. seruos ipsos, quod ad me attinet, neq; ar-  
 guo neq; purgo. quod a uobis oppugnari uideo: ne in  
 questionem dentur: suspiciosum est. quod uero apud uos-  
 ipsos in honore tanto sunt: profecto necesse est sciant ali-  
 quid: quod si dixerint: perniciosum uobis futurum sit. In  
 dominos quæri de seruis iniquum est. at ne queritur?  
 Sex. enim Roscius reus est. neq; enim cum de hoc quæri-  
 tur: uos dominos esse dicatis. Cum Chrysogono sunt. ita  
 credo: literis eorum, & urbanitate Chrysogonus duci-  
 tur: ut inter suos omnium delictarum atq; omniū artū  
 puerulos ex tot elegatissimis familijs lectos, uelit hos uer-  
 sari homines penè operarios ex amerina disciplina pa-  
 tris familie rusticam. non est ita profecto Iudices: non est  
 uerisimile: ut Chrysogonus horū literas adamarit, aut  
 humanitatem: non, ut rei familiaris negocio diligentia  
 cognorit eorum, et fidem. est quiddam quod occultatur:  
 quod quo studiosius ab ipsis opprimitur: et absconditur:  
 eo magis eminet: & apparet. quid igitur? Chrysogo-  
 nus sui malefici occultandi causa questionem de his ha-  
 beri non uult? minime Iudices. non in omnis arbitror  
 omnia conuenire. ego in Chrysogono, quod ad me atti-  
 net, nihil eiusmodi suspicor: neq; hoc mihi nunc primum  
 in mentem uenit dicere. meministis me ita distribuisse ini-  
 tio causam: in crimen: cuius tota argumentatio permissa  
 Erucio est: & in audaciam: cuius partes Roscius imposi-  
 te sunt. quicquid malefici, sceleris, cædis erit: propriū  
 id Rosciorum esse debet. nimiam gratiam, potentiāq;

Chryfogoni dicimus, & nobis ob stare: & perferri nul-  
 lo modo posse: et a uobis, quoniam potestas data est: non  
 modo infirmari, uerum etiam uindictari oportere. Ego sic  
 existimo: qui quæri uelit ex ijs, quos constat cum cædes  
 facta sit, affuisse: eum cupere uerum inuenire. qui recu-  
 set, eum profecto tamen si uerbo nō audeat: tamen re ipsa  
 de maleficio suo confiteri. Dixi initio Iudices: nolle me  
 plura de istorum scelere dicere: quā causa postularet:  
 ac necessitas ipsa cogeret. nam & multæ res afferri pos-  
 sunt: & unaquæq; earum multis cum argumentis dici  
 potest. uerum ego quod inuitus, ac necessario facio, neq;  
 diu, neq; diligēter facere possum. quæ præteriri nullo mo-  
 do poterant: ea leuiter Iudices attigi. quæ posita sunt in  
 suspicionibus: de quibus si cœpero dicere, pluribus uer-  
 bis sit differendum: ea uestris ingenuis coniecturæq;  
 committo. Venio nunc ad illud nomen aureum  
 Chryfogoni: sub quo nomine tota societas statuitur: de  
 quo Iudices neq; quomodo dicam: neq; quomodo taceam  
 reperire possum. si enim taceo: uel maximam partem re-  
 linquo. si autem dico: uereor ne non ille solus (id quod  
 ad me nihil attinet) sed alij quoq; plures læsos se esse pu-  
 tent. tamen si ita res se habet: ut mihi in communem cau-  
 sam sectorum dicendū nihil magnopere uideatur. hæc  
 enim causa noua profecto & singularis est: bonorum  
 Sex. Roscij emptorem Chryfogonum. Primum hoc ui-  
 deamus eius hominis bona qua ratione uenierunt: aut  
 quomodo uenire potuerunt. atq; hoc non ita quæram Iu-  
 dices: ut id dicam: esse indignum hominis innocentis bo-  
 na uenisse. si enim hæc audientur: ac libere dicentur: non  
 fuit tantus homo Sex. Roscius in ciuitate: ut de eo potissi-  
 mum cōqueramur. uerum ego hoc quæro: qui potuerunt

ista ipsa lege, quæ de proscriptione est: siue Valeria est:  
 siue Cornelia: non enim noui: nec scio: uerum ista ipsa  
 lege bona Sex. Roscij uenire qui potuerunt? scriptum  
 enim ita dicunt esse: ut eorum bona ueneant: qui pro-  
 scripti sunt. quo in numero Sex. Roscius non est. aut eo-  
 rum, qui in aduersariorum præsidys occisi sunt. dum  
 præsidia ulla fuerunt: in Syllæ præsidys fuit. postea quâ  
 ab armis recesserunt: in summo ocio rediens à cœna Ro-  
 mæ occisus est. si lege: bona quoq; lege uenisse fateor. sin  
 autem constat, contra omnis non modo ueteris leges, ue-  
 rum etiam nouas occisum esse: bona quo iure, aut quo-  
 modo, aut qua lege uenerint, quaero. In quem hoc dicâ  
 quaeris Eruci? non in eum quem uis: & putas. nam Syl-  
 lam & oratio mea ab initio, & ipsius eximia uirtus o-  
 mni tempore purgauit. ego hæc omnia Chrysogonum fe-  
 cisse dico: ut ementiretur: ut malum ciuem Roscium fuisse  
 fingeret: ut eum apud aduersarios occisum esse dice-  
 ret: ut hisce rebus à legatis Amerinorum doceri L. Syl-  
 lam passus non sit. deniq; etiam illud suspicor: omnino  
 hæc bona non uenisse: id quod postea, si per uos Iudices  
 liatum erit: aperietur. Opinor enim esse in lege quâ ad  
 diem proscriptiones uenditionesq; fiant: nimirum Cal-  
 Iunias. Aliquot post menses & homo occisus est: & bo-  
 na uenisse dicuntur. profecto aut hæc bona in tabulas pu-  
 blicas nullas redierunt: nosq; ab isto nebulone facilius  
 eludimur: quàm putamus. aut si redierunt: tabulæ pu-  
 blicæ corruptæ aliqua ratione sunt. nam lege quidem bo-  
 na uenire non potuisse constat. intelligo me ante tempus  
 Iudices hæc scrutari: & propemodum errare: qui cum  
 capiti Sex. Roscij mederi debeam: reduuiam curem. nō  
 enim laborat de pecunia: non ullius rationem sui com-



modi ducit: facile egestatem suam se latitum putat: si hac indigna suspitione, & ficto crimine liberatus sit. uerum quæso à uobis Iudices: ut hæc pauca quæ restant: ita audiat: ut partim me dicere pro meipso putetis: partim pro Sex. Roscio. quæ enim mihi ipsi indigna, & intolerabilia uidentur: quæq; ad omnis, nisi prouidemus, arbitror pertinere: ea pro meipso, & animi mei sensu, ac dolore pronuncio. quæ ad huius uitæ casum, causamq; pertineant: & quid hic pro se dici uelit: & qua conditione contentus sit: iam in extrema oratione nostra Iudices audietis. ego hæc à Chryfogono mea sponte remoto Sex. Roscio quæro: primum quare ciuis optimi bona uenierint? deinde quare hominis eius, qui neq; apud aduersarios ocafus est: bona uenierint: cum in eos solos lex scripta sit? deinde quare aliquanto post eam diem uenierint: quæ dies lege præfinita est? deinde cur tantulo uenierint? quæ omnia, si quemadmodū solent liberti nequā, & improbi facere: in patronum suum uoluerit conferre: nihil egerit. nemo est enim qui nesciat: propter magnitudinem rerum multa multos, partim imprudēte L. Sylla commisisse. Placet igitur in his rebus aliquid imprudentia præteriri? non placet Iudices: sed necesse est. etenim si Iupiter Optimus Maximus, cuius nutu & arbitrio cælum, terra, mari aq; reguntur: sæpe uentis uehementioribus, aut immoderatis tempestatibus, aut nimio calore, aut intolerabili frigore hominibus nocuit: urbes deleuit: fruges perdidit: quorū nihil perniciæ causa diuino consilio, sed ui ipsa, & magnitudine rerum factum putamus. at contra, commoda, quibus utimur: lucemq; quæ fruimur: spiritumq; quem ducimus: ab eo nobis dari atq; impartiri uidemus. quid miramur L. Syl-

lam, cum solus Remp. regeret: orbemq; terrarum guber-  
naret: imperijq; maiestatem, quam armis receperat: le-  
gibus confirmaret: aliqua animadvertere non potuisse?  
nisi hoc mirum est: quod uis diuina assequi non possit: si  
id mens humana adepta non sit. Verum ut hæc missa  
faciam: quæ iam facta sunt: ex ijs quæ nunc maxime fi-  
unt, non ne quiuis potest intelligere: omnium architectum,  
& machinatorem unum esse Chrysogonum: qui Sex.  
Roscij nomen deferendum curauit: hoc iudicium, cuius  
honoris causa accusare se dixit Erucius -

desunt non pauca.

-aptam, et ratione dispositam se habere existimant: qui  
in Sallentinis aut in Brutijs habent: unde uix ter in an-  
no audire nuncium possunt. alter tibi descendit de pala-  
tio, & ædibus suis. habet animi causa rus amœnum, et  
suburbanum: plura præterea prædia: neq; tamen ullum  
nisi præclarum, et propinquum. domus referta uasis Co-  
rinthijs & Deliacis: in quibus est Anthephsa illa: quam  
tanto precio nuper mercatus est: ut qui prætereuntes  
precium enumerare audiebant, fundum uenire ar-  
bitrarentur. quid præterea coelati argenti? quid stra-  
gulæ uestis? quid pictarum tabularum? quid signorum? quid mar-  
moris apud illum putatis esse? tantum scilicet: quantum è mul-  
tis splendidisq; familijs, in turba & rapinis coacernae-  
ri una in

ri una in domo potuit. familiam uero quantam, et quam  
 uarijs cum artificijs habeat, quid ego dicam? mitto ha-  
 sc artis uulgares, coquos, pistores, lecticarios: animi &  
 aurium causa tot homines habet: ut quotidiano cantu uo-  
 cum, & neruorum, & tibiaram, nocturnisq; conuiujs  
 tota uicinitas personet. in hac uita Iudices quos sumptus  
 quotidianos, quas effusiones fieri putatis? quæ uero con-  
 uiuia? honesta credo in eiusmodi domo: si domus hæc ha-  
 benda est potius, quam officina nequitie, & diuersorū  
 flagitiorum omnium. ipse uero quemadmodum compo-  
 sito, & delibuto capillo passim perforum uolitet, cum ma-  
 gna ceterua togatorum uidetis Iudices. etiam uidetis Iu-  
 dices: ut omnes despiciat: ut hominem præ se neminem pu-  
 tet: ut se solum beatum, solum potentem putet. quæ uero  
 efficiat, & quæ conetur, si uelim commemorare: uer cor  
 Iudices, ne quis imperitior existimet, me causam nobilita-  
 tis uictoriamq; uoluisse lædere. tamen si meo iure possum,  
 siquid in hac parte mihi non placeat. uituperare. non  
 enim uereor ne quis alienum me animum habuisse à cau-  
 sa nobilitatis existimet. sciunt ij, qui me norunt: me pro  
 illa tenui infirmaq; parte, posteaquam id quod maxime  
 uolui, fieri non potuit: ut componeretur: id maxime defen-  
 disse: ut ij uincerent: qui uicerunt. quis enim erat: qui nō  
 uideret, humilitatem cum dignitate de amplitudine con-  
 tendere? quo in certamine perditus ciuis erat: non se ad eos  
 iungere: quibus incolumibus, & domi dignitas, & fo-  
 ris authoritas retineretur. quæ perfecta esse, & suum  
 cuiq; honorem & gradum redditum, gaudeo Iudices:  
 uehementerq; lætor. eaq; omnia deorū uoluntate, studio  
 populi romani, consilio, et imperio, & felicitate L. Syllæ  
 gesta esse intelligo. quod animaduersum est in eos: qui con-

tra omni ratione pugnarunt: non debeo reprehendere:  
 quod uiris fortibus, quorum opera eximia in rebus ge-  
 rendis extitit: honos habitus est: laudo. quæ ut fierent: ic-  
 circo pugnatum esse arbitror: meq; in eo studio partium  
 fuisse confiteor. sin autem id actum est: & iacra ar-  
 ma sumpta sunt: ut homines postremi, pecunijs alienis lo-  
 cupletarentur: & in fortunas uniuscuiusq; impetum  
 facerent: & id non modo re prohibere non licet: sed ne  
 uerbis quidem uituperare: tum uero in isto bello non re-  
 creatus, neq; restitutus, sed subactus, oppressusq; populus  
 romanus est. uerũ longe aliter est: nihil horũ est Iudices:  
 nõ modo non lædetur causa nobilitatis: si istis hominibus  
 resistetis: uerum etiam ornabitur. etenim qui hæc uitupe-  
 rare uolunt: Chrysogonum tantum posse queruntur. q  
 laudare uolunt: concessum ei non esse commemorant. ac  
 iam nihil est quod quisquam aut tam stultus, aut tam im-  
 probus sit: qui dicat: uellem quidem liceret: hoc dixissem.  
 dicas licet. hoc fecissem. facias licet: nemo prohibet. hoc de-  
 creuissim. decerne: modo recte: omnes approbabit.  
 hoc iudicassim. laudabunt omnes: si recte & ordine ius  
 dicatis. dum necesse erat: resq; ipsa cogebat: unus o-  
 mnia poterat. qui postea quã magistratus creauit: legesq;  
 constituit: sua cuiq; procuratio, auctoritasq; est restituta.  
 quam si retinere uolunt ij: qui receperunt: in perpetuũ  
 poterunt obtinere. sin has cædes, & rapinas, & hos tan-  
 tos, tamq; profusos sumptus aut facient: aut approba-  
 bunt: nolo in eos grauius quicquam, ne hominis qui-  
 dem causa dicere. unum hoc dico: nostri isti nobiles,  
 nisi uigilantes, & boni, & fortes, & misericordes erunt:  
 ijs hominibus, in quibus hæc erunt: ornamenta sua con-  
 cedat necesse est. qua propter desinant aliquando dicere:



male aliquem locutum esse: si quis uere ac libere locutus  
 sit: desinant suam causam cum Chrysogono communicare:  
 re: desinant, si ille læsus sit: de se aliquid detractum ar-  
 bitrari: uideant ne turpe, miserumq; sit: eos qui equestre  
 splendorem pati non potuerunt: serui nequissimi domi-  
 nationem ferre posse. quæ quidem dominatio Iudices in  
 alijs rebus antea uersabatur. nunc uero quam uiam mu-  
 nit: quod iter affectet: uidetis: ad fidem, ad iusiuran-  
 dum, ad iudicia uestra, ad id, quod solum prope in ci-  
 uitate sincerum, sanctumq; restat. Hic ne etiam sese pu-  
 tat aliquid posse Chrysogonus? hic etiã potens esse uult?  
 O rem miseram atq; acerbam. neq; in hercules hoc in-  
 digne fero: quod uerear: ne quid possit. uerum quod au-  
 sus est: quod sperauit sese apud tales uiros aliquid ad per-  
 niciem posse innocentis: id ipsum queror. itaque ne ex-  
 perrecta nobilitas armis atq; ferro Reip. recuperauit?  
 ut ad libidinem suam liberti seruuliq; nobilium, bo-  
 na, fortunas uestras, nostrasq; uexare possent? si id actũ  
 est: fateor me errasse: qui hoc maluerim: fateor insanisse:  
 qui cum illis senserim. tamen si inermis Iudices sensi. sin-  
 autem uictoria nobilium ornamento, atq; emolumento  
 Reip. populoq; romano debet esse: tum uero optimo, et no-  
 bilissimo cuiq; mea orationem gratissimam esse oportet.  
 quod si quis est: qui, & se, & causam lædi putet: cum  
 Chrysogonus uituperetur: is causam ignorat: se ipsum  
 prope non nouit. causa enim splendidior fiet: si nequissi-  
 mo cuiq; resistetur. ille improbissimus Chrysogoni fautor,  
 qui sibi cum illo ratione communicatam putat: læditur:  
 cum ab hoc splendore causæ separatur. uerum hæc om-  
 nis oratio (ut iam ante dixi) mea est: quam uenti Resp. et  
 dolor meus, & istorum iniuria coegit. Sed Roscius ho-

rum nihil indignum putat: neminem accusat: nihil de suo patrimonio queritur: putat homo imperitus morū, agricola, & rusticus, ista omnia, quæ uos per Syllā gesta esse dictis: more, lege, iure gentium, facta. culpa liberatus, & crimine nefario solutus, cupit à uobis discedere. si hac indigna suspitione careat: animo æquo se cære suis omnibus commodis dicit. rogat: oratq; te Chrysgone: si nihil de patris fortunis amplissimis in suam rem conuertitur: si nulla in re te fraudauit: si tibi optima fide sua omnia concessit: adnumerauit: appendit: si uestitum, quo ipse tectus erat: annulumq; dedit: os suum tibi tradidit: si ex omnibus rebus seipsum nudum, neq; præterea quicquam excepit: ut sibi per te liceat innocenti amicorum opibus uitam in egestate degere. prædia mea tu possides: ego aliena misericordia uiuo. concedo: & quod animus æquus est: & quia necesse est. mea domus tibi patet: mihi clausa est. fero. familia mea maxima uteris: ego seruum habeo nullum. patior: & ferendum puto. quid uis amplius? quid insequeris? quid oppugnas? qua in re tuam uoluntatem lædi à me putas? ubi tuis commodis officio? quid tibi obsto? si spoliolum causa uis hominem occidere: spoliasti. quid queris amplius? si inimicitiarū: quæ sunt tibi inimiciæ cum eo: cuius antea prædia possedisti: quàm ipsum cognosti? sin metuis: ab eo ne aliquid metuis? quem uides ipsum ab sese tam atrocem iniuriam propulsare non posse? sin quod bona, quæ Roscij fuerunt: tua facta sunt: ideo hunc illius filium studeas perdere: non ne ostendis id te uereri? quod præter cæteros tu metuerere non debeas: ne quando liberis proscriptorum bona patria reddantur. facis iniuriam Chrysgone: si maiorem spem emptionis tuæ, in huius exitio po-

nir: quàm in his rebus quas L. Sylla gessit. quod si tibi  
causa nulla est cur hunc miserum tanta calamitate af-  
fici uelis: si tibi omnia sua præter animam tradidit: nec  
sibi quicquam paternum, ne monumenti quidem causa  
reseruauit: per deos immortales quæ ista tanta crudeli-  
tas est? quæ tam fera immanisq; natura? quis unquam  
prædo fuit tam nefarius? quis pirata tam barbarus?  
ut cum integram prædam sine sanguine habere posset:  
eruenta spolia detrahere mallet? scis hunc nihil habere:  
nihil audere: nihil posse: nihil unquam contra rem tuâ  
cogitasse: Et tamen oppugnas eum: quem neq; metuere  
potes: neq; odisse debes: nec quicquam habere iam reli-  
qui uides: quod ei detrahere possis. nisi hoc indignum  
putas: quod uestitum sedere in iudicio uides: quæ tu è pa-  
trimonio tanquam è naufragio nudum expulisti. quasi  
uero nescias hunc Et ali Et uestiri à Cecilia Balearis  
filia, Nepotis sorore, spectatissima fœmina: quæ cum pa-  
trem clarissimum, amplissimos patruos, ornatissimum  
fratrem haberet: tamen, cum esset mulier: uirtute perfe-  
cit: ut quanto honore ipsa ex illorum dignitate afficeretur:  
non minora illis ornamenta ex sua laude redderet.  
an quod diligenter defenditur: id tibi indignum facinus  
uidetur? mihi crede: si pro patris eius hospitij, et gratia  
uellent omnes huius hospites adesse. Et auderent libere  
defendere: satis copiose defenderetur. sin autem pro ma-  
gnitudine iniuriæ, proq; eo, quod summa Reip. in huius  
periculo tentatur: hæc omnes uindictarent: consistere me-  
hercule uobis isto in loco non liceret. nunc ita defendi-  
tur: non sanè ut moleste ferre aduersarij debeant: neq;  
ut se potentia superari putent. quæ domi gerenda sunt:  
ea per Ceciliam transiguntur. fori iudicijq; rationem

Messala, ut uidetis Iudices, suscepit. qui si iam satis æta-  
 tis atq; roboris haberet: ipse pro Sex. Roscio diceret. quo-  
 niam ad dicendum impedimento est ætas, & pudor, quæ  
 ornat ætatem: causam mihi tradidit: quem sua causa cre-  
 pere, ac debere intelligebat. ipse assiduitate, consilio, au-  
 thoritate, diligentia perfecit: ut Sex. Roscij uita crepta  
 de manibus seëtorum, sententijs iudicium permittere-  
 tur. nimirum Iudices pro hac nobilitate pars maxima  
 ciuitatis in armis fuit: hæc acta res est: uti nobiles resti-  
 tuerentur in ciuitatem: qui hoc facerent: quod facere Mes-  
 salam uidetis: qui caput innocentis defenderent: qui in-  
 iuriæ resisterent: qui quantum possent in salute alterius,  
 quam in exitio mallent ostendere. quod si omnes qui eo-  
 dem loco nati sunt: facerent: & Resp. ex illis, & ipsi ex  
 inuidia minus laborarent. uerum si à Chrysogono Iu-  
 dices non impetramus: ut pecunia nostra contentus sit:  
 uitam ne petat: si ille adduci non potest: ut cum ademe-  
 rit nobis omnia: quæ nostra erant propria: ne lucem  
 quoq; hanc, quæ communis est: eripere cupiat: si non satis  
 habet auariciam suam pecunia explere: nisi etiam cru-  
 delitate sanguinis præditus sit: unum perfugium Iudi-  
 ces, una spes reliqua est Sex. Roscio, eademq; Reipubli-  
 cæ: uestra pristina bonitas, & misericordia. quæ si ma-  
 ner: salui etiam nunc esse possumus. sin ea crudelitas,  
 quæ hoc tempore in Rep. uersata est: uestros quoq; ani-  
 mos (id quod fieri profecto non potest) duriores, acerbio-  
 resq; reddidit: actum est Iudices: inter feras satius est æta-  
 tem degere: quam in hac tanta immanitate uersari. ad  
 eam ne rem uos reseruati estis? ad eam ne rem delecti?  
 ut eos condemnaretis: quos seëtores, ac sicarij iugulare nō  
 potuissent? solent hoc boni imperatores facere: cum præ



lium committunt: ut in eo loco, quo fugam hostium fore  
arbitrentur: milites collocent: in quos, si qui ex acie fuge-  
rint: de improviso incidant. nimirum similiter arbi-  
trantur isti bonorum emptores, uos hic tales uiros sede-  
re: qui excipiat eos: qui de suis manibus effugerint. di-  
prohibeant Iudices: ut hoc, quod maiores consilium pu-  
blicum uocari uoluerunt: praesidium sectorum existi-  
metur. an uero Iudices uos non intelligitis? nihil aliud  
agi: nisi ut proscriptorum liberi quauis ratione tollan-  
tur: et eius rei initium in uestro iureiurando, atq; in Sex-  
Rosci periculo quaeri? dubium est ad quem maleficium  
pertineat? cum uideatis ex altera parte sectorem, inimi-  
cum, sicarium, eundemq; accusatorem, hoc tempore: ex  
altera parte egentem, probatum suis filium: in quo non-  
modo culpa nulla, sed ne suspicio quidem potuit consiste-  
re. nunquid hic aliud uidetis obstare Roscio? nisi quod  
patris bona uenierunt? quod si id uos suscipitis: & ea-  
dem in re operam uestram profitemini: si ictarco sedetis:  
ut ad uos adducantur eorum liberi, quorum bona ue-  
nierunt: atque per deos immortales Iudices: ne noua,  
& multo crudelior per uos proscriptio instaurata esse  
uideatur. illam priorē, quae facta est in eos, qui arma ca-  
pere potuerunt: tamen senatus suscipere noluit: nequid  
acrius quam more maiorum comparatum, publico con-  
silio factum uideretur. hanc uero quae ad eorum libe-  
ros, atque infantium puerorum incunabula perti-  
net: nisi hoc iudicio a uobis reijctis: & aspernami-  
ni: uidete per deos immortales, quem in locum Remp.  
peruenturam putetis. homines sapientes, & ista aucto-  
ritate, & potestate praeditos, qua uos estis, ex quibus re-  
bus maxime Resp. laborat, is maxime mederi conuenit.

uestrū nemo est: quin intelligat populū romanū, q̄ quondā in hostes lenissimus existimabatur: hoc tēpore domestica crudelitate laborare. hanc tollite ex ciuitate Iudices: hanc pati nolite diutius in hac Rep. uersari: quæ non modo id habet in se mali: quod tot ciues atrocissime sustulit: uerum etiam hominibus lenissimus ademit miseri cordiam consuetudine incommodorum. nam cum omnibus horis aliquid atrociter fieri uidemus: aut audimus: etiam, qui natura mitissimi sumus, assiduitate molestarum sensum omnem humanitatis ex animis amittimus.

Desit fortasse quippiam.

## PRO Q. ROSCIO COMOEDO.

## ORATIO III.

*Multa, quæ desunt, querenda.*

—malitiam naturæ crederetur, is scilicet uir optimus, et singulari fide præditus, in suo iudicio suis tabulis testibus uti conatur. solent ferè dicere q per tabulas homines citi pecuniam expensam tulerunt: ego ne talem uirum corrumpere potui? ut mea causa falsum in codicem referret? expecto quam mox Cherea hac oratione utatur: ego ne hanc manum plenam perfidia, et hos digitos meos impellere potui: ut falsum perscriberem nomen? quod si ille suas proferet tabulas: proferet suas quoque Roscius. erit in illius tabulis hoc nomen. at huius non erit. cur potius illius, quam huius crederetur? scripsisset ille: si non iussu huius expensum tulisset? non scripsisset hic, quod sibi expensum ferre iussisset? nam quemadmodum turpe est scribere, quod non debeat: sic improbum est non referre, quod debeas. æque enim tabulae condemnantur eius, qui uerum non retulit: et eius, qui falsum perscripsit. sed ego copia et facultate causæ confisus uide quo progrediar. si tabulas C. Fannius accepti, et expensi profert suas, in suam rem, suo arbitratu scri-

ptas: quo minus secundum illum iudicetis, non recusō.  
 quis hoc frater fratri, quis parens filio tribuit? ut quod-  
 cunq; retulisset: id ratum haberet? ratum habebit Rosci-  
 us. profer. quod tibi fuerit persuasum: huic erit persua-  
 sum: quod tibi fuerit probatum: huic erit probatum. pau-  
 lo ante M. Perpenna P. Satori tabulas poscebamus. nūc  
 tuas C. Fannij. Chereæ solius flagitamus. & quominus  
 secundum eas lis detur, non recusamus. quid ita non  
 profers? non conficit tabulas? immo diligentissime. nō re-  
 fert parua nomina in codices? immo omnis summas. le-  
 ue, & tenue hoc nomen HS CCCLIII sunt? quomo-  
 do tibi tanta pecunia extraordinaria iacet? quomodo  
 HS CCCLIII in codice accepti, et expensi non sunt?  
 pro' dij immortales, esse ne' quenquam tanta audacia  
 praeditum? qui quod nomen referre in tabulas timeat: id  
 petere audeat? quod in codice iniuratus referre noluit:  
 id iurare in litem non dubitet? quod sibi probare non  
 possit: id persuadere alteri conetur? nimium cito ait me  
 indignari de tabulis: non habere se hoc nomen in codi-  
 ce accepti, & expensi relatum confitetur: sed in aduersa-  
 rijs patere contendit. usq; eo ne te diligis? & magnifice  
 circumspectis? ut pecuniā non ex tuis tabulis, sed aduersa-  
 rijs petas? suū codicem testis loco recitare arrogantiæ est.  
 suarum proscriptionum, et literarum aduersaria pro-  
 ferre non amentia est? quod si eandem vim, diligentia-  
 am, auctoritatemq; habent aduersaria, quam tabulae:  
 quid attinet codicem instituere? conscribere? ordinem con-  
 servare? memoriae tradere. literarum uetustatem? sed si  
 quod aduersarijs nihil credimus: ita rō. codicem scri-  
 bere instituimus: quod etiam apud omnis leue, & inpr-  
 mum est: id apud iudicem graue & sanctum esse du-



ætur? quid est, quod negligenter scribamus aduersaria?  
quid est, quod diligenter conficiamus tabulas? qua de cau-  
sa? quia hæc sunt menstrua: illæ sunt æternæ: hæc delen-  
tur statim: illæ seruantur sancte: hæc parui temporis me-  
moriæ, illæ perpetuæ existimationis fidem, & religio-  
nem amplectuntur: hæc sunt deiecta: illæ in ordinem  
confectæ. itaq; aduersaria in iudicium protulit nemo:  
codicem protulit: tabulas recitauit. tu C. Piso tali fide,  
uirtute, grauitate, authoritate ornatus, ex aduersarijs pe-  
cuniam petere non auderes. Ego quæ clara sunt consue-  
tutine, diuitius dicere non debeo. illud uero, quod ad re-  
uehementer pertinet, quæro: quàm pridem hoc nomen  
Fanni in aduersaria retulisti? erubescit: quid respõdeat,  
nescit: quid fingat extemplo, non habet. sunt duo men-  
ses iam dices. tamen in codicem acceptum, & expensum  
esse debuit. amplius sunt sex menses. cur tam diu iacet  
hoc nomen in aduersarijs? quid si tandem amplius tri-  
ennium est? quomodo, cum omnes qui tabulas conficiât,  
menstruas pene rationes in tabulas transferant: tu hoc  
nomen triennium amplius in aduersarijs iacere pate-  
ris? utrum cætera nomina in codicem accepti, & expen-  
si digesta habes? an non? si non: quomodo tabulas confi-  
cis? si etiam: quamobrem cum cætera nomina in ordinem  
referebas: hoc nomen triennio amplius, quod erat in pri-  
mis magnum: in aduersarijs relinquebas? nolebas sciri  
debere tibi Roscium. cur scribebas? rogatus eras, ne  
referres. cur in aduersarijs scriptum habebas? Sed hæc  
quanquam firma esse uideo: tamen ipse mihi satisfacere  
non possum: nisi à C. Fannio ipso testimonium sumo:  
hanc pecuniam ei nõ deberi. magnum est: quod conor:  
difficile est: quod polliceor. nisi eundem et aduersarium

et testem habuerit Roscius: nolo uincat. pecunia tibi debebatur certa: quæ nunc petitur per iudicem: in qua legitime partis sponso facta est. hic tu si amplius HS nūmo petisti: quàm tibi debitum est: causam perdidisti: propterea quod aliud est iudicium: aliud est arbitrium. iudicium est pecuniæ certæ: arbitrium incertæ. ad iudiciū hoc modo uenimus: ut totam litem aut obtineamus: aut amittamus. ad arbitrium hoc animo adimus: ut neq; nihil, neq; tantum quantum postulauimus, consequamur. Eius rei ipsa uerba formulæ testimonio sunt. quid est in iudicio? directum, asperū, simplex. si peteret HS LIII dari: hic nisi planum facit HS LIII ad libellam si bi deberi: causam perdit. quid est in arbitrio? mite, moderatum, quanto æquius & melius, id clarius: ille tamē confitetur, plus se petere: quàm debeatur. sed satis superq; habere dicit: quod sibi ab arbitro tribuatur. itaq; alter causæ confidit: alter diffidit. Quæ cū ita sint: quæro abs te: qd ita de hac pecunia, de his ipsis HS LIII, de tuarum tabularum fide, compromissum feceris: arbitrium sumpseris: quanto æquius & melius sit dari re-promittiq; si peteres. Quis in hanc rem fuit arbiter? utinam is quidē romæ esset. romæ est. iam utinam adesset in iudicio. adest. utinam sederet in consilio C. Pisonis. ipse C. Piso est. eundem ne tu arbitrum & iudicem sumebas? eidem & infinitam largitionem remittebas? et eundem in angustissimam formulam sponsonis concludebas? quis unquam ad arbitrum quantum petit tantum abstulit? nemo. quantum enim æquius esset sibi dari petit. de quo nomine ad arbitrum adisti: de eo ad iudicem uenisti. cæteri cum ad iudicem causam labefacta: ri anima duertunt: ad arbitrum confugiunt. hic ab ar-

bitro ad iudicem uenire est ausus. qui cum de hac pecunia, de tabularum fide arbitrum sumpsit: iudicauit sibi pecuniam non deberi. Iam duæ partes causæ sunt confectæ: adulterasse sese negat: expensum tulisse non dicit: cum tabulas non recitat. reliquum est ut stipulatum se esse dicat. præterea enim quemadmodum certam pecuniâ petere possit, non reperio. stipulatus es? ubi? quo die? quo tempore? quo præsentem? quis spondidisse me dicit. nemo. Hic ego si finem faciam dicendi: satis fidei et diligentiae meæ, satis causæ, et controuersiae, satis formulæ, et sponcioni, satis etiam iudici fecisse uidear: cur secundum Roscium iudicari debeat. pecunia petita est certa: cum tertia parte sponsio facta est. hæc pecunia necesse est, aut data, aut expensa lata, aut stipulata sit. datam non esse, Fannius confitetur: expensam latam non esse, codices Fannij confirmant: stipulatam non esse, taciturnitas testum concedit. quid ergo est? quod et res eius est: cuius et pecunia leuissima, et existimatio sanctissima fuit semper: et iudex est is: quem nos non minus bene de nobis existimare: quam secundum nos iudicare uelimus: et aduocatio ea est: quam propter eximium splendorem, ut iudicem unum uereri debeamus: perinde ac si in hanc formulam omnia iudicia legitima, omnia arbitria honoraria, omnia officia domestica, conclusa et comprehensa sint: perinde dicemus. illa superior fuit oratio necessaria: hæc erit uoluntaria. illa ad iudicem: hæc ad C. Pisone. illa pro reo: hæc pro Roscio. illa uictoriæ: hæc bonæ existimationis causa comparata. Pecuniam petis Fanni à Roscio: quam? dic audacter, et aperte: utrum quæ tibi ex societate debeat? an quæ ex liberalitate huius promissa sit, et ostentata? quorum alterum est grauius,

Et odiosius: alterum leuius, Et facilius. Quæ ex societa-  
 te debeat? quid ais? hoc iam nec leuiter ferendum est:  
 neque negligenter defendendum. si qua enim sunt priuata  
 iudicia summæ existimationis, et penè dicam capitis: tria  
 hæc sunt: fiducia, tutela, societatis: æque enim perfidio-  
 sum, Et nefarium est, fidem frangere: quæ continet uitã:  
 Et pupillum fraudare: qui in tutelam peruenit: Et so-  
 cium fallere: qui se in negotio coniunxit. Quæ cum ita  
 sint: quis it, qui socium fraudarit Et fefellerit, considere-  
 mus. dabit enim nobis iam tacite uita acta, in alterutra  
 partem firmum, Et graue testimonium. Quintus Ro-  
 sci? quid ais? non ne ut ignis in aquam coniectus con-  
 tinuo restinguitur: Et refrigeratur: sic referuens falsum  
 crimen in purissimam et castissimam uitam collatum sta-  
 tim concidit: et extinguitur? Roscius socium fraudauit? po-  
 test hoc homini huic hæere peccatum? qui mediis fidius  
 (audacter dico) plus fidei quàm artis, plus ueritatis, quàm  
 disciplinæ possidet in se: quem populus Ro. meliorem ui-  
 rum, quàm histrionem esse arbitratur: qui ita dignissi-  
 mus est scena, propter artificium: ut dignissimus sit cu-  
 ria, propter abstinentiam. sed quid ego ineptus de Roscio  
 apud Pisonem dico? ignotum hominem scilicet pluribus  
 uerbis commendo. est ne quisquam omnium mortalium:  
 de quo melius existimes tu? est ne quisquam: qui tibi pu-  
 rior, pudentior, humanior, officiosior, liberaliorque uide-  
 tur? quid tu Saturi, qui contra hunc uenis: existimas  
 aliter? non ne quotienscunq; in causa in nomen huius  
 incidisti: totiens hunc et uirum bonum esse dixisti: et honoris  
 causa appellasti? quod nemo nisi aut honestissimo, aut ami-  
 cissimo facere consuevit. quæ in re mihi ridicule es uisus  
 esse inconstans: qui eundem et laederes, Et laudares: et ui-



rum optimum, et hominem improbissimum esse diceret. eundem tu et honoris causa appellabas: et uirum primarium esse dicebas: et socium fraudasse arguebas. sed, ut opinor, laudem ueritati tribuebas: crimen gratiae concedebas: de hoc ut existimabas, praedicabas: Chereae arbitratu causam agebas. fraudauit Roscius. est hoc quidem auribus, animusque hominum absurdum. quid si tandem aliquem timidum, dementem, diuitem, inertem, nactus esset: qui experiri non posset? tamen incredibile esset. ueruntamen quem fraudarit uideamus. C. Fannium Cheream Roscius fraudauit. oro, atque obsecro, uos, qui nostis: uitam inter se utriusque conferte: qui non nostis: faciem utriusque considerate. nonne ipsum caput, et supercilia illa penitus abrasa olere maliciam, et clamitare calliditatem uidentur? non ab imis unguibus usque ad uerticem summum, si quam coniecturam affert hominibus tacita corporis figura: ex fraude, fallacijs, mendacijs, constare totus uidetur? qui itaque capite, et supercilijs semper est rasis: ne ullum pilum uiri boni habere dicatur. cuius personam praecclare Roscius in scena tractare consuevit. neque tamen pro beneficio ei par gratia refertur. nam ballionem illum improbissimum, et periuurissimum. lenonem cum agit: agit Cheream. persona illa lutulenta, impura, inuisa, in huius moribus, natura, uitaque est expressa. qui quamobrem Roscium similem sui in fraude, et malicia existimauit: nihil uidetur: nisi forte, quod praecclare hunc imitari se in persona lenonis animaduertit. Quamobrem etiam atque etiam considera C. Piso, quis quem fraudasse dicatur. Roscius Fannium? quid est hoc? probus improbum, pudens impudentem, periurum castus, callidum imperitus, libera-

lis auidum. incredibile est. quemadmodum si Fannius Roscium fraudasse diceretur: utrumq; ex utriusq; persona uerisimile uideretur: & Fannium per maliciā fecisse: & Roscium per imprudentiam deceptum esse: sic cum Roscius Fannium fraudasse arguatur: utrumq; incredibile est: & Roscium quicquam per auaritiam appetisse: & Fannium quicquam per se bonitate amisisse. principia sunt huiusmodi. spectemus reliqua. HS  
 LIII Q. Roscius fraudauit Fannium. qua de causa? subridet Saturius ueterator, ut sibi uidetur. ait propter ipsa HS LIII. uideo: sed tamen cur ipsa HS LIII tā uehementer concupierit quæro. Nam tibi M. Perperna, C. Piso certe tanti non fuisset: ut socum fraudaretis. Roscio cur tanti fuerit: causam requiro. egebat? immo locuples erat. debebat? immo in suis summus uersabatur. auarus erat? immo etiā antequam locuples, semper liberalissimus, munificentissimusq; fuit. pro deū hominūq; fidē: qui HS CCCLIII. CCCLIII. CCCLIII quæstus facere noluit: nā certe HS CCCLIII. CCCLIII. CCCLIII merere et potuit, et debuit: si potest dionysia HS CCCLIII. CCCLIII merere: is per summam fraudem, et maliciā, et perfidiā HS LIII appetit? & illa fuit pecunia immanis: hæc paruula. illa honesta: hæc sordida. illa iucunda: hæc acerba. illa propria: hæc in causa, & in iudicio collocata. Decem his annis proximis HS sexages honestissime consequi potuit. noluit: laborem quæstus recepit: quæstum laboris reiecit: populo Ro. adhuc seruire non destitit: sibi seruire iam pridem destitit. hoc tu unquam Fanni faceres? sed si hos quæstus recipere posses: non eodem tempore & gestum, & animam ageres? dic nunc te ab Roscio HS  
 LIII circumscriptum

LIII circumscriptum esse: qui tantas, et tā infinitas pecunias non propter inertiam laboris, sed propter magnificentiam liberalitatis repudiavit. quid ego nunc illa dicam: quæ vobis in mentem uenire certo scio? fraudabat te in societate Roscius. sunt iura: sunt formulæ de omnibus rebus constitutæ: nequis aut in genere iniuriæ, aut ratione actionis errare possit. expressæ sunt enim ex uniuscuiusq; dāno, dolore, incommodo, calamitate, iniuria, publicæ a Prætoris formulæ: ad quas priuata lis accommodatur. quæ cum ita sint: cur non arbitrum pro socio adegeris? Q. Roscium quæro. formulam non noras? notissima erat iudicio graui experiri nolebas? quid ita? propter familiaritatem ueterem? cur ergo lædis? propter integritatem hominis? cur igitur insimulas? propter ægritudinem criminis? ita ne uero? quem per arbitrum circumuenire non posses: cuius de ea re proprium non erat iudicium: nunc per iudicem condemnabis: cuius de re nullum est arbitrium? quin tu hoc crimen aut obijce: ubi licet agere: aut tacere noli: ubi nō oportet. tamen si iā hoc tuo testimonio crimen sublatum est. nam quo tu tempore illa formula uti noluisti: nihil hunc in societate fraudis fecisse—

\*

—in ditionem tabulas habet an non? si non habet: quemadmodum pactio est? si habet: cur non nominas? dic nunc Roscium abs te petisse ut familiarem suum sumeres arbitrum. non petijt. dic pactionem fecisse ut absolueretur. non pepigit. quare quare sit absolutus? quod erat summa innocentia, & integritate. quid enim factum est? uenisti domum ultro Rosci: satisfacisti: quod temere commisisti, in iudicium ut denunciarer: rogasti ut ignosceret: te affuturum

negasti: debere tibi ex societate nihil, clamitasti iudici. hic denunciat: absolutus est. tamen fraudis ac furti mentionem facere audes? perstat in impudētia: pactionem enī inquit mecum fecerat. ita iurco uidelicet ne condemnaretur? quid erat causae, cur metueret ne condemnaretur? res erat manifesta: furtum erat apertum. cuius rei furtum factum erat? exorditur magna cum expectatione ueteris histrionis exponere societatem. Panurgus inquit fuit Fannij. is fuit ei cum Roscio communis. hic primum quaestus est non leuiter Saturius: communem factum esse gratis cum Roscio: qui precio proprius fuisset Fannij. largitus est scilicet homo liberalis, & dissolutus, & bonitate affluens Fannius Roscio? sic puto. quoniam ille hic constitit paulisper: mihi quoque necesse est paulum commorari. Panurgum tu Saturi proprium Fannij dici fuisse. at ego totum Roscij fuisse contendo. quid erat enim Fannij? corpus. quid Roscij? disciplina. facies non erat, ars erat preciosa. ex qua parte erat Fannij: non erat HS LIII. ex qua parte erat Roscij: amplius erat HS CCCLIII. nemo enim illum ex trunco corporis spectabat: sed ex artificio Comico aestimabat. nam illa membra merere per se non amplius poterant duodecim aeris: disciplina quae erat ab hoc tradita: locabat se non minus HS CCCLIII. O' societatem aptiosam & indignam: ubi alter HS LIII, alter CCCLIII quod sit, in societatem affert. nisi ita iurco moleste patetis: quod HS LIII tu ex arca proferebas: HS CCC LIII ex disciplina, & artificio Roscius promebat. quam enim rem, & expectationem, quod studium, & quem fauorem secum in scenam attulit Panurgus? quod Roscij fuit discipulus: qui diligebant hunc: illi faue-



bant: qui admirabantur hunc: illum probabant: qui deniq; huius nomen audierant: illum eruditum et perfectum existimabant. sic est vulgus: ex ueritate pauca, ex opinione multa aestimat. quid sciret ille: per pauci animaduertebant: ubi didicisset: omnes querebant. nihil ab hoc prauum, & peruersum produci posse arbitrabantur. si ueniret ab Statilio: tamen si artificio Rosciū superaret: aspicere nemo posset. nemo enim sicut ex improbo patre probum filium nasci: sic ex pessimo histrione bonū Comœdū fieri posse existimaret. quia ueniebat à Roscio: plus etiam scire, quàm sciebat, uidebatur. quod item nuper in Erote Comœdo usu uenit. qui postea quàm è scena non modo sibilis, sed etiam conuiuium explodebatur: sicut in aram confugit in huius domum, disciplinam, patrocinium, nomen. itaq; per breui tempore, qui ne in nouissimis quidem erat histrionibus: ad primos peruenit Comœdos. quæ res extulit eū? una commendatio huius. qui tamen Panurgum illum, non solum ut Rosci discipulus fuisse diceretur: domum recepit: sed etiam summo cum labore, stomacho, miseri. atq; erudit. Iam quo quisq; est solertior, & ingeniosior: hoc docet iracundius, et laboriosius. quod enim ipse celeriter arripuit: id cum tarde percipi uidet: scrutatur. Paulo longius oratio mea prouecta est hac de causa: ut conditionem societatis diligenter cognosceretis. quæ deinde sunt consecuta? Panurgum inquit hunc seruum communem Q. Flauius Tarquinienſis quidam interfecit. in hanc rem inquit me cognitorem dedisti: lite contestata, iudicio damni iniuria constituto, tu sine me cum Flauio decidisti. utrum pro dimidia parte? an pro tota? planius dicam. utrum pro me? an & pro me, & pro te? pro me? potui: exemplo multorum

licatum est: iure fecerunt multi: nihil in ea re tibi iniuriæ  
 feci: pete tutuum: exige: et aufer, quod debetur: suā quisq;  
 partem iuris possideat: & persequatur. at enim tu tuum  
 negotium gessisti bene. gere & tu tuum bene. magno  
 tuam dimidiam partem decidisti. magno & tu tuam  
 partem decide. HS CCCLIII tu abstulisti. si sit hoc  
 uero: HS CCCLIII tu quoq; aufer. sed hanc decisio  
 nem Rosci, oratione & opinione augere licet: re & ue  
 ritate mediocrem, et tenuem esse inuenietis. accepit eni  
 a grum temporibus ijs: cum iacerent precia prædiorum.  
 qui ager neq; uillam habuit: neq; ex ulla parte fuit cul  
 tus. qui nunc multo pluris est: quàm tunc fuit. neq; id est  
 mirum: tum enim propter Reip. calamitates omnium pos  
 sessiones erant incertæ: nunc deum immortalium be  
 nignitate, omnium fortunæ sunt certæ. tum erat ager in  
 cultus sine tecto: nunc est cultissimus cum optima uilla.  
 ueruntamen, quoniam natura tam malivolus es: nun  
 quam ista te molesta, & cura liberabo. præclare su  
 um negotium gessit Roscius: fundum fructuosissimum  
 abstulit. quid ad te? tuam partem dimidiam quemad  
 modum uis decide. uertit hic rationem: et id quod pro  
 bare non potest: fingere conatur. de tota re inquit deca  
 disti. ergo huc uniuersa causa deducitur: utrum Roscius  
 cum Flauio de sua parte, an de tota societate fecerit pa  
 rtionem. nam ego Roscium siquid communi nomine teti  
 git: confiteor præstare debere societati. Societatis non su  
 as lites redemit: cum fundum à Flauio accepit. quid ita  
 satis non dedit amplius à se neminem petiturum? qui de  
 sua parte decedit: reliquis integrā relinquit actionem.  
 qui pro socijs transigit: satisdat neminem eorum postea  
 petiturum. quid ita Flauio sibi cauere non uenit in men

tem? nesciebat uidelicet Panurgum fuisse in societate? sciebat. nesciebat Fannium Roscio esse socium? praeclare. nam iste cum eo litem contestatam habebat. cur igitur decidit? & non restipulatur, neminem amplius petiturum? cur de fundo decidit? & iudicio non absolvitur? cur tam imperite facit? ut nec Roscium stipulatione alliget? neq; à Fannio iudicio se absoluat? Est hoc primum. & ex conditione iuris. & ex consuetudine cautionis grauissimum, & firmissimum argumentum. quod ego pluribus uerbis amplecterer: si non alia certiora, & clariora testimonia in causa haberem. & ne forte me hoc frustra pollicatum esse praedices: te, te inquit Fanni ab tuis subsellis contra te testem suscitabo. criminatio tua quae est? Roscium cum Flauio pro societate decidisse. quo tempore? ab hinc annis XV. defensio mea quae est? Roscium pro sua parte cum Flauio transegisse. repromittis tu ab hinc triennium Roscio. quid? recita istam restipulationem clarius. attende quaeso Piso: Fannium inuitum, & huc, atq; illuc tergiversantem testimonium contra se dicere cogo. quid enim restipulatio clamat? **QVOD A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO.** tua uox est Fanni. quid tu auferre potes à Flauio: si Flavius nihil debet? quid? hic porro nunc restipulatur: quod iam pridē ipse exegit? qd uero Flavius tibi daturus est? q Roscio omne quod debuit dissoluit? cur in re tā ueteri, in negotio tam confecto, in societate dissoluta, noua haec restipulatio interponitur? quis est huius restipulationis scriptor? testis? arbitri? quis? tu. Piso. tu enim Q. Roscium pro opera, labore, quod cognitor fuisset: quod nadimania obisset: rogasti ut Fan-

nio daret HS CCCLIII hac conditione: ut siquid ille  
 exegisset a' Flauio: partem eius dimidiam Roscio dissol-  
 ueret: satis ne ista stipulatio dicere tibi uidetur aperte Ro-  
 scium pro se decidisse? etenim forsitan hoc tibi ueniat  
 in mentem: repromississe Fannio Roscium: siquid a' Fla-  
 uio exegisset: eius partem dimidiam se domino exegisse.  
 nihil. quid? tu non exitum ex actionis: sed initium re-  
 promissionis spectare debes: neq; si ille persequendum  
 non quod in se fuit: iudicauit Roscium suas non socie-  
 tatis lites redemisse. quid sit tandem planum facio post de-  
 cisionem ueterem Roscij, post repromissionem recentem  
 hanc Fannij, HS CCCLIII Fannium a' Q. Fla-  
 uio Panurgij nomine abstulisse? tamen diutius illudere  
 uiri optimi existimationi Q. Roscij audebit? paulo an-  
 te querebam: id quod uehementer ad rem pertinebat:  
 qua de causa Flauius cum de tota lite faceret pactionem:  
 neq; satis acciperet a' Roscio: neq; iudicio absolueretur a  
 Fannio. nunc uero (id quod mirum & incredibile  
 est) requiro: quamobrem cum de tota re decidisset cum  
 Roscio: HS CCCLIII separatim Fannio dissoluit: hoc  
 loco Saturi quid pares respondere scire cupio. utrum o-  
 mnino Fannium a' Flauio HS CCCLIII non ab-  
 stulisse? an alio nomine, & alia de causa abstulisse? si  
 alia de causa: quaeratio tibi cum eo intercesserat nulla.  
 addictus erat tibi? non. frustra tempus contero. omnino  
 inquit HS CCCLIII a' Flauio no abstulit, neq; Panur-  
 gj nomine, neq; cuiusquam. si planum facio post hanc recen-  
 tem stipulationem Roscij, HS CCCLIII a' Flauio  
 te abstulisse: nunquid causare: quin ab iudicio abeas  
 turpissime uictus? quo teste igitur hoc planum faciam?  
 uenerat, ut opinor, haec res in iudicium? certe. quis erat



petitor? Fannius. quis reus? Flavius. quis iudex? Clu-  
 uius. ex his unus mihi testis est producendus: qui pecu-  
 niam datam dicat. quis est ex his grauissimus? sine con-  
 trouersia, qui omnium iudicio comprobatus est: iudex.  
 quem igitur ex his tribus a me testem spectabis? petito-  
 rem? Fannius est. contra se nunquam testimonium di-  
 cet. reum? Flavius est. is iam pridem est mortuus. si ui-  
 ueret, uerba eius audiretis. Iudicem? Cluius est. quid  
 is dicit? HS CCCLIII Panurgi nomine Flauium  
 Fannio dissoluisse. quem tui ex censu spectas: Eques Ro-  
 est: si ex uita: homo clarissimus est: si ex te: iudicem sum  
 ppsisti: si ex ueritate: id quod scire potuit. Et debuit: di-  
 xit. nega, nega nunc, equiti romano, homini honesto,  
 iudici tuo, credi oportere. circumspicit: aestuat: negat nos.  
 Cluij testimonium recitatueros. recitabimus. erras: ina-  
 ni Et tenui spe te consolaris. recita testimonium T. Ma-  
 nilij, Et C. Lusci Ocreæ duorum Senatorum homi-  
 num ornatissimorum: qui ex Clunio audierunt. utrum di-  
 cis Luscio Et Manilio, an Et Clunio non esse creden-  
 dum? planius, atq; apertius dicam. utrum Luscius Et  
 Manilius nihil de HS CCCLIII ex Clunio au-  
 dierunt? an Cluius falsum Luscio, Et Manilio di-  
 xit? hoc ego loco, soluto, Et quieto sum animo: Et quor-  
 sum recidat responsum tuum non magnopere laboro. fir-  
 missimus enim, Et sanctissimis testimonijs uirorum op-  
 timorum causa Roscij communita est. si iam tibi deli-  
 beratum est: quibus abroges fidem iusiurandi: responde.  
 Manilio, Et Luscio negas esse credendum? dic. aude. est  
 tuæ contumaciæ, arrogantiae, uitæq; uniuersæ uox. quid  
 expectas, quædā mox ego Luscium Et Manilium dicam  
 ordine esse senatores, ætate grandes natu, natura san-

etos, & religiosos, copijs rei familiaris locupletes, et pecu-  
 niosos? non faciam. nihil mihi detrahā: cum illis ex actae  
 aetatis seuerissime fructum, quem meruerunt, retribuā.  
 magis mea adolescentia indiget illorum bona existima-  
 tione: quā illorum seuerissima senectus desiderat meā  
 laudem. Tibi uero Piso diu deliberandum, & conco-  
 quendum est: utrum potius Cherea iniurato in sua li-  
 te, an Manilio et Luscio iuratis in alieno iudicio credas.  
 Reliquum est ut Cluuiū falsum dixisse Luscio, et Manilio  
 cōtendat. quod si facit: qua impudētia est? eum ne testem  
 improbabit: quem iudicem probauit? ei negabit credi  
 oportere: cui ipse crediderit? eius testis ad iudicem fidē  
 infirmabit: cuius propter fidem, & religionem iudicis  
 testes comparabat? quem ego si ferrem iudicem, refugere  
 non deberet: cum testem productum: reprehendere au-  
 debit? dixit enim inquit iniuratus Luscio, & Manilio.  
 si diceret iuratus: crederes? at quid interest inter per-  
 iurum, & mendacem? qui mentiri solet: peierare consue-  
 uit. quem ego ut mentiatum inducere possum: ut peieret  
 exorare facile potero. nam qui semel a ueritate desce-  
 xit: hic non maiore religione ad periurium, quā ad  
 mendacium perducī consueuit. quis enim deprecatione  
 deorum, non conscientiae fide commouetur? propterea,  
 quae poena ab dijs immortalibus periuro, haec eadem me-  
 daci constituta est. non enim ex pactione uerborum, quā  
 bus iusiurandum comprehenditur: sed ex perfidia, &  
 malicia, per quam insidiae tenduntur alicui: dij immor-  
 tales hominibus irasci, & succensere consueverunt. At ego  
 hoc ex contrario contendo. leuior esset autoritas Clu-  
 uij: si diceret iuratus: quā nunc est: cum dicat iniura-  
 tus. tum enim forsitan improbis nimis cupidus uidere.

tur: qui qua de re iudex fuisset: testis esset. nunc omnibus inimicus necesse est castissimus, & constantissimus esse uideatur: qui id quod scit: familiaribus suis dicit. dic nunc si potes: si res, si causa patitur. Clunium esse mentitum. mentitus est Clunius? Ipsa mihi ueritas manum iniecit: & paulisper consistere, & commorari cogit: unde hoc totum ductum & constat mendacium est. Roscius est. uidelicet homo callidus, & uersutus: hoc initio cogitare cepit. quoniam Fannius a me peti HS LIII: petam a C. Clunio equite romano, ornatissimo homine, ut mea causa mentiatur: dicat decisionem factam esse: quae facta non est: HS CCCLIII a Flauio data esse Fannio: quae data non sunt. Est hoc principium improbi animi, miseri ingenij, nullius consilij. quid deinde? postea quod se praeclare confirmauit: uenit ad Clunium: quem hominem? leuem? imo grauissimum. mobilem? imo constantissimum. familiarem? imo alienissimum. hunc postea quod salutauit: rogare cepit blande, et conamine scilicet: mentire mea causa: uiris optimus, tuis familiaribus praesentibus, dic Flauium cum Fannio de Panurgo decidisse: quod nihil transiegit: dic HS CCCLIII dedisse: quod assen nullum dedit. quod ille respondit: ego uero cupide, et libere mentiar tua causa: & si quando me uis peierare: ut paululum tu compendij facias: paratum fore scito. non fuit causa: cur tantum laborem caperes: & ad me uenires: per nuntium hoc, quod erat tam leue, transigere potuisti. Prodeum hominumque fidem: hoc aut Roscius unquam a Clunio petisset: si HS nullies in iudicium haberet: aut Clunius Roscio petenti concessisset: si uniuersae praedae particeps esset? uix mediusfidius tu Fanni a Ballione, aut aliquo eius simili hoc expostulare auderes: & im-

petrare posses. quod cum est ueritate falsum: tum ratio  
 ne quoque est incredibile. obliuiscor enim Roscium, &  
 Clunium uiros esse primarios: improbos, temporis cau-  
 sa, esse fingo. falsum subornauit testem Roscius Cluni-  
 um. cur tam sero? cur cum altera pensio soluenda es-  
 set? non tum cum prima? nam iam antea HS LIII  
 dissoluerat. deinde, si iam persuasum erat Clunio ut  
 inentiretur: cur potius HS CCCLIII, quam CCC  
 LIII CCCLIII CCCLIII data dixit Fannio a  
 Flauio? cum ex restipulatione pars eius dimidia Ro-  
 scij esset. Iam intelligis C. Piso sibi soli, societati nihil  
 Roscium petisse. Hoc cum sentit Saturius esse apertum: resi-  
 stere, & repugnare contra ueritatem non audet: aliud  
 fraudis, & insidiarum in eodem uestigio diuerticulum  
 reperit. petisse inquam suam partem Roscium a Fla-  
 uio confiteor: uacuum, & integram reliquisse Fannij  
 concedo. sed quod sibi exegit, id commune societatis fa-  
 ctum esse contendo. quo nihil aptius, neque indignius  
 potest dici. quæro enim: potuerit ne Roscius ex societate  
 suam partem petere: nec ne? si non potuit: quemadmo-  
 dum abstulit? si potuit: quemadmodum non sibi exegit?  
 nam quod sibi petitur: certe alteri non exigitur. an ita  
 est? si quid uniuersæ societatis fuisset: petisset: quod cum  
 redactum esset: æqualiter omnes partirentur. nun-  
 quid petieris: quod suæ partis esset? nunquid cum ab-  
 stulit, soli sibi exegit? quid interest, inter eum qui per  
 se litigat: & qui cognitorem dat? qui per se litem con-  
 testatur: sibi soli petit. alteri nemo potest: nisi qui cogni-  
 tor est factus. Ita ne uero? cognitorem si fuisset tuus: quod  
 uicisset iudicio, ferres tuum. suo nomine petijt. quod ab-  
 stulit, sibi, non tibi exegit. Quod si quisquam petere po-



test alteri, qui cognitor non est factus: quaero quid ita,  
cum Panurgus esset interfectus: & lis contestata cum  
Flauio damni iniuria esset: tu in eam litem cognitor Ro-  
sci sis factus? cum praesertim ex tua oratione, quod-  
cunq; tibi peteres: huic peteres: quodcunq; tibi exigeres:  
id in societatem recideret. quod si ad Roscium nihil per-  
ueniret: quod tu a Flauio abstulisses: nisi te in suam li-  
tem dedisset cognitorem: ad te peruenire nihil debet: qđ  
Roscius pro sua parte exegit: quoniam tuus cognitor nō  
est factus. quid enim huic rei respondere poteris Fan-  
ni? cum de sua parte Roscius transegit cum Flauio: actio-  
nem tibi tuam reliquit an non? si non reliquit: quem-  
admodum HS CCCLIII ab eo postea exegisti? si  
reliquit: quid ab hoc petis: quod per te persequi & pe-  
tere debes? Simillima enim, & maxime gemina socie-  
tas haereditatis est. quemadmodum socius in societate  
habet partem: sic haeres in haereditate habet partem.  
ut haeres sibi soli non cohaeredibus petit: sic socius sibi  
soli non socijs petit: & quemadmodum uterq; pro sua  
parte petit: sic pro sua parte dissoluit: haeres ex sua  
parte, qua haereditatem adiit: socius ex ea, qua socie-  
tatem coijt. quemadmodum suam partem Roscius suo  
nomine condonare potuit Flauio: ut eam tu non pete-  
res: sic cum exegit suam partem: & tibi integram pe-  
titionem reliquit: tecum partiri non debet. nisi forte  
tu peruerso more quod huius est, ab alio extorquere nō  
potes: huic eripere potes. perstat in sententia Saturius:  
quodcunq; sibi petat socius id societatis fieri. quod si ita  
est: quae (malum) stulticia fuit: Roscius, qui ex iuris peri-  
torum consilio & auctoritate respularetur a Fannio  
diligenter: ut quod is exegisset a Flauio, dimidia par-

rem sibi dissolueret: siquidem sine cautione, et repromissione nihilo minus id Fannius societati, hoc est Roscio, debebat.

**Desiderantur non pauci.**

## ACCUSATIONIS IN C. VER-

## REM LIBER PRIMVS:

## QVI DIVINATIO

## DICITVR. ORA

## TIO IIII.

IQVIS uestrum Iudices, aut eorum,  
 s qui adsunt, forte miratur: me qui tot an-  
 nos in causis, iudicijsq; publicis ita sim-  
 uersatus: ut defenderim multos: laeserim  
 neminem: subito nunc mutata uoluntate ad accusandum  
 descendere: is si mei consilij causam, rationemq; cogno-  
 uerit: una et id quod facio probabit: et in hac causa pro-  
 fecto neminem mihi esse praeponendum actorem puta-  
 bit. Cum quaestor in Sicilia fuissem Iudices: itaq; ex  
 ea prouincia decessissem: ut siculis omnibus iucundam  
 diurnamq; memoriam quaesturae nominisq; mei re-  
 linquerem: factum est: uti cum summum in ueteribus  
 patronis multis, tum nonnullum etiam in me praesidiū  
 suis fortunis constitutum esse arbitrarentur. qui nunc po-  
 pulati, atq; uexati, cuncti ad me publice saepe uenerunt:  
 ut suarum fortunarum omnium causam, defensionemq;  
 susciperem: me saepe esse pollicitum: saepe ostendisse dice-  
 bant: si quod tempus accidisset: quo tempore aliquid à me  
 requirerent: commodis eorum me non defuturum. ue-  
 nisse tempus aiebant: non iam ut commoda sua, sed ut  
 uitam salutemq; totius prouinciae defenderem: sese iam  
 ne deos quidem in suis urbibus, ad quos confugerent: ha-  
 bere: quod eorum simulacra sanctissima C. Verres ex

delubris religiosissimis sustulisset. quas res luxuries in  
 flagitijs, crudelitas in supplicijs, auaricia in rapinis, su-  
 perbia in contumelijs, efficere potuisset: eas omnes sese hoc  
 uno Praetore per triennium pertulisse. rogare, & ora-  
 re, ne illos supplices aspernaret: quos me incolumi nemi-  
 ni supplices esse oporteret. Tuli grauius, & acerbe Iu-  
 dices, in eum me locum adductum: ut aut eos homines  
 spes falleret: qui opem à me, atq; auxilium petissent: aut  
 ego, qui me ad defendendos homines ab ineunte adole-  
 scentia dedissem: tempore atq; officio coactus, ad acu-  
 sandum traducerer. dicebam habere eos actorem Q.  
 Cecilium: qui praesertim quaestor in eadem prouincia  
 post me quaestorem fuisset. Quo ego adiumento spera-  
 bam hanc à me molestiam posse dimoueri: id mihi erat  
 aduersarium maxime. nam illi multo mihi hoc facilius  
 remisissent: si istum nō nossent: aut si iste apud eos quae-  
 stor non fuisset. Adductus sum Iudices officio, fide, mi-  
 sericordia, multorum bonorum exemplo, ueteri consue-  
 tudine, institutoq; maiorum: ut onus hoc laboris, atq; of-  
 ficij, non ex meo, sed ex meorum necessariorum tempo-  
 re mihi suscipiendum putarem. quo in negotio tamen il-  
 la me res Iudices consolatur: quod haec quae uidetur esse  
 accusatio mea: non potius accusatio, quam defensio est exi-  
 stimanda. defendo enim multos mortales, multas ciuita-  
 tes, prouinciam Siciliam totam. quamobrem si mihi unus  
 est accusandus: propemodum manere in instituto meo ui-  
 deor: & non omnino à defendendis hominibus, suble-  
 uandisq; discedere. quod si hanc causam tam idoneam,  
 tam illustrem, tam grauem non haberem: si aut hoc à  
 me Siculi non petissent: aut mihi cum Siculis causa tan-  
 tae necessitudinis non intercederet: & hoc, quod facio,



Reip. causa facere profiterer: ut homo singulari cupiditate, audacia, scelere præditus, cuius furta, atq; flagitia non in Sicilia solum, sed in Achaia, Asia, Cilicia, Pamphilia, Romæ deniq; ante oculos omnium, maxima, turpissimaq; nossemus: me agente in iudicium vocaretur: quis tandem esset: qui meum factum aut consilium posset reprehendere? Quid est, pro' deum hominumq; fidem: in quo ego Reip. plus hoc tempore prodesse possim? quid est: quod aut Populo Ro. gratius esse debeat: aut socijs exterisq; nationibus optatus esse possit? aut saluti fortunisq; omnium magis accommodatum sit? Populata, vexata, funditus eversæ provincie socij, stipendarij; Populi romani afflicti, miseri, iam non salutis spem, sed exitij solacium quærunt. Qui iudicia manere apud ordinem Senatorium volunt: queruntur, accusatores se idoneos non habere. Qui accusare possunt: iudiciorum severitatem desiderant. Populus R. interea, tametsi multis incommodis difficultatibusq; affectus est: tamen nihil æque in Reip. atq; illam ueterem iudiciorum vim, gravitatemq; requirit. iudiciorum desiderio Tribunitia potestas efflagitata est. iudiciorum leuitate ordo quoq; alius ad res iudicandas postulatur. iudicium culpa atq; dedecore etiã Censorium nomen, quod asperius antea populo uideri solebat: id nunc poscitur: id iam populare, atq; plausibile factum est. In hac libidine hominum nocentissimorum, in Populi Ro. quotidiana querimonia, iudiciorum infamia, totius ordinis offensione, cum hoc unum his tot incommodis remedium esse arbitrarer: ut homines idonei, atq; integri causam Reip. legumq; susciperent: fateor me salutis omnium causa, ad eam partem

accessisse Reip. subleuandæ, quæ maxime laboraret.  
 Nunc quoniam quibus rebus adductus ad causam ac-  
 cesserim demonstravi: dicendum necessario est de conten-  
 tione nostra: ut in constituendo accusatore, quod sequi pos-  
 sitis: habeatis. Ego sic intelligo Iudices: cum de pecu-  
 nijs repetundis nomen cuiuspiam deferatur: si certamen  
 inter aliquos sit: cui potissimum delatio detur: hæc duo  
 in primis spectari oportere: quem maxime uelint acto-  
 rem esse ij, quibus factæ esse dicantur iniuriæ: & quem  
 minime uelit is: qui eas iniurias fecisse arguatur. In hac  
 causa Iudices tametsi utrunq; esse arbitror perspicuum:  
 tamen de utroq; dicam: & de eo prius, quod apud uos  
 plurimum debet ualere: hoc est de uoluntate eorum: qui-  
 bus iniuriæ factæ sunt: quorum causa iudicium de pe-  
 cunijs repetundis est constitutum. Siciliam prouinci-  
 am C. Verres per triennium depopulatus esse: Siculo-  
 rum ciuitates uastasse: domos exinanisse: fana spoliasse di-  
 citur. adsunt: queruntur Siculi uniuersi: ad meam fidem,  
 quam habent spectatam iam, & diu cognitam: confu-  
 giunt: auxilium sibi per me à uobis atq; à Populi Ro-  
 legibus petunt: me defensorem calamitatum suarum, me  
 ultorem iniuriarum, me cognitorem iuris sui, me acto-  
 rem causæ totius esse uoluerunt. Vtrum Q. Cecili hoc  
 dices: me non Siculorum rogatu ad causam accedere?  
 an optimorum fidelissimorumq; sociorum uoluntatem  
 apud hos grauem esse non oportere? si id audebis dicere:  
 quod C. Verres, cui te inimicum esse simulas: maxime  
 existimari uult: Siculos hoc à me non petisse: primum  
 causam inimici tui subleuabis: de quo non præiudicium,  
 sed planè iudiciū iam factum putatur: quod ita per-  
 crebuit, Siculos omnes actorem suæ causæ contra illius  
 iniurias

iniurias quæsisse. hoc si tu inimicus eius, factum negabis: quod ipse, cui maxime hæc res obstat: negare non audeat. uideto ne nimium familiariter inimizias exercere uideare. deinde sunt testes uiri clarissimi nostræ ciuitatis: quos omnes à me nominari non est necesse. eos qui adsunt appellabo: quos, si mentirer, testes esse impudætiæ meæ minime uellem. scit is, qui est in consilio C. Marcellus: scit is, quem adesse uideo: Cn. Lentulus Marcellinus: quorum fide, atq; præsidio Siculi maxime utuntur: quod omnino Marcellorum nomini tota illa prouincia adiuncta est. hi sciunt hoc non modo à me petatum esse: sed ita sepe, & ita uehementer esse petatum: ut aut causa mihi suscipienda fuerit: aut officium necessitudinis repudiandum. Sed quid ego his testibus utor? quasi res dubia aut obscura sit. adsunt homines ex tota prouincia nobilissimi: qui præsentés uos orant: atq; obsecrant Iudices: ut in actore causæ suæ deligendo, uestrum iudicium à suo iudicio ne discrepet. omnium ciuitatum totius Siciliæ legationes adsunt: præter duas ciuitates: quarum duarum si adessent: duo crimina uel maxima minuerentur: quæ cum his ciuitatibus C. Verri communicata sunt. At enim cur à me potissimum hoc præsidium petierunt? si esset dubium, petissent à me præsidium, nec ne: dicerem cur petissent. nunc uero, cum id ita perspicuum sit: ut oculis iudicare possitis: nescio cur hoc mihi detrimento esse debeat: si id mihi obijciatur, me potissimum esse delectum. uerum id mihi non sumo Iudices: & hoc non modo in oratione mea non pono: sed ne in opinione quidem cuiusquam relinquo: me omnibus patronis esse præpositum. nõ ita est. sed uniuscuiusq; temporis, ualitudinis, facultatis ad agendum, du-

*claratio est. mea fuit semper hæc in hac re uoluntas,  
 & sententia: quemuis ut hoc mallent, de his qui essent  
 idonei, suscipere, quàm me: me ut mallent, quàm nemi-  
 nem. Reliquum est iam: ut illud quæramus cum hoc  
 constet, Siculos à me petisse: ecquid hanc rem apud uos,  
 animosq; uestros ualere oporteat: ecquid auctoritatis  
 apud uos in suo iure repetundo socij Populi Ro. sup-  
 plices uestri habere debeant. de quo quid ego plura  
 commemorem? quasi uero dubium sit: quin tota lex de  
 pecunijs repetundis sociorum causa constituta sit. nam ci-  
 uibus cum sunt creptæ pecuniæ: ciuili fere actione, &  
 priuato iure repetuntur. hæc lex socialis est: hoc ius na-  
 tionum exterarum est: hanc habent arcem minus ali-  
 quanto munitam nunc quidem quàm antea: uerum ta-  
 men, si qua reliqua spes est, quæ sociorum animos conso-  
 lari possit: ea tota in hac lege posita est. cuius legis non-  
 modo à Populo romano, sed etiam ab ultimis nationi-  
 bus iam pridem seueri custodes requiruntur. quis igi-  
 tur est: qui neget: oportere eorū arbitrato lege agi: quo-  
 rum causa lex sit constituta? Sicilia tota si una uoce lo-  
 queretur: hoc diceret: quod auri, quod argenti, quod or-  
 namentorum in meis urbibus, sedibus, delubris fuit:  
 quod in unaquaq; re beneficio Senatus Populiq; Ro. ius  
 habui: id mihi tu C. Verres eripuisti: atq; abstulisti.  
 quo nomine abs te sestertium nullies ex lege repeto. si  
 uniuersa, ut dixi, provincia loqui posset: hac uoce utere  
 tur. quoniam id non poterat: harum rerum actorem  
 quem idoneū esse arbitrata est: ipsa delegit. In huius-  
 modi re quisquam tam impudēs reperietur: qui ad alie-  
 nam causam inuitis ijs, quorum negotium est: accedere,  
 aut aspirare audeat? Si tibi Q. Cecili hoc Siculi dice-*



tenet: te non nouimus: nescimus quis sis: nunquam te ante uidimus: sine nos per eum nostras fortunas defendere: cuius fides est nobis cognita: nō ne id dicerent, quod cuius probare deberent? nunc hoc dicunt: utrūq; se nosse: alterum se cupere defensorem esse fortunarum suarum: alterum planē nolle. cur nolint: etiam si tacerēt: satis dicunt. uerum non tacent. tamen his inuitissimus te offeres? tamen in aliena causa loquerē? tamen eos defendes? qui se ab omnibus desertos potius, quā abs te defensos esse malunt? tamen his operam tuam polliceberis? qui te neq; uelle suā causam, nec si cupias, posse arbitrantur. cur eorum spem exiguam reliquarum fortunarum, quam habent in legis et iudicij seueritate positam: ui extorquere conaris? cur te interponis inuitissimus his, quibus maxime lex consultum esse uult? cur de quibus in prouincia non optime es meritis: eos nunc planē fortunis omnibus conaris euertere? cur his non modo persequendi iuris sui, sed etiam deplorandæ calamitatis adiuis potestatem? nam te actore quem eorum affuturum putas? quos intelligis non ut per te alium, sed ut per aliquem teipsum ulciscantur laborare? At enim solum id est: ut me Siculi maxime uelint: alterum illud credo obscurum est: à quo Verres minime se accusari uelit. Et quis unquam tam palam de honore: tam uehementer de salute sua contendit? quā ille, atq; illius amici, ut ne hæc mihi delatio detur? sunt multa: quæ Verres in me esse arbitratur: quæ scit in te Q. Cecili non esse: quæ cuiusmodi in utroq; nostrum sunt: paulo post commemorabo. nunc tantum id dicam: quod tacitus tu mihi assentire: nullam rem in me esse: quam ille contemnat: nullam in te: quam pertimescat. itaq; magnus ille defensor,

Et amicus eius, tibi Hortensius suffragatur: me oppu-  
 gnat. aperte ab iudicibus petit: ut tu mihi anteponare.  
 Et ait hoc se honeste, sine ulla inuidia, ac sine ulla of-  
 fensione contendere. non enim inquit illud peto: quod so-  
 leo, cum uehementius contendere: impetrare: reus ut absol-  
 uatur: non peto. sed ut ab hoc potius quam ab illo actu-  
 setur: id peto. da mihi hoc: concede, quod facile est: quod  
 honestum: quod non inuidiosum: quod cum dederis: si-  
 ne ullo tuo periculo, sine infamia illud dederis: ut is ab-  
 soluatur: cuius ego causa laboro. Et ait idem: ut aliquis  
 metus adiunctus sit ad gratiam: certos esse in consilio: qui  
 bus ostendi tabellas uelit. id esse per facile. non enim sin-  
 gulos ferre sententias: sed uniuersos constituere. ceratam  
 unicuique tabellam dari. cera legitima nõ illa infami ac  
 nefaria. Atque is non tam propter Verrem laborat: quàm  
 quod eum minime res tota delectat. uidet enim si à pue-  
 ris nobilibus, quos adhuc elusit: si à quadruplatoribus,  
 quos non sine causa contempsit semper: ac pro nihilo pu-  
 tauit: accusandi uoluntas ad uiros fortes, spectatosque ho-  
 mines translata sit: se in iudicijs dominari non posse.  
 huic ego homini iam ante denuntio: si à me causam hanc  
 uos agi uolueritis: rationem illi defendendi totam esse  
 mutandam: Et ita tamen mutandam, ut meliore Et ho-  
 nestiore cõditione sit: quàm qua ipse esse uult: ut imitetur  
 homines eos: quos ipse uidit amplissimos L. Crassum, et  
 M. Antonium: qui nihil se arbitrabantur ad iudicia, cau-  
 sasque amicorum, præter fidem, Et ingenium asferre  
 oportere. nihil erit: quod me agente arbitretur iudicium  
 sine magno multorum periculo posse corrumpi. Ego in  
 hoc iudicio mihi Siculorum causam receptam, Populi  
 Ro. susceptam esse arbitror: ut mihi non unus homo im-

probus opprimendus sit: id quod Siculi petiuerunt: sed omnino improbitas, id quod populus Ro. iam diu flagrat: extinguenda, atq; delenda sit. in quo ego quid eniti, aut quid efficere possim: malo in aliorum spe relinquere: quàm in oratione mea ponere. Tu uero Cecili quid potes? quo tempore, aut qua in re, non modo specimen cæteris aliquod dedisti? sed tute tui periculum fecisti? in mentem tibi non uenit: quid negotij sit, causam publicam sustinere? uitam alterius totam explicare? atq; eam non modo in animis iudicum sed etiam in oculis, conspectuq; omnium exponere? sociorum salutem, commoda prouinciarum, uim legum, grauitatem iudiciorum, defendere? cognosce ex me: quoniã hoc primum tempus discendi nactus es: quàm multa esse oporteat in eo: qui alterum acuseret: ex quibus si unum aliquod in te cognoueris: ego iam tibi ipse istuc, quod expetis: mea uoluntate concedam. primum integritatem, atq; innocentiam singularem. nihil est enim quod minus ferendũ sit: quàm rationem ab altero uitæ reposcere eum, qui non possit suæ reddere. hic ego de te plura non dicam: unum illud credo omnes animaduvertere: & adhuc ab nullis nisi à siculis potuisse cognosci: Siculos hoc dicere: cum eidem sint irati: cui tute inimicum esse dicis: sese tamen te actore ad iudicium non affuturos. quare negent: ex me non audies. hos patere id suspicari, quod necesse est. illi quidem, ut est hominum genus nimis acutum, & suspiciosum: non te ex Sicilia literas in Verrem deportare uelle arbitrantur: sed cum yisdem literis illius Prætiera et tua Quæstura consignata sit: asportare te uelle ex Sicilia literas suspiciantur. deinde accusatorem firmum, uerumq; esse oportet. eum ego si te putem cupere esse: faci

le intelligo esse non posse. Nec ea dico: quæ si dicam, tamen infirmare non possis. te, antequam de Sicilia decederis: in gratiam redisse cum Verre: Potamonem scribam, & familiarē tuum retentum esse à Verre in provincia: cum tu decederes: M. Ceciliū fratrem tuum leētissimum, atq; ornatissimum adolescentem non modo non adesse: neq; tecum tuas iniurias persequi: sed esse cū Verre: cum illo familiarissime, atq; amicissime uiuere. Sunt hæc, & alia in te falsi accusatoris signa permulta: quibus ego nunc non utor. hoc dico: si te maxime cupias: tamen uerum accusatorem esse nō posse. uideo enim permulta esse crimina: quorum tibi societas cum Verre eiusmodi est: ut ea in accusando attingere non audeas. Queritur Sicilia tota C. Verrem ab aratoribus cum frumentum sibi in cellam imperauisset: & cum esset tritici modius HS V: pro frumento in modios singulos duodenos sestertios exegisse. magnum crimen: ingens pecunia: furtum impudens: iniuria non ferēda. ego hoc uno crimine illum condemnem necesse est. tu Cecili quid facies? utrum hoc tantum crimen prætermittes? an obijcies? si obijcies: id ne alteri crimini dabis? quod eodem tempore in eadem provincia tu ipse fecisti? audebis ita accusare alterum? ut quo minus tute condemnere: recusare nō possis? si prætermittes: qualis erit ista tua accusatio? quæ domestici periculi metu, certissimi & maximi criminis non modo suspicionem, uerum etiam mentionem ipsam pertimescat. Emptum est ex S. C. frumentum ab Siculis prætore Verre: pro quo frumento pecunia omnis soluta non est. graue est hoc crimen in Verre: graue me agente: te accusante nullum. eras enim tu quæstor: pecuniam publicam tu tractabas. ex qua, etiam si cuperet prætor:



tamen ne qua deductio fieret: magna ex parte tua potestas erat. huius quoque igitur criminis te accusante mentio nulla fiet: silebitur toto iudicio de maximis, et notissimus illius furtis, et iniurijs. mihi crede Cecili non potest in accusando, socios uere defendere is, qui cum reo criminum societate coniunctus est. Manipes à ciuitatibus pro frumento pecuniam exegerunt. quid hoc Verre prætor factum est solum? non: sed etiam quæstore Cecilio. quid igitur? daturus es huic crimini, quod et potuisti prohibere ne fieret: et debuisti? an totum id relinques? ergo id omnino Verres in iudicio suo non audiet: quod cum faciebat: quemadmodum defensurus esset: non reperiēbat. Atque ego hæc quæ in medio posita sunt: commemoro. sunt alia magis occulta furti: quæ ille, ut istius credo animos, atque impetus retardaret: cum quæstore suo benignissime communicauit. hæc tu scis ad me esse delata: quæ si uelim proferre: facile omnes intelligent: uobis inter uos non modo uoluntatem fuisse coniunctam: sed ne prædam quidem adhuc esse diuisam. quapropter si tibi iudicium postulas dari: quod tecum una fecerit: concedo: si id lege permittitur. sin autem de accusatione dicamus: concedas oportet ijs, qui nullo suo peccato impediuntur: quominus alterius peccata demonstrare possint. Ac uide quantum inter futurum sit inter meam, atque tuam accusationem. ego etiam quæ tu sine Verre commisisti: Verri crimini daturus sum: quod te non prohibuerit: cum summam ipse haberet potestatem. tu contra, ne quæ ille quidē fecit, obijcias: ne qua ex parte coniunctus cum eo reperiare. quid illa Cecili? contemnenda ne tibi uidentur esse? sine quibus causa sustineri, præsertim tanta, nullo modo potest. aliqua facul-

tus agendi: aliqua dicendi consuetudo: aliqua in foro, in  
 dicis, legibus, aut ratio, aut exercitatio. Intellego quā  
 scopuloso, difficiliq; in loco uerser. nam cum omnis arro  
 gantia odiosa est: tum illa ingenij, atq; eloquentiæ multo  
 molestissima. quamobrem nihil dico de meo ingenio: neq;  
 est quod possim dicere: neq; si esset: dicerem. aut enim id  
 mihi satis est: quod est de me opinionis: quicquid est: aut si  
 id parum est: ego maius id commorando facere non pos  
 sum. de te Ceali iam michercule hoc extra hanc contentio  
 nem certamenq; nostrum familiariter tecum loquar. tu  
 ipse quemadmodum existimes uide etiam, atq; etiam: Et  
 tu te collige: Et qui sis, Et quid facere possis, considera.  
 putas ne te posse de maximis, acerbissimisq; rebus, cum  
 causam sociorum fortunasq; provinciae, ius Populi Ro  
 mani, grauitatem iudicij, legumq; susceperis: tot res, tam  
 graues, tam uarias, uoce, memoria, consilio, ingenio, susti  
 nere? putas ne te posse, quæ C. Verres in Quæstura, quæ  
 in legatione, quæ in Prætura, quæ Romæ, quæ in Ita  
 lia, quæ in Achaia, Asia, Paphlagoniaq; patrarit: ea quæ  
 admodum locis, temporibusq; diuisa sint: sic criminibus  
 Et oratione distinguere? putas ne posse, id quod in eius  
 modi reo maxime necessarium est: facere: ut quæ ille li  
 bidinose, quæ nefarie, quæ crudeliter fecerit: ea æque  
 acerbæ Et indigna uideantur esse iis, qui audient: atq;  
 illis uisa sunt: qui senserunt? magna sunt ea, quæ dico.  
 mihi, mihi crede: noli hæc contemnere. dicenda: demon  
 stranda: explicanda sunt omnia: causa non solum expo  
 nenda: sed etiam grauius copiosèq; agenda est: perficien  
 dum est, siquid agere aut perficere uis: ut homines te nō  
 solum audiant: uerum etiam libenter, studiosèq; audi  
 ant. in quo si te multum natura adiuuaret: si optimis a

puericia disciplinis, atq; artibus studuisses: & in his elaborasses: si literas græcas Athenis, non Lilybei, Latinas Romæ, non in Sicilia didicisses: tamen esset magnū, tantam causam, tam expectatam, & diligentia consequi: & memoria complecti: & oratione exponere: & uoce, & uiribus sustinere. Fortasse dices, quid? ergo hæc in te sunt omnia? utinam quidem essent. ueruntamen ut esse possent: magno studio mihi à puericia est elaboratum. quod si ego hæc propter magnitudinem rerum, ac difficultatem assequi non poui: q̄ in omni uita nihil aliud egi: quàm longe tu te ab his rebus abesse arbitrare? quas non modo antea nunquam cogitasti: sed ne nunc quidē, cum in eas ingrederis: quæ & quantæ sint: suspicari potes. Ego, qui, sicut omnes sciunt: in foro in iudicijsq; ita uerser: ut eiusdem ætatis aut nemo, aut pauci, plures causas defenderint. & qui omne tempus, quod mihi ab amicorum negocijs datur: in his studijs, laboribusq; consumā: quo paratior ad usum forensem, promptiorq; esse possim: tamen ita deos mihi uelim propitios: ut cum illius temporis mihi uenit in mentem: quo die citato reo mihi dicendum sit: non solum commoueor animo: sed etiam toto corpore perhorresco. iam nunc mente, & cogitatione prospicio: quæ tum studia hominum, qui concursus futuri sint: quantam expectationem magnitudo iudicij sit allatura: quantam auditorum multitudinem C. Verris infamia concitatura: quantam deniq; audientiam orationi meæ improbitas illius factura sit. quæ cum cogito: iam nunc timeo, quidnam pro offensione hominum, qui illi inimici, insensiq; sunt: & expectatione omnium, & magnitudine rerum, dignum eloqui possim. tu horum nihil metuis: nihil cogitas: nihil laboras. si quid ex uete-

re aliqua oratione: Iouem ego Optimum Maximum:  
 aut: uellem si fieri potuisset Iudices: aut aliquid eiusmo-  
 di edificare potueris: præclare te paratum in iudiciu uen-  
 tium arbitraris. Ac si nemo tibi responsurus esset: ta-  
 men ipsam causam, ut ego arbitror: demonstrare nõ pos-  
 ses. nunc ne illud quidem cogitas? tibi cum homine diser-  
 tissimo, & ad dicendum paratissimo futurum esse cer-  
 tamen? qui cum modo differendum, modo omni oratione  
 pugnandum, certandumq; sit: cuius ego ingenium ita  
 laudo: ut non pertimescam: ita probō: ut me ab eo dele-  
 ctari facilius, quàm decipi putem posse. nunquam ille me  
 opprimit consilio: nunquam ullo artificio peruertet: nun-  
 quam ingenio me suo labefactare, atq; infirmare conabi-  
 tur: noui omnes hominis petitiones, rationesq; dicendi:  
 sæpe in iisdem, sæpe in contrarijs causis uersati sumus.  
 ita contra me ille dicit: quamuis sit ingeniosus: ut non-  
 nullum etiam de suo ingenio iudicium fieri arbitretur.  
 te uero Ceali quemadmodum sit elusurus: quàm omni  
 ratione iactaturus: uidere iam uideor: quotiens ille tibi  
 potestatem opinionemq; facturus sit: ut eligas uirum ue-  
 lis: factum esse, nec ne: uerum esse, an falsum: uirum di-  
 xeris: id contra te futurum. qui tibi æstus, qui error, quæ  
 tenebræ dij immortales erunt, homini minime malo?  
 quid cum accusationis tuæ membra diuidere cœperit? et  
 in digitis suis singulas partes causæ constituere? quid cū  
 unūquodq; transigere? expedire? absolueret? ipse profe-  
 cto metuere incipies: ne innocenti periculum faceris.  
 quid cum commiserari, conqueri, & ex illius inuidia  
 deonerare aliquid, & in te traicere cœperit? commemo-  
 rare quæstoris cum prætore necessitudinem constitutam?  
 morem maiorum? sortis religionem? poteris ne eius ora-



tionis subire inuidiam? uide modo: etiā, atq; etiā considera: mihi enim uidetur periculum fore: ne ille non modo uerbis te obruat: sed gestu ipso, ac motu corporis praestringat aciem ingenij tui: teq; ab institutis tuis, cogitationibusq; abducat. Atq; huiusce rei iudicium iam continuo uideo futurum. si enim mihi hodie respondere ad hæc quæ dico, potueris: si ab isto libro, quem tibi magister ludi nescio quis ex alienis orationibus compositum dedit: uerbo uno discesseris: posse te et illi quoq; iudicio nõ deesse, et causæ atq; officio tuo satisfacere, arbitrabor. sin mecum in hac prolusione nihil fueris: quæ te in ipsa pugna cū acerrimo aduersario fore putemus? Esto: ipse nihil est: nihil potest: at uenit paratus cum subscriptoribus exercitatis, & disertis. est tamen hoc aliquid: tametsi non est satis. omnibus enim rebus is, qui princeps in agendo est: ornatus, & paratus esse debet. ueruntamen L. Apuleium esse uideo proximum subscriptorē, hominem non ætate, sed usu forensi, atq; exercitatione tyronem. deinde, ut opinor, habet Allienum, hūc tamen à subsellis: qui quid in dicendo possit: nunquam satis attendi: in clamando quidem uideo eū esse bene robustum, atq; exercitatum. in hoc spes tuæ sunt omnes. hic, si tu eris actor constitutus: totum iudicium sustinebit. ac ne is qdem tantum contendet in dicendo: quantum potest: sed consulet laudi, & existimationi tuæ: & ex eo quod ipse potest in dicendo, aliquantum remitteret: ut tu tandem aliquid esse uideare. ut in actoribus græcis fieri uidemus: sæpe illum qui est secundarum, aut tertiarum partium: cum possit aliquanto clarius dicere: quàm ipse primarum: multum summittere: ut ille princeps quàm maxime excellat. sic faciet Allienus: tibi seruiet: tibi le

nocnabitur: minus aliquanto contendet: quàm potest.  
 iam hoc considerate: cuiusmodi accusatores in tanto iu-  
 dicio sinus habituri: cum & ipse Allienus ex ea facul-  
 tate, si quam habet: aliquantum detractus sit: &  
 Cecilius tum denique se aliquid facturum putet: si  
 Allienus minus uehemens fuerit: & tibi primas in  
 dicendo partes concesserit. Quartum quem sit ha-  
 biturus, non uideo: nisi quem forte ex illo grege ora-  
 torum, qui subscriptionem sibi postularunt, cuiusq; uos  
 delationem dedissetis. ex quibus alienissimis homini-  
 bus ita paratus uenis: ut tibi hospes aliquis sit recipien-  
 dus. quibus ego non sum tantum honorem habiturus:  
 ut ad ea, quæ dixerint, certo loco, aut singulatim uni-  
 cuiq; respondeam. sic breuiter, quoniam non consulto,  
 sed casu in eorum mentionem incidi: quasi præteriens  
 satisfaciam uniuersis. Tanta ne uobis inopia uideor es-  
 se amicorum? ut mihi non ex his, quos mecum adduxe-  
 rim: sed de populo subscriptor addatur? uobis autem tanta  
 inopia reor: ut mihi causam præripere conemini potius,  
 q̃ aliquos à columna Menia uestri ordinis reos reperia-  
 tis? custodem inquit Tullio me apponite. quid? mihi  
 quàm multis custodibus opus erit? si te semel ad meas  
 captas admiserō? qui non solum nequid enuncies: sed  
 etiam nequid auferas: custodiendus sis? sed de isto custo-  
 de totosic uobis breuissime respondebo. non esse hos ta-  
 les uiros commissuros: ut ad causam tantam, à me su-  
 sceptam, mihi creditam, quisquam subscriptor me inui-  
 to aspirare possit. etenim fides mea custodem repudiat:  
 diligentia speculatorem reformidat. uerum ut ad te re-  
 deam Cecili: quàm multa te deficient uides: quàm mul-  
 ta sint in te, quæ reus nocens in accusatore suo cupiat

esse: profecto iam intelligis. quid adhuc dici potest? non enim quaero quid tu dicturus sis. uideo mihi non te, sed hunc librum esse responsurum: quem monitor tuus hic tenet. qui si te recte monere uolet: suadebit tibi: ut hinc discedas: neque mihi uerbum ullum respondeas. quid enim dices? an id quod dictitas: iniuriam tibi fecisse uerem? arbitror. neque enim esset uerisimile: cum omnibus Siculis faceret iniurias: te illi unum eximium, cui consuleret: fuisse. sed ceteri Siculi ultorem suarum iniuriarum inuenerunt. tu dum tuas iniurias per te, id quod non potes: persequi conaris: id agis: ut ceterorum quoque iniuriae sint impunitae, atque inultae. Et hoc te praeterit: non id solum spectari solere: qui debeat: sed etiam illud: qui possit ulcisci. in quo utrumque sit: eum superiorem esse: in quo alterum: in eo, non quid is uelit: sed quid facere possit: quaeri solere. Quod si ei potissimum censes permitti oportere accusandi potestatem: cui maxima C. Verres iniuriam fecerit: utrum tandem censes hos iudices grauius ferre oportere? te ab illo esse laesum: an Prouinciam Siciliam esse uexatam, ac perditam? opinor concedis, multo hoc esse grauius: Et ab omnibus ferri grauius oportere. concede igitur: ut tibi anteponatur in accusando prouincia. nam prouincia accusat: cum is agit causam: quem sibi illa defensorem sui iuris, ultorem iniuriarum, actorem totius causae adoptauit. At eam tibi C. Verres fecit iniuriam: quae ceterorum quoque animos posset alieno incommodo commouere. minime. nam id quoque ad rem pertinere arbitror: qualis iniuria dicatur: quae causa inimicitiarum proferatur. cognoscite ex me. nam iste eam profecto, nisi plane nihil sapit: nunquam proferet. Agonis est quaedam lilybeta=

na, liberta Veneris Erycinæ: quæ mulier ante hunc  
 quæstorem copiosa planè, & locuples fuit. ab hac præ-  
 fectus Antonij quidam symphoniacos seruos abduce-  
 bat per iniuriam: quibus se in classe uti uelle dicebat-  
 tum illa, ut mos in Sicilia est omnium Venercorum, et  
 eorum qui à Venere se liberauerunt: ut præfecto illi re-  
 ligionem Veneris, nomenq; obijceret: dixit & se, &  
 omnia sua Veneris esse. ubi hoc quæstori Cecilio, uiro  
 optimo, & homini æquissimo nunciatum est: uocari ad  
 se Agonidem iubet. iudicium dat statim: si pateret eam  
 se, & sua Veneris esse dixisse. iudicant Recuperato-  
 res id, quod necesse erat: neq; enim erat cuiquam dubiū,  
 quin illa dixisset. iste in possessionem bonorum mulie-  
 ris mittit: ipsam Veneri in seruitutem adiudicat. deinde  
 bona uendit; pecuniam redigit. ita dum pauca manci-  
 pia Veneris nomine Agonis, ac religione retinere uult:  
 fortunas omnes libertatemq; suā istius iniuria perdidit.  
 Lilybecum Verres uenit postea: rem cognoscit: factum  
 improbat: cogit quæstorem suum pecuniam, quam ex  
 Agonidis bonis redegegisset: eam mulieri omnem annu-  
 merare: & reddere. Est adhuc, id quod uos omnes ad-  
 mirari uideo: non Verres, sed Q. Mutius. quid enim  
 facere potuit elegantius ad hominum existimationem?  
 æquius ad leuandam mulieris calamitatem? uehemen-  
 tius ad quæstoris libidinem coercendam? summe hæc  
 omnia mihi uidentur esse laudanda. sed repente è ue-  
 stigio ex homine, tanquam aliquo Circeo poculo, fa-  
 ctus est Verres. redit ad se, atq; ad mores suos. nam ex  
 illa pecunia magnam partem ad se uertit: mulieri red-  
 didit quantum uisum est. Hic tu si læsum te à Ver-  
 re esse dicas: patiar: & concedam: si iniuriam tibi factā



quereris : defendam : et negabo . Deinde de iniuria ,  
quæ tibi facta sit : neminem nostrum grauiorem iudi-  
cem esse oportet : quam te ipsum , cui facta dicitur . si tu cum  
illo postea in gratiam redisti : si domi illius aliquotiens  
fuiſti : si ille apud te postea coenauit : utrum te perfidio-  
sum , an prauaricatorem existimari mauis ? uideo esse ne-  
cesse alterutrum . sed ego tecum in eo non pugnabo : quo-  
minus , utrum uelis eligas . Quid si ne iniuriæ quidem ,  
quæ tibi ab illo facta sit : causa remanet ? quid habes :  
quod possis dicere : quamobrem non modo mihi , sed cuiquæ  
anteponare ? nisi forte illud , quod dicturum te esse au-  
dio : quæstorem illius fuisse . quæ causa grauis esset : si cer-  
tares mecum uter nostrum illi amior esse deberet . in  
contentione suscipiendarum inimiciarum , ridiculum  
est putare , causam necessitudinis , ad inferendum peri-  
culum iustam uideri oportere . etenim si plurimas a  
tuo prætore iniurias accepisses : tamen eas ferendo maio-  
rem laudem , quam ulascendo mererere . cum uero nul-  
lum illius in uita rectius factum sit : quam id quod tu  
iniuriam appellas . hi statuent hanc causam , quam ne  
in alio quidem probarent : in te iustam ad necessitudi-  
nem uiolandam uideri ? qui si summam iniuriam ab  
illo accepisti : tamen quoniam quæstor eius fuiſti : non po-  
tes eum sine ulla uituperatione accusare : si uero nulla ti-  
bi facta est iniuria : sine scelere eum accusare non po-  
tes . quare cum incertum sit de iniuria : quenquam esse ho-  
rum putas : qui non malit te sine uituperatione , quam  
cum scelere discedere ? At uide quid differat inter meâ  
opinionem ac tuam . tu cum omnibus rebus inferior sis :  
hac una in re te mihi anteferri putas oportere : quod  
quæstor illius fueris . ego si superior cæteris rebus esses :

calamitososq; defendere. Et profecto aut hoc remediū est  
ægrotae, ac propè desperatae reipublicae, iudicijsq; corru-  
ptis, ac contaminatis paucorū uicio, ac turpitudine: hoīes  
ad legum defensionem, iudiciorumq; auctoritatem quā-  
honestissimos, & integerrimos, diligentissimosq; acce-  
re: aut, si ne hoc quidem prodesse poterit: profecto nulla  
unquam medicina his tot incommodis reperietur. nul-  
la salus Reip. maior est: quā eos, qui alterū accusant:  
non minus de laude, de honore, de fama sua, quā il-  
los, qui accusantur: de capite, ac fortunis suis ptimescere.  
itaq; semper hi diligentissime, laboriosissimeq; accusarūt:  
qui se ipsos in discrimen existimationis uenire arbitra-  
ti sunt. Quamobrem hoc statuere iudices debetis: Q.  
Ceciliū, de quo nulla unquam opinio fuerit: nullaq; in  
hoc ipso iudicio expectatio futura sit: qui neq; ut ante col-  
lectam famam conseruet: neq; ut reliqui temporis spem  
confirmet, laborat: non nimis hanc causam seuerè, non  
nimis accurate, non nimis diligenter acturum. habet  
enim nihil: quod in offensione deperdat: ut turpissime fla-  
gitiosissimeq; discedat: nihil de suis ueteribus ornamen-  
tis requirit. A nobis multos obsides habet Populus ro-  
manus: quos ut incolumes conseruare, tueri, confirmare,  
ac recuperare possimus: omni ratione erit dimicandum.  
habet honorem: quem petimus: habet spem: quam propo-  
sitam nobis habemus: habet existimationem multo sudo-  
re, labore, uigilijsq; collectam: ut si in hac causa nostrū  
officium, ac diligentiam probauerimus: hæc, quæ dixi,  
retinere per Populum Ro. incoluma, ac salua possimus.  
si tantulum offensum, titubatumq; sit: ut ea, quæ singula-  
tim ac diu collecta sunt: uno tempore uniuersa perda-  
mus. Quapropter Iudices nostrum est, deligere. quæ exi-

stmetis facillime posse magnitudinem causæ, ac iudicij sustinere fide, diligentia, consilio, authoritate. Vos si mihi Q. Ceciliū anteposueritis: ego me dignitate superatum non arbitrabor: Populus Ro. ne tam honestam, tam severam, diligentemq; accusationem neq; uobis placuisse, neq; ordini uestro placere, arbitretur: providete.

## ACCUSATIONIS IN C. VERREM

## LIBER II. ORATIO V.

q VOD erat optandum maxime Iudices: & quod unum ad invidiam uestri ordinis, infamiamq; iudiciorum sedandā, maxime pertinebat: id non humano consilio, sed propē diuinitus datum, atq; oblatum uobis summo Reip. tempore uidetur. inueterauit enim iam opinio perniciosa Reip. uobisq; periculosa: quæ non modo romæ, sed & apud exteras nationes omnium sermone percrebuit: his iudicijs, quæ nunc sint: pecuniosum hominem, quamuis sit nocens: neminem posse damnari. nunc in ipso discrimine ordinis, iudiciorumq; uestrorum, cū sint parati, qui contionibus, & legibus, hanc invidiam senatus inflammare conentur: reus in iudicium adductus est C. Verres, homo uita, atq; factis, omnium iam opinione damnatus, pecuniæ magnitudine, sua spe, a prædicatione absolutus. Huic ego causæ Iudices cum summa uoluntate, & expectatione populi Ro. actor accessi non ut augerem invidiam ordinis: sed ut infamiae com-

muni suaterrerem. adduxi enim hominem: in quo re-  
 conciliare existimationem iudiciorum amissam: redire  
 in gratiam cum Populo romano: satisfacere exteris na-  
 tionibus possitis: depeculatorem ærarij, uexatorē Asiæ,  
 atq; Pamphyliae, prædonem iuris urbani, labem atque  
 perniciem prouinciæ Siciliae. de quo si uos seuerere, reli-  
 giosēq; iudicaueritis: authoritas ea, quæ in uobis rema-  
 nere debet: hærebit. sin istius ingentes diuitiæ iudiciorū  
 religionem, ueritatemq; perfrugerint: ego hoc tamen asse-  
 quar: ut iudiciū potius Reipublicæ, q̄ aut reus iudicys,  
 aut accusator reo defuisse uideatur. Equidem, ut de me  
 confitear Iudices: cum multæ mihi à C. Verre insidiæ  
 terra mariq; factæ sint: quas partim mea diligentia de-  
 uitarim: partim amicorum studio, officioq; repulerim:  
 nunquam tamen, neq; tantum periculum mihi adire ui-  
 sus sum: neq; tantopere pertimui: ut nunc in ipso iudi-  
 cio: neq; tantum me expectatio accusationis meæ, concur-  
 susq; tantæ multitudinis, quibus ego rebus uehementissi-  
 me perturbor: commouet: quantum istius insidiæ nefa-  
 riæ: quas uno tempore mihi, M. Glabroni Prætori, so-  
 cys, exteris nationibus, ordini, nomini deniq; senatorio  
 facere conatur. qui ita dictitat: ys esse metuendum: qui  
 quod ipsis solis satis esset: surripuissent: se tantum rapuis-  
 se: ut id multis satis esse possit. nihil esse tam sanctum:  
 quod non uiolari: nihil tam munitum: quod non expu-  
 gnari pecunia possit. quod si quàm audax est ad conan-  
 dum: tam esset obscurus in agendo: fortasse aliqua in re  
 nos aliquando fefellisset. uerum hoc adhuc percommo-  
 de cadit: quod cum incredibili eius audacia singularis  
 stulticia coniuncta est. nam ut apertus in corripiendis pe-  
 cunijs fuit: sic in spe corrumpendi iudicij perspicua sua



consilia, conatusq; omnibus fecit. semel ait se in uita per-  
tinuisse: tum cum primum reus à me factus sit: quod  
cum e provincia recens esset: inuidiaq; et infamia non  
recenti, sed uetere ac diuturna flagraret: tum ad iudi-  
cium corrumpendum tempus alienum offenderet. Itaq;  
cum ego diem in Siciliam inquirendi perexiguam postu-  
laui: inuenit iste qui sibi in Achaiam biduo breuior-  
em diem postularet: non ut idem conficeret diligentia,  
et industria sua: quod ego meo labore, et uigilijs conse-  
cutus sum. etenim ille Achaicus inquisitor ne Brundu-  
sium quidem peruenit: ego Siciliam totam quinquag-  
inta diebus sic obij: ut omnium populorum, priuato-  
rumq; literas, iniuriasq; cognoscerem. ut perspicuum  
cuius esse possit: hominem ab isto quaesitum esse: non qui  
reum suum adduceret: sed qui meum tempus obside-  
ret. Nunc homo audacissimus, atq; amentissimus hoc co-  
gitat. intelligit me ita paratum, atq; instructum in iu-  
dicium uenire: ut non modo in auribus uestris, sed in  
oculis omnium sua fieri, atq; flagitia defixurus sim-  
uidet senatores multos esse testes audaciae suae: uidet mul-  
tos Equites romanos: frequentes praeterea ciues, atq; so-  
cios, quibus ipse insignes iniurias fecerit: uidet etiam tot  
graues ab amicissimis ciuitatibus legationes cum publi-  
cis auctoritatibus, ac testimonijs conuenisse. quae cum ita  
sint: usq; eo de omnibus bonis male existimar: usq; eo se-  
natoria iudicia perdit, profligataq; esse arbitratur: ut  
hoc palam dictitet: non sine causa se cupidum pecuniae  
fuisse: quoniam tantum in pecunia praesidium experia-  
tur esse: sese (id quod difficillimum fuerit) tempus ipsum  
emisse iudicii sui: quo caetera facilius emere posset: ut quo-  
niam criminum uim subterfugere nullo modo poterat:

procellam temporis deuitaret. quod si non modo in cau-  
sa, uerum in aliquo honesto praesidio, aut in alicuius elo-  
quentia, aut gratia, spem aliquam collocasset: profecto nō  
haec omnia colligeret: atq; aucuparetur: non usq; eo de-  
spiceret, contemnereq; ordinem senatorium: ut arbitra-  
tu eius deligeretur ex senatu, qui reus fieret: qui, dum  
hic quæ opus essent, compararet: causam interea ante eū  
diceret. quibus ego rebus quid iste speret: & quo ani-  
mum intendat: facile perspicio. quamobrem uero se con-  
fidat aliquid perficere posse hoc Glabrone Praetore, et  
hoc consilio intelligere non possum. unum illud intelli-  
go: quod praetor in reiectione iudicium indicauit: ea spe  
istum fuisse praeditum: ut omnem rationem salutis in pe-  
cunia poneret: hoc crepto praesidio, ut nullam sibi rem  
adiumento fore arbitraretur. etenim quod est ingenium  
tantum? quæ tanta facultas dicendi, & copia? quæ istius  
uitam tot uicijs flagitijsq; coniunctam, iam pridem o-  
mnium uoluntate iudicioq; damnatam, aliqua ex parte  
possit defendere? cuius ut adolescentiæ maculas ignomi-  
niasq; præteream: quæstura primus gradus honoris qd  
aliud habet in se: nisi Cn. Carbonem spoliatum à quæ-  
store suo pecunia publica? nudatum & proditum consu-  
lem? desertum exeratum? relictam provinciam? sortis ne-  
cessitudinem, religionemq; uiolatam? Cuius legatio exi-  
tium fuit Asiæ totius, & Pamphyliæ. quibus in pro-  
uincijs multas domos, plurimas urbes, omnia fana de-  
peculatus est: cum in Cn. Dolobellam scelus suum il-  
lud pristinum renouauit, & instaurauit quæstorium:  
cum eum, cui legatus, & proquæstore fuisset: & in in-  
uidiam suis maleficijs adduxit: & in ipsis periculus nō  
solum deseruit: sed etiam oppugnavit: ac prodidit. Cu-

ius prætura urbana ædium sacrarum fuit, publicorūq;  
operum depopulatio: simul in iure dicendo bonorum  
possessionumq; contra omnium instituta addictio, et con-  
donatio. Iam uero omnium uiciorum suorum plurima  
& maxima constituit monimenta, & indicia in prouin-  
cia Sicilia: quam iste per triennium ita uexauit: ac per-  
didit: ut ea restitui in antiquum statum nullo modo pos-  
sit: uix autem per multos annos innocentesq; prætores  
aliqua ex parte recreari aliquando posse uideatur. Hoc  
prætor Siculi neq; suas leges, neq; nostra Senatus consul-  
ta, neq; communia iura, tenuerunt. tantum qsq; habet in  
Sicilia quantū hominis auarissimi, et libidinosisissimi aut  
imprudensiam subterfugit: aut facietati superfluit. nul-  
la res per triennium nisi ad nutum istius iudicata est:  
nulla res cuiusquam tam patria, atq; auita fuit: quæ nō  
ab eo, imperio istius abiudicaretur: innumerabiles pe-  
cuniæ ex aratorum bonis nouo nefarioq; instituto co-  
actæ: socij fidelissimi in hostium numero existimati: Ci-  
ues Ro. seruilem in modum cruciati, & necati: homi-  
nes nocentissimi propter pecuniam iudicio liberati: hone-  
stissimi, atq; integerrimi absentes rei facti, indicta causa  
damnati, & eiectioni: portus munitionissimi, maximæ tutissi-  
mæq; urbes, piratis, prædonibusq; patefactæ: nautæ, mi-  
litesq; Siculorum, socij nostri, atq; amici fame necati:  
classes optimæ, atq; opportunissimæ cum magna igno-  
munia Populi Ro. amissæ, & perditæ. idem iste Præ-  
tor monimenta antiquissima partim regum locupletis-  
simorum, quæ illi ornamento urbibus esse uoluerunt:  
partim etiam nostrorum Imperatorum, quæ uicto-  
res ciuitatibus Siculis aut dederunt: aut reddiderunt:  
spoliauit: nudauitq; omnia. neq; hoc solum in statu

publicis, ornamentisq; fecit: sea etiam delubra omnia  
sanctissimis religionibus consecrata, depeculatus est.  
deum deniq; nullum Siculis, qui ei paulo magis affa-  
bre atq; antiquo artificio factus uideretur: reliquit.  
In stupris uero, & flagitijs nefarias eius libidines com-  
memorare pudore deterreor. simul illorum calamita-  
tem commemorando augere nolo: quibus liberos con-  
iugesq; suas integras ab istius petulantia conseruare  
non licitum est. At enim hæc ita commissa sunt ab isto:  
ut non cognita sint ab omnibus. hominem esse arbitror  
neminem: qui nomen istius audierit: quin facta quoq;  
eius nefaria commemorare possit. ut mihi magis timen-  
dum sit: ne multa crimina prætermittere, quàm ne  
qua in istum fingere existimer. neq; enim mihi uidetur  
hæc multitudo, quæ ad audiendum conuenit: cogno-  
scere ex me causam uoluisse: sed ea, quæ scit: mecum re-  
cognoscere. Quæ cum ita sint: iste homo amens, ac per-  
ditus alia mecum ratione pugnat. non id agitur: ut  
alicuius eloquentiam mihi opponat: non gratia, non  
auctoritate cuiusquam, non potentia nititur. simulat his  
se rebus confidere. sed uideo quid agat: neq; enim agit  
ocultissime: proponit inania mihi nobilitatis, hoc est ho-  
minum arrogantium nomina: qui non tam me impe-  
diunt: quod nobiles sunt: quàm adiuant: quod noti  
sunt: simulat se eorum præsidio confidere: cum interea  
aliud quiddam iam diu machinetur. Quam spem nunc  
habeat in manibus: & quid moliat: breuiter iam Iu-  
dices exponam: sed prius ut ab initio res ab eo consti-  
tuta sit: quæso cognoscite. Vt primum è provincia re-  
dijt: redemptio est huius iudicij facta grandi pecunia:  
mansit in conditione atq; pacto usq; ad eum finem: dum



Iudices reiecti sunt. posteaquam reiectio iudicium facta  
 est: quod et in sortitione, istius spem fortuna populi roma-  
 ni, et in reijciendis iudicibus, mea diligentia istorum impu-  
 dentiam uicerat: renunciata est tota conductio. præcla-  
 re se res habebat: libelli nominum uestrorum consilijq;  
 huius, in manibus erant omnium: nulla nota, nullus co-  
 lor, nullæ sordes uidebantur his sententijs allini posse.  
 cum iste repente ex alacri, atq; læto, sic erat humilis,  
 atq; demissus: ut non modo populo romano, sed etiam  
 sibi ipse condemnatus uideretur. Ecce autem repente,  
 his diebus paucis, comitijs consularibus factis, eadem il-  
 la uetera consilia pecunia maiore repetuntur: eademq;  
 uestrae famæ, fortunisq; omnium insidiæ per eosdem  
 homines comparantur. quæ res primo Iudices perte-  
 nui nobis argumento, indicioq; patefacta est. post aper-  
 to suspicionis introitu ad omnia intima istorum consilia  
 sine ullo errore peruenimus. nam ut Hortensius Cons-  
 designatus domum reducebatur e campo cum maxima  
 frequentia à multitudine: fit obuiam casu ei multitudi-  
 ni C. Curio: quem ego hominem honoris potius, quam  
 contumeliæ causa nominatum uolo. etenim ea dicam:  
 quæ ille si commemorari noluisse: non tanto in conuen-  
 tu, tam aperte, palamq; dixisset: quæ tamen à me pede-  
 tentim, cautèq; dicentur: ut amicitia nostra, et dignita-  
 tis illius habita ratio esse intelligatur. uidet ad ipsum  
 fornicem fabianum in turba Verrem: appellat homi-  
 nem: et ei uoce maxima uictoriam gratulatur: ipsi Hor-  
 tensio, qui consul erat factus: propinquis necessarijsq;  
 eius, qui tum aderant: uerbum nullum facit: cum hoc  
 consistit: hunc amplexatur: hunc iubet sine cura esse.  
 renuncio inquit tibi: te hodiernis comitijs esse absolutum.

quod cum tam multi homines honestissimi audissent: statim ad me deferitur. immo uero, ut quisque me uiderat, narrabant. alijs illud indignum, alijs ridiculum uidebatur. ridiculum ijs, qui istius causam in testum fide, in criminum ratione, in iudicij potestate, non in comitijs consularibus positam arbitrabantur. indignum ijs, qui altius perspiciebant: & hanc gratulationem ad iudicium corrumpendum spectare arbitrabantur. etenim sic ratioanabantur: sic honestissimi homines inter se, & mecum loquebantur: aperte iam & perspicue nulla esse iudicia: qui reus pridie iam ipse se condemnatum putabat: is posteaquam defensor eius Consul est factus absoluitur. quid igitur? quod tota Sicilia quod omnes Siculi, omnes negotiatores, omnes publicæ, priuatæque literæ Romæ sunt: nihil ne id ualebit? nihil, inuito Cons. designato. quid Iudices? non crimina, non testes, non existimationem populi Ro. sequentur? non: omnia in unius potestate, ac moderatione uertentur. uere loquar Iudices: uehementer me hæc res commouebat. optimus enim quisque ita loquebatur: iste quidem tibi eripietur: sed nos non tenebimus iudicia diutius. etenim quis poterit Verre absoluto de transferendis iudicijs recusare? erat omnibus molestum: neque eos tam istius perditio subita læticia, quam hominis amplissimi noua gratulatio commouebat. cupiebam dissimulare, me id moleste ferre: cupiebam animi dolorē uultu tegere: & taciturnitate celare. ecce autem illis ipsis diebus, cum prætores designati sortirentur: et M. Metello obtigisset: ut ijs de pecunijs repetundis quæreretur: nunciatur mihi, tantam gratulationem isti esse factam: ut is quoque domum pueros mitteret: qui uxori suæ nunciarent. sanè ne hæc qui-

dem res mihi placebat: neq; tantopere quid in hac sorte metuendum mihi esset: intelligebam. unum illud ex hominibus certis, ex quibus omnia comperi: reperiēbam: fiscos complures cum pecunia sicaliensī a quodam senatore ad Equitem Romanum esse translatos: ex his quasi X fiscos ad senatorem illum relictos esse comitiorum nomine: diuisores omnium tribuum noctu ad istum uocatos. ex quibus quidam qui se omnia mea causa facere debere arbitrabatur: eadem illa nocte ad me uenit. demonstrat qua iste oratione usus esset: commemorasse istum quam liberaliter eos tractasset etiam antea: cum ipse præturam petisset: et proximis consularibus, præturijsq; comitijs: deinde esse pollicitum quantum uellent pecuniæ: si me ædilitate deiecissent. hoc alios negasse audere: alios respondisse: non putare id perfici posse. inuentum tamen esse fortem amicum, ex eadem familia Q. Verrem Romulia ex optima diuisorum disciplina, patris istius discipulum, atq; amicum: qui HS quingentis millibus depositis, ad se perfecturū polliceretur: et fuisse tamen nonnullos: qui se una facturos esse dicerent. quæ cum ita essent: sanè beniuolo animo me, ut magnopere cauerem, præmonebat. sollicitabar rebus maximis uno, atq; eo perexiguo tempore. urgebāt comitia. et his ipsis oppugnabar grandi pecunia. instabat iudiciū. ei quoq; negotio fisci sicaliensēs minabantur. agere, quæ ad iudiciū pertinebant libere, comitiorum metu deterrebar. petitioni toto animo seruire, propter iudiciū non licebat. minari deniq; diuisoribus ratio nō erat: propterea, quod eos intelligere uidebam; me hoc iudicio districtum, atq; obligatum futurum. Atq; hoc ipso tempore Siculis denunciatiū esse audio, primum ab

Hortensio, domum ad illum ut uenirent. siculos sane in eo liberos fuisse: qui quamobrem accerferentur, cum intelligerent: non uenisse. interea comitia nostra, quorum iste se, ut ceterorū hoc anno comitiorum, dominum esse arbitrabatur: haberi coepta sunt. cursare iste homo potens, cum filio blando, & gratiofo circum tribus: paternos amicos, hoc est diuifores appellare omnes: & conuenire. quod cum esset intellectum: & animaduersum: fecit animo libentissimo populus romanus: ut cuius diuitiae me de fide deducere non potuissent: ne eiusdem pecunijs de honore deicerer. posteaquam illa petitionis magna cura liberatus sum: animo cepti multo magis uacuo, ac soluto, nihil aliud nisi de iudicio agere: & cogitare. Reperio Iudices hanc ab istis consilia inita, & constituta: ut quacumq; opus esset ratione, res ita duceretur: ut apud M. Metellum praetorem causa diceretur. in eo esse hanc commoda: primum M. Metellum amantissimum: deinde Hortensium Cons. non solum, sed etiā Q. Metellum: qui quādiu isti sit amicus attendite. dedit enim praerogatiuam suae uoluntatis eiusmodi: ut isti pro praerogatiuis iam reddidisse uideatur. an me taciturū tantis de rebus existimauistis? & in tanto Reip. existimationisq; meae periculo cuiquam consulturum potius: quā officio & dignitati meae? accersit alter Cons. designatus Siculos: ueniunt nonnulli: propterea quod Q. Metellus esset praetor in Sicilia: cum is ita loquitur: se Consullem esse: fratrem suum, alterum Siciliam prouinciam obtinere: alterum esse quæsiturum de pecunijs repetundis: Verri ne noceri possit multis rationibus esse prouisum. quid est quæso Metelle iudicium corrumpere? si hoc non est: testes, praesertim Siculos, timidos homines, et affictos,



nō solum auctoritate deterrere: sed etiā Consulari metu,  
 & duorum prætorū potestate? qd faceres pro homine  
 innocente, & propinquo? cum propter hominem per-  
 ditissimum, atq; alienissimum, de officio, ac dignitate de-  
 cedis? & committis: ut, quod ille dictitat: alicui, qui te  
 ignorat: uerum esse uideatur? nam hoc Verrem di-  
 cere aiebant: te non fatis, ut cæteros ex uestra familia,  
 sed opera sua Consulem factum. Duo igitur Cons.  
 & quæsitores erunt ex illius uoluntate. non solum effu-  
 giemus inquit hominem in querendo nimium diligen-  
 tem, nimium seruientem populi existimationi, M. Gla-  
 brionem: accedet nobis etiam illud: iudex est M. Ce-  
 sonius collega nostri accusatoris, homo in rebus iudican-  
 dis spectatus, & cognitus: quem minime expediat esse  
 in eo consilio: quod conemur aliquaratione corrumpere:  
 propterea, quod iam antea, cum iudex in Iuniano  
 consilio fuisset: turpissimum illud facinus nō solum gra-  
 uiter tulit: sed etiam in medium protulit. hunc Iudi-  
 cem ex Cal. Iun. non habebimus. Q. Manlium, &  
 Q. Cornificium duos seuerissimos, atq; integerrimos  
 iudices, quod Tr. Pl. tum erunt: iudices non habebi-  
 mus. P. Sulpitius iudex tristis, & integer magistratum  
 ineat necesse ē nonis decēbribus. M. Crepereius ex acer-  
 rima illa equestri familia, & disciplina, L. Cassius ex  
 familia tum ad cæteras res, tum ad iudicandum seue-  
 rissima, Cn. Tremellius homo summa religione, & di-  
 ligentia, tres hi homines ueteres Tribuni militares sunt  
 designati: ex Cal. Ianuar. non iudicabunt. subfortie  
 mur etiam in M. Metelli locum: quoniam is huic ipsi quæ-  
 sitioni præfuturus est. ita secundum Cal. Ian. & præ-  
 tore, & prope toto consilio commutato, magnas accusa-

toris minas, magnamq; iudicij expectationem ad nostrum arbitrium, libidinemq; eludemus. nonne sunt hodie sextiles: hora nona convenire cœpistis. hunc diem iam ne numerant quidem. decem dies sunt ante ludos uotiuos: quos Cn. Pompeius factururus est. hi ludi dies quindecim auferent: deinde continuo Romani consequetur. ita prope XL diebus interpositis, tum deniq; se ad ea, quæ a nobis dicta erunt: responsuros esse arbitrantur. deinde se ducturos & dicendo, & accusando facile ad ludos uictoriæ. cum his plebeios esse coniunctos: secundum quos aut nulli aut pauci dies ad agendū futurum sunt. ita defessa, ac refrigerata accusatione rem integram ad M. Metellum esse uenturam. quem ego hominem si eius fidei diffusus essem: iudicem non retinuissem. nunc tamen eo animo sum: ut eo iudice quàm prætorē hanc rem transigi malim: & iurato suam, quàm iniurato aliorum tabellas committere. Nunc ego Iudices iam uos consulo: quid mihi faciendum putetis. id enim consilij mihi profecto taciti dabitis: quod egomet mihi necessario capiendum intelligo. si utar ad dicendum meo legitimo tempore: mei laboris, industriæ, diligentiaq; capiam fructum: & ex accusatione perficiam: ut nemo unquam post hominum memoriam paratior, uigilantior, compositior ad iudicium uenisse uideatur. sed in hac laude industriæ meæ, reus ne elabatur summum periculum est. quid est igitur, quod fieri possit? non obscurum opinor, neq; absconditum. fructum istum laudis, qui ex perpetua oratione percipi potuit: in alia tempora reseruemus. nunc hominem tabulis, testibus, priuatis, publicisq; literis, authoritatibusq; accusemus. res omnis mihi tecum erit Hortensi. dicam aperte. si te me

cum dicendo, ac diluendis criminibus in hac causa con-  
 tendere putarem: ego quoque in accusando, atque in expli-  
 candis criminibus operam consumerem. nunc quoniam  
 pugnare contra me instituisti, non tam ex tua natura,  
 quam ex istius tempore, et causa: maliciose necesse est  
 istiusmodi rationi aliquo consilio obistere. tua ratio est:  
 ut secundum binos ludos mihi respondere incipias. mea,  
 ut ante primos ludos comperendinem. ita fiet ut tua ista  
 ratio existimetur astuta: meum hoc consilium necessa-  
 rium. uerum illud quod institueram dicere, mihi rem  
 tecum esse: huiusmodi est. ego cum hanc causam siculo  
 rum rogatu recepissem: idque mihi amplum, et praecla-  
 rum existimassem: eos uelle meae fidei, diligentiaeque peri-  
 culum facere, qui innocentiae, abstinentiaeque fecissent: tum  
 suscepto negotio maius mihi quiddam proposui: in quo  
 meam in Rempublicam uoluntatem populus Romanus. perspicere pos-  
 set. nam illud mihi nequaquam dignum industria, con-  
 tuique meo uidebatur: istum a me in iudiciū iam omnium iudi-  
 cio condēnatū uocari: nisi ista tua intolerabilis potentia,  
 et ea cupiditas, qua per hosce annos in quibusdam iudicijs usus  
 est: etiam in istius hominis desperati causa interponeretur.  
 nunc uero, quoniam haec te omnis dominatio, regnumque  
 iudiciorum tantopere delectat: et sunt homines: quos  
 libidinis, infamiaeque suae, neque pudeat: neque tedeat: qui  
 quasi de industria in odium offensionemque populi Romanus  
 irruere uideantur: hoc me profiteor suscepisse: magnum  
 fortasse onus, et mihi periculosum: uerum tamen dignū  
 in quo omnes nervos aetatis, industriaeque meae contende-  
 rem. quoniam totus ordo paucorum improbitate, et au-  
 dacia premitur: et urgetur infamia iudiciorum: profi-  
 teor huic generi hominum me inimicum, accusatorem,  
 odiosum,

odiosum, assiduum, acerbum aduersarium. hoc mihi sumo: hoc mihi depono: quod agam in magistratu: quod agam ex eo loco: ex quo me populus Ro. ex Cal. Ian. secum habere de Rep. ac de hominibus improbis uoluit. Hoc munus aeditatis meae populo Ro. amplissimum, pulcherrimumq; polliceor. moneo: praedico: ante denuntio: qui aut deponere, aut recipere, aut accipere, aut polliceri, aut sequestres, aut interpretes corrumpendi iudicii solent esse: quiq; ad hanc rem aut potentiam, aut impudentiam suam professi sunt: abstineant in hoc iudicio manus animosq; ab hoc scelere nefario. Erit tum consul Hortensius cum summo imperio, et potestate: ego autem aedilis: hoc est paulo amplius, q̄ priuatus. tamen haec huiusmodi res est: quam me acturum esse polliceor: ita populo Ro. grata, atq; iucunda: ut ipse Cons. in hac causa, praeme munus etiam, si fieri possit, quam priuatus esse uideatur. omnia non modo commemorabuntur: sed etiam expositis certis rebus agentur: quae intra decem annos, posteaquam iudicia ad senatum tras lata sunt: in rebus iudicandis nefarie, flagitioseq; facta sunt. cognoscat ex me populus Ro. quid sit: quam obrem cum equester ordo iudicaret: annos prope quinquaginta continuos nullo iudice equite Ro. iudicante, ne tenuissima quidem suspicio acceptae pecuniae ob rem iudicandam constituta sit: quid sit, quod iudicij ad senatorium ordinem translatis, sublataq; populi Ro. in unumqucnq; nostrum potestate, Q. Calidius damnatus dixerit: minoris HS XXX praetorium hominem honeste non posse damnari: quid sit, quod P. Septimio senatore damnato Q. Hortensio praetore de pecunijs repetundis, lis estimata sit eo nomine: quod ille ob rem



iudicandam pecuniam accepisset: quod in C. Herennio,  
 quod in C. Popilio senatoribus: qui ambo peculatus dā-  
 nati sunt: quod in M. Attilio, qui de maiestate damna-  
 tus est: hoc planum factum est: eos pecuniam ob rem iu-  
 dicandam accepisse: quod inuenti sunt senatores: qui C.  
 Verre Pr. urbano sortiente, exirent in eum reum: quē  
 incognita causa condemnarent: quod inuentus est sena-  
 tor: qui cum iudex esset: in eodem iudicio ab reo pecu-  
 niam acciperet: quam iudicibus diuideret: & ab accusa-  
 tore: ut reum damnavit. Iam uero quomodo illam la-  
 bem ignominiam calamitatemq; totius ordinis conque-  
 rar? hoc factum esse in hac ciuitate: cum senatorius or-  
 do iudicaret: ut discoloribus signis, iuratorum hominū  
 sententiæ notarentur. Hæc omnia me diligenter seue-  
 req; acturum esse polliceor. quo me tandem animo fore  
 putetis? siquid in hoc ipso iudicio intellexero, simili ali-  
 qua ratione esse uiolatum, atq; commissum. cum præser-  
 tim planum facere multis testibus possim: C. Verrem in  
 Sicilia multis audientibus sæpe dixisse: se habere homi-  
 nem potentem: cuius fiducia prouinciam spoliaret: neq;  
 sibi soli pecuniam quærere: sed ita triennium illud præ-  
 turæ siciensis distributum habere: ut secum præclare  
 agi diceret: si unius anni questum in rem suam conuer-  
 teret: alterum patronis & defensoribus suis traderet:  
 tertium illum uberrimum questuosissimumq; annum  
 totum iudicibus reseruaret. Ex quo mihi uenit in men-  
 tem illud dicere: quod apud M. Glabrimonem nuper cum  
 in reijciendis iudicibus commemorassem: intellexi uehe-  
 menter populum Ro. commoueri. me arbitrari fore: ut  
 nationes extræ legatos ad populum Ro. mitterent: ut  
 lex de pecunijs repetundis iudiciumq; tolleretur. si enim

iudicia nulla sint: tantum unumquēq; ablatiurum putant: quantum sibi ac liberis suis satis esse arbitraretur. nunc quod cuiusmodi iudicia sint: tantum unumquēq; auferre: quantum sibi, patronis, aduocatis, prætoribus, iudiciis satis futurum sit. hoc profecto infinitum esse. se auarissimi hominis cupiditati satisfacere posse: nocentissimæ uictoriæ non posse. O' commemoranda iudicia: præclaramq; existimationem nostri ordinis: cum socij populi Ro. iudicia de pecunijs repetundis fieri nolunt: quæ à maioribus nostris sociorū causa comparata sunt. an iste unquam de se bonam spem habuisset: nisi de uobis malam opinionem animo imbibisset? quo maiore etiā si fieri potest: apud uos odio esse debet: quàm est apud populum romanum: cum in auaricia, scelere, periurio, uos sui similes arbitretur. Cui loco per deos immortales iudices consulite: ac prouidete. moneo: prædicoq; id quod intelligo: tempus opportunissimum uobis hoc diuinitus datum esse: ut odio, inuidia, infamia, turpitudine, totum ordinem liberetis. nulla in iudicijs seueritas, nulla religio, nulla deniq; existimantur esse iudicia. itaq; à populo Ro. contemnimur: despiciimur: graui diuturna q; iam flagranus infamia. neq; enim ullam aliam ob causam populus Ro. tribunitiam potestatem tanto studio requisit: quam cum poscebat: uerbo illam poscere uidebatur: re uera iudicia poscebat. neq; hoc Q. Catulum hominem sapientissimum, atque amplissimum fugit: qui Cn. Pompeio uiro fortissimo, & clarissimo de tribunitia potestate referenti, cum esset sententiā rogatus: hoc initio est summa cū auctoritate usus: patres cōscriptos iudicia male & flagitiose tueri. quod si in rebus iudicandis populi Ro. existimationi satisfacere uoluissent: non tantopere

homines fuisse tribunitiâ potestatem desideraturos. Ipse deniq; Cn. Pompeius, cum primum concionem ad urbem Cons. designatus habuit: ubi, quod maxime expectari uidebatur: ostendit: se tribunitiâ potestatem restitutum: factus est in eo strepitus, & grata concionis admurmuratio. idem in eadem concione cum dixisset: populatas, vexatasq; esse provincias: iudicia autem turpia, & flagitiosa fieri: ei rei se providere, ac consulere uelle: tum uero non strepitu, sed maximo clamore suam populus Ro. significauit uoluntatem. Nunc autem homines in speculis sunt: obseruant quemadmodum se unusquisq; uestrum gerat in retinenda religione, conseruandisq; legibus: uident adhuc post legem tribunitiam unum senatorem uel tenuissimum esse damnatum. quod tamen si non reprehendunt: tamen magnopere quod laudent, non habent. nulla est enim laus ibi esse integrum: ubi nemo est, qui aut possit: aut conetur corrumpere. hoc est iudicium in quo uos de reo, populus Ro. de uobis iudicabit: in hoc homine statuetur: possit ne senatoribus iudicantibus homo nocentissimus pecuniosissimusq; damnari. Deinde est huiusmodi reus: in quo homine nihil sit, præter summa peccata, maximamq; pecuniam: ut si liberatus sit: nulla alia suspicio, nisi ea, quæ turpissima est: residere possit. non gratia, non cognatione, non alijs recte factis, non deniq; aliquo mediocri uicio, tot tantaq; eius uicia subleuata esse existimabuntur. Postremo ego causam sic agam iudices: eiusmodi res, ita notas, ita testatas, ita magnas, ita manifestas proferam: ut nemo à uobis ut istum absoluat per gratiam conetur contendere. habeo autem certam uiam atq; rationem: qua omnes illorum conatus inuestigare, & consequi possim. Ita res à me age

tur: ut in eorum consilijs omnibus non modo aures hominum, sed etiam oculi populi Ro. interesse uideantur. uos aliquot iam per annos conceptam huic ordini turpitudinem, atq; infamiam delere potestis. constat inter omnes: post hæc iudicia, quibus nunc utimur: nullum hoc splendore, atq; hac dignitate consilium fuisse. hic si quid erit offensum: omnes homines non iam ex eodem ordine alios magis idoneos, quod fieri non potest: sed alium omnino ordinem ad res iudicandas quærendum arbitrantur. Quapropter primum ab dijs immortalibus, quod sperare mihi uideor: hoc idem iudices peto: ut in hoc iudicio nemo improbus præter eum, qui iam pridem inuentus est: reperiatur. Deinde si plures improbi fuerint: hoc uobis, hoc populo Ro. iudices confirmo: uitam mehercule mihi prius, quam uim, perseverantiamq; ad illorum improbitatem persequendam defuturam. uerum quod ego laboribus, periculis, inimicitijsq; meis, tum cum admissum erit: dedecus seuerè me persecuturum esse polliceor: id ne accidat tu tua sapientia, auctoritate, diligentia M. Glabrio potes providere. suscipe causam iudiciorum: suscipe causam seueritatis, integritatis, fidei, religionis: suscipe causam senatus: ut is hoc iudicio probatus, cum populo Ro. & in laude, & in gratia esse possit. cogita quo loco sis: qd dare populo romano, quid reddere maioribus tuis debeas. fac tibi paternæ legis Aciliæ ueniat in mentem: qua lege populus Ro. de pecunijs repetundis optimus iudicys seuerissimusq; iudicibus usus est. circumstant te summæ auctoritates: quæ te obliuisci laudis domesticæ non sinant: quæ te dies, notesq; commoneant: fortissimum tibi patrem, sapientissimum auum, grauissimum socerum fuisse. quare si



Glabronis patris uim, & acrimoniam cœperis ad re-  
 sistendum hominibus audacissimis: si aui Sœuolæ pri-  
 dentiam ad prospiciendas insidias: quæ tuæ atq; horum  
 famæ comparantur: si soceri Scæuri constantiam: ut ne-  
 quis te de uera, & certa possit sententia dimouere: in-  
 telliget populus Ro. integerrimo, atq; honestissimo præ-  
 tore, delectoq; consilio, nocenti reo magnitudinem pe-  
 cuniæ plus habuisse momenti ad suspicionem criminis,  
 quàm ad rationem salutis. Mihi certum est non commit-  
 tere ut in hac causa prætor nobis, consiliūq; mutetur.  
 non patiar rem in id tempus adduci: ut Siculi, quos ad  
 huc serui designatorum cons. non mouerunt: cum  
 eos nouo exemplo arcesserent: eos tum lictores consu-  
 lum uocent: ut homines miseri, antea socij, atq; amici  
 populi Ro. nunc serui, ac supplices, non modo ius su-  
 um, fortunasq; omnes eorum imperio amittant: ue-  
 rum etiam deplorandi iuris sui potestatem non habeāt.  
 non sinam profecto causa à me perorata, XXX die-  
 bus interpositis, tum nobis deniq; respondeant: cum ac-  
 cusatio nostra in obliuionem diuturnitatis adducta sit.  
 non committam ut tum res iudicetur: cum hæc frequē-  
 tia totius Italiæ Roma discesserit: quæ conuenit uno  
 tempore undiq; comitiorum, iudiciorum, censendiq; cau-  
 sa. huius iudicij, & laudis fructum, & offensionis pe-  
 riculum, uestrum, laborem sollicitudinemq; , nostram,  
 scientiam quid agatur, memoriamq; quid a quoq; di-  
 ctum sit, omnium puto esse oportere. faciam hoc non  
 nouum: sed ab alijs, qui nunc principes nostræ ciuitatis  
 sunt: ante factum: ut testibus utar statim. illud à me no-  
 uum iudices cognoscetis: quod ita testes constituam: ut cri-  
 men totum explicem. ubi id interrogando, arguentis,

atq; oratione firmauero: tum testes ad crimen accommo-  
dem: ut nihil inter illam usitatem accusationem, atq; hanc  
nouam intersit: nisi quod in illa tunc, cum omnia dicta  
sunt: testes dantur: hic in singulas res dabuntur: ut illis  
quoq; eadem interrogandi facultas, argumentandi, dicen-  
diq; sit. si quis erit: qui perpetuam orationem, accusatio-  
nemq; desideret: altera actione audiet. nunc id quod fa-  
ciamus, ea ratione facimus: ut maliciæ illorum consilio  
nostro occurramus: necessario fieri intelligant. Hæc  
primæ actionis erit accusatio. Dicimus C. Verrem,  
cum multa libidinose, multa crudeliter, in ciues Ro. atq;  
in socios, multa in deos, hominesq; nefarie fecerit: tum  
præterea CCCC sextertia ex Sicilia contra leges ab-  
stulisse. hoc testibus, hoc tabulis, priuatis publicisq; aucto-  
ritatibus, ita uobis planū faciemus: ut hoc statuatis: etiā  
si spatium ad dicendum nostro commodo, uacuosq; dies  
habuissemus: tamen oratione longa nihil opus fuisse.

ACCUSATIONIS IN C. VER-  
REM LIBER III. ORA  
TIO VI.

EMINEM uestrum ignorare arbitror  
n Iudices: hūc per hosce dies sermonem uul-  
gi, atq; hanc opinionem populi Ro. fuis-  
se: C. Verrem altera actione respon-  
surum non esse: neq; ad iudicium affuturum. quæ fama  
non iacirco solum emanarat: quod iste certe statuerat,  
ac deliberauerat, non adesse: uerum etiam, quod ne-  
mo quenquam tam audacem, tam amentem, tam impu-  
dentem fore arbitrabatur: qui tam nefarijs criminibus,  
tam multis testibus euictus, ora iudicum aspicere, aut  
os suum populo Ro. ostendere auderet. Est idem Verres  
qui fuit semper: ut ad audendum proiectus: sic para-  
tus ad audiendum. præsto est: respondet: defenditur: ne  
hoc quidem sibi reliqui fecit: ut in rebus turpissimis,  
cum manifesto teneatur: si reticeat: & absit: tamen im-  
pudentiæ suæ pudentem exitum quæsisse uideatur. pa-  
tior Iudices: & non moleste fero: me laboris mei, uos  
uirtutis uestræ fructum esse laturos. nam si iste id fecis-  
set: quod primo statuerat: ut non adesset: minus ali-  
quanto quàm mihi opus esset: cognosceretur: quid ego  
in hac accusatione comparanda, constituendâq; elabo-  
rassem. uestra uero laus tenuis planè, atq; obscura Iu-  
dices esset. neq; enim hoc à uobis populus Ro. expectat:  
neq; eo potest esse contentus: si condemnatus sit is, qui adesse  
noluerit: et si fortes fueritis in eo: quem nemo sit ausus  
defendere. immo uero adsit: respondeat: summis opibus,

summo studio potentissimorum hominum defendatur: certet mea diligentia cum illorum omnium cupiditate: uestra integritas cum istius pecunia: testum constantia cum illius patronorum minis, atq; potentia. tum demum illa uicta uidebuntur: cum in contentionem certamenq; uenerint. absens si iste esset damnatus: non tam ipse sibi consuluisset, quàm inuidisse uestræ laudi uideretur. neq; enim salus ulla maior Reip. hoc tempore reperiri potest: quàm populum Ro. intelligere: diligenter reiectis ab accusatore iudicibus, socios, leges, Remp. senatorio consilio maxime posse defendi. neq; tanta fortunis omnium pernicies potest accedere: quàm opinione populi Ro. rationem ueritatis, integritatis, fidei, religionis ab hoc ordine ab iudicari. Itaq; mihi uideor magnam, & maxime æ grā, & propè depositam Reip. partem suscepisse: neq; in eo magis meæ quàm uestræ laudi existimationiq; seruisse. accessi enim ad inuidiam iudiciorum lenandam, uituperationemq; tollendam: ut cum hæc res pro uoluntate populi Ro. esset iudicata: aliqua ex parte mea diligentia constituta auctoritas iudiciorum uideretur. postremo ut esset hoc iudicatum: ut finis aliquando iudiciariæ controuersię constitueretur. etenim sine dubio Iudices in hac causa ea res in discrimen adducitur. reus est enim nocentissimus. qui si condemnatur: desinent homines dicere: his iudicijs pecuniam plurimum posse. sin absoluitur: desinamus nos de iudicijs transferendis recusare. tamen si de absolutione istius, neq; ipse iam sperat: nec populus Ro. metuit. de impudentia singulari, quod adest: quod respōdet: sunt qui mirētur: mihi propter eius audaciam, atq; amentiam ne hoc quidem mirandum uidetur. multa enim & in deos, et in homines impie, nefarieq; commisit. quorū



*scelerum poenis agitur: & a mente, consilioq; deditur. agunt eum præcipitem poenæ civium Romanorum: quos partim securi percussit: partim in uinculis necavit: partim implorantes iura libertatis, & civitatis in crucem sustulit. rapiunt eum ad supplicium dî patrij: quod iste inuentus est: qui è complexu parentum abreptos filios ad necem duceret: & parentes præcæum pro sepultura liberum posceret. religiones uero, ceremoniæq; omnium sacrorum, sanorumq; uiolatæ, simulacrâq; deorum, quæ non modo ex suis templis ablata sunt: sed etiam iacent in tenebris ab isto retrusa, atq; abdita: consistere eius animum sine furore, atq; amentia non sinunt. neq; iste mihi uidetur se ad damnationem offerre solum: neq; hoc auariciæ supplicio communi, qui tot sceleribus se obstruxerit: contentus esse: singularem quandam poenam istius immanis atq; importuna natura desiderat. non id solum quæritur: ut isto damnato bona restituantur ijs, quibus erepta sunt: sed & religiones deorum immortalium expiandæ: & ciuium R. cruciatus, multorumq; innocentium sanguis, istius supplicio luendus est. non enim furem, sed ereptorem, non adulterû, sed expugnatorem pudiciæ, non sacrilegum, sed hostem sacrorum, religionumq; non siccarium, sed crudelissimum carnificem civium sociorûq; in uestrum iudicium adduximus. ut ego hunc unum eiusmodi reum, post hominum memoriam fuisse arbitrer: cui damnari expediret. nam quis hoc non intelligit? istum absolutum dîs hominibusq; inuitis, tamen ex manibus populi Ro. eripi nullo modo posse? quis hoc nō perspicit? præclare nobiscum actum iri: si populus Ro. istius unius supplicio contentus erit: ac non sic statuerit:*

non istum maius in sese scelus concepisse: cum fana spoliaret: cum tot homines innocentes necaret: cum ciues Romanos morte, cruciatus, cruce affecerit: cum prædorum duces accepta pecunia dimiserit: quam eos, si qui istum tot, tantis, tam nefarijs sceleribus coopertum iurati sententia sua liberarent. non est non est in homine cuiquã peccandi locus Iudices: non is est reus: non id tempus: non id consilium (metuo ne quid arrogantius apud tales uiros uidear dicere) ne actor quidem est is: cui reus tam nocens, tam perditus, tam uictus, aut occulte surripi, aut impune eripi possit. His ego iudiciis non probabo C. Verrem contra leges pecunias cœpisse? sustinebunt tales uiri, se tot senatoribus, tot equitibus romanis, tot ciuitatibus, tot hominibus honestissimis, ex tam illustri prouincia, tot populorum priuatorumq; literis non credidisse? tantæ populi Ro. uoluntati resistisse? sustineant. reperiemus: si istum uiuum ad aliud iudicium perducere potuerimus: quibus probemus, istum in quæstura pecuniã publicam Cn. Carboni Cons. datam auertisse: quibus persuadeamus, istum alieno nomine à quæstoribus urbanis, quod priore actione didicistis: pecuniã abstulisse. erunt qui & in eo quoq; audaciam eius reprehendât: quod aliquot nominibus de capite quantum commodum fuerit frumenti decumani, detraxerit. erunt etiam fortasse Iudices: qui illum eius peculatum uel acerrime iudicandum putent: quod iste M. Marcelli, & P. Africani monumenta, quæ nomine, illorum, re uera, populi Ro. & erant: & habebantur: ex fanis religiosissimis, ex urbibus sociorum, atq; amicorum non dubitauerit auferre. emerferit ex peculatus etiam iudicio: meditetur de diribus hostium: quos accepta pecunia liberauit: uideat qd

de illis respondeat: quos in eorum locum subditos domi suae reſeruauit: quærat non ſolum quemadmodum noſtro crimini, uerum etiam quo pacto ſuæ conſeſſioni poſſit mederi: meminerit ſe priore actiõe clamore populi romani infeſto, atq; inimico excitatũ, conſeſſum eẽ: duces à ſe prædonũ ſe curi nõ eſſe percuffos: ſe iam tum eſſe uerũtum, ne ſibi crimini daretur: eos ab ſe pecunia liberatos: fateatur id, quod negari non poteſt: ſe priuatum hominẽ prædonum duces uiuos, atq; incolumes domi ſuæ, poſtea quam Romam redierit: uſq; dum per meliæuerit: tenuiſſe. hoc in illo maięſtatis iudicio ſi licuiſſe ſibi oſtenderit: ego oportuiſſe concedam. ex hoc quoq; euaserit: proficiſcat eo, quo me iam pridem uocat populus romanus. de iure enim libertatis, & ciuitatis ſuum putat eſſe iudiciũ: et recte putat. confringat iſte ſanẽ ui ſua, conſilia ſenatoria: quæſtiones omnium perrumpat: euolet ex ueſtra ſeueritate: mihi credite arctioribus apud populum Ro. laqueis tenebitur. credet iſs equitibus Ro. populus romanus: qui ad uos antea producti teſtes, iſſis inſpectantibus ab iſto ciuem Romanum, qui cognitores homines honeſtos daret: ſublaturum eſſe in crucem dixerunt: credẽt omnes V & XXX tribus homini grauiſſimo, atq; ornatiffimo M. Annius: qui ſe præſente ciuem Ro. ſecuri percuffum eſſe dixit: audietur à populo romano uir primarius eques romanus L. Flauius: qui ſuũ familiare Herennium negociatorem ex Africa, cum eum Syracuſis amplius centum ciues Ro. cognoscerent: lachrymantẽq; defenderent: pro teſtimonio dixit, ſecuri eſſe percuffum: probabit fidem, & authoritatem, & religionem ſuam L. Suetius homo omnibus ornamentis præditus: q̃ iuratus apud uos dixit: multos ciues romanos in latumijs

istius imperio crudelissime puium morte esse muletatos.  
Hæc ego causam cum a gâ beneficio populi Ro. de loco superiore. nõ uereor ne aut istum uis ulla ex populi Ro. suffragijs eripere: aut à me ullum munus ædilitatis amplius, aut gratius populo Ro. esse possit. Quapropter omnes in hoc iudicio conentur omnia: nihil est iam quod in hac causa peccare Iudices quisquam, nisi uestro periculo possit. mea quidem ratio cum in præteritis est rebus cognita: tum in reliquis explorata, atq; prouisa est. ego meum studium in rempublicam, iam illo tempore ostendi: cum longo intervallo ueterem consuetudinem retuli: & rogatu sociorum, atq; amicorum populi Ro. meorum autem necessariorum nomen hominis audacissimi detuli. quod meum factum lectissimi uiri, atq; ornatissimi, quo in numero è uobis complures fuerunt: ita probauerunt: ut ei, qui istius quæstor fuisset: & ab isto læsus inimicitias iustas persequeretur: non modo deferendi nominis, sed ne subscribendi quidem, cum id postularet: facerent potestatem. in Siciliam sum inquirendi causa profectus: quo in negotio industriam meam celeritas reditionis, diligentiam multitudo literarum, & testium declarauit: pudorem uero, ac religionem, quod cum uenissem Senator ad socios populi romani: qui in ea prouincia quæstor fuisset: ad hospites meos, ac necessarios, causæ communis defensor, diuertere potius, quàm ad eos, qui à me auxiliū petuissent. nemini meus aduentus labori, aut sumptui, neq; publice, neq; priuatim fuit. uim in inquirendo tantam habui: quantam mihi lex dabat: non quantam habere poteram istorum studio: quos iste uexarat. Romam ut ex Sicilia redij: cum iste, atq; istius amici homines lauti, & urbani sermones huiuscemo-



di dissipassent: quo animos testium retardarent: me ma-  
 gna pecunia à uera accusatione esse deductum: tamen si  
 probabatur nemini: quod ex Sicilia testes erant ij, qui  
 quaestorem me in provincia cognouerant: & hinc ho-  
 mines maxime illustres, qui, ut ipsi noti sunt: sic nostrum  
 unumquemque optime norunt: tamen usque eo timui, ne  
 quis de mea fide, atque integritate dubitaret: donec ad reij-  
 ciendos iudices uenimus. sciebam in reijciendis iudici-  
 bus nonnullos memoria nostra factionis suspicionem non  
 uitasse: cum in ipsa accusatione eorum industria, ac  
 diligentia probaretur. ita reieci iudices: ut hoc cõsteret: post  
 hunc statum populi romani, quo nunc utimur: simili splendo-  
 re, & dignitate consiliũ nullum fuisse. quam iste laudem  
 communem ait sibi esse mecum: qui cum P. Galbam iu-  
 dicem reieciisset: M. Lucretium retinuit: & cum eius  
 patronus ex eo quaereret: cur suos familiarissimos Sex-  
 Peduceum, Q. Confidium, Q. Iunium reijci passus  
 esset: respondit: quod eos in iudicando nimium sui iu-  
 ris, sententiæque cognosceret. Itaque iudicibus reiectis spe-  
 rabam iam onus meum uobiscum esse commune: putabam  
 non solum notis, sed etiam ignotis probatam meam fi-  
 dem esse, & diligentiam. quod me non fefellit. nam co-  
 mitibus meis, cum iste infinita largitione contra me ute-  
 retur: populus Ro. iudicauit: istius pecuniam, quæ apud  
 me contra fidem meam nihil potuisset: apud se contra ho-  
 norem meum nihil posse debere. quo quidem die pri-  
 mum iudices citati in hunc rem consedis: quis tam  
 inimicus huic ordini fuit? quis tam nouarum rerum,  
 iudiciorum, iudicumque cupidus? qui non conspectu, con-  
 fessumque uestro commoueretur? cum in eo uestra mihi di-  
 gnitas fructum diligentiae referret: id sum assecutus: ut

una hora, quia coepi dicere: reo audaci, pecunioso, pro-  
 fuso, perduto, spem iudicij corrumpendi præciderem: ut  
 primo die testum tanto numero citato populus Ro. iudi-  
 caret, ipso absoluto Remp. stare non possent: ut alter dies  
 amicis istius, & defensoribus non modo spem uictoriae,  
 sed etiam uoluntatem defensionis auferret: ut tertius dies  
 sic hominem prosterneret: ut morbo simulato non quid  
 responderet, sed quemadmodum non responderet: de-  
 liberaret. deinde reliquis diebus, his criminibus, his  
 testibus, & urbanis, & provincialibus, sic obrutus, atq;  
 oppressus est: ut his ludorum diebus interpositis, nemo  
 istum comperendinatum, sed condemnatum iudicaret.  
 Quapropter ego, quod ad me attinet Iudices: uici non  
 enim spolia C. Verris, sed existimationem populi Ro.  
 concupiu. meum fuit: cum causa accedere ad accusan-  
 dum. quæ causa fuit illustrior? quàm a tam illustri pro-  
 uincia defensorem constitui: & deligi? Reipublicæ con-  
 sulere. quid iam Reip. honestus? quàm in tanta inui-  
 dia iudiciorum adducere hominem: cuius damnatio-  
 ne totus ordo cum populo Ro. & in laude, & in gra-  
 tia possit esse? ostendere, ac persuadere hominem nocen-  
 tem adductum esse. quis est in populo Ro. qui hoc non  
 ex priore actione abstulerit? omnium ante damnato-  
 rum scelera, furta, flagitia, si in unum locum conferan-  
 tur: uix cum huius parua parte æquari, conferriq; pos-  
 se? uos quod ad uestram famam, existimationem, salu-  
 temq; communem pertinet Iudices: prospicite: atq; consu-  
 lite. splendor uester facit: ut peccare sine summo Reip.  
 detrimento, ac periculo non possitis. non enim potest spe-  
 rare populus romanus: esse alios in senatu qui recte pos-  
 sint iudicare: uos si non potueritis. necesse est cum de to-

to ordine desperarit: aliud genus hominum, atq; aliam rationem iudiciorum requirat. hoc si uobis ideo lenius uidetur: quod putatis onus esse graue, & incommodum iudicare: intelligere debetis: primum interesse, utrum id onus uosmetipsi reieceritis: an quod probare populo Romanam fidem uestram, & religionem non potueritis: eo uobis iudicandi potestas erepta sit. deinde etiam illud cogitate: quanto periculo uenturi simus ad eos iudices: quos propter odium uestri populus Romanus de uobis uoluerit iudicare. uerum uobis dicam id quod intellexi Iudices. homines scitote esse quosdam: quos tantum odium uestri ordinis tenet: ut hoc palam iam dictitent: se istum, quem sciant esse hominem improbissimum: hoc uno nomine absolui uelle: ut ab senatu iudicia per ignominiam, turpitudinemq; auferantur. Hæc me Iudices pluribus uerbis uobiscum agere coegit non timor meus de uestra fide: sed spes illorum noua: quæ cum Verrem à porta subito ad iudicium retraxisset: nonnulli suspicati sunt non sine causa illius consilium tam repente esse mutatum. Nunc ne nouo querimoniarum genere uti possit Hortensius: & ea dicere: opprimi reum, de quo nihil dicat accusator: nihil esse tam periculosum fortunis innocentium: quam tacere aduersarios: & ne aliter quam ego uelim, meum laudet ingenium: cum dicat: me, si multa dixissem, subleuatum fuisse eum, quem contra dicerem: quia non dixerim: perdidisse: morem illi geram: utar oratione perpetua: non quoniam hoc sit necesse: uerum ut experiar: utrum ille ferat molestus: me tunc tacuisse: an nunc dicere? hic tu fortasse eris diligens: ne quam ego horam de meis legitimis horis remittam: nisi omni tempore, quod mihi lege concessum est: abusus ero: querere: deum atq;

hominum

hominum fidē implorabis: arcumueniri C. Verrē: quod  
 accusator nolit tam diu, q̄ diu liceat, dicere. qđ mihi lex  
 mea causa det: eo mihi non uti non licebit? nam accu-  
 sandi mihi tempus mea causa datum est: ut possem ora-  
 tione mea crimina causamq; explicare. hoc si non utor:  
 non tibi iniuriam facio: sed de meo iure aliquid, et com-  
 modo detraho. causam enim inquit cognosci oportet. ea-  
 re quidem, quod aliter condemnari reus non potest:  
 quamuis sit nocens. id igitur tu moleste tulisti: à me ali-  
 quid factum esse: quominus iste condemnari posset? nam  
 causa cognita multi possunt absolui: incognita quidem  
 condemnari nemo potest. adimo enim comperēdinatum:  
 quod habet lex in se molestissimum: bis ut causa dicta-  
 tur. quod aut mea causa potius est constitutum, q̄ tua: aut  
 nihilo tua potius, q̄ mea. nā si bis dicere est commodū: cer-  
 te utriusq; commune est. si eum, qui posterius dixit: opus  
 est redargui: accusatoris causa, ut bis ageretur, constitu-  
 tum est. uerum ut opinor Glaucia primus tulit: ut com-  
 perēdinaretur reus: antea uel iudicari primo poterat: uel  
 amplius pronunciari. utram igitur putas legem mollio-  
 rem? opinor illam ueterem: qua uel cito absolui, uel tar-  
 de condemnari licebat. ego tibi illam Acliam legem re-  
 stituo: qua lege multi semel accusati, semel dicta causa,  
 semel auditis testibus condemnati sunt, nequaquam tam  
 manifestis, neq; tantis criminibus, quantis tu conuince-  
 ris. puta te non hac tam atroci, sed illa lege mitissima  
 causam dicere. accusabo. respondebis. testibus editis ita  
 mittam in consilium: ut etiam si lex ampliandi faciat  
 potestatem: tamen isti turpe sibi existiment: non primo  
 iudicare. uerum si causam cognosci opus est: parum  
 ne cognita est? dissimulamus Hortensi: quod sepe in di-



cendo experti sumus. quis nos magnopere attendit unquam, in hoc quidem genere causarum: ubi aliquid ereptum aut ablatum à quopiam dicitur? nonne aut in tabulis, aut in testibus omnis expectatio iudicium est? dixi prima actione me planum esse facturum C. Verrem HS. quadringentis contra legem abstulisse. quid hoc planius egissem? si ita narrassem. Dio quidam fuit Alesinus: qui cum eius filio prætore sacerdote hæreditas à propinquo permagna uenisset: nihil habuit neque negotij, neque controuersie. Verres simul ac tetigit provinciam: statim Messanam literas dedit: Dionem euocauit: calumniatores ex sinu suo apposuit: qui illam hæreditatem Veneri Erycinæ commissam esse dicerent. hæc de re ostendit seipsum cogniturum. possum deinceps totam rem explicare: deinde ad extremum id, quod accidit: dicere: Dionem HS. decies centena millia numerasse: ut causam certissimam obtineret: præterea greges equarum eius istum abigendos curasse: argenti uestisque stragulae quod fuerit: curasse auferendum. hæc neque cum ego dicerem: neque cum tu negares: magni momenti nostra esset oratio. quo tempore igitur aures iudex erigeret? animumque attenderet? cum Dio ipse prodiret: cum cæteri: qui tum in Sicilia negotijs Dionis interfuissent: cum per eos ipsos dies, per quos causam Dio diceret: reperiretur pecunias sumpsisse mutuas: nomina sua exegisse: prædia uendidisse: cum tabulae uirorum bonorum proferrentur: cum, qui pecuniam Dioni dederunt: dicerent: se iam tum audisse eorum nummos sumi: ut Verri darentur: cum amici, hospites, patroni Dionis hominis honestissimi, hæc eadem se audisse dicerent. opinor cum hæc fierent: tum uos audiretis: sicut audistis: tum causa agi uideretur. sic à me sunt

acta omnia priore actione: ut in criminibus omnibus nullum esset: in quo quisquam uestrum perpetuam accusationem requirat. nego esse quicquā à testibus dictum: quod aut uestrum cupiam esset obscurum: aut cuiusquam oratoris eloquentiā quæreretur. etenim sic meipsum egisse memoria tenetis: ut in testibus interrogandis omnia crimina proponerem: & explicarem: ut cum rē totam in medio proposuissem: tum deniq; testem interrogarem. Itaq; non modo uos, quibus est iudicandum: nostra crimina tenetis: sed etiam populus Ro. totam accusationem, causamq; cognouit. tamen si ita de meo facto loquor: quasi ego illud mea uoluntate potius, quā uestra iniuria ad ductus fecerim. interposuistis accusatorem: qui cum ego mihi C & X dies solos in Siciliam postulassem: C VIII sibi in Achaiam postularet: menses mihi tres cū eripuissetis ad agendum maxime appositos: reliquum omne tempus huius anni me uobis remissurum putastis: ut cum horis nostris nos essemus usi: tu binis ludis interpositis, quadragesimo post die responderes: deinde ita tempus duceretur: ut à M. Glabrione Pr. & à magna parte horū iudicum, ad prætorē aliū, iudicesq; alios ueniremus. Hæc si ego non uidissem: si me non omnes. noti ignoti q; monuissent: id agi: id cogitari: in eo laborari: ut res in illud tempus reuiceretur: credo si meis horis in accusando uti uoluisset: uereretur ne mihi crimina nō suppetere: ne oratio deesset: ne uox uiresq; deficerent: ne quē nemo prima actione defendere ausus esset: cum ego bis accusare non possem. ego meum consilium tum iudicibus, tum populo Ro. probaui. nemo est qui alia ratione istorum iniuriæ, atq; impudentiæ potuisse obsistī arbitretur. etenim qua stulticia fuisset? si, quam diē qui

istum eripiendum redemerunt: in cautione uiderunt:  
 cum ita cauerent: si post Cal. Ian. in consilium iretur:  
 in eam diem ego, cum potuissem uitare: incidissem? Nunc  
 mihi temporis eius, quod mihi ad dicendum datur: quo-  
 niam in animo est, causam omnem exponere: habenda  
 ratio est diligenter. itaq; primum illum actum istius ui-  
 tæ turpissimum, & flagitiosissimum prætermittam: ni-  
 hil à me de puericiæ suæ flagitijs, peccatisq; audiet: ni-  
 hil ex illa impura adolescentia sua: quæ qualis fuerit:  
 aut meministis: aut ex eo, quem sui simillimum produ-  
 xit: recognoscere potestis. omnia præteribo, quæ mihi tur-  
 pia dictu uidebuntur: neq; solum quid istum audire, ue-  
 rum etiam quid me deceat dicere: considerabo. uos quæ  
 so date hoc, & concedite pudori meo: ut aliquam par-  
 tem de istius impudētia reticere possim. omne illud tem-  
 pus, quod fuit, antequam iste ad magistratus Remq; pu-  
 blicam accessit: habeat per me solutum, ac liberum: si-  
 leatur de nocturnis eius bacchationibus, ac uigilijs: le-  
 nonum, aleatorum, perductorum nulla mentio fiat:  
 damna, dedecora, quæ, res patris eius, ætas ipsius pertu-  
 lit: prætereantur: lucretur indicia ueteris infamæ: pa-  
 tiatur eius uita reliqua me hanc tantam iacturam cri-  
 minum facere. quæstor Cn. Papirio Consuli fuisti, ab-  
 hinc annos quatuordecim: ex ea die ad hanc diem quæ-  
 feasti in iudicium uoco. hora nulla uacua à ferto, à sce-  
 lere, crudelitate, flagitio, reperietur. hi sunt anni consum-  
 pti in quæstura, & legatione Asiatica, & Prætura ur-  
 bana, & Prætura siciliensi. Quare hæc eadem erit qua-  
 dripartita distributio totius accusationis meæ. Quæstor,  
 ex S. C. Prouinciā sortitus es: obtigit tibi Cōsularis: ut  
 cum Cons. Cn. Carbone esses: eamq; prouinciā obtine-

res: erat tum dissensio ciuium: de qua nihil sum dictu-  
 rus, quid sentire debueris: unum hoc dico: in eiusmodi  
 tempore, ac sorte, statuere te debuisse, utrum malles sen-  
 tire, atq; defendere. Carbo grauiter ferebat, sibi quæsto-  
 rem obtigisse, hominem singulari luxuria, atq; inertia:  
 uerum tamen ornabat eum beneficijs omnibus. ne diu-  
 tius teneā: pecunia attributa numerata est. profectus est  
 quæstor in prouinciam: uenit in Galliā expectatus ad  
 exercitum Consularem cum pecunia: simulac primum  
 ei occasio uisa est (cognoscite hominis principium magi-  
 stratum gerendorum, & Reip. administrandæ) auer-  
 sa pecunia publica quæstor consulem, exercitum, prouin-  
 ciamq; deseruit. Video quid egerim: erigit se: sperat sibi  
 auram posse aliquam afflari in hoc crimine, uolunta-  
 tis, dissensionisq; eorum, quibus Cn. Carbonis mortui no-  
 men odio sit. quibus illam reiectionem, prodicionemq;  
 Consulis sui. gratam sperat fore. quasi uero id cupidi-  
 tate defendendæ nobilitatis, aut studio partium fecerit:  
 ac non apertissime consulem, exercitum, prouinciamq;  
 compilarit: & propter impudentissimum furtum ausu-  
 gerit. est enim obscurum, et eiusmodi factum eius: ut pos-  
 sit aliquis suspicari. C. Verrem, quod terrere nouos ho-  
 mines non potuerit: ad nobilitatem, hoc est ad suos trā-  
 sisse: nihil fecisse propter pecuniam. uideamus. rationes  
 quemadmodum retulerit: iam ipse ostendet, quamobre.  
 Cn. Carbonem reliquerit: iam se ipse indicabit. primū  
 breuitatem cognoscite. ACCEPI inquit VICIES  
 DVCENTA QVINQVE MILLIA QVA-  
 DRINGENTOS XVI NUMMOS. DEDI  
 STIPENDIO, FRUMENTO, LEGATIS,  
 PROQUAESTORIBVS, COHORTI PRAE-



TORIAE HS MILLE QVINGENTA  
 QVADRAGINTA QVINQVE MILLIA  
 QVADRINGENTOS XVI NVMMOS: RE-  
 LIQVI ARIMINI HS SEXCENTA MIL-  
 LIA. hoc est rationes referre? hoc modo aut ego, aut tu  
 Hortensi, aut quisquam omnium retulit? quid hoc est?  
 quæ impudentia? quæ audacia? quod exemplum ex tot  
 hominum rationibus relatis huiusmodi est? illa tamen  
 HS sexcenta millia, quæ neq; falso quidem potuit de-  
 scribere, quibus data essent: quæ se Arimini scribit re-  
 liquisse: quæ ipsa HS sexcenta millia reliqua facta sunt:  
 neq; Carbo attigit: neq; Sylla uidit: neq; in ærarium re-  
 lata sunt. oppidum sibi elegit Ariminu: quod, cum iste  
 rationes ferebat: oppressum, direptumq; erat. non suspi-  
 cabatur id, quod nunc sentiet: satis multos ex illa cala-  
 mutate Ariminensium, testes nobis in hac rem reliquos  
 esse. recita denuo. P. LENTVLO, L. TRIA-  
 RIO QVAESTORIBVS VRBANIS RES-  
 RATIONVM RELATARVM: recita. EX S. C. ut  
 hoc pacto rationē referre liceret. eo Syllanus repente fa-  
 ctus est: nō ut honos, et dignitas nobilitati restitueretur.  
 quod si illinc inanis profugisses: tñ ista tua fuga, nefaria,  
 proditio Consulis tui, scelerata iudicaretur. malus ciuis,  
 improbus consul, seditiosus homo Cn. Carbo fuit. fuerit  
 alijs: tibi quando esse cœpit? posteaquam tibi pecuniam,  
 rem frumentariam, rationes omnes suas, exercitumq;  
 commisit. nam si tibi antea displicuisset: idem fecisses:  
 quod anno post M. Piso quæstor, cum L. Pisoni Consu-  
 li obtigisset: non attigit pecuniā: non ad exercitum pro-  
 fectus est: quod de Rep. sensit: ita sensit: ut nec fidem su-  
 am, nec morem maiorum, nec necessitudinem sortis læ

deret. etenim si hæc perturbare omnia, & permiscere  
 uolumus: totam uitam periculosam, inuidiosam, infe-  
 stamq; reddemus: si nullam religionem fors habebit:  
 nullam societatem coniunctio secundæ, dubiæq; fortu-  
 næ: nullam auctoritatem mores, atq; instituta maioriū.  
 omnium est communis inimicus: qui fuit hostis suorum.  
 nemo unquam sapiens proditori credendum putauit.  
 Ipse Sylla, cui aduentus istius gratissimus esse debuit:  
 ab se hominem, atq; ab exercitu suo remouit: Beneuenti  
 esse iussit apud eos, quos suis partibus amissimos esse  
 intelligebat: ubi iste summæ rei, causæq; nocere nihil pos-  
 set. ei præmia postea tamē liberaliter tribuit: bona quæ-  
 dam proscriptorum in agro beneuentano diripiēda cō-  
 cessit. habuit honorem ut proditori: non ut amico fidē.  
 Nunc, quamuis sint homines, qui mortuum Cn. Carbo-  
 nem oderint: tamen hi debent, non quid illi accidere uo-  
 luerunt: sed quid ipsis in tali re metuendum sit: cogita-  
 re. commune est hoc malum: communis metus: commune  
 periculum. nullæ sunt occultiores insidiæ: q̄ hæ, quæ la-  
 tent in simulatione officij, aut in aliquo necessitudinis  
 nomine. nam eum qui palam est aduersarius: facile ca-  
 uendo uitare possis: hoc uero occultum, intestinum, ac do-  
 mesticum malum non modo non existit: uerum etiā op-  
 primit: antequam perspicere, atq; explorare potueris. ita-  
 ne uero? tu cum quæstor ad exercitum missus sis, custos nō  
 solum pecuniæ, sed etiam Consulis: particeps omnium  
 rerum, consiliorumq; fueris: habitus sis in liberum lo-  
 co: sicut mos maiorum ferebat: repente relinquas? dese-  
 ras? ad aduersarios transeas? O' scelus: O' portentum  
 in ultimas terras exportandum. non enim potest ea na-  
 tura quæ tantum facinus commiserit: hoc uno scelere esse

contenta: necesse est semper aliquid eiusmodi moliatu-  
 necesse est in simili audacia perfidiaq; uersetur. Itaque  
 idem iste, quem Cn. Dolabella postea C. Malloco occiso  
 Proquaestore habuit (haud scio, an maior etiam haec ne-  
 cessitudo fuerit, quam illa Carbonis: ac plus iudiciū uo-  
 luntatis ualere, q̄ sortis debeat) idem in Cn. Dolobellā,  
 qui in Cn. Carbonem fuit. nam quæ in ipsum ualebāt  
 crimina: contulit in istum: causamq; illius omnem ad  
 inimicos, ac accusatoresq; detulit. ipse in eum, cui Lega-  
 tus Proquaestore fuerat: inimicissimum, atq; impro-  
 bissimum testimonium dixit. ille miser cum esset: tum  
 proditione istius nefaria, tum improbo, & falso eius-  
 dem testimonio, tum multo ex maxima parte istius furto-  
 rum, ac flagitiorum inuidia conflagrauit. quid hoc ho-  
 mine faciatis? ad aliquam spem, tam perfidiosum, tam  
 importunum animal referuetis? qui in Cn. Carbonem  
 sortem, in Cn. Dolobellam uoluntatem neglexerit: ac  
 uiolarit: eosq; ambos non solum deseruerit: sed etiam  
 prodiderit: atq; oppugnarit. Nolite quæso Iudices breui-  
 tate orationis meæ potius, quam rerum ipsarum magni-  
 tudine crimina ponderare. mihi enim properandū ne-  
 cessario est: ut omnia uobis, quæ mihi constituta sunt: pos-  
 sim exponere. quamobrem quaestura istius demonstrata,  
 primūq; magistratus, & furto, & scelere perspecto, reli-  
 qua attendite. in quibus illud tempus Syllanarum pro-  
 scriptionum, ac rapinarū prætermittam: neq; ego istum  
 sibi ullam ex communi calamitate defensionem sinam  
 sumere: suis eum certis, proprijsq; criminibus accusabo.  
 quamobrem hoc omni tempore Syllano ex accusatione  
 circumscripto, legationem eius præclaram cognoscite. Po-  
 steaq; Cn. Dolobellæ provincia Cilicia cōstitutæ est: O' dij

immortales, quanta iste cupiditate, quibus allegationibus illam sibi Legationem expugnauit: id quod Cn. Dolobellæ principium maximæ calamitatis fuit. nam ut iste profectus est: quacunq; iter fecit: eiusmodi fuit: non ut legatus populi romani, sed ut quædam calamitas peruadere uideretur. In Achaia (prætermittam minora omnia: quorum simile forsitan alius quoq; aliquid aliquando fecerit: nihil dicam, nisi singulare: nisi quod si in alium reum diceretur: incredibile uideretur) magistratum Sicyonium nummos poposcit. ne sit hoc crimen in Verrem: fecerunt alij. cum ille non daret: animaduertit. improbum: sed non inauditum. genus animaduersionis uidete: quæretis ex quo genere hominem istum iudicetis. ignem ex lignis uiridibus, atq; humidis in loco angusto fieri iussit: ibi hominem ingenuum, domi nobilem, populi ro. socrum, atq; amicum fumo excruciatum, semiuivum reliquit. Iam quæ iste signa, quas tabulas pictas, ex Achaia sustulerit: non dicam hoc loco: est alius mihi locus ad hanc cupiditatem demonstrandam seruatus. Athenis audistis ex æde Mineruæ grande auri pondus ablatum. dictum hoc est in Cn. Dolobellæ iudicio. dictum: etiam æstimatum. huius consilij non modo participem C. Verrem, sed principem fuisse reperiatis. Delum uenit: ibi ex fano Apollinis religiosissimo noctu clam sustulit signa pulcherrima, atq; antiquissima: eaq; in onerariam nauem suam conijcienda curauit. postridie cum spoliatum fanum uiderent ij, qui Delum incolebant: grauiter ferebant. est enim tanta apud eos eius fani religio, atq; antiquitas: ut in eo loco ipsum Apollinem natum esse arbitrentur. uerbum tamen facere non audebant: ne forte ea res ad Dolobellam ipsum



pertineret. Tum subito tempestates cohortæ sunt maxi-  
 mæ Iudices: ut non modo proficisci, cum cuperet, Dolo-  
 bella non posset: sed uix in oppido consisteret. ita magni  
 fluctus eieciabantur. hic naui illa prædonis istius onus-  
 sta signis religiosis, expulsa, atq; eiecta fluctu, frangi-  
 tur: in litore signa illa Apollinis reperiuntur: iussu Dolo-  
 bellæ reponuntur: tempestas sedatur: Dolo bella de loco  
 proficiscitur. Non dubito, quin, tametsi nullus in te sensus  
 humanitatis, nulla ratio unquam fuit religionis: nunc  
 tamen in metu periculoq; tuo, tuorum tibi scelerum ue-  
 niat in mentem. potest ne tibi ulla spes salutis commo-  
 da ostendi? cum recordaris, in deos immortales quàm  
 impius, quàm sceleratus, quàm nefarius fueris? Apolli-  
 nem ne tu Delium spoliare ausus es? illi ne tu templo,  
 tam antiquo, tam sancto, tam religioso manus impias,  
 ac sacrilegas afferre conatus es? si in puericia non his  
 artibus, & disciplinis institutus eras: ut ea quæ lite-  
 ris mandata sunt: disceres: atq; cognosceres: ne postea qui-  
 dem, cum in ea ipsa loca uenisti: potuisti accipere id, quod  
 est proditum memoriæ, ac literis? Latonam ex longo er-  
 rore, & fuga, grauidam, & iam ad pariendum uici-  
 nã, temporibus exactis fugisse Delum: atq; ibi Apolli-  
 nem Dianamq; peperisse. qua ex opinione hominum il-  
 la insula eorum decorum sacra putatur: tantaq; eius au-  
 thoritas religionis & est: & semper fuit: ut ne Persæ q-  
 dem, cum bellum toti græciæ dijs hominibusq; indixis-  
 sent: & mille numero nauium classem ad Delum ap-  
 pulissent: quicquam conarentur aut uiolare: aut attin-  
 gere. hoc tu sanum depopulari homo improbissime, atq;  
 amentissime audebas? fuit illa cupiditas tanta, quæ tan-  
 tam extingueret religionem? et situm hæc non cogita-

bas: ne nunc quidem recordaris? nullum esse tantum malum: quod non tibi pro sceleribus tuis iam diu debeatur? In Asiam uero postquam uenit: quid ego aduentus istius prandia, cœnas, equos, muneraq; commemorẽ? nihil cum Verre de quotidianis criminibus acturus sum. Chio per uim signa pulcherrima dico abstulisse. item Erythris, & Haliatrnasso. Tenedo (prætereo pecuniam quam eripuit) Tenem ipsum, qui apud Tenedios sanctissimus deus habetur: qui urbẽ illam dicitur condidisse: cuius ex nomine Tenedus nominatur: hunc ipsum inquam Tenem, pulcherrime factum, quem quondam in comitio uidistis: abstulit magno cum gemitu ciuitatis. Illa uero expugnatio sancti antiquissimi, & nobilissimi Iunonis Samiæ, quàm luctuosa Samijs fuit? quàm acerba toti Asiæ? quàm clara apud deos? quàm nemini uestrum inaudita? de qua expugnatione cum Legati ad C. Neronem in Asiam Samo uenissent: responsum tulerunt: eiusmodi querimonias, quæ ad Legatum populi Romani pertinerent: non ad prætorem, sed Romam deferri oportere. quas iste tabulas illinc, quæ signa sustulit? quæ cognoui egomet apud istum in ædibus nuper: cum obsignandi gratia uenissem. quæ signa nunc Verres ubi sunt? illa quero: quæ apud te nuper ad omnes columnas, omnibus etiam intercolumnijs, in sylua deniq; disposita sub diuo uidimus. cur ea quæ diu alium prætorem, cum his iudiciis, quos in horum locum sub sortitus es: de te in consilium iturum putasti: tam diu domi fuerunt? posteaquam nostris testibus nos, quàm horis tuis uti malle uidisti: nullum signum domi reliquisti? præter duo, quæ in medijs ædibus sunt: quæ ipsa Samo sublata sunt? non putasti me tuis familiarissimus in hanc

rem testimonia denunciaturum? qui tuæ domi sæpe fuissent: ex quibus quærerem signa scirent ne fuisset: quæ non essent. quid tum hos de te iudicatuos arbitratus es? cum uiderent: te iam non contra accusatorem tuum, sed contra quaestorem, sectoremq; pugnare? qua de re Charidemum Chium testimonium priore actione dicere audisti: sese, cum esset Aristarchus: & Verrem ex Asia decedentem prosequeretur: iussu Dolobellæ fuisse una cum isto Sami: seseq; tum scire, spoliatum esse fanum Iunonis, & oppidum Samum: posteaq; se causam apud Chios ciues suos Samijs accusantibus publice dixisse: eoq; se esse absolutum: quod planum fecisset: ea, quæ Legati Samiorum dicerent: ad Verrem, non ad se pertinere. Aspendum uetus oppidum, & nobile in Pamphylia scitis esse, plenissimum signorum optimorum: non dicam illinc hoc signum ablatum esse, & illud: hoc dico: nullum te Aspendi signum Verres reliquisse: omnia ex fanis, ex locis publicis, palam, spectantibus omnibus, plostris euecta, asportataq; esse. atq; etiã illud Aspendiũ Citharistam, de quo sæpe audisti id, quod est græcis hominibus in prouerbio: quem omnia intus canere dicebãt: sustulit: & in intimis suis ædibus posuit: ut etiã illud ipsum artificio suo superasse uideatur. Pergæ fanum antiquissimum, & sanctissimum Dianæ scimus esse. id quoq; à te nudatum, & spoliatum esse, ex ipsa Diana quod habebat auri detractum, atq; ablatum esse dico. quæ malum est ista tanta audacia, atq; amentia? quas enim sociorum, atq; amicorum urbes adisti legationis iure, & nomine: si in eas ui, cum exercitu imperioq; inuasisses: tamen opinor quæ signa, atq; ornamenta ex his urbibus sustulisses: hæc non in tuam domum, neq;

*in suburbana amicorum, sed Romam in publicum de-*  
*portasset. quid ego de M. Marcello loquar? qui Syra-*  
*cusas urbem ornatissimam coepit? quid de L. Scipio-*  
*ne? qui bellum in Asia gessit: Antiochumq; Regem*  
*potentissimum uicit? quid de Flamini? qui regem Phi-*  
*lippum, & Macedoniam subegit? quid de L. Paulo? q*  
*regem Persen ui, ac uirtute superauit? quid de L. Mum-*  
*mio? qui urbem pulcherrimam, atq; ornatissimam Co-*  
*rynthum plenissimam rerum omnium sustulit: urbesq;*  
*Achaiae, Boetiaeq; multas sub imperium populi Ro. di-*  
*tionemq; subiunxit? quorum domus cum honore &*  
*uirtute florerent: signis, & tabulis pictis erant uacuae.*  
*at uero urbem totam, templa deorum, omnesq; italiae*  
*partes illorum donis, ac monumentis exornatas uide-*  
*mus. uereor ne haec forte cuiquam nimis antiqua, &*  
*iam obsoleta uideantur. ita enim tum aequabiliter o-*  
*mnes erant huiusmodi: ut haec laus eximiae uirtutis, &*  
*innocentiae, non solum hominum, uerum etiam tempo-*  
*rum illorum esse uideatur. P. Seruilius uir clarissimus,*  
*maximis rebus gestis adest: de te sententiam laturus est:*  
*Olinthum ui, copijs, consilio, uirtute coepit, urbem an-*  
*tiquam, & omnibus rebus auctam, & ornatam. re-*  
*cens exemplum fortissimi uiri profero. nam postea Ser-*  
*uilius imperator populi Ro. Olinthum urbem hostium*  
*coepit: quam tu in hisdem illis locis Legatus quaestorius*  
*oppida pacata sociorum, atq; amicorum diripienda, ac*  
*uexanda curasti. tu quae ex fanis religiosissimis per sce-*  
*lus, & per latrocinium abstulisti: ea nos uidere nisi*  
*in tuis, amicorumq; tuorum tectis non possumus. P. ser-*  
*uilius quae signa atq; ornamenta ex urbe hostium, &*  
*uirtute capta, belli lege, atq; imperatorio iure sustulit:*



ea populo Ro. apportauit: per triumphum uexit: in ta-  
 bulas publicas ad ærarium perscribenda curauit. cogno-  
 scite ex literis publicis hominis amplissimæ diligentiam.  
 RECTA. RATIONES RELATAE P. SERVILII.  
 non solum numerum signorum, sed etiam uniuscu-  
 iusq; magnitudinem, figuram, statum, literis definiri  
 uides. certe maior est uirtutis, uictoriæq; incunditas: q̃  
 ista uoluptas: quæ percipitur ex libidine, & cupidita-  
 te. multo diligentius habere dico Seruilium prædam po-  
 puli Ro. quàm te tua furtiua notata, atq; descripta. dices  
 tua quoq; signa, et tabulas pietatis ornamento urbi, foroq;  
 populi Ro. fuisse. memini: uidi simul cum populo roma-  
 no forum, comituumq; adornatum ad speciem magni-  
 fico ornatu, ad sensum, cogitationemq; acerbo, & lugu-  
 bri: uidi collucere omnia furtis tuis, præda prouincia-  
 rum, spolijs sociorum, atq; amicorum. quo quidem tem-  
 pore Iudices iste spem maximam reliquorum quoq; pec-  
 catorum nactus est. uidit enim eos, qui iudiciorum do-  
 minos se dici uolebant: harum cupiditatum esse seruos.  
 socij uero, nationesq; exteræ, spem omnium tuam primũ  
 abiecere rerum, ac fortunarum suarũ: propterea, quod  
 casu Legati ex Asia, atq; Achaia plurimi Romæ tunc  
 fuerunt: qui deorum simulacra ex suis fanis sublata in  
 foro uenerabantur: itemq; cætera signa & ornamen-  
 ta cum cognoscerent: alia alio in loco lachrymantes in-  
 tuebantur. quorum omnium hunc sermonem tum esse  
 audiebamus: nihil esse, quod quisquam dubitaret de exi-  
 tio sociorum, atq; amicorum: cum quidem uiderent in  
 foro populi romani, quo in loco antea qui socijs iniurias  
 fecerant, accusari, & condemnari solebant: ibi esse pa-  
 lām posita ea: quæ ab socijs per scelus ablata, ereptaq;

essent. Hic ego non arbitror illum negaturum: signa  
se se plurima, tabulas pictas innumerabiles habere: sed  
ut opinor solet hæc, quæ rapuit, & furatus est: non-  
nunquam dicere, se emisse. Quoniam quidem in Acha-  
iam, Asiam, Pamphyliam, sumptu publico, & legatio-  
nis nomine mercator signorum tabularumq; picta-  
rum missus est: habeo & istius, & patris eius accepti  
tabulas omnes: quas diligentissime legi: atq; digessi. pa-  
tris, quoad uixit: tuas, quoad ais te confecisse. nam in isto  
Iudices hoc nouum reperiētis. audimus aliquem tabu-  
las nunquam confecisse: quæ est opinio hominum de An-  
tonio falsa. nam fecit diligentissime. uerum sit hoc genus  
aliquod minime probandum. audimus alium non ab  
initio fecisse: sed ex tempore aliquo confecisse. est aliqua  
etiam huiusce rei ratio. hoc uero nouum, & ridiculum  
est: quod hic nobis respondit: cum ab eo tabulas po-  
stularemus: usq; ad M. Terentium, & C. Cassium  
Consules confecisse: postea desitisse. alio loco hoc cuiusmo-  
di sit: considerabimus. nunc nihil ad me attinet. horum  
enim temporum, in quibus nunc uersor: habeo tabu-  
las & tuas, & patris. plurima signa pulcherrima,  
plurimas tabulas deportasse te, negare non potes: atq; uti  
nam neget. unum ostende in tabulis aut tuis, aut pa-  
tris tui emptum esse: uicisti. ne hæc quidem duo signa  
pulcherrima, quæ nunc ad impluuium tuum stant:  
quæ multos annos ad ualuas Iunonis samie steterūt: ha-  
bes quomodo emeris. hæc inquam duo, quæ in ædibus  
tuis sola iam sunt: quæ sectore expectant, relictæ, ac de-  
stitutæ à cæteris signis. At credo in hisce solis re-  
bus indomitas cupiditates, atq; effrenatas habebat: cæ-  
teræ libidines eius ratione aliqua aut modo contineban

tur. quam multis istum ingenuis, quàm multis matribus familias, in illa tetra, atq; impura Legatione uim attulisse existimatis? & quo in oppido pedem posuit: ubi non plura stuprorum, flagitiorumq; suorum, quàm aduentus sui uestigia reliquerit? sed ego omnia, quæ negari poterunt: prætermittam. etiam hæc quæ certissima sunt, & clarissima relinquam. unū aliquod de nefarijs istius factis eligam: quo facilius ad Siciliam possum aliquando, quæ mihi hoc oneris, negocij q; imposuit: peruenire. Oppidum est in Hellesponto Lampſacum. In primis Asiæ provinciae clarū, et nobile: homines autem ipsi Lampſaceni, tum summe in omnes ciues romanos officiosi: tum præterea maxime sedati, & quieti, propè præter cæteros, ad summum græcorum ocium potius, quàm ad ullam uim, aut tumultum accommodati. accidit, cum iste à Cn. Dolobella efflagitasset: ut se ad regem Nicomedē regemq; sadalam mitteret: cumq; iter hoc sibi magis ad quæstum suum, q̃ ad Reip. tempus accommodatum depoposcisset: ut illo itinere ueniret Lampſacum, cum magna calamitate, & propè perniciæ ciuitatis. deducitur iste ad Ianitorem quendam hospitem: comitesq; eius item apud cæteros hospites collocantur. ut mos erat istius: atq; ut eum suæ libidines flagitiosæ facere admonuerant: statim negocium dat illis suis comitibus, nequissimis, turpissimisque hominibus: ut uideāt: & inuestigent: ecquæ uirgo sit, aut mulier, digna, quam obrem iste Lampſaci diutius commoraretur. erat comes eius Rubrius quidam, homo factus ad istius libidines: qui miro artificio, quocunq; uenerat: hæc inuestigare omnia solebat. is ad eum rem istam defert: Philodamum esse quendam genere, honore, copijs, existimatione, facile

facile principem Lampſacenorū: eius eſſe filiam: quæ cum patre habitaret: propterea, quod uirum non haberet: mulierem eximia pulchritudine: ſed eam ſumma integritate, pudicitiaq; exiſtimari. homo ut hæc audiuit: ſic exarſit ad id, quod non modo ipſe nunquam uiderat: ſed ne audierat quidem: ab eo, qui ipſe uidiſſet: ut ſtatim ad Philodanum migrare ſe diceret uelle. hoſpes Ianitor, qui nihil ſuſpicaretur: ueritus ne quid in ipſo ſe offenderit: hominē ſumma ui retinere cœpit. iſte, qui hoſpitis relinquendi cauſam reperire nō poſſet: alia ſibi ratione uiam munire ad ſtuprum cœpit. Rubrium delicias ſuas, in omnibus eiꝰſmodi rebus adiutorem ſuū, & conſcium, parum laute diuerſari dicit: ad Philodanum deduci iubet. quod ubi eſt Philodamo nunciatum: tamenſi erat ignarus, quantum ſibi, ac liberis ſuis iam tum mali conſtitueretur: tamen ad iſtum uenit: oſtendit munus illud ſuum non eſſe: ſe, cum ſuæ partes eſſent hoſpitum recipiendorum: tum ipſos tamen prætores, & Conſules, non legatorum aſſectas recipere ſolere. iſte, q̃ una cupiditate raperetur: totum illius poſtulatam cauſamq; neglexit: per uim ad eum, qui recipere non debebat: Rubrium deduci imperauit. hic Philodamus, poſteaquam ius ſuū obtinere non potuit: ut humanitatem, conſuetudinemq; ſuam retineret: laborabat. homo, qui ſemper hoſpitaliſſimus, amiciſſimusq; noſtrorum hominum exiſtimatus eſſet: noluit uideri ipſum illum Rubriū inuitus in domum ſuam recepiffe: magnifice, & ornate, ut erat in primis inter ſuos copioſus: conuiuium comparat: rogat Rubrium ut quos ei commodum ſit inuiter: locum ſibi ſoli ſi uideatur relinquat. ut etiā filium ſuum lectiſſimum adoleſcentem foras ad propinquum ſuum



quendam mitteret ad coenam. Rubrius istius comites in-  
 uitat. eos omnes Verres certiores facit, quid opus esset.  
 mature ueniunt: discumbitur: fit sermo inter eos, & in-  
 uitatio: ut græco more biberetur: hospes hortatur: poscunt  
 maioribus poculis: celebratur omniū sermone, læticiaq;  
 conuiuium. posteaquam satis calere res Rubrio uisa est:  
 quæso inquit Philodame, cur ad nos filiam tuam non  
 introuocari iubes? homo qui & summa grauitate, &  
 iam id ætatis, & parens esset: obstupuit hominis impro-  
 bi dicto. instare Rubrius. tum ille, ut aliquid responde-  
 ret: negat moris esse græcorum: ut in conuiuiis uiro-  
 rum acumberent mulieres. hic tum alius ex alia par-  
 te: enim uero ferendum hoc non est: uocetur mulier. & si  
 mul seruis suis Rubrius, ut iam iam clauderent: et ipsi  
 ad fores assisterent: imperat. quod ubi ille intellexit,  
 id agi: atq; id parari: ut filia suæ uis afferretur: seruos  
 suos ad se uocat: his imperat: ut se ipsum negligant: filia  
 defendant: excurrat aliquis: qd hoc tantum domestici ma-  
 li filio suo nunciet. clamor interea fit tota domo inter  
 seruos Rubrij, atq; hospitis: iactatur domi suæ uir pri-  
 mus, & homo honestissimus: pro se quisq; manus affert:  
 aqua deniq; feruenti à Rubrio ipso Philodamus perfun-  
 ditur. hæc ubi filio nunciata sunt: statim exanimatus  
 ad ædes contendit: ut & uitæ patris, & pudiciæ foro-  
 ris succurreret. omnes eodem animo Lampfaceni, simul  
 ut hoc audiuerunt: quod eos tum Philodami dignitas,  
 tum iniuriæ magnitudo mouebat: ad ædes noctu con-  
 uenerunt. hic licitor istius Cornelius, qui cum eius seruis  
 erat à Rubrio, quasi in præsidio ad auferendam mu-  
 lierem collocatus: occiditur: serui nonnulli uulnerantur:  
 ipse Rubrius in turba sauciatur. Iste, qui sua cupidita-

te tantos tumultus concitatos uideret: cupere aliqua euolare, si posset. postridie mane homines in concione ueniunt: quærunť quid optimum factu sit: pro se quisq; ut in quoq; erat authoritatis plurimum: ad populum loquebatur: inuentus est nemo, cuius non hæc et sententia esset, et oratio: non esse metuendum, si istius nefarium scelus Lampfaceni ulti ui, manuq; essent: ne Senatus populusq; Ro. in eam ciuitatem animaduertendum putaret. quod si hoc iure legati populi Ro. in socios, nationesq; exterarum uerentur: ut pudicitiam liberorum seruare ab eorum libidine tutam non liceret: quiduis esse perpeti satius: quàm in tanta ui, atq; acerbitate uersari. Hæc cum omnes sentirent: et cum in eam rationem pro suo quisq; sensu, ac dolore loqueretur: omnes ad eam domum, in qua iste diuersabatur: profecti sunt. cedere ianuam saxis: instare ferro: ligna et sarmenta circumdare: ignem subiicere cæperunt. Tum ciues Ro. qui Lampfaci negociabantur: concurrunt: orant Lampfacenos: ut grauius apud eos nomen legationis, quàm iniuria legati putaretur. sese intelligere hominem illum esse impurum, ac nefarium: sed quoniam nec perfecisset, quod conatus esset: neq; futurus esset Lampfaci postea: leuius eorum peccatum fore: si homini scelerato pepercissent: quàm si legato non pepercissent. Sic iste multo sceleratior, et nequior, quàm ille Adrianus, aliquanto etiam felicior fuit: ille quod eius auariciam ciues Ro. ferre non potuerant: Vticæ domus suæ uiuus exustus est. idq; ita illi merito accidisse existimatum est: ut lætarentur omnes: neq; ulla animaduersio constitueretur. hic sociorum ambustus incendio, tamen ex illa flamma, periculoq; euolauit: neq; adhuc causam ullam excogitare potuit: quamobrem commiserit: aut quid

euenerit: ut in tantum periculum ueniret. non enim po-  
 test dicere: cum seditionem sedare uellem: cum frumen-  
 tum imperarem: cum stipendium cogerem: cum aliquid  
 deniq; Reip. causa gererem: quod acrius imperaui: quod  
 animaduerti: quod minatus sum. quæ si diceret: tamen  
 ignosci non oporteret: si nimis atrociter imperando so-  
 cys, in tantum adductus periculum uideretur. nunc,  
 cum ipse causam illius tumultus neq; ueram dicere, neq;  
 falsam confingere audeat: homo autem ordinis sui fruga-  
 lissimus, qui tum acensus C. Neroni fuit: P. Tettius hæc  
 eadem se Lampfaci cognosse dixerit: uir omnibus re-  
 bus ornatissimus C. Varro, qui tum in Asia Tribunus  
 militum fuit: hæc eadem ipsa se ex Philodamo audisse  
 dicat: potestis dubitare: quin istum fortuna non tam ex il-  
 lo periculo eripere uoluerit: quàm ad uestrum iudicium  
 reservare? nisi uero illud dicer: quod et in testimonio Tet-  
 tij priore actione interpellauit Hortensius: quo tempore  
 quidem signi satis dedit: si quid esset: quod posset dicere:  
 se tacere nõ posse: ut quã diu in cæteris rebus tacuerit: sci-  
 re omnes possemus: nihil habuisse quod diceret. Hoc tum  
 dixit: Philodamum & eius filium à C. Nerone esse da-  
 mnatos. de quo ne multa differam: tantum dico: secutum  
 id esse Neronem, & eius consilium: quod Cornelium li-  
 ctorem occisum esse constaret: putasse non oportere esse, ne  
 in ulascenda quidem iniuria, cuiquam hominis occiden-  
 di potestatem. in quo uideo Neronis iudicio non te abso-  
 lutum esse improbitatis: sed illos damnatos esse cædis. Ve-  
 rum ista damnatio tamen cuiusmodi fuit? audite quæ-  
 so Iudices: & aliquando miseremini sociorum: & osten-  
 dite aliqd his in uestra fide præsidij esse oportere. quod  
 toti Asiæ iure occisus uidebatur istius ille, uerbo licitor, re

uer a minister improbissimæ cupiditatis : pertinuit iste  
 ne Philodamus Neronis iudicio liberaretur. rogat. et orat  
 Dolobellā: ut de sua prouincia decedat: ad Neronem pro  
 ficiat: se demonstrat incolumen esse non posse, si Phi  
 lodamo uiuere, atq; aliquando Romam uenire licuisset.  
 commotus est Dolobella: fecit id, quod multi reprehende  
 runt: ut exercitum, prouinciam, bellum relinqueret: &  
 in Asiam hominis nequissimi causa in alienam prouin  
 ciam proficisceretur. posteaquam ad Neronem uenit: con  
 tendit ab eo: ut Philodami causam cognosceret. uenerat  
 ipse, qui esset in consilio: & primus sententiam diceret:  
 adduxerat etiam præfectos, & tribunos militares su  
 os: quos Nero omnes in consilium uocauit: erat in con  
 silio etiam æquissimus iudex, ipse Verres: erant nonnul  
 li togati creditores græcorum: quibus ad exigendas pe  
 cunias improbissimi cuiusq; legati plurimū prodest gra  
 tia. ille miser defensore reperire neminem poterat. quis  
 enim esset aut togatus, qui Dolobellæ gratia, aut græ  
 cus, qui eiusdem ui, & imperio non moueretur? A causa  
 tor autem apponitur ciuis Ro. de creditoribus Lampsa  
 cenorum: qui, si dixisset quod iste iussisset: per eiusdem  
 istius lictores à populo pecuniā posset exigere. cum hæc  
 omnia tanta contentione copijs, tantis agerentur: cum illū  
 miserum multi accusarent: nemo defenderet: cumq; Do  
 lobella cum suis præfectis pugnaret in consilio: Verres  
 fortunas agi suas diceret: idem testimonium diceret: idem  
 esset in consilio: idem accusatorem parasset: hæc cum o  
 mnia fierent: & cum hominem constaret occisum: tamen  
 tanta uis istius iniuriæ, tanta in isto improbitas putaba  
 tur: ut de Philodamo amplius pronunciaretur. quid ego  
 nunc in alteram actionem Cn. Dolobellæ spiritus? quid



huius lachrymas, & concursiones proferam? quid C. Neronis uiri optimi, atq; innocentissimi nonnullis in rebus animum nimis timidum, atq; demissum? qui in illa re qd facere potuerit, non habebat: nisi forte id quod omnes tum desyderabant: ut ageret eam rem sine Verre, et Dolobella: quicquid esset sine his actum, omnes probarēt. Tum uero quod pronuntiatum est, non per Neronem indicatum, sed per Dolobellam ereptum existimabatur. condemnatur enim per paucis sententijs Philodamus, et eius filius. adest: instat: urget Dolobella: ut quamprimum se curi feriantur: quoquam minime multi ex illis de istius nefario scelere audire possent. constituitur in foro Laodiceae spectaculum acerbum, & miserum, & graue toti Asiae provinciae, grandis natu parens adductus ad supplicium: ex altera parte filius: ille quod pudicitiam liberorum, hic quod uitam patris, famamq; sororis defenderat. flebat uterq; non de suo supplicio: sed pater de filij morte, de patris filius. quid lachrymarum ipsum Neronem putatis profudisse? quem fletum totius Asiae fuisse? quem luctum, & gemitum Lampfacenorum? se curi esse percussos homines innocentes, nobiles, socios populi romani, atq; amicos, propter hominis flagitiosissimi singularem nequitiam, atq; improbissimam cupiditatem? Iam iam Dolobella neq; tui, neq; tuorum liberorum, quos tu miseros in egestate atq; in solitudine reliquisti: misereri potest. Verres ne tibi tanti fuit? ut eius libidinem hominum innocentum sanguine lui uelles? igitur co ne exercitum, atq; hostem relinquebas? ut tua ui, & crudelitate, istius hominis improbissimi pericula subleuares? quod enim eum tibi quaestoris in locum constitueras: igitur tibi amicum in perpetuum fore putasti? nescie

bas ab eo Cn. Carbonem Cons. cuius re uera quæstor  
fuit: nonmodo relictum, sed etiam spoliatum auxilijs,  
pecunia, nefarie oppugnatum, et proditum: expertus igitur  
es istius perfidiam tum, cum se ad inimicos tuos con-  
tulit: cum in te homo ipse nocens acerrimum testimo-  
nium dixit: cum rationes ad ærarium nisi damnato te  
referre noluit. tantæ ne tuæ Verres libidines erunt?  
ut eas capere, ac sustinere non provinciæ populi roma-  
ni, non nationes exteræ possint? tu ne quod uideris:  
quod audieris: quod concupieris: quod cogitaris: nisi id  
ad nutum tuum præsto fuerit: nisi libidini tuæ cupidi-  
tatiq; paruerit: immittentur homines? expugnabun-  
tur domus? ciuitates nonmodo pacatæ, uerum etiam so-  
ciorum, atq; amicorum, ad uim atq; ad arma confu-  
gent: ut ab se atq; ab liberis suis legati populi roma-  
ni scelus, atq; libidinem propulsare possint? nam quæ-  
ro abs te, circūfessus ne sis Lampſaci? cœperit ne do-  
mum, in qua diuersabare: illa multitudo incendere? uo-  
luerint ne legatum populi romani comburere uiuum  
Lampſaceni? negare non potes. habeo enim testimo-  
nium tuum: quod apud Neronem dixisti: habeo quas ad  
eundem literas misisti. recita hunc ipsum locum de testi-  
monio. TESTIMONIUM C. VERRIS  
IN ARTEMIDORVM. NON MVL-  
TO POST IN DOMVM. bellum ne popu-  
lo romano Lampſaci ciuitas facere conabatur? defi-  
cere ab imperio ac nomine nostro uolebat? uideo e-  
nim, & ex his quæ legi, & audiui, intelligo: in qua  
ciuitate nonmodo legatus populi romani circūfessus,  
nonmodo igni, ferro, manu, copijs, oppugnatus, sed ali-  
qua ex parte uiolatus sit: nisi publice satisfactum sit: ei

ciuitati bellum indici, atq; inferri solere. quæ fuit igitur  
 causa, cur cuncta ciuitas Lampfacenorum de con-  
 cione, quemadmodum tu te scribis: domum tuam con-  
 currerent? tu enim neq; in literis, quas Neroni mittis:  
 neq; in testimonio, causam tanti tumultus ostendis ullam.  
 obsessum te dicas: ignem allatum, sarmenta circadata;  
 lictorem tuum occisum esse dicas: prodeundi tibi in  
 publicum potestatem factam negas: causam huius tan-  
 ti terroris occultas. nam si quam Rubrius iniuriam  
 suo nomine, ac non impulsu tuo, & tua cupiditate fe-  
 cisset: de tui comitis iniuria, quæstum ad te potius, quam  
 te oppugnatum uenirent. cum igitur, quæ causa illius  
 tumultus fuerit, testes a nobis producti dixerint: ipse  
 celarit: nonne causam hanc, quam nos proposuimus:  
 tum illorum testimonia, tum istius taciturnitas perpetua  
 confirmat? huic homini parcetis igitur Iudices? cuius  
 tanta peccata sunt: ut hi, quibus iniurias fecerit: neq; le-  
 gitimum tempus expectare adulciscendum, neq; uim  
 tantam doloris in posterum differre potuerunt. circun-  
 sessus es: a quibus? a Lampfacenis: barbaris hominibus  
 credo: aut is q. populum Ro. contemnerent? immo uero  
 ab hominibus, & natura, & consuetudine, & discipli-  
 na lenissimis. porro autem populi Ro. conditione socijs,  
 fortuna seruis, uoluntate supplicibus: ut perspicuum sit  
 omnibus, nisi tanta acerbitas iniuriæ, tanta uis sceleris  
 fuisset: ut Lampfaceni moriendum sibi potius, quam p-  
 petiendum putarent: nunquam illos in eum locum pro-  
 gressuros fuisse: ut uehementius odio libidinis tuæ, quam  
 metu legationis mouerentur. nolite per deos immorta-  
 les cogere socios, atq; exteras nationes, hoc uti persua-  
 gio: quo, nisi uos uindictis, utentur necessario. Lampsa-

cenos in istum nunquam ulla res mitigasset: nisi eum  
 poenas Romæ daturum credidissent. & si talem acce-  
 perant iniuriam: quam nulla lege satis digne perse-  
 qui poterant: tamen incommoda sua uestris committe-  
 re legibus, & iudicijs: quàm dolori suo permittere ma-  
 luerunt. tu mihi, cum circumsessus a tam illustri ciuitate  
 sis, propter tuum scelus atq; flagitium: cum coegeris ho-  
 mines miseros, & calamitosos quasi desperatis nostris  
 legibus, & iudicijs, ad uim, ad manus, ad arma, con-  
 fugere: cum in oppidis, & ciuitatibus amicorum non  
 legatum populi romani, sed tyrannū libidinosum, cru-  
 delemq; præbueris: cum apud exteras nationes impe-  
 rij, nominisq; nostri famam tuus probris flagitijsq; uio-  
 laris: cum te ex ferro amicorum populi Ro. eripueris:  
 atq; è flamma sociorum euolaris: hic tibi perfugium spe-  
 ras futurum? erras. ut huc incideres: non ut hic con-  
 quiesceres: illi te uiuum exire passi sunt. & ais, iudi-  
 cium esse factum: te iniuria circumsessum esse Lampfaci:  
 quod Philodamus cum filio condemnatus sit. quid si do-  
 ceo: si planum facio, teste homine nequā, uerū ad hanc rē  
 tamen idoneo (te ipso inquam teste docebo) te huius circun-  
 sessionis tuæ causam, & culpam in alios transtulisse?  
 neq; in eos, quos tu insinularas: esse animaduersum? iam  
 nihil te iudiciū Neronis adiuuat. recita quas ad Nerone  
 literas misit. EPISTOLA C. VERRIS AD  
 NERONEM. THEMISTAGORAS ET  
 THESALVS Themistagoram & Thessalum  
 scribit populum concitasse. quem populum? qui te cir-  
 cumsedit: qui te uiuū comburere conatus est. ubi hos per-  
 sequeris? ubi actusas? ubi defendis ius, nomenq; lega-  
 ti? in Philodami iudicio dices id actum. cedo mi-



hi ipsius Verris testimoniū. videamus quid idē iste iura-  
 tus dixerit. recte. AB ACCVSATORE ROGA-  
 TVS RESPONDIT: IN HOC IVDICIO  
 NON PERSEQVI: SIBI IN ANIMO ESSE  
 ALIO TEMPORE PERSEQVI. quid igitur te  
 iniuat Neronis iudiciū? qd Philodami dānatio? legatus cū  
 esses circūfessus: cumq; quemadmodum tu te ad Nero-  
 nem scripsisti: populo romano, communiq; causae legatorū  
 facta esset iniuria insignis: non es persecutus: dicis ti-  
 bi in animo esse alio tempore persequi. quod fuit id tem-  
 pus? quando es persecutus? cur immunuisti ius legatio-  
 nis? cur causam populi Ro. deseruisti: ac prodidisti? cur  
 iniurias tuas coniunctas cum publicis reliquisti? non ne  
 te ad Senatum causam deferre? non de tam atrocibus  
 iniurijs conqueri? non eos homines, qui populum cona-  
 tarant: consulum literis euocandos curare oportuit?  
 nuper M. aurelio Scaturo postulante, quod is Ephesi se  
 quaestorem ui prohibitum esse dicebat: quo minus ē fa-  
 no Dianae seruum suum, qui in illud asylum confugas-  
 set: abduceret: Pericles Ephesus homo nobilissimus Ro-  
 mam euocatus est: quod auctor iniuriæ illius fuisse ar-  
 gueretur. tu, si te legatum ita Lampfaci tractatum esse  
 senatum docuisses: ut tui comites uulnerarētur: licetor occi-  
 deretur: ipse circūfessus pene incenderere: eius autem  
 rei duces, et authores, et principes fuisse, quos scribis The-  
 mistagoram & Thessalum: quis non commoueretur?  
 quis nō ex iniuria quæ tibi esset facta: sibi prouideret? qd  
 non in ea re causam tuam, periculum commune ag-  
 arbitraretur? etenim nomen legati eiusmodi esse debet:  
 quod non modo inter sociorū iura, sed etiā inter hostiū te-  
 la incolume uersetur. magnū hoc Lampfacenum crimē

est, libidinis, atq; improssimæ cupiditatis. accipite nunc auariciæ propemodum in suo genere non leuius. Milesios nauem poposcit: quæ cum præsidij causa Myndiū prosequeretur. illi statim myoparonem egregium de sua classe, ornatum, atq; armatum dederunt. hoc præsidio Myndum profectus est. nam, quid milesijs lanæ publicæ abstulerit: item de sumptu in aduentum, de contumelijs, & iniurijs in magistratum milesium, tametsi dictum uere tum grauius, & uolentius potest: tamen dicere prætermittam: eaq; omnia testibus integra reseruabo. illud, quod neq; taceri ullo modo potest: neq; dici prodignitate: cognoscite. milites, remigesq; Miletum Myndo pedibus reuerti iubet: ipse Myoparonem pulcherrimū, de decem Milesiorum nauibus electum L. Magio, & I. Rabio, qui Myndi habitabant: uendidit. Hi sunt homines, quos nuper senatus in hostium numero censuit habendos. hoc illi nauigio ad omnes populi Ro. hostes usque ab Dianio, quod in Hispania est: ad Sinopam, quæ in Ponto est: nauigauerunt. O' di immortales, incredibilem auariciam, singularemq; audaciam. nauem tu de classe populi Ro. quam tibi Milesia ciuitas, ut te prosequeretur, dedisset: ausus es uendere? si te magnitudo maleficijs, si te hominum existimatio non mouebat: ne illud quidem cogitabas: huius improbissimi furti, siue adeonefariæ prædæ, tam illustrem ac tam nobilem ciuitatem testem futuram? an quia tum Cn. Dolabella in eum, qui myoparoni præfuerat: Milesijsq; rē gestam renunciarat: animaduertere tuo rogatu conatus est: renunciationemq; eius, quæ erat in publicis literis relata illorum legibus: tolli iusserat: itaque te ex hoc crimine clapsum esse arbitrabare? multum te ista

fefellit opinio: & quidem multis in locis. semper enim  
 existimasti, & maxime in Sicilia, satis cautum tibi ad  
 defensionem fore: si aut referri aliquid in literas pu-  
 blicis uetisses: aut quod relatum esset: tolli coegisses. hoc  
 quam nihil sit: tamen si ex multis Siciliae ciuitatibus prio-  
 re actione didicisti: tamen etiam in hac ipsa ciuitate co-  
 gnosce. sunt illi quidem dicto audientes, quam diu ad-  
 sunt hi, qui imperant: simul ac discesserunt: non solū il-  
 lud perscribunt: quod tum prohibiti sunt: sed etiam cau-  
 sam adscribunt: cur non tum in literas relatum sit. ma-  
 nent istae literae Mileti: manēt: et dū erit illa ciuitas: mane-  
 bunt. Decem enim naues iussu L. Murenæ, populus  
 Milesius ex pecunia uestigali populi Ro. fecerat: sicut  
 pro sua quæque parte Asiae ceterae ciuitates. quamobrē  
 unam ex decem non prædonum repentino aduentu,  
 sed legati latrocinio, non ui tempestatis, sed hac hor-  
 ribili tempestate sociorum amissam in literas publicas  
 retulerunt. sunt Romæ legati Milesij homines nobilis-  
 simi, ac principes ciuitatis: qui tamen si mensem Februa-  
 rium & cons. designatorum nomen expectant: tamen  
 hoc tantum facinus nō modo negare interrogati, sed ne pro-  
 ducti quidem reticere poterunt. dicent inquam & re-  
 ligione adducti, & legum domesticarum metu, quid illo  
 Myoparone factum sit: ostendent C. Verrē in ea classe,  
 quæ contra piratas ædificata sit: piratam ipsum consce-  
 leratū fuisse. C. Malleolo quæstore Cn. Dolobellæ oc-  
 ciso, duas sibi hæreditates uenisse arbitratus est: unam  
 quæstoriæ procurationis. nam a Dolobella statim Pro-  
 quæstore iussus est esse. alteram tutelæ. nam cum pu-  
 pilli Malleoli tutor esset: in bona eius impetum fecit. nam  
 Malleolus in prouinciā sic copiose profectus erat: ut

domi prorsus nihil relinqueret. præterea pecunias occuparat apud populos: & syngraphas fecerat: argenti optimi cœlati grande pondus secum tulerat (nam ille quoq; sodalis istius erat in hoc morbo & cupiditate) grande pondus argenti, familiam magnam, multos artifices, multos formosos homines reliquit. iste quod argenti placuit: inuasit: quæ mancipia uoluit: abduxit: uina, cæteraq; quæ in Asia facillime comparantur: quæ ille reliquerat: asportauit: reliqua uendidit: pecuniam exegit. cum ad HS XXD quinquies redegissee constaret: ut Romam redijt: nullam literam pupillo, nullam matri eius, nullam tutoribus reddidit: seruos artifices pupilli cum haberet domi, circumpedes autem homines formosos & literatos, suos esse dicebat: se emisse. cum sæpius mater, & auia pueri postularent: uti, si nō redderet pecuniā: nec rationem daret: diceret saltē quātum pecuniæ Malleoli deportasset: multis effragitatus aliquando dixit HS decies: deinde in codicis extremam ceram nomen infimum in flagitiosa litera fecit: expensa Chrysogono seruo HS sexcenta millia, accepta Pupillo Malleolo retulit. quomodo ex decies HS sexcenta sunt facta: quomodo de eodem modo quadrarint: ut illa de Cn. Carbonis pecunia reliqua HS sexcenta facta sunt: quomodo Chrysogono expensa lata sunt: cur id nomen infimum, in lituraq; sit: uos existimabitis. tamen HS sexcenta millia cum accepta retulisset: HS quinque millia soluta non sunt. homines, posteaquam reus factus est: alij reddit: alij etiam nunc retinentur: peculia omnium, uicarijque retinentur. Hæc est istius præclara tutela. en cui tuos liberos committas: en memoria mortui sodalis: en metus uiuorum existi-



mationis. cum tibi se tota Asia spoliandam, ac uexandam tradidisset: cum tibi exposita esset omnis ad praedandū Paphlagonia: contentus his tam optimis rebus non fuisti? manus à tutela, manus à Pupillo, manus à sodalis filio abstinere non potuisti? Iam te non Siculi, non aratores (ut dictitas) circumueniunt: non hi, qui decretis edictisq; tuis in te concitati, infestiq; sunt. Malleolus à me productus est, & mater eius atq; auia: quæ miseræ, flentes, euersum à te puerum patris bonis esse dixerunt. quid expectas? an dum ab inferis ille Malleolus existat? atq; abs te officia tutelæ, sodalitatæ, familiaritatisq; flagitet? ipsum putato adesse. homo auarissime & spurcissime, redde bona sodalis filio: si non, quæ abstulisti: at quæ confessus es. cur cogis sodalis filium hanc primam in foro uocem cum dolore, & querimonia emittere? cur sodalis uxorem, sodalis socrum, domum deniq; totam sodalis mortui, contra te testimonium dicere? cur prudentissimas, electissimasq; fœminas in tantum uirorum conuentum insolitas inuitasq; prodire cogis? recita omnium testimonia. TESTIMONIUM MATRIS ET AVIAE. Proquaestore uero quomodo iste commune Miliadum uexarit: quomodo Lyciam, Pamphiliam, Pisidiam, Phrygiamq; totam frumento imperando, aestimando hac sua, quam tum primum excogitauit: Sicaliensi aestimatione affiixerit: nō est necesse demonstrare uerbis. hoc scitote, his nominibus, quæ res per eum gestæ sunt: cum iste ciuitatibus frumentum, coria, cilicia, sacos imperaret: neq; ea sumeret: pro his rebus pecuniam exigeret: his nominibus solis, Cn. Dolobellæ HS ad tricies litem esse aestimatam. quæ omnia, etiam si uoluntate Dolobellæ fiebant: per istum omnia

tamen gerebatur. consistam in uno nomine: multa sunt ex eodē genere. recita. DE LITIBVS AESTIMATIS CN. DOLOBELLAE POPVLO RO. PECVNIAE REDACTAE. QVOD A' COMMVNI MILIADVM. te haec coegisse, te aestimasse, tibi pecuniam numeratam esse dico: eademq; ui, & iniuria cum pecunias maximas cogeress: per omnes partes prouinciæ te, tanquam aliquam calamitosam tempestatem, pestemq; peruasisse demonstro. Itaq; M. Scaturus, qui Cn. Dolobellam accusauit: istum in sua potestate ac ditione tenuit. homo adolescens cum istius in inquirendo multa furti, ac flagitia cognosceret: fecit perire, & callide: uolumen eius rerum gestarum maximum, isti ostendit: ab homine quæ uoluit in Dolobellā abstulit: istum testem produxit: dixit iste quæ uelle accusatorem putauit. Quo ex genere mihi testimonium, qui cum isto furati sunt: si uti uoluissē: magna copia fuisset: qui ut se periculo litium, coniunctione criminum liberarent: quo ego uellem descensuros pollicebantur: eorum ego uoluntatem omnium repudiaui: non modo proditori, sed ne perfugæ quidem locus in meis castris cuiquam fuit. forsitan meliores illi accusatores habendi sunt: qui haec omnia fecerunt. sed ego defensorem in mea persona, non accusatorem maxime laudari uolo. rationes ad ærarium, antequam Dolobella condemnatus est: non audet referre. impetrat à senatu ut dies sibi prorogaretur: quod tabulas suas ab accusatoribus Dolobellæ obsignatas diceret: proinde quasi exscribendi potestatem non haberet. solus est hic: qui nunquam rationes ad ærarium referat. Audistis quæstoriam rationem tribus uersiculis relata: legationis, non nisi condemna-

to, & eiecto eo, qui posset reprehendere: nunc deniq; præ-  
tura, quam ex S. C. statim referre debuit, usque ad  
hoc tempus non retulit: quæstorem se in senatu expe-  
ctare dixit. proinde quasi non & quæstor sine prætore  
posset rationem referre, ut tu Hortensi, ut omnes: eodem  
modo sine quæstore prætor. dixit idem, Dolobellam im-  
perasse omnem magistratibus conscriptis, qua causa pla-  
cuit probauerunt. uerum quæstores quoq; iam pridem  
uenerunt: cur non retulisti? illarum rationum, ex ea  
sece legationis, quæstorisq; tuæ procurationis illa sunt  
nomina: quæ Dolobellæ necessario sunt aestimata. EX  
LITIBVS AESTIMATIS DOLOBEL-  
LAE. PR. ET PROPR. quod minus Dolobella  
Verri acceptum retulit: quàm Verres illi expensum tu-  
lerit: HS quingenta triginta quinque millia: & quod  
plus fecit Dolobella Verrem accepisse: quàm iste in suis  
tabulis habuit: HS ducenta triginta duo millia: &  
quod plus frumenti fecit accepisse istum: HS decies &  
octingenta millia: quæ tu homo castissimus aliud in tabu-  
lis habebas. Hinc illæ extraordinariæ pecuniæ: quas  
nullo duce, tamen aliqua ex particula inuestigamus: re-  
dundarunt. hinc ratio Q. & Cn. Postumij, Curtij,  
multis nominibus: quorum in tabulis iste habet nullū.  
hinc HS quater decies P. Tadio numerata Athenis te-  
stibus planum faciam. hinc emptæ apertissime prætu-  
ra: nisi forte id etiam dubium est: quomodo iste prætor  
factus sit. Homo scilicet, aut industria, aut opera proba-  
ta, aut frugalitatis existimatione præclara, aut deniq;  
id quod leuissimum est, assiduitate, qui ante quæsturam  
cum meretricibus, lenonibusq; uixisset: quæsturam ita  
gessisset: quemadmodum cognouisti. Romæ post quæstu-  
ram illam

ram illam nefariam uix triduum constitisset: absens nō in obliuione iacuisse: sed in assidua commemoratione omnibus omnium flagitiorum fuisse: is repente, ut Romam uenit: gratis prætor factus est. Alia porro pecunia ne accusaretur data: nihil ad me, nihil ad rem pertinere arbitror: datam quidem esse tum inter omnes recenti negotio facile constabat. homo stultissime, & amantissime tabulas cum conficeres: & cum extraordinaria pecunia crimen subterfugere uelles: satis te elapsurum omni suspitione arbitrare: si quibus pecuniam credebas: ijs expensum non ferres? neq; in tuas tabulas ullum nomen referres: cum tot tibi nominibus acceptum Curij referrent? quid proderat tibi te expensum illis non tulisse? an tuis solis tabulis te causam dicturū existimasti? Verum ad illam iam ueniamus præclarā præturam: crimināq; ea, quæ notiora sunt his, qui ad sunt: quàm nobis, qui meditati ad dicendum, paratiq; uenimus. in quibus non dubito, quin offensionem negligentiae uitare, atq; effugere non possim. multi enim ita dicent: de illo nihil dixit: in quo ego interfui: illam iniuriam non attigit: quæ mihi, aut amico meo facta est: quibus ego in rebus interfui. his omnibus, qui istius iniurias norunt: hoc est populo Ro. uniuerso, me uehementer excusatum uolo: non negligentia mea fore: ut multa præteream: sed quod alia testibus integra referuari uelim: multa autem propter rationem breuitatis, ac temporis prætermittenda existimem. fatebor etiam illud inuitus: me prorsus, cum iste punctum temporis nullum uacuum peccato præterire passus sit: omnia, quæ ab isto commissa sunt: non potuisse cognoscere. quapropter ita me de præturæ criminibus auditote: ut ex utroq; genere,



et iuris dicendi, & sartorum tectorum exigendorum,  
 ea postuletis: quæ maxime digna sunt eo reo: cui parvum,  
 ac mediocre obijci nihil oporteat. Nam ut prætor factus  
 est: qui auspiciato à Chelidone surrexisset: sortem nactus  
 est urbanæ provinciae, magis ex sua, & Chelidonis, q̃  
 ex populi Ro. voluntate. qui principio, qualis in edicto  
 constituendo fuerit: cognoscite. P. Annius Asellus mor-  
 tuus est C. Annio Sacerdote prætoris: is cum haberet uni-  
 cam filiam: neq; census esset: quod natura hortabatur:  
 lex nulla prohibebat: fecit: ut filiam bonis suis hæredē  
 institueret. hæres erat filia: faciebant omnia cum pupil-  
 la, legis æquitas, voluntas patris, edicta prætorum, con-  
 suetudo iuris eius, quod erat tum, cum Asellus est mor-  
 tuus. iste prætor designatus (utrum admonitus, an tenta-  
 tus, an qua est iste sagacitate in his rebus, sine duce ul-  
 lo, sine indice pervenerit ad hanc improbitatem, nescio.  
 nos tantum hominis audaciam, amentiamq; cognoscite)  
 appellat hæredem L. Annium: qui erat institutus secun-  
 dum filiam. non enim mihi persuadetur: istum ab illo  
 prius appellatum. dicit se posse ei condonare edicto hæ-  
 reditatem: docet hominem quid possit fieri: illi bona res,  
 huic uendibilis uidebatur. iste tamen si singulari est auda-  
 cia: tamen ad pupillæ matrem summittebat: malebat pe-  
 cuniam accipere: ne quid noui ediceret: quàm ut hoc edē-  
 ctum tam improbum, & inhumanum interponeret.  
 tutores, pecuniam prætori si pupillæ nomine dedissent:  
 grandem præsertim: quemadmodum in rationem in-  
 ducerent: quemadmodum sine periculo suo dare possent:  
 non uidebāt. simul & istum fore tam improbum non  
 arbitrabantur. sæpe appellati pernegauerunt. iste ad ar-  
 bitrium eius, cui condonarat hæreditatem ereptam li-

beris: quàm æquum edictum scripserit, quæso cognosce. CVM INTELLIGAM LEGEM VOCONIAM. quis unquam crederet Verrè mulierum aduersarium futurum? an ideo aliquid contra mulieres fecit: ne totum edictum ad Chelidonis arbitrium scriptum uideretur? Cupiditati hominum ait se obuiam ire. quid potius, non modo his temporibus, sed etiam apud maiores nostros? quis tam remotus fuit à cupiditate? dic quæso cætera. delectat enim me hominis grauitas, scientia iuris, authoritas. QVI AB AVLO POSTVMIO, Q. FVLVIO CENSORIBVS POST VE EA, FECIT, FECERIT. fecit, fecerit? quis unquam edixit isto modo? quis unquam eius rei fraudem, aut periculū proposuit edicto: quod neq; post edictum, neq; ante edictum prouideri potuit? iure, legibus, authoritate omnium, qui consulebantur: testamentum P. Annius fecerat non improbum, non inofficiosum, non inhumanum. quod si ita fecisset: tamen post illius mortem nihil de testamento illius noui iuris constitui oporteret. uoconia lex te uidelicet delectabat, imitatus esses illum ipsum C. Voconium: qui lege sua hæreditatem ademit nulli neq; uirgini, neq; mulieri: sanxit in posterum: qui post eos Censores census esset: ne quis hæredem uirginem, ne uel mulierem faceret. in lege Voconia nō est, fecit, fecerit: neq; in ulla præteritum tempus reprehenditur: nisi eius rei, quæ sua sponte scelerata, ac nefaria est: ut etiam si lex non esset: magnopere uitanda fuerit. atq; in his rebus multa uidemus ita sancta esse legibus: ut ante facta in iudicium non uocentur. Cornelia, Testamentaria, Nummaria, cæteræ complures. in quibus non ius aliquod nouum po-

pulo constituitur: sed sancitur: ut quod semper malum factus fuerit: eius questio ad populum pertineat ex certo tempore. De iure uero civili siquid noui quis instituit: omnia quæ ante acta sunt: rata esse patitur. cedo mihi leges Atinias, Furias, Fuffias, ipsam, ut dixi, Voconiam, omnes præterea de iure civili: hoc reperiēs in omnibus statui ius: quo post eam legem populus utatur. qui plurimum tribuunt edicto: prætoris edictum legem annuam dicunt esse. tu edicto plus complecteris quàm lege. Si si nem edicto prætoris afferunt Cal. Ianuarius: cur non initium quoq; edicti nascitur à Cal. Ianuarij? an in eū annum progredi nemo poterit edicto: quo prætor alius futurus est: in illum, quo Prætor alius fuit: regredietur? Ac si hoc iuris nō unius causa hominis edixisses: cautius composuisses. scribis, si quis hæredem fecit, fecerit. quod si plus legarit: quàm ad hæredem hæredes uē perueniat: quod per legem Voconiam ei qui census non sit, licet: cur hoc cum in eodem genere sit: non caues? quia non generis, sed hominis causam uerbis amplecteris: ut facile appareat te precio esse commotum. atq; hoc si in posterum edixisses: minus esset nefarium: tamen esset improbum. sed tum uituperari posset: in dubium uenire non posset. nemo enim committeret. nunc est eiusmodi edictum: ut quis intelligat, non populo esse scriptum, sed P. Annij secundis hæredibus. itaq; cum à te caput illud tam multis uerbis mercenario procæmio esset ornatum: ecquis est inuentus postea prætor: qui illud idem ediceret? non modo nemo edixit: sed ne metuit quidem quisquam, ne quis ediceret. nam post te prætorē multi testamenta eodem modo fecerunt. in his nuper Annia ea de multorum propinquorum sententia, pecuniosa mulier,

quod censa non erat: testamento fecit heredem filiam. Itaq; hoc magnum iudicium hominum de istius singula ri improbitate: quod Verres sua sponte instituisse: id ne munem metuisse: ne quis reperiretur: qui istius institutum sequi uellet. solus enim tu inuentus es: cui non satis fue rit corrigere uoluntates uiuorum: nisi etiam rescinderes mortuorum. Tu ipse ex Siciliensi edicto hoc sustulisti: uol uisti: ex improuiso si quæ res natæ essent: ex urbano edi cto decernere. quam postea tibi tu defensionem relinque bas: in ea maxime offendisti: cum tuam auctoritatem tu te ipse edicto prouinciali repudiabas. atq; ego non du bito: quin ut mihi, cui filia maxime cordi est: res hæc acerba uideatur, atq; indigna: sic unicuiq; uestrum: qui simili sensu, atq; indulgentia filiarum commouemini. quid enim natura nobis iucundius? quid carius esse uol uit? quid est dignius, in quo omnis nostra diligentia in dulgentiaq; consumatur? homo importunissime cur tantā iniuriā P. Annio mortuo fecisti? cur hunc dolorem cineri eius, atq; ossibus inuissisti? ut liberis eius bona patria, uol untate patris, iure, legibus tradita eriperes? Et cui tibi esset commodū: condonares? quibus cum uiui bona nostra partimur: his prætor adimere nobis mortuis bona, fortu nasq; poterit? nec petitionem inquit nec possessionem da bo. eripies igitur pupillæ togam prætextam? detrahes ornamenta non solum fortunæ, sed etiam ingenuitatis? miramur ad arma contra istum hominem Lampſace nos isse? miramur istum de prouincia decedentem clā Syracusis profuſuisse? nos si alienam uicem pro nostra iniuria doleremus: uestigium istius in foro non esset re lic tum. pater dat filiæ: prohibes. leges simunt: tamen te interponis. de suis bonis ita dat: ut ab iure non abeat:



quid habes quod reprehendas? nihil opinor. at ego con-  
cedo: prohibe, si potes: si habes, qui te audiat: si potest ti-  
bi edicto audiens esse quisquam. eripias tu uoluntatem  
mortuis? bona uiuis? ius omnibus? hoc populus Ro. non  
manu uindicasset: nisi te huic tempori, atq; huic iudicio  
reseruasset. Posteaquam ius prætorium constitutum est:  
semper hoc iure usi sumus: si tabulæ testamenti non pro-  
ferrentur: ut uti quenq; potissimum hæredem esse oportere:  
si is intestato mortuus esset: ita secundum eum pos-  
sessio daretur. quare hoc sit æquissimum: facile est di-  
cere. sed in re tam usitata, satis est ostendere: omnes an-  
tea ius ita dixisse: et hoc uetus edictum translatitiumq;  
esse. Cognoscite aliud hominis in re uetere edictum no-  
uum: & simul, dum est unde ius ciuile discatur: adole-  
scentes ei in disciplinam tradite. mirum est hominis in-  
genium: mira prudentia. Minutius quidam mortuus  
est ante istum prætorem. eius testamentum erat nullum:  
lege hæreditas ad gentem Minutiam ueniebat. si habuis-  
set iste edictum: quod ante istum, & postea omnes ha-  
buerunt: possessio Minutiæ genti esset data. si quis testa-  
mento se heredem esse arbitraretur: quod tum non ex-  
taret: lege ageret in hæreditatem: aut pro præde litis iu-  
diciarum, cum satis accepisset: sponsonem faceret: ita de  
hæreditate certaret. hoc opinor iure & maiores nostri,  
& nos semper usi sumus. uidete ut hoc iste correxerit.  
componit edictum his uerbis: ut quiuis intelligere possit:  
uniuius hominis causa conscriptum esse: tantum quod ho-  
minem non nominat: causam quidem totam perscribit:  
ius, consuetudinem, æquitatem, edicta omnium negli-  
git. EX EDITIONE VRBANO. SI DE  
HAEREDITATE AMBIGITUR: SI

POSSESSOR SPONSIONEM NON FACIET. iam quid id ad prætorem: uter possessor sit? nonne id quæri oportet: utrum possessorē esse oporteat? ergo quia possessor est: non moues possessione. si possessor non esset: non dares. nusquam enim scribis: neq; tu aliud quicquam edicto amplecteris: nisi eā causam, pro qua pecuniā acceperas. Iam hoc ridiculum est. SI DE HAEREDITATE AMBIGITVR. ET TABVLAE TESTAMENTI OBSIGNATAE NON MINVS MVLTIS SIGNIS, QVAM E' LEGE OPORTEAT: AD ME PROFERENTVR: SECVNDVM TABVLAS TESTAMENTI POTISSIMVM HAEREDITATEM DABO. hoc translatitiū est. sequi illud oportet si tabulae testamenti non proferentur. quid ait? se ei daturum qui dicat hæredem esse. quid ergo interest proferantur necne? si protulerit: uno signo ut sit minus, quàm ex lege oportet: non des possessionem: si omnino tabulas non proferet dabis. Quid nunc dicam neminem unquam postea alium edixisse? valde sit mirum: neminem fuisse qui istius se similem dici uellet. ipse in siciliensi edicto hoc non habet. exegerat enim iam mercedem. item, ut illo edicto, de quo ante dixi in Sicilia de hæreditatum possessionibus dandis, edixit idem, quod omnes Romæ præter istum. EX EDICTO SICILIENSI. SI DE HAEREDITATE AMBIGITVR. At per deos immortales quid est quod de hoc dici possit? iterum enim iam quæro abs te, sicut modo in illo capite Anniano de mulierum hæreditatibus, nunc in hoc de hæreditatū possessionibus: cur ea capita in edictum provinciale trāsfer

re nolueris? utrū digniores homines existimasti eos, quī  
 habitabant in prouincia: quā nos: qui æquo iure ute-  
 remur? an aliud Romæ æquum est? aliud in Sicilia? nō  
 enim hoc potest hoc loco dici: multa esse in prouincijs ali-  
 ter edicenda. non de hæreditatibus quidē possessionibus,  
 non de mulierum hæreditatibus. nam utroq; genere ui-  
 deo non modo ceteros, sed te ipsum totidem uerbis edi-  
 xisse: quot uerbis edici Romæ solet. quæ Romæ ma-  
 gna cum infamia, precio accepto edixeras: ea sola te,  
 ne gratis in prouincia male audires: ex edicto Sici-  
 liensi sustulisse uideo. Et cum edictum totum eorum  
 arbitratu quādiu fuit designatus, componeret: qui ab  
 isto ius ad utilitatem suam mundinarentur: tum uero  
 in magistratu contra illud edictum suum sine ulla re-  
 ligione decernebat. Itaq; L. Piso multos codices imple-  
 uit earum rerum: in quibus ita intercessit: quod iste ali-  
 ter, atq; ut edixerat: decreuisset. quod uos oblitos esse  
 non arbitror: quæ multitudo, qui ordo ad Pisonis sel-  
 lam isto prætoris solitus sit conuenire. Quem iste collega  
 nisi habuisset: lapidibus coopertus esset in foro. sed eo le-  
 uiores istius iniuriæ uidebantur: quod erat in æquita-  
 te, prudentiaq; Pisonis paratissimum persugium: quo  
 sine labore, sine molestia, sine impensa, etiam sine pa-  
 tronum homines uterentur. nam quæso redite in memo-  
 riam Iudices: quæ libido istius in iure dicendo fuerit:  
 quæ uarietas decretorum: quæ mundinatio: quā ina-  
 nes domus eorum omnium, qui de iure civili consuli so-  
 lent: quā plena, atq; referta Chelidonis: à qua muliere  
 cum erat ad eum uentum: & in aurem eius insusur-  
 ratum: aliās reuocabat eos, inter quos iam decreuerat:  
 decretumq; mutabat: aliās inter alios contrariū sine ulla

religione decernebat: ac proximis paulo ante decreuerat. hinc illi homines erant: qui etiam ridiculi inueniebantur ex dolore. quorum alij, ut audistis, negabant mirandum esse: ius tam nequam esse Verriū. alij etiā frigidiores erant: sed quia stomachabantur, ridiculi uidebantur esse: cum Sacerdotem execrabantur: qui Verre tam nequam reliquisset. quæ ego non commemorarem: neq; enim perfacete dicta, neq; porro hac seueritate digna sunt: nisi uos illud uellem recordari: istius nequitia, et iniquitatem, tum in ore uulgi, atq; in communibus prouerbijs esse uersatam. In plebem uero romanā uirū superbiam prius memorem? an crudelitatem? sine dubio crudelitas grauior est, atq; atrocior. oblitus ne igitur hos putatis esse: quemadmodum sit iste solitus uirgis plebem Romanam concidere? quam rem etiam Tribonius pl. in concione egit: cum eum, quem uirgis iste ceciderat: in prospectum populi Ro. produxit. cuius rei cognoscendæ faciā uobis suo tempore potestatem. Superbia uero quæ fuerit: quis ignorat? quemadmodum is tenuissimū quēq; contempserit: despexerit: liberū esse nūquam duxerit. P. Trebonius uiros bonos, et honestos complures fecit hæredes. in his fecit suū libertum. is A. Trebonium fratrem habuerat proscriptum. ei cum cautum uellet: scripsit, ut hæredes iurarent, se curaturos, ut ex sua quisq; parte: ne minus dimidium ad A. Trebonium fratrem illum proscriptum perueniret. libertus iurat: cæteri hæredes adeunt ad Verrem: docent non oportere se iurare facturos esse, quod contra legem Corneliam esset: quæ proscriptum iuari uetat. impetrant ut ne iurent. dat his possessionem. id ego non reprehendo. etenim erat iniquum homini proscripto, egen



ti, de fraternis bonis quicquam dari. & ille libertus, ni  
 si ex testamento patroni iurasset: scelus se facturum ar-  
 bitratur: itaq; ei Verres possessionem hereditatis ne-  
 gat se daturum: ne posset patronum suum proscriptum  
 iuuare: simul ut esset poena, quod alterius patroni testa-  
 mento obtemperasset. das possessionem ei qui non iura-  
 uit. concedo. praetorium est. adimis tu ei qui iurauit? quo  
 exemplo? proscriptum iuuat. lex est. poena est. quid ad eum  
 qui ius dicit? utrum reprehendis quod patronum iu-  
 uabat eum: qui tum in miseris erat? an quod alterius  
 patroni mortui uoluntatem conseruabat: a quo summum  
 beneficium acceperat? utrum horum reprehendis? Et  
 hoc tum de sella uir optimus dixit: Equiti Ro. tam lo-  
 cupleti libertinus sit homo haeres? O modestum ordi-  
 nem: quod illinc uiuus surrexit. possum sexaginta de-  
 creta proferre: in quibus, ut ego pecuniam non dicam in-  
 tercessisse: ipsa decretorum nouitas iniquitasq; decla-  
 rat. uerum ut ex uno, de ceteris coniecturam facere  
 possitis: id quod priore actione cognostis audite. C. Sul-  
 pitius Olympius fuit. is mortuus est C. sacerdote prae-  
 torae, nescio an antequam Verres praeturae petere coe-  
 perit. fecit heredem M. Octauium Ligurem: Ligurem  
 hereditatem adiit: possedit sacerdote praetore sine ulla  
 controuersia. posteaquam Verres magistratum inijt: ex  
 edicto istius, quod edictum sacerdos non habuerat: Sul-  
 pitij patroni filia sextam partem hereditatis ab Ligure  
 petere cepit. Ligure non aderat. L. frater eius causam  
 agebat: aderant amici, propinqui. dicebat iste, nisi cum  
 muliere decideretur: in possessionem se ire iussurum. L.  
 Gellius causam Ligureis defendebat: docebat edictum  
 eius non oportere adeas hereditates ualere: quae ante

eum prætorem uenissent. si hoc tum fuisset edictum: fortasse Ligurem hereditatem aditurum non fuisse. æqua postulatio, summa hominum auctoritas, precao superabatur. uenit Romam Ligur: non dubitabat, quin si ipse Verrem conuenisset: æquitate causæ, & auctoritate sua commouere hominem posset: domum ad eum uenit: rem demonstrat: quàm pridem sibi hereditas uenisset, docet: quod facile in causa æquissima homini ingenioso fuit: multa, quæ quēuis mouere possent, dixit: ad extremum petere cœpit: ne usq; eo suam auctoritatem despiceret: gratiamq; contemneret: ut se tanta iniuria afficeret. homo Ligurem accusare cœpit: qui in re aduenticia, atq; hereditaria tam diligens, tam attentus esset: debere eum aiebat suam quoq; rationem ducere: multa sibi opus esse: multa cœnibus suis, quos circa se haberet. non possum illa planius commemorare: quàm ipsum Ligurem pro testimonio dicere audistis. quid enim Verres? utrum ne his quidem testibus credetur? an hæc ad rem non pertinent? non M. Octauio? non L. Liguri? quis nobis credet? cui nos? quid est Verres quod planum fieri testibus possit: si hoc non fit? an id, quod dicunt, leue est? nihil leuius: quàm prætorem Urbis hoc iuris in suo magistratu constituere: omnibus his, quibus hereditas uenerit: cohæredem prætorem esse oportere. an uero dubitamus: quo ore iste cæteros homines inferiore loco, auctoritate, ordine, quo ore homines rusticanos ex municipijs, quo deniq; ore, quos nunquam liberos homines duxerit, solitus sit appellare: qui ob ius dicendum M. Octauium Ligurem hominem ornatissimum loco, ordine, nomine, uirtute, ingenio, copijs, poscere pecuniam non dubitauit? In factis testis uero quem

admodum sese gesserit: quid ego dicam? dixerunt qui senserunt. sunt alij qui dicant. notae res, ac manifestae prolatæ sunt: et proferuntur. dixit C. Fannius Eques Ro. frater germanus Q. Titinij iudicis tui, tibi se pecuniam dedisse. recita Testimonium C. Fannij. nolite C. Fannio dicenti credere: noli inquam tu Q. Titini C. Fannio fratri tuo credere. dicat enim rem incredibilem: C. Verrem insinulat auariciæ, et audaciæ: quæ uicia uidentur in quæuis potius, quam in istum conuenire: dixit Q. Tadius homo familiarissimus patris istius, non alienus à matris eius genere, et nomine: tabulas protulit: quibus pecuniam se dedisse ostendit. recita nomina Q. Tadij. recita testimonium Q. Tadij. Ne tabulis quidem, Q. Tadij, nec testimonio credetur. quid igitur in iudicijs sequemur? quid est aliud omnibus omnia peccata, et maleficia concedere: nisi hoc: hominum honestissimorum testimonijs, et uirorum bonoribus tabulis non credere? Nam quid ego de quotidiano sermone querimoniâque populi romani loquar, de istius impudentissimo furto, seu potius nouo, ac singulari latrocinio? ausum esse in æde Castoris, celeberrimo clarissimoque monumento, quod templum in oculis, quotidianoque aspectu populi romani est positum: quo sæpenumero senatus conuocatur: quo maximarum rerum frequentissimæ quotidie aduocationes fiunt: in eo loco, in sermone hominum, audaciæ suæ monumentum æternum relinquare. Aedem Castoris Iudices P. Iunius habuit tuendam, L. Sylla Q. Metello consulibus. is mortuus est: reliquit pupillum paruum filium. cum L. Octauius, C. Aurelius cons. ædes sacras locauissent: neque potuissent omnia sacra tecta exigere: neque ij prætores, quibus erat

negocium datum; C. Sacerdos, & M. Celsus: factum est  
 S. C. quibus de sartis tectis cognitum, & iudicatum nō  
 esset: uti C. Verres, P. Celius prætores cognoscerent: &  
 iudicarent. qua potestate iste permissa, ut ex C. Fannio,  
 & ex Q. Tadio cognovistis: ueruntamen cum esset om-  
 nibus in rebus apertissime, impudentissimeq; prædatus:  
 hoc uoluit clarissimum relinquere indicium latrocinio-  
 rum suorum: de quo non audire aliquando, sed uidere  
 quotidie possemus. Quæsiuit quis ædē Castoris sartam  
 tectam deberet tradere. Iunius ipsum mortuum esse scie-  
 bat: scire uolebat, ad quem illa res pertineret. audit pu-  
 pillum esse filium. homo, qui semper ita palam dictitaf-  
 set: pupillos, & pupillas certissimam prædam esse præ-  
 toribus: optatum negocium sibi in sinum delatum esse di-  
 cebat. monumentum illa amplitudine, illo opere, quam-  
 uis sacrum tectum integrumq; esset: tamen aliquid in-  
 uenturum in quo moliri prædariq; posset, arbitraba-  
 tur. L. Rabonius ædem Castoris tradi oportebat. is casu  
 pupilli Iunii tutor erat testamento patris. cum eo sine ul-  
 lo intertrimento conuenerat iam, quemadmodum tra-  
 deretur. Iste ad se Rabonium uocat: querit: ecquid sit:  
 quod a pupillo traditum non sit: quod exigi debeat. cū  
 ille id quod erat, diceret: facilem pupillo traditionem es-  
 se: signa, & dona comparere omnia: ipsum templum  
 omni opere esse integrum: indignum isti uideri cœpit,  
 ex tanta æde, tantoq; opere se non opimum præda, præ-  
 fertim a pupillo, discedere. uenit ipse in ædem Casto-  
 ris: considerat templum: uidet undiq; tectum, pulcherri-  
 me laqueatum, præterea cætera noua, atq; integra. uer-  
 sat se: querit quid agat: dicit ei quidam ex illis canibus,  
 quos iste Liguri dixerat, esse circa se multos: tu Verres



hic quod moliare: nihil habes: nisi forte vis ad perpendicularum columnas exigere. Homo omnium rerum imperitus, quærit, quid sit ad perpendicularum. dicunt ei, ferè nullam esse columnam: quæ ad perpendicularum esse possit. Nam mehercule inquit sic agamus: columnæ ad perpendicularum exigantur. Rabonius qui legem nosset: quæ in lege numerus tantum columnarum traditur: perpendiculari mentio sit nulla: & qui non putaret sibi expedire, ita accipere: ne eodem modo reddendum esset: negat id sibi deberi: negat oportere exigi. Iste Rabonius quiescere iubet: & simul ei nonnullam spem societatis ostendit. hominem modestum, & minime pertinacem facile cohercet: columnas ita se exacturum esse confirmat. nouares, atq; improuisa pupilli calamitas nunciatur statim C. Mustio uirrico pupilli: qui nuper est mortuus: M. Iunio patruo, P. Potitio tutori homini frugalissimo. hi rem ad uirum primarium summo officio, ac uirtute præditum M. Marcellum, qui erat pupilli tutor: deferunt. uenit ad Verrem M. Marcellus: petita ab eo pro sua fide, ac diligentia pluribus uerbis: ne per summam iniuriam pupillum Iunium fortunæ patris conetur euertere. Iste qui iam spe, & opinione prædant illam deuorasset: neq; ulla æquitate orationis, neq; auctoritate M. Marcelli commotus est. itaq; quemadmodum ostendisset: se id exacturum esse respondit. Cum sibi omnes ad istum allegationes difficiles, omnes aditus arduos, ac potius interclusos uiderent: apud quem non ius, non æquitas, non misericordia, non propinqua oratio, non amici uoluntas, non cuiusquam auctoritas propterea, non gratia ualeret: statuunt id sibi optimum esse factu: quod cuius uenisset in uentem: petere auxilium.

a Chelidone: quæ isto prætore, non modo in iure civili;  
 priuatorumq; omnium controuersijs populo romano præ  
 fuit: uerum etiam in his fartis tectis dominata est. ue-  
 nit ad Chelidonem C. Musius eques Ro. publicanus, ho-  
 mo cum primis honestus uenit M. Iunius patruus pue-  
 ri, frugalissimus homo, & castissimus: uenit homo sum-  
 mo honore, pudore, & summo officio, spectatissimus or-  
 dinis sui P. Potitius tutor. O' multis acerbam, O' mise-  
 ram, atq; indignam præturam tuam. ut mittam cæte-  
 ra: quo tandem pudore tales uiros, quo dolore meretri-  
 cis domum uenisse arbitramini? qui nulla conditione istâ  
 turpitudinem subissent: nisi officij, necessitudinisq; ratio  
 coegisset. ueniunt, ut dico, ad Chelidonem. domus erat  
 plena: noua iura, noua decreta, noua iudicia peteban-  
 tur: mihi det possessionem: mihi ne adimat: in me iudiciû  
 ne det: mihi bona addicat. alij nummos numerabant:  
 alij tabulas obsignabant: domus erat non meretricio cõ-  
 uentu, sed prætoria turba referta. simulac potestas pri-  
 mum data est: adeunt hi quos dixi: loquitur Musius: re-  
 demonstrat: petit auxilium: pecuniam pollicetur. Respon-  
 dit illa, ut meretrix, non inhumane: libenter ait se esse  
 facturam: & se cum isto diligenter sermocinaturam: re-  
 uerti iubet. tum discedunt: postridie reuertuntur. negat  
 illa posse hominem exorari: permagnam eum dicere  
 ex illa re pecuniam confici posse. uercor ne quis forte de  
 populo, qui priori actione non affuit: hæc, quia propter  
 insignem turpitudinem sunt incredibilia: fingi a me ar-  
 bitretur: ea uos antea Iudices cognouistis. dixit iuratus.  
 P. Potitius tutor pupilli Iunij: dixit M. Iunius tutor, &  
 patruus. Musius dixisset si uiueret: sed pro Musio, re-  
 centi re de Musio auditum dixit L. Domitius: qui cum sei-

tet me ex Mustio uiuo audisse: quod eo sum usus plurimum: etenim iudicium, quod propè omnium fortunarum suarum C. Mustius habuit: me uno defendente uicit. cum hoc, ut dico, sciret L. Domitius me scire, ad eum res omnes Mustium solitum esse deferre: tamen de Chelidone retinuit, quoad potuit: alio responsionem suā deriuauit. tantus in adolescente clarissimo, ac principe iuuentutis, pudor fuit: ut aliquādiu, cum à me premere-  
 tur: omnia potius responderet: quàm Chelidonem nominaret. primo necessarios istius ad eum allegatos esse dicebat: deinde aliquando coactus Chelidonem nominauit. non te pudet Verres, eius mulieris arbitratiu gessisse præturam: quam L. Domitius ab se nominari uix sibi honestum esse arbitrabatur? Reiecti à Chelidone capiunt consilium necessarium: ut suscipiant ipsi negotium. cum Rabonio tutore, quod erat uix HS quadraginta millium, transigunt HS ducentis millibus. refert ad istum rem Rabonius: ut sibi uidebatur, satis grandē pecuniam, et satis impudentem esse. iste, qui aliquanto plus cogitasset: male accipit uerbis Rabonium: negat eum sibi illa de cessione satisfacere posse. ne multa, locaturum se esse confirmat. tutores hæc nesciunt: quod actum erat cum Rabonio: putant id esse certissimum: nullam maiorem pupillo metuunt calamitatem. Iste uero non procrastinat: locare incipit non proscripta, neq; edicta die, alienissimo tempore, ludis ipsis Romanis foro ornato. Itaq; renunciat Rabonius illam de cessionem tutoribus: accurrunt tamen ad tempus tutores: digitum tollit Iunius patruus. isti color immutatus est: uultus, oratio, mens deniq; excidit: quid ageret cœpit cogitare. si opus pupillo redimeretur: si res abiret ab eo mancipio: quem ipse apposuisset:

sibi nullam

sibi nullam prædam esse. itaq; excogitat. quid? nihil ingeniose, nihil quod quisquam possit dicere improbe, uerum callide: nihil ab isto tectum, nihil ueteratorum expectaueritis: omnia aperta, omnia perspicua reperientur, impudentia, amentia, audacia. si pupillo opus redimatur: mihi præda de manibus eripitur. quod est igitur remedium? quod? ne liceat pupillo redimere. ubi illa consuetudo in bonis, prædibus, prædijsq; uendēdis omnium Cons. Censorum. Prr. Questorum deniq; ut optima conditione sit is: cuius res sit. cuius periculum? excludit eum solum: cui propè dictam soli potestatem factam esse oportebat. quid enim quisquam ad meam pecuniam me inuito aspirat? quid accedit? locatur opus id, quod ex mea pecunia reficiatur. ego me refecturū esse dico. probatio futura est tua, qui locus: prædibus & prædijs populo cautum est. & si non putas cautum: scilicet tu Pr. uel mea bona quos uoles immittes? me ad meas fortunas defendendas accedere non sinas? Opera precium est ipsam legem cognoscere. dicetis eundem conscripsisse qui illud edictum de hereditate. EX OPE RE FACIENDO QUAE PUPILLI IVNII. dic, dic quæso clarius. C. VERRES PR. VRBIS ADDIDIT. corriguntur leges, censorie. quod enim uideo in multis ueteribus legibus: Cn. Domitius, L. Metellus, L. Cassius, Cn. Seruilius Censores addiderunt: uult aliquid eiusmodi C. Verres. dic quid addidit. QVI DE L. MARTIO, M. PERPENNA CENSORIBVS. SOCIVM NE ADMITTITO: NEVE PARTEM DATO: NEVE REDIMITO. Quid ita? ne uiciosum opus fieret? at erat probatio



tua. ne parum locuples esset? at erat: & esset amplius, si uelles, populo tantum prædibus, & prædijs. hic te si res ipsa, si indignitas iniuriæ tuæ non commouebat: si pupilli calamitas, propinquorum lachrymæ, D. Bruti, cuius prædia subierunt periculum: M. Marcelli tutoris auctoritas, apud te ponderis nihil habeat: ne illud quidem animaduertebas? eiusmodi fore hoc peccatum tuum: quod tu neq; negare posses: in tabulas enim retulisti: nec cum defensione aliqua confiteri. Addicitur id opus. HS DLX millibus: cum tutores HS LXXX millibus id opus, ad illius hominis iniquissimi arbitrium se effecturos esse clamarent. etenim quid erat operis? id quod uos uidistis. omnes illæ columnæ, quas dealbatus uidetis: machina apposita, nulla impensa deiectæ, eisdemq; lapidibus repositæ sunt. hoc tu HS DLX millibus locuisti. atq; in illis columnis, dico esse, quæ à tuo redemptore commotæ non sint: dico esse ex qua tantum tectorium uetus deletum sit, et nouum inductum. quod si tanta pecunia columnas dealbari putassem: certe nunquam ædilitatem petiuissem. At ut uideatur tamen res agi: & non eripi pupillo. SI QUID OPERIS CAUSA RESCIDERIS: REFICITO. quid erat quod rescinderet: cum suo quæq; loco lapidem reponeret? QVI REDEMERIT: SATISDET DAMNI INFECTI EI: QVI A VETERE REDEMPTORE ACCEPTERIT. deridet: cum sibi ipsum iubet satisfacere abonium. PECVNIA PRAESENS SOLVATVR. quibus de bonis? eius, qui quod tu HS DLX millibus locasti: HS LXXX millibus effectuum esse clamauit. quibus de bonis? pupilli. cuius ætæ

tem, & solitudinem, etiam si tutores non essent: defendere prætor debuit: tutoribus defendentibus non modo patrias eius fortunas, sed etiam bona tutorum ademisti. **HOC OPVS BONVM SVO CUIQUE FACITO.** lapis aliquis cadendus & apportandus fuit, machina sua. nam illo non saxum, non materies aduecta est. tantum operis, & in ista locatione fuit quantum paucae operæ fabrorum mercedes tulerunt et manus precium machinæ. Vtrum existimatis minus operis esse: unā colūnam efficere ab integro nouam, nullo lapide rediuui? an quatuor illas reponere? nemo dubitat: quin multo maius sit nouam facere. Ostendam in ædibus priuatis, longa, difficiliq; uectura, columnas singulas ad impluuium HS quadragenis millibus nō minus magnas locatas. Sed ineptum est de tam perspicua istius impudentia pluribus uerbis disputare: præsertim cum iste aperte tota lege omnium sermonem, atq; existimationem contempserit: qui etiam ad extremum conscripserit. **REDIUIVA SIBI HABETO.** quasi quicquam rediuiui ex opere illo tolleretur: ac nō totum opus ex rediuiuis constitueretur. At enim si pupillo redimi non licebat: non necesse erat rem ad ipsum peruenire: poterat aliquis ad id negotium de populo accedere. omnes exclusi sunt, non minus aperte, quā pupillus. diem præstituit operi faciundo Cal. Decembris. locat arceiter Idus Septembris. angustijs temporis excluduntur omnes. quid ergo? Rabonius istam diem quomodo assequitur? nemo Rabonio molestus est neq; Cal. Decembris, neq; nonis, neq; Idibus. deniq; aliquanto in prouinciam iste proficiscitur prius, quā opus effectum est. posteaquam reus factus est: primo negabat opus in acce

ptum referre posse: cum instaret Rabonius: in me cau-  
sam conferebat: quod tum codicem obsignassem. petit a  
me Rabonius: & amicos allegat: facile impetrat. iste qd  
ageret, nesciebat. si in acceptum non retulisset: putabat  
se aliquid defensionum habiturum: Rabonium porro in-  
telligebat rem totam esse patefacturum: tamen si quid po-  
terat esse apertius: quam nunc est: ut uno minus teste ha-  
beret Rabonio? opus in acceptum retulit quadriennio post  
quam diem operi dixerat. Hac conditione, si quis de po-  
pulo redemptor accessisset: cum die ceteros redemptores  
exclusisset: tum in eius arbitrium ac potestatem uenire  
nolebatur: qui sibi ereptam prædam arbitraretur. Non ne  
argumentamur quo ista pecunia peruenerit? fecit ipse iu-  
diciū. Primum cum uehementius cum eo D. Brutus  
contenderet: qui de sua pecunia HS CCL millia nume-  
rauit: quod iam iste ferre non poterat opē addicto: præ-  
dibus acceptis de HS DLX millibus, remisit D. Bru-  
to HS CX millia. Hoc, si aliena res esset: certe facere  
non potuisset. deinde nummi numerati sunt Cornifi-  
cio: quem scribam suum fuisse negare non potest. Postre-  
mo ipsius Rabonij tabulæ prædam illam istius fuisse cla-  
mant. Recita nomina Rabonij. Hic etiam priore  
actione Q. Hortensius pupillum Iunium uenisse præ-  
textatum in uestrum conspectum, & testes secum, pa-  
truo testimonium dicente quæstus est: & me populari-  
ter agere, atq; inuidiam commouere, quod puerum pro-  
ducerem: clamitauit. quid erat Hortensi tandem in illo  
puero populare? quid inuidiosum? Gracchi credo, aut  
Saturnini, aut alicuius hominis eiusmodi, produxeram  
filium: ut nomine ipso, & memoria patris, animos im-  
peritæ multitudinis concitarem. P. Iunij erat, hominis

de plebe Romana filius: quem pater moriens tum tuto-  
ribus, et propinquis, tum legibus, tum æquitati magistra-  
tuum, tum iudicis uestris commendandum putauit. hic istius  
scelerata locutione, nefarioq; latrocinio bonis patris, for-  
tunisq; omnibus spoliatus uenit in iudiciũ: si nihil aliud,  
saltem ut eum, cuius opera ipse multos annos est in for-  
dibus: paulo tamen obsoletius uestitum uideret. Itaq; tibi  
Hortensi non illius ætas, sed causa, non uestitus, sed for-  
tuna popularis uidebatur: neq; te tam commouebat: quod  
ille cum toga prætexta, quàm quod sine bulla uenerat.  
uestitus enim niminem commouebat is: quem illi mos,  
& ius ingenuitatis dabat. quod ornamentum puericiæ  
pater dederat, indicium, atq; insigne fortunæ: hoc ab  
isto prædone ereptum esse, grauiter, & acerbe homines  
ferebant. neq; erant hæ lachrymæ populares magis, q̃  
nostræ, quàm tuæ Q. Hortensi, quàm horum qui sen-  
tentiam latueri sunt. ideo quod communis est causa: com-  
mune periculum: communi præsidio talis improbitas,  
tanquam aliquod incendium, restinguenda est. habemus  
enim liberos paruos: incertum est quàm longa no-  
strum cuiusq; uita futura sit: consulere uiui, ac prospice-  
re debemus: ut illorum solitudo, & puericia quamfir-  
missimo præsidio munita sit. quis est enim, qui tueri pos-  
sit liberum nostrorum puericiam contra improbitatem  
magistratuum? mater credo. scilicet magno præsidio fuit  
Anniæ pupillæ mater scæmina primaria: munus, illa de-  
os hominesq; implorante, iste infanti pupillæ fortunas  
patrias ademit. tutores ne defenderent? perfacile uero,  
apud istiusmodi prætorem: a quo M. Marcelli tutoris in  
causa pupilli Iunij & oratio, & uoluntas, & auctori-  
tas repudiata est. quæremus etiam, quid iste in ultima



Phrygia, quid in extremis Pamphyliæ partibus fecerit?  
 qualis in bello prædonum prædo ipse fuerit? qui in fo-  
 ro Populi romani pirata nefarius reperiatur? dubita-  
 mus quid iste in hostium præda molitus sit? qui manu-  
 bias sibi tantas ex L. Metelli manubijs fecerit: qui maio-  
 re pecunia quatuor columnas dealbandas, quam ille o-  
 mnes ædificandas locauerit? expectemus quid dicant ex  
 Sicialia testes? quis unquam templum illud aspexit? quin  
 auariciæ tuæ, quin iniuriæ, quin audaciæ testis esset?  
 quis à signo Vertumni in circum maximū uenit? quin-  
 is uno quoq; gradu de auaricia tua commoneretur?  
 quam tu uiuam thesaurum, atq; pompæ eiusmodi exegi-  
 sti: ut tu ipse illa ire non audeas. te putet quisquam, cum  
 ab Italia freto disiunctus esses: socijs temperasse? qui ædē  
 Castoris testem furtorum tuorum esse uolueris: quā po-  
 pulus romanus quotidie, Iudices etiā tum, cum de te sen-  
 tentiam ferrent: uiderent. Atq; etiam iudicium in Præ-  
 tura publicum exercuit. non enim prætereundū est ne  
 id qdē. petita multa est apud istum prætorē à Q. Opī-  
 mio: qui adductus in iudiciū uerbo, quod cum esset Tr-  
 plebis: intercessisset contra legem Corneliam: quod in  
 Tribunatu dixisset contra alicuius hominis nobilis uo-  
 luntatem. de quo iudicio si uelim dicere omnia: multi  
 appellandi, ledendiq; sunt: quod mihi non est necesse.  
 tantum dicam: paucos homines arrogantes hoc adiuto-  
 re Q. Opimium per ludum, & iocum fortunis omni-  
 bus euertisse. is mihi etiam queritur: quod à nobis  
 VIII solis diebus prima actio sui iudicij transacta  
 sit: cum apud ipsum tribus horis Q. Opimius senator  
 populi Ro. bona, fortunas, ornamenta omnia amiserit.  
 cuius propter indignitatem iudicij, sæpissime est actum

in Senatu: ut genus hoc totum mulctarum, ac iudicio-  
rum cuiusmodi tolleretur. Iam uero in bonis Q. Opi-  
mij uendendis quas iste prædas, quàm aperte, quàm  
improbe fecerit, longum est dicere. hoc dico: nisi uobis  
id hominum honestissimorum tabulis planum fecero:  
fingi à me hoc totum temporis causa putatote. Iam qui  
ex calamitate senatoris populi Ro. cum Prætor iudicio  
eius præfuisse: spolia domum suam referre, & manu-  
bias deirahere, conatus est: is ullam ab sese calamita-  
tem poterit deprecari? nam de subfortitione illa Iunia  
na iudicium nihil dico. quid enim? contra tabulas, quas  
tu protulisti, audes dicere? difficile est. non enim me tua  
solum, & iudicium auctoritas, sed etiam annulus au-  
reus scribæ tui deterret. non dicam id quod probare  
difficile est? hoc dicam: quod ostendam. multos ex te ui-  
ros primarios audisse: cum diceres, ignosci tibi oportere:  
quod falsum codicem protuleris. nam qua inuidia C.  
Iunius conflagrarit: ea, nisi prouidisses: tibi ipsi tum per-  
eundum fuisset. hoc modo iste sibi, & saluti suæ pro-  
spicere didicit, referendo in tabulas, & priuatas &  
publicas quod gestum non esset: tollendo quod esset:  
& semper aliquid demendo, mutando, curando ne  
litura appareat, interpolando. eo enim usque progredi-  
tur: ut ne defensionem quidem maleficiorum suorum  
sine alijs maleficijs reperire possit. Eiusdem modi for-  
titionem homo amentissimus suorum quoque Iudicium  
fore putauit, per sodalem suum Q. Curtium Iudi-  
cem quæstionis: cui nisi ego ui populi, & hominum  
clamore, atq; conuitio resistissem: ex hac decuria no-  
stra cuius mihi copiam quàm largissime factam oportet.

tebat : erepta esset facultas eorum: quos iste annuerat  
in suum consilium sine causa subsortiebatur. \*

Desideratur quippiam.

## ACCUSATIONIS IN C. VER-

## REM LIBER IIII. ORA

## TIO VII.

ULTA mihi necessario Iudices præ-  
 m termittenda sunt: ut possim aliquo modo  
 aliquando de his rebus, quæ meæ fidei  
 commissæ sunt: dicere. recepi enim cau-  
 sam Siciliae: ea me ad hoc negotium provincia attraxit.  
 ego tamen hoc onere suscepto, & recepta causa Sicaliensi,  
 amplexus animo sum aliquanto amplius. suscepi enim  
 causam totius ordinis: suscepi causam populi romani:  
 quod putabam tum deniq; recte iudicari posse: si non mo-  
 do reus improbus adduceretur: sed etiam diligens, &  
 firmus accusator ad iudicium ueniret. quo mihi matu-  
 rius ad Siciliae causam ueniendum est, relictis cæteris  
 eius furtis, ac flagitijs: ut & uiribus quàm integerrimis  
 agere: & ad dicendum temporis satis habere possim.  
 Atq; adeo antequam de incommodis Siciliae dico: pau-  
 ca mihi uidentur esse de provinciae dignitate, uetusta-  
 te, utilitate, dicenda. Nam cum omnium sanctorum pro-  
 uinciarumq; rationem diligenter habere debetis: tum  
 præcipue Siciliae iudices, plurimis, iustissimisq; de cau-  
 sis. primum quod omnium nationum exterarum prin-  
 ceptis Sicilia se ad amicitiam fidemq; populi Ro. appli-  
 cuit: prima omnium, id quod ornamentum imperij est:  
 provincia est appellata: prima docuit maiores nostros,  
 quàm præclarum esset exteris gentibus imperare: so-  
 la fuit ea fide, beneuolentiâq; erga populum romanum:  
 ut ciuitates eius insulae, quæ semel in amicitiam nostrâ



uenissent: nunquam postea deficerent: pleraque autem, et maxime illustres in amicitia perpetuo manerent. itaque maioribus in Africam ex hac provincia gradus imperij factus est. neque enim tam facile opes Carthagini tantae concidissent: nisi illud, et rei frumentariae subsidium, et receptaculum classibus nostris pateret: quare P. Africanus Carthagine deleta, Siculorum urbes signis, monumentisque pulcherrimis exornauit: ut quos uictoria populi Romani maxime letari arbitrabatur: apud eos monumenta uictoriae plurima collocaret. denique ille ipse M. Marcellus, cuius in Sicilia uirtutem hostes, misericordiam uicti, fidem ceteri Siculi perspexerunt: non solum socijs in eo bello consuluit: uerum etiam superatis hostibus temperauit: urbem pulcherrimam Syracusas, quae cum manu munitissima esset: tum loci natura terra, ac mari claudebatur: cum in consilioque coepisset: non solum incolumem passus est esse: sed ita reliquit ornatam: ut esset idem monumentum uictoriae, mansuetudinis, continentiae: cum homines uiderent, et quid expugnasset: et quibus peperisset: et quae reliquisset. tantum ille honorem Siciliae habendum putauit: ut ne hostium quidem urbem ex sociorum insula tollendam arbitraretur. itaque ad omnes res Siciliae provincia semper usi sumus: ut quicquid ex sese posset efferre: id non apud eos nasci, sed domi nostrae conditum putaremus. quando illa frumentum, quod deberet: non ad diem dedit? quando id, quod opus esse putaret: non ultro pollicata est? quando id, quod imperaretur: recusauit? itaque ille M. Cato sapiens, celam penariam Reipublicae nostrae, nutricem plebis Romanae Siciliam nominauit. nos uero experti sumus, italico maximo difficillimoque bello Siciliam nobis non pro pe-

naria cella, sed pro aerario illo maiorum uetere, ac referto fuisse. nam sine ullo sumptu nostro corijs, tunicis, frumentoq; suppeditato, maximos exercitus nostros uestiuit: aluit: armauit. quid illa? quod forsitan ne sentimus quidem iudices: quanta sunt? quod multis locupletioribus ciuibus utimur: quod habent propinquam fidelem, fructuosamq; provinciam: quo facile excurrant: ubi libenter negotium gerant. quos illa partim mercibus suppeditandis cum quaestu compendioq; dimittit: partim retinet: ut arare, ut pascere, ut negociari libeat: ut deniq; sedes, ac domicilium collocare. quod commodum non mediocre populi Ro. est: tantum ciuium Ro. numerum, tam prope ab domo, tam bonis, fructuosisq; rebus, detineri. Et quoniam quasi quaedam praedia populi Ro. sunt, uectigalia nostra, atq; provinciae: quemadmodum propinquis nos uestris praedijs maxime delectamur: sic populo Ro. iucunda suburbanitas est huiusce provinciae. Iam uero hominum ipsorum Iudices ea patientia, uirtus, frugalitasq; est: ut proxime ad nostram disciplinam illam ueterem, non hanc, quae nunc increbuit: uideantur accedere. nihil caeterorum simile graecorum: nulla desidia: nulla luxuria: contra summus labor in publicis, priuatisq; rebus: summa parsimonia: summa diligentia. sic porro nostros homines diligunt: ut his solis neq; publicanus, neq; negociator odio sit. magistratuum autem nostrorum iniurias ita multorum tulerunt: ut nunquam ante hoc tempus ad aram legum, praesidiumq; uestrum publico consilio confugerent. tamen illud annum pertulerant: qui sic eos affixerat: ut salui esse non possent: nisi C. Marcellus quasi aliquo fato uenisset: ut bis ex eadem familia salus

*Siciliæ constitueretur: postquam M. Antonij infinitum il-*  
*lud imperium senferant. Sic a' maioribus suis accepe-*  
*rant: tanta populi Ro. in Siculos esse beneficia: ut etiam*  
*iniurias nostrorum hominum perferendas putarent.*  
*In neminem ciuitates ante hunc testimonium publice di-*  
*xerunt. hunc deniq; ipsum pertulissent: si humano mo-*  
*do, si usitato more, si deniq; uno aliquo in genere peccas-*  
*set. sed cum perferre non possent luxuriam, crudelita-*  
*tem, auariciam, superbiam: cum omnia sua commoda, ius-*  
*ta, beneficia S. P. q; Ro. unius scelere ac libidine per-*  
*didissent: hoc statuerunt: aut istius iniurias per uos ul-*  
*cisci, & persequi: aut si uobis indigni essent uisi, qui-*  
*bus opem auxiliumq; ferretis: urbes ac sedes suas re-*  
*linquerent: quando quidem iam ante istius iniurijs exa-*  
*gitati reliquissent. Hoc consilio a' L. Metello legationes*  
*uniuersæ petiuerunt: ut quam primum isti succederet.*  
*hoc animo totiens apud patronos de suis miserijs deple-*  
*rarunt. hoc commoti dolore postulata consulibus, quæ*  
*non postulata, sed in istum crimina uiderentur. esse: edi-*  
*derunt. fecerunt etiam, ut me, cuius fidē continentiamq;*  
*cognouerant: propè de uitæ meæ statu dolore, ac lachry-*  
*mis suis deducerent: ut ego istum accusarem: a' quo mea*  
*longissime ratio uoluntasq; abhorrebat. quanquam in*  
*hac causa multo pluris partes mihi defensionis, quàm*  
*accusationis suscepisse uideor. Postremo homines ex tota*  
*provincia nobilissimi, primiq; publice priuatimq; uene-*  
*runt: grauissima, atq; honestissima quæq; ciuitas uehe-*  
*mentissime suas iniurias persecuta est. At quemadmo-*  
*dum Iudices uenerunt? uideor enim mihi liberius apud*  
*uos iam pro Siculis loqui debere: quàm forsitan ipsi ue-*  
*lint. saluti enim eorum potius consulam, quàm uolun-*

tati. Ecquem existimatis unquam ulla in provincia  
reum absentem, contra inquisitionem accusatoris, tantis  
opibus, tanta cupiditate esse defensum? quæstores utriusq;  
provinciae, qui isto Pr. fuerant: cum fascibus mihi præ  
sto fuerunt. hi porro, qui successerunt: uehementer istius  
cupidi liberaliter ex istius cibarijs tractati, non minus  
acres contra me fuerunt. uidete quid potuerit: qui qua-  
tuor in provincia quæstores studiosissimos defensores;  
propugnatoresq; habuerit: prætorem uero, cohortemq;  
totam sic studiosam: ut facile appareret: non tam illis  
Siciliam, quam inanem offenderant: quàm Verrem ip-  
sum, qui plenus decesserat: provinciam fuisse. minari Si-  
culis si decressent legationem: quæ contra istum diceret:  
minari, si qui essent profecti: alijs si laudarent benignis-  
sime promittere: grauissimos priuatarum rerum testes,  
qbus nos præsentibus denuntiauimus: eos ui custodysq;  
retinere. quæ cum omnia facta sunt: tamen unam so-  
lam scitote esse ciuitatem Mamertinam, quæ publice le-  
gatos, qui istum laudarent: miserit. eius autem legatio-  
nis principem ciuitatis nobilissimum, C. Heium iura-  
tum dicere audistis: isti nauem onerariâ maximam Mes-  
sanæ esse publice coactis operis ædificatam. idemq; Ma-  
mertinorum legatus, istius laudator, non solum istum  
bona sua, uerum etiam sacra, deosq; penates à maio-  
ribus traditos ex edibus suis eripuisse dixit. præclara  
laudatio: cum duabus in rebus legatorum una opera  
consumitur: in laudando, atq; repetendo. Atq; ea ipsa ci-  
uitas qua ratione illi amica sit: dicetur certo loco. reperie-  
tis enim, quæ causæ beneuolentiæ sint Mamertinis erga  
istum: eas ipsas causas satis iustas esse damnationis. Alia  
ciuitas nulla Iudices publico consilio laudat. uis illa sum



mi imperij tantum potuit apud perpaucos homines, non  
 ciuitates: ut aut leuissimi quidam ex miserrimis, deser-  
 tissimisq; oppidis inuenirentur: qui iniussu populi, ac se-  
 natus proficiscerentur: aut hi qui contra istum legatos  
 decreuerant: et testimonium publicum, mandataq; ac-  
 ceperant: ui ac metu retinerentur. quod ego in paucis ta-  
 men usu uenisse non moleste fero: quo reliquæ tot, et tan-  
 tæ, et tam graues ciuitates, tota deniq; Sicilia plus au-  
 thoritatis apud uos haberet: cum uideretis nulla ui reti-  
 neri: nullo periculo prohiberi posse: quo minus expe-  
 rirentur: ecquid apud uos querimonie ualerent anti-  
 quissimorum, fidelissimorumq; sociorum. nam quod for-  
 tasse nō nemo uestrū audierit: istum a Syracusanis pu-  
 blice laudari: id tamen si priore actione ex Heracly Sy-  
 racusani testimonio cuiusmodi esset cognouistis: tamen  
 uobis alio loco, ut se tota res habeat: quod ad eam ciuita-  
 tem attinet: demonstrabitur. intelligetis enim nullis ho-  
 minibus quenquam tanto odio, quanto istum Syracu-  
 sanis esse, et fuisse. At enim istum soli Siculi persequun-  
 tur: Cives Ro. qui in Sicilia negotiantur: defendunt: di-  
 ligunt: saluum esse cupiunt. Primum si ita esset: ta-  
 men uos in questione de pecunijs repetundis, quæ socio-  
 rum causa constituta est: lege iudicioq; sociali, sociorum  
 querimonias audire oporteret. sed intelligere potuistis  
 priore actione cives Ro. ex Sicilia plurimos, honestissi-  
 mos, maximis de rebus et quas ipsi accepissent iniu-  
 rias, et quas scirent alijs esse factas, pro testimonio di-  
 cere. Ego hoc quod intelligo Iudices, sic confirmo. Vi-  
 deor mihi gratum fecisse Siculis: quod eorum iniurias  
 meo labore, inimicitias periculo sim persequutus. non  
 minus hoc gratum me nostris ciuibz intelligo fecisse:

qui hoc existimant: iuris, libertatis, rerum, fortunarūq;  
suarum salutem, in istius damnatione consistere. Quā  
propter de istius Prætura Siciliensi non recuso, quin ita  
me audiat: ut si cuiquam generi hominum, siue Si-  
culorum, siue nostrorum quivum, siue cuiquam ordi-  
ni, siue aratorum, siue pecuariorum, siue mercatorum  
probatum sit: si non horum omnium communis hostis præ-  
dōq; fuerit: si cuiquam deniq; ulla in re unquam tem-  
peravit: ut vos quoq; temperetis. Qui simul atq; ei  
sorte provincia Sicilia obuenit: statim Romæ, & ab  
urbe antequam proficisceretur: querere ipse secum, &  
cogitare cum suis ccepit: quibusnam rebus in ea pro-  
vincia maximam uno anno pecuniam facere posset. no-  
lebat in agendo discere. tametsi non provinciæ rudis  
erat, & tyro. sed in Siciliam paratus ad prædam, me-  
ditatusq; uenire cupiebat. O præclare coniectum à  
iulgo in illam provinciam omen communis famæ, atq;  
sermonis: cum ex nomine istius, quid in provin-  
cia facturum esset, perridiculi homines augurabantur.  
etenim quis dubitare posset: cum istius in quæstura fu-  
gam, & furtum recognosceret: cum in legatione oppi-  
dorum, fanorumq; spoliationes cogitaret: cum uideret  
in foro latrocinia Præturæ: qualis iste in quarto actu  
improbitalis futurus esset. Atq; ut intelligitis eum Ro-  
mæ quæsisse non modo genera furandi, sed etiam nomi-  
na: certissimum accipite argumentum: quo facilius de sin-  
gulari eius impudentia existimare possitis. Quo die Si-  
ciliam tetigit (uidete satis ne paratus ex illo omne ur-  
bano ad euertendam provinciam uenerit) statim Mes-  
sana literas Halesam mittit: quas ego istum in Italia scri-  
psisse arbitror. nam simulatq; è navi egressus est: dedit

operam ut Halesimus ad se Dio continuo ueniret: se de hereditate uelle cognoscere: quæ eius filio à propinquo hominè Apollodoro Laphirone uenisset. ea erat Iudices per grandis pecunia. hic est Dio Iudices nunc beneficio Q. Metelli cuius Ro. factus: de quo multis uiris primarijs testibus, multorumq; tabulis uobis priore actione satisfactum est, HS undecies numeratum esse: ut eâ causam, in qua ne tenuissima quidem dubitatio posset esse: isto cognoscente obtineret. præterea greges nobilissimarum equarum ab actos: argenti, uestisq; stragulæ, domi quod fuerit, esse direptum. ita HS undecies Q. Dionem, quod hereditas ei obuenerat: nullam aliam ob causam, perdidisse. quid? hæc hereditas quo prætorè Dionis filio uenerat? eodem, quo P. Anni Senatris filia: eodem, quo M. Liguri senatori: C. Sacerdote Prætorè. quid? tum nemo molestus Dioni fuerat? non plus, quàm Liguri Sacerdote prætorè. quid? ad Verrem quis detulit? nemo: nisi forte existimatis ei quadruplatores ad fretum præsto fuisse. ad urbem cum esset: audiuit Dioni cuidam Siculo permagnam uenisse hereditatem: heredem statuas iussu esse in foro ponere: nisi posuisset: Veneri Erycinæ esse mulctatum. tamen si posita essent ex testamento: putabat tamen, quoniam Veneris nomen esset: causam pecuniæ se reperturum. itaq; apponit qui petat Veneri Erycinæ illam hereditatem. nō enim quæstor petit ut est consuetudo is, qui Erycum mortem obtinebat. petit Neuius Turpio quidam istius excursor & emissarius, homo omnium ex illo conuentu quadruplatorum deterrimus, C. Sacerdote Prætorè condemnatus iniuriarum. etenim erat eiusmodi causa: ut ipse prætor cum quæreret calumniatorem: paulo tamen considerationem

men considerationem reperire non posset. hunc hominem Veneri absoluit: sibi condemnat. maluit uidelicet homines peccare, quam deos: se potius à Dione, quod non licebat: quam Venerem, quod non debebatur: auferre. Quid ego nunc hic Sex. Pompeij Chlorig testimonium recitem? qui causam egit Dionis: qui omnibus rebus interfuit: hominis honestissimi: tamen si cuius Ro. uirtutis causa iam diu est: tamen omnium Sicularum primi, ac nobilissimi. quid ipsius Q. Cecilij Dionis hominis probatissimi, ac prudentissimi? quid L. Veteilij Ligurij, T. Manlij, L. Caleni? quorum omnium testimonys de hac Dionis pecunia confirmatum est. dixit hoc idem M. Lucullus, se de his Dionis incommodis pro hospitio, quod sibi cum eo esset: iam ante cognosse. quid? Lucullus, qui tum in Macedonia fuit: melius hæc cognouit: quam tu Hortensi? qui Romæ fuisti: ad quem Dio confugit: qui de Dionis iniurijs grauissime per literas cum Verre questus es? noua tibi hæc sunt, & inopinata? nunc primum hoc aures tuæ crimen accipiunt? nihil de Dione? nihil de socru tua scæmina primaria Seruilia uetere Dionis hospita audisti? non ne multa mei testes, quæ tu scis, nesciunt? non ne te mihi testem in hoc crimine eripuit, non istius innocentia, sed legis exceptio? TESTIMONIA M. LVCVLLI, CHLORI, DIONIS. Satis ne uobis magnam pecuniam Venerius homo, qui è Chelidonis sinu in prouinciam profectus esset: Veneris nomine quesisse uidetur? Accipite aliam in minore pecunia non minus impudentem calumniam. Sosippus, et Epicrates fratres sunt Agyrinenses. horum pater ab hinc duo et XX annos est mortuus. in cuius testamento quodam loco si commissum quid esset: mulctæ erat Veneri.



ipsos XX annos, cum tot interea Prætores, tot quæsto-  
 res, tpt calumniatores in provincia fuissent: hæreditas ab  
 his Veneris nomine petita non est. causam Verres co-  
 gnoscit: per Volcatium pecuniam accepit, fere ad HS  
 CCCC millia ab duobus fratribus. multorum testimo-  
 nium audistis antea. uicerunt Agyrinenses fratres, ita;  
 ut egentes inanesq; discederent. at enim ad Verrem pe-  
 cunia ista non peruenit. quæ est ista defensio? utrum as-  
 seueratur in hoc: an tentatur? mihi enim res noua est.  
 Verres calumniatores apponebat: Verres adesse iubebat:  
 Verres cognoscebat: Verres iudicabat: pecuniæ maxi-  
 mæ dabantur: qui dabant, causas obtinebant: tu mihi ita  
 defendas? non est ista Verri numerata pecunia. adiu-  
 uo te: mei quoq; testes idem dicunt: Volcatio dicunt sese  
 dedisse. quæ uis erat Volcatio tanta? ut HS CCCC mil-  
 lia duobus hominibus auferret? et quis Volcatio, si sua  
 sponte uenisset: unam libellam dedisset? ueniat nunc: ex-  
 periat: tecto recipiet nemo. at ego amplius dico. HS  
 quadrigentes accepisse te arguo contra leges: nego tibi  
 ipsi ullum nummum esse numeratum. sed cum ob tua de-  
 creta, ob imperata, ob iudicata, pecuniæ dabantur: non  
 erat querendum cuius manu numerarentur: sed cuius  
 iniuria cogerentur. comites illi tui delecti, manus erant  
 tuæ: Præfecti, Scribæ, Medici, Aetensi, Aruspices, Præco-  
 nes, manus erant tuæ: quo quisq; te maxime cognatione,  
 affinitate, necessitudine aliqua attingebar: ita maxime  
 manus tua putabatur: cohors tota illa tua, quæ plus ma-  
 Li Siciliæ dedit: quàm si centum cohortes fugitiuorum  
 fuissent: tua manus sine controuersia fuit. quicquid ab ho-  
 rum quopiam captum est: id non modo tibi datum, sed  
 tua manu numeratum iudicari necesse est: nam si hanc

defensionem probabitis: non accepit ipse: licet omnia de pecunijs repetundis iudicia tollatis: nemo unquam tam reus, tam nocens adducetur: qui ista defensione non possit uti. etenim cum Verres utatur: quis erit unquā post hac reus tam perditus: qui non ad Q. Mutij innocentiam referatur: si cum isto conferatur: neq; nunc tam mihi isti Verrem defendere uidentur: quā in Verre defensionis tentare rationem. Qua de re Iudices uobis magnopere prouidendum est. pertinet hoc ad summam rei publicæ, & ad existimationem ordinis, salutemq; sociorum. si enim innocentes existimari uolumus: non solū nos abstinentes, sed etiam nostros comites præstare debemus. Primum omnium opera tanta danda est: ut eos nobiscum ducamus, qui nostræ famæ capitiq; consulāt. deinde si in hominibus eligendis nos spes amicitiae fefellerit: ut uindicemus: missos faciamus: semper ita uiuamus: ut rationem reddendam nobis arbitremur. Africani est hoc hominis liberalissimu. uerūtamen ea liberalitas est probanda: quæ sine periculo existimationis est: ut in illo fuit. Cum ab eo quidā uetus affectator ex numero amicorum non impetraret: ut se præfectum in Africam duceret: & id ferret moleste: noli inquit murari, si tu à me hoc non impetras: ego iam pridem ab eo, cui meam existimationem caram fore arbitror: peto, ut mecum præfectus proficiscatur: & adhuc impetrare non possum. et enim re uera multo magis est petendum ab hominibus, si salui esse uolumus: ut eant nobiscum in prouinciam: quā hoc illis in beneficij loco deferendum. Sed tu, cum & tuos amicos in prouinciam quasi in prædam inuitabas: ac cum illis, ac per eos prædabare: & eos in conuisione annulis aureis donabas: non statuebas tibi non so-

lum de te, sed etiam de illorum factis rationem esse reddendam? Cum hos sibi quæstus constituisset magnos atque uberes, ex his causis, quas ipse instituerat in consilio, hoc est cum sua cohorte cognoscere: tum infinitum genus inuenerat ad innumerabilem pecuniam corripicndā. Dubium nemini est: quin omnes omnium pecuniæ positæ sint in eorum potestate, qui iudicia dant: Et eorum qui iudicant: quin nemo nostrum possit ædes suas, nemo fundum, nemo bona patria obtinere: si cum hæc à quopiam uestrum petita sunt: prætor improbus, cui nemo interdicere possit: det quem uelit iudicem: iudex nequam Et leuis, quod prætor iusserit: iudicet. si uero illud quoque accidet: ut Prætor in ea uerba iudicium det: ut uel Octavius Balbus iudex, homo Et iuris, Et officij peritissimus non possit aliter iudicare: sit eiusmodi L. Octavius iudex. esto, si apparet fundum Capenatem quo de agitur ex iure æquum P. Seruiliij esse: neque is fundus Q. Catulo restituetur: non necesse erit L. Octauio iudici cogere P. Seruilium Q. Catulo fundum restituere? aut cōdemnare eum: quem non oporteat? eiusdemmodi totum ius Prætorium, eiusdemmodi omnis res iudiciaria fiat in Sicilia per triennium Verre Prætoris. decreta eiusdemmodi. SI NON ACCIPIT QVOD TE DEBERE DICIS, ACCVSES. SI PETITVR, DVCAS. C. Fuscium duci iussit petitem: L. Suetium, L. Racilium. iudicia huiusmodi. QVI CIVES RO. ERANT, SI SICVLI ESSENT TVM SI EORVM LEGIBVS DARI OPORTERET. QVI SICVLI SI CIVES RO. ESSENT. Verum ut totum genus amplectamini iudiciorum: prius iura Siculorum, dein

de istius instituta cognoscite. Siculi hoc iurē sunt: ut quod  
 cuius cum aue agat, domi certet suis legibus. quod Sici-  
 lus cum Siculo non eiusdem ciuitatis, ut de eo prætor iu-  
 dices ex P. Rupili decreto, quod is de decem legatorum  
 sententia statuit: quam legem Siculi Rupiliam uocant:  
 sortitur. quod priuatus à populo petit: aut populus à  
 priuato, Senatus ex aliqua ciuitate, qui iudicet, datur: cū  
 alterne ciuitates reiectæ sunt. quod cuius Romanus à Si-  
 culo petit: Siculus index datur. quod Siculus à aue Ro-  
 mano, cuius Ro. datur. cæterarum rerum selecti iudi-  
 ces ex ciuium romanorum conuentu proponi solent. In-  
 ter aratores & decumanos lege frumentaria, quam Hie-  
 ronicam appellant: iudicia fiunt. Hæc omnia isto præ-  
 tore non modo perturbata, sed planè & siculis, & ciui-  
 bus ro. erepta sunt. Primum suæ leges, quod cuius cum ci-  
 ue ageret: aut eum iudicem, quem commodum erat: præ-  
 conem, Aruspiciem, Medicum suum dabat: aut si legibus  
 erat iudicium constitutum: & ad quem suum iudicem  
 uenerant: libere cui iudicare non licebat. Edictum enī  
 hominis cognoscite: quo edicto omnia iudicia redegerat  
 in suam potestatem. si quis perperam iudicasset: se cogni-  
 turum: cum cognosset: animaduersurum. idq; cum facie-  
 bat: nemo dubitabat, quin cum index alium de suo iu-  
 dicio putet iudicaturum: seq; in eo capitis periculum adi-  
 turum: uoluntatem spectet eius: quem statim de capite  
 suo putet iudicaturum. Selecti è conuentu, aut propositi  
 ex negotiatoribus iudices, nulli. hæc copia, quam dico iu-  
 dicum, cohors non Q. Sæuolæ, qui tamen de cohorte  
 sua dare nō solebat: sed C. Verris. cuiusmodi cohortē pu-  
 tatis hoc principe fuisse? sicuti uidetis edictū. SI QUID  
 PERPERAM IUDICARIT SENATVS.



eum quoque ostendā, si quādo sit datus: coactu istius quā nō  
 senferit, iudicasse. Ex lege Rupilia sortitio nulla: nisi cū  
 nihil intererat istius. lege Hieronica iudicia plurimarū  
 controuersiarū sublata uno nomine oīa. de conuētū, ac  
 negotiatoribus nulli iudices. quantā potestatem habuerit  
 uidetis: quas res gesserit cognoscite. Heraclius est Hie  
 ronius filius Syracusanus, homo imprimis domū suā no  
 bilis, et ante hūc Pr. uel pecuniosissimus Syracusanorū:  
 nunc nulla alia calamitate, nisi istius auaricia, atque  
 iniuria pauperrimus. huic hæreditas facile ad HS tri  
 cies uenit testamento propinqui sui Heraclij: plena do  
 mus cælati argenti optimi, multæque stragulae uestis, pre  
 ciosissimorumque mancipiorum. quibus in rebus istius cie  
 piditates, et insaniam quis ignorat? Erat in sermone  
 res: magnam Heraclio pecuniam uenisse: non solum He  
 raclium diuitem, sed etiam ornatum supellectili, argen  
 to, ueste, mancipijs futurum. audit hæc etiam Verres: et  
 primo, illo suo leniore artificio Heraclium aggredi co  
 natur: ut eum roget inspicienda, quæ non reddat. dein  
 de à quibusdam Syracusanis admonetur. hi autem qui  
 dam erant affines istius, quorum uxores iste nunquam  
 alienas existimauit: Cleomenes, et Hescio: qui quantum  
 apud istum, et quā turpi de causa potuerint: ex reli  
 quis criminibus intelligetis. hi ut dico hominem admo  
 nent: rem esse præclarā, refertam omnibus rebus: ipsam  
 autem Heraclium hominem esse maiorem natu, non  
 promptissimum: et eum præter Marcellos, patronum,  
 quem iure suo adire, aut appellare posset: habere nemi  
 nem: esse in eo testamento, quo ille hæres esset: scriptum:  
 ut statuas in palestra deberet ponere. faciemus ut pale  
 stræ negent ex testamento esse positus: petant hæreditate

tem: quod eam palestræ commisisse dicant. placuit ratio Verri. nam hoc animo providebat: cum tanta hereditas in controuersiam uenisset: iudicioq; peteretur: fieri nō posse: ut sine praeda ipse discederet. approbat consilium: auctor est ut quamprimum agere incipiant: hominemq; id ætatis minime litigiosum quantumultuosissime adorianur. scribitur heraclio dici. primo mirantur omnes improbitatem calumnie. deinde, qui istum nossent, partim suspicabatur: partim plane uidebant adiectum esse oculum hereditati. interea dies aduenit: quo die sese ex instituto, ac lege Rupilia dicās sortiturum Syracusis iste edixerat: paratus ad hanc dicām sortiendam uenerat. tum eum docet Heraclius non posse eo die sortiri: quod lex Rupilia uetaret diebus XXX sortiri dicām, quibus scripta esset. dies XXX non dum fuerant. sperabat Heraclius, si illum diem effugisset: ante alteram sortitionem Q. Arrium, quem provincia tum maxime expectabat: successurum. iste omnibus iudicijs diem distulit: & eam diem constituit: ut hanc Heraclij dicām sortiri post dies XXX ex lege posset. posteaquam ea dies uenit: iste incipit simulare se uelle sortiri: Heraclius cum aduocatis adiit: & postulat: ut sibi cum palestritis, hoc est cum populo Syracusano æquo iure disceptare liceat. aduersarij postulant: ut in eam rem iudices dentur ex his ciuitatibus, quæ in id forum conuenirent, electi qui Verri uiderentur. Heraclius contra ut iudices è lege Rupilia dentur: ut ab institutis superiorum, ab auctoritate Senatus, ab iure omnium Siculorum ne recedatur. Quid ego istius in iure dicendo libidinem demonstrē? quis uestrum non ex urbana iurisdictione cognouit? quis unquam isto Prætorē Chelidone inuita lege agere po-

tuit. non istum ut non neminem provincia corrumpit:  
 idem fuit qui Romæ. cum id, quod omnes intelligebant,  
 diceret Heraclius: ius esse certum Siculis, inter se quo  
 iure certarent: legem esse Rupiliam, quam Prætor Rupi-  
 lius ex S. C. de decem legatorum sententia dedisset: hoc  
 omnes semper in Sicilia Consules Prætoresq; seruasse:  
 negauit se iudices è lege Rupilia sortituros: quinque iudi-  
 ces, quos commodum ipsi fuit: dedit. quid huic homini fa-  
 cias? quod supplicium dignum libidini eius inuenies?  
 præscriptum tibi cum esset homo deterrime, et impudē-  
 tissime quemadmodum inter Siculos iudices dares: cum  
 imperatoris Po. Ro. auctoritas, legatorum decem sum-  
 morum hominum dignitas, Senatus C. intercederet: ci-  
 ius consulto P. Rupilius Prætor ex legatorum sententia  
 leges in Sicilia constituerat: cum omnes ante te prætores  
 Rupilias leges in cæteris rebus, et in iudicijs maxime ob-  
 seruassent: tu ausus es pro nihilo præ tua præda tot res  
 sanctissimas ducere? tibi nulla lex fuit? nulla religio?  
 nullus existimationis pudor? nullus iudicij metus? nullus  
 apud te grauis auctoritas? nullum exemplum, quod se-  
 qui uelles? Verum, ut institui dicere, quinque iudicibus  
 nulla lege, nullo instituto, nulla religione, nulla sorte, ex  
 libidine istius datis, non qui causam cognoscerent: sed  
 qui, quod imperatum esset, iudicarent: eo die nihil actum  
 est: adesse iubentur postridie. Heraclius interea cum om-  
 nes insidias à prætore fortunæ suis fieri uideret: ca-  
 pit consilium de amicorum, et propinquorum senten-  
 tia, non adesse ad iudicium. itaq; Syracusis illa nocte  
 profugit. iste postero die mane, cum multo maturius, quam  
 unquam antea, surrexisset: iudices citari iubet. ubi com-  
 perit Heraclium non adesse: cogere incipit eos: ut absen-

tem Heraclium condemnarent. illi eum commonefaciunt: ut si ei uideatur, utatur instituto suo: nec cogat ante horam decimam de absente, secundum præsentem iudicare. impetrant. interea sane perturbatus & ipse, & eius amici, & consiliarij, moleste ferre cœperunt, Heraclium profugisse: putabant absentis damnationem, præsertim tantæ pecuniæ, multo inuidiosiore fore: quam si præsens damnatus esset. eod accedebat: quod iudices è lege Rupilia dati non erant: multo etiam rem turpiorem & iniquiorem uisum iri intelligebant. itaq; hoc dum corrigere uult: apertior eius cupiditas, improbitasq; facta est. nam illis quinque iudicibus uti sese negat: iubet id, quod initio è lege Rupilia fieri oportuerat: citari Heraclium, & eos qui dictam scripserant: atq; se iudices è lege Rupilia uelle sortiri. quod ab eo pridie, cum multis lachrymis eum oraret, atq; obsecraret Heraclius: impetrare non potuerat: id ei postera die uenit in mentem: è lege Rupilia sortiri dictis oportere. educit ex urna tres. is ut absentem Heraclium condemnent imperat. itaq; condemnant. Quæ malum ista fuit amentia? ecquando te rationem factorum tuorum redditurum putasti? ecquando his de rebus tales uiros audituros existimasti? petatur hæreditas ea, quæ nulla debetur, in prædam prætoris? interponatur nomen ciuitatis? imponatur honestæ ciuitati turpissima persona calumniæ? neq; hoc solum: sed ita res agitur: ut ne simulatio quidem æquitatis ulla adhibeatur. nam per deos immortales, quid interest: utrum prætor imperet, uiq; cogit aliquem de suis bonis omnibus decedere? an huiusmodi iudicium det: quo iudicio indicta cuncta fortunis omnibus euertere necesse sit? profecto enim ne



gare non potes: te ex lege Rupilia sortiri iudicium debuisse: cum præsertim Heraclius id postularet. si illud dices: te Heraclij uoluntate ab lege recessisse: ipse te impedies: ipse tu tua defensione implicabere. quare enim primum ille ipse adesse noluit: cum ex eo numero iudices haberet: quos postularat? deinde tu cur post illius fugam iudices alios sortitus es: si eos, qui erant antea dati, utriusq; dederas uoluntate? deinde cæteras dictas omnes illo foro M. Postumius quæstor sortitus est: hanc solam tu illo conuentu reperiere sortitus. ergo inquiet aliquis donauit populo Syracusano illam hæreditatem. primum si id confiteri uelim, tamen istum condemnnetis necesse est. neq; enim permissum est: ut impune nobis liceat: quod alicui eripuerimus: id alteri tradere. uerum ex ista reperietis hæreditate ita istum prædatum: ut perpauca occulte fecerit: populum quidem Syracusanum in maximam inuidiam sua infamia alieno præmio peruenisse: paucos Syracusanos, eos qui se nunc publice laudationis causa uenisse dicunt: Et tunc participes prædæ fuisse: Et nunc non ad istius laudationem, sed ad communem litium æstimationem uenisse. posteaquam damnatus est absens: non solum illius hæreditatis, de qua ambigebatur: quæ erat HS tricies: sed omnium bonorum paternorum ipsius Heraclij, quæ non minor erat pecunia: palestræ Syracusanorum hoc est Syracusanis possessio traditur. quæ est ista Prætura? eripis hæreditatem: quæ uenerat a propinquo: uenerat testamento: uenerat legibus: quæ bona, is qui testamentum fecit: huic Heraclio, antequam est mortuus: omnia utenda ac possidenda tradiderat: cuius hæreditatis, cum ille aliquanto ante te prætorem esset mortuus: controuer

sia fuerat nulla: mentionem fecerat nemo. uerum esto: eripe hæreditatem propinquis: da palestritis: prædare in bonis alienis nomine ciuitatis: euertere leges, testamenta, uoluntates mortuorum, iura uiuorum: num etiam patrijs Heraclium bonis exturbare oportuit? qui simulac profugit: quàm impudenter, quàm palàm, quàm acerbè dū immortales illa bona direpta sunt: quàm illa res calamitosa Heraclio, quæstiosa Verri, turpis Syracusanis, miseranda omnibus uidebatur. nam illud quidem statim curatur: ut quicquid cælati argenti fuit in illis bonis, ad istum deferatur: quicquid Corinthiorum uasorum, stragulae uestis. hæc nemo dubitabat, quin nonmodo ex illa domo capta, & oppressa, uerum ex tota prouincia ad istum comportari necesse esset. mancipia quæ uoluit abduxit: alia diuisit: auctio facta est: in qua cohors istius inuicta dominata est. uerum illud est præclarum. Syracusani qui præfuerant his Heraclij bonis uerbo redigendis, re dissipandis: reddebant eorum negotiorum rationem in Senatu: dicebant scyphorum parua complura, hydrias argenteas, preciosam uestem stragulam, multa mancipia preciosa Verri data esse: dicebant quantum cuique eius iussu nummorum esset datum. gemebant Syracusani: sed tamen patiebantur. repente recitatur, uno nomine HS CCL millia iussu prætoris data. fit maximus clamor omnium, nonmodo optimi cuiusque, neque eorum, quibus indignum semper uisum erat bona priuati populi nomine per summam iniuriam erepta: uerum etiam ipsi illi auctores iniuriæ, & ex aliqua particula socij prædæ, ac rapinarum, clamare coeperunt: sibi ut haberet hæreditatem: tantis in curia clamor factus est: ut populus concurre-

ret. res ab omni conuentu cognita celeriter domum nunciatur. homo inimicus ijs, qui recitassent: hostis omnibus, qui acclamaissent: exarsit iracundia, ac stomacho. uerum tamen fuit tunc sui dissimilis: nostis os hominis: nostis audaciam: tamen tum rumore populi, & clamore, & furore manifesto grandis pecunie perturbatus est. ubi se collegit: uocat ad se Syracusanos. quia non posset negare ab illis pecuniam datam: non quæsiuit procul alicunde: neque enim probaret: sed proximum pene alterum filium, quem illam pecuniam diceret abstulisse: ostendit se reddere coacturum. qui posteaquam id audiuit: habuit dignitatis, & ætatis, & nobilitatis suæ rationem: uerba apud Senatam fecit: docuit ad se nihil pertinere: de isto, id quod omnes uidebant, neque ille quidem obscure, locutus est. itaque illi Syracusani statuam postea statuerunt: & is ubi primum potuit: istum reliquit: de provinciaque decessit. et tamen aiunt eum queri solere nonnunquam, se miserum: quod non suis, sed suorum comitum peccatis, & criminibus prematur. triennium provinciam obtinuit: genere electus adolescens unum annum tecum fuit: sodales uiri fortes legati tui primo anno te reliquerunt: unus legatus P. Tadius, qui erat reliquus: non ita multum tecum fuit: qui si semper una fuisset: tamen summa cura tum tuæ, tum multo etiam magis suæ famæ pepercisset. quid est quod tu alios accuses? quid est quamobrem putes, te tuam culpam non modo deriuare in aliquem: sed communicare cum aliquo posse? numerantur illa HS ducenta quinquaginta Syracusanis. ea quemadmodum ad istum postea per pseudo tyrum reuertantur: tabulis, uobis et testibus Iudices planum faciam. Ex hac iniquitate istius, & improbitate Iudices,

quod prædæ ex illis bonis ad multos Syracusanos inuito populo Senatuq; Syracusano uenerat: & illa scelera, quoq; per Theomnastum & Hescrionem & Dionysodorum & Cleomenem inuitissima ciuitate facta sunt: priuum ut urbs tota spoliaretur: qua de re alius mihi locus ad dicendum est constitutus: ut omnia signa iste per eos homines, quos nominauit: omne ebur ex ædibus sacris, omnes undiq; tabulas pictas, deorum deniq; simulacra quæ uellet auferret: deinde ut in curia Syracusis, quem locum illi Buleuterū uocant: honestissimo loco & apud illos clarissimo, sub illius ipsius M. Marcelli, qui cum Syracusanis locum eum eripere belli ac uictoriæ lege posset: conseruauit: & reddidit: statua ex ære facta, ibi inauratam istius & alteram filio statuam posuerunt. ut dum istius hominis memoria maneret: Senatus Syracusanus sine lachrimis & gemitu in curia esse non posset. per eosdem istius iniuriarum furtorum uxorūq; socios istius imperio Syracusis Marcellæ tolluntur maximo gemitu, luctuq; ciuitatis: quem illi diē festum cum recentibus beneficijs M. Marcelli debitum reddebant: tum generi, nomini, familiæ Marcellorum maxima uoluntate tribuebant. Mitridates in Asia, cū eam prouinciā totā occupasset: Mutia non sustulit. hostis, & hostis in cæteris rebus nimis ferus, & immanis, tamen honorem hominis deorum religione consecratum uiolare noluit. tu Syracusanis unum diem festum Marcellis impertiri uetuisti: per quos illi adepti sunt: ut cæteros dies festos agere possint. At uero præclarum diem reposuisti: Verrea ut agerent: & ut ad eum diem quæ sacris, epulisq; opus essent, in complures annos locarentur. Iam in tanta istius impuden-



tia remittendum aliquid uidetur: ne omnia contenda-  
 mus: ne omnia cum dolore agere uideamur. nā me dies,  
 uox, latera deficient: si hoc nunc uociferare uelim: q̄  
 miserum indignumq; sit: istius nomine apud eos diem  
 festum esse: qui sese istius opera funditus extinctos esse ar-  
 bitrentur. O Verrea præclara: quoquam si accessisti:  
 quo non attuleris tecum istum diem. etenim quam tu  
 domum, quam urbem adisti? quod fanum deniq; quod  
 nō euersum, atq; extersum reliqueris? quare appellentur  
 sanē ista Verrea: quæ nō ex nomine, sed ex manibus, na-  
 turāq; tua constituta esse uideantur. Quam facile serpat  
 iniuria: & peccandi consuetudo quā non facile repri-  
 matur: uidete Iudices. Bidis oppidum est tenue sanē, nō  
 longe à Syracusis. huius longe primus ciuitatis est Epi-  
 crates quidam. huic hæreditas HS quingentorum mil-  
 lium uenerat à muliere quadam propinqua, atq; ita  
 propinqua, ut ea etiam si intestata esset mortua: Epicra-  
 tem Bidinorum legibus hæredem esse oporteret. recens  
 Syracusana erat illa res, quam ante demonstrauī: de He-  
 raclio Syracusano: qui bona non perdidisset: nisi ei ue-  
 nisset hæreditas. huic quoq; Epicrati uenerat, ut dixi,  
 hæreditas. cogitare cœperunt eius inimici nihilo minus  
 eodem prætore hunc euerti bonis posse: quo Heraclius  
 esset euersus. rem occulte instituunt: ad Verrem per  
 eius interpretes deferunt: ita causa componitur: ut item  
 palestritæ Bidentis peterent ab Epicrate hæreditatem:  
 quemadmodum palestritæ Syracusani ab Heraclio pe-  
 tissent. nunquam uos prætorem tam Palestrium uidi-  
 stis. uerum ita palestritas defendebat: ut ab illis ipse  
 unctior discederet. q̄ statim quod præsensisset iubet cui-  
 dā suorum amicorū numerari HS LXXX. res ocul

tari satis non posse. per quendam eorum, qui interfuerat, fit Epicrates certior. primo negligere, & contemneræ cœpit: quod causa prorsus, quod dubitari posset, nihil habebat. deinde cum de Heraclio cogitaret: & istius libidinem nosset: commodissimum putauit esse, de provincia clàm abire. itaq; fecit: profectus est Rhegium. qđ ubi auditum est: æstuaræ illi qui dederant pecuniam: putare nihil agi posse absente Epicrate. nam Heraclius tamen affuerat: cum primum dati sunt iudices. de hoc, qui antequam in ius aditum esset: antequam deniq; mētio controuersie facta esset: discessisset: putabant nihil agi posse. homines Rhegium proficiscuntur: Epicratem conueniunt: demonstrant id, qđ ille sciebat: se HS LXXX dedisse: rogant eum ut id, quod ab ipsis abisset pecuniæ, curet: ab sese caueat quemadmodum uelit, de illa hæreditate cum Epicrate neminem esse acturum. Epicrates homines multis uerbis male à se acceptos dimisit. redeunt illi Rhegio Syracusas: quæri cum multis, ita ut sit: incipiunt: sese HS LXXX nummum frustra dedisse. res percrebuit: in ore, atq; sermone omnium cœpit esse: Verres refert illam suam Syracusanam: ait sese uelle de illis HS LXXX cognoscere: aduocat multos: dicunt Bidini Volcatio se dedisse: illud non addunt: iussu istius. Volcatium uocat: pecuniam referri imperat. Volcatus animo æquissimo nummos affert: qui nihil amitteret: reddit inspectantibus multis: Bidini nummos auferunt. dicit aliquis: quid ergo in hoc uerrem reprehendis? qui non modo ipse fur non est: sed ne alium quidem passus est esse? attendite: iam intelligetis hanc pecuniam qua uia modo uisa est exire ab isto: eadem semita reuertisse. quid enim debuit prætor? cum con-

filio re cognita cum comperisset, suum comitem iuris;  
 decreti, iudicij corrumpendi causa, qua in re ipsius præ-  
 toris caput, existimatioq; ageretur: pecuniâ accepisse? Bi-  
 dinos autem contra prætoris famam, ac fortunas de-  
 disse? non & in eum, qui accepisset, animaduertisse? et  
 in eos, qui dedissent? tu qui institueras in eos animaduer-  
 tere, qui perperam iudicassent: quod sæpe per imprudẽ-  
 tiam fit: hos pateris impune discedere? qui ob tuum de-  
 cretum, ob tuum iudicium, pecuniam aut dandam, aut  
 accipiendam putarant? Volcatius idem apud te postea  
 fuit, eques romanus tanta accepta ignominia. nam qd  
 est turpius ingenuo? quid minus libero dignum? quàm  
 in conuentu maximo cogi à magistratu furtum reddere?  
 qui si eo animo esset: quo non modo eques romanus, sed  
 quiuis liber debet esse: aspicere te postea non potuisset:  
 inimicus, hostis esset, tanta contumelia accepta: nisi te cum  
 colluisset: & tuæ potius existimationi seruisset: quàm  
 suæ. qui quàm tibi amicus non modo tum fuerit: quãdiu  
 tecum in provincia fuit: uerum etiam nunc sit: cum iã  
 à cæteris amicis sis relictus: & tu intelligis: & nos exi-  
 stimare possumus. An hoc solum argumentum est nihil  
 isto imprudente factum? quod Volcatius ei non suæ  
 fuit? quod iste nec in Volcatium, nec in Bidinos animad-  
 uertit? est magnum argumentum: uerum illud maxi-  
 mum: quod illis ipsis Bidinis, quibus iratus esse debuit:  
 à quibus comperit, quod iure agere cum Epicrate ni-  
 hil possent, etiam si adesset: iacito suum decretum pecu-  
 nia esse tentatum: his inquam ipsis non modo illam hære-  
 ditatem, quæ Epicrati uenerat: sed ut in Heraclio Sy-  
 racusano, item in hoc, paulo etiam atrocius, quod Epi-  
 crates appellatus omnino non erat: bona patria, fortu-  
 nasq; eius,

nasq; eius, Bidinis tradidit. ostendit enim nouo modo, si quis quid absente peteret: se auditurum. aduenit Bidini: petunt hæreditatem: procuratores postulant, ut se ad leges suas reiciat: aut ex lege Rupilia dicam scribi iubeat: aduersarij non audebant contradicere: exitus nullus reperiebatur. insimulant homines fraudandi causa discessisse: postulant ut bona possidere liceat. debebat Epicrates ullum nummum nemini. amici, si quis quid peteret iudicio: se passuros, iudicatum solui satis duros esse dicebant. cum omnia iudicia frigerent: admonitu istius insimulare coeperunt, Epicratem literas publicas corrupisse: à qua suspicione ille aberat plurimum. actionem eius rei postulant. amici recusare, ne quod nouum iudicium, ne quæ ipsius cognitio, illo absente de existimatione eius constitueretur. Et simul idem illud postulare nõ desistebant: ut se ad leges suas reiceret. Iste amplam occasionem calumniæ nactus, ubi uidet esse aliquid quod amici absentem Epicratem nollent defendere: asseuerat se eius rei in primis actionem esse daturum. cum omnes perspicerent ad istum nonmodo illos nummos, qui per simulationem ab isto exierant: reuertisse: sed multo etiã plures eum postea nummos abstulisse: amici Epicratem defendere desisterunt. Iste Epicratis bona Bidinos omnia possidere, Et sibi habere iussit. ad illa HS D millia hæreditaria, accessit ipsius antiqua HS quindecies pecunia. Vtrum res ab initio ita ducta est? an ad extremum ita perducta est? an ita parua est pecunia? an is homo veres? ut hæc, quæ dixi, gratis facta esse uideantur? Hic nunc de miseria Siculorum Iud. audite. Et Heraclius ille Syracusanus, Et hic Bidinus Epicrates expulsi bonis omnibus Romam uenerunt: sordidati maxima bar-



ba, & capillo Romæ biennium propè fuerunt. Cum  
 L. Metellus in prouinciā profectus est: tum isti bene  
 commendati cum Metello una proficiuntur. Metellus  
 simul ac uenit Syracusas: uirumq; rescindit & de Epi-  
 crate, & de Heraclio. in utriusq; bonis nihil erat: quod  
 restitui posset: nisi quod moueri loco non poterat. fe-  
 cerat hæc egregie primo aduentu Metellus: ut omnes  
 istius iniurias, quas modo posset: rescinderet: & irritas  
 faceret. Heraclium restitui iusserat: non restituebatur:  
 quisquis erat ductus Senator Syracusanus ab Hera-  
 clio, ducti iubebat. itaq; pernulti ducti sunt. Epicrates  
 quidem continuo restitutus est. alia iudicia Lilybei, alia  
 Agrigenti, alia Panormi restituta sunt: census qui isto  
 prætoris sunt habiti, nō seruaturū se Metellus ostenderat:  
 decumas quas iste contra legē Hieronicam uendiderat:  
 sese uenditurum Hieronica lege dixerat. Omnia erant  
 Metelli eiusmodi: ut totam suam Præturam retexere ui-  
 deretur. Simul atq; ego in Siciliam ueni: mutatus est. Me-  
 nerat ad eum illo biduo Letilius quidam, homo non  
 alienus à literis. itaq; eo iste tabellario semper usus est.  
 is epistolas complures attulerat. in his unam domo: quæ  
 totum immutarat hominem. repente cœpit dicere: se o-  
 mnia Verri causa uelle: sibi cum eo amicitiam, cognati-  
 onemq; esse. mirabantur omnes, hoc ei tum denique in-  
 mentem uenisse: posteaquam tam multis eum factis, de-  
 cretisq; iugulasset. Erant qui putarent Letilium lega-  
 tum à Verre uenisse: qui gratiam amicitiam, cognatio-  
 nemq; commemoraret. Ex illo tempore à ciuitatibus lau-  
 dationem petere: testes non solum deterrere uerbis: sed  
 etiam ui retinere cœpit. Quod ego nisi meo aduentu il-  
 lius conatus aliquantulum repressissem: & apud Sicu-

los non Metelli, sed Glabronis literis, ac lege pugnassem: tam multos huc euocare nō potuissem. Verum, quod institui dicere: miseras cognoscite Siculorū. Heraclius ille, & Epicrates longe mihi obuiam cum suis omnibus processerunt: uenienti Syracusas egerunt gratias flentes: Romam decedere mecum cupierunt. quod erant mihi oppida complura etiam reliqua: quæ adire uellem: constitui cum hominibus, quo die mihi Massanæ præsto essent. eo mihi nuntium miserunt: se à prætore retineri. quibus ego testimonium denuntiaui: quorum nomina edidi Metello: cupidissimi ueniendi, maximis iniurijs affecti, adhuc non uenerunt. hoc iure sunt socij: ut his ne deplorare quidem de suis incommodis liceat. Iā Heraclij Centuripini optimi, nobilissimiq; adolescentis testimonium audistis: à quo HS C millia per calumniā, malitiāq; petita sunt. Iste poenis compromissisq; interpositis HS CCC extorquenda curauit: quodq; iudicium secundum Heraclium de compromissis factum erat: quod cuius Centuripinus inter duos ciues iudicasset: id irritum iussit esse: eumq; iudicē falsum iudicasse iudicauit: in Senatu ne esset: locis, commodisq; publicis uti ueluit: si quis eum pulsaasset: edixit sese iudicium iniuriarū non daturum: quicquid ab eo peteretur iudicem de sua cohorte daturum: ipsi autem nullius actionem rei sese daturum. quæ istius auctoritas tantum ualuit: ut neq; illum pulsaret quisquam cum prætor in prouincia sua uerbo pmitteret: re hortaretur: neq; quisquam ab eo quicquam peteret: cum iste calumniæ licentiā sua auctoritate posidisset. ignominia autem illa grauis tam diu in illo homine fuit: quādiu iste in prouincia mansit. hoc iniecto metu iudicijs, nouo more, nullo exemplo, ecquam rem

putatis esse in Sicilia nisi ad nutum istius iudicatam? utrum id solū uidetur esse actum: quod est tamen actum: ut Heraclio pecunia eriperetur? an etiam illud? in quo praeda erat maxima: ut nomine iudiciorum, omnium bona, atq; fortunæ in istius unius essent potestate? Iam uero in rerum capitalium quæstionibus quid ego unamquāq; rem colligam, & causam? ex multis similibus ea sumam: quæ maxime improbitate excellere uidebuntur. Sopater quidam fuit Halicæsis, homo domi suæ cū primus locuples, atq; honestus. is ab inimicis suis apud C. Sacerdotem prætorem rei capitalis cum accusatus esset: facile eo iudicio est liberatus. huic eidē Sopatro iudē inimici ad C. Verrem, cum is Sacerdoti successisset: eiusdem rei nomen detulerunt. res Soptrato facilis uidebatur: & quod erat innocens: & quod Sacerdotis iudiciū improbare istum ausurum non arbitrabatur. citatur reus: causa agitur Syracusis: crimina tractantur ab accusatore ea, quæ erant antea non solum defensione, uerum etiam iudicio dissoluta. causam Sopatri defendebat Q. Minutius eques Ro. in primis splendidus, atq; honestus, uobisq; Iudices non ignotus. nihil erat in causa: quod metuendum, aut omnino quod dubitandum uideretur. interea istius libertus, & accensus idem Timarchides, qui est, id quod ex plurimis testibus priore actione didicistis: rerum huiusmodi omnium transactor, et ad minister: ad Sopatrum uenit: monet hominem ne nimis iudicio Sacerdotis, & causæ confidat: accusatores, inimicosq; eius habere in animo pecuniam prætori dare: Præto rem tamen ob salutem malle accipere: & simul malle, si fieri posset: rem iudicatam nō rescindere. Sopater, cum hoc illi improuisum, atq; inopinatum accidisset: com

motus est sanè: neq; in præsentia Timarchidi quid responderet habuit: nisi se consideraturum, quid sibi de ea re esset faciendum: & simul ostendit, se in summa difficultate esse nummaria. post ad amicos retulit. qui cum ei fuissent authores redimendæ salutis: ad Timarchidem uenit: expositis suis difficultatibus, hominē ad HS LXXX perducit: eamq; ei pecuniam numerat. postea quam ad causam dicendam uentum est: tum uero sine metu, sine cura omnes erant, qui Sopatrum defendebāt: crimen nullum erat: res iudicata: Verres nummos acceperat. qui possit dubitare quidnam esset futurum? res illo die non peroratur: dimittitur iudicium. iterum ad Sopatrum Timarchides uenit: ait accusatores eius multo maiore pecuniā prætori polliceri: quā quātam hic dedisset: proinde, si saperet: uideret quid sibi esset faciendū. Homo, quanquam erat & Siculus, & reus: hoc est & iure iniquo, & tempore aduerso: ferre tamen, atq; audire diutius Timarchidē non potuit. facite inquit quod uobis libet: daturus non sum amplius. idemq; hoc amicis eius, & defensoribus uidebatur. atq; eo etiam magis: quod iste, quoquo modo se in ea quæstione præbebat: tamen in consilio habebat homines honestos ē conuentu Syracusano: qui Sacerdotis quoq; in consilio fuerant: tum cum esset idem hic Sopater absolutus. hoc rationis habebāt: facere eos nullo modo posse: ut eodem crimine, iisdem testibus Sopatrum condemnarent ydem homines: qui antea absoluisent. itaq; hac una spe ad iudiciū uenitur. quo postea aquā uentum est: cum in consiliū frequētes conuenissent ydem qui solebant: & hac una spe tota defensio Sopatri niteretur, consilij frequentia, & dignitate: et quod erant, ut dixi, ydē qui antea Sopatrum eodē



illo crimine liberarant: cognoscite hominis apertam, ac non modo nō ratione, sed ne dissimulatione quidē tectam improbitatem, & audaciam. M. Petilium equitem Ro- quem habet in consilio: iubet operam dare: quod rei priuatae iudex esset. Petilius recusabat: quod suos amicos, quos sibi in consilio esse uellet: ipse Verres retineret. iste homo liberalis, negat se quenquam retinere eorum: qui Petilio uellent adesse. itaq; discedunt omnes. nam ceteri quoq; impetrant, ne retineantur: qui se uelle dicebant alteriuri eorum, qui tum illud iudicium habebant: adesse. itaq; iste solus cum sua cohorte nequissima relinquitur. Non dubitabat Minutius, qui Soparum defendebat: quin iste, quoniam consilium dimississet: illo die rem illam quæsiturus non esset: cum repente iubetur dicere. respondet, ad quos? ad me inquit: si tibi idoneus uideor: qui de homine Siculo, ac græculo iudicem idoneus es inquit: sed peruellem adessent hi: qui affuerant antea: causamq; cognorant. dic inquit: illi adesse non possunt. nam hercule inquit Q. Minutius me quoq; Petilius, ut sibi in consilio adessem, rogauit: & simul à subsellis abire cœpit. iste iratus hominem uerbis uehementioribus prosequitur: atque ei grauius etiam minari cœpit: quod in se tantum crimen, inuidiamq; conflaret. Minutius qui Syracusis sic negociaretur: ut sui iuris, dignitatisq; meminisset: & qui sciret, ita se in prouincia rem augere oportere: ut ne quid de libertate perderet: homini quæ uisa sunt, & quæ tempus illud tulit, & causa, respondit. causam sese dimisso, atq; ablegato consilio defensurum negauit. itaq; à subsellis discessit: idemq; hoc præter Siculos ceteri Soparri amici aduocatiq; fecerunt. iste quanquam est incre-

libili importunitate, & audacia: tamen subito solus de-  
 stitutus pertimuit: & conturbatus est. quid ageret: quo se  
 uerteret: nesciebat. si dimisisset eo tempore quaestionem:  
 post illis adhibitis, quos ablegarat: absolutum iri Sopatrum uidebat. sin autem hominem miserum, atq; inno-  
 centem condemnasset: cum ipse praetor sine consilio, reus  
 autem sine patrono, atq; aduocatis fuisset: iudiciūq;  
 C. Sacerdotis rescidisset: inuidiam se sustinere non posse  
 tantam arbitrabatur. itaq; aestuabat dubitatione: uer-  
 sabat se in utranq; partem non solum mente, uerum  
 etiam corpore: ut omnes, qui aderant, intelligere pos-  
 sent, in animo eius metum, cupiditatemq; pugnare. erat  
 hominum conuentus maximus: summum silentium:  
 summa expectatio: quonam esset eius cupiditas eruptu-  
 ra. crebro dimittebat se accensus ad aurem Timarchi-  
 des. tum iste aliquando, age dic inquit. Sopatrus im-  
 plorare hominum atq; deum fidem: ut cum consilio co-  
 gnosceret. tum repente iste testes citari iubet. dicit unus,  
 & alter breuiter: nihil interrogatur. praeco, dixisse pro-  
 nunciat. iste, quasi metueret, ne Petilius prinato illo iu-  
 dicio transacto, aut dilato, cum caeteris in consilium re-  
 uerteretur: ita properans de sella exiluit: hominem in-  
 nocentem, Sacerdote absolutum, indicta causa de senten-  
 tia Scribae, Medici, Aruspiciasq; condemnauit. Retinete,  
 retinete hominem in ciuitate Iudices: parate: & conser-  
 uate: ut sit qui uobiscum res iudicet: qui in Senatu sine  
 ulla cupiditate de bello, & pace sententiam ferat. tam-  
 etsi minus id quidē nobis, minus populo R. laborandū  
 est: qualis istius in senatu sententia futura sit. quae enim  
 eius auctoritas erit? quando iste sententiā dicere audebit?  
 aut poterit? quando autem homo tanta luxuria, atq; de

fidia, nisi februario mense aspirabit in curiam: uerum  
 ueniat sanè: decernat bellum Cretensibus: liberet By-  
 zantios: regem appellet Ptolomeum: quæ uult Hor-  
 tensius, omnia dicat: & sentiat. minus hæc ad nos, mi-  
 nus ad uitæ nostræ discrimen, minus ad fortunarum  
 strarum periculum pertinent. illud, illud est capita-  
 le: illud est formidolosum: illud optimo cuiq; metuendū:  
 quod iste ex hoc iudicio si aliqua ui se eripuerit: in iudi-  
 cibus sit necesse est: sententiam de capite cuius Ro. ferat:  
 sit in eius exercitu signifer: qui imperium iudiciorum  
 tenere uult. hoc populus Ro. recusat: hoc ferre non po-  
 test: clamat: permittitq; uobis: ut si istis hominibus dele-  
 ctemini: si ex hoc genere splendorem ordini, atq; orna-  
 mentum curiæ constituere uelitis: habeatis sanè uobiscum  
 istum senatorem: istum de uobis iudicem, si uultis, habea-  
 tis. de se homines, si qui extra istum ordinem sunt: quibus  
 ne reijcendi quidem amplius quàm trium iudicum  
 præclaræ leges Cornelie faciunt potestatem: hunc homi-  
 nem tam crudelem, tam sceleratum, tam nefarium nolūt  
 iudicare. etenim si illud est tam flagitiosum (quod mihi  
 omniū rerum turpissimum, maximeq; nefariū uidetur)  
 ob rem iudicandam pecuniam accipere: precio habere ad-  
 dictam fidem, & religionem: quanto illud flagitiosius,  
 improbius, indignius? eum à quo pecuniam ob absoluen-  
 dum acceperis: condemnare: ut ne prædonum quidem  
 prætor in fide retinenda consuetudinem conseruaret. Sce-  
 lus est accipere ab reo: quanto magis ab accusatore? quan-  
 to etiam sceleratius ab utroq;? fidem cum proposuisses  
 uenalem in provincia: ualuit apud te plus is: qui pecu-  
 niam maiorem dedit. concedo, forsitan aliquis aliquan-  
 do eiusmodi quippiam fecerit. cum uero fidem ac reli-

gionem tuam alteri addictam pecunia accepta habue-  
 ris: post eandem aduersarijs tradideris maiore pecunia:  
 utrumq; falles? & trades cui uoles? & ei, quem fese-  
 leris: ne pecuniam quidem reddes? quem mihi tu Bul-  
 bum? quem Stalenum? quod unquam huiusmodi mon-  
 strum, aut prodigium audiuius? aut uidimus? qui cum  
 reo transigat: post cum accusatore decadat: honestos homi-  
 nes, qui causam norint: ableget: consilioq; dimittat: ipse  
 solus reum absolutum, a quo pecuniam acceperit: con-  
 demnet: pecuniamq; non reddat. hunc hominem iudiciū  
 numero habebimus? hic alteram decuriam senatoriā in-  
 dex obtinebit: hic de capite libero iudicabit: huic iudicia-  
 lis tabella committetur? quam iste non modo cera, uerum  
 etiam sanguine, si uisum erit: notabit. quid enim horū  
 se negat fecisse? illud uidelicet unum, quod necesse est: pe-  
 cuniā accepisse. quid ni iste neget? at eques Ro. qui Sopa-  
 trum defendit: qui omnibus eius consilijs, rebusq; inter-  
 fuit: Q. Minutius iuratus dicit pecuniam datam: iura-  
 tus dicit Timarchidem dixisse maiorem ab accusatori-  
 bus pecuniam dari. Dicent hoc Siculi omnes: dicent o-  
 mnes Halicienses: dicet etiam, prætexitatus Sopatri filius:  
 qui ab isto homine crudelissimo, patre innocentissimo,  
 pecuniāq; patria priuatus est. uerum si de pecunia te-  
 stibus planum facere non possem: illud negare posses?  
 aut nunc negabis? te consilio tuo dimisso, iuris prima-  
 riy, qui in consilio C. Sacerdotis fuerant: tibiq; esse sole-  
 bant: remotis, de re iudicata iudicasse? teq; eum, quem  
 C. Sacerdos adhibito consilio, causa cognita, absoluisset:  
 eundē remoto consilio, causa incognita condemnasse? cum  
 hæc cōfessus eris: quæ in foro palā Syracusis, in ore, atq;  
 oculis provinciae gesta sunt: negato sane si uoles: pecu-



niam accepisse . reperies credo aliquem : qui cum hæc quæ palam gesta sunt : uideat : quærat quid tu occulte egeris : aut qui dubitet , utrum malit meis testibus , an tuis defensoribus credere . dixi iam antea , me non omnia istius , quæ in hoc genere essent : enumeraturum : sed electurum ea , quæ maxime excellerent . Accipite nunc aliud eius facinus nobile , & multis locis sæpe commemoratum , & eiusmodi : ut in uno omnia maleficia inesse uideantur . attendite enim diligenter : inuenietis id facinus natum à cupiditate : auctum per stuprum : crudelitatem perfectum , atq; conclusum . Sthenius est , is qui nobis affidet : Thermitanus , antea multis propter summam uirtutem , summamq; nobilitatem , nunc propter suam calamitatem , atq; istius insignem iniuriam omnibus notus . huius hospitio Verres cum esset usus : & cum apud eum non modo Thermus sæpenumero fuisset : sed etiam habitasset : domo eius omnia abstulit : quæ paulo magis animum cuiuspiam , aut oculos possent commouere . etenim Sthenius ab adolescentia paulo studiosius hæc comparabat , suppellectilem ex ære elegantiores , & delicias , & Corinthiam , tabulas pictas , etiam argenti benefacti , pro ut Thermitani hominis facultates ferebāt : satis . quæ , cum esset in Asia adolescens : studiose , ut dixi , comparabat , non tam suæ delectationis causa , quàm ad inuitationes , aduentusq; nostrorum hominum , suorum amicorum , atq; hospitum . quæ posteaquam iste omnia abstulit , alia rogando , alia poscendo , alia sumendo : ferebat Sthenius ut poterat . tangebatur tamen animi dolore necessario : quod domum eius exornatam , atq; instruatam fere iam iste reddiderat nudam , atq; inanem . ueruntamen dolorem suum nemini impartiebat : præto-

vis iniurias tacite, hospitis placide ferendas arbitraba-  
tur. interea cupiditate iste illa sua nota, atq; apud omnes  
peruulgata, cum signa quædam pulcherrima, atq; anti-  
quissima Thermis in publico posita uidisset: adamauit:  
a Sthenio petere cœpit: ut ad ea tollenda operam suam  
profiteretur: seq; adiuuaret. Sthenius uero non solum ne-  
gauit: sed etiam ostendit id fieri nullo modo posse: ut si-  
gna antiquissima, monumenta P. Africani, ex oppido  
Thermitanorum incolum illa ciuitate, imperioq; popu-  
li Ro. tollerentur. etenim, ut simul P. Africani quoq; hu-  
manitatem cognoscatis: oppidum Himeram Carthagi-  
nenses quondam cœperant: quod fuerat in primis Sici-  
liæ clarum & ornatum. Scipio qui hoc dignum popu-  
lo Ro. arbitraretur: bello confecto socios sua per nostrâ  
uictoriam recuperare: Siculis omnibus Carthagine ca-  
pta quæ potuit: restituenta curauit. Himera deleta, quos  
ciues belli calamitas reliquos fecerat: y sese Thermis col-  
locarant in hisdem agri finibus, neq; longe ab oppido  
antiquo. hi se patrum fortunam ac dignitatem recupe-  
rare arbitrabatur: cum illa maiorum ornamenta in eo-  
rû oppido collocabantur. erant signa ex ære complura:  
in his mira pulchritudine ipsa Himera in muliebrem  
figuram, habitumq; formata, ex oppidi nomine & flu-  
minis. erat etiam Stesichori poetæ statua, senilis, incur-  
ua, cum libro, summo ut putant artificio facta, ab eo, q  
fuit Himerae, sed est & fuit tota in Græcia summo pro-  
pter ingenium honore & nomine. Hæc iste ad insaniâ  
concupierat. etiâ, quod pene præterit: Capella quædam:  
ea quidem mure, ut etiam nos, qui rudes harum rerum  
sumus: intelligere possumus: scite facta, & uenuste. hæc  
& alia Scipio non negligerat: ut homo intel

ligens Verres auferre posset: sed Thermitanis restituerat:  
 non quo ipse hortos, aut suburbanum, aut locum omni-  
 no, ubi ea poneret: nullum haberet: sed si domum ab-  
 stulisset: non diu Scipionis appellabantur: sed eorum, ad  
 quoscuq; ipsius morte uenissent. nunc his locis posita  
 sunt: ut mihi semper Scipionis fore uideantur: itaq; di-  
 cantur. Hæc cum iste posceret: agereturq; ea res in Sena-  
 tu: Sthenius uehementissime restitit: multaq; ut in primis  
 Siculorum in dicendo copiosus est: commemorauit: urbem  
 relinquere Thermitanos esse honestius: quam pati tolli  
 ex urbe monumenta maiorum, spolia hostium, beneficia  
 clarissimi uiri, indicia societatis populi Ro. atque amicitie.  
 commoti animi sunt omnium: repertus est nemo: qui  
 mori diceret satius esse. itaq; hoc adhuc oppidum Ver-  
 res inuenit propè solum in orbe terrarum: unde nihil  
 eiusmodi rerum de publico per uim, nihil occulte, nihil  
 imperio, nihil gratia, nihil precio posset auferre. uerum-  
 tamen hæc eius cupiditates exponam alio loco: nunc ad  
 Sthenium reuertar. itaq; iste uehementer Sthenio incen-  
 sus, hospitium ei renunciat: domo eius emigrat: atq; adeo  
 exit: nam iam ante migrarat. eum autem inimicissimum  
 Sthenij domum suam statim inuadunt: ut animum eius  
 in Sthenium inflammarent, euentiendo aliquid, & cri-  
 minando. Hi autem erant inimici, Agathinus homo no-  
 bilis, & Dorotheus: qui habebat in matrimonio Calli-  
 damam Agathini eius filiam: de qua iste audierat. itaq;  
 ad generum Agathini migrare maluit. una nox inter-  
 cesserat: cum iste Dorotheum sic diligebat: ut diceret o-  
 mnia inter eos esse communia: Agathinum ita observa-  
 bat: ut aliquem affinem ac propinquum. contemnere etiã  
 signum illud Himeræ iam uidebatur: quod eum mul-

to magis figura, et liniamenta hospite delectabant. itaq;  
hortari homines cepit: ut aliquid Sthenio periculi crea-  
rent: criminisq; confingerent. dicebant se illi nihil habe-  
re, quod dicerent. tum iste his aperte ostendit: et confir-  
mauit: eos, in Sthenium quicquid uellent dicerent: simul  
atq; ad se detulissent: probaturos. ita illi non procrastina-  
nt: Sthenium statim educunt: aiunt ab eo literas esse  
corruptas. Sthenius postulat: ut secum sui cives agant de  
literis publicis corruptis: eiusq; rei legibus Thermitano-  
rum actio sit: cum S. Po. q; Romanus Thermitanis, quod  
semper in amicitia, fideq; mansissent: urbes, agros, le-  
gesq; suas reddidisset: P. q; Rutilius postea leges ita Sici-  
lis ex S. C. de decem legatorum sententia dedisset: ut ci-  
ues inter se legibus suis agerent: idemq; hoc habuerit  
Verres ipse in edicto: ut de his omnibus causis se ad le-  
ges reuiceret. Iste homo omnium æquissimus, atq; à cu-  
piditate omnium remotissimus, se cogniturum esse confir-  
mat: paratum ad causam dicendam uenire hora octa-  
ua iubet. non erat obscurum quid homo improbus, ac  
nefarius cogitaret. neq; enim ipse satis occultarat: nec  
mulier tacere poterat. intellectum est id istum agere: ut  
cum Sthenium sine ullo argumento, ac sine teste damna-  
set: tum homo nefarius de homine nobili, atq; id ætatis,  
suoq; hospite, uirgis supplicium crudelissime sumeret.  
quod cum esset perspicuum: de amicorum hospitemq;  
suorum sententia, Thermus Sthenius Romam profugit:  
hyem fluctibusq; sese committere maluit: quàm non  
istam communem Siculorū tempestatem, calamitatemq;  
uitare. Iste homo certus, et diligens ad horam octauam  
præsto est: Sthenium citari iubet. quem posteaquam ui-  
det non adesse, dolore ardere, atq; iracundia fervere cœ-



pit: uenereios in domum Sihenij mittere: equites circum  
a gros eius, uillasq; dimittere. itaq; cum expectat quidnā  
sibi certi afferatur: ante horam tertiam noctis de foro  
non discessit. postridie mane descendit: Agathinum ad  
se se uocat: iubet eum de literis publicis in absentem Sthe-  
nium dicere. erat eiusmodi causa: ut ille ne sine aduer-  
sario quidem apud inimicum iudicem reperire posset,  
quid diceret. itaq; tantum uerbo posuit: Sacerdote præ-  
tore, Sihenium literas publicas corrupisse. uix ille hoc  
dixerat: cum iste pronunciat Sihenium literas publi-  
cas corrupisse uideri. & hæc præterea addidit homo  
Venerius nouo modo, nullo exemplo: ob eam rem HS  
quingenties Veneri Erycinæ de Sihenij bonis exactu-  
rum: bonaq; eius statim cœpit uendere. & uendidisset:  
si tantulum moræ fuisset: quo minus ei pecunia illa  
numeraretur. ea posteaquā numerata est: contentus hac  
iniquitate non fuit: palam de sella, ac tribunali pro-  
nunciat: si quis absentem Sihenium rei capitalis reum  
facere uellet: se se eius nomen recepturum. & simul  
ut ad causam accederet, nomenq; deferret, Agathi-  
num nouum affinem, atq; hospitem cœpit hortari. tum  
ille clare, omnibus audientibus, se se id non esse factu-  
rum: neq; se usque eo Sihenio esse inimicum: ut cum  
rei capitalis affinem esse diceret. hic tum repente Pacilius  
quidam homo egens, & leuis accedit: ait, si liceret: no-  
men absentis deferre se uelle. iste uero & licere: & fie-  
ri solere: & se recepturum. itaq; desertur. edicit sta-  
tim ut Cal. decembr. adsit Sihenius Syracusis. hic, qui  
Romam uenisset: satisq; feliciter anni iam aduerso tem-  
pore nauigasset: omniaq; habuisset æquiora, & placat-  
biliora: quàm animum prætoris, atq; hospitis: rem ad

amicos suos detulit. quæ ut erant acerba, atque indigna: sic uidebantur omnibus. itaq; in Senatu continuo Cn. Lentulus, & Lucullus cons. faciunt mentionem placere statui, si Patribus C. uideretur: ne absentes homines in prouincijs rei fierent rerum capitalium: causam Sthenij totam, & istius crudelitatem, & iniquitatem Senatum docent. aderat in Senatu Verres pater istius: & flens unumquemq; senatorem rogabat: ut filio suo parceret. neq; tamen multum proficiebat. erat enim summa uoluntas Senatus. itaq; sententiæ dicebantur: cū Sthenius absens reus factus esset: de absente iudicium nullum fieri placere: & si quod esset factum: id ratum esse non placere. Eo die transigi nihil potuit: quod & id temporis erat: & ille pater istius inuenerat homines, qui dicendo tempus consumerent. Postea senex Verres defensores, atque hospites omnes Sthenij conuenit: rogat eos: atq; orat: ne oppugnent filium suum: de Sthenio ne laborent: confirmat his, curaturum se esse: nequid ei per filium suum noceretur: se homines certos eius rei causa in Siciliam, & terra, & mari missurum. et erat spacium dierum ferè triginta ante Cal. decembris: quo iste, ut Syracusis Sthenius adesset, edixerat. commouentur amici Sthenij: sperant fore: ut patris literis, nuncijsq; filius ab incepto furore reuocetur. in Senatu postea causa non agitur. ueniunt ad istum domestici nuncij: literasq; à patre afferunt ante Cal. decembris: cum isti etiam tum de Sthenio integra tota res esset: eodemq; ei tempore, de eadē re literæ complures à multis eius amicis, ac necessarijs afferuntur. hic iste, qui præ cupiditate neq; officij sui, neq; periculi, neq; pietatis, neq; humanitatis rationem habuisset unquā: neq; in eo, quod

monebatur, auctoritatem patris, nec in eo, quod rogaba-  
 tur, uoluntatem anteponendam putauit libidini suæ. ma-  
 ne Cal. decembris, ut edixerat: Sthenium citari iubet.  
 Si abs te istam rem parens tuus alicuius amici rogatu,  
 benignitate, aut ambitione inductus petisset: grauissima  
 tamen apud te uoluntas patris esse debuisset. cum uero  
 abs te cui capitis causa peteret: hominesq; certos domo  
 misisset: hiq; eo tempore ad te uenissent: cum tibi in inte-  
 gro tota res esset: ne tum quidem te potuit si non pietatis,  
 at salutis tuæ ratio ad officium sanitatemq; reducere? Ci-  
 tat reum: non respondet. citat accusatorē (attendite quæ-  
 so: uidete quantopere istius amentiae fortuna ipsa aduer-  
 sata sit: Et simul uidete quis Sthenij causam casus adiu-  
 uerit) citatus accusator M. Pacilius nescio quo casu non  
 respondit: non affuit. si præsens Sthenius reus esset fa-  
 ctus: si manifesto in maleficio teneretur: tamen cum acu-  
 sator non adesset: Sthenium condemnari non oporteret.  
 etenim si posset reus absente accusatore dānari: non ego  
 a Vibone ueliam paruulo nauigio inter fugitiuorum,  
 ac prædonum, ac tua tela uenissem: quo tempore omnis  
 illa mea festinatio fuit cum periculo capitis, ob eam cau-  
 sam: ne tu ex reo eximerere: si ego nō affuissem ad diē.  
 quod igitur erat in tuo iudicio optatissimum: me, cum ci-  
 tatus essem, non adesse: cur Sthenio non putasti prodesse  
 oportere: cum eius accusator non affuisset? Itaq; fecit ut  
 exitus principio simillimus reperiretur. quem absentem  
 reum fecerat: eum absente accusatore condemnat. Nun-  
 ciabatur illi primis illis temporibus id, quod pater quoq;  
 ad eum pluribus uerbis scripserat: agitatam rem esse  
 in Senatu: etiam in concione Tribunum pl. de causa Ste-  
 nij M. Paliatū esse questum: postremo me ipsum apud  
 collegium

collegium hoc Tribunorum plebis, cum eorum omnium edicto non liceret quenquam Romæ esse, qui rei capitalis condemnatus esset: egisse causam Sthenij: cum rem ita exposuissem, quemadmodum nunc apud uos: docuissimq; hanc damnationem duci non oportere: Tribunos pl. hoc statuisse: idq; omnium sententia pronunciatum esse: non uideri Sthenium impediri edicto: quo minus ei liceret Romæ esse. cum hæc ad istum afferrentur: timuit aliquando: et commotus est. uertit stilum in tabulis suis: quo facto causam omnem euertit suam. nihil enim sibi reliqui fecit: quod defendi aliqua ratione posset. nam si ita defenderet: recipi nomē absentis licet: hoc fieri in provincia nulla lex uetat: mala, & improba defensione, uerum aliqua tamen uti uideretur. postremo illo desperatissimo perfugio uti posset: se imprudentem fecisse: existimasse id licere. quanquam hæc perditissima defensio est: tamen aliquid duci uideretur. tollit ex tabulis id quod erat: & facit coram delatum esse. Hic uidete in quot laqueos se induerit: quorum ex nullo se unquam expediret. Primum ipse in Sicilia sepe, & palam de loco superiore dixerat: & in sermone multis demonstrarat: licere nomen recipere absentis: se exemplo fecisse id, quod fecisset. hæc eum dictitasse priore actione & Sex. Pompeius Chlorus dixit: de cuius uirtute antea commemorauimus: et Cn. Pompeius Theodorus, homo Cn. Pompei clarissimi uiri iudicio plurimus maximusq; in rebus probatissimus, & omnium existimatione ornatissimus: & Possides Matro solentinus, homo summa nobilitate, existimatione, uirtute: & hac actione quam uoletis multi dicent: & qui ex isto ipso audierint, uiri primarij nostri ordinis: & alij qui interfuerint: cum absentis nomen re



ciperetur. Deinde Romæ cum res esset acta in Senatu: omnes istius amici, in his etiam pater eius, hoc defendebat: licere fieri: sæpe esse factum: istum, quod fecisset, aliorum exemplo, institutoq; fecisse. Dicit præterea testimonium tota Sicilia: quæ in communibus postulatis ciuitatum omnium Consulibus edidit: rogare, atq; orare patres conscriptos, ut statuerent, ne absentium nomina reciperentur. quæ de re Cn. Lentulum patrum Siciliae, clarissimum adolescentem dicere audistis. Siculos, cum se causam, quæ pro his sibi in Senatu agenda esset: docerent: de Sthenij calamitate quæstos esse: propterq; hanc iniuriam, quæ Sthenio facta esset: eos statuisse, ut quod dico postularetur. Quæ cum ita essent: tanta ne amentia præditus, atq; audacia fuisti: ut in re tam clara, tam testata, tam abs te ipso peruagata, tabulas publicas corrumpere auderes? At quemadmodum corrupisti? nõ ne ita: ut omnibus nobis tacentibus ipsæ te tua tabulæ condemnare possent? quæso codicem circumsfer: ostende. uidetis ne totum hoc nomen, coram ubi facit delatum, esse in litura? quid fuit istuc antea scriptum? quod mendum ista litura correxit? quid à nobis Iudices expectatis argumenta huius criminis? nihil dicimus: tabulæ sunt in medio: quæ se corruptas atque interlitas esse clamant. Ex istis etiam tui rebus effugere te posse confidis? cum te nos, non opinione dubia, sed tuis uestigijs persequamur: quæ tu in tabulis publicis expressa ac recentia reliquisti. Is mihi etiã, Sthenium literas publicas corrupisse causa incognita iudicauit: qui defendere non potuerit se non ex ipsius Sthenij nomine literas publicas corrupisse. Vide te porro aliam dementiam: uidete, ut dum expedire sese uult, induat. cognitorem ascribit Sthenio. quem? cognat

tiam aliquem, aut propinquum? non. Thermitanum ali-  
 quem honestum hominem, ac nobilem? ne id quidem. at  
 Siculum, in quo aliquis splendor, dignitasq; esset? mini-  
 me. quid igitur? Ciuem romanum. cui hoc probari po-  
 test? cum esset Sihenius ciuitatis suæ nobilissimus, amplis-  
 sima cognatione, plurimus amicitijs: cum præterea tota  
 Sicilia multum auctoritate, & gratia posset: inuenire  
 neminem Siculū potuit: qui pro se cognitor fieret? hoc pro-  
 babitis? an ipse Ciuem Romanū maluit? cædo cui Siculo,  
 cum is reus fieret. Cuius Romanus cognitor factus unq̃  
 sit. omnium prætorum literas, qui ante fuerunt, profer:  
 explicita: si unum inueneris: ego hoc tibi quæadmodū in  
 tabulis scriptum habes: ita gestum esse concedam. At cre-  
 do Sihenius hoc sibi amplum esse putauit: eligere e Ci-  
 uium Ro. numero, ex amicorum, atq; hospitum suorū  
 copia, quem cognitorem daret. quem delegit? quis in  
 tabulis scriptus est? C. Claudius C. Filius palatina. non  
 quæro quis hic sit Claudius: quàm splendidus: quàm  
 honestus: quàm idoneus: propter cuius auctoritatem, &  
 dignitatem Sihenius ab omnium Siculorum consuetu-  
 dine discederet: & Ciuem Romanum cognitorem daret.  
 nihil horum quæro. fortasse enim Sihenius non splendo-  
 rem hominis, sed familiaritatem secutus est. quid? si o-  
 mnium mortalium Sihenio nemo inimicior, quàm hic  
 C. Claudius, tum semper, tum in his ipsis rebus, et tem-  
 poribus fuit? si de literis corruptis contrauenit? si contra  
 omni ratione pugnavit? utrum potius pro Sihenio ini-  
 micum cognitorē esse factum, an te in Sihenij periculū  
 inimici eius nomine abusum esse credemus? Ac ne quis  
 forte dubitet, cuiusmodi totum sit negotium: tamen si iam  
 dudum omnibus istius improbitatem perspicuam esse

confido: tamen paululum etiam attendite. Videtis illum subcrisso capillo, nigrum? qui eo vultu nos intuetur: ut sibi ipse peracutus esse uideatur? qui tabulas tenet? qui scribit? qui monet? qui proximus est? is est C. Clodius: qui in Sicilia sequester istus, interpres, confector negotiorum, prope collega Timarchidi numerabatur: nunc obtineat eum locum: ut uix Apronio illi de familiaritate concedere uideatur. Et qui se non Timarchidis sed ipsius Verris collegam et socium esse dicebat. Dubitate etiam si potestis: quin eum iste potissimum ex omni numero delegerit: cui improbam personam imponeret: quem et huic inimicissimum, et sibi amicum esse arbitraretur. Hic uos dubitatis Iudices tantam istius audaciam, tantam crudelitatem, tantam iniuriam uindicare? dubitatis exemplum iudicum illorum sequi? qui damnato Cn. Dolobella damnationem Philodami Opuncij resciderunt? quod is, non absens reus factus esset: quæ res iniquissima, et acerbissima est: sed cum ei legatio Romam à suis ciuibus esset data. quod illi iudices multo in leuiore causa statuerunt æquitatem secuti: uos id statuere in grauissima causa præsertim aliorum authoritate iam confirmatum dubitabitis? At quæ hominem C. Verres tanta, tam insigni iniuria, affecisti? cuius absentis nomen recepisti? quæ absentem non modo sine crimine, et sine teste, uerum etiam sine accusatore damnasti? quem hominem dii immortales. non dicam amicum tuum, quod apud homines carissimum est: non hospitem, quod sanctissimum est. nihil enim minus libenter de Sthenio commemoro: nihil aliud in eo quod reprehendi possit inuenio: nisi quod homo frugalissimus, atq; integerrimus te hominem plenum stupri, flagitij,

*sceleris domum suam inuitauit: nisi quod qui C. Marij,  
 et Cn. Pompeij C. Marcelli, L. Sifennæ, tui defensoris,  
 cæterorum fortissimorum hospes fuisset, atq; esset: ad  
 eum numerum clarissimorum hominum tuum quoq;  
 nomen ascripserit. quare de hospitio uiolato, et de isto  
 tuo nefario scelere nihil queror. hoc dico, non his qui  
 Sthenium norunt: hoc est nemini eorum qui in Sicilia  
 fuerunt. nemo enim ignorat, quo hic in ciuitate sua splē  
 dore, qua apud omnes Siculos dignitate, atq; existimatio-  
 ne sit. sed ut illi quoq;, qui in ea provincia non fuerunt:  
 intelligere possint, in quo homine tu statueris exemplum  
 eiusmodi: quod tum propter iniquitatem rei, tum etiam  
 propter hominis dignitatem, acerbum omnibus, atq; in-  
 tolerandum uideretur: est ne Sthenius is, qui omnes ho-  
 nores domus suæ facillime cum adeptus esset: amplissi-  
 me, ac magnificentissime gessit? qui oppidum non ma-  
 ximum, maximis ex pecunia sua locis communibus, mo-  
 numentisq; decorauit? cuius de meritis in Rēp. Thermi-  
 tanorū, Siculosq; uniuersos fuit ænea tabula fixa Ther-  
 mus in curia? in qua publicæ erat de huius beneficijs  
 scriptum et incisum? quæ tabula tum imperio tuo re-  
 uulsa, nunc à me tamen reportata est: ut omnes, huius  
 honores inter suos, et amplitudinem possent cogno-  
 scere. est ne hic? q; apud Cn. Pompeiū clarissimum uirū  
 cum accusatus esset: quod propter C. Marij familiarita-  
 tem, et hospitium contra Remp. sensisse eum inimici,  
 et accusatores eius dicerent: quod tum magis inuidio-  
 so crimine, quàm uero acerbissetur: ita à Cn. Pompeio  
 absolutus est: ut in eo ipso iudicio Pompeius hunc hospiti-  
 o suo dignissimum statuerit? ita porro laudatus defen-  
 susq; ab omnibus Siculis: ut idem Pompeius non ab-*



homine solum, sed etiam a provincia tota se huius absolutione inire gratiā arbitraretur? postremo est ne hic? qui & animum in Remp. habuit eiusmodi: & tantum auctoritate apud suos ciues potuit: ut perficeret in Sicilia solus te prætor quod non modo Siculus nemo, sed ne Sicilia quidem tota potuisset: ut ex oppido Therms nullum signum, nullum, ornamentum, nihil ex sacro, nihil de publico attingeres? cum præsertim essent multe præclara: & tu omnia concupisses. Deniq; nunc uide qd inter te cuius nomine apud Siculos dies festi agitantur: et præclara illa celebrantur: cui statuæ Romæ stant inauratæ a communi Sicilia quæ admodum inscriptum uidemus datæ: uide inquam quid inter te & hunc Siculum, qui abs te est patrono siciliæ condēnatus: intersit. Hunc ciuitates ex Sicilia permultæ testimonio suo, legationibusq; ad eam rem missis publice laudant: te omnium Siculorum patronum una Mamertina ciuitas sociæ factorum ac flagitiorum tuorum, publice laudat: ita tamen nouo more: ut legati lædant: legatio laudet: ceteræ quidem ciuitates publice literis, legationibus, testimonijs accusant: queruntur: arguunt: si tu absolutus sis: funditus enersas esse arbitrantur. Hoc de homine, ac de huius bonis etiā in Eryco monte monumentum tuorum flagitiorum crudelitatisq; posuisti: in quo Sichenij Thermetani nomen ascriptum est. uidi argentum cupidinem cum lampade: quid tandem habuit arguenti, aut rationis res: quamobrem in eo potissimum Sichenianum præmiū poneretur? utrum hoc signum cupiditatis tuæ, an tropheum necessitudinis, atq; hospitij, an amoris indicium esse uoluisti? faciunt hoc homines: quos in summa nequitia non solum libido, & uoluptas, uerum etiam ipsius ne-

quitiae fama delectat: ut multis in locis notas ac uestigia  
 scelerum suorum relinqui uelint. ardebat amore illius  
 hospitae: propter quam hospitij iura uiolarat. hoc non so-  
 lum sciri tamen, uerum etiam commemorari semper uo-  
 lebat. itaq; ex illa ipsa re, quam accusante Agathino ges-  
 serat: Veneri potissimum deberi praeuium statuit: quae  
 illam totam accusationem iudiciumq; constarat. putare  
 te gratum in deos: si hoc donum Veneri non de Sthenij  
 bonis dedisses, sed de tuis: quod facere debuisti: praesertim  
 cum tibi illo ipso anno à Chelidone uenisset haereditas.  
 Hic ego si hanc causam non omnium Siculorum roga-  
 tu recepissem: si hoc à me muneris non uniuersa prouin-  
 cia poposcisset: si me animus atq; amor in Republica, exi-  
 stimatioq; offensa nostri ordinis, ac iudiciorum non hoc  
 facere coegisset: atq; haec una causa fuisset: quod amicum  
 atq; hospitem meum Sthenium, quem ego in quaestura  
 mea singulariter dilexissem: de quo optime existimassem:  
 quem in prouincia existimationis meae studiosissimum, cu-  
 pidissimumq; cognossem: tam crudeliter, scelerate, nefas-  
 rieq; tractasses: tamen digna causa: cur inimicitias homi-  
 nis improbissimi susciperem: ut hospitis salutem fortu-  
 nasq; defenderem. fecerunt hoc multi apud maiores no-  
 stros: fecit etiam nuper homo clarissimus Cn. Domitius:  
 qui M. Syllanum Consularem uirum accusauit propter  
 Egitomari transalpini hospitis iniurias. putare me ido-  
 neum qui exemplum sequerer humanitatis, atq; officij:  
 proponeremq; spem meis hospitibus, ac necessarijs: quo  
 tutiorem uitam sese meo praesidio uicturos esse arbitrare-  
 tur. cum uero in communibus iniurijs totius prouinciae  
 Sthenij quoq; causa contineatur: multiq; uno tempore à  
 me hospites, atq; amici publicae, priuatimq; defendantur:

profecto uereri non debeo: nequis hoc quod facio, nō existi-  
 met summi officij ratione impulsū coactūq; suscep-  
 pisse. Atq; ut aliquando de rebus ab isto cognitis, iudi-  
 catisq; & de iudicijs datis dicere desistamus: & quo-  
 niam facta istius in his generibus infinita sunt: nos ma-  
 dum aliquem, & finem orationi nostræ, criminibusq;  
 faciamus: pauca ex alijs generibus sumemus. Audistis ob-  
 ius dicundum Q. Variū dicere procuratores suos isti-  
 centum & triginta millia nummum dedisse: mementis  
 Q. Varij testimonium: remq; hanc totam C. Sacerdo-  
 tis hominis ornatissimi testimonio comprobari: scitis Cn.  
 Sertium, M. Modium equites romanos, sexcentos præ-  
 terea ciues Ro. multosq; Siculos dixisse, isti pecuniam ob-  
 ius dicundū dedisse. de quo crimine quid ego disputem:  
 cum totum positum sit in testibus? quid porro argumen-  
 ter: qua de re dubitare nemo possit? an hoc dubitabit qf-  
 quam omnium? quin is uenalem in Sicilia iurisdictionē  
 habuerit: qui Romæ totum edictum, atq; omnia decreta  
 uendiderit? & quin ab Siculis ob decreta interponen-  
 da pecuniam acceperit: qui M. Octauium Ligurem ob  
 ius dicundum poposcerit. quod enim præterea genus pe-  
 cuniæ cogendæ præterijt? quod non ab omnibus alijs  
 præteritum, excogitauit? ecquæ res apud ciuitates Sici-  
 las expetitur: in qua aut honos aliquis sit, aut potestas,  
 aut procuratio: quin eam rem tu ad tuum quæstum, nū-  
 dationemq; hominum traduxeris? dicta sunt priore  
 actione & priuatum, & publice testimonia: legati Centu-  
 ripini, Halesini, Cathinenses, Panormitaniq; dixerunt:  
 multarum præterea ciuitatum. iam uero priuatum pluri-  
 mi. quorum ex testimonijs cognoscere potuistis: tota Sici-  
 lia per triennium neminem ulla in ciuitate Senatorem

factum esse gratis: neminem, ut leges eorum sunt, suffragiis: neminem nisi istius imperio, aut literis: atque in his omnibus Senatoribus cooptandis, non modo suffragia nulla fuisse: sed ne genera quidem spectata esse: ex quibus in eum ordinem cooptari liceret: neque census, neque ætatis, neque cætera Sicularum iura ualuisse. quicumque Senator uoluerit fieri: quamuis puer: quamuis indignus: quamuis ex eo loco, ex quo non liceret: si is precio apud istum fieret idoneus, ut uinceret: factum esse semper: non modo Sicularum nihil in hac re ualuisse leges: sed ne ab Senatu quidem populoque Romano datas. quas enim leges sociis amicisque dat is, qui habet imperium à Populo Romano, auctoritatem legum dandarum à Senatu: hæc debent, et populi Romani et Senatus existimari. Halesini promultis, et magnis suis, maiorumque suorum in Rempublicam nostram meritis, atque beneficiis suo iure, nuper L. Licinio Quinto Mutio Consule. cum haberent inter se controuersias de Senatu cooptando: leges ab Senatu nostro petierunt. decreuit Senatus honorifico Senatus Consulto. ut his C. Claudius Appij filius Pulcher Prætor de Senatu cooptando leges conscriberet. C. Claudius adhibitis omnibus Marcellis, qui tum erant, de eorum sententia leges Halesinis dedit. in quibus multa sanxit de ætate hominum: ne quis minor triginta annis natus: de quæstu, quem qui fecisset, ne legeretur: de censu, de cæteris rebus. quæ omnia ante istum Prætorem, et nostrorum magistratum auctoritate, et Halesinorum summa uoluntate ualuerunt. ab isto et prætor, qui uoluit, istum ordinem precio mercatus est: et pueri annorum senum septenumque: denum Senatorium nomen nudinati sunt: et quod Halesini antiquissimi, et fidelissimi so-



cū, atq; amici Romæ impetrarant, ut apud se ne suffragijs quidem fieri liceret: id precio ut fieri posset, effecit. Agrigentini de Senatu cooptando Scipionis leges antiquas habent. in quibus & eadem illa sancta sunt: & hoc amplius. cum Agrigentinorum duo genera sint: unum ueterum, alterum colonorum: quos T. Manlius Prætor ex S. C. de oppidis Siculorum deduxit Agrigentum: cautum est in Scipionis legibus, ne plures essent ex colonorum numero, quàm ex uetere Agrigentinorum. Iste q̄ omnia iura precio exequasset: omniūq; rerum delectum, atq; discrimen pecunia sustulisset: non modo illa, quæ erant ætatis, ordinis, quæstusq; permiscuit: sed etiam in his duobus generibus cuium nouorum, ueterumq; turbauit. nam cum esset ex ueterum numero quidam Senator demortuus: & cum ex utroq; genere par numerus reliquus esset: ueterem cooptari necesse erat legibus: ut his amplius numerus esset. quæ cum ita se res haberet: tamen ad istum uenerunt emptiū locum illum Senatorium non solum ueteres, sed etiam noui. fit, ut precio nouus uincat: literasq; à Prætore afferat. Agrigentini ad istum legatos mittunt: qui eum leges doceant: consuetudinemq; omnium annorum demonstrent: ut iste intelligeret: ei se illum locum uendidisse: cui ne commercium quidem esse oporteret. quorum oratione iste, cum precium iam accepisset: ne tantulum quidem commotus est. idem fecit Heracleæ. nam eo quoq; colonos P. Rupilius deduxit: legesq; similes de cooptando Senatu, ac de numero ueterum, ac nouorum dedit. ibi non solum iste, ut apud cæteros, pecuniam accepit: sed etiam genera ueterum, ac nouorum, numerumq; permiscuit. Nolite expectare dum omnes obea-

oratione mea ciuitates: hoc uno complector crimine omnia. neminem isto Pratore Senatorem fieri potuisse: nisi qui isti pecuniam dedisset. hoc idem transfero in magistratus, curationes, sacerdotia: quibus in rebus non solum hominum iura, sed etiam deorum religiones immortalium omnes repudiauit. Syracusis lex est de religione: quæ in annos singulos Iouis sacerdotem sortito capi iubeat: quod apud illos amplissimum sacerdotium putatur. cum suffragijs tres ex tribus generibus creati sunt: res reuocatur ad sortem. perfecerat iste imperio: ut pro suffragio Theomnastus familiaris suus in tribus illis renunciaretur. in sorte, cui imperare non poterat: expectabant homines quidnam, acturus esset. homo id quod erat facillimum: primo uetat sortiri: iubet extra sortem Theomnastum renunciari. negant id Syracusani per religiones sacrorum ullo modo fieri posse: fas denique negant esse. iubet ille sibi legem legi. recitatur. in qua scriptum erat: ut quot essent renunciati: tot in hydriam sortes conijcerentur: cuius nomen exisset: ut is haberet sacerdotium. Homo ingeniosus, & peracutus optime inquit. nempe scriptum ita est, quot renunciati erunt: quot ergo sunt renunciati? responsum, tres. nunquid igitur oportet, nisi tres sortes conijci? unam educi? nihil. conijci iubet tres: in quibus omnibus scriptum esset nomen Theomnasti. fit clamor maximus: cum id uniuersis indignum, atque nefarium uideretur. Ita Iouis illud sacerdotium amplissimum per hanc rationem Theomnasto datur. Cephaledi mensis est certus: quo mense sacerdotem maximum creari oporteat. erat eius honoris cupidus Arthenio quidam, Climachias cognomine, homo sane locuples, & domi nobilis: sed is fieri nullo modo pote-

rat. si Herodotus quidam adesset: ei locus ille, atq; honor  
 in illum annum ita deberi putabatur: ut ne Climachias  
 quidem contradiceret. res ad istum defertur: et istius mo-  
 re deciditur. torqueumata sane nota, ac preciosa auferun-  
 tur. Herodotus Romæ erat: satis putabat se ad comitia  
 tempore uenturum: si pridie uenisset. Iste ne aut alio  
 mense ac fas erat: comitia haberentur: aut Herodoto præ-  
 senti honos adimeretur: id, quod iste non laborabat: Cli-  
 machias minime uolebat: excogitat. dixi iam dudum: nō  
 est homo acutior quisquam, nec fuit. excogitat inquam,  
 quemadmodum mense illo legitimo, comitia haberentur:  
 nec tamen Herodotus adesse posset. est consuetudo Siculo-  
 rum, cæterorumq; græcorum, quod suos dies mensesq;  
 congruere uolunt cum solis lunæq; ratione: ut nonnun-  
 quam si quid discrepet: eximant unum aliquem diem:  
 aut summum biduum ex mense: quos illi exheresimos dies  
 nominant. item nonnunquam uno die longiorem men-  
 sem faciunt, aut biduo. quæ iste cum cognouisset: nouus  
 astrologus, qui non tam cæli rationem, quam cælati ar-  
 genti duceret: eximi iubet non diem ex mense, sed ex an-  
 no unum dimidiatumq; mensem hoc modo: ut quo die  
 uerbi causa esse oporteret Idus ianuarias: eo die Cal-  
 Martias proscriberet. itaq; fit omnibus recusantibus, et  
 implorantibus. dies is erat legitimus comitijs habendis.  
 eo modo sacerdos Climachias renunciatus est. Herodo-  
 tus cum Roma reuertitur dies ut ipse putabat, quindecim  
 ante comitia: offendit eum mensem comitiale. comi-  
 tijs iam ab hinc triginta diebus habitis. Tunc Cephale-  
 ditani decreuerunt intercalarium XLV dies longum  
 ut reliqui menses in suam rationem reuertentur. hoc  
 si Romæ fieri posset: certe aliqua ratioe expugnasset istud.

ut dies XLV inter binos ludos tollerentur: per quos sō  
los iudicium fieri posset. Iam uero Censores quemad  
modum in Sicilia isto Prætorē creati sunt: operæ precii  
est cognoscere. ille enim est magistratus apud Siculos, qui  
diligentissime mandatur à populo propter hanc causam:  
quod omnes Siculi ex censu quotannis tributa conferunt:  
in censu habendo potestas omnis æstimationis habendæ,  
summæq; faciendæ censori permittitur. itaq; eum popu  
lus, cui maximam fidem suarum rerum habeat: maxi  
ma cura deligit: et propter magnitudinem potestatis hic  
magistratus à populo summa ambitione contenditur. In  
ea re nihil obscure facere uoluit: non in sortitione fal  
lere: neq; dies de fastis eximere: nihil sane uasre nec ma  
liciose facere conatus est: sed ut studia, cupiditatesq; ho  
norum, atq; ambitiones ex omnibus ciuitatibus tolle  
ret: quæ res euertendæ Reipublicæ causa solent esse:  
ostendit sese in omnibus ciuitatibus Censores esse factu  
rum. Tanto mercatu Prætoris indicto, concurritur un  
diq; ad istum Syracusas: flagrabat domus tota præto  
ria studio hominum, & cupiditate: nec mirum, omni  
bus comitijs tot ciuitatum unam in domum reuocatis, tan  
taq; ambitione provincie totius in uno cubiculo inclu  
sa. exquisitis palam precijs, & licitationibus factis de  
scribebat Censores binos in singulas ciuitates Timarchi  
des. is suo labore, suisq; accessionibus huius negotij, atq;  
operis molestiam conſequebatur: ut ad istum sine ulla  
solicitudine summa pecunia referretur. Iam hic Timar  
chides quantam pecuniam fecerit, planè adhuc cogno  
ſcere non potuiſtis: ueruntamen priore actione quàm ua  
rie, quàm improbe prædatus eſſet, multorum ex testi  
monijs cognouiſtis. Sed ne miremini qua ratione hic tan



tum apud istum libertus potuerit: exponam uobis bre-  
 uiter, quid hominis sit: ut & istius nequitiam, qui illum  
 secum habuerit, eo præsertim numero, ac loco: & cala-  
 mitatem prouinciæ cognoscatis. in mulierum corrupte-  
 lis, et in omni eiusmodi luxuria, atq; nequitia mirandū  
 in modum reperiēbam hunc Timarchidem ad istius  
 flagitiosas libidines, singularemq; nequitiam natum,  
 atq; aptum fuisse: inuestigare: adire: appellare: corrum-  
 pere: quiduis facere in eiusmodi rebus, quamuis callide,  
 quamuis audacter, quamuis impudenter. eundem mi-  
 ra quædam excogitare genera furandi: nā ipsum Ver-  
 rem tantum semper auaricia hiante atq; imminenti fuis-  
 se, ingenio, & cogitatione nulla: ut quicquid sua sponte  
 faciebat: item ut uos Romæ cognouistis, eripere potius, q̃  
 fallere uideretur. hæc uero eius erat ars, & malicia mi-  
 randa: quod acutissime tota prouincia quid cuiq; esset  
 necesse, indagare, & odorari solebat: omnium inimicos  
 diligenter cognoscere: colloqui: attentare: ex utraq; par-  
 te causas, uoluntates perspicere, facultates, & copias: qui-  
 bus opus esset: metum afferre: q̃bus expediret: spem osten-  
 dere: accusatorum, & quadruplatorum quicquid erat:  
 habebat in potestate: quod cuiq; negocij consilari uolebat:  
 nullo labore faciebat: istius omnia decreta, imperia, li-  
 teras peritissime, & callidissime uenditabat: ac non so-  
 lum erat administer istius cupiditatum: uerum etiam  
 ipse sui memnerat æquæ: non solum nummos, si qui  
 isti exciderant: tollere solebat: ex quibus pecuniam ma-  
 ximam fecit: sed etiam uoluptatum, flagitiorumq; istius  
 ipse reliquias colligebat. itaq; in Sicilia non Athenio-  
 nem, qui nullum oppidum ccepit: sed Timarchidem  
 fugitiuum omnibus oppidis per triennium scitote re-

gnasse: in Timarchidis potestate sociorum populi Ro. antiquissimorum, atq; amicissimorum liberos, matresfamilias, bona, fortunasq; omnes fuisse. Is igitur, ut dico, Timarchides in omnes ciuitates accepto precio Censores dimisit. comitia isto prætore Censorum ne simulandi quidem causa fuerunt. Iam hoc impudentissime. palàm (licebat enim uidelicet legibus) singulis Censoribus denarij trecenti ad statuam prætoris imperati sunt. Censores CXXX facti sunt. pecuniam illam ob censuram contra leges, clam dederunt: hæc denaria XXXVIII millia palàm saluis legibus contulerunt in statuam. primum quo tantam pecuniam? deinde quamobrem Censores ad statuam tibi conferebant? ordo aliquis Censorum est collegium? genus aliquod hominum? nam aut publice ciuitates istos honores habent: aut si generatim homines: ut aratores, ut mercatores, ut nauicularij. Censores quidem qui magis, quam Aediles? ob beneficium? ergo hoc fatebere, abs te hæc petita esse: nam erepta nõ audebis dicere? te eos magistratus hominibus beneficij nõ Reip. causa permisisse? hoc autem tute fatebere? quisquã dubitabit? quin tu istam apud populos prouinciæ istius inuidiam atq; offensionem non ambitionis, neq; beneficiorum collocandorum, sed pecuniæ conciliandæ causa suscepis? Itaq; Censores fecerunt idem, quod in nostra Rep. solent ij: qui per largitionem magistratus adepti sunt: dederunt operam: ut ita potestatem gererent: ut illam lacunam rei familiaris explerent. sic census habitus est te prætore: ut eo censu nullius ciuitatis Respu. posset administrari. nam locupletissimi cuiusq; census extenuerant: tenuissimi auxerant. Itaq; in tributis imperandis tantum oneris plebi imponebatur: ut etiam

si homines tacerent: res ipsa illum censum repudiaret.  
 id quod intelligi facillime re ipsa potest. nam L. Metel-  
 lus, qui posteaquam ego inquirendi causa in Siciliam  
 ueni: repente Letilij aduentu istius nonmodo amicus,  
 uerum etiam cognatus factus est: is, quod uidebat istius  
 censum stare nullo modo posse: eum censum obseruari  
 iussit: qui uiro fortissimo, atq; innocentissimo Sex. Pe-  
 duceo prætore habitus esset. erant enim tum Cēsores legi-  
 bus facti, delecti à suis ciuitatibus: quibus, siquid commi-  
 sissent: poenæ legibus erant constitutæ. te autem prætore,  
 qui Censor aut legem metuerit: qua non tenebatur: quo-  
 niam creatus lege non erat: aut animaduersionem tuā?  
 cum id quod abs te emerat: uēdidisset? Teneat iam sane  
 meos testes Metellus: cogit alios laudare: sicut in multis co-  
 natus est: modo hæc faciat, quæ fecit. q̄s enim unquā tanta  
 à quoquam contumelia, quis tanta ignominia affectus  
 est? Quinto quoq; anno Sicilia tota censetur: erat cen-  
 sa prætore Peduceo: quintus annus cum te prætore in-  
 cidisset: censa denuo est. postero anno L. Metellus men-  
 tionem tui census fieri uetat: censores dicit de integro si-  
 bi creari placere: interea Peduceanum censum obser-  
 uari iubet. hoc si tuus inimicus tibi fecisset: tamen si animo  
 æquo prouincia tulisset: inimici iudicium graue uidere  
 tur. fecit amicus recens, & cognatus uoluntarius. aliter  
 enim, si prouinciam retinere, si saluus ipse in prouin-  
 cia uellet esse: facere non potuit. expectas etiam quid hi  
 iudicent: si tibi magistratum abrogasset: minore igno-  
 minia te affecisset: quā cum ea, quæ in magistratu  
 gessisti, sustulit: atq; irrita iussit esse. Neq; in hac re so-  
 la fuit eiusmodi. sed antequam ego in Siciliam ueni:  
 in maximis rebus, ac plurimis. nam et Heraclio Syra-  
 cu sano tuos

*cusano tuos illos palestritas bona restituere iussit: et Epi-  
 crati Bidinos, & pupillo Drepanitano A. Claudium:  
 & nisi mature Letilius in Sicilia uenisset cum literis:  
 minus XXX diebus Metellus totam triennij præturâ  
 rescidisset. Et quoniam de ea pecunia quam tibi ad  
 statuam Censores contulerunt: dixi: non mihi præter-  
 mittendum uidetur, ne illud quidem genus pecuniæ con-  
 ciliatæ: quam tu à ciuitatibus statuarum nomine coe-  
 gisti. Video enim eius pecuniæ summam esse per gran-  
 dem, ad HS CXX nullia. tantum conficitur ex testi-  
 monijs, ac literis ciuitatum: & iste hoc concedit: nec po-  
 test aliter dicere. quare cuiusmodi putamus esse illa,  
 quæ negat? cum hæc tam improba sunt: quæ fatetur?  
 quid enim uis constitui? consumptam esse omnem istam  
 pecuniam in statuis? fac ita esse: tamen hoc ferendum  
 nullo modo est: tantam ab socijs pecuniam auferri: ut o-  
 mnibus in angustis prædonis improbissimi statuæ po-  
 nantur: qua uix tuto transire posse uideamur. uerum ubi  
 tandem, aut in quibus statuis ista tanta pecunia consum-  
 pta est? consumetur inquires. scilicet expectemus legitimū  
 illud quinquennium. si hoc intervallo non consumpse-  
 rit: tum deniq; nomen eius de repetundis pecunijs sta-  
 tuarū nomine deferemus. reus est maximis plurimisq;  
 criminibus in iudicium uocatus: HS CXX nullia ex  
 hoc uno genere capta uidemus. si condemnatus eris: nō  
 opinor id ages, ut ista pecunia in quinquennio consu-  
 matur in statuis. sin absolutus eris: quis erit tam amens,  
 qui te ex tot, tantisq; criminibus elapsum, post quinque  
 nium statuarum nomine accersat? ita si neq; adhuc con-  
 sumpta ista pecunia est: & est perspicuum, non consum-  
 ptam iri: licet iam intelligamus inuentam esse rationē:*



quare & iste HS CXX millia uno genere concilia-  
rit: & coeperit: & cæteri, si à uobis hoc erit comproba-  
tum: quam uolent magnas hoc nomine pecunias capere  
possint: ut iam uideamur non à pecunijs capiendis ho-  
mines abstertere: sed cum genera quædam pecuniarum  
capiendarum comprobaremus: honesta nomina turpissi-  
mus rebus imponere. Etenim si C. Verres HS CXX  
millia populum uerbi gratia Centuripinum poposcis-  
set: eamq; ab his pecuniam abstulisset: non opinor esset  
dubium, quin eum, si tum id planum fieret: condemna-  
ri necesse esset. quid si eundem populum HS CCC mil-  
lia poposcit? eaq; coegit: atq; abstulit? num igitur absolue-  
tur? quod ascriptum est, eam pecuniam datam statuarum  
nomine? non opinor. nisi forte id agimus: non ut magi-  
stratibus nostris moram accipiendi, sed ut socijs causam  
dandi auferre uideamur. Quod si quæ statuæ magnope-  
re delectant: & si quis earum honore & gloria ductus  
hæc tamen constituat necesse est: primum auerti  
pecuniam domum non placere: deinde ipsarum statua-  
rum modum quendam esse oportere: deinde illud certe,  
ab inuitis exigi non oportere. Ac de auertenda pecu-  
nia, quæro abs te, utrum ipsæ ciuitates solitæ sint statu-  
as tibi faciundas locare ei: cui possent optima conditio-  
ne locare? an aliquem curatorem præficere: qui statuis  
faciundis præesset? an tibi, an cui tu imperasses admi-  
nerare pecuniam? nam si per eos statuæ fiebant: à qui-  
bus tibi iste honos habebatur: audio. sin Timarchidi pe-  
cunia numerabatur: desine quæso simulare te, cum in  
manifesto furto tenere: gloriæ studiosum, ac monumen-  
torum fuisse. quid uero modum statuarum haberi nul-  
lum placet? at qui habeatur necesse est. etenim sic consi-

derate. Syracusana ciuitas (ut eam potissimū nonnēm)  
 dedit ipsi statuam. est honos. & patri. bella hæc pietas,  
 & quæstiosa simulatio. et filio. ferri hoc potest. hunc  
 enim puerum non oderant. uerum quotiens, & quot  
 nominibus à Syracusanis statuas auferes? ut in foro sta-  
 tuerent, abstulisti: ut in curia, coegisti: ut pecuniam con-  
 ferrent in eas statuas, quæ Romæ ponerentur: impera-  
 sti: ut iidem darent homines aratorum nomine: dede-  
 runt: ut iidem pro parte in commune Siciliae conferrent:  
 etiam id contulerunt. una ciuitas cum tot nominibus pe-  
 cuniam contulerit: idemq; hoc ciuitates cæteræ fecerint:  
 non res ipsa uos admonet: ut putetis modum aliquē huic  
 cupiditati constitui oportere? quod si hoc uoluntate sua  
 nulla ciuitas fecit: si omnes imperio, metu, ui, malo addi-  
 ctæ tibi pecuniam statuarum nomine contulerunt: per  
 deos immortales num cui dubium esse poterit? quin,  
 etiam si quis statuerit accipere ad statuas licere: idem ta-  
 men statuatur, eripere certe non licere? Primum igitur in  
 hanc rem testem totam Siciliā citabo: quæ mihi una uo-  
 ce statuarum nomine magnam pecuniam per uim co-  
 actam esse demonstrat. nam legationes omnium ciuita-  
 tum in postulatis communibus, quæ ferè omnia ex tuis  
 iniurijs nata sunt: etiam hoc ediderunt: ut statuas ne  
 cui, nisi cum is de provincia decessisset: pollicerentur.  
 Tot prætores in Sicilia fuerunt: totiens apud maiores  
 nostros Siculi Senatū adierunt: totiens hac memoria:  
 tamen huiusce noui postulati genus, atq; principium tua  
 prætura attulit. quid enim tam nouum, nō solum re,  
 sed genere ipso postulandi? nam cætera quæ sunt in  
 iisdem postulatis de iniurijs tuis, sunt noua: sed tamen  
 non nouo modoulantur. rogant, et orant Siculi pa-

tres conscriptos: ut nostri magistratus post hac decumas  
 lege Hieronica uendant. tu primus contra uendideras.  
 audio. ne in cellam quod imperatur: aestiment. hoc quoque  
 propter tuos ternos denarios nunc primum postulatur.  
 sed genus istud postulandi non est nouum. ne absentis  
 nomen recipiatur. ex Sthenij calamitate, & tua natum  
 est iniuria. cetera non colligam. sunt omnia Siculorum  
 postulata eiusmodi: ut crimina collecta in unum te reū  
 esse uideantur. quæ tamen omnia nouas iniurias habet:  
 sed postulationum formulas usitatas. hoc postulatum de  
 statuis ridiculum esse uideatur ei: qui rem sententiamque  
 non perspiciat. postulant enim non ut ne cogantur sta-  
 tuere. quid igitur? ut ipsis ne liceat. quid est hoc? petis a  
 me, quod in tua potestate est: ut id tibi facere ne liceat.  
 pete potius ne quis te inuitum polliceri, aut facere cogat.  
 nihil ergo inquit. negabunt enim omnes se coegisse. si ma-  
 saluum esse uis: mihi impone istam uim: ut omnino mi-  
 hi ne liceat polliceri. ex tua prætura primum nata est  
 hæc postulatio. qua cum utuntur: hoc significant: atque  
 adeo aperte ostendunt: sese ad statuas pecuniam metu,  
 ac malo coactos inuitissimos contulisse. Quid? si hoc non  
 dicant: tibi non necesse sit ipsi id confiteri? uide & per-  
 spice qua defensione sis usus: iam intelliges hoc tibi de  
 statuis confitendum esse. mihi enim renunciatur, ita con-  
 stitui à tuis patronis hominibus ingeniosis causam tuā:  
 & ita eos abs te institui: & doceri: ut quisque ex prouin-  
 cia Sicilia grauior homo, atque honestior testimonium ue-  
 hementius dixerit: sicuti Siculi multi primarij uiri mul-  
 ta dixerūt: te statim hoc istis tuis defensoribus dicere: in-  
 micus est: propterea quod arator est. itaque uno genere opi-  
 nor circumscribere habetis in animo genus hoc arato-

rum: quod eos infenso animo, atq; inimico uenisse dicitur: quia fuerit in decumis iste uehementior. Ergo aratores inimici: omnes aduersarij: nemo eorum est quin perisse te cupiat. omnino præclare te habes: cum is ordo, atq; id genus hominum, quod optimum, atq; honestissimum est: à quo uno & summa Reip. & illa prouincia maxime continetur: tibi est inimicissimum. uerū est: alio loco de aratorum animo, & iniurijs uidero: nunc quod mihi abs te datur: id accipio: eos tibi esse inimicissimos. nempe ita dicis, propter decumas. concedo: non quero iure an iniuria sint inimici. quid ergo illæ sibi statuæ equestres inuicratæ uolunt? quæ populi Ro. oculos, animosq; maxime offendūt: propter ædem Vulsatni? nam scriptum esse uideo, quandam ex his statuâ aratores dedisse. si honoris causa statuam dederunt: inimici non sunt: credamus testibus: tum enim honori tuo, nunc iam religioni suæ consulunt. sin autem metu coacti dederunt: confiteare necesse est: te in prouincia pecuniâ statuarum nomine per uim ac metum coegisse. utrum tibi commodum est elige. equidem libenter hoc iam crimen de statujs relinquam: ut mihi tu illud concedas: quod tibi honestissimum est: aratores tibi ad statuam honoris tui causa uoluntate sua contulisse. da mihi hoc. iam tibi maximam partem defensionis præcideris. non enim poteris aratores tibi iratos esse, atq; inimicos dicere. O' causam singularem: O' defensionem miseram, ac perditam: nolle hoc accipere reum ab accusatore: et eum reum qui prætor in Sicilia fuerit: aratores ei statuam sua uoluntate statuisse: aratores de eo bene existimare: amicos esse: saluū esse cupere. metuit, ne hoc uos existimetis. obruitur enim aratorum testimonijs. utar eo quod datur. certe ita



nobis hoc iudicandum est: eos, qui isti inimicissimi sunt:  
 ut ipse existimari uult: ad istius honores, atq; monumē  
 ta pecuniam non uoluntate sua contulisse. atq; ut hoc ta  
 men facillime intelligi possit: quem uoles eorum testum,  
 quos produxero: qui in Sicalia testes sint: siue ciuem Ro.  
 uelis, siue Siculum, rogato: & eum qui tibi inimicissi  
 mus esse uidebitur: qui se spoliatum à te diceret: ecquid suo  
 nomine in tuam statuas contulerit? neminem reperies,  
 qui neget. & enim omnes dederunt. quenquam igitur pi  
 tas dubitaturum: quin is, quem inimicissimum tibi esse  
 oporteat: qui abs te grauissimas iniurias acceperit: pecu  
 niam statuæ nomine dederit ui, atq; imperio adductus,  
 non officio, ac uoluntate. Et huius ego pecuniæ Iudices,  
 quæ permagna est, impudentissimeq; coacta ab inui  
 tis: non habui rationem: neq; habere potui: quantum ab  
 aratoribus, quantum ab negotiatoribus, qui Syracusis,  
 qui Agrigenti, qui Panormi, qui Lilybei negotiantur:  
 esset coactum: quoniam intelligitis ipsius quoq; confessio  
 ne ab inuitissimis coactam esse. Venio nunc ad ciuitates  
 Sicaliae: de quibus facillime iudicium fieri uoluntatis po  
 test. an etiam Siculi inuiti contulerunt? non est probabi  
 le. etenim sic C. Verrem præturam in Sicalia gessisse con  
 stat: ut cum utrisq; satisfacere non posset, & Siculis, et  
 togatis: officij potius in socios, quàm ambitionis in ciues  
 rationem duxerit. Itaq; eum non solum patronum isti  
 us insulæ, sed etiam Sothera inscriptum uidi Syracusis.  
 hoc quantum est? ita magnum: ut latino uno uerbo ex  
 primi non possit. is est nimirum Sother: qui salutem de  
 dit. huius nomine etiam dies festi agitantur pulchra il  
 la Verrea, non quasi Marcellea, sed pro marcelleis, quæ  
 illi istius iussu sustulerunt. huius fornex in foro Syracæ

sis est: in quo nudus filius stat: ipse autem ex equo nu-  
 datam ab se prouinciam prospicit. huius statuæ omni-  
 bus \* quæ hoc demonstrare uideantur: pro-  
 pmodum non minus multas statuas istum posuisse Sy-  
 racusis: quàm abstulisse. huic etiam Romæ uidemus in  
 basi statuarum maximis literis incisum, a communi Sici-  
 lia datas. quamobrem qui hoc probari potest cuiquam?  
 tantos honores habitos esse ab inuitis? Hic tibi etiam  
 multo magis, quàm ante in aratoribus uidendum et con-  
 siderandum est: quid uelis. magna res est. utrum tibi Si-  
 culos publice priuatimq; amicos, an inimicos existima-  
 ri uis? si inimicos: quid te futurum est? quo confugies?  
 ubi nitere? modo aratorum honestissimorum homi-  
 num, & locupletissimorum maximum numerum abs-  
 te abalienasti. nunc de Siculis ciuitatibus quid ages?  
 dices tibi Siculos esse amicos? qui poteris? qui, quod  
 nullo in homine antea fecerunt: ut in eum publice testi-  
 monium dicerent: cum præsertim ex ea prouincia con-  
 denati sint complures, qui ibi prætores fuerunt: duo so-  
 li absoluti: huc conueniunt cum literis: ueniunt cum mæ-  
 datis: ueniunt cum testimonijs publicis: qui si te publice  
 laudarent: tamen id more potius suo, quàm merito tuo  
 facere uiderentur: hi cum de tuis factis publice conque-  
 runtur: non ne hoc indicant? tantas esse iniurias: ut mul-  
 to maluerint de suo more decedere: quàm de tuis mo-  
 ribus non dicere? confitendum est igitur tibi necessario:  
 Siculos inimicos esse: qui quidem & in te grauissima po-  
 stulata Consulibus ediderunt: & me ut hanc causam,  
 salutisq; suæ defensionem susceperem: obsecrarunt: qui  
 cum a prætore prohiberentur: a quatuor quæstoribus  
 impedirentur: omnium minas, atq; omnia pericula præ-

salute sua leuia duxerunt : qui priore actione ita testimonio grauius, uehementerq; dixerunt : ut Artemonem Centuripinum legatum, & publice testem, Q. Hortensius accusatorem, non testem esse diceret. etenim cum propter uirtutem, & fidem cum Androne homine honestissimo, & certissimo, tum etiam propter eloquentiam legatus a suis ciuibus electus est : ut posset multas istius, & uarias iniurias quam apertissime nobis, planissimeq; explicare. Dixerunt Halesmi, Catinenses, Tyndaritani, Ennenses, Herbitenses, Agyrinenses, Netinenses, Segestani. numerare omnes non est necesse. scitis quam multi, & quam multa priore actione dixerunt. nunc & illi, & reliqui dicent. omnes deniq; hoc in hac causa intelligent : hoc animo esse Siculos : ut si istum animaduersum non sit : sibi reliquendas domos, ac sedes suas, & ex Sicilia decedendum, atq; adeo fugiendum esse arbitrentur. Hos homines tu persuadebis, ad honores, atq; amplitudinem tuam pecunias maximas uoluntate sua contulisse? credo. q te in tua ciuitate incolumem esse nollent : ij monumenta tue formae, ac nominis in suis ciuitatibus esse cupiebant. res declarauit : ut cupierint. iam dudum enim mihi nimium tenuiter. Siculorum erga te uoluntatis argumenta colligere uideor : utrum statuas uoluerint tibi statuere : an coacti sint. de quo homine auditum est unquam, quod tibi accidit? ut eius in prouincia statuæ in locis publicis posita, partim etiam in ædibus sacris, per uim per uniuersam multitudinem deicerentur? tot homines in Asia nocentes, tot in Africa, tot in Hispania, Gallia, Sardinia, tot in ipsa Sicilia fuerunt : ecquo de homine hoc unquam audiuius? nouum est Iudices : in Siculis qui-

dem, & in omnibus græcis monstri simile. non crederem hoc de statuīs: nisi iacentes, reuulsasq; uidissem: propterea quod apud omnes græcos hic mos est: ut honorē hominibus habitum in monumentis huiusmodi, nonnulla religione deorum consecrari arbitrentur. itaq; cum Rhodij bellum illud propē soli superius cum Mithridate rege gesserint: omnesq; eius copias, acerrimūq; eius impetum, a mœnibus, litoribus, classibusq; suis exceperint: cum & regis inimici præter cæteros essent: statuam eius, quæ erat apud ipsos in celeberrimo urbis loco: ne tum quidem in ipsis urbis periculis attigerunt. forsitan uix conuenire uideretur: quem ipsum hominem cuperent euertere: eius effigiem simulacrumq; seruare. sed tamen uidebam, apud eos cum essem: & religionem esse quandam in his rebus a maioribus traditam: & hoc disputare: cum statua se eius habuisse temporis rationem, quo posita esset: cum homine uero, quo gereret bellum: atq; hostis esset. uidetis igitur consuetudinem, religionemq; græcorum, quæ monumenta hostiū in bello ipso soleat defendere: eam summa in pace prætoris populi ro. statuīs præsidio non fuisse. Tauromunitani, quorum est ciuitas fœderata: homines quietissimi, qui maxime ab iniurijs nostrorum magistratuum remotissimi consueuerant esse præsidio fœderis: hi tamen istius euertere statuam non dubitarunt. qua ablata, basin tamen in foro manere uoluerunt: quod grauius in istum fore putabant: si scirent homines statuam eius a Tauromunitanis esse deiectam: quàm si nullam unquam positam arbitrarentur. Tyndaritani deiecerunt in foro: & eadem de causa equum inanem reliquerunt. Leontini misera in ciuitate, atq; inani, tamen istius in



Gymnasio statua deiecta est. Nam quid ego de Syracusanis loquar, quod non est proprium Syracusanorum: sed & illorum commune, & conuentus illius, ac propè totius provinciae? quanta illuc multitudo, quanta uis hominum conuenisse dicebatur: tum cum statuae sunt illius deiectae, atq; euersae. at quo loco? celeberrimo, ac religiosissimo, ante ipsum sepim, in primo aditu, uestibuloq; templi. quod nisi Metellus hoc tam grauius egisset: atq; illam imperio, edictoq; prohibuisset: uestigium statuarum istius in tota Sicilia nullum esset relictum. Atq; ego hoc non uereor: ne quid horum non modo impulsu, uerum omnino aduentu meo factum esse uideatur. omnia ista ante facta sunt, non modo quàm ego Siciliam, uerum etiam quàm iste Italiam attigit. dum ego in Sicilia sum: nulla statua deiecta est. posteaquam illinc discessi: quae sunt gesta: cognoscite. Centuripinorum Senatus decreuit: populusq; iussit: ut quae statuae C. Verris ipsius, & patris, & filij essent: eas quaestores demoliendas locarent: dumq; ea demolitio fieret: Senatores XXX non minus adessent. Videte grauitatem ciuitatis, & dignitatem. neq; eas in urbe sua statuas esse uoluerunt: quas inuiti per uim, atq; imperiū dedissent: neq; eius hominis: in quem ipsi cum grauissimo testimonio, quod nunquam antea, Romam mandata, legatosq; misissent. & id grauius esse putauerunt: si publico consilio, quam si per uim multitudinis factum uideretur. cum hoc consilio statuas Centuripini publice sustulissent: audit Metellus: grauius ferre euocat ad se Centuripinum magistratum, & decem primos: nisi restituisent statuas: uehementer ijs minatur. Illi ad Senatum renunciant: statuae, quae istius causae nihil pro-

desse: reponuntur. Hic ego aliud alij concedo: Metello homini sapienti prorsus non possum ignoscere: si quid stulte facit. quid? ille hoc putabat Verris criminofum fore? si eius statuæ essent deiectæ? quod sæpe uento, aut aliquo casu fieri solet. non erat in hoc neq; crimen ullum, neq; reprehensio. ex quo igitur crimen, atq; accusatio nascitur? ex hominum iudicio, & uoluntate. ego, si Metellus statuas reponere Centuripinos non coegisset: hæc dicerem. uidete Iudices quantum, & quam acerbum dolorem sociorum, atq; amicorum animis inuufferint istius iniuriæ: cum Centuripinorum amicissima, & fidelissima ciuitas, quæ tantis officijs cum populo Ro. coniuncta est: ut non solum Remp. nostram, sed etiã in quo uis homine priuato nomen ipsum Romanorum semper dilexerit: ea publico consilio, atq; auctoritate iudicauit: C. Verris statuas esse in urbe sua non oportere. reatarem decreta Centuripinorum: laudarem illam ciuitatem: id quod uerissime possem: commemorarem X millia ciuium Centuripinorum fortissimorum, fidelissimorumq; sociorum: eos omnes statuiffe monumentum istius in sua ciuitate nullum esse oportere. Hæc tum dicerem: si statuas Metellus non reposuisset. uelim querere nunc ex ipso Metello, quidnam sua ui, & auctoritate mihi ex hac oratione præciderit. eadem opinor omnia conuenire. neq; enim si maxime statuæ deiectæ essent: eas ego uobis possem iacētes ostendere: hoc uno uter: ciuitatem tam grauem statuas iudicasse C. Verris demoliendas. hoc mihi Metellus non eripuit. hoc etiam addidit: ut quererem, si mihi uideretur, tam iniquo iure socijs, atq; amicis imperari: ut ijs, ne in suis qdē beneficijs, libero iudicio uti liceret: ut uos rogarem: ut coniectu-

ram faceretis, qualem in ijs rebus in me L. Metellum  
 fuisse putaretis: in quibus rebus obesse mihi posset: cum  
 in hac re tam aperta cupiditate fuerit: in qua nihil ob-  
 fuit. sed ego Metello non ira scōr: neq; ei suam purgatio-  
 nem eripio: qua ille apud omnes utitur: ut nihil mali-  
 ciose, neq; consulto fecisse uideatur. Iam igitur est ita p-  
 spicuum, ut negare non possis: nullam tibi statuam uo-  
 luntate cuiusquam datam: nullam pecuniam statua-  
 rum nomine nisi ui expressam, & coactam. quo quidē  
 in crimine non illud solum intelligi uolo: te ad statuas  
 HS CXX millia coegisse: sed multo etiam illud magis,  
 quod simul demonstrandum est: quantum odium in te  
 aratorum, quantum omnium Siculorum sit: & fuerit:  
 in quo quæ uestra defensio futura sit: coniectura assequi  
 non queo. oderunt Siculi. togatorum enim causa mul-  
 ta feci. at hi quidem acerrimi, inimicissimiq; sunt. ini-  
 micos habeo cives romanos: quod sociorum commoda,  
 ac iura defendi. at socij in hostium numero se abs te ha-  
 bitos queruntur. aratores inimici sunt propter decia-  
 mas. quid? qui agros immunes, liberosq; arant: cur  
 oderunt? cur Halefani? cur Centuripini? cur Segestani?  
 cur Halicyenses? quod genus hominum? quem nume-  
 rum? quem ordinem proferre possis? qui te non oderit?  
 siue ciuium romanorum, siue Siculorum: ut etiam si cau-  
 sam, cur te oderint, non possim dicere: tamen illud di-  
 cendum putem: quem omnes mortales oderint: eum quoq;  
 uobis odio esse oportere. An hoc dicere audebis? utrius  
 de te aratores, utrum deniq; Siculi uniuersi, bene existi-  
 ment, ad rem id non pertinere? neq; tu hoc dicere au-  
 debis: neq; si cupies: licebit. eripiunt tibi istam orationem  
 contemnendorum Siculorum, atq; aratorum, statue illæ

equestres: quas tu paulo ante, quàm ad urbem uenires: poni inscribiq; iussisti: ut omnium inimicorum animos accusatorumq; tardares. quis enim tibi molestus esset? aut quis appellare auderet? cum uideret statuas ab negociatoribus, ab aratoribus, a communi Sicilia? quod est aliud in illa prouincia genus humanum? nullum: ergo ab uniuerſa prouincia, generatimq; a singulis eius partibus, non solum diligitur: sed etiam ornatur. quis hunc attingere audeat? potes igitur dicere, nihil tibi obesse oportere aratorum, negociatorum, sicularumq; omnium testimonia? cum eorum nominibus in statuarum inscriptione positus, omnem te sperabas inuidiâ, atq; infamiam tuam extinguere posse. An quorum auctoritate tu statuas cohonestare tuas conatus es: eorum ego dignitate accusationem meâ comprobare non potero? nisi forte, quod apud publicanos gratosus fuisti: in ea re spes te aliqua consolatur. quæ gratia nequid tibi prodesse posset: ego mea diligentia perfecî. ut etiam obesse deberet: tua sapientia curasti. Etenim rem totam Iudices breuiter cognoscite. In Scriptura Siciliæ pro magistro est quidam L. Carpinatus: qui & sui questus causa, & fortasse quod sociorum interesse arbitrabatur: bene penitus in istius familiaritatem sese dedit. Is cum prætorem circum omnia fora sectaretur: neq; ab eo unquam discederet: in eam iam uenerat familiaritatem, consuetudinemq; in uendendis istius decretis, & iudicijs, transigendisq; negocijs: ut propè alter Timarchides numeraretur. hoc erat etiam capitalior: quod idem pecuniam ipsi, qui ab isto aliquid mercabantur: fœnori dabat. ea autè fœneratio erat huiusmodi Iudices: ut etiâ hic questus huic cederet. nam quas pecunias ferebat is



expensas, quibus cum contrahebat: aut scribæ istius, aut  
 Timarchidi, aut etiam ipsi isti referebat acceptas. Idem  
 præterea pecunias istius extraordinarias grandes suo  
 nomine fœnerabatur. Hic primo Carpinatius antequam  
 in istius tantam familiaritatem pervenisset: aliquotiens  
 ad socios literas de istius iniurijs miserat. Canuleius ve-  
 ro, qui in portu Syracusis operas dabat: furtim quoque istius  
 permulta nominatim ad socios p̄scripserat ea, quæ sine  
 portorio Syracusis erant exportata: portum autem, et  
 scripturas eadem societas habebat. Ita factum est: ut es-  
 sent permulta: quæ ex societatis literis dicere in istum,  
 ac proferre possemus. verum accidit: ut Carpinatius, qui  
 iam cum isto summa consuetudine, præterea ratione con-  
 iunctus esset: crebras postea literas ad socios de istius sum-  
 mis officijs in rem communem, beneficijsq; mitteret. Et  
 enim tum iste omnia quæcumque Carpinatius postulabat,  
 facere, ac decernere solebat: tum ille etiam plura scri-  
 bebat ad socios: ut, si posset: quæ antea scripserat: ea pla-  
 ne extingueret. Ad extremum vero, cum iste iam dece-  
 debat: eiusmodi literas ad eos misit: ut huic frequētes ob-  
 viam prodirent: gratiasq; agerent: facturos esse, si quid  
 imperasset, studiose pollicerentur. Itaque socij fecerunt, ve-  
 tere instituto publicanorum, non quo istum ullo hono-  
 re dignum arbitrarentur: sed quod sua interesse puta-  
 bant, se memores gratosq; existimari: gratias isti egerunt.  
 Carpinatium sæpe ad se de eius officijs literas misisse di-  
 xerunt. iste cum respondisset: ea se libenter fecisse: ope-  
 rasq; Carpinatij magnopere laudasset: dat amico suo  
 cuiusdam negocium, qui tum magister erat eius societatis:  
 ut diligenter caveret: atq; prospiceret: nequid esset in li-  
 teris sociorum: quod contra suum caput, atq; existimatio-

nem ualere posset. Itaq; ille multitudine sociorum remota, decumanos conuocat: rem desert. statuunt illi, atq; decernunt: ut hæ literæ quibus existimatio C. Verris læderetur: remouerentur: operaq; daretur: ne ea res C. Verri fraudi esse posset. Si ostendo hoc decreuisse decumanos: si planum facio hoc decreto remotas esse literas: quid expectatis amplius? possum ne rem magis iudicatam afferre? magis reum condemnatum in iudicium adducere? at quorum iudicio condemnatum? nempe eorum: quos hi, qui seueriora iudicia desiderant: arbitrentur reos iudicari oportere: publicanorū iudicio. quos uidelicet nūc populus iudices poscit: de quibus, ut eos iudices habeamus, legē ab homine non nostri generis, non ex equestri loco profecto, sed nobilissimo promulgatam uidemus: Decumani, hoc est principes, & quasi Senatores publicanorum, remouendas de medio literas censuerunt. Habeo ex his qui affuerunt: quos productam homines honestissimos, ac locupletissimos, istos principes, Equestris ordinis: quorum splendore uel maxime istius, qui legem promulgauit: oratio, & causa nitatur. uenient in medium: dicent, quid statuerint: profecto si recte homines noui, non mentietur. literas enim communes de medio remouere potuerunt: fidem suam, & religionem remouere non possunt. Ergo Equites Ro. te suo iudicio condemnari noluerunt. Vos nunc utrum illorum iudicium, an uoluntatem sequi malitis, considerate. At uide, quid te amicorum tuorum studium, quid tuum consilium, quid sociorū uoluntas adiunget? dicam paulo amplius. neq; enim iam uereor, nequis hoc me magis accusatorie, quàm libere dixisse arbitretur. Si istas literas non decreto Decumanorum magistri remouissent: tantum possem in te dicere:

quantum in literis inuenissem. nunc decreto isto facto,  
 literisq; remotis, tantum mihi licet dicere: quantum pos-  
 sum: tantum iudici suspicari: quantum uelit. Dico te ma-  
 ximum pondus auri, argenti, eboris, purpuræ, pluri-  
 mam uestem melitensem, plurimam stragulam, multam  
 deliactam supellectilem, plurima uasa corinthia, ma-  
 gnum numerum frumenti, uini mellis maximam, Sy-  
 racusis exportasse. his pro rebus, quod portorium non  
 esset datum: literas ad socios misisse L. Canuleium: qui  
 in portu operas daret. satis ne magnum hoc crimen ui-  
 detur? nullum opinor maius. quid defendet Hortensius?  
 postulabit ut literas Canulei proferam? crimen huiusmo-  
 di nisi literis confirmetur: inane esse dicet? clamabo lite-  
 ras remotas esse de medio: decreto sociorum erepta mihi  
 esse istius indicia, ac monumenta furtorum. Aut hoc con-  
 tendat nunquam esse factum: aut omnia tela excipiat ne-  
 cesse est. negas esse factum? placet mihi ista defensio. de-  
 scendo. æqua enim conditio, æquumq; certamen propo-  
 nitur. producam testes: & producam plures eodem tem-  
 pore. quoniam tum, cum actum est, una fuerunt: nunc  
 quoq; una sunt. cum interrogabuntur: obligentur non solū  
 iuris iurandi, atq; existimationis periculo, sed etiam com-  
 muni inter se conscientia: si planum sit, hoc ita, quemad-  
 modum dico, esse factum: non poteris dicere Hortensi,  
 nihil in istis fuisse literis quod Verrem læderet. non mo-  
 do id non dices: sed ne illud quidem tibi dicere licebit:  
 tantum, quantum ego dicam, non fuisse. Ergo hoc uestro  
 consilio, & gratia perfecistis: ut, quemadmodum pau-  
 lo ante dixi, & mihi summa facultas ad accusandum da-  
 retur: & iudicibus libera potestas, ad credendum. quod  
 cum ita sit: nihil fingam tamen: meminero me non sum-  
 pisse, quem

psisse, quem accusarem: sed recepisse, quod defenderem: uos ex me causam non à me prolatam, sed ad me delatam audire oportere: me Siculis satis esse facturum: si quæ cognoui in Sicilia: quæ accepi ab ipsis: diligenter exposuero: populo romano: si nullius uim, nullius potentiam pertinuero: uobis: si facultatem uere, atq; honeste iudicandi, fide, & diligentia mea fecero: mihi in eo: si ne minus quidem de meo curriculo uitæ, quod mihi semper propositum fuit: decessero. quapropter nihil est, quod metuas: ne quid mecum fingam: etiam quod letere habes. multa enim quæ scio abs te esse commissæ: quod aut nimium turpia, aut parum credibilia sunt: prætermittam. tantum agam de hoc toto nomine societatis: ut eam scire possitis. quæram decretum ne sit? cum id inueniero: quæram remotæ ne sint literæ? cum id quoq; constabit: uos iam me tacto intelligetis: si illi, qui hoc istius causa decreuerunt, equites romani: nunc ydem in eum iudices essent: istum sine dubio condemnarent: de quo literas eas, quæ istius furta indiatrent, & ad se missas, & suo decreto remotas scirent esse. quæ igitur ab ijs equitibus romanis, qui istius causa cupiunt omnia: qui ab eo benignissime tractati sunt: condemnari necesse esset: is à uobis Iudices nulla ui, aut ratione absolui potest. Ac ne forte ea quæ remota de medio, atq; erepta uobis sunt: omnia ita condita fuisse, atq; ita abdite latuisse uideantur: ut hac diligentia, quàm ego à me expectari maxime puto: nihil horum inuestigare: nihil assequi potuerit: quæ consilio aliquo aut ratione inueniri potuerunt: inuenta sunt iudices. manifestis in rebus hominem iam teneri uidebitis. nam quod in publicanorum causis uel plurimum ætatis meæ uersor: uehementerq; illum ordinem



obseruo: satis commode mihi uideor eorum consuetudinem usu, tractandoq; cognouisse. itaq; ut hoc comperi remotas esse literas societatis: habui rationem annorum: per quos iste in Sicilia fuisset: deinde quaesui: quod erat inuentu facillimum: qui per eosdem annos magistri istius societatis fuissent: sciebam enim hanc magistrorum, qui tabulas haberent: consuetudinem esse: ut cum tabulas nouo magistro traderent: exempla literarum ipsi habere non nollent. itaq; ad L. Vibium Equitem Romanum primum, quem reperiēbam magistrum fuisse eo ipso anno: qui mihi maxime quaerendus erat: primum ueni. sane homini praeter opinionem improviso incidi: scrutatus sum, quae potui, et quaesui omnia: inueni duos solos libellos ab L. Canuleio missos socijs ex portu Syracusis: in quibus erat ratio scripta mensium complurium, rerum exportatarum istius nomine sine portorio. itaq; obsignati statim. erant haec ex eo genere, quod ego maxime genus ex sociorum literis reperire cupiebam. uerum tantum inueni indices: quod apud uos quasi exempli causa proferre possem. sed tamen quicquid erit in his libellis: quantulumcunq; uidebitur esse: hoc quidem certe manifestum erit. de ceteris ex hoc coniecturā facere debebitis. recita mihi quaeso hunc primum libellum. deinde illum alterum Libellum, Canulei. Iam nō quaero unde CCCC amphoras mellis habueris: unde tantam Melitensem uestem: unde quinquaginta tricliniorum lectos: unde tot candelabra: non inquam iam quaero unde haec habueris: sed quo tibi tantum opus fuerit: id quaero. nullo de melle. sed tantum ne Melitensium? quasi etiam amicorum uxores: tantum lectorum? quasi etiam omnium istorum uillas ornaturus esses. Cum haec

paucorum mensura ratio in his libellis sit: facite ut uobis triennij totius ueniat in mentem. sic contendo. ex his paruis libellis apud unum magistrum societatis reperi-  
tis, uos iam coniectura assequi posse: cuiusmodi prædo iste in illa provincia fuerit: quàm multas cupiditates, quàm uarias, quàm infinitas habuerit: quantam pecuniam non solum numeratam, uerum etiam huiuscemodi rebus positam confecerit. quæ nobis alio loco planius explicabuntur. nunc hoc attendite. his exportationibus, quæ recitatae sunt: scribit HS LX socios perdidisse ex uicesima portorij Syracusis. pauculis igitur mensibus, ut hi pusilli, & contempti libelli indicant: furti prætoris, quæ essent HS duodecies ex uno oppido solo exportatae sunt. Cogitate nunc, cum illa sit hæc insula: quæ undiq; exitus maritimos habeat: quid ex cæteris locis exportatum putetis? quid Agrigento? quid Lilybeo? quid Panormo? quid Thermis? quid Halesa? quid Catina? quid ex cæteris oppidis? quid uero Messana? quem iste sibi locum maxime tutum arbitrabatur: ubi animo semper soluto liberoq; erat: quod sibi iste Mamertinos delegerat: ad quos omnia quæ aut diligentius seruanda, aut occultius exportanda erant: deportaret. His inuentis libellis, cæteri remoti, & diligentius sunt reconditi. nos tamen, ut omnes intelligant, hoc nos sine cupiditate agere: his ipsis libellis contenti sumus. Nunc ad sociorum tabulas accepti, & expensi, quas remouere honeste nullo modo potuerunt: & ad amicum tuum Carpinatium reuertemur. Inspiciebamus Syracusis à Carpinatio confectas tabulas societatis: quæ significabant multis nominibus eos homines uersuram à Carpinatio fecisse: qui pecuniam Verri dedissent. Erit uobis luce clari-

us Iudices: cum eos ipsos produxero: qui dederunt. intelligetis enim illa tempora, per quæ, cum essent in periculo: precio sese redemerunt: cum societatis tabulis non solum Consulibus, uerum etiam mensibus conuenire. cum hæc maxime cognoscereamus: Et iam in manibus tabulas haberemus: repente aspicimus lituras eiusmodi, quasi quædam uulnera tabularum recentia. statim suspicione offensi, ad ea ipsa nomina oculos animumq; trãstulimus. erant acceptæ pecuniæ à C. Verrutio, sic tamen, ut usq; alterum, et literæ constarent integræ: reliquæ omnes essent in littera. alterum, tertium, quartum, permulta erant eiusmodi nomina. Cum manifesta res, tum flagitiosa tabularum, atq; insignis turpitudine tenebatur: querere incepimus de Carpinatio, quisnam esset is Verrutius: qui tum tantæ pecuniæ rationem haberet: hæere homo: auersari: rubere. quod lege excipiuntur tabulæ publicanorum: quo minus Romam deportentur: ut res quammaxime clara, ac testata esse posset: in ius ad Metellum Carpinatium uoco: tabulasq; societatis in forum defero. fit maximus concursus hominum: Et quod erat Carpinatij nota cum isto prætore societas, ac foeneratio: summe expectabant omnes, quid in tabulis contineretur. rem ad Metellum defero: me tabulas prospexisse sociorum: in his tabulis magnam rationem C. Verrutij permultis nominibus esse: meq; hoc perspicere ex Consulum mensiumq; ratione: hunc Verrutium neq; ante aduentum C. Verris, neq; post decessionem, quicquã cum Carpinatio rationis habuisse. postulo mihi respondeat, qui sit iste Verrutius: mercator, an arator, an pecuarius? in Sicilia sit? an decesserit? clamare omnes ex cõuentu: neminem unquam ex Sicilia fuisse Verrutium.

ego instare, ut mihi responderet: ubi esset? quis esset? unde esset? cur seruus societatis, qui tabulas confecerit: semper in Verrutij nomine certo ex loco mendosus esset? Atq; hæc postulabam: non quo illum cogi putarem oportere: ut ea mihi responderet inuitus: sed ut omnibus, istius furta, illius flagitium, utriusq; audacia perspicua esse posset. Itaq; illum iniuriæ metu, conscientiaq; peccati multum, atq; exanimatum, ac uix uiuum relinquo: tabulas in foro summa hominum frequentia exscribo: adhibentur in exscribendo de conuentu uiri primarij: literæ lituræq; omnes assimulatæ, expressæ, de tabulis in libros transferuntur. Hæc omnia summa cura, & diligentia, recognita, & collata, & ab hominibus honestissimis ob signata sunt. Si Carpinatius tum mihi respondere noluit: responde mihi nunc tu Verres: quem esse hunc, tuū penē gentilem, Verrutium putes? fieri non potest: ut quē uideo te prætorē in Sicilia fuisse: & quem ex ipsa ratione intelligo locupletem fuisse: eum tu in tua prouincia nō cognoris. Atq; adeo hoc ne longius, aut obscurius esse possit: procedite in medium: explicite descriptionem, imaginemq; tabularum: ut omnes mortales istius auariciæ nō iam uestigia, sed ipsa cubilia uidere possint. uidetis Verrutium? uidetis primas literas integras? uidetis extremā partem nominis, caudam illam Verris tanquam in luto demersam esse in litura? Sic habent se tabulæ Iudices, ut uidetis. quid expectatis? quid queritis amplius? tu ipse Verres quid sedes? quid moraris? nam aut exhibeas nobis Verrutium necesse est: aut te esse Verrutium fateare. laudantur oratores ueteres Crassi illi, & Antonij: quod crimina diluere dilucide, quod copiose reorum causas defendere solebant. nimirum illi, non ingenio so-



lum his patronis, sed fortuna etiam praestiterunt. nemo enim tunc ita peccabat: ut defensionem locum non relinqueret: nemo ita uinebat: ut nulla eius uitae pars summæ turpitudinis esset expertus: nemo ita in manifesto peccato tenebatur: ut cum impudens fuisset in facto: tum impudentior uideretur: si negaret. nunc uero quid faciat Hortensius? auariciae ne crimina frugalitatis laudibus deprecetur? at hominem flagitiosissimum, libidinosissimum, nequissimumq; defendit. an ab hac eius infamia, nequitia, uestros animos in aliam partem fortitudinis commemoratione traducat? at homo inertior, ignauior, magis uir inter mulieres, quam impura inter uiros muliercula, proferri non potest. at mores commodi. quis contumacior? quis inhumanior? quis superbior? ad haec sine cuiusquam malo: quis acerbior? quis insidiosior? quis crudelior unquam fuit? in hoc homine, atq; in eiusmodi causa, quid facerent omnes Crassi, & Antony? tantum opinor Hortensi, ad hanc causam non accederent: neq; in alterius impudentia sui pudoris existimationem amitterent. liberi enim ad causas, solutiq; ueniebant: neq; committebant: ut si impudentes in defendendo esse noluisent: ingrati in deserendo existimarentur.

## ACCUSATIONIS IN C. VER-

## REM LIBER V. ORA-

## TIO VIII.

MNES qui alterum Iudices nullis im-  
o pulsi inimicijs, nulla priuatum lesi iniu-  
ria, nullo præmio adducti, in iudicium  
Reip. causa uocant: providere debent, nõ  
solum quid oneris in præsentia tollant: sed etiam quan-  
tum in omnem uitam negotij suscipere conentur. Legem  
enim sibi ipsi indicunt innocentie, continentie, uirtu-  
tumq; omnium, qui ab altero rationem uitæ reposcunt:  
atq; eo magis, si id, ut ante dixi, faciunt nulla re commo-  
ti alia, nisi utilitate communi. nam qui sibi hoc sumpsit:  
ut corrigat mores aliorum: ac peccata reprehendat: quis  
huic ignoscat: si qua in re ipse ab religione officij decli-  
narit? quapropter hoc etiam magis ab omnibus eiusmodi  
causis laudandus, ac diligendus est: qui non solũ Reip-  
ticiuem improbum remouet: uerum etiam seipsum eius-  
modi fore profitetur: ac præstat: ut sibi non modo com-  
muni uoluntate uirtutis, atq; officij: sed etiam, ut quadã  
magis necessaria ratione recte sit, honesteq; uiuendum.  
Ita hoc Iudices ex homine clarissimo, atq; eloquentissi-  
mo L. Crasso sæpe auditum est: cum se nullius rei tam  
poenitere diceret: quàm quod C. Carbonem unquam in  
iudicium uocauisset. minus enim liberas omnium uolun-  
tates rerum habebat: & uitam suam pluribus, quæ uellet,  
observari oculis arbitrabatur. Atq; ille his præsidys in-  
genij, fortunæq; munitus, tamen hac cura continebatur:  
quam sibi pondum confirmato consilio, sed ineunte æta-

te suscepit. quo minus etiam perspicitur eorū virtus, et integritas: qui ad hanc rem adolescentuli, quā qui iam firmata aetate descendunt. illi enim, antequam potuerunt existimare, quanto liberior vita sit eorum, qui neminem accusarint: gloriae causa, atque ostentationis accusant. nos, qui iam et quid facere, et quantum iudicare possemus, ostendimus: nisi facile cupiditates nostras teneremus: nunquam ipsimet nobis praecideremus istam licentiam, libertatemque uiuendi. atque hoc ego plus oneris habeo: quam qui ceteros accusarunt (si onus est id appellandum: quod cum leticia feras, ac uoluptate) ueruntamen hoc ego amplius suscepi, quam ceteri: quod ita postulatur ab omnibus: ut ab ijs se abstineant maxime uicijs: in quibus alterum reprehenderunt. furem aliquem, aut rapacem accusaris: uitanda tibi semper erit omnis auariciae suspicio. maleficum quempiam adduxeris, aut crudelem: cauendum erit semper, ne qua in re asperior, aut inhumanior fuisse uideare. corruptorem, adulterum: prouidendum diligenter, ne quod in uita uisugium libidinis appareat. omnia postremo, quae uindicaris in altero: tibi ipsi uehementer fugienda sunt. etenim non modo accusator, sed ne obiurgator quidem ferendus est is: qui quod in altero uicium reprehendit: in eo ipse deprehenditur. ego in uno homine omnia uitia, quae possunt in homine perditio nefarioque esse, reprehendo: nullum esse indicium libidinis, sceleris, audaciae, quā non in unius istius uita perspicere possitis. ego in isto reo legem hanc Iudices mihi statuo: uiuendum ita esse: ut isti non modo factis, dictisque omnibus, sed etiam oris, oculorumque illa contumacia, ac superbia, quam uidetis: dissimillimus esse, ac semper fuisse uidear. patior non

molestè Iudices: eam uitam, quæ mihi sua sponte antea incunda fuerit: nunc iam mea lege, et conditione necessariam quoque futuram. Et in hoc homine sæpe à me quæris Hortensi: quibus inimicijs, aut qua iniuria adductus, ad accusandum descenderim? mitto iam rationem officij mei, necessitudinisq; Siculorum: de ipsis tibi inimicijs respondeo. an tu maiores ullas inimicitias putas esse, q̃ contrarias hominum sententias, ac dissimilitudines studiorum, & uoluntatum? fidem sanctissimam in uita qui putat: potest ei non inimicus esse: qui quaestor Consulè suum consilijs commissis, pecunia tradita, rebus omnibus creditis, spoliare, relinquere, prode re, oppugnare ausus sit? pudorem, & pudicitiam qui colit: potest animo æquo istius quotidiana adulteria, meretriciam disciplinam, domesticum lenocinium uidere? qui religiones deorum immortalium retinere uult: ei, qui sana spoliari omnia: qui ex Thesaurum orbitis prædari sit ausus: inimicus nō esse qui potest? qui iure æquo omnes putat esse oportere: is tibi nō infestissimus sit? cum cogitet uarietatem, libidinemq; decretorum tuorum? qui sociorum iniurijs, prouinciarumq; incommodis doleat: is in te non expilatione Asiæ, uexatione Pamphiliæ, squalore & lachrymis Siciliæ concitetur? qui ciuium Ro. iura, ac libertatem sanctam apud omnes haberi uult: is non tibi plus etiam, quàm inimicus esse debeat? cum tua uerbera, cum secures, cum cruces, ad ciuium Ro. supplicia fixas recordetur? an si qua in re contra rem meam decreffet aliquid iniuria: iure me ei inimicum esse arbitrarer. cum omnia contra omnium bonorum rē, causam, rationem, utilitatem, uoluntatemq; fecerit: quæris cur ei sum inimicus? cui Po. Ro. infestus



sit: qui præsertim plus etiam quam pars uirilis postu-  
 lar: pro uoluntate populi Ro. oneris, ac muneris susci-  
 re debeam. quid illa, quæ leuiora uidentur esse: non ca-  
 iusuis animum possunt mouere? quod ad tuâ ipsius am-  
 citiam, cæterorumq; omnium maiorum, atq; nobiliū,  
 faciliorem aditum istius habet nequitia, & audacia, q̃  
 cuiusquam nostrum uirtus, & integritas. odistis homi-  
 num nouorum industrias: despiciatis eorum frugalita-  
 tem: pudorem contemnitis: ingenium uero, & uirtu-  
 tem depressam extinctamq; cupitis: Verrem amatis. ita  
 credo: si non uirtute, non industria, non innocentia, nō  
 pudore, non pudicitia, at sermone, at literis, at humani-  
 tate eius delectamini. nihil horum est: contraq; sunt  
 omnia: cum summo dedecore ac turpitudine, tum singu-  
 lari stulticia, atq; inhumanitate oblita. Huic homini sa-  
 cuius domus patet: utrum ea patere: an hiare, ac posce-  
 re aliquid uidetur? hunc uestri ianitores, hunc cubicularij  
 diligunt: hunc liberti uestri, hunc serui, ancillæq; amāt.  
 hic cum uenit: extra ordinem uocatur: hic solus intro-  
 ducitur: cæteri sæpe frugalissimi homines excludun-  
 tur. ex quo intelligi potest: eos uobis esse carissimos: qui  
 ita uixerunt: ut sine uestro præsidio salui esse non pos-  
 sint. Quid hoc cuiquam ferendum putas esse? nos ita  
 uiuere in pecunia tenui: ut prorsus nihil acquirere ue-  
 limus? ut dignitatem nostram populiq; Ro. beneficia  
 non copijs, sed uirtute tueamur? istum rebus omnibus  
 undiq; ereptis, impune eludētem, circumfluere, atq; abū-  
 dare? huius argento domos uestras, huius signis, & ta-  
 bulis forum, comitiumq; ornari? præsertim cum uos  
 uestro Marte his rebus omnibus abundetis? Verrem esse:  
 qui uestras uillas suis manubijs ornet: Verrem esse: qui

atque L. Mummio ceteris: ut plures hic sociorum urbes, quàm ille hostium spoliasse uideatur: plures hic solus uillas ornamentis sanorum, quàm ille sana spolijs hostium ornasse. et is erit ob eam rem uobis ceteris: ut ceteri libentius suo periculo uestris cupiditatibus seruiant. uerum hæc dicentur alio loco: et dicta sunt. nunc proficiscemur ad reliqua: si pauca ante erimus à uobis Iudices deprecati. Superiore omni oratione perattentos uestros animos habuimus. id fuit nobis gratum admodum: sed multo erit gratius: si reliqua uoletis attendere. propterea quod in his omnibus, quæ antea dicta sunt: erat quedam ex ipsa uarietate, ac nouitate rerum, ac criminum delectatio. nunc tractare causam instituiamus frumentariam: quæ magnitudine iniuriæ fere criminibus ceteris antecellit: iucunditatis in agendo, et uarietatis minus habebit: uestra autem auctoritate, et prudentia dignissimum est Iudices: in audiendo diligentiam non minus religioni tribuere, quàm uoluptati. In hac causa frumentaria cognoscenda, hæc uobis proponite Iudices: uos de rebus, fortunisq; sicularum omnium, de ciuium Ro. qui arant in Sicilia: bonis, de uestigalibus à maioribus traditis, de uita uictuq; populi Ro. cognituros. quæ si magna, atq; adeo maxima uobis uidentur: quàm uarie, et quàm copiose dicantur, expectare nolite. Neminem uestrum præterit Iudices: omnem utilitatem, oportunitatemq; provinciae Siciliae, quæ ad commoda populi Ro. adiuncta sit: consistere in re frumentaria maxime: in ceteris rebus adiutamur ex illa provincia: hac uero alimur, ac sustinemur. Ea causa tripartita Iudices exit in accusatione. primū enim de decumano: deinde de empto dicemus frumento: postremo de aestimato. Inter Sici-

liam cæterasq; provincias Iudices in agrorum uestigalium rationibus hoc interest: quod cæteris, aut impostum uestigal est certum: quod stipendiarium dicitur: ut Hispanis, & plerisq; Pœnorum, quasi uictoriæ præmium ac pœna belli: aut censoria locatio constituta est: ut Asia lege Sempronia. Siciliæ ciuitates sic in amicitia, fidemq; recepimus: ut eodem iure essent, quo fuissent: eadem conditione populo Ro. parerent: quasuis antea paruissent. per pauca Siciliæ ciuitates sunt bello à maioribus nostris subactæ: quarum ager cum esset publicus populi Ro. factus: tamen illis est redditus. is ager à Censoribus locari solet. fœderatæ ciuitates duæ sunt: quarum decumæ uenire non soleant: Mamertina, & Taurominitana. quinq; præterea sine fœdere immunes ciuitates, ac liberæ: Centuripina, Halesina, Segestana, Halicyensis, Panormitana. præterea omnis ager Siciliæ ciuitatum decumanus est: itemq; ante imperiū populi Ro. ipsorum siculorum uoluntate, & institutis fuit. Videte nunc maiorum sapientiam: qui, cum Siciliam tam opportunum subsidiū belli, atq; pacis ad Remp. adiunxissent: tanta cura Siculos tueri, & retinere uoluerunt: ut non modo eorum agris uestigal nouum nullum imponerent: sed ne legem quidem uenditionis decumarum: neue uendundis, aut tempus, aut locum commutarent: ut certo tempore anni: ut ibidem in Sicilia: deniq; ut lege Hieronica uenderent. uoluerunt eos in suis rebus ipsos interesse: eorum animos, non modo lege noua, sed ne nomine quidem legis nouo commoueri. Ita decumas lege Hieronica semper uendendas censuerunt: ut ijs iucundior esset muneris illius functio: si eius regis, qui Siculis carissimus fuit: non solum instituta commu-

tato imperio, uerum etiam nomen maneret. hoc iure ante Verrem prætorem Siculi semper usi sunt. hic primis instituta omnium, consuetudinem à maioribus traditam, conditionem amicitiae, ius societatis, consuellere, & commutare ausus est. Qua in re primum illud reprehendo, & acuso: cur in re tam ueteri, tam usitata quicquam noui feceris? ingenio aliquid affecutus es? tot homines sapientissimos, qui illam provinciam ante te tenuerunt: prudentia consilioq; uicisti? est tuum: est ingenij prudentiaeq; tuae: do hoc tibi: & concedo: scio te Romae cum prætor esses: edicto tuo possessiones hereditatum ad alienos: à primis heredibus, ad secundos: à legibus, ad libidinem tuam transtulisse: scio te edicta superiorum omnium correxisse: & possessiones hereditatum non secundum eos, qui proferrent, sed secundum eos, qui dicerent testamentum factum, dedisse: easq; res nouas abs te prolatas, & inuentas, magno tibi quaestui fuisse scio. eundemq; te memini, Censorias quoq; leges in sartistectis exigendis, tollere, & commutare: ne is redimeret: cuius res esset: ne pupillo tutores, propinquiq; consulerent: quo minus fortunis omnibus euerteretur: exiguam diem praefiniri operi, quia ceteros ab negotio excluderes: ipse in tuo redemptore nullam certam diem obseruares. quamobrem nouam legem te in decumis statuisse non miror, hominem in edictis prætoris, in Censorijs legibus, tam prudentem, tam exercitatum. non inquam miror, te aliquid excogitasse. sed quod tua sponte, iniussu Populi, sine Senatus autoritate, iura provinciae Siciliae mutaris: id reprehendo: id acuso. L. Octauio et C. Cottæ cōsulibus Senatus permisi: ut uini, et olei decumas, & frugum minutarum, quas ante te quaestores



in Sicilia uendere consueissent: Romæ uederent: legemq;  
his rebus, quam ipsis uideretur: edicerent. cum loca-  
tio fieret: publicani postularunt, quasdā res ut ad legem  
addiderent: neq; tamē a Censorijs cæteris ligibus recede-  
rent. contradixit is, qui casu tum Romæ fuit: tuus hospes  
Verres, hospes inquam, & familiaris tuus Sihenius hic  
Thermitanus. consules causam cognouerunt: cum ui-  
ros primarios, atq; amplissimos ciuitatis multos in consi-  
lium aduocassent: de consilij sententia pronunciarunt:  
se lege Hieronica uendituros. Ita ne uero? prudentissi-  
mi uiri, summa autoritate præditi, quibus Senatus le-  
gum dicendarum in locandis uectigalibus omnem po-  
testatem permiserat: Populusq; Ro. idem iusserat: si cu-  
lo uno recusante, cum amplificatione uectigalium, no-  
men Hieronicae legis mutare noluerunt. tu homo mini-  
mi consilij, nullius autoritatis, iniussu populi, ac Sena-  
tus, tota Sicilia recusante, cum maximo detrimento, atq;  
adeo exitio uectigalium, totam Hieronicam legem su-  
stulisti. At quam legem corrigis Iudices? atq; adeo to-  
tam tollis? acutissime, ac diligentissime scriptam: quæ  
omnibus custodijs subiectum aratorem decumano tra-  
dit: ut neq; in segetibus, neq; in areis, neq; in horreis,  
neq; in amouendo, neq; in asportando frumento, grano  
uno posset arator sine maxima pœna fraudare decu-  
manum. scripta lex ita diligenter est: ut eum scripsisse ap-  
pareat: qui alia uectigalia non haberet. ita acute: ut Si-  
culum. ita seuerè: ut Tyrannum. qua lege Siculis ta-  
men arare expediret. nam ita diligenter constituta sunt  
iura decumani: ut tamen ab inuito aratore plus decu-  
ma non possit auferri. Cum hæc essent ita constituta:  
Verres tot annis, atq; adeo seculis inuentus est: qui hæc,

non commutarit: sed euenterit: eaq; quae iam diu ad salutem sociorum, utilitatem Reip. composita, comparataq; essent: ad suos improbissimos quaestus conuerteret. qui primum certos instituerit, nomine decumanos, re uera ministros, ac satellites cupiditatum suarum: per quos ostendam sic provinciam per triennium uexatam, atq; uastatam iudices: ut eam multis annis multorum innocentia, sapientiaq; recreare nequeamus. Eorum omnium, qui Decumani uocabatur: princeps erat Q. ille Apronius, quem uidetis: de cuius improbitate singulari, grauissimarum legationum quaerimonias audistis. aspiciate Iudices uultum hominis, et aspectum: et ex ea contumacia, quam hic in perditis rebus retinet: illos eius spiritus Sicilienses quos fuisse putetis, cogitate: ac recordamini. hic est Apronius: quem, in provincia tota Verres cum undiq; nequissimos homines conquisisset: et cum ipse secum sui similes duxisset non parum multos: nequitia, luxuria, audacia, sui simillimum iudicauit. itaq; istos inter se per breui tempore, non res, non ratio, non commedatio aliqua, sed studiorum turpitudine, similitudoq; coniunxit. Verris mores improbos, impurosq; nostis: fingite uobis, si potestis, aliquem: qui in omnibus istis rebus par ad omnium flagitiorum nefarias libidines esse possit. is erat Apronius ille: qui, ut ipse non solum uita sed etiam corpore, atq; ore significat: immensa aliqua uorago est, aut gurgis uiciorum, turpitudinumq; omnium. hunc in omnibus stupris, in sanorum expilationibus, hunc in impuris conuiuijs principem adhibebat: tantamq; habebat morum similitudo coniunctionem, atq; concordiam: ut Apronius, qui alijs inhumanus, ac barbarus, isti uni commodus, ac disertus uideretur: ut, quem

omnes odissent: neq; uidere uellent: sine eo iste esse nō posset: ut, cum alij ne conuiujs quidē iisdem, quibus Apronius: hic iisdem etiam poculis uteretur: postremo ut odor Apronij teterrimus oris, & corporis, quem ut aiunt ne bestiae quidem ferre possent: uni isti suauis, & iucundus uideretur. ille erat in tribunali proximus: in cubiculo solus: in conuiuio dominus: ac tum maxime: cum acubante praetextato praetoris filio, in conuiuio saltare nudus coeperat. hunc, uti dicere institui, principē Verres ad evertendas fortunas aratorum, uexandas, diripiendasq; esse uoluit: huius audaciae, nequitiae, crudelitati, fidelissimos socios optimosq; ciues scitote hoc Prae. traditos Iudices, atq; addictos fuisse, nouis institutis, & edictis, tota Hieronica lege (quemadmodum antea dixi) reiecta et repudiata. Primum edictum Iudices audite praeclearum: quantum Decumanus edidisset aratorē sibi decumae dare oportere: ut tantum arator Decumano dare cogeretur. quomodo? quantum poposcerit Apronius, dato. quid est hoc? utrum Praetoris institutum in socios, an in hostes uictos insani edictum, atq; imperium tyranni? ego tantundem, quantum ille poposcerit? poscet omne quantum & arauero. quid omne? plus immo etiam inquit: si uolet. quid tum? quid censes? aut dabis: aut contra edictum fecisse dānabere. per deos immortales quid est hoc? uerisimile enim non est. sic mihi persuadeo Iudices: tametsi omnia in istum hominem conuenire putetis: tamen hoc uobis falsum uideri. ego enim, cum hoc tota Sicilia diceret: tamen affirmare non auderem: si haec edicta non ex ipsius tabulis totidem uerbis recitare possem: sicuti faciam. da quæso Scribae. recitet ex codice. Recita Edictum de professione. Negat me recitare totum: nam

tum: nam id nutu significare uidetur. quid præ-  
 tereo? an illud ubi caues tamen Siculis: & miseros re-  
 spicias aratores? dicis enim te in Decumanum, si plura  
 sustulerit: quàm debitum sit: in octuplum iudicium  
 daturum esse. nihil mihi placet prætermitti. recita  
 hoc quoque, quod postulat, totum. Recita Edi-  
 ctum. de iudicio in octuplum. Iudicio ut arator De-  
 cumanum persequatur? miserum, atque iniquum ex  
 agro homines traduci in forum: ab aratro ad subse-  
 lia: ab usu rerum rusticarum, ad insolitam litem, atq;  
 iudicium. cum omnibus in alijs uestigalibus, Asiæ, Ma-  
 cedoniæ, Hispaniæ, Galliæ, Africæ, Sardinie, ipsius  
 Italiæ, quæ uestigalia sunt: cum in his inquam, rebus  
 omnibus publicanus petitor, ac pignerator, nõ ereptor,  
 neq; possessor soleat esse: tu de optimo, de iustissimo, de ho-  
 nestissimo genere hominum, hoc est de aratoribus, ea iu-  
 ra constituebas: quæ omnibus alijs essent contraria. Vtrũ  
 est æquius Decumanum petere: an aratorem repetere? ius  
 dictũ integra re, an perditũ fieri? eum, qui manu quæ-  
 sierit, an eum qui digito licitus sit, possidere? quid qui in  
 singulis iugis arant: q ab opere ipsi non recedunt: quo in  
 numero magnus ante te prætorẽ numerus, magna multi-  
 tudo Siculorum fuit: quid facient? cum dederint Apro-  
 nio: quod poposcerit: relinquent arationes? relinquent  
 larem familiarem suam? uenient Syracusas? ut te præ-  
 tore uidelicet, æquo iure Apronium delicias, ac uitam  
 tuam iudicio recuperatorio persequantur? Verum esto:  
 reperietur aliquis fortis, experiens, arator: qui cum tan-  
 tum dederit Decumano: quantum ille deberi dixerit: iu-  
 dicio repetat: & pœnam octupli persequatur. expecto  
 uim edicti: seueritatem Prætoris: furem aratori: cupio



octupli damnari Apronium. quid tandē postulat arator? nihil, nisi ex edicto iudicium in octuplu. quid Apronius? non recusat. quid Prætor? iubet Recuperatores rejcere decurias. scribamus quas decurias. de cohorte mea rejcies inquit. quid? ista cohors quorum hominum est? Volusij aruspicias, & Cornelij media, & horum ceterum, quos tribunal meum uides lambere. nam de conuentu nullum unquam iudicem, nec Recuperatorem dedit: iniquos Decumanis omnes dicebat esse: qui unam agri glebam possiderent. ueniendum erat ad eos contra Apronium, qui nondum etiam Aproniani conuiuij crapulam exhalassent. O' præclarum, & commemorandum iudicium: O' seuerum edictum: O' tutum perfugium aratorum. Atque ut intelligatis cuiusmodi ista iudicia in octuplum: cuiusmodi, istius de cohorte recuperatores existimati sint: sic attendite. Ecquē putatis Decumanum hac licentia permissa, ut tantum ab aratore, quantum poposcisset, auferret: plus quàm deberetur poposcisse? considerate cum uestris animis uos metipsi: ecquē putetis? præsertim cum id non solum sine auaricia, sed etiam imprudentia accidere potuerit. multos necesse est. at ego omnes dico, plus quàm decumas abstulisse. cedo mihi unum ex triennio Præturæ tuæ, qui octupli dānatus sit. damnatus? immo uero in quem iudicium ex edicto tuo postulatum sit. nemo erat uidelicet aratorum, qui iniuriā sibi factam queri posset: nemo Decumanorum, qui grano amplius, sibi quàm deberetur, deberi professus esset. immo uero contra, rapiebat, & asportabat quantum à quoque uolebat, Apronius: omnibus autem locis aratores spoliati, ac uexati querebantur: neque tamen ullum iudicium reperietur. quid est hoc? uiri for-

tes, honesti, gratiosi, tot Siculi, tot Equites Ro. ab homine  
 nequissimo, ac turpissimo laesi, poenam octupli sine ulla  
 dubitatione commissam non persequerentur? quæ cau-  
 sa? quæ ratio est? una illa Iudices, quam uidetis: quod ul-  
 tro etiam illusos, se, et irritos ab iudicio discessuros ui-  
 debant. etenim quod esset iudicium? cum è Verri turpissi-  
 mo flagitiosissimoq; comitatu tres recuperatorum no-  
 mine assedissent, assedisse istius, non à patre ei traditi,  
 sed à meretricula commendati? ageret uidelicet causam  
 arator: nihil sibi frumenti ab Apronio relictum: bona  
 sua etiam direpta: se pulsatum, uerberatumq;, diceret.  
 conferrent uiri boni capita: de comessatione loquerentur  
 inter se, ac de mulierculis, si quas, à prætore abeuntes  
 possent deprehendere: res agi uideretur. surrexisset Apro-  
 nius, noua dignitas publicani, non ut Decumanus squa-  
 loris plenus, ac pulueris, sed unguentis oblitus, uino, ui-  
 gilijsq; languidus: omnia primo motu, ac spiritu suo, ui-  
 ni, unguenti, corporis odore complexer: dixisset hæc, quæ  
 uulgo dicere solebat: non se decumas emisse: sed bonâ,  
 fortunasq; aratorum: non se Decumanum esse Aproni-  
 um: sed Verrem alterum, dominum illorum, ac tyrannum.  
 quæ cum dixisset: illi uiri optimi de cohorte istius  
 Recuperatores, non de absoluendo Apronio delibera-  
 rent: sed quærerent, quomodo petitorum ipsum Apronio  
 permisissent: ut quantum uellet, posceret: quantum popo-  
 scisset: auferret. hoc tibi defensionis ad iudicium tuum  
 comparabas? habuisse te edictum, Recuperatores datu-  
 rum in octuplum? si mehercule ex omni copia conuen-  
 tus Syracusani splendidissimorum hominum, honestis-  
 simorumq; faceres potestatem aratori, non modo reijcien-  
 di, sed etiam sumendi recuperatores: tamen hoc nouum

genus iniuriæ ferre nemo posset: te cum tuos omnes fru-  
 ctus publicano tradidisses: et rem de manibus amisisses:  
 tam bona tua repetere, ac persequi liti, atq; iudicio? cum  
 uero uerbo iudicium sit in edicto: re quidem uera tuorū  
 comitum hominum nequissimorum collusio cum Decu-  
 manis focys tuis, atq; adeo procuratoribus: tamen audes il-  
 lius iudicij mentionem facere? præsertim cum id nonmo-  
 do oratione mea, sed etiam re ipsa refellatur: cum in tan-  
 tis incommodis aratorum, iniurijsq; Decumanorū, nul-  
 lum ex isto præclaro edicto nonmodo factum, sed ne  
 postulatum quidem iudicium inueniatur. Erit tamen in  
 aratores lenior, quàm uidetur. nam qui in Decumanos  
 octupli iudicium se daturum edixit: idem habuit in edi-  
 cto: se in aratorem in quadruplum daturum. quis hūc  
 audet dicere aratoribus infestum, aut inimicum fuisse?  
 quanto lenior est, q̃ in publicanum. edixit ut quod De-  
 cumanus edidisset, sibi dari oportere: id ab aratore ma-  
 gistratus siculum exigeret. quid dereliquit iudicij: quod  
 in aratorem dari posset? non malum est inquit esse istam  
 formidinem: ut cum exactum sit ab aratore: tamen ne  
 se commoueat: reliquus metus iudicij sit. si iudicio à me  
 uis exigere: remoue siculum magistratum: si hanc uim  
 adhibes: quid opus est iudicio? quis porro erit: qui non  
 malit Decumanis tuis dare quod poscerent: quàm ab as-  
 sectis tuis quadrupli condemnari: illa uero præclara est  
 clausula edicti: quod omnium controuersiarum, quæ es-  
 sent inter aratorem, & decumanum: si uter uelit: edi-  
 cit se Recuperatores daturum. primum quæ potest esse  
 controuersia: cum is qui petere debet: aufert? & cum is  
 non quantum debetur: sed quantum commodum est: au-  
 ferat: ille autem unde ablatum est: iudicio suum recupe-

rare nullo modo potest: deinde in hoc homo luteus: etiā  
callidus, ac ueterator esse uult: quod ita scribit: si uter  
uolet Recuperatores dabo. quam lepide se furari putat?  
uiriq; facit potestatem. sed utrum ita scripserit: si uter uo-  
let: an si Decumanus uolet: nihil interest. arator enim tu-  
os istos Recuperatores nunquid uolet? quid? illa cuius-  
modi sunt? quæ ex tempore ab Apronio admonitus, edi-  
xit? Q. Septatio honestissimo homine, equiteq; Ro. resi-  
stente Apronio, & affirmante se plus decuma non da-  
turum: exoritur peculiare edictum repentinum: nequis  
frumentum de area tolleret: antequam cum Decumano  
pactus esset. ferebat hanc quoq; iniquitatem Septatius:  
& hymbri frumentum corrumpi in area patiebatur:  
cum illud edictum repente uberrimum, & quæstuosissi-  
mum nascitur: ut ante Cal. Sext. omnes decumas ad  
aquam deportatas haberent. hoc edicto, non siculi (nam  
eos quidem iam superioribus edictis satis perdiderat,  
atq; affixerat) sed isti ipsi Equites romani, qui suum ius  
retinere se contra Apronium posse erant arbitrati: splen-  
didi homines, & alijs prætoribus gratiosi, uincti Apro-  
nio traditi sunt. attendite enim cuiusmodi edicta sunt.  
ne tollat inquit ex area: nisi erit pactus. satis hæc ma-  
gna uis est, ad inique paciscendum. malo enim plus  
dare: quam non mature ex area tollere. at ista ui Se-  
ptitium, & nonnullos Septitij similes non coercet: qui  
ita dicunt: ne tollam potius, quam paciscor. his hoc appo-  
nitur. deportatum habeas ante Cal. sextilis. deportabo  
igitur. nisi pactus eris: non commouebis. sic deportandi  
dies præstituta tollere cogebat ex area: cohibitio tollendi,  
nisi pactus esset: uim adhibeat pactioni, nō uoluntatem.  
Iam uero illud non solum contra legem Hieronicam,



nec solum contra consuetudinem superiorum, sed etiā contra omnia iura Siculorum, quæ habent à Senatu populoq; romano: ne extra suum forum uadimonium promittere cogantur. statuit iste ut arator Decumano, quod uellet Decumanus, uadimonium promitteret: ut hic quoq; Apronio, cum ex Leontino usq; Lilybeum aliquem uaderetur ex miseris aratoribus: calumniandi quæstus accederet. Quamquam illa fuit ad calumniam singulari consilio reperta ratio: quod edixerat: ut aratores iugera sationum suarum profiterentur. quæ res cum ad pactiones iniquissimas magnam uim habuit: sicut ostendemus: nec ad ullam utilitatem Reip. pertinuit: tū uero ad calumnias: in quas omnes inciderent: quos uellet Apronius. ut enim quisq; contra uoluntatem eius dixerat: ita in eum iudicium de professione iugerum postulabatur. cuius iudicii metu magnus à multis frumenti numerus ablatus, magnæq; pecuniæ coactæ sunt. non quo iugerum numerum uere profiteri esset difficile: aut amplius etiam profiteri (quid enim in eo periculi esse posset?) sed causa erat iudicii postulandi: quod ex edicto professus non esset. iudicium autem quod fuerit isto prætore: si quæ cohors, et qui comutatus fuerit, meministis: scire debetis. Quid igitur est quod ex hac iniquitate nouorum edictorum intelligi uelim Iudices? iniuriam ne factam socijs? at uidetis. auctoritatem superiorum repudiatam? non audebit negare. tantum Apronium isto Prætore potuisse? confiteatur necesse est. sed uos fortasse, quod uos lex comonet: id in hoc loco quaeritis: nunquas ex hisce rebus pecunias cæperit. docebo cæpisse maximas: omnesq; eas iniquitates, de quibus antea dixi: sui quæstus causa constituisse conuinctam: si prius

illud propugnaculum, quo contra omnes meos impetus usurum se putat: ex defensione eius deiecero. magno inquit decumas uendidi. quid ais? an tu decumas homo audacissime, atq; amentissime uendidisti? tu partes eas, quas te S. P. Q. R. uoluit? an fructus integros, atq; adeo bona, fortunasq; aratorum omnes uendidisti? si palam præco iussu tuo prædicasset: non decumas frumenti, sed dimidias uenire partes: et ita emptores accessissent: ut ad dimidias partes emendas: si pluris uendidisses tu dimidias, quàm cæteri decumas: cui nam mirum uidetur? quid uero? si præco decumas pronunciauit: re uera hoc est lege, edicto, conditione, plus etiam quàm dimidæ uenierunt? tamen hoc tibi præclarum putabis: te pluris quod non licebat: quàm cæteros quod oportebat: uendidisse? pluris uendidi decumas quàm cæteri. quibus rebus id affectus es? innocentia? aspice ædem Castoris: deinde, si audes, fac mentionem innocentiae. diligentia? condicas lituras tui contemplare in Sthenij Thermitani nomine: deinde aude te dicere diligentem. ingenio? qui testes interrogari priore actione nolueris: & ijs tacitum os tuum præbere malueris: quam uis & te, et patronos tuos ingeniosos esse dicito. qua re igitur id, quod ais: affectus es? magna est enim laus: si superiores consilio uicisti: posterioribus exemplum, atq; auctoritatem reliquisti. tibi fortasse idoneus fuit nemo: quē imitare. at te uidelicet inuentorem rerum optimarum, ac principem imitabuntur omnes. quis aratorum te prætor decumam dedit? quis duas? quis non maximo se affectum beneficio putauit: cum tribus decumis pro una desingeretur? præter paucos: qui propter societatem furtorum tuorum nihil omnino dederunt? uide inter importunitatem tuam, se-

natusq; bonitatem quid intersit. Senatus, cum temporibus Reip. cogitur: ut decernat: ut alteræ decumæ exigantur: ita decernit: ut pecunia pro his decumis solvatur aratoribus: ut quod plus sumitur, quàm debetur: idem non auferri putetur. tu cum tot decumas non S. C. sed novis edictis tuis, nefarijsq; institutis exigeres: & eriperes: magnum te fecisse arbitrare: si pluris uendideris, quàm L. Hortensius pater istius Q. Hortensij, quàm Gn. Pompeius, quàm M. Marcellus: qui ab æquitate, ab lege, ab institutis, non recesserunt. an tibi unius anni aut bienni ratio habēda fuit? salus provinciae, cōmoda rei frumentariae, ratio Reip. \* satis frumenti ex Sicilia suppeditaretur: et aratoribus tamen arare atq; a gros colere expediret. quid effecisti? quid affectus es? ut prætor te nescio quid ad decumas accederet: deferendas arationes, relinquendasq; curasti. successit tibi L. Metellus. tu innocentior quàm Metellus? tu laudis, & honoris cupidior? tibi enim Consulatus quærebatur: Metello paternus honor & auitus negligebatur. multo minoris uendidit, non modo quàm tu: sed etiam quàm qui ante te uendiderunt. quæro si ipse ex cogitare nō poterat: quemadmodum quamplurimo uenderet: ne tua recentia proximi prætoris uestigia persequi poterat? ut tuis præclaris, abs te principe inuentis, & ex cogitatis edictis, atq; institutis uteretur? ille uero tum se Metellum minime fore putasset: si te ulla in re imitatus esset. qui ab urbe Roma, quod nemo unquam post hominum memoriam fecit: cum sibi in provinciam proficiscendū putaret: literas ad Siciliæ ciuitates misit: p quas hortatur: et rogat: ut arent: ut serant: in beneficio populi Ro. hoc petit aliquāto ante aduentum suū: et simul ostendit se lege Hieronica uenditu-

rum: hoc est in omni ratione decumarū nihil istī simile fā-  
cturum. atq; hæc non cupiditate aliqua scribit addu-  
ctus: ut in alienam prouinciam mittat literas ante tem-  
pus: sed consilio: ne si tempus sationis præterisset: granū  
in prouincia Sicilia nullum haberemus. cognoscite  
Metelli literas. Recita Epistolam L. Metelli Hæ  
literæ Iudices L. Metelli, quas audistis: hoc quantum  
est, ex Sicilia frumenti hornotini exarauerunt. glebam  
commosset in agro decumano Sicalie nemo: si Metellus  
hanc epistolam non misisset. quid Metello diuinitus hoc  
uenit in mentem? an ab Siculis, qui Romam frequen-  
tissimi conuenerant: negotiatoribusq; Sicalie doctus est?  
quorum quanti conuentus ad Marcellos antiquissimos  
Sicalie patronos, quanti ad Cn. Pompeium Cons. de-  
signatum, cæterosq; illius prouinciæ necessarios, fieri  
soluti sint: quis ignorat? quod quidem iudicium nul-  
lo unquam de homine factum est: ut absens accusa-  
retur ab ijs palam: quorum in bona, liberosq; sum-  
mum imperium potestatemq; haberet. tanta uis erat  
iniuriarum: ut homines quiduis perpeti, quàm non de  
istius prauitate, & iniurijs deplorare, & conqueri mal-  
lent. quas literas cum ad omnes ciuitates propè suppli-  
citer misisset Metellus: tamen antiquum modum sationis  
nulla ex parte exequi potuit. diffugerant enim permul-  
ti: id quod ostendam: non solum arationes, sed etiam se-  
des suas patrias istius iniurijs exagitati reliquerant.  
non nehercule criminis augendi causa dicam Iudices:  
sed, quem accepi ipse oculis, animoq; sensum: hunc uere  
apud uos, & ut potero planissime exponam. nam cum  
quadriennio post in Siciliam uenissem: sic mihi affecta  
uisa est: ut hæ terræ solent, in quibus bellum acerbum,



diuturnumq; uersatum est. quos ego campos antea, col-  
 lesq; nitidissimos, uiridissimosq; uidissem: hos ita uas-  
 tatos nunc, ac desertos uidebam: ut ager ipse cultorem  
 desiderare, ac lugere dominum uideretur. Herbitensis  
 ager, & Ennensis, Murgentinus, Assorinus, Macharen-  
 sis, Agyrinensis ita relictus erat ex maxima parte: ut  
 non solum iugerum, sed etiam dominorum multitudi-  
 nem quaeremus. Aetnensis uero ager, qui solebat esse  
 cultissimus: & quod caput est rei frumentariae campus  
 Leontinus, cuius antea spes haec erat: ut cum obsitum ui-  
 disses: annonae caritatem non uererere: sic erat deformis,  
 atq; horridus: ut in uberrimas Siciliae partes Siciliam  
 quaeremus. labefacta erat enim uehementer aratores iam  
 superior annus: proximus uero funditus euerterat. tu  
 mihi etiam audes mentionem facere decumarum? tu in  
 tanta acerbitate, in tot, & tantis iniurijs, cum in aratio-  
 nibus, & in earum rerum iure provincia Sicilia consistat:  
 euersis funditus aratoribus, relictis agris, cum in pro-  
 uincia tam locuplete, ac referta non modo rem, sed ne-  
 spem quidem ullam reliquam cuiquam feceris: aliquid  
 te populare putabis habere: cum dices te pluris, quam  
 ceteros decumas uendidisse? quasi uero aut populus Ro-  
 hoc uoluerit: aut Senatus hoc tibi mandauerit: ut cum  
 omnes aratorum fortunas decumarum nomine eriperes:  
 in posterum fructu illo, commodoq; rei frumentariae  
 populum Ro. priuares. deinde si quam partem tuae prae-  
 dae ad summam decumarum addidisses: bene de populo Ro.  
 meritis uiderere. atq; haec perinde loquor: quasi in eo sit  
 iniquitas eius reprehendenda: quod propter gloriae au-  
 piditatem, ut aliquos summa decumarum uinceret: acer-  
 biorem legem, duriora edicta, interposuerit: omnium su-

periorum auctoritatem repudiarit. magno tu decumas  
uendidisti. quid si doceo te non minus domum tuā auer-  
tisse: quā Romam misisse decumarum nomine? quid  
habet popolare ratio tua? cum ex provincia populi Ro-  
æquam partem tu tibi sumpseris: atq; populo Ro. mise-  
ris. quid si duabus partibus doceo te amplius frumen-  
ti abstulisse: quā populo Ro. misisse? tamen ne pu-  
tamus patronum tuum in hoc crimine ceruiculam ia-  
staturum? & populo se ad coronam daturum? Hæc  
uos antea Iudices audistis: uerum fortasse ita audistis: ut  
authorem rumorem haberetis, sermonemq; omnium.  
cognoscite nunc innumerabilem pecuniam frumenta-  
rio nomine ereptam: ut simul illam quoque eius uocem  
probam agnoscatis: qui se uno quæstu decumarum o-  
mnia sua pericula redempturum esse dicebat. Audi-  
uimus hoc iam diu Iudices: nego quenquam esse uestrū,  
quin sæpe audierit: socios istius fuisse decumanos. nihil  
aliud arbitror in istum falso esse dictum, ab ijs, qui ma-  
le de isto existimarint: nisi hoc. nam socij putandi sunt:  
quos inter res communicata est. ego rem totam, fortu-  
nasq; aratorum omnes, istius fuisse dico: Apronium, Ve-  
neriosq; seruos, quod isto Pr. fuit nouum genus Publi-  
canorum: cæterosq; decumanos, procuratores istius quæ-  
stus, & ministros rapinarum dico fuisse. quomodo hoc  
doces? quomodo ex locatione illa columnarum docui  
istum esse prædatum? opinor ex eo maxime: quod ini-  
quam legem, nouamq; dixisset. quis enim unquam co-  
natus est iura omnia, & consuetudinem omnium com-  
mutare cum uituperatione sine quæstu? pergam atq; in-  
sequar longius. iniqua lege uendebas: quo pluris uen-  
deres. cur, iam addictis, & uenditis decumis, cum iam

ad summam decumarum nihil, ad tuum quæstum multum posset accedere: subito atq; ex tempore noua nascebantur edicta: nam ut uadimonium Decumano quocumq; is uellet: promitteretur: ut ex area, nisi pactus esset: arator ne tolleretur: Cal. sextilibus decimas deportatas haberent: hæc omnia uenditis decumis, anno tertio te edixisse dico. quæ si Reip. causa faceres: in uendendo essent pronunciata: quia tua causa faciebas: quod erat imprudentia prætermisum: id quæstu, ac tempore admonitus reprehendisti. Illud uero cui probari potest? te sine tuo quæstu, ac maximo quæstu, tantam tuam infamiam, tantum capitis tui, fortunarumq; periculum neglexisse? cum totius Siciliae quotidie gemitus, querimoniasq; audires: cum, ut ipse dixisti, reum te fore putares: cum huiusce iudicii discrimen ab opinione tua non abhorreret: paterere tamen aratores indignissimis iniurijs uexari, ac diripi. profecto, quanquam es singulari crudelitate, & audacia: tamen abs te totam alienari provinciam: tot honestissimos tibi inimicissimos fieri nolles: nisi hanc rationem, & cogitationem salutis tuæ, pecunie cupiditas, ac præsens illa præda superaret. Etenim quoniam summam, & numerum iniuriarum Iudices uobis non possum exponere: sigillatim autem de uniuscuiusque incommodo dicere infinitum est: genera ipsa iniuriarum quæso cognoscite. Nympholest Centuripinus homo nauis, & industrius, experientissimus, ac diligentissimus arator: is cum arationes magnas conductas haberet: quod homines etiam locupletes, sicut ille est, in Sicilia facere consueuerunt: easq; magna impensa, magno instrumento tueretur: tanta ab isto iniquitate oppressus est: ut non modo arationes relinque-

ret: sed etiam ex Sicilia profugeret: Romamq; cum multis una ab isto eiectis ueniret. fecit ut Decumanus Nymphonem uocaret ex edicto illo præclaro: quod nullam ad aliam rem nisi ad huiusmodi quæstus pertinebat: numerum iugerum professum non esse. Nympho cum se uellet æquo iudicio defendere: iste uiros optimos Recuperatores dat, eundem illum Medicum Cornelium: is est Artemidorus Pergameus: qui in sua patria dux isti quondam, & magister ad despoliandum Dianæ templum fuit: & aruspiciem Volusianum, & Valerium præconem. Nympho antequam planè constitit: condemnatur. quanti fortasse quæritis. nulla erat edicti poenæ certa. frumenti eius omnis quod in areis esset. sic Apronius Decumanus non decumam debitam, non frumentum remotum, atq; cœlatum, sed tritici septem millia medimnum ex Nymphonis arationibus edictæ poenæ, non redemptionis aliquo iure tollit. Xenonis Meneni nobilissimi hominis uxoris fundus erat colono locatus. colonus quod Decumanorum iniurias ferre non poterat: ex agro profugerat. Verres in Xenonem iudiciū dabat illud suum damnatorium de iugerum professione. Xenon ad se pertinere negabat: fundum elocatum esse dicebat: dabat testes. iudicium, si pateret iugera eiusmodi fundi esse plura, quàm colonus esset professus: tum Xenon damnaretur. dicebat ille, nonmodo non arasse se: id quod satis erat: sed nec dominum eius esse fundi, nec locatorem: uxorem esse: eam ipsam suum negocium gerere: ipsam locauisse. defendebat Xenonem homo summo splendore, & summa auctoritate præditus M. Cossenius. Iste nihilominus iudicium HS LXXX dabat. ille tamen Recuperatores de cohorte latronum sibi pa-



rari uidebat: tamen iudicium accepturum se esse dice-  
 bat. tum iste magna uoce Veneris imperat: ut Xeno-  
 nem audirent: dum res iudicaretur: hominem ut asser-  
 uarent: cum iudicatum sit: ad se adducant. & illud si-  
 mul dixit: se non putare illum, si propter diuitias pœ-  
 nas damnationis contemneret: etiam uirgis contemnere.  
 hac ille ui, & hoc metu adductus, tantum Decumanis,  
 quantum iste imperauit: exoluit. Polemarchus est Mur-  
 gentinus uir bonus, atq; honestus. is cum pro iugeribus  
 quinquaginta, medimna DCC decumæ imperarentur:  
 quod recusabat: domum ad istum in ius deductus est:  
 & cum iste etiam cubaret: in cubiculum introductus  
 est: quod nisi mulieri, & decumano, patebat alij nemi-  
 ni: ibi cum pugnis, & calibus conscissus esset: qui DCC  
 medimnis decidere nolisset: mille promisit. Eubulides  
 est Grosphus Centuripinus, homo cum uirtute, & no-  
 bilitate domi suæ, tum etiam pecunia princeps. huic ho-  
 mini Iudices honestissimæ ciuitatis honestissimo, non mo-  
 do frumenti scitote, sed uitæ, & sanguinis tantum reli-  
 ctum esse: quantum Apronij libido tulit. nam ui, malo,  
 plagis adductus est: ut frumenti daret, non quantum ha-  
 beret: sed quantum cogeretur. Softratus, & Numenius,  
 & Nymphodorus eiusdem ciuitatis, cum ex agris tres  
 fratres consortes profugissent: quod ijs plus frumenti im-  
 perabatur: quàm quantum exararant: hominibus coactis  
 in eorum arationes Apronius uenit: omne instrumen-  
 tum diripuit: familiam abduxit: pecus abegit. postea, cū  
 ad eum Nymphodorus uenisset Aetnam: & oraret: ut  
 sibi sua restituerentur: hominem corripit, ac suspendi ius-  
 sit in oleastro quadam, quæ est arbor Iudices in foro-  
 tam diu pependit in arbore socius, amicusq; populi Ro-

mani, in sociorum urbe, ac foro colonus, aratorq; uester: quam diu uoluntas Apronij tulit. Genera iam dudum innumerabilium iniuriarum Iudices singulis nominibus profero: infinitam multitudinem iniuriarum prætermitto. uos ante oculos animosq; uestros tota Sicilia Decumanorum hos impetus, aratorum direptiones, huius importunitatem, Apronij regnum proponite. Contempsit Siculos: non duxit homines: nec ipsos ad persequendum uehementes fore: & uos eorum iniurias leuiter laturos existimauit. esto: falsam de illis habuit opinionem: malam de uobis. ueruntamen cum de Siculis male mereretur: ciues romanos coluit: his indulgit: eorum uoluntati, & gratue deditus fuit. iste ciues romanos? at nullus inimicior, aut infestior fuit. mitto uincla: mitto carcerem: mitto uerbera: mitto secures: crucem deniq; illam prætermitto: quam iste ciuibus Romanis testem humanitatis in eos, ac beneuolentiæ suæ uoluit esse: mitto inquam hæc omnia: atque in aliud dicendi tempus reijcio: de decumis, de ciuium Romanorum conditione in arationibus disputo. qui quemadmodum essent accepti Iudices audistis ex ipsis: bona sibi erepta esse dixere. hæc, quoniam huiusmodi casus affuit: ferenda sunt: nihil ualuisse æquitatem: nihil consuetudinem: damna deniq; Iudices nulla tanta sunt: quæ non uiri fortes magno, & libero animo affecti, ferenda arbitrentur. quid? si Equitibus Romanis non obscuris, neq; ignotis, sed honestis, & illustribus manus ab Apronio, isto prætore sine ulla dubitatione afferebantur? quid expectatis? quid à me amplius dicendum putatis? an id agendum? ut eo celerius de isto transigamus: quo maturius ad Apronium possimus, id quod ego illi iam in Sicilia pollicatus sum:

uenire? qui C. Matrinius Iudices summa uirtute homi-  
nem, summa industria, summa gratia, Leontinis in pu-  
blico biduum tenuit: atq; Apronio Iudices hominem in de-  
core nato, ad turpitudinem educato, ad Verris flagitia  
libidinesq; accommodato, Equitem Ro. scitote biduum  
cibo tectoq; prohibitum: biduum Leontinis in foro cu-  
stodijs Apronij retentum, atq; seruatum: neq; ante dimis-  
sum: quàm ad conditiones eius depactus est. Nā quid  
ego de Q. Lollio Iudices dicam Equite Ro. spectato atq;  
honesto? clara res est, quam dicturus sum: tota Sicilia ce-  
leberrima, atq; notissima: qui cum araret in Aetnensi:  
cumq; is ager Apronio cum cæteris agris esset traditus:  
equestri uetere illa et authoritate, & gratia fretus, af-  
firmavit, se Decumanis plusquam deberet non daturum.  
refertur eius sermo Apronio. enimvero iste ride-  
re: ac mirari Lollium nihil de Matrino, nihil de cæte-  
ris rebus audisse. mittit ad hominem Venerios (hoc quoq;  
attendite: apparitores à prætore assignatos habuisse De-  
cumanū: si mediocre argumentū uideri potest: istum De-  
cumanorum nomine ad suos quæstus esse abusum) ad-  
ducitur à Venerijs, atq; adeo attrahitur Lollius commo-  
de, cum Apronius è palestra redisset: & in triclinio,  
quod in foro Aetnæ strauerat: decubisset. statuitur Lol-  
lius in illo tempestiuo gladiatorum conuiuio. non me-  
hercule quæ loquor crederem Iudices: tametsi uulgo au-  
dieram: nisi mecum ipse senex, cum mihi, atq; huic uo-  
luntati accusationis meæ lachrymans gratias ageret:  
summa cum authoritate esset locutus. statuitur, ut di-  
co, Eques Ro. propè annos LXXXX natus in Apro-  
nij conuiuio. cum interea Apronius caput, atq; os suum  
unguento perficeret: quid est Lolli inquit? tu nisi malo  
coactus recte

coactus recte facere nescis? homo quid ageret: taceret: responderet: quid faceret denique, illa auctoritate, et aetate praeditus: nesciebat. Apronius interea cenam, ac pocula poscebat. serui autem eius, qui et moribus ipsidem essent, quibus dominus: et eodem genere, ac loco nati: praeter oculos Lollii haec omnia ferebant. ridere conuiuae: cachinnari ipse Apronius: nisi forte existimatis, eum in uino, ac lucro non risisse: qui nunc in periculo, ac exitio suo risum tenere non possit. ne multa Iudices: his contumelijs scitote Q. Lollium coactum ad Apronij leges, conditionesque uenisse. Lollius aetate, et morbo impeditus ad testimonium dicendum uenire non potuit. quod opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicet audire. M. Lollius filius eius adolescens lectissimus praesto est: huius uerba auditis. nam Q. Lollius eius filius qui Calidium accusauit: adolescens, et bonus et fortis, et in primis disertus, cum his iniurijs, contumelijsque commotus in Siciliam esset profectus: in itinere occisus est. cuius mortis causam fugitui sustinent: re quidem uera nemo in Sicilia dubitat, quin eo sit occisus: quod habere clausa non potuerit sua consilia de Verre. iste porro non dubitabat: quin is, qui antea alium studio adductus accusasset: sibi aduenienti praesto esset futurus: cum esset parentis iniurijs, et domestico dolore commotus. Iam ne intelligitis Iudices, quae pestis, quae immanitas in uestra antiquissima, fidelissima, proximaeque provincia uersata sit? iam uidetis, quam ob causam Sicilia tot hominum antea furta, rapinas, iniquitates, ignominiasque perpessa, hoc non potuerit nouum, ac singulare, atque incredibile genus iniuriarum, contu-



meliarumq; ferre? Iam omnes intelligunt cur uniuersa  
 praouincia defensorem suae salutis eum quaesivit: cuius  
 iste fidei, diligentiae, perseverantiae, nulla ratione  
 eripi possit. tot iudicijs interfuisti: tot homines nocentes,  
 et improbos accusatos, et uestra, et superiorum memoria  
 scitis esse: ecquem uidisti? ecquem audisti? in tantis  
 furtis, in tam apertis, in tanta audacia, tanta impudentia  
 esse uersatum? Apronius stipatores Venerios secum  
 habebat: ducebat eos circum ciuitates: publice sibi  
 conuiuia parari: sterni triclinia etiam in foro iubebat:  
 euocari homines honestissimos, non solum Siculos,  
 sed etiam Equites romanos: ut quo cum inire conuiuium  
 nemo unquam, nisi turpis, impurusq; uoluisset: ad eius  
 conuiuium spectatissimi, atq; honestissimi uiri tenerentur.  
 Haec tu omnium mortalium profligatissime, ac perditissime  
 cum scires: cum audires quotidie: cum uideres: si sine  
 tuo maximo quaestu fierent: cum tanto periculo tuo fieri  
 paterere? atq; concederes? et tantum apud te quaestus Apronii,  
 tantum eius sermo inquinatissimus, et blandiciae flagitiosae  
 ualuerunt? ut nunquam animum tuum cura tuarum  
 fortunarum, cogitatioq; tangeret? cernitis iudices  
 quod, et quantum incendium Decumanorum impetu  
 non solum per agros, sed etiam per reliquas fortunas  
 aratorum, non solum per bona, sed etiam per iura  
 libertatis, et ciuitatis isto praetore peruasurit. uidetis  
 pendere alios ex arbore: pulsari autem alios et uerberari:  
 porro alios in publico custodiri: desitui alios in conuiuio:  
 condemnari alios a medico, et pracone praetoris: bona  
 tamen interea nihilo minus eorum omnium ex agris auferri,  
 ac diripi. quid est hoc? populi Romani imperium?  
 populi Romani leges? iudicia? socij fideles? pro-

uincia suburbana? non ne omnia potius eiusmodi sunt?  
quæ, si Atheniouiasser: in Sicilia non fecisset. non in quâ  
Iudices esset ullam partem istius nequitie fugitiuorum  
insolentia consecuta. Priuatim hoc modo. quid publice?  
Ciuitates quemadmodum tractatæ sunt? audistis permulta  
indicia, & testimonia ciuitatum: & reliquarum audie-  
tis. ac primum de Agyrinensi populo fideli, & illustri  
breuiter cognoscite. Agyrinensis est in primis honesta ci-  
uitas Siciliæ, hominum antehunc prætorem locuple-  
tium, summorumq; aratorum. eius agri decumas cum  
emisset idem Apronius: Agyrium uenit. qui cum eo cum  
apparitoribus, minis, ac ui uenisset: poscere pecuniâ grâ-  
dem cepit: ut accepto lucro discederet. nolle se negocij q̃  
quam habere dicebat: sed accepta pecunia quam pri-  
mum aliam ciuitatem occurrere. sunt homines Siculi  
non contemnendi, si per nostros magistratus liceat: sed  
homines, & satis fortes, & satis plane frugi, ac sobrij:  
& in primis hæc ciuitas, de qua loquor Iudices. Itaq;  
homini in primis improbissimo respondent Agyrinen-  
ses: sese decumas ei, quemadmodum deberent, daturus:  
lucrum, cum ille magno præsertim emisset: non addi-  
turos. Apronius certiore facit istum: quia res erat:  
quid rei esset. statim tanquam conuolutio aliqua Agy-  
ri contra Rempublicam facta, aut legatus prætoris pul-  
satus esset: ita Agyrio magistratus, & quinque primi ac-  
citi istius euocantur. ueniunt Syracusas: præsto est Apro-  
nius: ait eos ipsos, qui uenissent: contra edictum præ-  
toris fecisse. quærebant quid? respondebat, se ad recu-  
peratores esse dicturum. iste æquissimus homo formi-  
dinem illam suam miseris Agyrinensibus iniiciebat:  
recuperatores se de cohorte sua daturum minabatur.

Agyrinenses uiri fortissimi, iudicium se passuros esse dicebant. ingerebat iste Artemidorum medicum Cornelium, pictorem Tlepolemum, & huiusmodi Recuperatores: quorum cuius Ro. nemo erat: sed græci sacri legi, iam pridem improbi, repente Cornelij. uidebant Agyrinenses quicquid ad eos Recuperatores Apronius attulisset: illum per facile probaturum. condemnari cum istius inuidia, infamiaq; malebant: quam ad eius conditiones pactionesq; accedere. quærebant quæ in uerba Recuperatores daret: respondebat, si pateret aduersus edictum fecisse, quæ in iudicio dicturum esse dicebat. iniquissimis uerbis, improbissimis Recuperatoribus, conflictari malebant: quàm quicquam cum isto sua uoluntate decidere. summittebat iste Timarchidem: qui moneret eos, si saperent, ut transigerent. pernegabant. quid ergo? in singulos HS quinquagenis millibus damnari mauultis? malle dicebant. cum iste clare omnibus audientibus, qui damnatus erit inquit, uirgis ad necem cadetur. hic illi flentes rogare, atq; orare cœperunt: ut sibi suas segetes, fructusq; omnes, arationesq; uacuas Apronio tradere liceret: ut ipsi sine ignominia, molestiaq; discederent. hac lege Iudices decimas uendidit Verres. dicat Licet Hortensius, si audet, magno Verrem uendidisse. hæc conditio fuit isto prætoris aratorum: ut secum præclare agi arbitrarentur: si uacuos agros Apronio tradere liceret. multas enim cruces propositas effugere cupiebant. quantum Apronius edidisset deberi: tantum ex edicto dandum erat. etiam ne si plus edidisset: quàm quantum natum esset. etiam. quomodo? magistratus ex ipsius edicto exigere debebant. at arator poterat. uerum Artemidoro Recuperatore. qd

si minus arator dedisset: quàm poposcisset Apronius? iudicium in aratore in quadruplum. ex quo iudicium numero? ex cohorte prætoris præclara honestissimorum. quid amplius? minus te iugerum professum esse dico: Recuperatores reijce: quod aduersum edictum feceris. ex quo numero? ex eadem cohorte. quid erit exirenum? si damnatus eris (nam dubitatio damnationis illis Recuperatoribus quæ poterat esse?) uirgis te ad necem cedi necesse erit. his legibus, his conditionibus, erit quisquam tam stultus qui decumas uenisse arbitretur? qui aratori nouem partes reliquas factas esse existimet? qui non intelligat istum sibi quæstui prædæq; habuisse bona, possessiones, fortunas aratorum? uirgarum metu Agyrinenses, quod imperatum esset: facturos se esse dixerunt. accipite nunc quid imperari: et dissimulate uos si potestis: uos intelligere: ipsum prætorem quod tota Sicilia perspexerit, Redemptorem decumarum, atq; adeo aratorum dominum, ac regem fuisse. imperat Agyrinensibus, ut decumas ipsi publice accipiant: Apronio lucrum dent. si magno emerant: quoniam tu es qui diligentissime precium exquisisti: qui ut ais magno uendidisti: quare putas emptori lucrum addi oportere? esto: putabas. quâ obrem imperabas ut adderent? quid est aliud capere, et conciliare pecunias: in quo te lex tenet: si hoc non est? uir atq; imperio cogere inuitos lucrum dare alteri: hoc est pecuniam dare. age quid tum? si Apronio delicijs prætoris lucelli aliquid iussi sunt dare: putate Apronio datum: si Apronianum lucellum, ac non prætoriam prædâ uobis uidebitur. imperas ut decumas accipiant: Apronio dent lucrum tritici medimna XXXIIII. quid est hoc? una ciuitas ex uno agro plebi Romanæ propè men-



strua cibaria Prætoris imperio donare Apronio cogitur.  
 tu magno decumas uendidisti? cum tantum lucri Decu-  
 mano sit datum: profecto si precium exquisisses diligen-  
 ter: tum cum uendebas X medimna potius addidissent:  
 quàm HS D C postea. magna præda uidetur. audi-  
 te reliqua: & diligenter attendite: quo minus miremini  
 Siculos re necessaria coactos, auxilium à patronis, à Cō-  
 sulibus, ab Senatu, ab legibus, à iudijs petuuisse. ut pro-  
 baret Apronius hoc triticum: imperat Agyrinensibus  
 Verres, uti in medimna singula dentur Apronio HS  
 III. quid est hoc? tanto numero frumenti in lucri no-  
 men imperato, expresso, nummi præterea exigentur, ut  
 probetur frumentum? an poterat non modo Apronius,  
 sed quiuis, exerctui si metuendum esset: improbare Si-  
 culum frumentum? quod illi ex area, si uellet, admeti-  
 ri licebat. frumenti tantus numerus imperio tuo datur.  
 & cogitur. non est satis: nummi præterea imperantur.  
 dantur. parum est. pro decumis hordei, alia pecunia  
 cogitur. iubes HS XXX lucri dari. ita ab una ciuita-  
 te, ui, munis, imperio, iniuriâq; prætoris eripiuntur iriti  
 a medimna XXX III: & præterea HS LX. At  
 hæc obscura sunt: aut si omnes homines uelint: obscura  
 esse possunt: quæ tu palam egisti: in conuentu imperasti:  
 omnibus inspectantibus coegisti: quæ de re Agyrinenses  
 magistratus, & quinq; primi, quos tui quæstus causa euo-  
 cas: acta & imperia tua domum ad Senatum suum re-  
 nunciauerunt: quorum renunciatio legibus illorum, li-  
 teris publicis mandata est: quorum legati homines nobi-  
 lissimi Romæ sunt: qui hoc idem pro testimonio dixerunt.  
 Cognoscite Agyrinensium publicas literas. deinde te-  
 stimonium publicum ciuitatis. Rectæ literas publi-

cas. testimonium publicum. Animaduertistis in hoc testimonio Iudices: Apollodorum, cui Perragi cognomen est: principem suae ciuitatis lachrymantem testari, ac dicere: nunquam post populi Ro. nomen ab Siculis auditum, & cognitum, Agyrinenses contra quenquam infimum ciuem Ro. dixisse, aut fecisse quippiam: qui nunc contra praetorem populi Ro. magnis iniurijs, & magno dolore publice testimonium dicere cogerentur. uni micher cule huic ciuitati Verres obsistere tua defensione non potes. tanta autoritas est in eorū hominum fidelitate: tantus dolor iniuriae: tanta religio in testimonio. uerum nō una te, sed uniuersae simulibus afflictae incommotis, legationibus, ac testimonijs publicis persequuntur. etenim deinceps uideamus Herbitensis ciuitas honesta, & antea copiosa quemadmodum spoliata ab isto, ac uexata sit. at quorum hominum? summorum aratorum, remotissimorum à foro, iudicijs, controuersijs: quibus parcere, & consulere homo impurissime, & quod genus hominum studiosissime conseruare debuisti. Primo anno uenierunt eius agri decumae tritici medimna XVIII. Attidius istius item minister in decumis, cum emisset: et praefecti nomine cum uenisset Herbitam cum Venerijs: locusq; ei publice, quo diuerteretur: datus esset: coguntur Herbitenses ei lucri dare tritici modium XXXVII millia: cum decumae uenisset tritici modium XVIII. atq; hoc triticum lucri coguntur dare publice: cum iam priuatim aratores ex agris spoliati, atq; exagitati Decumanorū iniurijs profugissent. Anno secundo cum emisset Apronius decumas tritici modium XXV millibus: & ipse Herbitam cum illa praedonis copia, manuq; uenisset: populus publice coactus est ei conferre lucri tritici

modium XXVI: & accessionem HS MM-de accessione dubito an Apronio ipsi data sit merces ferè, preciumq; impudentiæ. de tritici quidem numero tanto, qd potest dubitare? quin ad istum prædonem frumentariū sicut Agyrinenſe frumentum, peruenerit? Anno uero tertio in hoc agro consuetudine usus est regia. solere aiunt barbaros reges Persarum, ac Syrorum, plures uxores habere: his autem uxoribus ciuitates attribuerè, hoc modo: hæc ciuitas mulieri redimiculum præbeat: hæc in collum: hæc in crines. ita populos habent uniuersos non solum conscids libidinis suæ, uerum etiam aduulsiros. Eandem istius, qui se regem Siculorum esse dicebat: licentiam, libidinemq; fuisse cognoscite. Aeschrionis Syracusani uxor est Pippa: cuius nomen istius nequitia tota Sicilia peruulgatum est. de qua muliere uersus plurimū supra tribunal, & supra prætoris caput scribebantur. hic Aeschrio Pippæ uir adumbratus, in Herbitensibus decumus nouus instituitur publicanus. Herbitenses cum uiderent, si ad Aeschrionem precium redisset: se ad arbitrium libidinosissimæ mulieris spoliatum iri: liciti sunt usque eo, quo ad se efficere posse arbitrabantur. supra adiecit Aeschrio. neq; enim metuebat, ne prætorè Verre decumana mulier dāno affici posset. Addiatur medimnis MM, dimidio ferè pluris, quam superiore anno. aratores funditus euertebantur: & eo magis: quod iam superioribus annis exhausti erant, ac penè perdit. intellexit iste ita magno uenisse: ut amplius ab Herbitensibus exprimi non posset. demit de capite medimna DC: iubet in tabulas pro medimnis MMM, referri, D MM D, & IIII. Hordei decumas eiusdem agri Docimus emerat. hic est Docimus: ad quem iste deduxerat Tertiā

Isidori muni filiam, ui abductam ab Rhodio tibiane-  
huius Tertiae plus etiam, quàm Pippae, plus, quàm cete-  
rarum, ac propè dictam tantum apud istum in Sicalien-  
si prætura auctoritas ualuit: quantum in urbana Che-  
lidonis. ueniunt Herbitam duo prætoris emuli non mo-  
lesti, muliercularum deterrimarum improbiſſimi cogni-  
tores: incipiunt postulare: poscere: minari: non poterant  
tamen, cum cuperent, Apronium imitari: Siculi Siculos  
non tam pertimescebant. cum omni ratione tamen illi  
calumniarentur: promittunt Herbitenses uadimonium  
Syracusas. eo posteaquam uetum est: coguntur Aeschrio-  
ni, idest Pippae dare tantum, quantum erat de capite  
demptum: tritici modios MMM D C. muliercule pu-  
blicane noluit ex decumis nimum lucri dare: ne forte  
ab nocturno suo quæstu animum ad uestigalia redimē-  
da transferret. transactum putabant Herbitenses: cum  
iste, quid de hordeo inquit, & Docimo amiculo meo? qd  
cogitatis? at hoc agebat in cubiculo Iudices, atq; in lectu-  
lo suo. negabant illi sibi qcquam esse mandatum. non au-  
dio: numerate HS XV. quid facerent miseri? aut qd  
recusarent? præsertim cum in lectulo, Decumanæ mu-  
lieris uestigia uiderent recentia: quibus illum inflamma-  
ri ad perseverandum intelligebant. Ita ciuitas una so-  
ciorum, atq; amicorum duabus deterrimis mulierculis  
Verre prætore uestigalis fuit. Atq; ego nunc, eum fru-  
menti numerum, & eas publice pecunias Decumanis ab  
Herbitensibus datas esse dico. quo illi frumento, & qui-  
bus pecunijs tamen à Decumanorum iniurijs ciues suos  
non redemerunt. perditis enim, & direptis aratorum  
bonis, hæc Decumanis merces dabatur: ut aliquando  
ex eorum agris, atq; ex urbibus abirent. Itaq; cum



Philinus Herbitensis homo disertus, & prudens, & do-  
 mi nobilis de calamitate aratorum, & de fuga, & de  
 reliquorum paucitate publice diceret: animaduertistis Iu-  
 dices gemitum populi romani: cuius frequentia huic cau-  
 sę nunquā defuit. qua de paucitate aratorū alio loco di-  
 cam. nunc illud, quod præterijt, non omnino relinquen-  
 dum uidetur. nam per deos immortales, quod de capite  
 te ipsi dempsit, quo tandem modo ferendum: uerū etiam  
 animaduertendum uidetur. unus adhuc fuit post Ro-  
 mam conditam: dij immortales faxint: nescit alter: cui  
 Resp. totam se tradidit, temporibus coacta, & malis do-  
 mesticis: L. Sylla. hic tantum potuit: ut nemo illo inuito  
 nec bona, nec patriam, nec uitam retinere posset: tan-  
 tum animi habuit ad audaciam: ut dicere in concione  
 non dubitaret: bona ciuium Ro. cum uenderet: se præ-  
 dam suam uendere. eius omnes res gestas non solum ob-  
 tinemus: uerum etiam propter malorum, incommodo-  
 rum, & calamitatum metum publica auctoritate defen-  
 dimus. Vnum hoc aliquod S. consulto reprehensum, de-  
 cretumq; est: ut quibus ille de capite dempsisset: hi pecu-  
 nias in aerarium referrent. statui Senatus hoc, ne illi quī  
 dem esse licitum, cui concesserat omnia: a populo facta-  
 rum, quæsiturumq; rerum summas imminuere. illum  
 uiris fortissimus indicarunt patres conscripti dimittere  
 de summa non potuisse. te mulieri deterrimæ recte re-  
 misisse Senatores indicabunt? ille de quo lege Populus  
 Ro. iusserat: ut ipsius uoluntas, & posse esset pro lege:  
 tamen in hoc uno genere ueterum religione legum re-  
 prehenditur. tu, qui omnibus legibus implicatus tene-  
 bare: libidinem tibi tuam pro lege esse uoluisti? in illo re-  
 prehenditur. quod ex ea pecunia remisit: quam ipse

quæsierat. tibi concedetur? qui de capite uestigalium populi Ro. remissisti? Atq; in hoc genere audaciæ, multo etiã impudentius in decumis Segestensium uersatus est: quas cum addixisset eidem illi Docimo hoc est tritici modios quinq; millia: et accessionem ascripisset HS MD: coegit Segestenses à Docimo tantidem publice accipere. id quod ex Segestensiu publico testimonio cognoscite. Recitat testimonium publicum. Audistis quanti decumas acceperit à Docimo ciuitas, tritici modios quinq; millia & accessionem. cognoscite nunc quanti se uendidisse retulerit. **LEX DECVMIS VENDVNDIS C. VERRE PR.** hoc nomine uidistis tritici modium MMM de capite esse dempta. quæ cum de populi Ro. uictu, de uestigalium neruis, de sanguine detraxisset ærarij: Tertiae Mimæ condonauit. Vtrum impudentius à Socijs abstulit? an turpius meretrice dedit? an improbius populo Ro. ademuit? an audacius tabulas publicas commutauit? ex horum seueritate te ulla uis eripiet? aut ulla largitio eripiet? sed si eripuerit: non intelligit hæc, quæ iam dudum loquor: ad aliam quæstionem, atq; ad peculatus iudicium pertinere. itaq; hoc mihi reseruabo genus integrum totum: ad illam quam institui causam frumenti, ac decumarum reuertar. qui cum agros maximos, ac feracissimos per se ipsum hoc est per Apronium Verrem alterum depopularetur: ad minores ciuitates habebat alios, quos tanquam canes, immitteret, nequam homines, & improbos: quibus aut frumentum, aut pecuniam publice cogebat dari. A. Valentinus est in Sicilia interpret: quo iste interprete non ad linguam græcam, sed ad furti, & flagitia uti solebat. fit interpret hic, homo leuis, atq; egens repente Decuma

rari uidebat: tamen iudicium accepturum se esse dicebat. tum iste magna uoce Venerijs imperat: ut Xenonem audirent: dum res iudicaretur: hominem ut afferrent: cum iudicatum sit: ad se adducant. Et illud simul dixit: se non putare illum, si propter diuitias poenas damnationis contemneret: etiam uirgas contemnere. hac ille ui, Et hoc metu adductus, tantum Decumanis, quantum iste imperauit: exoluit. Polemarchus est Murgentinus uir bonus, atq; honestus. is cum pro iugeribus quinquaginta, medimna DCC decumae imperarentur: quod recusabat: domum ad istum in ius deductus est: Et cum iste etiam cubaret: in cubiculum introductus est: quod nisi mulieri, Et decumano, patebat alij nemi. ibi cum pugnis, Et calibus conscissus esset: qui DCC medimnis decidere noluisse: nulle promisit. Eubulides est Grosphus Centuripinus, homo cum uirtute, Et nobilitate domi suae, tum etiam pecunia princeps. huic homini Iudices honestissimae ciuitatis honestissimo, non modo frumenti scitote, sed uitae, Et sanguinis tantum relictum esse: quantum Apronij libido tulit. nam ui, malo, plagis adductus est: ut frumenti daret, non quantum haberet: sed quantum cogeretur. Sostratus, Et Numenius, Et Nymphodorus eiusdem ciuitatis, cum ex agris tres fratres consortes profugissent: quod ijs plus frumenti imperabatur: quam quantum exararent: hominibus coactis in eorum arationes Apronius uenit: omne instrumentum diripuit: familiam abduxit: pecus abegit. postea, cum ad eum Nymphodorus uenisset Aetnam: Et oraret: ut sibi sua restituerentur: hominem corripit, ac suspendi iussit in oleastro quadam, quae est arbor Iudices in forum diu pependit in arbore socius, amicusq; populi Ro-

mani, in sociorum urbe, ac foro colonus, aratorq; ue-  
ster: quam diu uoluntas Apronij tulit. Genera iam dis-  
dum innumerabilium iniuriarum Iudices singulis no-  
minibus profero: infinitam multitudinem iniuriarum  
prætermitto. uos ante oculos animosq; uestros tota Sici-  
lia Decumanorum hos impetus, aratorum direptio-  
nes, huius importunitatem, Apronij regnum proponite.  
Contempsit Siculos: non duxit homines: nec ipsos ad p-  
sequendum uehementes fore: & uos eorum iniurias le-  
uiter laturos existimauit. esto: falsam de illis habuit opi-  
nionem: malam de uobis. ueruntamen cum de Siculis  
male mereretur: ciues romanos coluit: his indulgit: eorū  
uoluntati, & gratiæ deditus fuit. iste ciues romanos?  
at nullus inimicior, aut infestior fuit. mitto uincla: mit-  
to carcerem: mitto uerba: mitto secures: crucem deniq;  
illam prætermitto: quam iste ciuibus Romanis testem hu-  
manitatis in eos, ac beneuolentiæ suæ uoluit esse: mitto  
inquam hæc omnia: atque in aliud dicendi tempus reiij-  
cio: de decumis, de ciuium Romanorum conditione in-  
arationibus disputo. qui quemadmodum essent accepti  
Iudices audistis ex ipsis: bona sibi erepta esse dixere. hæc,  
quoniam huiusmodi casus affuit: ferenda sunt: nihil ua-  
luisse æquitatem: nihil consuetudinem: damna deniq; Iu-  
dices nulla tanta sunt: quæ non uiri fortes magno, &  
libero animo affecti, ferenda arbitrentur. quid? si E qui-  
tibus Romanis non obscuris, neq; ignotis, sed honestis,  
& illustribus manus ab Apronio, isto prætore sine ulla  
dubitatione afferebantur? quid expectatis? quid a me  
amplius dicendum putatis? an id agendum? ut eo ce-  
lerius de isto transigamus: quo maturius ad Apronium  
possimus, id quod ego illi iam in Sicilia pollicatus sum:



uenire? qui C. Matrinium Iudices summa uirtute homi-  
nem, summa industria, summa gratia, Leontinis in pu-  
blico biduum tenuit: atq; Apronio Iudices hominem in de-  
decore nato, ad turpitudinem educato, ad Verris flagitia  
libidinesq; accommodato, Equitem Ro. scitote biduum  
eibo tectoq; prohibitum: biduum Leontinis in foro cu-  
stodis Apronij retentum, atq; seruatum: neq; ante dimis-  
sum: quam ad conditiones eius depactus est. Nā quid  
ego de Q. Lollio Iudices dicam Equite Ro. spectato atq;  
honesto? clara res est, quam dicturus sum: tota Sicilia ce-  
leberrima, atq; notissima: qui cum araret in Aetnensi:  
cumq; is ager Apronio cum cæteris agris esset traditus:  
equestri uetere illa et authoritate, Et gratia fretus, af-  
firmavit, se Decumanis plusquam deberet non datu-  
rum. refertur eius sermo Apronio. enimvero iste ride-  
re: ac mirari Lollium nihil de Matrinio, nihil de cæte-  
ris rebus audisse. mittit ad hominem Venerios (hoc quoq;  
attendite: apparitores à prætore assignatos habuisse De-  
cumanū: si mediocre argumentū uideri potest: istum De-  
cumanorum nomine ad suos quæstus esse abusum) ad-  
ducitur à Venerijs, atq; adeo attrahitur Lollius commo-  
de, cum Apronius è palestra redisset: Et in triclinio,  
quod in foro Aetnæ strauerat: decubisset. statuitur Lol-  
lius in illo tempestiuo gladiatorum conuiuio. non me-  
hercule quæ loquor crederem Iudices: tamen si uulgo au-  
dieram: nisi mecum ipse senex, cum mihi, atq; huic no-  
luntati accusationis meæ lachrymans gratias ageret:  
summa cum authoritate esset locutus. statuitur, ut di-  
co, Eques Ro. propè annos LXXXX natus in Apro-  
nij conuiuio. cum interea Apronius caput, atq; os sum-  
unguento persfricaret: quid est Lolli inquit? tu nisi malo  
coactus recte

coactus recte facere nescis? homo quid ageret: taceret: responderet: quid faceret denique, illa auctoritate, & ætate præditus: nesciebat. Apronius interea cœnâ, ac pocula poscebat. serui autem eius, qui & moribus ipsæ essent, quibus dominus: & eodem genere, ac loco nati: præter oculos Lolli hæc omnia ferebant. ridere conuiuæ: cachinnari ipse Apronius: nisi forte existimatis, eum in uino, ac lucro non risisse: qui nunc in periculo, ac exitio suo risum tenere non possit. ne multa Iudices: his contumelijs scitote Q. Lollium coactum ad Apronij leges, conditionesque uenisse. Lollius ætate, & morbo impeditus ad testimonium dicendum uenire non potuit. quod opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicet audire. M. Lollius filius eius adolescens lectissimus præsto est: huius uerba auditis. nam Q. Lollius eius filius qui Calidium accusauit: adolescens, & bonus & fortis, & in primis disertus, cum his iniurijs, contumelijsque commotus in Siciliam esset profectus: in itinere occisus est. cuius mortis causam fugitiui sustinent: re quidem uera nemo in Sicilia dubitat, quin eo sit occisus: quod habere clausa non potuerit sua cõsilia de uere. iste porro non dubitabat: quin is, qui antea alium studio adductus accusasset: sibi aduenienti præsto esset futurus: cum esset parentis iniurijs, & domestico dolore commotus. Iam ne intelligitis Iudices, quæ pestis, quæ immanitas in uestra antiquissima, fidelissima, proximisque provincia uersata sit? iam uidetis, quam ob causam Sicilia tot hominum antea furta, rapinas, iniquitates, ignominiasque perpeffa, hoc non potuerit nouum, ac singulare, atque incredibile genus iniuriarum, contu-

*meliarumq; ferre. Iam omnes intelligunt cur uniuersa* provincia defensore sua salutis eum quaesivit: cuius iste fidei, diligentiae, perseverantiae, nulla ratione eripi possit. tot iudicijs interfuists: tot homines nocentes, & improbos accusatos, & uestra, & superiorum memoria scitis esse: ecquem uidists? ecquem audists? in tantis furtis, in tam apertis, in tanta audacia, tanta impudentia esse uersatum? Apronius stipatores uenerios secum habebat: ducebat eos circum ciuitates: publice sibi conuiuia parari: sterni triclinia etiam in foro iubebat: euocari homines honestissimos, non solum Siculos, sed etiam Equites romanos: ut quo cum inire conuiuium nemo unquam, nisi turpis, impurusq; uoluisset: ad eius conuiuium spectatissimi, atq; honestissimi uiri tenerentur. Hæc tu omnium mortalium profligatissime, ac perditissime cum scires: cum audires quotidie: cum uideres: si sine tuo maximo quaestu fierent: cum tanto periculo tuo fieri paterere? atq; concederes? et tantum apud te quaestus Apronij, tantum eius sermo inquinatissimus, & blandiciae flagitiosæ ualuerunt? ut nunquam animum tuum cura tuarum fortunarum, cogitatioq; tangeret? cernitis iudices quod, & quantum incendium Decumanorum impetu non solum per agros, sed etiam per reliquas fortunas aratorum, non solum per bona, sed etiam per iura libertatis, & ciuitatis isto prætore peruasurit. uidetis pendere alios ex arbore: pulsari autem alios & uerberari: porro alios in publico custodiri: destitui alios in conuiuio: condemnari alios a medico, & præcone prætoris: bona tamen interea nihilo minus eorum omnium ex agris auferri, ac diripi. quid est hoc? populi Romani imperium? populi Romani leges? iudicia? socij fideles? pro-

uincia suburbana? non ne omnia potius eiusmodi sunt?  
quæ, si Athenio uicisset: in Sicilia non fecisset. non inquã  
Iudices esset ullam partem istius nequitie fugatiuorum  
insolentia consecuta. Priuatim hoc modo. quid publice?  
Ciuitates quemadmodũ tractatæ sunt? audistis permulta  
indicia, & testimonia ciuitatum: & reliquarum audie-  
tis. ac primum de Agyrinensi populo fideli, & illustri  
breuiter cognoscite. Agyrinensis est in primis honesta ci-  
uitas Siciliæ, hominum antehunc prætorem locuple-  
tium, summorumq; aratorum. eius agri decumas cũ  
emisset idem Apronius: Agyrium uenit. qui cum eo cũ  
apparitoribus, minis, ac ui uenisset: poscere pecuniã grã-  
dem coepit: ut accepto lucro discederet. nolle se negocij q̃  
quam habere dicebat: sed accepta pecunia quampri-  
mum aliam ciuitatem occurrere. sunt homines Siculi  
non contemnendi, si per nostros magistratus liceat: sed  
homines, & satis fortes, & satis plane frugi, ac sobrij:  
& in primis hæc ciuitas, de qua loquor Iudices. Itaq;  
homini in primis improbissimo respondent Agyrinen-  
ses: sese decumas ei, quemadmodum deberent, daturus:  
lucrum, cum ille magno præsertim emisset: non addi-  
turos. Apronius certiozem facit istum: cuius res erat:  
quid rei esset. statim tanquam conuratio aliqua Agy-  
rij contra Rempublicam facta, aut legatus prætoris pul-  
satus esset: ita Agyrio magistratus, & quinque primi ac-  
cite istius euocantur. ueniunt Syracusas: præsto est Apro-  
nius: ait eos ipsos, qui uenissent: contra edictum præ-  
toris fecisse. quærebant quid? respondebat, se ad recu-  
peratores esse dicturum. iste æquissimus homo formi-  
dinem illam suam miseris Agyrinensibus iniiciebat:  
recuperatores se de cohorte sua daturum minabatur.



tua. ne parv  
si uelles, pop  
res ipsa, si in  
pupilli calat  
cuius prae  
authoritas, in  
dem anima  
um: quod tu  
nec cum de  
HS DLX  
libus id op  
se effectu ro  
id quod uos  
tas uidetis:  
eisdemq; la  
millibus lo  
tuo redemp  
tum tectoru  
quod si tan  
te nunqua  
men res ag  
RIS CA  
TO. qui  
co lapidem  
SATIS  
QVI A  
CEPER  
re Rabon  
VATV  
DLX mi  
rum esse c

si minus arator dedisset: quàm poposcisset Apronius? iudicium in aratore in quadruplum. ex quo iudicium numero? ex cohorte prætoris præclara honestissimorum. quid amplius? minus te iugerum professum esse dico: Recuperatores reijce: quod aduersum edictum feceris. ex quo numero? ex eadem cohorte. quid erit exirenum? si damnatus eris (nam dubitatio damnationis illis Recuperatoribus quæ poterat esse?) uirgis te ad necem cedi necesse erit. his legibus, his conditionibus, erit quisquam tam stultus qui decumas uenisse arbitretur? qui aratori nouem partes reliquas factas esse existimet? qui non intelligat istum sibi quæstui prædæq; habuisse bona, possessiones, fortunas aratorum? uirgarum metu Agyrinenses, quod imperatum esset: facturos se esse dixerunt. accipite nunc quid imperari: Et dissimulate uos si potestis: uos intelligere: ipsum prætorem quod tota Sicilia perspexerit, Redemptorem decumarum, atq; adeo aratorum dominum, ac regem fuisse. imperat Agyrinensibus, ut decumas ipsi publice accipiant: Apronio lucrum dent. si magno emerant: quoniam tu es qui diligentissime precium exquisisti: qui ut ais magno uendidisti: quare putas emptori lucrum addi oportere? esto: putabas. quâ obrem imperabas ut adderent? quid est aliud capere, et conciliare pecunias: in quo te lex tenet: si hoc non est? uir atq; imperio cogere inuitos lucrum dare alteri: hoc est pecuniam dare. age quid tum? si Apronio delicijs prætoris lucelli aliquid iussi sunt dare: putate Apronio datum: si Apronianum lucellum, ac non prætoria præda uobis uidebitur. imperas ut decumas accipiant: Apronio dent lucrum tritici medimna XXXIIII. quid est hoc? una ciuitas ex uno agro plebi Romanæ propè men-

strua cibaria Prætoris imperio donare Apronio cogitur.  
 tu magno decumas uendidisti? cum tantum lucri Decu-  
 mano sit datum: profecto si precium exquisisses diligen-  
 ter: tum cum uendebas X medimna potius addidissent:  
 quàm HS D C postea magna præda uidetur. audi  
 te reliqua: & diligenter attendite: quo minus miremini  
 Siculos re necessaria coactos, auxilium à patronis, à Cō-  
 sulibus, ab Senatu, ab legibus, à iudicijs petuuisse. ut pro-  
 baret Apronius hoc triticum: imperat Agyrinensibus  
 Verres, uti in medimna singula dentur Apronio HS  
 III. quid est hoc? tanto numero frumenti in lucri no-  
 men imperato, expresso, nummi præterea exigentur, ut  
 probetur frumentum? an poterat non modo Apronius,  
 sed quiuis, exercitui si metuendum esset: improbare Si-  
 culum frumentum? quod illi ex area, si uellet, admeti-  
 ri licebat. frumenti tantus numerus imperio tuo datur:  
 & cogitur. non est satis: nummi præterea imperantur.  
 dantur. parum est. pro decumis hordei, alia pecunia  
 cogitur. iubes HS XXX lucri dari: ita ab una ciuita-  
 te, ni, munis, imperio, iniuriâq; prætoris eripiuntur triti-  
 ci medimna XXX III: & præterea HS LX. At  
 hæc obscura sunt: aut si omnes homines uelint: obscura  
 esse possunt: quæ tu palàm egisti: in conuentu imperasti:  
 omnibus inspectantibus coegisti: qua de re Agyrinenses  
 magistratus, & quinq; priuati, quos tui quæstus causa euo-  
 cas: acta & imperia tua domum ad Senatum suum re-  
 nunciauerunt: quorum renunciatio legibus illorum, li-  
 teris publicis mandata est: quorum legati homines nobi-  
 lissimi Romæ sunt: qui hoc idem pro testimonio dixerunt.  
 Cognoscite Agyrinensium publicas literas. deinde te-  
 stimonium publicum ciuitatis. Recita literas publi-

*est. testimonium publicum. Animaduertistis in hoc testimonio Iudices: Apollodorum, cui Perragi cognomen est: principem suae ciuitatis lachrymantem testari, ac dicere: nunquam post populi Ro. nomen ab Siculis auditum, & cognitum, Agyrinenses contra quenquam infimum ciuem Ro. dixisse, aut fecisse quippiam: qui nunc contra praetorem populi Ro. magnis iniurijs, & magno dolore publice testimonium dicere cogerentur. uni mehercule huic ciuitati Verres obsistere tua defensione non potes. tanta autoritas est in eorum hominum fidelitate: tantus dolor iniuriae: tanta religio in testimonio. uerum non una te, sed uniuersae simulibus afflictae incommodis, legationibus, ac testimonijs publicis persequuntur. etenim deinceps uideamus Herbitensis ciuitas honesta, & antea copiosa quemadmodum spoliata ab isto, ac uexata sit. at quorum hominum? summorum aratorum, remotissimorum a foro, iudicij, controuersijs: quibus parere, & consulere homo impurissime, & quod genus hominum studiosissime conseruare debuisti. Primo anno uenierunt eius agri decumae tritici medimna XVIII. Attidius istius item minister in decumis, cum emisset: et praefecti nomine cum uenisset Herbitam cum Venerijs: locusq; ei publice, quo diuerteretur: datus esset: coguntur Herbitenses ei lucri dare tritici modium XXXVII nullia: cum decumae uenisset tritici modium XVIII. atq; hoc triticum lucri coguntur dare publice: cum iam priuatim aratores ex agris spoliati, atq; exagitati Decumanorum iniurijs profugissent. Anno secundo cum emisset Apronius decumas tritici modium XXV millibus: & ipse Herbitam cum illi praedonis copia, manuq; uenisset: populus publice coactus est ei conferre lucri tritici*



modium XXVI: & accessionem HS MM. de ac-  
 sione dubito an Apronio ipsi data sit merces ferè, preci-  
 umq; impudentiæ. de tritici quidem numero tanto, qd  
 potest dubitare? quin ad istum prædonem frumentariū  
 sicut Agyrinense frumentum, peruenerit? Anno uero ter-  
 tio in hoc agro consuetudine usus est regia. solere aiunt  
 barbaros reges Persarum, ac Syrorum, plures uxores  
 habere: his autem uxoribus ciuitates attribuerè, hoc mo-  
 do: hæc ciuitas mulieri redimiculum præbeat: hæc in  
 collum: hæc in crines. ita populos habent uniuersos non  
 solum conscios libidinis suæ, uerum etiam aduulsiros.  
 Eandem istius, qui se regem Siculorum esse dicebat: lu-  
 centiam, libidinemq; fuisse cognoscite. Aeschrionis Syra-  
 cusani uxor est Pippa: cuius nomen istius nequitia tota  
 Sicilia peruulgatum est. de qua muliere uersus plurimi  
 supra tribunal, & supra prætoris caput scribebantur.  
 hic Aeschrio Pippæ uir adumbratus, in Herbitensibus  
 decumis nouus instituitur publicanus. Herbitenses cum  
 uiderent, si ad Aeschrionem premium redisset: se ad arbi-  
 trium libidinosissimæ mulieris spoliatum iri: liciti sunt  
 usque eo, quo ad se efficere posse arbitrabantur. supra ad-  
 iecit Aeschrio. neq; enim metuebat, ne prætor Verre de-  
 cumana mulier dāno affici posset. Addicitur medimnis  
 MM, dimidio ferè pluris, quam superiore anno. ara-  
 tores funditus euertebantur: & eo magis: quod iam su-  
 perioribus annis exhausti erant, ac pene perdit. intelle-  
 xit iste ita magno uenisse: ut amplius ab Herbitensibus  
 exprimi non posset. demit de capite medimna D C:  
 iubet in tabulas pro medimnis MMM, referri, D MM  
 D, & IIII. Hordei decumas eiusdem agri Docimus  
 tinerat. hic est Docimus: ad quem iste deduxerat Tertiā

Isidori muni filiam, ni abductam ab Rhodio tibicine-  
huius. Tertiæ plus etiam, quàm Pippæ, plus, quàm cæte-  
rarum, ac propè dictam tantum apud istum in Sicalien-  
si prætura autoritas ualuit: quantum in urbana Che-  
lidonis. ueniunt Herbitam duo prætoris enuli non mo-  
lesti, muliercularum deterrimarum improbissimæ cogni-  
tores: incipiunt postulare: poscere: munari: non poterant  
tamen, cum cuperent, Apronium imitari: Siculi Siculos  
non tam pertimescebant. cum omni ratione tamen illi  
calumniarentur: promittunt Herbitenses nadimonium  
Syracusas. eo posteaquam uetum est: coguntur Aeschrio-  
ni, idest Pippæ dare tantum, quantum erat de capite  
demptum: tritici modios MMM D C. mulierculæ pu-  
blicanæ noluit ex decumis nimumm lucri dare: ne forte  
ab nocturno suo quæstu animum ad uestigalia redimē-  
da transferret. transactum putabant Herbitenses: cum  
iste, quid de hordeo inquit, & Docimo amiculo meo? qd  
cogitatis? at hoc agebat in cubiculo Iudices, atq; in lectu-  
lo suo. negabant illi sibi qcquam esse mandatum. non au-  
dio: numerate HS XV. quid facerent miseri? aut qd  
recusarent? præsertim cum in lectulo, Decumanæ mu-  
lieris uestigia uiderent recentia: quibus illum inflamma-  
ri ad perseverandum intelligebant. Ita ciuitas una so-  
ciorum, atq; amicorum duabus deterrimis mulierculis  
Verre prætoris uestigalis fuit. Atq; ego nunc, eum fru-  
menti numerum, & eas publice pecunias Decumanis ab  
Herbitensibus datas esse dico. quo illi frumento, & qui-  
bus pecunijs tamen à Decumanorum iniurijs ciues suos  
non redemerunt. perditis enim, & direptis aratorum  
bonis, hæc Decumanis merces dabatur: ut aliquando  
ex eorum agris, atq; ex urbibus abirent. Itaq; cum

Philinus Herbitensis homo disertus, & prudens, & do-  
mi nobilis de calamitate aratorum, & de fuga, & de  
reliquorum paucitate publice diceret: animaduertistis Iu-  
dices gemitum populi romani: cuius frequentia huic cau-  
se nunquā defuit. qua de paucitate aratorū. alio loco di-  
cam. nunc illud, quod præterijt, non omnino relinquen-  
dum uidetur. nam per deos immortales, quod de capite  
ipse dempsit, quo tandem modo ferendum: uerū etiam  
animaduertendum uidetur. unus adhuc fuit post Ro-  
mam conditam: dij immortales faxint: ne sit alter: cui  
Resp. totam se tradidit, temporibus coacta, & malis do-  
mesticis: L. Sylla. hic tantum potuit: ut nemo illo inuito  
nec bona, nec patriam, nec uitam retinere posset: tan-  
tum animi habuit ad audaciam: ut dicere in concione  
non dubitaret: bona ciuium Ro. cum uenderet: se præ-  
dam suam uendere. eius omnes res gestas non solum ob-  
tinemus: uerum etiam propter malorum, incommodo-  
rum, & calamitatum metum publicæ auctoritate defen-  
dimus. Vnum hoc aliquod S. consulto reprehensum, de-  
cretumq; est: ut quibus ille de capite dempsisset: hi pecu-  
nias in ararium referrent. statui Senatus hoc, ne illi qui-  
dem esse licitum, cui concesserat omnia: à populo facta-  
rum, quæsitatumq; rerum summas imminuere. illum  
uiris fortissimis iudicauit patres conscripti dimittere  
de summa non potuisse. te mulieri deterrimæ recte re-  
misisse Senatores indicabunt? ille de quo lege Populus  
Ro. iusserat: ut ipsius uoluntas, & posse esset pro lege:  
tamen in hoc uno genere ueterum religione legum re-  
prehenditur. tu, qui omnibus legibus implicatus tene-  
bare: libidinem tibi tuam pro lege esse uoluisti? in illo re-  
prehenditur quod ex ea pecunia remisit: quam ipse

quaesierat. tibi concedetur? qui de capite uectigalium po-  
 puli Ro. remissit? Atq; in hoc genere audaciae, multo  
 etiā impudentius in decumis Segestenſium uerſatus eſt:  
 quas cum addidiſſet eidem illi Docimo hoc eſt tritici mo-  
 dios quinque millia: et acceſſionem aſcripſiſſet HS M D:  
 coegit Segeſtenſes à Docimo tantidem publice accipere. id  
 quod ex Segeſtenſiū publico teſtimonio cognoscite. Re-  
 cita teſtimonium publicum. Audisti quanti decumas  
 acceperit à Docimo ciuitas, tritici modios quinque millia  
 & acceſſionem. cognoscite nunc quanti ſe uendiſſe re-  
 tulerit. **LEX DECVMIS VENDVNDIS**  
**C. VERRE PR.** hoc nomine uidiſtis tritici mo-  
 dium MMM de capite eſſe dempta. quæ cum de popu-  
 li Ro. uictu, de uectigalium neruis, de ſanguine de-  
 traxiſſet ærarij: Tertie Mimiæ condonauit. Virum im-  
 pudentius à Socys abſtulit? an turpius meretricia dedit?  
 an improbius populo Ro. ademuit? an audacius tabulas  
 publicas commutauit? ex horum ſeueritate te ulla uis  
 eripiet? aut ulla largitio eripiet? ſed ſi eripuerit: non in-  
 telligit hæc, quæ iam dudum loquor: ad aliam quæ-  
 ſtionem, atq; ad peculatus iudicium pertinere. itaq; hoc  
 mihi reſeruabo genus integrum totum: ad illam quam  
 inſtitui cauſam frumenti, ac decumarum reuertar. qui  
 cum agros maximos, ac feraciſſimos per ſe ipſum hoc  
 eſt per Apronium Verrem alterum depopularetur: ad  
 minores ciuitates habebat alios, quos tanquam canes, im-  
 mitteret, nequam homines, & improbos: quibus aut fru-  
 mentum, aut pecuniam publice cogebat dari. A. Va-  
 lentius eſt in Sicilia interpres: quo iſte interprete non ad  
 linguam græcam, ſed ad furti, & flagitia uti ſolebat.  
 fit interpres hic, homo leuis, atq; egens repente Decuma



rari uidebat: tamen iudicium accepturum se esse dice-  
 bat. tum iste magna uoce Venerijs imperat: ut Xeno-  
 nem audirent: dum res iudicaretur: hominem ut asser-  
 uarent: cum iudicatum sit: ad se adducant. & illud si-  
 mul dixit: se non putare illum, si propter diuitias pœ-  
 nas damnationis contemneret: etiam uirgis contemnere.  
 hac ille ui, & hoc metu adductus, tantum Decumanis,  
 quantum iste imperauit: exoluit. Polemarchus est Mur-  
 gentinus uir bonus, atq; honestus. is cum pro iugeribus  
 quinquaginta, medimna DCC decumæ imperarentur:  
 quod recusabat: domum ad istum in ius deductus est:  
 & cum iste etiam cubaret: in cubiculum introductus  
 est: quod nisi mulieri, & decumano, patebat alij nemi-  
 ni. ibi cum pugnis, & calibus conscissus esset: qui DCC  
 medimnis decedere noluiisset: mille promisit. Eubulides  
 est Grosphus Centuripinus, homo cum uirtute, & no-  
 bilitate domus suæ, tum etiam pecunia princeps. huic ho-  
 mini Iudices honestissimæ ciuitatis honestissimo, non mo-  
 do frumenti scitote, sed uitæ, & sanguinis tantum reli-  
 ctum esse: quantum Apronij libido tulit. nam ui, malo,  
 plagis adductus est: ut frumenti daret, non quantum ha-  
 beret: sed quantum cogeretur. Softratus, & Numenius,  
 & Nymphodorus eiusdem ciuitatis, cum ex agris tres  
 fratres consortes profugissent: quod ijs plus frumenti im-  
 perabatur: quàm quantum exararent: hominibus coactis  
 in eorum arationes Apronius uenit: omne instrumen-  
 tum diripuit: familiam abduxit: pecus abegit. postea, cū  
 ad eum Nymphodorus uenisset Aetnam: & oraret: ut  
 sibi sua restituerentur: hominem corripit, ac suspendi ius-  
 sit in oleastro quadam, quæ est arbor Iudices in foro-  
 tam diu pependit in arbore socius, amicusq; populi Ro-

mani, in sociorum urbe, ac foro colonus, aratorq; uer-  
ster: quam diu uoluntas Apronij tulit. Genera iam dis-  
dum innumerabilium iniuriarum Iudices singulis no-  
minibus profero: infinitam multitudinem iniuriarum  
prætermitto. uos ante oculos animosq; uestros tota Sici-  
lia Decumanorum hos impetus, aratorum direptio-  
nes, huius importunitatem, Apronij regnum proponite.  
Contempsit Siculos: non duxit homines: nec ipsos ad p-  
sequendum uehementes fore: & uos eorum iniurias le-  
uiter lateros existimauit. esto: falsam de illis habuit opi-  
nionem: malam de uobis. ueruntamen cum de Siculis  
male crederetur: ciues romanos coluit: his indulgit: eorū  
uoluntati, & gratiæ deditus fuit. iste ciues romanos?  
at nullus inimicior, aut infestior fuit. mitto uincla: mit-  
to carcerem: mitto uerba: mitto secures: crucem deniq;  
illam prætermitto: quam iste ciuibus Romanis testem hu-  
manitatis in eos, ac beneuolentiæ suæ uoluit esse: mitto  
inquam hæc omnia: atque in aliud dicendi tempus reiij-  
cio: de decumis, de ciuium Romanorum conditione in  
orationibus disputo. qui quemadmodum essent accepti  
Iudices audistis ex ipsis: bona sibi erepta esse dixere. hæc,  
quoniam huiusmodi casus affuit: ferenda sunt: nihil ua-  
luisse æquitatem: nihil consuetudinem: damna deniq; Iu-  
dices nulla tanta sunt: quæ non uiri fortes magno, &  
libero animo affecti, ferenda arbitrentur. quid? si Equi-  
tibus Romanis non obscuris, neq; ignotis, sed honestis,  
& illustribus manus ab Apronio, isto prætore sine ulla  
dubitatione afferebantur? quid expectatis? quid a me  
amplius dicendum putatis? an id agendum? ut eo ce-  
lerius de isto transigamus: quo maturius ad Apronium  
possimus, id quod ego illi iam in Sicilia pollicatus sum:

uenire? qui C. Matrinium Iudices summa uirtute homi-  
nem, summa industria, summa gratia, Leontinis in pu-  
blico biduum tenuit: atq; Apronio Iudices homine in de-  
decore nato, ad turpitudinem educato, ad Verris flagitia  
libidinesq; accommodato, Equitem Ro. scitote biduum  
eibo tectoq; prohibitum: biduum Leontinis in foro cu-  
stodis Apronij retentum, atq; seruatum: neq; ante dimis-  
sum: quam ad conditiones eius depactus est. Nā quid  
ego de Q. Lollio Iudices dicam Equite Ro. spectato atq;  
honesto? clara res est, quam dicturus sum: tota Sicilia ce-  
leberrima, atq; notissima: qui cum araret in Aetnensi:  
cumq; is ager Apronio cum caeteris agris esset traditus:  
equestri uetere illa et authoritate, & gratia fretus, af-  
firmavit, se Decumanis plusquam deberet non datu-  
rum. refertur eius sermo Apronio. enimvero iste ride-  
re: ac mirari Lollium nihil de Matrinio, nihil de caete-  
ris rebus audisse. mittit ad hominem Venerios (hoc quoq;  
attendite: apparitores à prætore assignatos habuisse De-  
cumanū: si mediocre argumentū uideri potest: istum De-  
cumanorum nomine ad suos questus esse abusum) ad-  
ducitur à Venerijs, atq; adeo attrahitur Lollius commo-  
de, cum Apronius è palestra redisset: & in triclinio,  
quod in foro Aetnæ strauerat: decubisset. statuitur Lol-  
lius in illo tempestiuo gladiatorum conuiuio. non me-  
hercule quæ loquor crederem Iudices: tamesi uulgo au-  
dieram: nisi mecum ipse senex, cum mihi, atq; huic uo-  
luntati accusationis meæ lachrymans gratias ageret:  
summa cum authoritate esset locutus. statuitur, ut di-  
co, Eques Ro. propè annos LXXXX natus in Apro-  
nij conuiuio. cum interea Apronius caput, atq; os suum  
unguento perficeret: quid est Lolli inquit? tu nisi malo  
coactus recte

coactus recte facere nescis? homo quid ageret: taceret: responderet: quid faceret denique, illa autoritate, & ætate præditus: nesciebat. Apronius interea cœnâ, ac pocula poscebat. serui autem eius, qui & moribus ipsdem essent, quibus dominus: & eodem genere, ac loco nati: præter oculos Lolli hæc omnia ferebant. ridere conuiuæ: cachinnari ipse Apronius: nisi forte existimatis, eum in uino, ac lucro non risisse: qui nunc in periculo, ac exitio suo risum tenere non possit. ne multa Iudices: his contumelijs scitote Q. Lollium coactum ad Apronij leges, conditionesque uenisse. Lollius ætate, & morbo impeditus ad testimonium dicendum uenire non potuit. quod opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicet audire. M. Lollius filius eius adolescens lectissimus præsto est: huius uerba auditis. nam Q. Lollius eius filius qui Calidium accusauit: adolescens, & bonus & fortis, & in primis disertus, cum his iniurijs, contumelijsque commotus in Siciliam esset profectus: in itinere occisus est. cuius mortis causam fugitui sustinent: re quidem uera nemo in Sicilia dubitat, quin eo sit occisus: quod habere clausam non potuerit sua cõsilia de Verre. iste porro non dubitabat: quin is, qui antea alium studio adductus accusasset: sibi aduenienti præsto esset futurus: cum esset parentis iniurijs, & domestico dolore commotus. Iam ne intelligitis Iudices, quæ pestis, quæ immanitas in uestra antiquissima, fidelissima, proximâque provincia uersata sit? iam uidetis, quam ob causam Sicilia tot hominum antea furta, rapinas, iniquitates, ignominiasque perpessa, hoc non potuerit nouum, ac singulare, atque incredibile genus iniuriarum, contu-



meliarumq; ferre? Iam omnes intelligunt cur uniuersa  
 provincia defensorem suae salutis eum quaesuit: cuius  
 iste fidei, diligentiae, perseverantiae, nulla ratione  
 eripi possit. tot iudicijs interfuis: tot homines nocentes,  
 & improbos accusatos, & uestra, & superiorum memoria  
 scitis esse: ecquem uidistis? ecquem audistis? in tantis  
 furtis, in tam apertis, in tanta audacia, tanta impudentia  
 esse uersatum? Apronius stipatores Venerios secum  
 habebat: ducebat eos circum ciuitates: publice sibi  
 conuiuia parari: sterni triclinia etiam in foro iubebat:  
 euocari homines honestissimos, non solum Siculos,  
 sed etiam Equites romanos: ut quo cum inire conuiuium  
 nemo unquam, nisi turpis, impurusq; uoluisset: ad eius  
 conuiuium spectatissimi, atq; honestissimi uiri tenerentur.  
 Haec tu omnium mortalium profligatissime, ac perditissime  
 cum scires: cum audires quotidie: cum uideres: si sine  
 tuo maximo quaestu fierent: cum tanto periculo tuo fieri  
 paterere? atq; concederes? et tantum apud te quaestus Apronij,  
 tantum eius sermo inquinatissimus, & blandiciae flagitiose  
 ualuerunt? ut nunquam animum tuum cura tuarum  
 fortunarum, cogitatioq; tangeret? cernitis iudices  
 quod, & quantum incendium Decumanorum impetu  
 non solum per agros, sed etiam per reliquas fortunas  
 aratorum, non solum per bona, sed etiam per iura  
 libertatis, & ciuitatis isto praetore peruaserit. uidetis  
 pendere alios ex arbore: pulsari autem alios & uerberari:  
 porro alios in publico custodiri: destitui alios in  
 conuiuio: condemnari alios a medico, & pracone praetoris:  
 bona tamen interea nihilo minus eorum omnium ex agris  
 auferri, ac diripi. quid est hoc? populi Romani imperium?  
 populi Romani leges? iudicia? socij fideles? pro-

uincia suburbana? non ne omnia potius eiusmodi sunt?  
quæ, si Athenio uicasset: in Sicilia non fecisset. non in quâ  
Iudices esset ullam partem istius nequitie fugitiuorum  
insolentia consecuta. Priuatim hoc modo. quid publice?  
Ciuitates quemadmodum tractatæ sunt? audistis permulta  
indicia, & testimonia ciuitatum: & reliquarum audie-  
tis. ac primum de Agyrinensi populo fideli, & illustri  
breuiter cognoscite. Agyrinensis est in primis honesta ci-  
uitas Siciliæ, hominum antehunc prætorem locuple-  
tium, summorumq; aratorum. eius agri decumas cum  
emisset idem Apronius: Agyrium uenit. qui cum eo cum  
apparitoribus, minis, ac ui uenisset: postere pecuniâ grâ-  
dem coepit: ut accepto lucro discederet. nolle se negotij ge-  
quam habere dicebat: sed accepta pecunia quampri-  
mum aliam ciuitatem occurrere. sunt homines Siculi  
non contemnendi, si per nostros magistratus liceat: sed  
homines, & satis fortes, & satis plane frugi, ac sobrij:  
& in primis hæc ciuitas, de qua loquor Iudices. Itaque  
homini in primis improbissimo respondent Agyrinen-  
ses: sese decumas ei, quemadmodum deberent, duros:  
lucrum, cum ille magno præsertim emisset: non addi-  
turos. Apronius certiore facit istum: cuius res erat:  
quid rei esset. statim tanquam coniuratio aliqua Agy-  
rij contra Rempublicam facta, aut legatus prætoris pul-  
satus esset: ita Agyrio magistratus, & quinque primi ac-  
citi istius euocantur. ueniunt Syracusas: præsto est Apro-  
nius: ait eos ipsos, qui uenissent: contra edictum præ-  
toris fecisse. quærebant quid? respondebat, se ad recu-  
peratores esse dicturum. iste æquissimus homo formi-  
dinem illam suam miseris Agyrinensibus iniiciebat:  
recuperatores se de cohorte sua daturum minabatur.

Agyrinenſes uiri fortiffimi, iudicium ſe paſſuros eſſe dicebant. ingerebat iſte Artemidorum medicum Cornelium, pictorem Tlepoleum, & huiusmodi Recuperatores: quorum cuius Ro. nemo erat: ſed græci ſacri legi, iam pridem improbi, repente Cornelij. uidebant Agyrinenſes quicquid ad eos Recuperatores Apronius attuliſſet: illum per facile probaturum. condemnari cum iſtus inuidia, infamiaq; malebant: quam ad eius conditiones pactionesq; accedere. quærebant quæ in uerba Recuperatores daret: reſpondebat, ſi pateret aduerſus edictum ſeſſe, quæ in iudicio dicturum eſſe dicebat. iniquiſſimus uerbis, improbiſſimus Recuperatoribus, conflictari malebant: quàm quicquam cum iſto ſua uoluntate decedere. ſummittebat iſte Timarchidem: qui moneret eos, ſi ſaperent, ut tranſigerent. pernegabant. quid ergo? in ſingulos HS quinquagenis millibus damnari mauultis? malle dicebant. tum iſte clare omnibus audientibus, qui damnatus erit inquit, uirgis. ad necem cædetur. hic illi ſtentes rogare, atq; orare cœperunt: ut ſibi ſuas ſegetes, fructusq; omnes, arationesq; uacuas Apronio tradere liceret: ut ipſi ſine ignominia, moleſtiq; diſcederent. hac lege Iudices decumas uendidit Verres. dicat Licet Hortenſius, ſi audet, magno Verrem uendidiſſe. hæc conditio fuit iſto prætoris aratorum: ut ſecum præclare agi arbitrarentur: ſi uacuos agros Apronio tradere liceret. multas enim cruces propoſitas effugere cupiebant. quantum Apronius edidiſſet deberi: tantum ex edicto dandum erat. etiam ne ſi plus edidiſſet: quàm quantum natum eſſet. etiam. quomodo? magiſtratus ex ipſius edicto exigere debebant. at arator repetere poterat. uerum Artemidoro Recuperatore. qd

si minus arator dedisset:quàm poposcisset Apronius?iudicium in aratorē in quadruplum.ex quo iudicium numero? ex cohorte prætoris præclara honestissimorum. quid amplius? minus te iugerum professum esse dico: Recuperatores rejce: quod aduersum edictum feceris. ex quo numero? ex eadem cohorte. quid erit exirenum? si damnatus eris (nam dubitatio damnationis illis Recuperatoribus quæ poterat esse?) uirgis te ad necem cedi necesse erit. his legibus, his conditionibus, erit quisquam tã stultus qui decumas uenisse arbitretur? qui aratori nouem partes reliquas factas esse existimet? qui non intelligat istum sibi quæstui prædæq; habuisse bona, possessiones, fortunas aratorum? uirgarum metu Agyrinenses, quod imperatum esset: facturos se esse dixerunt. accipite nunc quid imperarit: & dissimulate uos si potestis: uos intelligere: ipsum prætorem quod tota Sicilia perspexerit, Redemptorem decumarum, atq; adeo aratorum dominum, ac regem fuisse. imperat Agyrinēsibus, ut decumas ipsi publice accipiant: Apronio lucrum dent. si magno emerant: quoniam tu es qui diligentissime precium exquisisti: qui ut ais magno uendidisti: quare putabas emptori lucrum addi oportere? esto: putabas. quã obrem imperabas ut adderent? quid est aliud capere, et conciliare pecunias: in quo te lex tenet: si hoc non est? ui atq; imperio cogere inuitos lucrum dare alteri: hoc est pecuniam dare. age quid tum? si Apronio delicys prætoris lucelli aliquid iussi sunt dare: putate Apronio datum: si Apronianum lucellum, ac non prætoris præda uobis uidebitur. imperas ut decumas accipiant: Apronio dent lucrum tritici medimna XXXIIII. quid est hoc? una ciuitas ex uno agro plebi Romanæ propè men-



strua cibaria Prætoris imperio donare Apronio cogitur.  
 tu magno decumas uendidisti? cum tantum lucri Decu-  
 mano sit datum: profecto si precium exquisisses diligen-  
 ter: tum cum uendebas X medimna potius addidissent:  
 quàm HS D C postea. magna præda uidetur. audi  
 te reliqua: & diligenter attendite: quo minus miremini  
 Siculos re necessaria coactos, auxilium à patronis, à Cō-  
 sulibus, ab Senatu, ab legibus, à iudijs petuisse. ut pro-  
 baret Apronius hoc triticum: imperat Agyrinensibus  
 Verres, uti in medimna singula dentur Apronio HS  
 III. quid est hoc? tanto numero frumenti in lucri no-  
 men imperato, expresso, nummi præterea exigentur, ut  
 probetur frumentum? an poterat non modo Apronius,  
 sed quiuis, exercitui si metuendum esset: improbare Si-  
 culum frumentum? quod illi ex area, si uellet, ad meti-  
 ri licebat. frumenti tantus numerus imperio tuo datur:  
 & cogitur. non est satis: nummi præterea imperantur.  
 dantur. parum est. pro decumis hordei, alia pecunia  
 cogitur. iubes HS XXX lucri dari. ita ab una ciuita-  
 te, ui, munis, imperio, iniuriâq; prætoris eripiuntur triti-  
 ci medimna XXX III: & præterea HS LX. At  
 hæc obscura sunt: aut si omnes homines uelint: obscura  
 esse possunt: quæ tu palam egisti: in conuentu imperasti:  
 omnibus inspectantibus coegisti: qua de re Agyrinenses  
 magistratus, & quinque primi, quos tui quæstus causa euo-  
 cas: acta & imperia tua domum ad Senatum suum re-  
 nunciauerunt: quorum renunciatio legibus illorum, li-  
 teris publicis mandata est: quorum legati homines nobi-  
 lissimi Romæ sunt: qui hoc idem pro testimonio dixerunt.  
 Cognoscite Agyrinensium publicas literas. deinde te-  
 stimonium publicum ciuitatis. Recite literas publi-

cas. testimonium publicum. Animaduertistis in hoc testimonio Iudices: Apollodorum, cui Perragi cognomen est: principem suae ciuitatis lachrymantem testari, ac dicere: nunquam post populi Ro. nomen ab Siculis auditum, & cognitum, Agyrinenses contra quenquam infimum ciuem Ro. dixisse, aut fecisse quippiam: qui nunc contra praetorem populi Ro. magnis iniurijs, & magno dolore publice testimonium dicere cogerentur. uni micher cule huic ciuitati Verres obsistere tua defensione non potes. tanta autoritas est in eorū hominum fidelitate: tantus dolor iniuriæ: tanta religio in testimonio. uerum nō una te, sed uniuersæ simulibus afflictæ incommodis, legationibus, ac testimonijs publicis persequentur. etenim deinceps uideamus Herbitensis ciuitas honesta, & antea copiosa quemadmodum spoliata ab isto, ac uexata sit. at quorum hominum? summorum aratorum, remotissimorum à foro, iudicijs, controuersijs: quibus parere, & consulere homo impurissime, & quod genus hominum studiosissime conseruare debuisti. Primo anno uenierunt eius agri decumæ tritici medimna XVIII. Attidius istius item minister in decumis, cum emisset: et praefecti nomine cum uenisset Herbitam cum Venerijs: locusq; ei publice, quo diuerteretur: datus esset: coguntur Herbitenses ei lucri dare tritici modium XXXVII millia: cum decumæ uenisset tritici modium XVIII. atq; hoc triticum lucri coguntur dare publice: cum iam priuatim aratores ex agris spoliati, atq; exagitati Decumanoꝝ iniurijs profugissent. Anno secundo cum emisset Apronius decumas tritici modium XXV millibus: & ipse Herbitam cum illa praedonis copia, manuq; uenisset: populus publice coactus est ei conferre lucri tritici

modium XXVI: & accessiōem HS MM. de accessiōe dubito an Apronio ipsi data sit merces ferè, preciumq; impudentiæ. de tritici quidem numero tanto, qd potest dubitare? quin ad istum prædonem frumentariū sicut Agyrinenſe frumentum, perueniri? Anno uero tertio in hoc agro consuetudine usus est regia. solere aiunt barbaros reges Persarum, ac Syrorum, plures uxores habere: his autem uxoribus ciuitates attribueri, hoc modo: hæc ciuitas mulieri redimiculum præbeat: hæc in collum: hæc in crines. ita populos habent uniuersos non solum conscios libidinis suæ, uerum etiam administratos. Eandem istius, qui se regem Siculorum esse dicebat: licentiam, libidinemq; fuisse cognoscite. Aeschrionis Syracusani uxor est Pippa: cuius nomen istius nequitia tota Sicilia peruiulgatum est. de qua muliere uersus plurimi supra tribunal, & supra prætoris caput scribebantur. hic Aeschrio Pippæ uir adumbratus, in Herbitensibus decumis nouus instituitur publicanus. Herbitenses cum uiderent, si ad Aeschrionem precium redisset: se ad arbitrium libidinosisſimæ mulieris spoliatum iri: liciti sunt usque eo, quo ad se efficere posse arbitrabatur. supra adiecit Aeschrio. neq; enim metuebat, ne prætor Verre decumana mulier dāno affici posset. Addicitur medimnis MM, dimidio ferè plurius, quam superiore anno. aratores funditus eueriebantur: & eo magis: quod iam superioribus annis exhausti erant, ac penè perdit. intellexit iste ita magno uenisse: ut amplius ab Herbitensibus exprimi non posset. demit de capite medimna D C: iubet in tabulas pro medimnis MMM, referri, D MM D, & IIII. Hordei decumas eiusdem agri Docimus emerat. hic est Docimus: ad quem iste deduxerat Tertiā

Isidori muni filiam, ni abductam ab Rhodio tibiane-  
huius Tertie plus etiam, quàm Pippæ, plus, quàm cæte-  
rarum, ac propè dictam tantum apud istum in Sicalien-  
si prætura autoritas ualuit: quantum in urbana Che-  
lidonis. ueniunt Herbitam duo prætoris emuli non mo-  
lesti, muliercularum deterrimarum improbissimæ cogni-  
tores: incipiunt postulare: poscere: munari: non poterant  
tamen, cum cuperent, Apronium inutari: Siculi Siculos  
non tam pertimescebant. cum omni ratione tamen illi  
calumniarentur: promittunt Herbitenses uadimonium  
Syracusas. eo posteaquam uentum est: cogitur Aeschrio-  
ni, idest Pippæ dare tantum, quantum erat de capite  
demptum: tritici modios MMM D C. muliercule pu-  
blicane noluit ex decumis nimum lucri dare: ne forte  
ab nocturno suo quæstu animum ad uestigalia redimē-  
da transferret. transactum putabant Herbitenses: cum  
iste, quid de hordeo inquit, & Docimo amiculo meo? qd  
cogitatis? at hoc agebat in cubiculo Iudices, atq; in lectu-  
lo suo. negabant illi sibi qcquam esse mandatum. non au-  
dio: numerate HS XV. quid facerent miseri? aut qd  
recusarent? præsertim cum in lectulo, Decumanæ mu-  
lieris uestigia uiderent recentia: quibus illum inflamma-  
ri ad perseverandum intelligebant. Ita ciuitas una so-  
ciorum, atq; amicorum duabus deterrimis mulierculis  
Verre prætoris uestigalis fuit. Atq; ego nunc, eum fru-  
menti numerum, & eas publice pecunias Decumanis ab  
Herbitensibus datas esse dico. quo illi frumento, & qui-  
bus pecunijs tamen à Decumanorum iniurijs ciues suos  
non redemerunt. perditis enim, & direptis aratorum  
bonis, hæc Decumanis merces dabatur: ut aliquando  
ex eorum agris, atq; ex urbibus abirent. Itaq; cum



Philinus Herbitensis homo disertus, & prudens, & do-  
 mu nobilis de calamitate aratorum, & de fuga, & de  
 reliquorum paucitate publice diceret: animaduertistis Iu-  
 dices gemitum populi romani: cuius frequentia huic casu  
 sæ nunquā defuit. qua de paucitate aratorū. alio loco di-  
 cam. nunc illud, quod præterijt, non omnino relinquen-  
 dum uidetur. nam per deos immortales, quod de capite  
 te ipsi dempsit, quo tandem modo ferendum: uerū etiam  
 animaduertendum uidetur? unus adhuc fuit post Ro-  
 mam conditam: dij immortales faxint: ne sit alter: cui  
 Resp. totam se tradidit, temporibus coacta, & malis do-  
 mesticis: L. Sylla. hic tantum potuit: ut nemo illo inuito  
 nec bona, nec patriam, nec uitam retinere posset: tan-  
 tum animi habuit ad audaciam: ut dicere in concione  
 non dubitaret: bona ciuium Ro. cum uenderet: se præ-  
 dam suam uendere. eius omnes res gestas non solum ob-  
 tinemus: uerum etiam propter malorum, incommodo-  
 rum, & calamitatum metum publicæ auctoritate defen-  
 dimus. Vnum hoc aliquod S. consulto reprehensum, de-  
 cretumq; est: ut quibus ille de capite dempsisset: hi pecu-  
 nias in ærarium referrent. statui Senatus hoc, ne illi qui-  
 dem esse licitum, cui concesserat omnia: à populo facta-  
 rum, quæsiturumq; rerum summas imminuere. illum  
 uiris fortissimus iudicauit patres conscripti dimittere  
 de summa non potuisse. te mulieri deterrimæ recte re-  
 misisse Senatores indicabunt? ille de quo lege Populus  
 Ro. iusserat: ut ipsius uoluntas, & posse esset pro lege:  
 tamen in hoc uno genere ueterum religione legum re-  
 prehenditur. tu, qui omnibus legibus implicatus tene-  
 bare: libidinem tibi tuam pro lege esse uoluisti? in illo re-  
 prehenditur. quod ex ea pecunia remisit: quam ipse

quæsierat. tibi concedetur? qui de capite uestigalium populi Ro. remisisti? Atque in hoc genere audaciæ, multo etiã impudentius in decumis Segestenſium uerſatus eſt: quas cum addidiſſet eidem illi Docimo hoc eſt tritici modios quinque millia: et acceſſionem aſcripiſſet HS MD: coegit Segeſtenſes à Docimo tantidem publicè accipere. id quod ex Segeſtenſi publico teſtimonio cognoscite. Reſcita teſtimonium publicum. Audisti quanti decumas acceperit à Docimo ciuitas, tritici modios quinque millia & acceſſionem. cognoscite nunc quanti ſe uendidiſſe retulerit. LEX DECVMIS VENDVNDIS C. VERRE PR. hoc nomine uidiſtis tritici modium MMM de capite eſſe demptæ. quæ cum de populi Ro. uictu, de uestigalium neruis, de ſanguine detraxiſſet ærarij: Tertie Mimiæ condonauit. Virum impudentius à Socys abſtulit? an turpius meretrice dedit? an improbius populo Ro. ademut? an audacius tabulas publicas commutauit? ex horum ſeueritate te ulla uis eripiet? aut ulla largitio eripiet? ſed ſi eripuerit: non intelligit hæc, quæ iam dudum loquor: ad aliam quæſtionem, atque ad peculatus iudiciũ pertinere. itaque hoc mihi reſeruabo genus integrum totum: ad illam quam inſtitui cauſam frumenti, ac decumarum reuertar. qui cum agros maximos, ac ſeraciſſimos per ſe ipſum hoc eſt per Apronium Verrem alterum depopularetur: ad minores ciuitates habebat alios, quos tanquam canes, immitteret, nequam homines, & improbos: quibus aut frumentum, aut pecuniam publice cogebat dari. A. Valentiſſimus eſt in Sicilia interpres: quo iſte interprete non ad linguam græcam, ſed ad furti, & flagitia uti ſolebat. fit interpres hic, homo leuiſ, atque egens repente Decuma

nus: emut agri Liparensis miseri, atq; ieiuni decumas tri-  
 tici medimnis D C. Liparenses uocantur. ipsi accipere  
 decumas, & numerare Valentio coguntur lucri HS  
 XXX millia. per deos immortales utrum tibi sumes  
 ad defensionem? tanto ne minoris tibi decumas uendidis-  
 set ut ad medimna D C HS XXX millia lucri, sta-  
 tim sua uoluntate ciuitas adderet: hoc est tritici medimna  
 II millia. an cum magno decumas uendidisset: te ex-  
 pressisse ab inuitis Liparensibus hanc pecuniam? sed quid  
 ego ex te quero, quid defensusurus sis potius, quam cogno-  
 scam ex ipsa ciuitate quid gestum sit? Recita testimo-  
 nium publicum Liparensum. deinde quemadmodum  
 Valentio nummi sint dati. TESTIMONIUM  
 PVBLICVM, QVOMODO SOLVTVM  
 SIT EX LITERIS PVBLICIS. Etiam  
 ne hæc tam parua ciuitas, tam procul à manibus tuis,  
 atq; à conspectu remota, seiuncta à Sicilia, in insula  
 inculta, tenuiq; posita, cumulatæ alijs tuis maioribus in-  
 iurijs, in hoc quoq; frumentario genere, prædæ tibi, &  
 quæstui fuit? quam tu totam insulam cuidam tuorum so-  
 dalium, sicut aliquod munusculum condonaras: ab hac  
 etiam hæc frumentaria lucra tanquam mediterraneis  
 exigebantur? itaq; qui tot annis agellos suos ante te præ-  
 torem redimere à priuatis solebant: ydem seipsos à te  
 precio imposito redemerunt. quid ergo? à Tissen-  
 sibus per parua, & tenui ciuitate, & aratoribus laborio-  
 sissimis, frugalissimisq; hominibus, non ne plus lucri no-  
 mine eripitur? quam, quantum frumenti omnino exa-  
 rarant? sed quos tu? Decumanum Diognetum Vene-  
 rium misisti nouum genus publicani. cur hoc auctore  
 non Romæ serui publici ad uectigalia accedant? an-

no secundo Tiffenses HS XXI lucri dare coguntur inuiti. tertio anno HS MM modium tritici lucri Diogneto Venerio dare coacti sunt. hic Diognetus, qui ex publicis uestigalibus tanta lucra facit: uicarium nullum habet: nihil omnino peculij. uos etiam nunc dubitate: si potestis: utrum tantum numerum tritici Venerius apparitor istius sibi acceperit? an huic exegerit? atque hæc ex publico Tiffensium testimonio cognoscite. **TESTIMONIUM PUBLICUM TISSENSIUM.** obscure Iudices prætor ipse Decumanus est? cum eius apparitores frumentum à ciuitatibus exigant: pecunias imperent: aliquanto plus ipsi auferant: quàm quantum populo Ro. decumarum nomine daturi sunt. Hæc æquitas in tuo imperio fuit: hæc prætoris dignitas: ut seruos Venerios Siculorum dominos esse uelles. hic delectus, hoc discrimen te prætoris fuit: ut aratores in seruorum numero essent: serui, in publicanorum. Quid Amestratini miseri, impositis ita magnis decumis, ut ipsis reliqui nihil fieret: non ne tamen numerare pecunias coacti sunt? addicuntur decumæ M. Cesio, cum adessent legati Amestratini. statim cogitur Heraclius legatus numerare HS XXII. quid hoc est? quæ est ista præda? quæ uis? quæ direptio sociorum? si erat Heraclio ab Senatu mandatum, ut emeret: emisset. si non erat: qui poterat sua sponte pecuniam numerare? Cesio renunciat se dedisse. cognoscite renunciationem ex literis. Recita ex literis publicis. Quo S. C. erat hoc legato permissum? nullo. cur fecit? coactus est. quis hoc dicit? tota ciuitas. Recita testimonium publicum. Ab hac eadem ciuitate anno secundo simili ratione extortam esse pecuniam: et



Sex. Vennonio datam: ex eodem testimonio cognouimus. At Amestratinos homines tenues cum eorum decumas med. DCCC uendidisses: Banobali Venerio (cognoscite nomina publicanorum) cogis eos plus lucri addere, quàm quanti uenierant: cum magno uenissent. dant Banobali med. DCCC, HS MD. profecto nunquam iste tam amens fuisset: ut ex agro populi Ro. plus frumenti seruo Venerio, quàm prætori tribui pateretur: nisi omnis ea præda serui nomine ad istum ipsum perueniret. Petrius, cum eorum decumæ magno additæ essent: tamen inuitissimi P. Neniu Turpioni improbissimo homini, qui iniuriarum sacerdote prætor datus est: HS VII dare coacti sunt: ita ne dissolute decumas uendidisti? ut cum medimnum HS XV milibus uenissent: aut MMM hoc est HS XXXXV: ut lucri Decumano HS MMM darentur. At permagno decumas eius agri uendidisti. uidelicet igitur non Turpioni lucrum datum: sed Petrius pecuniæ ereptæ.

Quid Halicyæses, quorū incolæ decumas dant: ipsi agros immunes habent: non ne huic eidem Turpioni cum decumæ C med. uenissent: HS XV dare coacti sunt? si id quod maxime uis: posses probare: hæc ad Decumanos lucra uenisse: nihil te attigisse: tamen hæc pecuniæ per uim, atq; iniuriam tuā captæ, & conciliatæ, tibi fraudi, & damnationi esse deberent. cum uero hoc nemini persuadere possis: te tam amentem fuisse: ut Apronius, ac Turpionem seruos homines, tuo, liberorumq; tuorum periculo diuites fieri uelles: dubitaturum quæquam existimas? quin illis emissarijs, hæc tibi omnis pecunia quæsita sit? Segestam item ad immunem ciuitatem Venerius Symachus Decumanus immittitur. is

ab isto literas affert: ut sibi contra iura omnia, contraq;  
legem Rupiliam, extra forum iudicium promit-  
tant aratores. audite literas, quas ad Segestanos mise-  
rit. **LITERAE C. VERRIS.** Hic Vene-  
rius quemadmodum aratores eluserit: ex una pactione  
hominis honesti, gratiosi; cognoscite. in eodem enim ge-  
nere sunt caetera. Diocles est Panormitanus, Phimes co-  
gnomine, homo illustris, ac nobilis arator. is agrum  
in Segestano, nam commercium in eo agro nemini est:  
conductum habebat HS sex millibus. pro decuma cum  
pulsatus a Venerio esset: dedit HS sexdecim millia  
& DCLIIII. id ex tabulis ipsius cognoscite. **NO-**  
**MEN DIOCLIS PANORMITANI.** huic  
eidem Symmacho, amicus Brochus Senator homo eo  
splendore, ea uirtute, qua omnes existimatis, nummos  
praeter frumentum coactus est dare. Venerio ne seruo te  
praetore talis uir, Senator populi Ro. quaestui fuit: hunc  
ordinem, si dignitate antecellere non existimabas: ne hoc  
quidem sciebas iudicare? antea, cum Equester ordo iu-  
dicaret: improbi & rapaces magistratus in prouincijs in-  
seruiebant publicanis: ornabant eos, quicunq; in operis  
erant: quencunq; equitem Ro. in prouincia uiderant: be-  
neficijs ac liberalitate prosequabantur: neq; tantum illa  
res nocentibus proderat: quantum obsuit multis: cum  
aliquid contra utilitatem eius ordinis uoluntatemq; fe-  
cissent. retinebatur hoc tum nescio quomodo quasi com-  
muni consilio ab illis diligenter: ut qui unum Equitem  
Ro. contumelia dignum putasset: ab uniuerso ordine  
malo dignus iudicaretur. tu sic ordinem Senatorium  
despexisti? sic ad iniurias libidinesq; tuas omnia coe-  
quasti? sic habuisti statutum cum animo, ac deliberatum?

omnes qui habitarent in Sicilia, aut qui Siciliam te præ-  
 tore attigissent: Iudices reicere? ut illud non cogitares?  
 tamen ad eiusdem ordinis homines te iudices esse uen-  
 tierum? in quibus, si ex ipsorum domestico incommodo  
 nullus dolor insideret: tamen esset illa cogitatio: in alte-  
 rius iniuria sese despectos: dignitatemq; ordinis con-  
 temptam, & abiectam. quod mehercule Iudices mihi  
 non mediocriter ferendum uidetur. habet enim quen-  
 dam aculeum contumelia: quem pati prudentes, ac ui-  
 ri boni difficillime possunt. spoliasti Siculos. solent enim  
 multi esse in iniurijs suis graues. uexasti negotiatores.  
 multi enim Romam, raroq; decedunt. Equitem Ro-  
 ad Apronij iniurias dedisti. quid enim iam nocere pos-  
 sunt: quibus non licet iudicare? quid cum Senatores sum-  
 mus iniurijs afficis? quid aliud dicis? nisi hoc? cedo mihi  
 etiã istum Senatorem: ut hoc amplissimum nomen Senato-  
 rum non modo ad inuidiam imperitorum: sed etiam ad  
 contumeliam improborum natum esse uideatur. neq; hoc  
 in uno fecit Anneo, sed in omnibus Senatoribus: ut or-  
 dinis nomen non tantum ad honorẽ, quantum ad igno-  
 miniam ualeret. In C. Cassio uiro clarissimo, & for-  
 tissimo, cum is eo ipso tempore, primo istius anno Cons.  
 esset: tanta improbitate usus est: ut cum eius uxor fœ-  
 mina, primaria paternas haberet arationes in Leonti-  
 no: frumentum omne in decumas auferre iusserit. Hunc  
 tu in hac causa testem Verres habebis: quoniam iudicem  
 ne haberes, prouidisti. uos autem Iudices putare debe-  
 tis: esse quiddam nobis inter nos commune, atq; coniu-  
 ctum. multa sunt imposita huic ordini munera, multi  
 labores, multa pericula, non solum legum, ac iudicio-  
 rum, sed etiam rumorum, ac temporum. sic est hic or-  
 do quasi

do quasi propositus, atq; editus in altum: ut ab omnibus  
uentis inuidiæ circumflari posse uideatur. in hac tam  
misera, & indigna conditione uitæ, ne hoc quidem  
retinebimus Iudices? ut magistratibus nostris, in obti-  
nendo iure nostro, ne contemptissimū, ac despectissimū esse  
uideamur? Thermitani miserunt, q̄ decumas emerene  
agri sui magni sua putabant interesse: publice potius,  
quamuis magno emi: quā in aliquem istius emissæ-  
rium incidere. appositus erat Venuleius quidam, qui  
emeret. is liceri non desistit. illi, quoad uidebatur ferri  
aliquo modo posse: contenderunt: postremo liceri desiste-  
runt. Addicitur Venuleio tritici mod. VII c. legatus  
Possidorus renunciat. cum omnibus hoc intolerandum  
uideretur: tamen Venuleio dantur, ne acedat, tritici  
mod. VI: præterea HS MM millia. ex quo facile ap-  
paret, quæ merces Decumani, quæ prætoris præda esse  
uideatur. cædo Thermitanorum mihi literas & testi-  
monium. TABULAE THERMITANO-  
RVM ET TESTIMONIVM. Imacharen-  
ses iam omni frumento ablato, iam omnibus iniurijs tuis  
exinanitos, tributum ferre miseros, ac perditos coegisti:  
ut Apronio darent HS XX millia. Recita decretum  
de tributis, & publicum testimonium. S. C. DE  
TRIBVTO CONFERENDO. TESTI-  
MONIVM IMACHARENSIVM. En-  
nenses, cum decumæ uenissent agri ennensis medimnū  
MMM CC: Apronio coacti sunt dare tritici mod.  
LXX MMM, & HS III millia. Quæso at-  
tendite quantus numerus frumenti cogatur ex omni  
agro Decumano. nam per omnes ciuitates, quæ de-  
cumas debent: percurrit oratio mea: & in hoc genere



nunc Iudices uersor: in quo nō sigillatim aratores euer-  
 si bonis omnibus sunt: sed quæ publice decumanis lu-  
 cra data sunt: ut aliquando ex eorum agris atq; urbi-  
 bus expleti, atq; saturati cum hoc cumulo quæstus de-  
 cederent. Calatinis quamobrem imperasti anno ter-  
 tio: ut decumas agri sui, quas Calatæ dare consueue-  
 rant: Amestrati M. Cefio Decumano darent? quod  
 neq; ante te prætorem illi fecerunt: neq; tu ipse hoc ita  
 statueras antea per biennium. Theomnastus Syra-  
 cusanus in agrum Muticensem cur abs te immissus est?  
 qui aratores ita uexauit: ut illi in alteras decumas, id  
 quod in alijs quoq; ciuitatibus ostendam: triticum eme-  
 re necessario propter inopiam cogerentur. Iam uero  
 ex Hyblensium pactionibus intelligetis, quæ pactæ sint  
 cum Decumano Cn. Sergio: sexies tantum quam quan-  
 tum satum sit: ablatum esse ab aratoribus. Recita sa-  
 tionem & pactionem ex literis publicis. recita ex literis  
 publicis. Cognoscite pactiones Menenorum cum Ve-  
 nerio seruo. Recita ex literis publicis. Cognoscite  
 item professiones sationū, & pactiones Menenorū. Rec-  
 ita ex literis publicis. Patiementi Iudices, à socijs, ab ara-  
 toribus populi romani, ab his qui uobis laborant: uobis ser-  
 uiunt: q̄ ita plebē Romanā ab sese ali uolunt: ut sibi, ac  
 liberis suis tantum supersit: quo ipsi ali possint: ab his per  
 summam iniuriam, per summas contumelias, plus ali-  
 quanto ablatum esse: quam natum sit? Sentio Iudices mo-  
 derandum mihi esse iam orationi meæ: fugiendamq; ue-  
 stram facietatem: non uersabor in uno genere diutius: et  
 ita cætera de oratione mea tollam: ut in causa relin-  
 quam. Audietis Agrigentinorum fortissimorum, uiro-  
 rum diligentissimorum, querimonias: cognoscetis Iu-

dices Entellinorum summi laboris, summaeq; industriæ,  
dolorem, & iniurias: Heracleiensem, Italiensem, Aet-  
nensem, Solentinorum, incommoda proferentur: Ca-  
tinensem locupletissimorum hominum, amicissimo-  
rumq; agros uexatos ab Apronio cognoscetis: Tynda-  
ritanam nobilissimam ciuitatem, Cephaleditanam, Ha-  
lentnam, Apolloniensem, Eggynam, Capitanam per-  
ditas esse hac iniquitate Decumanorum intelligetis: Mur-  
gentinis, Assorinis, Elorinis, Ennesibus, Letinis nihil  
omnino relictum: Ciratarinos, Acherinos, paruorum  
ciuitatum homines omnino abiectos esse ac perditos: o-  
mnes deniq; agros Decumanos per triennium populo  
Ro. ex parte decuma, C. Verri ex omni reliquo uecti-  
gales fuisse: & plerisq; aratoribus nihil omnino super-  
fuisse: quibus quod tum aut remissum, aut relictum sit:  
id fuisse: tantum: quantum ex eo, quo istius auaricia con-  
tenta fuit: redundarit. Duarum mihi ciuitatum reliquos  
fecit agros Iudices ferè optimos, ac nobilissimos Aetnen-  
sem, & Leontinorum. Horum agrorum ego missos  
faciam questus triennij: unum annum eligam: quo fa-  
cilius id, quod institui: explicare possim. sumam annum  
tertium: quod & recentissimus est: & ab isto ita admi-  
nistratus: ut cum se certe decessurum uideret: non labora-  
ret: si aratorem nullum in Sicilia omnino esset relictus  
rus. agri Aetnensis, & Leontini decumas agemus. at-  
tendite Iudices diligenter. agri sunt feraces: annus ter-  
tius: Decumanus Apronius. de Aetnensibus perpauca  
dicam. Dixerunt enim ipsi priore actione publice: me-  
moriam tenetis, Artemidorum Aetnensem, legationis eius  
principem publice dicere: Apronium uenisse Aetnam  
cum Venerijs: uocasse ad se magistratum: imperasse ut

in foro sibi medio lecti sternerentur: quotidie solitum esse  
 non modo in publico, sed etiam de publico conuiuari.  
 cum in eis conuiuijs symphonia caneret: maximisq; pota-  
 lis ministraretur: retinere solitū esse aratores: atq; ab his  
 non modo per iniuriam, sed etiā per contumeliā tantum  
 exprimi frumenti quantum Apronius imperasset. Au-  
 distis hæc Iudices: quæ nunc ego omnia prætereo: ac re-  
 linquo. nihil de luxuria Apronij loquor: nihil de inso-  
 lentia: nihil de singulari nequitia, ac turpitudine: tantum  
 de questu, ac lucro dicam unius agri, & unius anni:  
 quo facilius uos coniecturam de triennio, & de tota Si-  
 cilia facere possitis. Sed mihi Aetnensium brevis est ora-  
 tio. ipsi enim uenerunt: ipsi publicas literas deportarunt:  
 docuerunt uos quid Lucelli fecerit homo non malus, fa-  
 miliaris prætoris Apronius. id quæso ex ipsorum testi-  
 monio cognoscite. Recita testimonium Aetnensium.  
 quid ais? dic, dic quæso clarius: ut populus romanus de  
 suis uectigalibus, de suis aratoribus, de suis socijs, atq;  
 amicis audiat. L. MEDIMNA. per deos immor-  
 tales unus ager uno anno CCC millia mod. tritici,  
 & præterea L. millia lucri dat Apronio? tanto ne mi-  
 noris Decumæ uenierunt: quā fuerunt? an cum satis  
 magno uenissent: hic tantus tamen frumenti, pecuniæq;  
 numerus ab aratoribus per uim ablati est? utrum enim  
 horum dixeris: in eo culpa, & crimen hærebit. nam il-  
 lud quidem non dices: quod utinam dicas: ad Apronium  
 nō peruenisse tantum. ita te non modo publicis tenebo: sed  
 etiam priuatis aratorum pactiōibus, ac literis: ut intel-  
 ligas, non te diligentiorē in faciendis furtis fuisse: quā  
 me in deprehendendis. hoc tu feres? hoc quisquam defen-  
 det? hoc hi, si aliter de te statuere uoluerint: sustinebunt?

uno aduentu, ex uno agro, Q. Apronium præter eam, quam dixi, pecuniam numeratam, CCC millia mod. tritici, lucri nomine sustulisse? Quid? hoc Aetnenses soli dicunt? immo etiam Centuripini: qui agri Aetnensis multo maximam partem possident. quorum legatis hominibus nobilissimis Androni, & Arthemoni Senatus ea mandata dedit: quæ publice ad civitatem ipsorum pertinebant: de his iniurijs, quas ciues Centuripini non in suis, sed in aliorum finibus acceperunt. Senatus et populus Centuripinus legatos noluit mittere: ipsi aratores Centuripini, qui numerus est in Sicilia maximus, hominum honestissimorum, & locupletissimorum: tres legatos ciues suos delegerunt: ut eorum testimonio non unius agri, sed propè totius Siciliae calamitates cognosceretis. arant enim tota Sicilia ferè Centuripini: et hoc in te grauiores, certioresq; testes sunt: quod cæteræ civitates suis solum incommodis commouentur: Centuripini, quod in omnibus ferè finibus habent possessiones: etiam cæterarum civitatum damna, ac detrimenta senserunt. Verum, ut dixi, ratio certa est Aetnensium, & publicis, & privatis literis consignata mea diligentia. pensum magis in Leontino agro est exigendum: propter hanc causam, quod ipsi Leontini publice non sanè me multum adiuvierunt. neq; enim eos isto prætore hæ Decumanorum iniuriæ læserunt: potius etiam adiuvierunt. mirum fortasse hoc vobis, aut incredibile videatur: in tantis aratorum incommodis, Leontinos, qui principes rei frumentariæ fuerunt: expertes incommodorum, atq; iniuriarum fuisse. hoc causæ est Iudices: quod in agro Leontino, præter unam Mnasistrati familiam, glebam Leontinorum possidet nemo. itaq; Mnasistrati hominis honestissimi, atq;



optimi uiri testimonium Iudices audietis: ceteros Leonti-  
 nos, quibus non modo Apronius in agris, sed ne tem-  
 pestas quidem ulla nocere potuit: expectare nolite. et-  
 enim non modo incommodi nihil coeperunt: sed etiam  
 in Apronianis illis rapinis in quæstu sunt, compendioq;  
 uersati. quapropter, quoniam me Leontina ciuitas, atq;  
 legatio, propter eam, quam dixi, causam, defecit: mihi-  
 met ineunda ratio, et uia reperienda est: qua ad Apro-  
 ni quæstum, siue adeo qua ad istius ingentē, immanēq;  
 prædam possim peruenire. Agri Leontini Decumæ an-  
 no tertio uenierunt tritici mod. XXXVI, hoc est tri-  
 tici mod. CCXVI. magno Iudices: magno. neq; enim  
 hoc possum negare. itaq; necesse est, aut damnum, aut cer-  
 te non magnum lucrum fecisse Decumanum. hoc enim  
 solet usu uenire ijs: qui magno redemerunt. quid? si o-  
 stendo in hac una emptione, lucri fieri tritici modios  
 C. quid? si CC. quid? si CCCC. dubitabitis etiam,  
 cui ista tanta præda quæsita sit? iniquum esse quispiam  
 dicet: qui ex lucri magnitudine coniecturam faciam fur-  
 ti, atq; prædæ. quid? si docebo Iudices: eos, qui CCCC  
 millia mod. lucri faciunt, damnum facturos fuisse: si tua  
 iniquitas sit: ut ex cohorte Recuperatores non intercede-  
 rent: num quis poterit in tanto lucro, tantaq; iniquita-  
 te dubitare? quin propter iniquitatem tam magnos quæ-  
 stus feceris? propter magnitudinem quæstus, improbus  
 esse uolueris? Quomodo igitur hoc assequar Iudices? ut  
 sciam lucri quantum factum sit? non ex Apronij tabu-  
 lis: quas ego cum conquirerem, non inueni: & cum in-  
 ius ipsum eduxi: expressi ut conficere tabulas se nega-  
 ret. si mentiebatur: quamobrem remouebat, si hæ tabu-  
 læ nihil tibi erant obfuturæ? si omnino nullas confice-

rat literas: ne id quidem satis significabat, illum non suum negotium gessisse. ea est enim ratio Decumarum: ut sine plurimis literis confici non possit. singula enim nomina aratorum, & cum singulis pactiones Decumarum, literis persequi, et conficere necesse est. Iugera professi sunt aratores omnes, imperio, atq; instituto tuo: non opinor quēquam minus esse professum: quā quantum arasset: cum tot cruces, tot iudicia, tot ex cohorte Recuperatores proponerētur. in iugere Leontini a gri medimnū ferē tritici seritur, perpetua, atq; æquabili satione: ager effiat, cum octavo bene ut agitur: uerum, ut omnes di adiuuent: cum decimo. quod si quando accidit: tum fit, ut tantum Decumæ sit: quantum seueris: hoc est, ut quot iugera sunt sata: totidem medimna decumæ debeantur. hoc cum ita esset: primum illud dico: pluribus millibus medimnum uenisse decumas a gri Leontini: q̄ quot millia iugerum sata erant in agro Leontino. quod si fieri non poterat: ut plus quā decem medimna ex iugere ararent: medimnum ex iugere Decumano dari poterit: cum ager, id quod perraro euenit: cum decimo extulisset: quæ erat ratio Decumani? siquidem Decumæ ac non bona ueniebant aratorū: ut pluribus aliquanto medimnis Decumas emeret? quā iugera erant sata? in Leontino iugerum subscriptio, ac professio, non est plus XXX: Decumæ XXXVI medimnum uenierunt. Errauit? an potius insaniuit Apronius? immo tum insaniuit: si aratoribus quod deberent: licitum esset: et non quod Apronius imperasset: necesse fuisset dare. si ostendo minus tribus medimnis in iugerum neminem dedisse Decumæ: concedes opinor: ut cum Decumano fructus arationis perceptus sit: neminem minus tribus decumis

dedisse. atq; hoc in beneficij loco petatum est ab Apronio: ut iugera singula ternis medimnis decidere liceret. nam cum à multis quaterna, etiam quina exigerentur: multis autem non solum granum ullum: sed ne paleæ quidem ex omni fructu, atq; ex annuo labore relinquerentur: tum aratores Centuripini, qui numerus in agro Leontino maximus est: unum in locum conuenerunt: hominem suæ ciuitatis in primis honestum, ac nobilem Andronem Centuripinum legarunt ad Apronium: eundem, quem hoc tempore ad hoc iudicium legatum, & testem Centuripina ciuitas misit: ut is apud eum causam aratorum ageret: ab eoq; peteret: ut ab aratoribus Centuripinis ne amplius in iugera singula, quàm terna medimna exigeret. hoc uix ab Apronio in summo beneficio, pro ijs, qui etiam tum incolumes erant: impetratum est. id cum impetrabatur: hoc uidelicet impetrabatur: ut pro singulis Decumis, ternas decumas dare liceret. quod situa res non ageretur: à te potius postularent: ne amplius quàm singulas: quàm ad Apronio, ut ne plus, quàm ternas decumas darent. Nunc ut hoc tempore ea quæ regie, seu potius tyrannice statuit in aratores Apronius, prætermittam: neq; eos appellem: à quibus omne frumentum eripuit: & quibus nihil non modo de fructu, sed ne de bonis quidē suis reliqui fecit: ex hisce ternis medimnis, quod beneficij, gratiæq; causa concessit: quid lucri fiat, cognoscite. Professio est agri Leontini ad iugera. XXX. hæc sunt ad tritici medimna XC, idest tritici mod. DXL. millia. deductis tritici mod. CCXVI, quanti decumæ uenierunt, reliqua tritici CCCXXIII. adde totius summæ DXL. millia mod. tres quinquagesimas, sit tritici mod.

XXXII. CCCC. ab omnibus enim ternæ præterea quinquagesimæ exigebantur. Sunt hæc iam ad HS CCC XL mod. tritici. At ego CCCC lucri facta esse dixeram. Non enim duco in hac ratione eos quibus ternis medimnis non est licitum decidere: uerum ut hac ipsa ratione summam mei promissi compleam: ad singula medimna multi HS duo: multi HS quinque accessionis cogebantur dare: qui minimum: singulos nummos: hoc minimum ut sequamur: quoniam XC medimnas duimus: accedant eo nouo pessimoq; exemplo ad HS XC millia. Hic mihi etiam dicere audebit, magno se Decumas uendidisse? cum ex eodem agro, dimidio plus abstulerit: quàm populo Ro. miserit. CC XVI Decumas agri Leontini uendidisti: si ex lege: magno. si ut lex esset libido tua: paruo. si, ut quæ dimidiæ essent, Decumæ uocarentur: paruo uendidisti. multa enim pluris fructus annui Siciliae uenire potuerunt: si id te Senatus aut populus Ro. facere uoluisset. etenim sæpe Decumæ tanti uenierunt cum lege Hieronica uenirent: quanti nunc lege Verrea uenierunt. Cedo mihi C. Norbani decumas uenditas. C. NORBANI DECUMAS VENDITAS AGRI LEONTINI. Atq; tum neq; iudicium de modo iugerum dabatur: neq; enim erat Artemidorus Cornelius Recuperator: neq; ab aratore magistratus Siculus tantum exigebat: quantum Decumanus ediderat: nec beneficium petebatur à Decumano: ut in iugera singula ternis medimnis decidere liceret: nec nummorum accessionem cogebatur arator dare: nec ternas quinquagesimas frumenti addere: Et tamen populo Ro. magnus frumenti numerus mittebatur. Quid uero istæ sibi quinquagesimæ? quid porro num-



morum accessiones uolunt? quo id iure, atq; adeo quo id  
 potius ore fecisti? nummos dabat arator. quomodo? aut  
 unde? qui, si largissimus esse uellet, cumulatione mensu-  
 ra uteretur: ut antea solebant facere, in decumis, cum  
 aequa lege & conditione ueniebant. is nummum dabat.  
 unde? de frumento? quasi habuisset te praetore quod uēde-  
 ret. de uiuo igitur erat aliquid refecundum: ut esset, un-  
 de Apronio ad illos fructus arationum hoc corollariū  
 nummorum adderetur. Iam id porro' utrum libentes,  
 an inuiti dabant? libentes? amabant credo Apronium.  
 inuiti? quare, nisi ui, & malo cogebantur? Iam iste ho-  
 mo amentissimus in uendundis decumis nummorum  
 faciebat accessiones ad singulas decumas: neq; multum:  
 bina aut terna millia addebat. fiunt per triennium HS  
 fortasse D millia. hoc neq; exemplo cuiusquam, neq;  
 ullo iure fecit: neq; eam pecuniam retulit: neq; hoc par-  
 uum crimen quemadmodum defensor sit homo quis-  
 quam unquam excogitauit. quod cum ita sit: audes di-  
 cere te magnol Decumas uendidisse? cum sit perspicuum  
 te bona, fortunasq; aratorum non populi romani, sed  
 tui quæstus causa uendidisse. ut si quis uillicus ex eo fim-  
 do, qui HS dena meritaſſet: ex arboribus ac uēditis,  
 demptis tegulis, instrumento, pecore ab alienato, domi-  
 no XX millia nummum pro X miserit: sibi alia  
 præterea centum confecerit: primo dominus ignarus  
 incommodi sui gaudeat: uillicoq; delectetur: quod tan-  
 to sibi plus mercedis ex fundo refectum sit. deinde cum  
 audierit, eas res quibus fundi fructus, & cultura con-  
 tinentur: amotas, & uenditas: summo supplicio uillicum  
 afficiat: & secum male actum putet. Item populus ro-  
 manus cum audit pluris Decumas uēdidisse C. Verre: q̄

innocentissimū hominē, cui iste successit: C. Sacerdotem: putat se bonum in arationibus, fructibusq; suis, habuisse custodem, ac uillicum: cum senserit istum omne instrumentum aratorum, omnia subsidia uectigalium uendi disse: omnem spem posteritatis auaricia sua sustulisse: arationes, & agros uectigales uastasse: atq; exinanisse: ipsum maximos quæstus, prædasq; fecisse: intelliget secum actum esse pessime: istum autem summo supplicio dignum existimabit. unde ergo hoc intelligi potest? ex hoc maxime: quod ager decumanus prouinciæ Siciliae propter istius auariciam desertus est. neq; id solum actum est: uti hi minus multus iugis arent: si qui in agris remanserunt: sed etiam, ut permulti locupletes homines, magni, & nati aratores agros latos, ac fertiles desererent: totasq; arationes derelinquerent. Id adeo sciri facillime potest ex literis publicis ciuitatum: propterea quod lege Hieronica numerus aratorū quotannis apud magistratus publice subscribitur. Recitat tandem quot acceperit aratores agri Leontani Verres. **OCTVAGINTA TRES.** quot anno tertio profiteantur. **TRIGINTA DVO.** unū et quinquaginta aratores ita uideo deiectos: ut his ne uicarij quidē successerint. quot aratores adueniēte te fuerūt agri Muticensis uideamus ex literis publicis. **CENTVM OCTVAGINTA OCTO.** quid? anno tertio? **CENTVM ET VNVS.** octuaginta septem aratores unus ager istius iniuria desiderat: atq; adeo nostra respublica, quoniā illa populi Ro. uectigalia sunt: hūc tot Patrum familias numerum desiderat: & reposcit. Ager Herbitensis primo anno habuit aratores ducentos quinquaginta septem: tertio centum uiginti. hinc centum triginta septem patresfamī-

lias extorres profugerunt. Agyrinensis ager quorū ho-  
 minum? q̄ honestorū? q̄ locupletum? ducentos quinquaginta  
 aratores habuit primo anno præturæ tuæ. quid tertio  
 anno octuaginta: quemadmodum legatos Agyrinenses  
 reatate ex publicis literis audistis. Pro' dij immortales  
 si ex provincia tota centū septuaginta eiecisses: posses ne se  
 ueris iudiciabus saluus esse? unus ager Agyrinensis centū  
 septuaginta aratoribus inanior cū sit: uos cōiecturā toti-  
 us provinciae nō faciatis? Atq; hoc peræque in omni agro  
 Decumano reperietis. q̄bus aliqd tamen reliq; fuerit ex  
 magno patrimonio: eos in agris minore instrumento, ma-  
 ius multis locis, minores remansisse: quod metuebant: si  
 recessissent: ne reliquas fortunas omnes amitterent. qui  
 bus autem iste nihil reliqui, quod perderent, fecerat:  
 eos plane non solum ex agris, uerum ex ciuitatibus suis  
 profugisse. illi ipsi, qui remanserant: uix Decuma pars  
 aratorum, relicturi agros omnes erant: nisi ad eos Me-  
 tellus Roma literas misisset: Decumas lege Hieronica  
 uenditurum: & nisi ab ijs hoc petuisset, ut sererent quā  
 plurimum: quod illi semper sua causa fecerant: cum eos  
 nemo rogaret: quādiu intelligebant sese sibi, & popu-  
 lo Ro. non Verri, & Apronio serere: impendere: labo-  
 rare. Iam uero si Sicularum fortunas negligitis: si quē-  
 admodum focij populi Ro. a magistratibus nostris tra-  
 herent, nō laboratis: at uos communem populi Ro. cau-  
 sam suscipite: atq; defendite. Eiectos aratores esse dico:  
 agros uectigales uexatos, atq; exinanitos a Verre: po-  
 pulatam uexatamq; provinciam: hæc omnia doceo ciui-  
 tatum, & priuatis primariorum uirorum testimonijs.  
 quid uultis amplius? num expectatis, dū L. Metellus is,  
 qui multos in istum testes imperio, & potestate deter-

vult: idem absens, de istius scelere, improbitate, audacia testimonium dicat? non opinor. At is optime, qui successit isti, potuit cognoscere. ita est: uerum amicitia impeditur. at debet nos certiores facere: quo pacto se habeat provincia. debet: uerum tamen non cogitur. num quis in Verrem L. Metelli testimonium requirit? nemo. num quis postulat? non opinor. quid si testimonio L. Metelli, ac literis hæc omnia uera esse docebo? quid dicetis? utrum Metellum falsum scribere? an amicum lædendi esse cupidum? an prætorem quemadmodum provincia affecta sit nescire? Recita literas L. Metelli, quas ad Cn. Pompeium, & M. Crassum Consules, quas ad M. Mummiū Prætorem, quas ad Quæstores urbis misit.

EPISTOLA L. METELLI.

DECUMAS FRUMENTI LEGE HIERONICA VENDIDI. Cum scribit se lege Hieronica uendidisse: quid scribit? ita se uendidisse: ut omnes præter Verrem. cum scribit lege Hieronica uendidisse: quid scribit? se per istum erepta Siculis maiorum nostrorum beneficia, ius ipsorum, conditionem societatis, amicitia, foederum reddidisse. dicit quanti cuiusque agri Decumas uendiderit: deinde quid scribit? Recita de epistola reliqua. SVMMA DATA EST OPERA A ME: UT QUAMPLURIMO DECUMAS VENDEREM. Cur igitur Metelle non ita magno uendidisti? quia desertas arationes, inanes agros, provinciam miseram, perditamque offendi. quid? id ipsum quod satum est: qua ratione quisquam, qui sereret: inuentus est? Recita literas. ait se misisse, & confirmasse, suam interposuisse auctoritatem: tantum quod aratoribus Metellus obfides non dedit:



*se in nulla re Verri similem futurum. At quid est ta-*  
*men, in quo se laborasse dicat? Recita. VT ARA-*  
*TORES QVI RELIQVI ERANT: QV AM-*  
*PLVRIMVM SERERENT. Qui reliqui?*  
*quid hoc est? reliqui quo ex bello? qua ex uastitate? quæ*  
*nam in Sicilia tanta clades? aut quod bellum tam du-*  
*turnum? tam calamitosum te prætoris uersatum est? ut*  
*is, qui tibi successerit: reliquos aratores collegisse, & re-*  
*creasse uideatur? cum bellis Carthaginiensibus Sicilia ue-*  
*xata est: & post nostram patrumq; memoriam cum bis*  
*in ea prouincia magnæ fugitiuorum copię uersatæ sint:*  
*tamen aratorum internitio facta nulla est. tum semente*  
*prohibita, aut messe amissa fructus annuus interibat: ta-*  
*men incolumis numerus manebat dominorū, atq; arato-*  
*rum. tum, qui M. Leuino, aut P. Rupilio, aut M. Aq-*  
*lio prætoribus in eam prouinciā successerant: arato-*  
*res reliquos non colligebant. tanto ne plus Verres cum*  
*Apronio prouinciæ Siciliæ calamitatis importauit? q̃*  
*aut Hasdrubal, cum Pœnorum exercitu? aut Athenio,*  
*cum fugitiuorum maximis copiis? ut temporibus illis, si*  
*mul atq; hostis superatus esset: ager araretur omnis? neq;*  
*aratori prætor per literas supplicaret: neq; eum præsens*  
*oraret, ut quamplurimum sereret? nunc autem, ne post*  
*abitus quidem huius importunissimæ pestis, quisquam*  
*reperiretur: qui sua uoluntate araret? pauci essent reli-*  
*qui: qui L. Metelli auctoritate in agros, atq; ad suum*  
*larem familiarem redirent? His te literis homo auda-*  
*cissime atq; amentissime iugulatum sentis? non uides, cū*  
*is qui tibi successit: aratores reliquos appelleret: hoc eum*  
*diserte scribere: reliquos hos esse, non ex bello, neq; ex*  
*aliqua huiusmodi calamitate, sed ex tuo scelere, impor-*

tunitate, auaricia, crudelitate. Recita cætera. TAMEN PRO EO UT ET TEMPORIS DIFFICULTAS ARATORVM QVE PENURIA TVLIT. aratorum inquit penuria. si ego accusator totiens de re eadem dicerem: uererer ne animos uestros offenderem Iudices. clamat Metellus: nisi literas misissem: non est satis: nisi præsens confirmassem: ne id quidem satis est. reliquos inquit aratores. reliquos. propè lugubri uerbo calamitatem prouincie Siciliae significat. addit: aratorum penuria. Expectate etiam Iudices, si potestis, auctoritatem accusationis meae. dico aratores istius auaricia eiectos: scribit Metellus reliquos ab se esse confirmatos. dico agros reiectos, arationesq; desertas esse: scribit Metellus, aratorum esse penuriam. hoc cum scribit: illud ostendit: deiectos, eiectos, fortunis omnibus expulsos esse populi Romani socios, atq; amicos. quibus si qua calamitas propter istum saluis uectigalibus nostris accidisset: animaduertere in eum uos oportebat: præsertim cum ea lege iudicaretis: quæ sociorum causa esset constituta. cum uero perditis, profligatisq; socijs uectigalia populi Romani sint diminuta: res frumentaria, commeatus, copiae, salus urbis, atque exercituum nostrorum, in posteritatem istius auaricia interierit: saltem populi Romani commoda respiciate: si socijs fidelissimis prospicere non laboratis. Atq; ut intelligatis ab isto præ lucro, prædaq; præsentis nec uectigalium, nec posteritatis habitam esse rationem: cognoscite quid ad extremum scribat Metellus. in reliquum tempus ait se uectigalibus prospexisse. Non scriberet se uectigalibus prospexisse: nisi hoc uellet ostendere: te uectigalia perdidisse. quid enim erat: quod uectigali-

bus prospiceret Metellus in Decumis, & in tota re fru-  
 mentaria? si iste non uectigalia populi Ro. suo quaestu p-  
 uertisset? Atq; ipse Metellus, qui uectigalibus prospiciat:  
 qui reliquos aratores colligit: quid assequitur? nisi hoc?  
 ut arent, si qui possunt: quibus aratrum saltem aliquod,  
 satelles istius Apronius reliquum fecit: q; tamen in agris  
 spe atq; expectatione Metelli remanserunt. quid cæte-  
 ri Siculi? quid ille maximus numerus aratorum? qui  
 non modo ex agris eieci sunt: sed etiam ex ciuitatibus  
 suis, ex prouincia deniq; bonis, fortunisq; omnibus ere-  
 ptis profugerunt: qua ratione ij reuocabuntur? quot præ-  
 torum innocentia, sapientiâq; opus est: ut illa arato-  
 rum multitudo aliquando in suis agris ac sedibus collo-  
 cetur? Ac ne miremini tantam multitudinem profugis-  
 se: quantam ex literis publicis, aratorumq; professio-  
 nibus cognouistis: scitote tantam acerbicatem istius, tan-  
 tum scelus in aratores fuisse (incredibile dictu est Iu-  
 dices: sed & factum, & tota Sicalia peruiulgatum) ut  
 homines propter iniurias, licentiamq; Decumanorum  
 mortem sibi ipsi conscierint. Centuripinum Dioclem ho-  
 minem locupletem suspendisse se constat: quo die sit ei  
 nunciatum Aproniū decumas redemisse. Dyrrhachinū  
 primum ciuitatis eadem ratione mortem oppetisse, di-  
 xit apud uos homo nobilissimus Archonidas Elorinus:  
 cum audisset tantum Decumanum professum esse ex edi-  
 cto istius sibi deberi: quantum ille bonis suis omnibus ef-  
 ficere non posset. Hæc tu, tametsi omnium hominum  
 dissolutissimus, crudelissimusq; semper fuisti: tamen nun-  
 quam perpeterere: quod illi gemitus luctusq; prouinciæ  
 ad tui capitis periculum pertinebant: non inquam per-  
 peterere: ut homines iniuriæ tuæ remedium morte, ac  
 suspendio

suspensio quærerent: nisi ea res ad questum, & ad prædam tuam pertineret. quid? illud perpetrere? Attendite Iudices. omnibus enim nervis mihi contendendum est: atq; in hoc laborandum: ut omnes intelligant, quàm improbam, quàm manifestam, quàm confessam rem pecunia redimere conentur. graue crimen est hoc, & uehementens, & post hominum memoriam, iudiciaq; de pecunijs repetundis constituta, grauissimum: Prætores socios habuisse Decumanos. Non hoc nunc primum audit priuatus de inimico, reus ab accusatore: iam antea in sella sedens prætor, cum prouinciã Siciã obtineret: cum omnibus non solum id, quod commune est: propter imperium, sed etiam id, quod istius præcipuum est: propter crudelitatem metueretur: nullies audiuit: cum eius animus ad persequendum non negligentia tardaret: sed conscientia sceleris, auariciæq; suæ frenaret. loquebantur enim Decumani palam: & præter ceteros is, qui apud istum plurimum poterat: maximosq; agros populabatur: Apronius: perparuum ex illis magnis lucris ad sese peruenire: prætores esse socios. hoc cum palam Decumani tota prouincia loquerentur: tuumq; nomen in re tam turpi, nefariaq; interponerent: nihil ne tibi uenit in mentem existimationi tuæ consulere? nihil deniq; capiti ac fortunis tuis providere? cum tui nominis terror in auribus animisq; aratorum uersaretur: cum decumani aratoribus ad pactiones faciendas non suam uim, sed tuum scelus ac nomen opponerent: ecquod iudicium Romæ tam dissolutum, tam perditum, tam nummariũ fore putasti? quo ex iudicio te ulla salus seruare posset? cum planum fieret, decumis contra instituta legis, consuetudinemq; omnium uenditis, in aratorum bonis, for



tionisq; diripiendis Decumanos dictitasse tuas esse partes,  
 tuam rem, tuam prædam: idq; te tacuisse: & cum dissi-  
 mulare non posses: potuisse tamen perpeti: & perferre:  
 quod magnitudo lucri obscuraret periculi magnitudi-  
 nem: plusq; aliquanto apud te pecuniæ cupiditas, quàm  
 iudicij metus posset. Esto: cætera negare non potes. ne il-  
 lud quidem tibi reliquum fecisti: ut hoc posses dicere: ni-  
 hil eorum te audisse: nihil ad tuas aures de infamia tua  
 peruenisse. querebantur cum luctu, & gemitu ara-  
 tores. tu id nesciebas? fremebat tota provincia. nemo id  
 tibi renunciabat? Romæ querimoniæ de tuis iniurijs,  
 conuentusq; habebantur. ignorabas hæc? ignorabas  
 hæc omnia? quid? cum palam Syracusis te audiente ma-  
 ximo conuentu, P. Rubrius Q. Apronium sponsione la-  
 cessiuit: ni Apronius dictitaret, te sibi in decumis esse so-  
 cium: hæc te uox non perculit? non perturbauit? non,  
 ut capiti, & fortunis tuis prospiceres exortaui? tacuisti:  
 sedasti etiam lites illorum: & sponsio illa ne fieret: la-  
 borasti. Pro di immortales, hoc aut innocens homo per-  
 peti potuisset: aut quamuis nocens: qui modo iudicia Ro-  
 mæ fore putaret: non aliqua re simulatione populi Ro-  
 existimationi se hominum uendicasset? qd est hoc? spon-  
 sio sit de capite, ac fortunis tuis. tu sedes? & quiescis?  
 non persequeris? non perseveras? non perquiris cui di-  
 xerit Apronius? quis audierit? unde hoc natum? quem-  
 admodum prolatum sit? si tibi ad aurem accessisset: &  
 dixisset Apronium dictitare, te sibi esse socium: commo-  
 ueri te oportuit: uocare Apronium: nec illum ante tibi sa-  
 tisfacere: quàm tu omnium existimationi satisfacisses. cū  
 uero in foro celeberrimo, tanta frequentia, hoc, uerbo,  
 & simulatione Apronio, re uera tibi obiectum esset:

tu unquam tantam plagam tacitus accipere potuisses? nisi hoc ita statuisses: in re tam manifesta quicquid dixisses: te deterius esse facturum? quæstores, legatos, præfectos suos, Tribunos multi missos fecerunt: Et de provincia decedere iusserunt: quod eorum culpa se minus commode audire arbitrarentur: aut quod peccare illos aliqua in re iudicaret. tu Apronium hominem uix liberum, contaminatum, perditum, flagitiosum, qui non modo animum integrum, sed ne animam quidem puram conseruare potuisset: eum in tanto tuo dedecore profecto ne uerbo quidem grauiore appellasses: neq; apud te tam sancta religio societatis fuisset: ut tui capitis periculum negligeres: nisi rem tam notam esse omnibus, Et tam manifestam uideres. Cum eodem Apronio postea P. Scandilius Eques Ro. quem uos omnes nostis: eandem sponsonem de societate fecit: quam Rubrius facere uoluerat. instituit: oppressit: nõ remisit: facta est sponso HS V mil. coepit Scandilius Recuperatores, aut iudicem postulare. satis ne uobis prætori improbo circumdati cancelli uidentur in sua provincia, immo uero in sella, ac tribunali? ut aut de suo capite iudicium fieri patiatur præsens, ac sedens: aut confiteatur se omnibus iudicijs conuinci necesse esse? sponso est, ni te Apronius in decumis socium esse dicat: provincia, tua est: ades: abs te iudicium postulatur. quid facias? quid decernis? Recuperatores dicas te daturum. bene agis. tamen, si qui erunt tantis ceruicibus Recuperatores: qui audeant in provincia, cum prætor adsit: non solum contra uoluntatem eius, sed etiam contra fortunas iudicare. uerum esto: manifesta res est: nemo esset: quin hoc se audisse liquido diceret: locupletissimus qsq; certissimus testis esset: nemo erat Sicilia tota: qui ne-

sciret decumas esse Prætoris: nemo qui non audisset, ita  
 Apronium dictitasse. præterea conuentus honestus Syra-  
 cusis: multi Equites Ro- uiri primarij: ex qua copia Re-  
 cuperatores reici oporteret: qui aliter iudicare nullo mō-  
 do possent. Instat Scandilius poscere Recuperatores. tum  
 iste homo innocens, qui illam suspicionem leuare, atq;  
 ab se remouere cuperet: Recuperatores dicit se de cohō-  
 te sua daturum. Pro deum hominumq; fidem, quē ego  
 accuso? in quo meam industriā, ac diligentiam specta-  
 ri uolo? quid est, quod ego dicendo, aut cogitando efficere,  
 aut assequi debeam? teneo in medijs uestigalibus populi  
 romani, in ipsis fructibus prouinciæ Siciliae furem ma-  
 nifesto auertentem rem frumentariam omnem, pecuniam  
 maximam: teneo inquam ita: ut negare non possit. nam  
 quid hic dicet? sponsio facta est cum cognitore tuo Apro-  
 nio de fortunis tuis omnibus, ni socium te sibi in deci-  
 mus esse dictitaret. expectant omnes quantæ tibi ea res  
 curæ sit: quemadmodum hominum existimationi te, atq;  
 innocentiam tuam probari uelis. hic tu Medicum, &  
 Aruspicem, & Præconem tuum Recuperatores dabis?  
 aut etiam illum ipsum, quem tu in cohorte tua Cassianū  
 iudicem habebas: si qua res maior esset: Papyrium po-  
 tamonem, hominem seuerum, ex uetere illa equestri di-  
 sciplina. Scandilius postulare de conuentu Recuperato-  
 res. Tum iste negat se de existimatione sua cuiquā nisi su-  
 is commissurū. Negociatores putant esse turpe, id forum  
 sibi iniquum eurare: ubi negotientur. Prætor prouin-  
 ciam suam totam sibi iniquam eurat. O' impudentiā  
 singularem. hic postulat se Romæ absolui: qui in sua pro-  
 uincia iudicauit se absolui nullo modo posse: qui plus exi-  
 smet apud lectissimos Senatores pecuniam, quā apud

tres negotiatores metum ualere. Scandilius uero negat  
 sese apud Artemidorum Recuperatorem uerbum esse  
 facturum: & tamen auget, atq; onerat te bonis condi-  
 tionibus: si tu uti uelis. si ex provincia Sicilia tota sta-  
 tuas idoneum iudicem aut Recuperatorem nullum pos-  
 se reperiri: postulat à te, ut Romam reicias. hic enim ue-  
 ro tu exclamas, hominem improbum: qui postulet ibi  
 de tua existimatione iudicium fieri: ubi te inuidiosum  
 esse intelligebat: negas te Romam relicturum: negas de  
 conuentu Recuperatores daturum: cohortem tuam pro-  
 ponis. Scandilius rem se totam relicturum dicit: & suo  
 tempore esse rediturum. quid tu ibi tum? quid facis? Scan-  
 dilium cogis. quid? sponsonem acceptam facere? impu-  
 denter tollis expectatum existimationis tuæ iudicium. nō  
 facis. quid ergo? Apronio permittis: ut quos uelit, de co-  
 horte sumat Recuperatores? indignum, uni potius ex ini-  
 quis sumendi, quam utrisq; ex æquis reiçendi fieri po-  
 testatem. neutru facis eorum. quid ergo? est aliquid quod  
 improbius fieri potest. cogit enim Scandilium quinq; il-  
 la millia nummum dare, atq; adnumerare Apronio.  
 Quid potuit elegantius facere. Prætor cupidus existima-  
 tionis bonæ: qui ab sese omnem suspicionem propulsa-  
 re: qui se eripere ex infamia cuperet? Adductus erat  
 in sermonem, inuidiam, uituperationem: dictitabat ho-  
 mo improbus, atq; impurus Apronius, socium esse præ-  
 torem: uenerat res in iudicium, atq; discrimen: potestas  
 erat isti homini integro, atq; innocenti data: ut in Apro-  
 nium cum animaduertisset: sese grauissima leuaret in-  
 famia. quid excogitat pœnæ? quid animaduersionis in  
 Apronium? cogit Scandilium Apronio ob singularem  
 improbitatem, atq; audaciam, prædicationemq; nefariæ



societatis, HS V millia mercedis nomine, ac præmij  
 dare. Quid interfuit homo audacissime, utrū hoc de-  
 cerneres? an id quod Apronius dictitabat: tu de te profer-  
 res, ac dictitares? quem hominem, si quis pudor in te, atq;  
 adeo si quis metus fuisset: sine supplicio dimittere non de-  
 buisti: hunc abs te sine præmio discedere noluiisti. Omnia  
 simul intelligere potuisti Iudices ex hoc uno crimine  
 Scandiliano: primum, hoc non esse Romæ natum de so-  
 cietate Decumarum: non ab accusatore fictum: non ut  
 solemus interdum in defensionibus dicere, crimen dome-  
 sticum, ac uernaculum: non ex tempore periculi tui con-  
 stitutum: sed uetus, cogitatum iam, & te prætoris iacta-  
 tum, & non ab inimicis Romæ compositum, sed Romam  
 de provincia exportatum. simul intelligi potest illud istius  
 in Apronium studium: Apronij de isto non modo con-  
 fessio, uerum etiam commemoratio. eodem accedit: quod  
 hoc quoq; intelligere potestis: istum statuisse in provincia  
 sua, existimationis suæ iudicium extra cohortem suam  
 committendum fuisse nemini. Ecquis est iudex? cui non  
 ab initio Decumani criminis persuasum sit: istum in  
 aratorum bona, fortunasq; impetum fecisse? quis hoc nō  
 ex eo statim iudicauit? quod ostendi istum Decumias no-  
 ua lege, atq; adeo nulla lege, contra omnium consuetudi-  
 nem, atq; instituta uendidisse? uerum ut istos ego Iudices  
 tam seueros, tam diligentes, tam religiosos non haberē:  
 ecquis est, ex iniuriarum magnitudine, improbitate de-  
 cretorum, iudiciorum iniquitate, qui hoc non iam dudū  
 statuerit? & iudicarit? etiam sane sit aliquis dissolutior  
 in iudicando, legum, officij, rei publicæ, sociorum, atque  
 amicorum negligentior. quid is? possit ne de istius im-  
 probitate dubitare? cum tanta lucra facta, tam iniquas

pactiones ui, & metu expressas cognouerit? cum tanta  
 præmia ciuitates ui, atq; imperio, uirgarum, ac mortis  
 metu non modo Apronio, atq; eius similibus, uerum etiã  
 Venerijs seruis dare coactas? Quod si quis sociorum in=  
 commodis minus mouetur: si quem aratorum fuga, ca=  
 lamitates, exilia, suspendia deniq; non permouent: non  
 possum dubitare: quin is tamen cum uastatam Siciliam,  
 relictos agros, ex ciuitatum literis, & Epistola L. Me=  
 telli cognouerit: statuatur fieri non posse: ut de isto non  
 seuerissime iudicetur. erit etiã aliquis qui hæc omnia  
 dissimulare: ac negligere possit. attuli spõsiones ipso præ=  
 sente factas de Decumarum societate, ab ipso prohibitas  
 iudicari. quid est, quod posset quisquam manifestus hoc,  
 desiderare? non dubito quin uobis satisfecerim Iudices.  
 ueruntamen progrediar longius: nõ mehercule quo ma=  
 gis hoc uobis persuadeatur: quam iam persuasum esse  
 confido: sed ut ille aliquando impudentiæ suæ finem fa=  
 ciat: aliquando desinat: ea se putare emere: quæ ipse sem=  
 per habuit uenalia: fidem, iusiurandum, ueritatem, offi=  
 cium, religionem: desinant amici eius ea dictitare, quæ  
 detrimento, maculæ, inuidiæ, infamiæ nobis omnibus  
 esse possint. at qui amici? O' miserum, atq; inuidio=  
 sum, offensumq; paucorum culpa, atq; indignitate ordi=  
 nem Senatorium. Albam Emiliũ sedentem in fauci=  
 bus macelli loqui palam? uicasse Verrem: emptos habere  
 iudices: alium HS CCCC millibus: alium HS D:  
 quem minimo, CCC. atq; ei cum responsum esset: fie=  
 ri non posse: multos testes esse dicturos: me præterea cau=  
 se non defuturum: licet hercules inquit omnes omnia  
 dicant: in illo nisi ita res manifesta erit allata: ut respon=  
 deri nihil possit: uicamus. Bene agis Alba: ad tuam ue=

niam conditionem. nihil putas ualere in iudicijs conie-  
 cturam. nihil suspicionem. nihil ante actæ uitæ existi-  
 mationem. nihil bonorum uirorum testimonia. nihil ciui-  
 tatum auctoritates, ac testimonia: literas manifestas quæ-  
 ris. non quero iudices Cassianos: ueterem iudiciorum  
 seueritatem non requiro: uestram in hoc fidem, digni-  
 tatem, religionem, in iudicando non imploro: Albam  
 habebo iudicem: eum hominē, qui se ipse scurræ im-  
 probissimum existimari uult: qui a scurris potius sem-  
 per gladiator, quàm scurræ appellatus sit. afferam rem  
 eiusmodi in decumis: ut Alba fateatur: istum in re fru-  
 mentaria, & in bonis aratorum, aperte, palamq; esse  
 prædatum. Decumas a gri Leontini magno dicit se  
 uendidisse. ostendi iam illud initio: non existimandum  
 magno uendidisse eum: qui uerbo decumas uendiderit:  
 re, & conditione, & lege, & edicto, & licentia Decu-  
 manorum, decumas aratoribus nullas reliquas fece-  
 rit. etiam illud ostendi: uendidisse alios magno Decu-  
 mas a gri Leontini, cæterorumq; agrorum: & lege Hie-  
 ronici uendidisse: & pluris etiā quàm te uendidisse: nec  
 aratorē quenquā esse quæstū. nec enim fuit quod q̄quam  
 queri posset: cum lege æquissime scripta uenirent. neq;  
 illud unquam aratoris interfuit: quanti Decumæ ueni-  
 rent. non enim ita est: ut si magno uenierint: plus ara-  
 tor debeat: si paruo: minus. ut frumenta nata sunt: ita  
 decumæ ueneunt. aratoris autem interest: ita se fru-  
 menta habere: ut decumæ quamplurimo uenire possint.  
 dum arator ne plus decuma det: expedit ei decumam es-  
 se quàm maximam. Verum hoc ut opinor esse uis ca-  
 put defensionis tuæ: magno te decumas uendidisse: a gri  
 nero Leontini, qui plurimum efficit: ritici mod. CCVI

millibus. Si doceo, pluris aliquanto potuisse te uendere: neq; his uoluisse addicere: qui contra Apronium licerentur. & Apronio multo minoris, quam alijs potueris, tradidisse: si hoc doceo: poterit ne te Alba tuus antiquissimus non solum amicus, uerum etiam amator, absolvere? Dico Equitem Ro. hominem in primis honestum, Q. Minutium cum suis simulibus, ad decumas agri Leontini tritici mod. non M, non MM, non MMM, sed ad unas unius agri decumas tritici mod. XXX uoluisse addere: & ei potestatem emendi non esse factam: ne res abiret ab Apronio. negare hoc, nisi forte negare omnia constituisti: nullo modo potes. palam res gesta est, maximo conuentu, Syracusis: testis est tota provincia: propterea quod undiq; ad emendas decumas solent eo conuenire. quod siue fateris: siue cōuinceris: quot & quammaximus in rebus tenere: non uides? primum tuam rem illam, & prædam fuisse. nam nisi ita esset: cur tu Apronium malebas: quem omnes tuum procurare in decumis negotium loquebantur: quam Minutium decumas agri Leontini sumere? deinde immensum atq; infinitum lucrum esse factum. nam si XXX mod. tritici tu commotus non esses: certe hoc idem lucri Minutius Apronio libenter dedisset: si ille accipere uoluisset. quantam igitur illi spem prædæ propositam arbitramur fuisse: qui tantum præsens lucrum nulla opera insumpta contempserit? atq; despexerit? deinde ipse Minutius nunquam tanti habere uoluisset: si decumas tu lege Hieronica uenderes. sed quod tuis nouis edictis, & iniquissimis institutis plus aliquanto se, quam decumas, ablaturum uidebat: ideo longius progressus est. At Apronio semper, plus etiam multo abs te permissum



est: quàm quod edixeras. quantum igitur quæstum præ-  
 tamus factum esse per eum: cui quiduis licitum sit: cum  
 tantum lucri uoluerit addere is, cui, si decumas emisset:  
 idem non liceret? Postremo illa quidem certe tibi præ-  
 cisa defensio est: in qua tu semper omnia tua furti, atq;  
 flagitia latere posse arbitratus es: magno te decumas uen-  
 didisse: plebi Ro. consuluisse: annonæ prospexisse. non  
 potest hoc dicere is, qui negare non potest: se unius a gri  
 decumas XXX mod. minoris quàm potuerit: uendi-  
 disse. ut etiam, si tibi hoc concedam: Minutio ideo te non  
 tradidisse: quod iam addixisses Apronio: atunt enim te  
 ita dictitare: quod ego expecto: cupioq; te illud defen-  
 dere. uerum ut ita sit: tamen non potes hoc quasi præ-  
 clarum aliquid prædiatre: magno te decumas uendidis-  
 se: cum fuisse fateare: qui multo pluris uoluerint emere.  
 Tenetur igitur iam Iudices, & manifesto tenetur aua-  
 ricia, cupiditas hominis, scelus, improbitas, audacia.  
 Quid? si hæc, quæ dico, ipsius amici, defensoresq; in-  
 dicarunt? quid uultis amplius? Aduentu L. Metelli  
 prætoris cum omnes eius comites iste sibi suo illo pan-  
 chresto medicamento amicos redemisset: aditum est ad  
 Metellum: eductus est Apronius: eduxit uir prima-  
 rius C. Gallius Senator: a L. Metello, ut ex edicto suo  
 iudicium daret in Apronium, quod per uim, aut me-  
 tum abstulisset: quam formulam Octavianam, & Ro-  
 mæ Metellus habuerat: & habebat in prouincia: non  
 impetrat: cum hoc diceret Metellus, præiudicium se de  
 capite C. Verris, per hoc iudicium nolle fieri. tota Me-  
 telli cohors, hominum non ingratorum, aderat Apro-  
 nio. C. Gallius homo nostri ordinis, a suo familiarissi-  
 mo L. Metello iudicium ex edicto non potest impetra-

ve. non reprehendo Metellum. peperat homini amico,  
Et quemadmodum ipsum dicere audiui: necessario. nō  
reprehendo inquam Metellum. sed hoc miror: quomo-  
do, de quo homine praeiudicium noluerit fieri per Re-  
cuperatores: de hoc ipso non modo praeiudicabit: verum  
grauissime, ac uehementissime iudicabit. primum enim,  
si Apronium absolutum iri putaret: nihil erat, quod  
ullum praeiudicium uereretur. deinde si condemnato  
Apronio, coniunctam cum eo Verris causam omnes erāt  
existimaturi: Metellus quidem certe iam hoc iudicabat:  
eorum rem, causamq; esse coniunctam: qui statuerit  
Apronio condemnato, de isto praeiudicium futurum. Et  
simul una res utriq; rei est argumento: Et aratores ui,  
Et metu coactos Apronio multo plus, quam debuerint,  
dedisse: et Apronium istius rem suo nomine egisse: cum  
L. Metellus statuerit: non posse Apronium condemna-  
ri: quin simul de istius scelere, atq; improbitate iudica-  
retur. Venio nunc ad epistolam Timarchidis, liber-  
ti istius, et accensi. de qua cum dixero: totum hoc crimen  
Decumanum perorabo. Hæc epistola est Iudices: quam  
nos Syracusis in ædibus Apronij, cum literas conquire-  
remus: inuenimus. missa est, ut ipsa significat: ex itinere:  
cum Verres iam de provincia decessisset Timarchidis  
manu scripta. Recita Epistolam Timarchidis. TI-  
MARCHIDES VERRIS ACCENSUS  
APRONIO SALVTEM DICIT. Iam  
hoc quidem non reprehendo: quod ascripsit accensus. cur  
enim sibi hoc scribere soli sumat? L. Papyrius Scriba.  
uolo ego hoc esse commune accensorum, lictorum, uia-  
torum. FAC DILIGENTIAM ADHIBE-  
AS QVOD AD EXISTIMATIONEM

PRAETORIS ATTINET. commendat  
 Apronio Verrem: & hortatur ut inimicis eius resistat.  
 bono praesidio munitur existimatio tua: siquidem in Apro-  
 nij constituitur diligentia, atq; auctoritate. HABES  
 VIRTUTEM ATQVE ELOQVENTI-  
 AM. quàm copiose laudatur Apronius à Timarchi-  
 de? quàm magnifice? cui ego non putem illum placere  
 oportere: qui tantopere Timarchidi probatus sit? HA-  
 BES SUMPTVM VNDE FACIAS. ne-  
 cesse est, quod redundaret de uestro frumentario quæ-  
 stu: ad illum potissimum, per quem agebatis, defluxis-  
 se. SCRIBAS APPARITORES RE-  
 CENTES ARRIPE: CVM L. VVL-  
 TEIO, QVI PLVRIMVM POTEST:  
 CAEDE: CONCIDE. Videte quàm ualde  
 maliciae suae confidat Timarchides: qui etiam Apronio  
 improbitatis praecepta det. Iam hoc caede, concide, non  
 uerba domo patroni depromere uidetur, ad omne ge-  
 nus nequitiae accommodata? VOLO MIHI  
 FRATERCVLO TVO CREDAS. con-  
 sorti quidem in lucris, atq; furtis: gemino, & simili-  
 mo nequitia, improbitate, audacia. IN COHOR-  
 TE CARVS HABEARE. quid est hoc in co-  
 horte? quo pertinet? Apronium doces? quid? in uestra  
 cohortem te monitore, an sua sponte peruenerat? QVOD  
 CUIQUE OPVS SIT: OPPONE. quàm im-  
 pudentia putatis eum in dominatione fuisse: qui in fuga  
 tam improbus sit? ait, omnia pecunia efficere posse: dare:  
 profunderere: opponere, si uelis uincere. non hoc mihi tā  
 molestum est Apronio suadere Timarchidem: quàm  
 quod hoc idem patrono suo praecipit. TE POSTV

**L**ANTE OMNES VINCERE SOLENT.  
*Verre quidem Praetore: non Sacerdote, non Peduceo, non hoc ipso Metello. SCIS METELLVM SAPIENTEM ESSE. hoc vero ferri iam non potest: irrideri uiri optimi L. Metelli ingenium, & contemni, ac despici à fugituo Timarchide. SI VVLTEIVM HABEBIS, OMNIA LVDBVNDVS PERFICIES. Hic uehementer errat Timarchides: qui aut Vulteium pecunia corrumpi putet posse: aut Metellum unius arbitratu gerere Præturam. sed errauit coniectura domestica. quia multos per se, & per alios multa ludibundos libidinose apud Verrem effecisse uidit: ad omnes eosdem patere aditus arbitrabatur. facilius uos efficiebatis ludibundi, quæ uolebatis à Verre: quod multa eius ludorum genera notatis. INCVLCATVM EST METELLO ET VVLTEIO TE ARATORES EVERTISSE. quis istuc Apronio attribuebat? cum aratorem aliquem euerterat? aut Timarchidi? cum ob iudicandum, aut decernendum, aut imperandum aliquid, aut remittendum pecuniam acceperat? aut Sestio Licitori? cum aliquem innocentem securi percusserat? nemo. omnes ei Verri tunc attribuebant: quem nunc condemnari uolunt. OBTVDERVNT EIVS AVRES TE SOCIVM PRAETORIS FVISSE. uides ne hoc quàm clarum sit, & fuerit? cum etiam Timarchides hoc metuat: concedes non hoc crimen nos in te confingere? sed iam pridem ad crimen, aliquam defensionem libertum quærere? libertus, & Accensus tuus, & tibi, ac liberis tuis, omnibus in rebus coniunctus, ac proximus, ad Apronium scribit: nul*



go esse ab omnibus ita demonstratum Metello: tibi Aproni-  
 niū in decumis socium fuisse. FAC SCIAT IM-  
 PROBITATEM ARATORVM. IPSI SV-  
 DABVNT: SI DII VOLENT. quod istuc p̄ deos  
 immortales, aut qua de causa excitatum esse dicamus in-  
 aratores tam infestum odiū? atq; tantum? quantā iniuriā  
 fecerunt Verri aratores? ut eos etiam libertus, & accen-  
 sus eius tam irato animo, aut literis insequatur? Neq; ego  
 huius fugitiui Iudices epistolam vobis recitassem: nisi ut  
 ex ea totius familiæ præcepta, & instituta, & discipli-  
 nam cognosceretis. Videtis, ut moneat Apronium qui-  
 bus rebus, ac muneribus insinuet in familiaritatem Me-  
 telli? Vulteiū corrumpat? Scribas, Accensumq; precio  
 delinuat? ea præcipit: quæ uidit: ea monet alienum ho-  
 minem: quæ domi didicit ipse. uerum in hoc errat uno:  
 quod easdem existimat uias ad omnium familiaritates  
 esse munitas. quanquam merito sum iratus Metello: tamen  
 hæc, quæ uera sunt, dicam. Apronius ipsum Metellum  
 non precio, ut Verrem, non conuiuio, non muliere, nō  
 sermone incauto, atq; improbo possēt corrumpere. qui-  
 bus rebus non sensim, atq; moderate ad istius amicitiam  
 arrepperat: sed breui tempore totum hominem, totamq;  
 eius Præturam possederat. Cohortem autem Metelli q̄  
 uocat: quid erat quod corrumpere? ex qua recuperato  
 res nulli dabantur. nam quod scribit Metelli Filium  
 puerum esse: uehementer errat. non enim ad omnes præ-  
 torum filios idem aditus sunt. O' Timarchide, Metelli  
 est filius in prouincia, non puer, sed adolescens bo-  
 nus, ac pudens, dignus illo loco, ac nomine. uester  
 ille puer prætextatus in prouincia quemadmodum  
 fuisset, non dicerem: si pueri esse illam culpam, ac

non patris existimarem. tu ne, cum te, ac tuam vitam nosset: in Siciliam tecum grandem prætextatum filium ducebas? ut etiam si natura puerum à paternis uicijs, atq; à generis similitudine abduceret: consuetudo tamen eum, et disciplina degenerare nō sineret. scā enim fuisse in isto C. Lelij, M. Catonis materiem, atq; indolem: quid ex eo boni sperari, atq; effici potest? qui in patris luxurie sic uixerit: ut nullum unquam pudicum, neq; sobrium conuiuium uiderit? qui in epulis quotidianis adulta ætate per trienniu inter impudicas mulieres, et intemperantes uiros uersatus sit? nihil unquam à patre audiuit: quo pudētior, aut melior esset: nihil unquam patrem agere uidit: quod cum imitatus esset: non id, qđ turpissimum est: similis patri putaretur. Quibus in rebus non solum filio, uerum etiam Reip. fecisti iniuriā. suscepas enim liberos non solum tibi, sed etiam patriæ: qui non modo tibi uoluptati, sed etiam qui aliquādo usui Reip. esse possent. eos instituere, atq; erudire ad maiorum instituta, atq; ciuitatis disciplinam, non ad tuas turpitudines debuisti. esset inertis, atq; impuro, & improbo parente nauius, & pudens, & probus filius: haberet aliquid abs te Reip. muneris. nunc pro te Verrem substituiſti alterum ciuitati. nisi hoc forte deterior est: si fieri potest: quod tu eiusmodi euasisti, non in hominibus luxuriosi, sed tantum in furis, ac diuisoris disciplina educatus. quid isto festinius fore arbitramur? qui est tuus natura filius, consuetudine discipulus, uoluntate similis? Quem ego Iudices quamuis bonum, fortemq; facile paterer euadere. non enim me inimicitie commouent: si quæ mihi cum isto futura sint. nam si in omnibus rebus innocens fuero, mei q; similis: quid

mihi istius inimicitiae nocebunt? sin aliqua in re Verri similis fuero: non magis mihi deerit inimicus: quam Verri defuit. etenim Iudices eiusmodi Respu. debet esse: & erit, ueritate iudiciorum constituta: ut inimicus neq; deesse nocenti possit: neq; obesse innocenti. quapropter nulla res est: quamobrem ego istum nolim ex paternis probris, ac uicijs emergere: id, quod tamen si isti difficile est: tamen haud scio an fieri possit: praesertim si (ut nunc sit) custodes amicorum eum sectabuntur: quonia pater tam negligens, ac dissolutus est. Verum huc longius, quam uoluntas fuit, ab epistola Timarchidis digressa est oratio mea. qua recitata, conclusurum me esse crimen decumarum dixeram: ex quo intellexistis innumerabilem frumenti numerum per triennium auersum à Rep. esse: abreptumq; aratoribus. Sequitur, ut de frumento empto uos Iudices doceam, maximo, atq; impudentissimo furto: de quo dum certa, & pauca, et magna dicam breuiter: attendite. Frumentum emere in Sicilia debuit Verres ex Senatus consulto, & ex lege Terentia, & Cassia frumentaria. Emundi duo genera fuerunt: unum certarum decumarum: alterum quod praeterea ciuitatibus aequaliter esset distributum. illius decumani tantum, quantum ex primis decumis fuisset tritici mod. DCCC millia: premium autem constitutum decumano in mod. singulos HS ternos: imperato, HS IIII. ita in frumentum imperatum, HS duodetriches in annos singulos Verri decernebatur: quod aratoribus solueret: in alteras decumas ferme ad nonagies. sic per triennium ad hanc frumenti emptionem Siciliensem propè centies & tricies erogatum est. Hanc pecuniam tantam, datam tibi ex aerario inopi, atq; exhausto, datam ad frumentum, hoc est, ad

hoc est ad necessitatem salutis, & uitæ, datam ut Siculis  
aratoribus, quibus tanta onera Respublicæ imponeret: soluere-  
tur: ab te sic laceratam esse dico: ut possim illud proba-  
re, si uelim: omnem te hanc pecuniâ domum tuam auer-  
tisse. etenim sic hanc rem totam administrasti: ut hoc, quod  
dico, probari æquissimo iudici possit. sed ego habebo ra-  
tionem authoritatis meæ: meminero, quo animo, quo con-  
silio ad causam publicam accesserim: nõ agam tecum ac-  
cusatorie: nihil fingam: nihil probari uelim me dicente:  
quod non ante mihi met ipsi probatum sit. In hac pecu-  
nia publica Iudices hæc insunt tria genera furtorum.  
primum eam, cum posita esset apud eas societates, unde  
erat attributa: binis centesimis fœneratus est. deinde per  
multis ciuitatibus pro frumento nihil soluit omnino.  
postremo si cui ciuitati soluit, tantum detraxit: quan-  
tum commodum fuit: nulli, quod debitum est, reddidit.  
Ac primum hoc ex te quero. tu cui Publicani ex Ar-  
pinati literis gratias egerunt: pecunia publica ex æra-  
rio erogata, ex uectigalibus populi Romani ad emendum fru-  
mentum attributa, fuerit ne tibi quæstui? pensitarit ne  
tibi binas centesimas? credo te negaturum. turpis enim  
est, et periculosa confessio. mihi autem hoc per arduum  
est demonstrare. quibus enim testibus? publicani tracta-  
ti honorifice sunt: tacebunt. literæ eorum decreto Deci-  
manorum remotæ sunt. quæ me igitur uertam? rem tam  
improbam, crimen tantæ audaciæ, tantæq; impuden-  
tiæ, propter inopiam testium, ac literarum prætermit-  
tam? non faciam Iudices: utar teste: quo? P. Vectio Chi-  
lone homine equestris ordinis honestissimo, atq; ornatissi-  
mo: qui isti ita amicus, et necessarius est: ut etiam si uir  
bonus non esset: tamen quod contra istum diceret: gra-



ne uideretur. ita uir bonus est: ut etiam si inimicissimus isti esset: tamen eius testimonio credi oporteret. admiratur: & expectat, quidnam Vectius dicturus sit. nihil dicet ex tempore: nihil ex sua uoluntate: nihil, cum utrū uis, licuisse uideatur. misit in Siciliam literas ad Carpinatum, cum esset magister scripturæ, & sex Publicanorum. quas ego Syracusis apud Carpinatum in literarum allatarum libris, Romæ in literarum missarum apud magistrum Tullium familiarem tuum inueni. quibus ex literis impudentiam foenerationis quæso cognoscite. LITERAE MISSAE L. VECTII, L. SERVILII, C. ANTISTITIS MAGISTRORVM. Præsto se tibi ait futurum Vectius: & obseruaturum quemadmodum rationes ad ærarium referas: ut si hanc ex fœnore populo pecuniam non retuleris: reddas societati. Possumus hoc teste, possumus P. Seruili, & C. Antistitis magistrorum primorum hominum, atq; honestissimorum, possumus auctoritate societatis, cuius literis utimur: quod dicimus obtinere. an aliqua firmitura, aut grauiora querenda sunt. Vectius tuus familiarissimus, Vectius tuus affinis, cuius sororem habes in matrimonio: tuæ frater uxoris Vectius, frater tui Quæstoris, impudicissimum tuum furtum, certissimumq; peculatum, nam quo alio nomine pecuniæ publicæ fœneratio est appellanda. \* Recita, reliqua. Scribam tuum dicit Verres huius perscriptorem fœnerationis fuisse. ei quoq; Magistri nuntantur in literis. & casu Scribæ tum duo Magistri fuerunt. cum Vectio binas centesimas ab se ablatas ferendum non putant. & recte non putant. quis enim hoc fecit unquam? quis deniq; conatus est facere? aut posse.

fieri cogitauit: ut cum senatus publicanos usura sepe  
inuisset: magistratus à Publicanis pecuniam pro usuris  
auderet auferre. Certe huic homini spes nulla salutis  
esset: si Publicani, hoc est si Equites Ro. iudicaret. Mi-  
nor esse cura nunc Iudices nobis disceptantibus debet:  
et tanto minor: quanto est honestus alienis iniurijs, quam  
re sua commoueri. Quid ad hæc respondere cogitas?  
uirum factum negabis? an tibi hoc licitum esse defen-  
des? negare qui potes? an ut tanta auctoritate literarū,  
tot testibus Publicanis conuincere? licuisse uero qui? si me  
hercule te tuam pecuniam non populi romani in prouin-  
cia fœneratum docerem: tamen effugere non posses.  
sed publicam, sed ob frumentum decretam, sed à Publi-  
canis fenore accepto: hoc licuisse cuiquam probabis? quo  
non modo cæteri, sed ipse nihil audacius improbiusq; fe-  
cisti. non mehercule hoc, quod omnibus singulare uide-  
tur: de quo mihi deinceps dicendum est: possum Iudices  
dicere audacius esse: aut impudentius: quod permultis  
ciuitatibus pro frumento nihil soluit omnino. maior hæc  
præda fortasse est: sed illa impudētia certe non minor.  
Et quoniam de illa feneratione satis dictum est: nunc  
de hac tota pecunia auersa quæso cognoscite. Siciliae  
ciuitates multæ sunt Iudices, ornatae, atque honestæ. ex  
quibus in primis numeranda est ciuitas Halesina. nul-  
lam enim reperietis aut officijs fideliozem: aut copijs lo-  
cupletiozem: aut auctoritate grauiorem. Huic iste an-  
nos singulos cum sexaginta tritici millia modiu impet-  
rauisset: pro tritico nummos abstulit: quanti erat in Si-  
cilia triticum: quos de publico nummos acceperat, reti-  
nuit omnes. Obstupui Iudices: cum hoc mihi primum  
Halesæ demonstrauit in Senatu Halesinorum homo

*summo ingenio, summa prudentia, summa auctoritate*  
*præditus Halesinus Aenias: cui Senatus dederat publi-*  
*ce causam: ut mihi, fratriq; meo gratias ageret: & si-*  
*mul, qui nos ea, quæ ad iudicium pertinerent: doceret,*  
*demonstrat hanc istius consuetudinem, ac rationem fuis-*  
*se: cum omnis frumenti copia decumarum nomine*  
*penes istum esset redacta: solitum esse istum pecuniam*  
*cogere à ciuitatibus: frumentum improbare: quantum*  
*frumenti Romam esset mittendum: tantum de suo que-*  
*stu, ac de sua copia frumenti mittere. posco rationes: in-*  
*spicio literas: uideo frumenti granum Halesinos, quibus*  
*LX millia modium imperata erant: nullum dedisse:*  
*pecuniam Volcatio, Timarchidi, Scribæ dedisse. reperio*  
*genus huiusmodi Iudices prædæ: ut prætor, qui fru-*  
*mentum emere debebat: non emat: sed uendat: pecunias,*  
*quas ciuitatibus distribuere debebat: eas omnes auertat:*  
*atq; auferat. non mihi iam furtum, sed monstrum, ac*  
*prodigium uidebatur. ciuitatum frumentum improba-*  
*se: precium ei frumento constituere: quod constituisset, id*  
*ciuitatibus auferre: quod à populo Ro. accipisset, tenere,*  
*quot uultis esse in uno furto peccatorum gradus? ut si*  
*singulis insistere uelim: progredi iste non posset. Impro-*  
*bas frumentum Siculum. quid? ipse quod mittis? pe-*  
*culiare habes aliquam Sicaliam: quæ tibi ex alio ge-*  
*nere frumentum suppeditare possit? cum Senatus decer-*  
*nit: ut ematur in Sicilia frumentum: aut populus iubet:*  
*hoc, ut opinor, intelligit: ex Sicilia Siculum frumentum*  
*apportari oportere. tu cum ciuitatum Sicalie uulgo omne*  
*frumentum improbas: num ex Aegypto, aut ex Syria*  
*frumentum Romam mittis? improbas Halesinum, Ce-*  
*phaleditanum, Thermitanum, Amestratinum, Tynda-*

ritanum, Herbitense, multarum præterea ciuitatum: quid accidit tamen: ut horum populorum agri frumentum eiusmodi te prætorē ferrent: quod nunquam antea neq; tibi, neq; populo Ro. posset probari. præsertim cum ex iisdem agris, eiusdemq; anni frumentum ex decumis Romam mancipēs aduexissent. quid acciderat? ut ex eodem horreo decumanum probaretur: emptum non probaretur? dubium ne est? quin ista omnis improbatio cogendæ pecuniæ causa nata sit? esto: improbas Halesinum: habes ab alio populo quod probes. eme illud: quod placet: missos fac eos: quorum frumentum improbasti. sed ab ijs quos repudias: exigis tantum pecuniæ: quantum ad eum numerum frumenti satis sit: quem ciuitati imperas. dubium est quid egeris? in medimna singula uideo ex literis publicis tibi Halesinos HS quinque denos dedisse. ostendam ex tabulis locupletissimorum aratorum, eodem tempore neminem in Sicilia plus frumentum uendidisse. quæ ergo ista ratio? aut quæ potius amentia? frumentum improbare id, quod ex eo loco sit: ex quo Senatus, et populus Ro. emi uoluerit: ex eo acruo: ex quo partem tu idem decumarum nomine probaris. deinde à ciuitatibus pecunias ad emendum frumentum cogere: cum ex ærario acceperis. utrum te lex Terentia Siculorum pecunia frumentum emere à Siculis, an populi Ro. pecunia frumentum ab Siculis emere iussit? Iam uero ab isto, omnem illam ex ærario pecuniam, quam his oportuit ciuitatibus pro frumento dari: lucrifactam uidetis. accipis enim HS XV promedimno. tanti enim est illo tempore medimnum. retines HS XII. tanti enim est frumentum Siciliense ex lege æstimatum. Quid interest, utrum hoc feceris? an frumen-



tum non improbaris? sed frumento probato, & accip-  
 pto, pecuniam publicam tenueris omnem? neq; quicquā  
 ulli dissolueris civitati? cum aestimatio legis eiusmodi sit:  
 ut cæteris temporibus tolerabilis Siculis, te prætorē etiā  
 grata esse debuerit. est enim modius lege HS III aesti-  
 matus: fuit autem te prætorē, ut tu in multis epistolis ad  
 amicos tuos gloriaris: HS II. sed fuerit HS III:  
 quoniam tu tantum à civitatibus in modios singulos exe-  
 gisti. cum, si solueres siculis tantum, quantum te Popu-  
 lus Ro. iusserat: aratoribus fieri gratissimum posset: tu  
 non modo eos accipere, quod oportebat noluisti: sed etiam  
 dare, quod non debebant: coegisti. Atq; hæc ita gesta esse  
 iudices cognoscite ex literis publicis civitatum, et ex te-  
 stimonijs publicis: in quibus nihil fictum, nihil ad tem-  
 pus accommodatum intelligatis. omnia quæ dicimus: ra-  
 tionibus populorū non interpositis, neq; perturbatis, neq;  
 repentinis, sed certis, institutis, ordine relata, atq; conse-  
 cta sunt. Recita rationes Halesinorum. cui pecu-  
 niam datam dicit: dic, dic etiam clarius. VOLCA-  
 TIO, TIMARCHIDE, MEVIO. Quid est  
 Verres? ne illam quidem tibi defensionem reliquam feci-  
 sti: manipes in istis rebus esse uersatos: manipes frumē-  
 tum improbasse: manipes precio cum civitatibus decadi-  
 se: & eosdem abs te illarum civitatum nomine pecunias  
 abstulisse: deinde ipsos sibi frumentum coemisse: nihil hæc  
 ad te pertinere. mala mehercule, ac misera defensio: Præ-  
 torem hoc dicere: ego frumentum neq; attigi: neq; aspexi:  
 mancipibus potestatem probandi, improbandiq; permi-  
 si: manipes à civitatibus pecunias extorserunt: ego au-  
 tem quā pecuniā populis dare debui: mancipibus de-  
 di. mala est hæc quidem, ut dixi, defensio criminis. sed

tamen hac ipsa tibi, si uti cupias: non licet. uetat te Volat-  
tus tuæ, tuorumq; deliciae, mentionem mancipis facere.  
Timarchides autem columen familiae uestræ premit fau-  
ces defensionis tuæ: cui simul, & Volatio pecunia à ciui-  
tate numerata est. Iam uero Scriba tuus annulo aureo  
suo, quem ex his rebus inuenit: ista te ratione uti non si-  
net. Quid igitur est reliquum? nisi uti fateare: te Romæ  
frumentum emptum Siculorum pecunia misisse: publi-  
cam pecuniam domum tuam conuertisse. O consuetudo  
peccandi, quantam habes iucunditatem in improbis, &  
audacibus: cum pœna absuit: & licentia consecuta est.  
Iste in hoc genere peculatus non nunc primum inueni-  
tur: sed nunc demum tenetur. uidimus huic ab ærario  
pecuniâ numerari Quæstori ad sumptum exeratus Con-  
sularis: uidimus paucis post mensibus, & exeratum, &  
Consulem spoliatum. illa omnis pecunia latuit in illa ca-  
ligine, ac tenebris: quæ totam Remp. tum occupauerat.  
iterum gessit hæreditariam Quæsturam cum Dolobel-  
la: magnam pecuniam auertit. sed eius rationem cum  
damnatione Dolobellæ permiscuit. commissa est pecunia  
tanta prætori: non reperietis hominem timide, nec leui-  
ter, hæc improbissima lucra ligurientem: deuorare o-  
mnem pecuniam publicam non dubitauit. Ita serpit il-  
lud insitum in natura malum consuetudine peccandi li-  
bera: finem ut audaciæ statuere ipse sibi non possit. te-  
netur igitur aliquando: & in rebus tum maximis, tum  
manifestis tenetur. Atq; in eam fraudem mihi uidetur di-  
uinitus incidisse: non solum ut eas pœnas, quas proxima  
meruisset: solueret: sed ut illa etiam scelera eius in Car-  
bonem, & in Dolobellam uindictarentur. Etenim noua  
quoq; alia res extitit Iudices in hoc crimine: quæ tollat

omnem dubitationem superioris illius Decumani crimē  
 nis. nam ut illud missum faciam: permultos aratores in  
 alteras Decumas, & in hæc DCCC millia modiorum:  
 quod emptum populo Ro. darent, non habuisse: sed à tuo  
 procuratore, hoc est ab Apronio, emisse: ex quo intelligi  
 potest: nihil te aratoribus reliqui fecisse: ut hoc præter-  
 eam: quod in multis est testimonijs expositum: potest illo-  
 quicquam esse certius: in tua potestate, atq; in tuis hor-  
 reis omne frumentum Siciliæ per triennium, atq; omnes  
 fructus agri decumani fuisse? Cum enim à civitatibus  
 pro frumento pecuniam exigebas: unde erat frumen-  
 tum quod Romam mitteres? si tu id non omne clausum,  
 & compressum possidebas? I taq; in eo frumento primus  
 tibi ille quæstus fuit, ipsius frumenti: quod erat ereptum  
 ab aratoribus. alter, quod id frumentum improbissima  
 partum, non semel, sed bis, neq; uno, sed duobus pre-  
 cijs unum, & idem frumentum uendidisti: seniel civitati-  
 bus HS XV in medimnum: iterum populo Ro. à quo  
 HS XXI in medimna pro eodem illo frumento ab-  
 stulisti. At enim frumentum Centuripinorum, et Agri-  
 gentinorum, & nonnullorum fortasse præterea pro-  
 basti: & his populis pecuniam dissolvisti. Sint aliquæ  
 civitates in eo numero: quarum frumentum improbare  
 nolueris: quid tandem? his civitatibus omnis ne pecunia,  
 quæ pro frumento debita est: dissoluta est? unum mihi  
 repperi, non populum, sed aratorē: uide: quære: arcun-  
 spice: si quis forte est, ex ea provincia, in qua tu trien-  
 nium præfuisse: qui te nolit perisse. unum inquam da  
 mihi ex illis aratoribus: qui uel ad statuam pecuniam  
 contulerunt: qui sibi dicat pro frumento omne esse, quod  
 oportuerit solutum. confirmo Iudices, neminē esse dictu-

rum. ex omni pecunia quam aratoribus soluere debui-  
sti:certis nominibus deductiones fieri solebant:primum  
pro spectatione,et collybo:deinde pro nescio quo cerar-  
io.hæc omnia Iudices non rerum certarum,sed furto-  
rum improbissimorum sunt uocabula . nam collybus  
esse quipotesť cum utantur omnes uno genere nummo-  
rum:cerarium uero quid uocas? quomodo hoc nomen ad  
rationes magistratus? quomodo ad pecuniam publicam  
allatum est?nam illud genus tertium deductionis erat  
eiusmodi:quasi non modo liceret:sed etiam oporteret:nec  
solum oporteret:sed plane' necesse esset . Scribæ nomine  
de tota pecunia, binæ quinquagesimæ detrahebantur.  
quis tibi hoc concessit? quæ lex? quæ Senatus auctoritas?  
quæ porro' æquitas?ut tantam pecuniam Scriba tuus au-  
ferret,sive de aratorum bonis,sive de populi Ro.uecti-  
galibus?nam si potest ista pecunia sine aratorum iniuria  
detrahi:populus Ro.habeat:præsertim in tantis ærarij  
angustijs. Sin autem & populus id uoluit:& æquū ita  
est,solui aratoribus:tuis apparitor parua mercede po-  
puli conductus,de aratorum bonis prædabitur? & in  
hac causa Scribarum ordinem in me concitabit Horten-  
sius? & eorum commoda à me labefactari,atque oppu-  
gnari iniuria dicet?quasi uero hoc Scribis ullo exem-  
plo sit,aut ullo iure concessum? Quid ego uetera repe-  
tam? aut quid eorum Scribarum mentionem faciam?  
quos constat sanctissimos homines , atque innocen-  
tissimos fuisse?non me fugit Iudices:uetera exempla pro  
fictis fabulis iam audiri:atq; haberi.in his temporibus  
uersabor miseris,ac perditis.Nuper Hortensi Quæstor  
fuiſti. quid tui Scribæ fecerint,tu potes dicere. Ego de  
meis hoc dico:cum in eadem ista Sicilia pro frumento



ciuitatibus pecuniam soluerem: & mecum duos frugalis-  
 simos homines scribas haberem, L. Manulium, &  
 L. Sergium: non modo istas duas quinquagesimas, sed  
 omnino nummum nullum cuiquam esse deductum.  
 dicerem, hoc mihi totum esse attribuendum Iudices: si  
 illi unquam à me hoc postulassent: si unquam omnino  
 cogitassent. quamobrem enim scriba deducat: ac non  
 potius multo, qui adduxerit, tabellarius? cuius aduen-  
 tu certiores facti, petuerunt: præco, qui abire iussit.  
 uiator, ac Venerius qui fiscum sustulit: quæ pars ope-  
 ræ aut opportunitatis in scriba est? cui rei, non modo  
 merces tanta detur: sed cur cum eo tantæ pecuniæ par-  
 titio fiat. ordo est honestus. quis negat? aut quid ea res  
 ad hanc rem pertinet? est uero honestus: quod eorum  
 hominū fidei tabulæ publicæ, periculaq; magistratuum  
 committuntur. itaq; ex his scribis, qui digni sunt illo  
 ordine: patribus familias, uiris bonis, atq; honestis, per-  
 cunctamini quid sibi istæ quinquagesimæ uelint: iam  
 omnes intelligetis nouam rem totam atq; indignam ui-  
 deri. ad eos me scribas reuoca, si placet: noli hos colli-  
 gere, qui numulis corrogatis de nepotum bonis, ac de  
 scenicorum corollaris, cum decuriam euerunt: ex pri-  
 mo ordine explosorum, in secundum ordinem ciuita-  
 tis se uenisse dicunt. eos scribas tecum disceptatores hu-  
 ius criminis habeo: qui istos scribas esse moleste ferūt.  
 tamen si, cum in eo ordine uideamus esse multos non ido-  
 neos: qui ordo industriæ propositus est, & dignitati: mi-  
 rabimur turpes aliquot in eo esse? quo cuius licet pre-  
 cio peruenire? tu ex pecunia publica HS tredecies scri-  
 bam tuum permissu tuo cum abstulisse fateare: reli-  
 quam tibi ullam defensionem putas esse? hoc ferre quem

quam posse? hoc quenquam deniq; nunc tuorum aduocatorum animo æquo audire arbitrare? qua in ciuitate C. Catoni clarissimo uiro, Consulari homini HS VIII millibus lis æstimata sit: in eadem ciuitate apparitori tuo esse concessum: ut HS uno nomine terdecies auferret? hinc ille est annulus aureus: quo tu istum in concione donasti. quæ tua donatio singulari impudentia prædita noua Siculis omnibus, mihi uero incredibilis uidebatur. sæpe enim nostri Imperatores superatis hostibus, optime Rep. gesta, Scribas suos annulis aureis in concione donarunt. tu uero quibus rebus gestis, quo hoste superato, concionē donandi causa aduocare ausus es? neq; enim solum Scribam tuum annulo, sed etiam uirum fortissimum, ac tui dissimulimum, Q. Rubrium excellenti uirtute, auctoritate, copijs, corona, & phaleris, & torque donasti: M. Cossutium sanctissimum uirum, atq; honestissimum: M. Castritium summo splendore, ingenio, gloria præditum. quid hæc sibi horum trium ciuium Ro. dona uoluerunt? Siculos præterea potentissimos, nobilissimosq; donasti. qui non, quæ admodum sperasti, tardiores fuerunt: sed ornatiores tuo iudicio ad testimonia dicenda uenerunt. quibus ex hostium spolijs? de qua uictoria? qua ex præda, aut manubijs, hæc abs te donatio constituta est? an quod te prætorē, paucorum aduentu myoparonum, classis pulcherrima Siciliæ propugnaculum, præsidiumq; provinciae, piratarum manibus incensa est? an quod ager Syracusanus prædonum incendijs te prætorē uastatus est? an quod forū Syracusanū nauarchorum sanguine redūdauit? an quod in portu Syracusano piraticus myoparo nauigauit? nihil possum reperire: quāobrem te in istam amen-

tiam inadisse arbitrer. nisi forte id egisti: ut hominibus ne obliuisci quidem rerum tuarum male gestarum liceret. annulo est aureo Scriba donatus: & ad eam donationem concio est aduocata. quod erat os tuum? cum uidebas in concione eos homines: quorum ex bonis iste annulus aureus donabatur: qui ipsi annulos aureos posuerant: liberisq; suis detraxerant: ut esset unde Scriba tuus hoc tuum munus, ac beneficium tueretur? quæ porro præfatio tuæ donationis fuit? illa scilicet uetus, atq; Imperatoria: quando tu quidem in prælio, in bello, in re militari: cuius ne mentio quidem te prætore ulla facta est. an illa? quando quidem tu nulla unquam mihi in cupiditate, ac turpitudine defuisti: omnibusq; in iisdem flagitijs mecum, & in legatione, et in Prætura, & hic in Sicilia uersatus es: ob hæc res: quoniam te locupletavi: hoc annulo aureo dono. Vera hæc fuisset oratio. non enim iste annulus aureus abs te datus, istum uirum fortem, sed hominē locupletem esse declarat. Ita eundem annulum ab alio datum testem uirtutis duceremus: abs te donatum comitem pecuniæ Iudicamus. Dictum Iudices est de Decumano frumento: dictum de empto: extremum & reliquum est, de æstimate. quod tum magnitudine pecuniæ, tum iniuriæ genere, quemuis debet commouere: te uero eo magis: quæ ad hoc crimen non ingeniosa aliqua defensio, sed improbissima confessio comparatur. Nam cum ex Sicilia & ex legibus frumentum ei in cellā sumere liceret: idq; frumentum Senatus ita æstimasset: quaternis HS tritici modium: binis, hordei: iste numero ad summam tritici adiecto, tritici modios singulos cum aratoribus denarijs ternis æstimauit. Non est in hoc crimen Hortensius ne

forte ad hoc meditare: multos sæpe viros bonos, & fortes, et innocentes, cum aratoribus, et cum ciuitatibus frumentum in cellam quod summi oporteret, aestimasse: & pecuniam pro frumento abstulisse. scio quid soleat fieri: scio quid liceat: nihil quod antea fuerat in consuetudine bonorum: nunc in istius facto reprehenditur: hoc reprehendo: quod cum in Sicilia HS II tritici modius esset: ut istius epistola ad te missa declarat: summum HS ternis: id quod & testimonijs omnibus, & tabulis aratorum planum factum antea est: tum iste pro tritici modijs singulis, ternos ab aratoribus denarios exegit. Hoc crimen est: ut intelligas non ex aestimatione: neq; ex ternis denarijs pendere crimen: sed ex coniunctione annonæ: atq; aestimationis. Etenim hæc aestimatio nata est Iudices initio non ex Prætorum, aut Consulum, sed ex aratorum, atq; ciuitatum commodo. nemo enim fuit initio tam impudens: qui, cum frumentum deberetur: pecuniam posceret. certe hoc ab aratore primum est profectum: aut ab ea ciuitate, cui imperabatur. cum aut frumentum uendidisset: aut seruare uellet: aut in eum locum, quo imperabatur: frumentum portare noller: petiit in beneficij loco, & gratiæ: ut sibi pro frumento, quanti frumentum esset, dare, liceret. Ex huiusmodi principio, atq; ex liberalitate, atq; accommodatione magistratuum consuetudo aestimationis introducta est. Secreti sunt auariores magistratus: qui tamen in auaricia sua non solum uiam quæstus inuenerunt: uerum etiam exitum, ac rationem defensionis instituerunt. semper ad ultima, ac difficillima loca apportandum frumentum imperare: ut uecturæ difficultate ad quam uellent aestimationem peruenirent. In hoc genere facilius est exi-



estimatio, quàm reprehensio. ideo quod eum, qui hoc faci-  
 cit: auarum possumus existimare: crimen in eo constitue-  
 re, non tam facile possumus. quod uidetur concedendum  
 magistratibus nostris esse: ut is, quo loco uelint, frumen-  
 tum accipere liceat. itaque hoc est, quod multi fortasse fe-  
 cerunt: et ita multi, ut ij quos innocentissimos memini-  
 mus, aut audiuius: non fecerint. Quæro nunc à te  
 Hortensi: cum utris tandem istius factum collocaturus  
 es? cum is credo: qui benignitate adducti per benefi-  
 cium, et gratiam ciuitatibus concesserunt: ut nummos  
 pro frumento darent. Ita credo: petisse ab isto aratores:  
 ut cum HS ternis tritici modium uendere non possent:  
 pro singulis modijs, ternos denarios dare liceret. an quo-  
 niam hoc non audes dicere: illuc confugies? uecturæ  
 difficultate adductos, ternos denarios dare maluisse. tu  
 ius uecturæ? quo ex loco? in quem locum ne portaret?  
 Philomelo ne Ephesum? uideo qd inter annonam inter-  
 esse soleat: uideo quot dierum uia sit: uideo Philomelē-  
 sibis expedire quanti Ephesit frumentum: tantum da-  
 re potius in Phrygia: quàm Ephesum portare: aut ad-  
 emendum frumentum Ephesum pecuniam, et Legatos  
 mittere. In Sicilia uero quid eiusmodi? Enna Mediter-  
 ranea est maxime. cogit ut ad aquam tibi, id quod sum-  
 mi iuris est: frumentum Ennenses metantur, uel Plu-  
 tiam, uel Halesam, uel Catinam, loca inter se maxi-  
 me diuersa: eodem die, quo iusseris, deportabunt. tam-  
 etsi ne uectura quidem opus est. nam totus quæstus hic  
 Iudices aestimationis, ex annonæ natus est uarietate. hoc  
 enim magistratus in prouincia assequi potest: ut ibi acci-  
 piat: ubi est carissimum. ideo ualet ista ratio aestimatio-  
 nis in Asia: ualet in Hispania: ualet in his prouincijs:

in quibus unum precium frumento esse non solet. in  
Sicilia uero quid cuiusquam intererat, quo loco daret?  
neq; enim portandum erat: & quo quisq; uehere iussus  
esset: ibi tantidem frumentum emeret: quanti domu uen-  
didisset. quamobrem si quid Hortensi docere uis, ali-  
quid ab isto simile aestimatione, atq; à cæteris esse factū:  
doceas oportet, aliquo in loco Siciliae prætoris Verre ter-  
nis denarijs tritici modium fuisse. uide quam tibi defen-  
sionem patefecerim: quā iniquam in socios, quā re-  
motam ab utilitate reipublicæ, quā seiunctam à  
uoluntate, atq; sententia legis. tu, cum tibi ego frumen-  
tum in meis agris, atq; in mea ciuitate, deniq; cum in ijs  
locis, in qbus es: uersaris: re geris: provinciam administras:  
paratus sim dare: angulum mihi aliquem eligas provin-  
ciæ, reconditum, ac derelictum? iubeas ibi me metiri:  
quo portare: non expediat? ubi emere non possum? im-  
probum facinus Iudices: non ferendum: nemini lege cō-  
cessum: sed fortasse adhuc in nullo etiam uindictum. ta-  
men ego hoc, quod ferri nego posse: Verri Iudices conce-  
do: & largior. si ullo in loco eius provinciae frumen-  
tum tanti fuit: quanti iste aestimauit: hoc crimen in istum  
reum ualere oportere non arbitror. Verum enim uero,  
cum esset HS, binis, aut etiam ternis quibus uis in lo-  
cis provinciae: duodenos sextertios exegisti. si mihi tecū  
neq; de annona, neq; de aestimatione tua potest esse con-  
trouersia: quid sedes? quid expectas? quid defendes?  
utrum tibi pecuniae conciliatae uidentur aduersum leges,  
aduersum Remp. cum maxima sociorum iniuria? an  
uero id recte ordine, è Rep. sine cuiusquam iniuria, fa-  
ctum esse defendes? cum tibi Senatus ex aerario pecu-  
niam prompsisset: & singulos tibi denarios adnumerasset.

set: quos tu pro singulis modijs aratoribus solueres: quid  
 facere debuisti? si quod L. Piso ille frugi: qui legem de pe-  
 cunijs repetundis primus tulit: cum emisses quanti esset:  
 quod superaret pecuniæ, retulisses. si ut ambitiosi ho-  
 mines, aut benigni: cum pluris Senatus aestimasset: quàm  
 quanti esset annona: ex Senatus aestimatione, non ex  
 annonæ ratione soluisses. sin ut pleriq; faciunt: in quo  
 etiam erat aliquis quæstus: sed is honestus, atq; concessus:  
 frumentum, quoniam uilius erat, ne emisses: sumpsis-  
 ses id nummorum: quod tibi Senatus cælle nomine con-  
 cesserat. hoc uero quid est? quam habet rationem, non  
 quero æquitatis, sed ipsius improbitatis, atq; impuden-  
 tiæ? neq; enim est ferè quicquam: quod homines palàm  
 facere audeant in magistratu, quamuis improbi, quin  
 rius facti, si non bonam, at aliquam rationem afferre  
 soleant. hoc quid est? uenit Prætor: frumentum inquit  
 me abs te emere oportet. optime. modum denario. beni-  
 gne, ac liberaliter: nam ego tribus HS, non possum  
 uendere. mihi frumento non opus est: nummos uolo. nā  
 speraueram inquit arator me ad denarios peruenturū:  
 sed si ita necesse est: quanti frumētum sui considera. video  
 esse binis HS. quid ergo à me tibi nummorum dari potest:  
 cum Senatus tibi quaternos nummos dederit? quid pos-  
 sit attendite. Et uos quæso simul Iudices æquitatem præ-  
 toris attendite. quaternos HS, quos mihi Senatus de-  
 creuit: Et ex ærario dedit: ego habebō: et in cistam trās-  
 feram ex fisco. quid postea? quid? pro singulis modijs;  
 quos tibi impero: tu mihi octonos HS dato. qua ratione?  
 qd queris rationē? nō tantam rationē res habet: quantā  
 utilitatem, atq; prædā. dic inquit ille planius. Senatus te  
 uoluit mihi nummos metiri, frumentum dare: tu eos nū-  
 mos quos

mos quos mihi Senatus dare uoluit: ipse habebis? a me, cui singulos denarios dari oportuit: binos aufers? Et huic prædæ, ac direptioni cællæ nomen imponis? hæc deerat iniuria, Et hæc calamitas aratoribus te prætor: qua reliquis fortunis omnibus euerterentur. nam quid esse reliqui poterat ei? qui per hanc iniuriam non modo frumentum omne amittere, sed etiam omne instrumentum uendere cogeretur. quo enim se uerteret non habebat: ex quo fructu nummos quos tibi daret, inueniret? Decumarum nomine tantum erat ablatum: quantum uoluntas tulerat Apronij: pro alteris decumis, emptorq; frumento, aut nihil datum: aut tantum datum quantum reliqui Scriba fecerat: aut ultro etiam, id quod didicisti: ablatum. cogantur etiã nummi ab aratore. quomodo? quo iure? quo exemplo? nam cum fructus diripiebantur aratorum: atq; omni lacerabantur iniuria: uidebatur id perdere arator: quod aratro ipse quæsisset: in quo elaborasset: quod agri, segetesq; extulissent: quibus iniurijs grauissimis tamen illud erat miserum solacium: quod id perdere uidebatur: quod alio prætore, eodem ex agro, reparare posset. nummos uero ut daret arator, quos non aratro, ac manu quærit: boues, Et aratrum ipsum, Et omne instrumentum uendat necesse est. non enim debetis hoc cogitare: habet idem in nummis: habet idem in urbanis prædijs. nam cum aratori onus aliquod imponitur: non omnes, si quæ sunt præterea: facultates, sed arationis ipsius uis, ac ratio consideranda est: quid ea sustinere, quid pati, quid efficere possit: ac debeat. quanquam illi quoq; sunt homines ab isto omni ratione exinaniti, ac perdit: tamen hoc uobis est statuendum: quid aratorem ipsum arationis nomi-



ne muneris in Remp. fungi, ac sustinere uelitis. im-  
 nitis decumas: patiuntur. alteras: temporibus uestris ser-  
 uendum putant. dent emptum præterea: dabunt si uo-  
 letis. Hæc quàm sint grauiæ: & quid his rebus de-  
 tractis possit ad dominos puri, ac reliqui peruenire: cre-  
 do uos ex uestris rebus rusticis coniectura assequi posse.  
 addite nunc eodem istius edicta, instituta, iniurias: ad-  
 dite Apronij, Veneriorumq; seruorum in agro decu-  
 mano regna, ac rapinas: quanquam hæc omitto: de cel-  
 la loquor. placet ne uobis in cellam magistratibus no-  
 stris frumentum sículos gratis dare? quid hoc indi-  
 gnus? quid iniquius? atq; hoc scitote aratoribus hoc præ-  
 tore optandum ac petendum fuisse. Sositenus est Entelli-  
 nus homo cum primis ciuitatis prudens, & domi nobi-  
 lis: cuius uerba audistis: qui ad hoc iudicium legatus pu-  
 blice cum Arthemone, & Menisco primarijs uiris mis-  
 sus est. Is cum in Senatu Entellino multa mecum de istius  
 iniurijs ageret: hoc dixit: si hoc de cella, atq; hac æsti-  
 matione concederetur: uelle sículos Senatui polliceri fru-  
 mentum in cellam gratis: ut post hæc tantas pecunias  
 magistratibus nostris decerneremus. perspicere uos cer-  
 to scio: Siculis quantopere hoc expediat, non ad æquita-  
 tis conditionem, sed ad minima malorum eligenda. Nã  
 qui nulle modium Verri, suæ partis in cellam gratis  
 dedisset: duo millia nummum, aut summum tria dedis-  
 set. idem nunc pro eodem numero frumenti HS VIII  
 millia dare coactus est. hoc arator assequi per trienniu  
 certo fructu suo non potuit: uendiderit instrumentum  
 necesse est. quod si hoc munus, & uectigal aratio tolera-  
 re, hoc est Sicilia ferre, ac pati potest: populo Ro. ferat po-  
 tius: quàm nostris magistratibus. magna est pecunia: ma-

gnum, præclarumq; uectigal. si modo id salua prouin-  
cia, si sine iniuria sociorum perapere possitis: nihil de-  
traho. Magistratibus tantundem detur in cellam: quan-  
tum semper datum est. quod præterea Verres imperat:  
id si facere non possunt: recusent: si possunt: populi Ro.  
potius hoc sit uectigal, quam præda prætoris. deinde cur  
in uno genere solo frumenti ista æstimatio constituitur?  
si est æqua, & ferenda: populo Ro. Sicalia decumas det,  
pro singulis tritici modijs, ternos denarios: sibi habeat  
frumentum. Data tibi pecunia est Verres, una, qua fru-  
mentum tibi emeres in cellam: altera, qua frumentum  
emeres à ciuitatibus: quod Romam mitteres. tibi datam  
pecuniam domi retines: & præterea pecuniam perma-  
gnam tuo nomine aufers. fac idem in eo frumento, quod  
ad populum Ro. pertinet: exige eadem æstimatione pe-  
cuniam à ciuitatibus: et refer quam accepisti. tum refer-  
tius erit ærarium populi Ro. quam unquam fuit. At  
enim istam rem in publico frumento Sicalia non ferret:  
hæc rem in meo frumento tulit. proinde quasi aut æquior  
sit ista æstimatio in tuo, quam in populi Ro. commodo:  
aut ea res, quam ego dico, & ea, quam tu fecisti, inter se  
genere iniuriæ, non magnitudine pecuniæ differat. Ve-  
rum istam ipsam cellam ferre nullo modo possunt, ut  
omnia remittantur: ut omnibus iniurijs, & calamitati-  
bus, quas te prætor tulerunt: in posterum liberentur:  
istam se cellam, atque istam æstimationem negant ullo  
modo ferre posse. Multa Sophocles Agrigentinus apud  
Cn. Pompeium Cons. nuper homo disertissimus, & o-  
mni doctrina, & uirtute ornatissimus protota Sicalia de  
aratorum miserijs grauius, ac copiose dixisse, ac deplo-  
rasse dicitur. Ex quibus hoc, ijs qui aderant (nam ma-

gno conuentu acta res est) indignissimum uidebatur:  
 qua in re Senatus optime, ac benignissime cum arato-  
 ribus egisset: large liberaliterq; aestimasset: in ea re præ-  
 dari prætorem: bonis enerti aratores: & id non modo  
 fieri: sed ita fieri: quasi liceat: concessumq; sit. Quid  
 ad hæc Hortensius? falsum esse crimen? hoc nunquam di-  
 cet. non magnam hac ratione pecuniam captam? ne id  
 quidem dicet. non iniuriam factam Siculis, atq; ara-  
 toribus? qui poterit dicere? quid igitur dicet? fecisse alios?  
 quid est hoc? utrum crimini defensio, an comitatus exi-  
 lio queritur? tu in hac Rep. atq; in hac hominum li-  
 bidine, & ut adhuc habuit se status iudiciorum: etiam  
 licentia, non ex iure, non ex æquitate, non ex lege,  
 non ex eo, quod licuerit: sed ex eo, quod aliquis fece-  
 rit: id, quod reprehenditur, recte factum esse defendes?  
 fecerunt aliqui alia quàm multa. cur in hoc uno crimi-  
 ne isto genere defensionis uteris? sunt quædam omnino  
 in te singularia: quæ in nullum alium hominem dictæ,  
 neq; conuenire possint: quædam tibi cum multis commu-  
 nia. ergo, ut omittam tuos speculatus, ut ob ius dicun-  
 dum pecunias acceptas, ut eiusmodi cætera: quæ forsi-  
 tan alij quoq; etiam fecerint: illud, in quo te grauissime  
 accusauimus: quod ob iudicandam rem pecuniam accepis-  
 ses: eadem ista ratione defendes? fecisse alios? ut ego as-  
 sentiar orationi: defensionem tamen non probabo. po-  
 tius enim te damnato, cæteris angustior locus improbi-  
 tatis defendendæ relinquetur: quàm te absoluto, alij qd  
 audacissime fecerunt: recte fecisse existimentur. lugent  
 omnes prouinciæ: queruntur omnes liberi populi: re-  
 gna deniq; iam omnia de nostris cupiditatibus, & in-  
 iurijs expostulant: locus intra oceanum iam nullus est,

neq; tam longinquus, neq; tam reconditus: quo non per  
 hæc tempora nostrorum hominum libido, iniquitasq;  
 peruasit: sustinere iam populus Ro. omnium nationū  
 non uim, non arma, non bellum, sed luctum, lachry  
 mas, querimonias non potest. in eiusmodi re, ac mori  
 bus, si is qui erit adductus in iudicium, cum manife  
 stis in flagitijs tenebitur: alios eadem fecisse dicit: illi exē  
 pla non deerunt: Recip. salus deerit: si improborum exē  
 plis improbi, iudicio, ac periculo liberabuntur. placene  
 nobis hominum mores? placet ita geri magistratibus, ut  
 geruntur? placet socios sic tractari quod restat: ut per  
 hæc tempora tractatos uidetis? cur hæc à me opera consu  
 mitur? quid sedetis? cur nō in media oratione mea consur  
 gitis: atq; disceditis? Vultis autem istorum audacias, ac  
 libidines aliqua ex parte. resecare? desinite dubitare,  
 utrum sit utilius, propter multos improbos uni parce  
 re: an unius improbi supplicio multorum improbita  
 tem coercere. tamen si quæ ista sunt exempla multorum?  
 nam cum in causa tanta: cum in crimine maximo dici  
 à defensore cœptum est: factitatum esse aliqd: expectant  
 ij qui audiunt exempla ex uetere memoria, & monu  
 mentis, ac literis, plena dignitatis, plena antiquitatis: hæc  
 plurimum solent & authoritatis habere ad probandū:  
 & iucunditatis ad audiendum. Africanos mihi, & Ca  
 tones, & Lelios commemorabis? & eos fecisse idem di  
 ces? quamuis res non placeat: tamen contra hominum  
 authoritatem pugnare non potero. an cum eos non pote  
 ris proferre: hos recentes Q. Catulum patrem, C. Ma  
 rium, Q. Scauolam, M. Scaurum Q. Metellum? qui  
 omnes prouincias habuerunt: & frumentum cellæ no  
 mine imperauerunt: magna est hominum authoritas



prehendi ulla aestimatio: quæ aratori non modo incommoda non est: sed etiam grata est. Sacerdos ut in provinciam uenit: frumentum in cellam imperauit. cum esset ante nouum tritici mod. HS XV: petuerunt ab eo ciuitates ut aestimaret. remissior aliquanto eius fuit aestimatio, quàm annona. nā aestimauit denarijs III. uides eandem aestimationem propter temporis dissimilitudinem, in illo laudis causam habere, in te criminis? in illo beneficij, in te iniuriæ? Eodē tempore Antonius III. denarijs aestimauit post messem, summa in uilitate: cum aratores frumentum dare gratis malebant: & aiebat, se tantidem aestimasse, quanti sacerdotem: neq; mentiebatur: sed eadem ista aestimatione alter subleuaret aratores: alter euerterat. quod nisi omnis frumenti ratio, ex temporibus esset, & annona, non ex numero, neque ex summa considerata: nunquam tam grati hi sesquimodj Q. Hortensi fuissent: quos tu cum ad mensuræ tam exiguā rationem, populo Ro. in capita descripsisses: gratissimum omnibus fecisti. caritas enim annonæ faciebat: ut istuc, quod re paruum uidebatur, tempore magnum uideretur. Idem istuc si in uilitate, populo Ro. largiri uoluisses: derisum tuum beneficium esset, atque contemptum. Noli igitur dicere istum idem fecisse, quod Sacerdotem: quoniam non eo tempore, neq; simili fecit annodicto potius, quoniam habes authorem idoneum: quod Antonius uno aduentu, & uix mensuris abarijs fecerit: id istum per triennium fecisse: & istius innocentiam M. Antonij facto, atq; auctoritate defendito. Nā de Sexquidem Peduceo fortissimo, atq; innocentissimo uiro qd dicitis? de quo quis unquam arator quæstus est? aut qd non ad hoc tempus innocentissimam omnium diligen-

tissimamq; præturam illius hominis existimauit. Bien-  
nio provinciam obtinuit: cum alter annus in uilitate, al-  
ter in summa caritate fuerit: num aut in uilitate num-  
mum arator quisquam dedit? aut in caritate de aestima-  
tione frumenti quæstus est? At uberiora cibaria facta  
sunt caritate. credo: neq; id est nouum, neq; reprehendē-  
dum. modo C. Sentius uidimus hominem uetere illa, ac  
singulari innocentia præditum, propter caritatem fru-  
menti, quæ fuerat in Macedonia: per magnam ex ciba-  
rijs pecuniam deportare. quamobrem non ego inuideo  
tuis commodis: si qua ad te lege uenerunt: iniuriã que-  
ror: improbitatem arguo: auariciam in crimen, et in ius-  
dicium uoco. Quod si suspensiones inijcere uoletis, ad plu-  
res homines, & ad plures provincias crimen hoc perti-  
nere: non ego istam defensionem uestram pertimescam:  
sed me omnium provinciarum defensorem esse profite-  
bor. Etenim hoc dico: & magna uoce dico: ubicunq; hoc  
factum est: improbe factum est: quicunq; hoc fecit: sup-  
plicio dignus est. nam per deos immortales uidete Iudi-  
ces: & prospicite animus quid futurum sit. multi ma-  
gnas pecunias ab inuitis ciuitatibus, atq; ab inuitis ara-  
toribus ista ratione cellæ nomine coegerunt (omnino ego  
neminem uideo, præter istum. sed do hoc uobis: & con-  
cedo, esse multos) in hoc homine rem adductam in iudi-  
cium uidetis. quid facere potestis? utrum cum iudices si-  
tis de pecunia capta, conciliata: tantam pecuniã captam,  
negligere? an cum lex sociorum causa rogata sit: socio-  
rum querimonias non audire? uerum hoc quoq; uo-  
bis remitto: negligite præterita: si uultis: sed ne reliquas  
spes turbetis: atq; omnes provincias euertatis: id proui-  
dete: ne auariciæ, quæ antehac occultis itineribus, atque

angustius uti solebat: auctoritate uestra uia patefaciatis illustrē, atq; latam. nā si hoc probatis: et si hoc licere, pecunias isto nomine capi, iudicatis: certe hoc, quod adhuc nemo nisi improbissimus fecit: posthac nemo nisi stultissimus non faciet. improbi sunt: qui pecunias contra leges cogunt: stulti: qui quod licere iudicatum est: præmittunt. Deinde Iudices uidete: quā infinitam sitis hominibus licentiam pecuniarum eripiendarum daturi. Si ternos denarios qui coegit, erit absolutus: quaternos, denos deniq; aut uicenos coget alius: quæ erit reprehensio? in quo primum iniuriæ gradu resistere incipiet seueritas iudicis? quotus erit iste denarius: qui non sit deferendus? Et in quo primum æstimationis iniquitas, atq; improbitas reprehēdatur? non enim à uobis summa, sed genus æstimationis est comprobatum: neq; hoc potestis iudicare: ternis denarijs æstimare licere. ubi enim semel ab annonæ ratione, et ab aratorum uoluntate res ad prætoris libidinem translata est: non est iam in lege, atque in officio, sed in uoluntate hominum, atq; audacia positus modus æstimandi. Quapropter si uos semel in iudicando finem æquitatis, Et legis transieritis: scitote uos nullum cæteris in æstimando finem improbitati, Et auariciæ reliquisse. uidete igitur quā multa simul à uobis postulentur. absoluite eum: qui se fateatur maximas pecunias cum summa sociorum iniuriæ cœpisse. non satis. sunt alij quoque complures: qui idem fecerint. absoluite etiam illos, si qui sunt: ut uno iudicio quā plurimos impios liberetis. ne id quidem satis est. facite, ut cæteris posthac idem liceat. licebit. at hoc parum est. permittite, ut liceat: quā quisq; uelit, tanti æstimabit. Videtis iam profecto Iudices hac æstimatione

à uobis comprobata, neq; modum post hac auariciæ cuiusquam, neq; poenam improbitatis futuram. Quas ob res quid agis Hortensi? consul es designatus: prouinciā sortitus es: de æstimatione cum dices frumenti: sic te audiemus: quasi id quod ab isto recte factum esse defendes: te facturum profiteri. Et quasi quod isti licitum esse dices: uehementer cupias tibi licere. atqui si id licebit: nihil est, quod putetis quenquam post hac commissurum: ut de pecunijs repetundis condemnari possit. quantam enim quisq; concupierit pecuniam: tantam licebit per cællæ nomen æstimationis magnitudine consequatur. At enim est quiddam: quod etiam si palam in defendendo non dicat Hortensius: tamen ita dicit: ut uos id suspicari, et cogitare possitis: pertinere hoc ad commodum Senatorium: pertinere ad utilitatem eorum, qui iudicent: qui in prouincijs cum potestate, aut cum legatione se futuros aliquando arbitrentur. præclaros uiros existimas iudices nos habere: quos alienis peccatis concessuros putes: quo facilius ipsos peccare liceat. Ergo id uolumus populum romanum, id prouincias, id socios, nationesq; exterarum existimare? si Senatores iudicent: hoc certe unum genus infinitæ pecuniæ per summam iniuriam cogendæ nullo modo posse reprehendi? quod si ita est: quid possumus contra illum prætorem dicere: qui quotidie templum tenet: qui Remp. sistere negat posse: ni ad equestrem ordinem iudicia referantur? quod si ille hoc unum agitare cœperit: esse aliquod genus cogendæ pecuniæ, senatorum commune, et iam propè concessum ordini: quo genere ab socijs maxima pecunia per summam iniuriam auferatur: neq; illud modo Senatorijs iudicijs reprehendi posse: idq; dum equester ordo iudicaret: nunquam esse commissum:



quis obstat? quis erit tam cupidus uestri? tam fautor ordinis? qui de transferendis iudicijs possit recusare? Atque utinam posset aliqua ratione hoc crimen, quamuis falsa, modo humana, atque usitata defendere. minore periculo uestro, minore periculo prouinciarum omnium, iudicaretis. negaret hic aestimatione se usum. uos id credidisse homini, non factum comprobasse uideremini. nullo modo negare potest: urgetur tota Sicilia: nemo est ex tanto numero. aratorum: a quo pecunia cellae nomine non sit exacta. uellem etiam hoc posset dicere: nihil ad se istam rationem pertinere: per quaestores rem frumentariam esse administratam. ne id quidem ei licet dicere: propterea quod ipsius literae recitantur ad ciuitates de ternis denarijs missae. quae est igitur defensio? feci quod arguis: coegi pecunias maximas cellae nomine. sed hoc mihi licuit: uobis, si prospiciatis: licebit. periculosum prouincijs, genus iniuriae confirmari iudicio. perniciosum nostro ordini, populum ro. existimare, non posse eos homines, qui ipsi legibus teneantur: leges in iudicando religiose defendere. Atque isto praetore Iudices non solum aestimandi frumenti modus non fuit: sed ne imperandi quidem. neque enim id quod debebatur: sed quantum commodum fuit: imperauit. Summam faciam uobis ex publicis literis, et testimonijs ciuitatum frumenti in cellam imperati. reperiets quinque. tanto Iudices amplius istum, quam quantum ei in cellam sumere licitum sit: ciuitatibus imperasse. Quid ad hanc impudentiam addi potest? si et aestimauit tanti: ut homines ferre non possent? et tanto plusquam erat ei concessum legibus, imperauit? Quapropter cognita tota re frumentaria Iudices, iam facillime perspicere

potestas, amissam esse populo Ro. Siciliam fructuosissimam, atq; opportunissimam prouinciā: nisi eam uos istius damnatione recuperatis. quid est enim Sicilia? si ei agri cultionem sustuleris? & si aratorum numerum, ac nomen extinxeris? quid enim potest esse in calamitate residui? quod non ad miseros aratores isto prætoris per summam iniuriam ignominiamq; peruenerit? quibus, cum decimas dare deberent: uix ipsis decimæ relictæ sunt: cum pecunia deberetur: soluta non est: cum optima æstimatione Senatus frumentum eos in cellam dare uoluisset: etiam instrumenta agrorum uendere coacti sunt. dixi iam antea Iudices: ut has omnes iniurias tollatis: tamen ipsam rationem arandi spe magis, & incunditate quadam, quàm fructu, atq; emolumento teneri. etenim ad incertum casum, & euentum, certus quot annis labor, & certus sumptus impenditur. annonæ porro præcium, nisi in calamitate fructuum non habet. si autem ubertas in percipiendis fructibus fuit: consequitur uilitas in uendendis: ut aut male uendendum intelligas: si processit: aut male præceptos fructus: si recte licet uendere. Totæ autem res rusticæ eiusmodi sunt: ut eas non ratio, neq; labor, sed res incertissimæ uenti, tempestatesq; moderentur. Hinc cum unæ decimæ lege, & conditione trahantur: alteræ nouis institutis, propter annonæ rationem imperentur: ematur præterea frumentum quot annis publicæ: postremo etiam in cellam magistratibus, & legatis impertitur: quid, aut quantum præterea est? quod aut liberum possit habere ille arator, ac dominus in potestate, suorum fructuum? aut in ipsis fructibus solutum? Quod si hæc feruntur omnia: si uobis potius, ac populo roma-

## IN VERREM

no, quàm sibi, & suis commodis, opera, sumptu, labore  
deserviunt: etiam ne hæc noua debent edicta, & impe-  
ria prætorum, & Apronij dominationem, & Venerio-  
rum seruorum furta, rapinasq; perferre? etiam ne  
frumentum pro empto gratis dare? etiam ne in cel-  
lam, cum cupiant gratis dare ultro, pecuniam gran-  
dem dare? etiam ne hæc tot detrimenta, atque da-  
mna cum maximis iniurijs contumelijsq; perferre?  
Itaque hæc Iudices, quæ pati nullo modo potuerunt:  
non pertulerunt. arationes tota Sicilia desertas, atque  
a' dominis relictas esse cognoscitis: neque quicquam  
aliud agitur hoc iudicio. nisi ut antiquissimi socij, fide-  
lissimiq; Siculi, Coloni populi Ro. atq; aratores, uestra  
seueritate, et diligentia, me duce, atq; authore, in agros,  
atq; in sedes suas reuertantur.

## ACCUSATIONIS IN C. VER-

## REM LIBER VI. ORA-

## TIO IX.

ENIO nunc ad istius, quemadmodum  
 " ipse appellat: studium: ut amici eius:  
 morbum, & insaniam: ut Sicili: latro-  
 cinium. ego quo nomine appellem, ne-  
 scio: rem uobis proponam: uos eam suo nominis ponde-  
 re penditote. genus ipsum prius cognoscite Iudices: de-  
 inde fortasse non magnopere quæretis, quo nomine ap-  
 pellandum putetis. Nego in Sicilia tota, tam locuple-  
 te, tam uetere provincia, tot oppidis, tot familijs, tam  
 copiosis, ullum argenteum uas, ullum Corinthium,  
 aut deliacum fuisse: nego ullam gemmam, aut marga-  
 ritam fuisse: aut quicquam ex auro, aut ebore factum,  
 signum ullum æneum, marmoreum eburneum: nego  
 ullam picturam, neq; in tabulis, neq; textilem fuisse:  
 quin quæsierit: inspexerit: quot placatum sit: abstulerit.  
 magnum uideor dicere. attendite etiam quemadmo-  
 dum dicam. non enim uerbi, neq; criminis causa augē-  
 di complector omnia: cum dico nihil istum eiusmodi re-  
 rum in tota provincia reliquisse: latine me scitote, non  
 accusatorie loqui. etiam planius: nihil in ædibus cuius-  
 quam, ne in oppidis quidem, nihil in locis communi-  
 bus, ne in fanis quidem, nihil apud Siculum, nihil apud  
 ciuem romanum denique istum, quod oculos, animumq;  
 accenderit: neq; priuati, neq; publici, neq; profani, neq;  
 sacri, tota in Sicilia reliquisse. Vnde igitur potius inci-  
 piam? quàm ab ea ciuitate, quæ tibi una in amore, atq;



ne muneris in Remp. fungi, ac sustinere uelitis. impositis decumas: patiuntur. alteras: temporibus uestris seruendum putant. dent emptum præterea: dabunt si uoletis. Hæc quàm sint grauiæ: & quid his rebus detractis possit ad dominos puri, ac reliqui peruenire: credo uos ex uestris rebus rusticis coniectura assequi possedate. addite nunc eodem istius edicta, instituta, iniurias: addite Apronij, Veneriorumq; seruorum in agro decumano regna, ac rapinas: quanquam hæc omitto: de cella loquor. placet ne uobis in cellam magistratibus nostris frumentum sículos gratis dare? quid hoc indignius? quid iniquius? atq; hoc scitote aratoribus hoc prætoris optandum ac petendum fuisse. Sositenus est Entellinus homo cum primis ciuitatis prudens, & domi nobilis: cuius uerba audistis: qui ad hoc iudicium legatus publice cum Arthemone, & Menisco primarijs uiris missus est. Is cum in Senatu Entellino multa mecum de istius iniurijs ageret: hoc dixit: si hoc de cella, atq; hac estimatione concederetur: uelle sículos Senatui polliceri frumentum in cellam gratis: ut post hæc tantas pecunias magistratibus nostris decerneremus. perspicere uos certo scio: Sículos quantopere hoc expediat, non ad æquitatis conditionem, sed ad minima malorum eligenda. Nā qui nulle modium Verri, suæ partis in cellam gratis dedisset: duo millia nummum, aut summum tria dedisset. idem nunc pro eodem numero frumenti HS VIII millia dare coactus est. hoc arator assequi per triennium certo fructu suo non potuit: uendiderit instrumentum necesse est. quod si hoc munus, & uectigal aratio tolerare, hoc est Sicilia ferre, ac pati potest: populo Ro. ferat potius: quàm nostris magistratibus. magna est pecunia: ma-

gnum, præclarumq; uectigal. si modo id salua prouincia, si sine iniuria sociorum percipere possitis: nihil detraho. Magistratibus tantundem detur in cellam: quantum semper datum est. quod præterea Verres imperat: id si facere non possunt: recusent: si possunt: populi Ro. potius hoc sit uectigal, quàm præda prætoris. deinde cur in uno genere solo frumenti ista æstimatio constituitur? si est æqua, & ferenda: populo Ro. Sicilia decumas det, pro singulis tritici modijs, ternos denarios: sibi habeat frumentum. Data tibi pecunia est Verres, una, qua frumentum tibi emeres in cellam: altera, qua frumentum emeres à ciuitatibus: quod Romam mitteres. tibi datam pecuniam domi retines: & præterea pecuniam permagnam tuo nomine aufers. fac idem in eo frumento, quod ad populum Ro. pertinet: exige eadem æstimatione pecuniam à ciuitatibus: et refer quam accepisti. tum referrius erit ærarium populi Ro. quàm unquam fuit. At enim istam rem in publico frumento Sicilia non ferret: hæc rem in meo frumento tulit. proinde quasi aut æquior sit ista æstimatio in tuo, quàm in populi Ro. commodo: aut ea res, quam ego dico, & ea, quam tu fecisti, inter se genere iniuriæ, non magnitudine pecuniæ differat. Verum istam ipsam cellam ferre nullo modo possunt, ut omnia remittantur: ut omnibus iniurijs, & calamitatibus, quas te prætor tulerunt: in posterum liberentur: istam se cellam, atque istam æstimationem negant ullo modo ferre posse. Multa Sophocles Agrigentinus apud Cn. Pompeium Cons. nuper homo disertissimus, & omni doctrina, & uirtute ornatissimus pro tota Sicilia de aratorum miserijs grauius, ac copiose dixisse, ac deplorasse dicitur. Ex quibus hoc, ijs qui aderant (nam ma-

igno conuentu acta res est) indignissimum uidebatur: qua in re Senatus optime, ac benignissime cum aratoribus egisset: large liberaliterq; aestimasset: in ea re prædari prætorem: bonis eueriti aratores: & id non modo fieri: sed ita fieri: quasi liceat: concessumq; sit. Quid ad hæc Hortensius? falsum esse crimen? hoc nunquam dicet. non magnam hac ratione pecuniam captam? ne id quidem dicet. non iniuriam factam Siculis, atq; aratoribus? qui poterit dicere? quid igitur dicet? fecisse alios? quid est hoc? utrum crimini defensio, an comitatus exilio queritur? tu in hac Rep. atq; in hac hominum libidine, & ut adhuc habuit se status iudiciorum: etiam licentia, non ex iure, non ex æquitate, non ex lege, non ex eo, quod licuerit: sed ex eo, quod aliquis fecerit: id, quod reprehenditur, recte factum esse defendes? fecerunt aliqui alia quàm multa. cur in hoc uno crimine isto genere defensionis uteris? sunt quedam omnino in te singularia: quæ in nullum alium hominem dicta, neq; conuenire possint: quedam tibi cum multis communia. ergo, ut omittam tuos peculatus, ut ob ius dicendum pecunias acceptas, ut eiusmodi cætera: quæ forsitan alij quoq; etiam fecerint: illud, in quo te grauissime accusauimus: quod ob iudicandam rem pecuniam accepisses: eadem ista ratione defendes? fecisse alios? ut ego assentiar orationi: defensionem tamen non probabo. potius enim te damnato, cæteris angustior locus improbitatis defendendæ relinquetur: quàm te absoluto, alij quàm audacissime fecerunt: recte fecisse existimentur. lugent omnes prouinciæ: queruntur omnes liberi populi: regna deniq; iam omnia de nostris cupiditatibus, & iniurijs expostulant: locus intra oceanum iam nullus est,

neq; tam longinquus, neq; tam reconditus: quo non per  
 hæc tempora nostrorum hominum libido, iniquitasq;  
 peruasit: sustinere iam populus Ro. omnium nationu  
 non vim, non arma, non bellum, sed luctum, lachry  
 mas, querimonias non potest. in eiusmodi re, ac mori  
 bus, si is qui erit adductus in iudicium, cum manife  
 stus in flagitijs tenebitur: alios eadem fecisse dicit: illi exē  
 pla non deerunt: Reip. salus deerit: si improborum exē  
 plis improbi, iudicio, ac periculo liberabuntur. placent  
 nobis hominum mores? placet ita geri magistratus, ut  
 geruntur? placet socios sic tractari quod restat: ut per  
 hæc tempora tractatos uidetis? cur hæc à me opera consu  
 munt? quid sedetis? cur nō in media oratione mea consur  
 gutis: atq; disceditis? Vultis autem istorum audacias, as  
 libidines aliqua ex parte refecare? desinite dubitare,  
 utrum sit utilius, propter multos improbos uni parce  
 re: an unius improbi supplicio multorum improbita  
 tem coercere. tamen si quæ isti sunt exempla multorum  
 nam cum in causa tanta: cum in crimine maximo dici  
 à defensore coeptum est: factitatum esse aliqd: expectant  
 ij qui audiunt exempla ex uetere memoria, & monu  
 mentis, ac literis, plena dignitatis, plena antiquitatis: hæc  
 plurimum solent & auctoritatis habere ad probandū,  
 & iucunditatis ad audiendum. Africanos mihi, & Ca  
 tones, & Lelios commemorabis? & eos fecisse idem di  
 ces? quamuis res non placeat: tamen contra hominum  
 auctoritatem pugnare non potero. an cum eos non pote  
 ris proferre: hos recentes Q. Catulum patrem, C. Ma  
 rium, Q. Scauolam, M. Staurum Q. Metellum? qui  
 omnes prouincias habuerunt: & frumentum cellæ no  
 mine imperauerunt: magna est hominum auctoritas



Et tanta: ut etiam delicti suspicionem tegere possit: non  
 habes ne ex his quidem hominibus qui nuper fuerunt:  
 nullum autorem istius aestimationis. quo me igitur, aut  
 ad quæ exempla reuocas? ab illis hominibus, qui tum  
 uersati sunt in republica: cum et optimi mores erant:  
 et hominum existimatio grauis habebatur: et iudicia  
 seuera fiebant: ad hanc hominum licentiam, et libidi-  
 nem me abducis? et in quos aliquid exempli populus Ro-  
 statui putat oportere: ab ijs tu defensionis exempla quæ-  
 ris? non fugio ne hos quidem mores: dum modo ex his  
 ea quæ probat populus Ro. exempla: non ea quæ con-  
 demnat, sequamur. non circumspectam: non quæram fo-  
 ris: cum habeas iudices principes ciuitatis, P. Seruilius,  
 Q. Catulum: qui tanta authoritate sunt, tantis rebus ge-  
 stis: ut in illo antiquorum, et clarissimorum hominum,  
 de quibus antea dixi: numero reponantur. exēpla quæ-  
 rimus: et ea non antiqua. modo uterq; horum exerci-  
 tum habuit. quære Hortensi, quoniam te recentia exem-  
 pla delectant: quid fecerint. Ita ne uero? Q. Catulus  
 frumento est usus: pecuniam non coegit: P. Seruilius quin-  
 quennium exercitui cum præesset: et ista ratione inuis-  
 merabilem pecuniam facere posset: non statuit sibi quic-  
 quam licere: quod non patrem suum, non auum Q.  
 Metellum facere uidisset: C. Verres reperietur: qui quod  
 expediat: id licere dicat. quod nemo improbus fecerit:  
 id aliorum exemplo se fecisse defendat. At in Sicilia  
 factitatum est. quæ est ista conditio Siciliae? aer, quæ opti-  
 mo iure propter uetustatem, fidelitatem, propinquitatem  
 eē debet: huic præcipua lex iniuriæ definitur? sed in ista  
 ipsa Sicilia, non quæram exemplum foris: hoc ipso ex  
 consilio utar exemplis: C. Marcellus te apello. Siciliae pro-

uincæ, cum esses pro Consule: præfuit. nunquæ in tuo imperio pecuniæ cellæ nomine coactæ sunt? neq; ego hoc in tua laude pono. alia sunt tua facta, atq; consilia summa laude digna: quibus illam tu prouinciā affictam, & perditam crexisti: atq; recreasti. nam hoc de cella ante Lepidus quidē fecerat: cui tu successisti. Quæ sunt tibi igitur exempla in Sicilia cellæ? si hoc crimen non modo Marcelli factū, sed ne Lepidi quidem potes defendere. An me ad M. Antonij æstimationem frumenti, exactionemq; pecuniæ reuocaturus es? ita inquit: ad M. Antonij. hoc enim mihi significasse, & annuisse uisus est. ex omnibus ne igitur populi romani prætoribus, Consulibus, imperatoribus, M. Antonium delegisti? & eius unum improbißimum factum, quod imitaretur? & hic utrum mihi difficile est dicere? an his existimare? ita se in isto infinito imperio M. Antonium gessisse: ut multo isti perniciosius sit dicere, se in re improbißima uoluisse Antonium imitari: quàm se possit defendere, nihil in uita se M. Antonio simile fecisse. homines in iudicijs ad crimen defendendum, non quid fecerit quispiā, proferre solent: sed quid probarint. Antonium, cum multa contra sociorū salutem, multa contra uoluntatem prouinciarum, & faceret: & cogitaret: in medijs eius iniurijs, & cupiditatibus mors oppressit. tu mihi quasi eius omnia facta, atque consilia Senatus, populiq; romani iudices comprobant: ita Antonij exemplo istius audaciam defendis. At idem fecit Sacerdos. hominem innocentem, & summa prudentia præditum nominas: sed tum idem fecisse erit existimandus: si eodē consilio fecerit. nā genus æstimationis ipsum, à me nunquam est reprehensum. sed eius æquitas, aratorum commodo, & uoluntate perpenditur. non potest re

prehendi ulla aestimatio: quæ aratori non modo incommoda non est: sed etiam grata est. Sacerdos ut in provinciam venit: frumentum in cellam imperavit: cum esset ante novum tritici mod. HS XV: petiverunt ab eo civitates ut aestimaret: remissior aliquanto eius fuit aestimatio, quam annona. nã aestimavit denarius III. vides eandem aestimationem propter temporis dissimilitudinem, in illo laudis causam habere, in te criminis? in illo beneficii, in te iniuriæ? Eodẽ tempore Antonius III. denarijs aestimavit post messem, summa in utilitate: cum aratores frumentum dare gratis malebant: & dicebat, se tantidem aestimasse, quanti sacerdotem: neq; mentiebatur: sed eadem ista aestimatione alter sublevarat aratores: alter everterat. quod nisi omnis frumenti ratio, ex temporibus esset, & annona, non ex numero, neque ex summa consideranda: nunquam tam grati hi sesquimodij Q. Hortensi fuissent: quos tu cum ad mensuræ tam exiguæ rationem, populo Ro. in capita descripsisses: gratissimum omnibus fecisti. caritas enim annonæ faciebat: ut istuc, quod re parvum videbatur, tempore magnum videretur. Idem istuc si in utilitate, populo Ro. largiri noluisses: derisum tuum beneficium esset, atque contemptum. Noli igitur dicere istum idem fecisse, quod sacerdotem: quoniam non eo tempore, neq; simili fecit anno: dicito potius, quoniam habes authorem idoneum: quod Antonius uno adventu, & vix mensuris cibarijs fecerit: id istum per triennium fecisse: & istius innocentiam M. Antony factò, atq; auctoritate defendito. Nã de Sex. quidem Peduceo fortissimo, atq; innocentissimo viro qd dicitis? de quo quis unquam arator questus est? aut qd non ad hoc tempus innocentissimam omnium diligen-

tissimamq; præteram illius hominis existimauit. Bien-  
nio prouinciā obtinuit: cum alter annus in uilitate, al-  
ter in summa caritate fuerit: num aut in uilitate num-  
mum arator quisquam dedit? aut in caritate de aestima-  
tione frumenti quæstus est? At uberiora cibaria facta  
sunt caritate. credo: neq; id est nouum, neq; reprehendē-  
dum. modo C. Sentiu uidimus hominem uetere illa, ac  
singulari innocentia præditum, propter caritatem fru-  
menti, quæ fuerat in Macedonia: per magnam ex ciba-  
rys pecuniam deportare. quamobrem non ego inuideo  
tuis commodis: si qua ad te lege uenerunt: iniuriā que-  
ror: improbitatem arguo: auariciam in crimen, et in iu-  
diciū uoco. Quod si suspensiones inycere uoletis, ad plu-  
res homines, & ad plures prouincias crimen hoc perti-  
nere: non ego istam defensionem uestram pertimescam:  
sed nec omnium prouinciarum defensorem esse profite-  
bor. Etenim hoc dico: & magna uoce dico: ubicunq; hoc  
factum est: improbe factum est: quicunq; hoc fecit: sup-  
plicio dignus est. nam per deos immortales uidete Iudi-  
ces: & prospicite animus quid futurum sit. multi ma-  
gnas pecunias ab inuitis ciuitatibus, atq; ab inuitis ara-  
toribus ista ratione cellæ nomine coegerunt (omnino ego  
neminem uideo, præter istum. sed do hoc uobis: & con-  
cedo, esse multos) in hoc homine rem adductam in iudi-  
cium uidetis. quid facere potestis? utrum cum iudices si-  
tis de pecunia capta, conciliata: tantam pecuniā captam  
negligere? an cum lex sociorum causa rogata sit: socio-  
rum querimonias non audire? uerum hoc quoq; uo-  
bis remitto: negligite præterita: si uultis: sed ne reliquas  
spes turbetis: atq; omnes prouincias euertatis: id prou-  
dete: ne auariciæ, quæ antehac occultis itineribus, atque



angustius uti solebat: auctoritate uestra uia patefaciatis illustre, atq; latam. nã si hoc probatis: et si hoc licere, pecunias isto nomine capi, iudicatis: certe hoc, quod adhuc nemo nisi improbissimus fecit: posthac nemo nisi stultissimus non faciet. improbi sunt: qui pecunias contra leges cogunt: stulti: qui quod licere iudicatum est: præmittunt. Deinde Iudices uidete: quàm infinitam sitis hominibus licentiam pecuniarum eripiendarum daturi. Si ternos denarios qui cogat, erit absolutus: quaternos, denos deniq; aut uicenos coget alius: quæ erit reprehensio? in quo primum iniuriæ gradu resistere incipiet seueritas iudicis? quotus erit iste denarius: qui non sit defendendus? Et in quo primum æstimationis iniquitas, atq; improbitas reprehendatur? non enim à uobis summa, sed genus æstimationis est comprobatum: neq; hoc potestis iudicare: ternis denarijs æstimare licere. ubi enim semel ab annonæ ratione, et ab aratorum uoluntate res ad prætoris libidinem translata est: non est iam in lege, atque in officio, sed in uoluntate hominum, atq; audacia positus modus æstimandi. Quapropter si uos semel in iudicando finem æquitatis, Et legis transieritis: scitote uos nullum cæteris in æstimando finem improbitati, Et auariciæ reliquisse. uidete igitur quàm multa simul à uobis postulentur. absoluite eum: qui se fateatur maximas pecunias cum summa sociorum iniuriæ cœpisse. non satis. sunt alij quoque complures: qui idem fecerint. absoluite etiam illos, si qui sunt: ut uno iudicio quâ plurimos impios liberetis. ne id quidem satis est. facite, ut cæteris posthac idem liceat. licebit. at hoc parum est. permittite, ut liceat: quàm quisq; uelit, tanti æstimabit. Videtis iam profecto Iudices hac æstimatione

à uobis comprobata, neq; modum post hac auariciæ cuiusquam, neq; poenam improbitatis futuram. Quas ob res quid agis Hortensi? consul es designatus: prouinciā sortitus es: de æstimatione cum dices frumenti: sic te audiemus: quasi id quod ab isto recte factum esse defendes: te facturum profiteri. Et quasi quod isti licitum esse dices: uehementer cupias tibi licere. atqui si id licebit: nihil est, quod putetis quenquam post hac commissurum: ut de pecunijs repetundis condemnari possit. quantam enim quisq; concupierit pecuniam: tantam licebit per cællæ nomen æstimationis magnitudine consequatur. At enim est quiddam: quod etiam si palam in defendendo non dicit Hortensius: tamen ita dicit: ut uos id suspicari, Et cogitare possitis: pertinere hoc ad commodum Senatorium: pertinere ad utilitatem eorum, qui iudicent: qui in prouincijs cum potestate, aut cum legatione se futuros aliquando arbitrentur. præclaros uiros existimas iudices nos habere: quos alienis peccatis concessuros putes: quo facilius ipsos peccare liceat. Ergo id uolumus populum romanum, id prouincias, id socios, nationesq; exterarum existimare? si Senatores iudicent: hoc certe unum genus infinitæ pecuniæ per summam iniuriam cogendæ nullo modo posse reprehendi? quod si ita est: quid possumus contra illum prætorem dicere: qui quotidie templum tenet: qui Remp. sistere negat posse: ni ad equestrem ordinem iudicia referantur? quod si ille hoc unum agitare cœperit: esse aliquod genus cogendæ pecuniæ, senatorum commune, Et iam propè concessum ordini: quo genere ab socijs maxima pecunia per summam iniuriam auferatur: neq; illud modo Senatorijs iudicijs reprehendi posse: idq; dum equester ordo iudicaret: nunquam esse commissum:

quis obstat? quis erit tam cupidus uestri? tam fautor or-  
 dinis? qui de transferendis iudicijs possit recusare? Atq;  
 utinam posset aliqua ratione hoc crimen, quamuis fal-  
 sa, modo humana, atq; usitata defendere. minore peri-  
 culo uestro, minore periculo prouinciarum omnium,  
 iudicaretis. negaret hic aestimatione se usum. uos id cre-  
 didisse homini, non factum comprobasse uideremini.  
 nullo modo negare potest: urgetur tota Sicilia: nemo est  
 ex tanto numero aratorum: a quo pecunia cellæ nomi-  
 ne non sit exacta. uellem etiam hoc posset dicere: nihil  
 ad se istam rationem pertinere: per quæstores rem fru-  
 mentariam esse administratam. ne id quidem ei licet  
 dicere: propterea quod ipsius literæ recitantur ad ci-  
 uitates de ternis denarijs missæ. quæ est igitur de fen-  
 sio? feci quod arguis: coegi pecunias maximas cellæ no-  
 mine. sed hoc mihi licuit: uobis, si prospiciatis: lice-  
 bit. periculosum prouincijs, genus iniuriæ confirma-  
 ri iudicio. perniciosum nostro ordini, populum ro. exi-  
 stimare, non posse eos homines, qui ipsi legibus tenean-  
 tur: leges in iudicando religiose defendere. Atq; isto  
 prætore Iudices non solum aestimandi frumenti modus  
 non fuit: sed ne imperandi quidem. neq; enim id quod  
 debebatur: sed quantum commodum fuit: imperauit. Sū-  
 mam faciam uobis ex publicis literis, et testimonijs ciui-  
 tatum frumenti in cellam imperati. reperiets quinqui-  
 es tanto Iudices amplius istum, quàm quantum ei in cel-  
 lam sumere licitum sit: ciuitatibus imperasse. Quid ad  
 hanc impudentiam addi potest? si et aestimauit tanti: ut  
 homines ferre non possent? et tanto plusquam erat ei  
 concessum legibus, imperauit? Quapropter cognita  
 tota re frumentaria Iudices, iam facillime perspicere

potestis, amissam esse populo Ro. Siciliam fructuosissimam, atq; opportunissimam provinciam: nisi eam vos istius damnatione recuperatis. quid est enim Sicilia? si ei agri cultionem sustuleris? & si aratorum numerum, ac nomen extinxeris? quid enim potest esse in calamitate residui? quod non ad miseros aratores isto prætoris per summam iniuriam ignominiamq; pervenerit? quibus, cum decumas dare deberent: uix ipsis decumæ relictæ sunt: cum pecunia deberetur: soluta non est: cum optima æstimatione Senatus frumentum eos in cellam dare uoluisset: etiam instrumenta agrorum uendere coacti sunt. dixi iam antea Iudices: ut has omnes iniurias tollatis: tamen ipsam rationem arandi spe magis, & iucunditate quadam, quàm fructu, atq; emolumento teneri. etenim ad incertum casum, & eventum, certus quot annis labor, & certus sumptus impenditur. annonæ porro præcium, nisi in calamitate fructuum non habet. si autem ubertas in percipiendis fructibus fuit: consequitur uilitas in uendendis: ut aut male uendendum intelligas: si processit: aut male præceptos fructus: si recte licet uendere. Totæ autem res rusticæ eiusmodi sunt: ut eas non ratio, neq; labor, sed res incertissimæ uenti, tempestatesq; moderentur. Hinc cum unæ decumæ lege, & conditione trahantur: alteræ nouis institutis, propter annonæ rationem imperentur: ematur præterea frumentum quot annis publicæ: postremo etiam in cellam magistratibus, & legatis impertitur: quid, aut quantum præterea est? quod aut liberum possit habere ille arator, ac dominus in potestate, suorum fructuum? aut in ipsis fructibus solutum? Quod si hæc feruntur omnia: si uobis potius, ac populo roma-



no, quàm sibi, & suis commodis, opera, sumptu, labore  
 deseruiunt: etiam ne hæc noua debent edicta, & impe-  
 ria prætorum, & Apronij dominationem, & Venerio-  
 rum seruorum furti, rapinasq; perferre? etiam ne  
 frumentum pro empto gratis dare? etiam ne in cel-  
 lam, cum cupiant gratis dare ultro, pecuniam gran-  
 dem dare? etiam ne hæc tot detrimenta, atque da-  
 mna cum maximis iniurijs contumelijsq; perferre?  
 Itaque hæc Iudices, quæ pati nullo modo potuerunt:  
 non pertulerunt. arationes tota Sicilia desertas, atque  
 a' dominis relictas esse cognoscitis: neque quicquam  
 aliud agitur hoc iudicio. nisi ut antiquissimi socij, fide-  
 lissimiq; Siculi, Coloni populi Ro. atq; aratores, uestra  
 seueritate, et diligentia, me duce, atq; authore, in agros,  
 atq; in sedes suas reuertantur.

ENIO nunc ad istum, quemadmodum  
 " ipse appellat: studium: ut amici eius:  
 morbum, et insaniam: ut Siculi: latro-  
 cinium. ego quo nomine appellem, ne-  
 scio: rem vobis proponam: uos eam suo nominis ponde-  
 re penditote. genus ipsum prius cognoscite Iudices: de-  
 inde fortasse non magnopere quæretis, quo nomine ap-  
 pellandum putetis. Nego in Sicilia tota, tam locuple-  
 te, tam uetere provincia, tot oppidis, tot familijs, tam  
 copiosis, ullum argenteum uas, ullum Corinthium,  
 aut deliacum fuisse: nego ullam gemmam, aut marga-  
 ritam fuisse: aut quicquam ex auro, aut ebore factum,  
 signum ullum æneum, marmoreum eburneum: nego  
 ullam picturam, neq; in tabulis, neq; textilem fuisse:  
 quin quæsierit: inspexerit: quot placitum sit: abstulerit.  
 magnum uideor dicere. attendite etiam quemadmo-  
 dum dicam. non enim uerbi, neq; criminis causa augē-  
 di complector omnia: cum dico nihil istum eiusmodi re-  
 rum in tota provincia reliquisse: latine me scitote, non  
 accusatorie loqui. etiam planius: nihil in ædibus cuius-  
 quam, ne in oppidis quidem, nihil in locis communi-  
 bus, ne in fanis quidem, nihil apud Siculum, nihil apud  
 ciuem romanum denique istum, quod oculos, animumq;  
 accenderit: neq; privati, neq; publici, neq; profani, neq;  
 sacri, tota in Sicilia reliquisse. Vnde igitur potius inca-  
 piam? quàm ab ea ciuitate, quæ tibi una in amore, atq;

in delicijs fuit? aut ex quo potius numero? quàm ex ip-  
 sis laudatoribus tuis? facilius enim perspicietur, qualis  
 apud eos fueris, qui te oderunt: qui accusant: qui per-  
 sequuntur: cum apud tuos Mamertinos inueniatur im-  
 probissima ratione esse prædatus. C. Heius est Ma-  
 mertinus (omnes hoc mihi facile concedent, qui Messa-  
 nam accesserunt) omnibus rebus in illa ciuitate orna-  
 tissimus. huius domus est uel optima Messanæ, notis-  
 sima quidem certe, & nostris hominibus apertissi-  
 ma, maximeq; perhospitalis. Ea domus ante aduentum  
 istius sic ornata fuit: ut urbi quoq; esset ornamento. nam  
 ipsa Messana, quæ situ, menibus, portuq; ornata sit:  
 ab his rebus, quibus iste delectatur: sanè uacua, atq;  
 nuda est. Erat apud Heium sacrarium cum magna  
 dignitate in ædibus à maioribus traditum, per antiquū:  
 in quo signa pulcherrima quatuor summo artificio,  
 summa nobilitate: quæ non modo istum hominem in-  
 genitum, atq; intelligentem: uerum etiam quemuis no-  
 strum, quos iste idiotas appellat: delectare possent: unū  
 Cupidinis marmoreum, Praxitelis (nimirum didici eti-  
 am, dū in istum inquirō: artificum nomina) idē opinor  
 artifex eiusdemodi Cupidinem fecit illū: qui est Thespijs:  
 propter quem Thespiæ uiuantur: nam alia uiuendi causa  
 nulla est. Itaq; ille L. Mummius cum Thespiade quæ  
 ad ædem felicitatis sunt, cæteraq; profana ex illo oppi-  
 do signa tolleret: hunc marmoreum Cupidinem, quod  
 erat consecratus: non attigit. uerum ut ad illud sacra-  
 rium redeam: signum erat hoc, quod dico Cupidinis  
 ē marmore. ex altera parte Hercules egregie factus ex  
 ære. is dicebatur esse Myronis, ut opinor: & certe. item  
 ante hosce deos erant tabulæ: quæ cuius sacrarij reli-  
 gionem

gronem significare possent. erant aenea præterea duo signa non maxima, uerum eximia uenustate, uirginali habitu, atq; uestitu: quæ manibus sublatis sacra quædam more Atheniensium uirginum reposita in capitibus sustinebant. Canephoræ ipsæ uocabantur. sed earum artificem quem nam? recte admones. Policletum esse dicebant. Messanam ui quisq; nostrum uenerat, hæc uisere solebat: omnibus hæc ad uisendum patebant quotidie: domus erat non domino magis ornamento, quam ciuitati. C. Claudius, cuius ædilitatem magnificissimam scimus fuisse: usus est hoc cupidine tam diu: dum forum dijs immortalibus, populoq; Ro. habuit ornatum: & cum esset hospes Heiorum, Mamertini autem populi patronus: ut illis benignis usus est ad commodandū: sic ipse diligens fuit ad reportandum. Nuper homines nobiles eiusmodi Iudices: & quid dico nuper? immo uero modo, ac plane pauloante, uidimus: qui forum ac basilicas non spolijs prouinciarum, sed ornamentis amicorum, commodis hospitum, non furtis nocentium, ornarent: q; tamen signa, atq; ornamenta sua cuiq; reddebant: non ablata ex urbibus sociorum quatruidui causa per simulationem ædilitatis, domum deinde, atq; ad suas uillas auferebant. Hæc omnia, quæ dixi, signa Iudices ab Heio de sacrario Verres abstulit: nullum inquam horum reliquit, neq; aliud ullū tamen, præter unum peruetus ligneum, bonam fortunam. ut opinor, eam iste domi suæ habere noluit. Pro deū hominumq; fidē, quid hoc est? quæ hæc causa? quæ hæc impudentia est? quæ dico signa, antequam abs te sublata sunt, nemo Messanam cum imperio uenit: quin uiderit. tot Prætores, tot Consules in Sicilia, tum in pace, tum etiam in bello fue-



runt: tot homines cuiusq; modi, non loquor de integris,  
 innocentibus, religiosis: tot cupidi, tot improbi, tot auda-  
 ces: quorum nemo sibi tam uehemens, tam potens, tam no-  
 bilis, uisus est: qui ex illo sacrario quicquam poscere, aut  
 tollere, aut attingere auderet. Verres quod ubiq; erit pul-  
 cherrimum auferet? nihil habere præterea cuiquam  
 licebit: tot domus locupletissimas, domus istius una ca-  
 piet: itaque nemo superiorum attigit: ut iste tolleret? ideo  
 C. Claudius Pulcher retulit: ut C. Verres posset aufer-  
 re? At non requirebat ille cupido lenonis domum, ac  
 meretriciam disciplinam: facile illo sacrario patrio conti-  
 nebatur: Heio se à maioribus relictum esse sciebat. an  
 hereditatem sacrorū non querebat? meretricis heredē  
 querebat? Sed qd ego tam uehementer inuehor? uerbo id  
 uno repellar. em inquit. O' dij immortales præcla-  
 ram defensionem. mercatorem cum imperio, ac securi-  
 bus in prouinciam misimus: qui omnia signa, tabulas  
 pictas, omne argentum, aurum, ebur, gemmas, coeme-  
 ret: nihil cuiquā relinqueret. hæc enim mihi ad omnia  
 defensio patefieri uidetur: emisse. Primum, si id, quod uis,  
 tibi ego concedam: ut emeris: quoniam in toto hoc genere  
 hac una defensione usus es: quæro cuiusmodi tu iudi-  
 cia Romæ putaris esse? si tibi hoc quenquam concessurum  
 putasti? te in Prætura, atq; imperio, tot res, tam precio-  
 sas, omnes deniq; res, quæ alicuius precij fuerint: tota ex  
 prouincia coemisse. uidete maiorum diligentiam: quæ  
 nihil dum etiam istiusmodi suspicabantur: ueruntamen  
 ea, quæ paruis in rebus accidere poterant: providebāt.  
 neminem, qui cum potestate, aut legatione in prouinci-  
 am esset profectus: tam amentem fore putarunt: ut eme-  
 ret argentum. dabatur enim de publico. ut uestem. pre-

bebatur enim legibus. mancipium putauerunt. quo et omnes utimur: et non prebetur à populo. sanxerunt nequis emeret mancipium: nisi in demortui locum. si quis Romæ esset demortuus? immo si quis ibidem. non enim te instruere domum tuam uoluerunt in prouincia: sed illum usum prouinciæ supplere. quæ fuit causa? cur tam diligenter nos in prouincijs ab emptionibus remouerent? hæc Iudices: quod putabant creptionem esse, non emptionem: cum uenditori suo arbitrati uendere nō liceret. in prouincijs intelligebant, si is, qui esset cum imperio, ac potestate: quod apud quenq; esset, emere uellet: idq; liceret: fore, uti quod quisq; uellet, siue esset uenale: siue non esset: quanta uellet, auferret. dicet aliquis: noli isto modo agere cum Verre: noli eius facta ad antiquæ religionis rationem exquirere: concede ut impune emerit: modo ut bona ratione emerit: nihil ab inuito: nihil per iniuriam. sic agam. si quid uenale habuit Heius: si id quanti aestimabat: tanti uendidit: desino querere cur emeret. quid igitur nobis faciundum est? num argumentis utendum in re eiusmodi? querendum est credo, Heius iste num æs alienum habuerit? num aucionem fecerit? si fecit: num tanta difficultas eum rei nummariæ tenuerit? tanta egestas, tanta uis oppresserit? ut sacrariū suum spoliaret? ut deos patrios uenderet? At hominem uideo aucionem fecisse nullam: uendidisse præter fructus suos nihil unquam: nō modo in ære alieno nullo, sed in suis nummis multos esse: ac semper fuisse: si hæc contra, ac dico, essent omnia: tamen illum hæc, quæ tot annos in familia, sacrarioq; maiorum fuissent: uenditurum non fuisse. quid si magnitudine pecuniæ persuasum est ei: uerisimile non

est: ut ille homo tam locuples, tam honestus, religioni suæ, monumentisq; maiorum pecuniam anteponeret. sunt ista: ueruntamen abducuntur homines nonnunquam etiam ab institutis suis magnitudine pecuniæ. uideamus quanta ista pecunia fuit: quæ potuerit Heiūm hominem maxime locupletem, minime auarum, ab humanitate, et pietate, ab religione deducere. Itaiussisti opinor ipsum in tabulas referre: hæc omnia signa Praxitelis, Myronis, Polycleti HS VI mil. Verri uendita sint. Recita ex tabulis. Iuuat me, hæc præclara nomina artificum, quæ isti ad cælum ferunt: Verri æstimatione sic concedisse. cupidinem Praxitelis HS M DC. profecto hinc natum est: malo emere: quàm rogare. dicet aliquis: quid? tu ista per magno æstimas? ego uero ad meam rationem, usumq; meum non æstimo. ueruntamen à uobis ita arbitror spectari oportere: quanti hæc eorum iudicio, qui studiosi sunt harum rerum: æstimentur: quanti uenire soleant: quanti hæc ipsa, si palàm liberetq; uenirent: uenire possent: deniq; ipse Verres quanti æstimet. nunquam enim si denarius quadringentis cupidinem illū putasset: commisisset, ut propter eum in sermonem hominum, atq; in tantam uituperationem ueniret. quis uestrum igitur nescit, quanti hæc æstimentur? in auctione signum æneum non magnum HS CXX millibus uenire non uidimus? quid si uelim nominare homines: qui aut non minoris, aut etiā pluris emerent: non ne possum? etenim qui modus est in his rebus cupiditatis: idem est æstimationis. difficile est enim finem facere precio: nisi libidini feceris. Video igitur Heiūm, neq; uoluntate, neq; difficultate aliqua temporis, neq; magnitudine pecuniæ adductum esse: ut hæc signa uenderet:

103  
teq; ista simulatione emptionis, ui, metu, imperio, fasci-  
bus, ab homine eo, quem una cum cæteris focijs non so-  
lum potestati tuæ, sed etiam fidei populus Ro. commisse-  
rat: eripuisse: atq; abstulisse. Quid mihi tam optandum  
Iudices potest esse in hoc crimine: quàm ut hæc eadem  
dicat ipse Heius? nihil profecto: sed ne difficilia opte-  
mus. Heius est Mamertinus: Mamertina ciuitas istum  
publice communi consilio sola laudat: omnibus ipse cæ-  
teris Siculis odio est: ab his solis amatur: eius autem lega-  
tionis, quæ ad istum laudandum missa est: Princeps est  
Heius. Et enim est primus ciuitatis: ne forte, dum publi-  
cis mandatis seruiat: de priuatis iniurijs reticeat: hæc  
cum scirem: Et cogitarem: commisi tamen me Iudices  
Heio: produxi eum prima actione: neque id tamen  
ullo periculo feci. quid enim poterat Heius respondere:  
si esset improbus? si sui dissimilis? signa illa domus suæ esse?  
non apud Verrem? qui poterat quicquam eiusmodi di-  
cere? ut homo turpissimus esset: impudentissimæq; menti  
retur: hoc diceret: illa se habuisse uenalia: eaq; sese quan-  
ti uoluerit uendidisse. Homo domus suæ nobilissimus, qui  
uos de religione sua, ac dignitate uere existimare maxi-  
me uellet: primo dixit se istum publice laudare: quod  
sibi ita mandatum esset: deinde neq; se habuisse illa ue-  
nalia: neq; ulla conditione, si utrum uellet: liceret: ad-  
duci unquam potuisse, ut uenderet illa: quæ in sacrario  
fuissem a maioribus suis relictæ, Et traditæ. Quid se-  
des Verres? quid expectas? quid te à Centuripina ciui-  
tate, à Catinensi, ab Halefina, Tindaritana, Aetnen-  
si, Agyrinensi cæterisq; Siciliae ciuitatibus circūueniri,  
atq; opprimi dicis? tua te altera patria, quemadmodum  
dicere solebas, Messana circūuenit: tua inquam Messa-



na tuorum adiutrix scelerum, libidinum testis, præda-  
 rum, ac furtorum receptrix. adest enim uir amplissimus  
 eius ciuitatis, legatus huiusce iudicii causa domo missus,  
 princeps laudationis tuæ, qui te publice laudat: id enim  
 mandatum, atq; imperatum est: tamen si rogatus de Cy-  
 bea tenetis memoria quid responderit: ædificatam pu-  
 blicas operis publice coactis: eiq; ædificandæ publicæ Ma-  
 mertinum Senatorem præfuisse. Idem ad uos priuatum  
 iudices confugit: utitur hac lege, qua iudicium est: com-  
 muni arce sociorum. tamen si lex est de pecunijs repetun-  
 dis: ille se negat pecuniam repetere: quam ereptam non  
 tantopere desiderat: sacra se maiorum suorum repete-  
 re abs te dicit: deos penates à te patrios reposcit. Ecqui  
 pudor est? ecquæ religio Verres? ecqui metus? habitasti  
 apud Heium Messanæ: res illum diuinas apud eos deos  
 in suo sacrario propè quotidie facere uidisti. non moue-  
 tur pecunia: deniq; quæ ornamenti causa fuerunt: non  
 requirit: habe Canephoras: deorum simulachra resti-  
 tue. quæ quia dixit: quia tempore dato modeste apud uos  
 socius, amicusq; populi Ro. quæstus est: quæ religioni suæ  
 nō modo in dijs patrijs repetundis, sed etiam in ipso iu-  
 riciurando, ac testimonio proximus fuit: hominem nus-  
 sum ab isto scitote esse Messanam de legatis unum, il-  
 lum ipsum, qui nauis istius ædificandæ publicæ præfuit:  
 qui à Senatu peteret, ut Heius ignominia afficeretur.  
 Homo amentissime quid putasti? te impetraturum? quāti-  
 us à ciuibus suis fieret: quanti auctoritas eius habere-  
 tur: ignorabas? fac te impetrauisse: fac aliquid grauius  
 in Heium statuisse Mamertinos: quantam putas aucto-  
 ritatem laudationis eorum futuram: si in eum quem con-  
 stet uerum pro testimonio dixisse: poenam constituerent?

tamen si quæ est ista laudatio? cum laudator interrogatus lædat necesse est. quid isti laudatores tui, non ne testes mei sunt? Heius est laudator: læsit grauissime. producam cæteros: reticebunt, quæ poterunt, libenter: dicent quæ necesse erit, gratis. negent isti onerariam nauem maximam ædificatam esse Messanæ: negent ei nauis faciundæ Senatorem Mamertinum publice præfuisse: utinam negent. sunt etiam cætera: quæ modo integra reseruare uolui: ut quamminimum dem illis temporis ad meditando, confirmandumq; periuriū. hæc tibi laudatio procedat in numerum. hi te homines autoritate sua subleuent: qui te neq; debent adiungere, si possent: neq; possunt, si uelint: quibus tu priuatim iniurias plurimas, contumeliasq; imposuisti: quo in oppido multas familias in perpetuum infames tuis stupris, flagitijsq; fecisti. At publice commodasti. non sine magno quidem Reip. prouinciæq; Siciliæ detrimento. tritici modium LX milia emptæ populo Ro. dare debebant: et solebant. abs te solo remissum est. Resp. detrimentū fecit: quod per te imperij ius una in ciuitate imminutum est. Siculi: qd hoc non de summa frumenti detractum est: sed translationem in Centuripinos, et Halesinos immunes populos: et hoc plus impositum: quàm ferre possent. nauem imperare ex foedere debuisti: remisisti, in triennium. militem nullum unquam poposcisti per tot annos. fecisti item uti prædones solent: qui cum communes hostes sint omnium: tamen aliquos sibi instituunt amicos: quibus non modo parant: uerum etiam præda quos augeant: et eos maxime: qui habet oppidum opportuno loco: quo sæpe aduendum sit nauibus, nonnunquam etiam necessario. Phælis illa, quàm cæpit P. Seruilius: non fuerat urbs an-

te Cilicum, atq; prædonum. Lycij illam græci homines  
 incolebant. sed quod erat eiusmodi loco, atq; ita proie-  
 cta in altum: ut & exeuntes e Sicilia prædones sepe ad  
 eam necessario deuenirent: & cum ex hisce se locis re-  
 ciperent: eodem deferrentur: asciuerunt illud sibi oppi-  
 dum piratæ, primo commercio: deinde etiam societate.  
 Mamertina ciuitas improba antea non erat: etiam erat  
 inimica improborum: quæ C. Catonis illius, qui Consul  
 fuit: impedimenta retinuit. at cuius hominis? clarissimæ,  
 potentissimæq; qui tamen, cum consul fuisset: condemna-  
 tus est. Ita C. Cato duorum hominum clarissimorum  
 nepos, L. Pauli, et M. Catonis, P. Africani sororis filius:  
 quo damnato, tum cum seuera iudicia fiebant: HS  
 XVIII milibus lis æstimata est. Huic Mamertini ira-  
 ti non fuerunt: qui maiorem sumptum, quàm quanti Ca-  
 tonis lis æstimata est: in Timarchidis prandium sepe fe-  
 cerunt. Verum hæc ciuitas isti prædoni, ac piratæ Sici-  
 liensi Phaselis fuit. huc omnia undiq; deportabantur:  
 apud istos relinquebantur: quod celari oportuerat: ha-  
 bebant sepositum, ac reconditum: per istos, quæ uole-  
 bat, in nauem clàm imponenda, occulte exportanda cu-  
 rabat: nauem deniq; maximam, quam onustam furtis  
 in Italiam mitteret: apud istos faciendâ, ædificandamq;  
 curauit. pro hisce rebus, uacatio data est ab isto sumptus,  
 laboris, militiæ, rerum deniq; omnium: per triennium  
 soli non modo in Sicilia, uerum, ut opinio mea fert:  
 his quidem temporibus in omni orbe terrarum, uacui,  
 expertes, soluti, ac liberi fuerunt ab omni sumptu, mo-  
 lestia, munere. hinc illa Verrea nata sunt. quod in con-  
 uuium Sextum Cominium proterhai iussit: in quem  
 Scyphum de manu iacere conatus est: quem obtorta gula

de conuiuio in uincula, atq; in tenebras abripi iussit.  
hinc illa crux: in quam ciue Ro. iste multis inspectan-  
tibus sustulit: quam non ausus est usquam defigere, nisi  
apud eos: quibus cum omnia scelera sua, ac latrocinia  
communicasset. laudatum etiam uos quenquam ueni-  
re audetis? qua auctoritate? uerum quam apud Senato-  
rium ordinem? an quam apud populum Ro. habere de-  
betis? ecquæ ciuitas est? non modo in prouincijs nostris,  
uerum in ultimis nationibus, aut tam potens, aut tam  
libera, aut etiam tam immanis, ac barbara? rex de-  
niq; ecquis est? qui Senatorem populi Ro. lecto, ac do-  
mo non inuitet? qui honos non homini solum habetur:  
sed primum populo romano: cuius beneficio nos in hunc  
ordinem uenimus: deinde ordinis auctoritati: quæ nisi  
grauis erit apud socios: in exteras nationes ubi erit im-  
perij nomen, & dignitas? Mamertini me publice nõ in-  
uitauerunt. me cū dico: leue est. Senatorem populi Ro. si  
non inuitauerunt: honorem debitum detraxerunt non  
homini, sed ordini. nā ipsi Tullio patebat domus locuple-  
tissima, & amplissima Cn. Pompei Basilisci: quo, etiā si  
esset inuitatus à uobis: tamen diuertisset. erat etiam, Per-  
cenniorum, qui nunc item Pompei sunt: domus honestis-  
sima: qua L. frater meus, summa illorum uoluntate di-  
uertit. Senator populi Ro. quod in uobis fuit, in uestro  
oppido iacuit, & pernoctauit in publico. nulla hoc alia  
ciuitas unquam commisit. amicum enim nostrum in  
iudicium uocabas. tu quid ego priuatim negotij geram,  
interpretabere, in minuendo honore Senatorio? uerū  
hæc tum queremur: si quid de uobis per eum ordinem  
ageretur: qui ordo à uobis adhuc solis contemptus est in  
populi Ro. quidem conspectum, quo ore uos commisso-



stus? nec prius illam crucem, quæ etiam nunc ciuis Ro-  
 sanguine redundat: quæ fixa est ad portum, urbemq;  
 uestram: reuellistis: neq; in profundum abiecistis: locumq;  
 illum omnem expiastis: quam Romam, atq; in horum con-  
 uentum adiretis? in Mamertinorum solo offœderato, atq;  
 pacato monumentum istius crudelitatis constitutum est.  
 uestra ne urbs electa est? ad quam cum adirent ex Ita-  
 lia: crucem ciuis romani prius, quàm quenquam ami-  
 cum uiderent populi romani: quàm uos Rheginis, quorum  
 ciuitati inuidetis: item incolis uestris, ciuib; Ro. ostende-  
 re soletis: quominus sibi arrogant: minusq; uos despi-  
 ciant: cum uideant ius ciuitatis, illo supplicio esse macula-  
 tum, Verum hæc emisse te dias. quid illa Attali-  
 ca, tota Sicilia nominata, ab eodem Heio peripetasmata  
 emere oblitus es? licuit eodem modo, ut signa. quid enim  
 actum est? an literis pepercisti? uerum hominem amen-  
 tem hoc fugit. minus clarum putauit fore, quod de ar-  
 mario, quàm quod de sacrario esset ablatum. at quomo-  
 do abstulit? non possum dicere planius: quàm ipse apud  
 uos dixit Heius. cum quæsissem: nunquid aliud de bonis  
 eius peruenisset ad Verrem? respondit istum ad se misisse:  
 ut sibi mitteret a grigentum peripetasmata. quæsiui an  
 misisset? respondit id quod necesse erat: scilicet dicto au-  
 dientem fuisse prætoris: misisse. rogauit peruenissent ne A gri-  
 gentum? dixit, peruenisse. quemadmodum reuertissent?  
 negauit adhuc reuertisse. risus populi, atq; admurmura-  
 tio omnium facta est. Hic tibi in mentem non uenit in-  
 bere ut hæc quoq; referret HS D se tibi uendidisse. me-  
 tuisti ne æs alienum tibi cresceret: si HS VI millibus  
 D tibi constarent ea: quæ tu facile posses uendere HS  
 CC millibus. fuit tanti mihi crede: haberes quod de-

fenderes: nemo quæreret quanti illa res esset: si modo te  
 posses docere emisse: facile cui uelles tuam causam, &  
 factum probares. nunc de Peripetasmatis quemad-  
 modum te expedias non habes. Quid? a Philarcho Cen-  
 turipino homine locuplete, ac nobili Phaleras pulcher-  
 rime factas, quæ Regis Hieronis fuisse dicuntur: utrum  
 tandem abstulisti? an emisti? Siciliae quidem cum essem:  
 sic a Cēturipinis, sic a cæteris audiebam: non enim pa-  
 rum res erat clara. tam te has phaleras a Philarcho  
 Centuripino abstulisse dicebant: quàm alias item nobi-  
 les, ab Aristō Panormitano, quæ tertias a Cratippo Tynda-  
 ritano. etenim si Philarchus uendidisset: non ei, postea  
 quàm reus factus es: redditurum te promississes. quod quæ-  
 uidisti plures scire: cogitasti si ei reddidisses: te minus in-  
 iudiæ habiturum: rem nihilominus testatam futuram:  
 non reddidisti. dixit Philarchus pro testimonio: se, quod  
 nosset tuum istum morbum, ut amici tui appellant, stu-  
 dium: cupisse te a classe de Phaleris: cum abs te appel-  
 latus esset: negasse habere sese: apud alium quoque eas ha-  
 buisse depositas: nequa inuenirentur: tuâ tantam fuisse sa-  
 gacitatē: ut eas p̄ illū ipsum inspiceres, ubi erant deposi-  
 tæ: tum se deprehensum negare non potuisse: ita ab se in-  
 uito ablatas Phaleras gratis. Iam ut hæc omnia reperi-  
 re, ac p̄scrutari solitus sit Iudices, est opere precū cogno-  
 scere. Cybiratæ sunt fratres quidā, Tleopolemus, et Hie-  
 ro: quorum alterum fingere opinor è cera solitum esse:  
 alterum esse pictorem. hosce opinor Cybiræ, cum in su-  
 spicionem uenissent suis ciuibus, famum expilasse Apol-  
 linis: ueritos pœnam iudicij, ac legis, domo profugisse.  
 quod Verrem artificij sui cupidum cognouerant tum,  
 cum iste, id quod ex testibus didicisti: Cybirā cum ina-

nibus syngraphis uenerat: domo profugientes ad eum se  
 exules, cum iste esset in Asia: contulerunt. habuit secum  
 eos ab illo tempore: & in legationis prædis, atq; furtis  
 multum illorum opera, consilioq; usus est. hi sunt illi:  
 quibus in tabulis retulit sese Q. Tadius dedisse iussu  
 istius græcis pictoribus. Eos iam bene cognitos, ei re pro-  
 batos secum in Siciliã duxit. quo postea quã uenerut: me-  
 randũ in modũ canes uenaticos diceret: ita odorabantur  
 omnia: & peruestigabant: ut ubi quicquid esset: aliqua  
 ratione inuenirent. aliud munitando, aliud pollicendo,  
 aliud p̄ seruos, aliud per liberos, p̄ amicum aliud, aliud  
 per inimicum inueniebant. quicquid illis placuerat: per-  
 dendum erat. nihil aliud optabant: quorum posteba-  
 tur argentum: nisi ut Hieroni & Tlepolemo displice-  
 ret. Vere mehercules hoc Iudices dicam. Memini Pam-  
 philum Lilybetanum hospitem meum, & amicum,  
 nobilem hominem, mihi narrare: cum iste ab sese Hy-  
 driam Boeti manu factam, præclaro opere, & gran-  
 di pondere, per potestatem abstulisset: se sanè tristem,  
 & conturbatum domum reuertisse: quod uas eiusmodi,  
 quod sibi à matre, & maioribus esset relictum: quo soli-  
 tus esset uti ad festos dies, ad hospitũ aduentum: à se esset  
 ablatum. Cum sedere, inquit, domi tristis: ac currit Ve-  
 nerius: iubet me scyphos sigillatos ad prætorem statim  
 afferre. permotus sum inquit: binos habebam: ubi eo pro-  
 mi utrosq;: ne quid plus mali nasceretur: & mecum  
 ad prætoris domum ferri. cõ cum uenio: prætor quiesce-  
 bat: fratres illi Cybiratæ inambulabant. qui simul ut  
 me uiderunt: ubi sunt Pamphile inquirunt scyphi? osten-  
 do tristes. laudant. incipio queri, me nihil habiturum,  
 quod alicuius esset precij: si etiam scyphi essent ablati.

tum illi, ubi me conturbatum uident: quid uis nobis dare, isti ne auferantur abs te? ne multa HS M me inquit dixi daturum. uocat interea Prætor: scyphos poscit. tum illos cœpisse prætori dicere: putasse se, id quod audissent: alicuius precij scyphos esse Pamphili: luteum negotium esse: non dignum, quod in suo argento Verres haberet. aut ille idem sibi uideri. ita Pamphilus scyphos optimos aufert. Et mehercules ego antea, tamen si hoc nescio quid nugatorium sciebam esse, ista intelligere: tamen mirari solebam, istum in his ipsis rebus aliquem sensum habere: quem scirem nulla in re quicquam simile hominis habere. tum primum intellexi ad eam rem istos fratres Cybistas fuisse: ut iste in furando manibus suis, oculis illorum uteretur. At ita studiosus est huius præclaræ existimationis: ut putetur in hisce rebus intelligens esse: ut nuper (uidete hominis amentiam) posteaquam est comperendinatus: cum iam pro damnato, mortuoq; esset: ludis circensibus mane apud L. Sisennam uirum primarium, cum essent triclinia strata: argentumq; expositum in ædibus: cum pro dignitate L. Sisennæ domus esset plena hominum honestorum: accesserit ad argentum: contemplari unūquodq; ocase, et considerare cœperit. mirari stulticiam alij: quod in ipso iudicio eius ipsius cupiditatis, cuius insimularetur: suspicionem augetet. alij amentiam: cui comperendinato, cum tam multi testes dixissent: quicquam illorum ueniret in mentē. pueri autem Sisennæ, credo qui audiissent, quæ in istum testimonia essent dicta: oculos de isto nusquam deicere: neq; ab argento digtum discedere. Est boni iudicis, paruis ex rebus coniecturam facere unusquisq; et cupiditatis, et incontinentiæ. qui reus lege, et reus cō-



perendinatus, re, & opinione hominum penè damnatus, temperare non potuerit maximo conuentu: quin L. Sisennæ argentum tractaret: & consideraret: hunc in prouincia prætorem quisquam putabit à Siculorum argento cupiditatem, aut manus abstinere potuisse? Verum uti Lilybæum, unde digressa est: oratio reuertatur: Diocles est Pamphili gener illius, à quo Hydria ablata ē: Popillius cognomine. ab hoc abaci uasa omnia, ut exposita fuerant: abstulit. dicat se cmissse. etenim hic propter magnitudinem furti sunt, ut opinor, litteræ factæ. iussit Timarchidem æstimare argentum, quomodo qui unquā tenuissime, in donatione histrionum æstimauit. tam etsi iam dudum erro: qui tam multa de tuis emptionibus uerba faciam: & quæram, utrum emeris: & quomodo, & quanti emeris: quod uerbo transigere possum. ede mihi scriptum, quid argenti in prouincia Sicilia pararis: unde quicq; aut quanti emeris. quid sit? quanquam non debebam ego abs te has literas pscere. me enim tabulas tuas habere, & proferre oportebat. uerum negas te horū annorum aliquot confecisse. compone hoc quod postulo de argento: de reliquo uidero. nec scriptum habeo: nec possum edere. quid futurum igitur est? quid existimas hosce iudices facere posse? domus plena signorum pulcherrimorum iam etiam ante præturam: multa ad uillas tuas posita: apud amicos multa deposita: multa alijs data: atq; donata: tabulæ nullum indicant emptum: omne argentum ablatum ex Sicilia est: nihil cuiquam, quod suum dici uellet: relictum: fingitur improba defensio: prætorem omne id argentum coemisse: tamen id ipsum tabulis demonstrari non potest: si quas tabulas profers: in his, quæ habes, quomodo habeas, scriptum non est: horum autem

temporum, cum te plurimas res emisse dicat: tabulas omnino nullas proferas: nonne te, & prolatis, et non prolatis tabulis condemnari necesse est? Tu à M. Celio equite Ro. lectissimo adolescente, quæ uoluisti uasa argentea Lilybei abstulisti: tu P. Caturij præcipitissimi hominis, & experientis, & in primis gratiosi, suppellectilem omnem auferre non dubitasti: tu maximam, et pulcherrimam mensam citream à Q. Lutadio Diodoro, qui Q. Catuli beneficio à L. Sylla ciuis Ro. factus est: omnibus sciētibus Lilybei abstulisti. non tibi obijcio, quod hominem dignissimum tuis moribus, Appollonium Niconis filium Drepanitanum, qui nunc A. Clodius uocatur: omni argento optime factō spoliasti: ac depeculatus es. taceo. non enim putat ille sibi iniuriam factam: propterea quod homini iam perduto, & collum in laqueum inferenti, subuenisti: cum pupillis Drepanitanis bona patria erepta, cum illo partitus es. gaudeo etiam si quid ab illo abstulisti: & abs te nihil rectius factum esse dico. à Lisone uero Lilybetano primo homine, apud quem diuersatus es: Apollinis signum ablatum certe esse nō oportuit. at dices te emisse. scio: HS M. ita opinor. scio inquam. proferam literas: et tamen id factum non oportuit. à pupillo Heio, cui Marcellus tutor est: à quo pecuniam grandem eripueras: scaphia cum emblematis Lilybei uirum emptæ esse dicis? an confiteris erepta? sed quid ego istius in eiusmodi rebus mediocres iniurias colligo? quæ tantummodo in furtis istius, & damnis eorum, à quibus auferebat: uersata esse uideantur? accipite si uultis Iudices rem eiusmodi: ut amentiam singularem, ut furorem iam non cupiditatem eius perspicere possitis. Melitensis Diodorus est: qui apud nos an-

tea testimonium dixit. is Lilybei multos iam annos ha-  
 bitat, homo & domo nobilis, & apud eos, quo se con-  
 tulit: propter uirtutem splendidus, & gratosus. de hoc  
 Verri dicitur, habere eum perbona toreumata: in his  
 pocula duo quædam, quæ Heraclea nominantur, Men-  
 toris manu summo artificio facta. quod ubi iste audi-  
 uit: sic cupiditate inflamatus est, non solum inspicundi,  
 uerum etiam auferendi: ut Diodorum ad se uocaret: ac  
 posceret. ille, qui illa non inuitus haberet: respondit se  
 Lilybei non habere: Melitæ apud quendam propin-  
 quum suum reliquisse. tum iste continuo mittit homi-  
 nes certos Melitam: scribit ad quosdam Melitenses: ut ea  
 uasa perquirant: rogat Diodorum, ut ad illum suum  
 propinquum det literas. nihil ei longius uidebatur: qu-  
 dum illud uideret argentum. Diodorus homo frugi, ac  
 diligens, qui sua seruare uellet: propinquo suo scribit:  
 ut is, qui à Verre uenissent: responderet: illud argentum  
 se paucis illis diebus misisse Lilybeum. ipse interea re-  
 cedit. abesse ab domo paulisper maluit: quàm præsens  
 illud optime factum argentum amittere. Quod ubi au-  
 diuit iste: usq; eo est commotus: ut sine ulla dubitatione  
 insanire omnibus, ac furere uideretur: quia non potue-  
 rat argentum eripere. ipse à Diodoro erepta sibi uasa  
 optime facta dicebat: munitari absenti Diodoro: uocifera-  
 re palam: lachrymas interdum uix tenere. Eriphylæ  
 accepimus in fabulis ea cupiditate: ut, cum uidisset mo-  
 nile, ut opinor, ex auro, & gemmis: pulchritudine eius  
 incensa salutem uiri proderet. Similis istius cupiditas:  
 hoc etiam acrior, atq; insanior: quod illa cupiebat id,  
 quod uiderat: huius libidines non solum oculis, sed  
 etiam auribus excitabantur. conquiri Diodorum totæ

provincia

prouincia iubet. ille ex Sicilia castra iam mouerat: & nasa collegerat. homo, ut aliquo modo illum in prouinciam reuocaret: hanc excogitauit rationem: si hæc ratio potius, quàm amentia nominanda est. apponit de suis amicis quendam: qui dicat se Diodorum Melitensem rei capitalis reum uelle facere. primo mirum omnibus uideri, Diodorum reum, hominem quietissimum, ab omni non modo facinore, uerum minimi errati suspitione remotissimum. deinde esse perspicuum: fieri omnia illa, propter argentum. iste non dubitat, iubere nomen deferri. & tamen primum opinor istum absentis nomen recepisse. reclamatione Sicilia tota: propter coelati argenti cupiditatem, reos fieri rerum capitalium: neque solum præsentibus reos fieri, sed etiam absentes. Diodorus Romæ sordidatus circum patronos, atque hospites cursare: rem omnibus narrare. literæ mittuntur isti à patre uel huiusmodi: ab amicis item: uideret quid ageret: de Diodoro quo progredere tur: rem claram esse: & inuidiosam: in sanire hominem: perituum hoc uno crimine: nisi cauisset. iste etiam tum patrem, si non in parentis, at in hominum numero putabat: ad iudicium nondum se satis instruxerat: primus annus erat prouinciæ: non, ut in Sthenio, iam refertus pecunia. itaque furor eius paululum non pudore, sed metu, ac timore repressus est. condemnare Diododorum non audet: absentem de reis eximit. Diodorus interea prætoris isto propè triennium prouinciam, domoq; atruit. cæteri non solum Siculi, sed etiam ciues Romæ hoc statuerant: quoniam iste tantum cupiditate progredere tur: nihil esse: quod quisquam putaret se, quod isti paulo magis placeret: conseruare, aut domum retinere posse. postea uero quàm intellexerunt: isti uirum for-



tem, quem summe provincia expectabat: Q. Arrium non succedere: statuerunt se nihil tam clausum, neq; tam reconditum posse habere: quod non istius cupiditati apertissimum, promptissimumq; esset. Tum iste ab Equite Ro. splendido, & gratioso Cn. Calidio, cuius filium sciebat Senatorem populi Ro. & iudicem esse: equuleos argenteos nobiles, qui Q. Maximus fuerant: aufert. imprudens huc incidi Iudices. emit enim: non abstulit. nollem dixisse. iactabit se: & his equitabit equuleis. emi: pecuniam solui. credo, etiam tabulae proferentur. est tanti. cedo tabulas. dilue sane crimen hoc Calidianum: dum ego tabulas aspicere possim. ueruntamen quid erat, quod Calidius Romae quereretur: se cum tot annos in Sicilia negociaretur: abs te solo ita esse contemptum: ita despectum: ut etiam cum cæteris Siculis dispoliaretur: si emeris? quid erat, quod confirmabat: se abs te argentum esse petiturum: si tibi sua uoluntate ueniderat? tu porro posses facere ut Cn. Calidio non redderes? præsertim cum is L. Sisenna defensore tuo: tam familiariter uteretur? & cum cæteris familiaribus Sisennæ reddidisses? Deniq; non opinor negaturum esse te, homini honesto, sed non gratiosiori quam Cn. Calidius est: L. Cordio argentum per Potamonem amicū tuum reddidisse. qui qdem cæterorū causam apud te difficiliorem fecit. nam cum te compluribus confirmasset redditurum: posteaquam Cordius pro testimonio dixit te sibi reddidisse: finem reddendi fecisti: quod intellexisti te præda de manibus amissa, testimonium tamen effugere non posse. Cn. Calidio equiti Ro. per omnes prætores licuit argentum habere bene factum: licuit posse domesticis copijs, cum magistratum, aut ali-

quem superiorem inuississet: ornare, & apparare conuiuium. multi domi Cn. Calidij cum imperio, ac potestate fuerunt: nemo inuentus est tam amens: qui illud argentum tam præclarum, ac tam nobile eriperet: nemo tam audax: qui posceret: nemo tam impudens: qui postularèt, ut uenderet. superbum est enim Iudices, & nõ ferendum: dicere prætorem in prouincia homini honesto, locupleti, splendido: uende mihi uasa celata. hoc est enim dicere: non es dignus tu, qui habeas: quæ tam bene facta sint: meæ dignitatis ista sunt. tu dignior ueres, quàm Calidius. qui, ut non conferam uitam, atq; existimationem tuam, cum illius: neq; enim est conferenda. hoc ipsum conferam: quo tu te superiorem fingis. quod HS LXXX millia diuisoribus, ut prætor renunciarere dedisti: trecenta accusatori: ne tibi odiosus esset: ea re contemnis Equestrem ordinem, ac despicias: ea re indignum tibi uisum est: quicquam, quod tibi placeret: Calidium potius habere, quàm te? Iactat se iamdudum de Calidio: narrat omnibus se emisse. num etiã de L. Papirio uiro primario, locuplete, honestoq; Equite Ro. thuribulum emisti? qui pro testimonio dixit: te, cum inspicendum poposcisses: auulso emblemate remisisse: ut intelligatis, in homine intelligentiam esse, nõ auariciam: artificij cupidum, non argenti fuisse. nec solum in Papirio fuit hac abstinentia: tenuit hoc institutum in thuribulis omnibus: quæcunq; in Sicilia fuerunt. incredibile est autem q̃ multa, & q̃ præclara fuerunt. Credo tum, cum Sicilia florebat opibus, & copijs: magna artificia fuisse in ea insula. nam domus erat ante istum prætorem nulla paulo locupletior: qua in domo hæc non essent: etiam si præterea nihil esset argenti: patella gradis, cum

sigillis simulacris deorum, patera, qua mulieres ad res diuinas uterentur:thuribulum.hæc autem omnia antiquo opere, & summo artificio facta:ut hoc liceret suspicari: fuisse aliquando apud Siculos per æqua proportionem cætera: sed quibus multa fortuna ademisset: tamen apud eos remansisse ea, quæ religio retinuiſſet. dixi Iudices, multa fuisse fere apud Siculos omnes: ego idem confirmo, nunc ne unum quidem esse. quid hoc est? quod monstrum? quod prodigium in provinciam misimus? non ne uobis id egisse uidetur? ut non unius libidinem, non suos oculos, sed omnium auarissimorum insanias, cum Romam reuertisset: expleret? qui simul atque in oppidum quoppiam uenerat: immittebantur illi continuo Cybiritici canes: qui inuestigabant, & perscrutabantur omnia. si quod erat grande uas, & maius opus inuentum: læti auferebant. si minus eiusmodi quippiam uenari poterant: illa quidem certe pro lepisculis capiebantur: patellæ, pateræ, thuribula. Hic quos putatis fletus mulierum? quas lamentationes fieri solitas esse in hisce rebus? quæ forsitan uobis parue esse uideantur. sed magnum & acerbum dolorem commouent: mulierculis præsertim: cum eripiuntur è manibus ea: quibus ad res diuinas uti consueuerunt: quæ à suis acceperant: quæ in familia semper fuerunt. Hic nolite expectare dum ego hoc crimen agam hostiatim: ab Aeschilo Tindaritano istum pateram abstulisse: à Thrasone item Tindaritano patellam: à Nymphodoro Agrigentino thuribulum. cum testes ex Sicilia dabo: quem uolet eligat: quem ego interrogem de patellis, pateris, thuribulis: non modo oppidum nullum: nulla domus paulo locupletior expers huius iniuriæ reperietur. Qui cum in conuiuium uenisset: si quic-

quam cœlati aspexerat: manum abstinere Iudices non poterat. Cn. Pompeius est Philo: qui fuit Tindaritanus. is cœnam istā dabat apud uillam in Tindaritano. fecit quod Siculi non audebant. ille cuius Ro. quod erat: impunius id se facturum putauit. apposuit patellam, in qua sigilla erant egregia. iste continuo ut uidit: non dubitauit illud insigne penatum, hospitaliumq; deorum, ex hospitali mensa tollere. sed tamen, quod antea de istius abstinentia dixeram: sigillis auulsis reliquum argentū sine ulla auaricia reddidit. Quid? Eupolemo Calactino homini nobili, Lucullorum hospiti, ac per familiari, qui nunc apud exercitum cum L. Lucullo est: non idem fecit? cœnabat apud eum. argentum illi cæterum purū apposuerat: ne purus ipse relinqueretur: duo pocula non magna, ueruntamen cum Emblematis. hic quasi festiui Achroama ne sine corollario de conuiuio discederet: ibidem conuiuiis inspectantibus Emblemata auellenda curauit. Neq; ego nunc istius facta omnia enumerare conor. neq; opus est: nec fieri ullo modo potest. tantummodo uniuscuiusq; de uaria improbitate generis indicia apud uos, & exempla profero. neq; enim ita se gessit in his rebus: tanquam rationem aliquando esset redditurus: sed prorsus ita: quasi aut reus nunquam esset futurus: aut quo plura abstulisset: eo minore periculo in iudiciū esset uenturus. Qui hæc quæ dico iam, non occulte, non per amicos, atq; interpretes, sed palam de loco superiore ageret, pro imperio, & potestate. Catinam cum uenisset, oppidū locuples, honestum, copiosum: Dionysiarchum ad se Pardiorum hoc est summum magistratum uocari iubet. ei palam imperat: ut omne argentum, quod apud quemq; esset Catinae, conquirendum cu-



raret: & ad se transferendum: Philarchum Centuri-  
 pinum primum hominem genere, uirtute, pecunia, non  
 hoc idem iuratum dicere audistis: sibi istum negotium de-  
 disse: atq; imperauisse: ut Centoripis, in ciuitate totius Si-  
 cilie multo maxima, omne argentum conquireret: et ad  
 se comportari iuberet. Agyrio similiter istius imperio  
 uasa Corinthia per Apollodorum, quem testem audi-  
 stis: Syracusas deportata sunt. Illa uero optima est: quod  
 cum ad Haluntium uenisset Praetor laboriosus, & di-  
 ligens: ipse in oppidum accedere noluit: quod erat diffici-  
 li ascensu, atq; arduo: Artagathum Haluntinum, homi-  
 nem non solum domi suae, sed totae Siciliae in primis no-  
 bilem, uocari iussit. ei negotium dedit: ut quicquid Ha-  
 lunti esset argenti coelati: aut siquid etiam Corinthio-  
 rum: ut omne statim ad mare ex oppido deportaretur.  
 ascendit in oppidum Artagathus: homo nobilis, qui a su-  
 is & amari, & diligi uellet: ferebat grauius, illam si-  
 bi ab isto provinciam datam: nec quid faceret, habebat.  
 pronunciat quid sibi imperatum esset: iubet omnes pro-  
 ferre, quae haberent. metus erat summus. ipse enim tyrā-  
 nus non discedebat longius: Artagathum, & argentum  
 in lectica cubans, ad mare infra oppidum expectabat.  
 quem concursum factum in oppido putatis? quem cla-  
 morem? quem porro fletum mulierum? qui uiderent:  
 equum troianum introductum, urbem captam esse, di-  
 cerent. efferri sine thecis uasa: extorqueri alia de mani-  
 bus mulierum: effringi multorum fores: reuelli claustra.  
 quid enim putatis? scuta siquando conquiruntur à priua-  
 tis in bello, ac tumultu: tamen homines inuicti dant: etsi  
 ad salutem communem dari sentiunt: ne quem putetis si-  
 ne maximo dolore argentum coelatum domo, quod alter

eriperet: protulisse. omnia deferuntur. Cybiratæ fratres  
 uocantur: pauca improbant. quæ probant, iis crustæ,  
 aut Emblemata detrahebantur. sic Haluntini excussis  
 delicijs, cum argento puro domum reuerterunt. Quod  
 unquam Iudices huiusmodi euerriculum in illa pro-  
 uincia fuit? auertere aliquid de publico quam obscurissi-  
 me per magistratum solebant. etiam aliquid de priua-  
 to nonnunquam occulte auferebant. et illi tamen conde-  
 mnabantur. et si queritis ut ipse de me detrahā: illos ego  
 accusatores puto fuisse: qui huiusmodi hominum furta  
 odore, aut aliquod leuiter presso uestigio, persequaban-  
 tur. nam nos quidem quid facimus in Verre? quem in  
 luto uolutatum totius corporis uestigijs inuenimus? per-  
 magnum est in eum dicere aliquid? qui præteriens, lecti-  
 ci paulisper deposita, non per præstigia, sed palam per  
 potestatem, uno imperio hostiatum totum oppidum com-  
 pilarit. Attamen ut possit se dicere emisse: Artagathus im-  
 perat: ut aliquid illis, quorum argentum fuerat: num-  
 morum dicis causa daret. inuenit Artagathus paucos q-  
 uellent accipere. his dedit. eos nummos tamen iste Art-  
 gathus non reddidit. uoluit Romæ petere Artagathus:  
 Cn. Lentulus Marcellinus dissuasit: sicut ipsum dicere  
 audistis. atq; hac tota de re audistis Artagathi, & Len-  
 tuli testimonium. Et ne forte hominem existimetis hanc  
 tantam uim Emblematum sine causa coaceruare uoluis-  
 se: uidete quanti uos, quanti estimatione populi roma-  
 ni, quanti leges, & iudicia, quanti testes sículos, negocia-  
 toresq; fecerit. posteaquam tantam multitudinem colle-  
 rat Emblematum: ut ne unum quidem cuiquam reli-  
 quisset: instituit officinam Syracusis. in Regia maximā,  
 palam artifices omnes, cælatores, ac nasculares conuo-

cari iubet: & ipse suos complures habebat. eo' conducebat  
 magnam hominum multitudinē. menses octo continu-  
 os opus his non defuit: cum uas nullum fieret nisi aure-  
 um. tum illa, ex patellis, & thuribulis quæ uellerat: ita  
 scite in aureis poculis illigabat: ita apte in scyphis au-  
 reis includebat: ut ea ad illam rē nata esse diceres. ipse  
 tamen Prætor, qui sua uigilantia pacem in Sicilia dicit  
 fuisse: in hac officina maiorem partem diei cum tunica  
 pulla sedere solebat, & pallio. Hæc ego Iudices non  
 auderem proferre: ni uererer ne forte plura de isto ab  
 alijs in sermone, quàm à me in iudicio audisse uos dicere-  
 tis. quis enim est, qui de hac officina, qui de uasis aureis,  
 qui de istius pallio, pulla non audierit? quem uoles de  
 conuētū Syracusanorum uirum bonum nominato. pro-  
 ducam. nemo erit quin hoc se aut uidisse, aut audisse di-  
 cat. O' tempora: O' mores. nihil nimium uetus proferā.  
 sunt uestrum aliquamulti: qui L. Pisonem cognoue-  
 runt, huius L. Pisonis, qui Prætor fuit: patrem. is cum  
 esset in Hispania Prætor: qua in provincia occisus est: ne  
 scio quo pacto dum armis exercetur: annulus aureus,  
 quem habebat, fractus est, & comminutus. cum uellet  
 sibi annulum facere: aurificem iussit uocari in foro, ad  
 sellam, Cordubæ: & ei palam appendit aurum. homi-  
 nem in foro sellam iubet ponere: & facere annulum  
 omnibus præsentibus. Nimiū fortasse dicet aliquis hunc  
 diligentem. hæc tamen reprehēdat si quis uolet: nihil am-  
 plius. uerum fuit ei concedendum: filius enim L. Piso-  
 nis erat eius: qui primus de pecunijs repetundis legem  
 tulit. ridiculum est nunc de Verre me dicere: cum de  
 Pione frugi dixerim. ueruntamen quantum intersit: ui-  
 dete. iste cum aliquot abacorum faceret uasa aurea: non

laborauit, quin non modo in Sicilia, uerum etiam Romæ in iudicio audiret. ille in auri semina totam Hispaniam scire uoluit: unde prætori annulus fieret. nimirum ut hic nomen suum comprobauit: sic ille cognomen. nullo modo possum omnia istius facta aut memoria consequi: aut oratione complecti. genera ipsa cupio breuiter attingere. ut hoc modo me commouit Pisonis annulus: quod totum effluxerat. Quam multis istum putatis hominibus honestis, de digitis annulos aureos abstulisse? nunquam dubitauit: quotienscunq; alicuius aut gemma, aut annulo delectatus est. incredibilem rem dicam, sed tam claram: ut ipsum negaturum nō arbitrer. Cum Valentio eius interpreti epistola Agrigenti allata esset: casu signum iste animaduertit in cretula: placuit ei: exquisiuit unde esset epistola: respondit Agrigento. iste literas ad quos solebat, misit: ut is annulus ad se primo quoq; tempore afferretur. ita literis istius patrisfamilias L. Titio quidam, cui Ro. annulus de digito detractus est. Illa uero eius cupiditas incredibilis est. nam ut singula conclauia, quæ iste non modo Romæ, sed omnibus in uillis habet: tricenos lectos optime stratos cum cæteris ornamentis communij quærerent: nimum multa comparare uideretur. nulla domus in Sicilia locuples fiat: ubi iste non textrinam instituerit. Mulier est Segestana perdiues, et nobilis Lamia nomine. per triennium isti plena domo telarum, stragulam uestem confecit, nihil Conchiliotinctum. Attalus homo pecuniosus nec uulgo Lilybei: Chritolaus Ennæ, Syracusis: Aeschrio, Cleomenes, Theomnastus, Pelori Archonides, Megistus. uox me citius defecerit quàm nomina. ipse dabat purpuram tantum: amici opera. credo. iam enim non libet omnia cri-



minari. quasi uero hoc mihi non satis sit ad crimen: habuisse tam multum, quod daret: uoluisse deportare tam multa: hoc denique quod concedit: amicorum operis esse in huiusmodi rebus usum. Tam uero lectos aeratos, et candelabra aenea num cui præter istum Syracusis per triennium facta esse existimatis? emebat credo. sed tantum uos certiores Iudices facio: quid iste in provincia prætor egerit: ne cui forte nimium negligens fuisse uideatur: neque se satis, cum potestatem habuerit, instruxisse, et ornasse. Venio nunc non iam ad furtum, non ad auariciam, non ad cupiditatem: sed ad eiusmodi facinus: in quo omnia nefaria contineri mihi, atque inesse uideantur: in quo dii immortales uiolati: existimatio, atque authoritas nominis populi romani imminuta: hospitium spoliatum, ac proditum: ab alienati scelere istius à nobis omnes reges amicissimi, nationesque: quæ in eorum regno, ac ditione sunt. Nam reges Syriæ regis Antiochi filios pueros scitis Romæ nuper fuisse: qui uenerant non propter Syriæ regnum. nam id sine controuersia obtinebant, ut à patre, et à maioribus acceperant. sed regnum Aegypti ad se, et ad Selinem matrem suam pertinere arbitrabantur. hi postquam temporibus populi Romæ exclusi per Senatum agere, quæ uoluerant, non potuerunt: in Syriam in regnum patrum profecti sunt. eorum alter, qui Antiochus uocatur: iter per Siciliam facere uoluit. itaque isto præture uenit Syracusas. Hic Verres hereditatem sibi uenisse arbitratus est: quod in eius regnum, ac manus uenerat. iste, et audierat multa secum præclara habere: et suspicabatur. mittit homini munera satis large: hæc ad usum domesticum, uini, olei, quod uisum erat: etiam tritici, quod satis esset, de his decumis.

deinde ipsum Regem ad cœnam uocauit. exornat ample, magnificèq; triclinium: exponit ea, quibus abundabat, plurima, ac pulcherrima uasa argentea: nâq; hæc aurea nondum fecerat: omnibus curat rebus instructû, et paratum sit conuiuium. quid multa? rex ita discessit: ut & istum diligenter ornatum, & se honorifice acceptum arbitraretur. uocat ad cœnam deinde ipse Prætorum: exponit suas copias omnes: multum argentum, non pauca etiam pocula ex auro, quæ ut mos est regius, & maxime in Syria, gemmis erant distincta clarissimis. erat etiam uas uinariû ex una gemma per grandi, trulla exæuata cum manubrio aureo: de qua credo satis idoneum, satis grauem testem Q. Minutium dicere audistis. Iste unumquodq; uas in manus sumere: laudare: mirari. Rex gaudere prætori satis iucundum, & gratum illud esse conuiuium. posteaquam inde discessum est: cogitare iste nihil aliud, q̃ id quod ipsa res declarauit: nisi quemadmodum Regem ex prouincia spoliatum, ex pilatumq; dimitteret. mittit rogatum uasa ea, quæ pulcherrima apud illum uiderat: ait se suis celatoribus uelle ostendere. Rex, qui istum non nosset: sine ulla suspitione, libentissime dedit. mittit etiam trullam gemmeam rogatum: uelle eam se diligentius considerare. ea quoq; ei mittitur. nunc reliquum Iudices attendite: de quo & uos audistis: et populus Ro. nunc primum audiet: & in exteris nationibus ad ultimas terras peruagatum est. Candelabrum & gemmis clarissimis, & opera mirabili perfectum, Reges hi, quos dico, Romam cum attulissent: ut in Capitolio poneret: quod nondum etiam perfectum templum offenderat: neq; ponere, neq; uulgo ostendere, ac proferre uoluerunt:

ut & magnificentius uideretur: cum suo tempore in cel-  
 la Iouis optimi Maximi poneretur: & clarius: cum pul-  
 chritudo eius recens ad oculos hominum, atq; integra  
 perueniret. statuerunt id secum in Syriam reportare:  
 ut, cum audissent simulacrum Iouis optimi Maximi  
 dedicatum: legatos mitterent: qui cum cæteris rebus il-  
 lud quoq; eximium, atq; pulcherrimum donum in Ca-  
 pitolum afferrent. Peruenit res ad istius aures nescio  
 quomodo: nam Rex id cælatum uoluerat: non quo quic-  
 quam metueret: aut suspicaretur: sed ut ne multi illud an-  
 te perciperent oculis: quàm populus romanus. iste petit  
 à Rege: et eum pluribus uerbis rogat: uti ad se mittat: cu-  
 pere se dicit inspicere: neq; se alijs uidendi potestatem  
 esse facturum. Antiochus qui animo & puerili esset,  
 & regio: nihil de istius improbitate suspicatus est. impe-  
 rat suis ut in prætorium inuolutum quamocultissime  
 deferrent. quo posteaquam attulerunt: inuolutisq; re-  
 iectis constituerunt: iste clamare coepit: dignam rem esse  
 regno Syriæ: dignam regio munere: dignam Capitolio.  
 etenim erat eo splendore: qui ex clarissimis, & pluri-  
 mus gemmis esse debebat: ea uarietate operum: ut ars cer-  
 tare uideretur cum copia: ea magnitudine: ut intelligi  
 posset non ad hominum apparatus, sed ad amplissimæ  
 templi ornamenti esse factum. quod cum satis iam per-  
 spexisse uideretur: tollere incipiunt: ut referrent. iste ait,  
 se uelle illud etiam, atq; etiam considerare: nequaquam  
 se esse satiatum: iubet illos discedere: et candelabrum re-  
 linquere. sic illi tum inanes ad Antiochum reuertun-  
 tur. Rex primo nihil metuere: nihil suspicari. dies unus,  
 alter, plures: non referri. tum mittit Rex ad istum: si sibi  
 uideatur: ut reddat. iubet iste posterius ad se reuerti. mi-

rum illi uideri . mittit iterum . non redditur . ipse hominem appellat : rogat : ut reddat . os hominis , insignēq; impudentiam cognoscite . quod sciret , quodq; ex ipso Rege audisset , in Capitolio esse ponendum : quod Ioui optimo maximo , quod populo romano seruari uideret : id sibi ut donaret rogare : Et uehementer petere coepit . Cum ille se , Et religione Iouis capitolini : Et hominum existimationē impediri diceret : quod multæ nationes testes essent illius operis , ac muneris : iste homini minari acerrime coepit . Vbi uidet eum nihilo magis minis , quam precibus permoueri : repente hominem de provincia iubet ante noctem discedere . ait se comperisse ex eius regno piratas in Siciliam esse uenturos . Rex maximo conuentu Syracusis , in foro , nequis forte me in crimine obscuro uersari , atq; affingere aliquid suspicionē hominū arbitretur : Syracusis inquam flens , ac deos , hominesq; contestans clamare coepit : Candelabrum factum ē gemmis , quod in capitolium missurus esset : quod in templo clarissimo , populo Ro . monumentum suæ societatis , amicitiaeq; esse uoluisset : id sibi C . Verrem abstulisse . de cæteris operibus ex auro , Et Gemmis , quæ sua penes illum essent : se non laborare . hoc sibi eripi miserum esse , Et indignum . id Et si antea iam mente , Et cogitatione sua , fratrisq; sui consecratum esset : tamen tum se in illo conuentu cuium Ro . dare , donare , dicare , consecrare Ioui Opt . maximo : testemq; ipsum Iouem suæ uoluntatis , ac religionis habere . Quæ uox ? quæ latera ? quæ uires huius unius criminis querimoniam possint sustinere ? Rex Antiochus , qui Romæ ante oculos omnium nostrum beneuolentium ferè comitatu regio , atq; ornatu fuisset : is cum amicis , Et sociis populi romani esset : amicissimo patre ,



aucto, maioribus, antiquissimis, et clarissimis Regibus, opus  
 lentissimo, et maximo regno, praeceptum est provincia po-  
 puli Ro. exturbatus est. quemadmodum hoc accepturas  
 nationes exteras: quemadmodum huius tui facti famam  
 in regna aliorum, atque in ultimas terras peruenturam  
 putasti? cum audierint à Praetore populi R. in provincia  
 uiolatum Regem: spoliatum hospitem: eiectum socium  
 populi romani, atque amicum. Nomen uestrum populi-  
 que Ro. odio, atque acerbitati scitote nationibus exteris Iudi-  
 ces futurum: si istius hanc tanta iniuria impunita discesse-  
 rit: sic omnes arbitrabuntur: praesertim cum hac omni-  
 no fama de nostrorum hominum auaricia, et cupi-  
 ditate percrebuerit: non istius solius hoc esse facinus: sed  
 eorum etiam, qui approbarint. multi Reges, multae ci-  
 uitates, multi priuati opulenti, ac potentes habent pro-  
 fecto in animo Capitolium sic ornare: ut templi digni-  
 tas, imperiique nostri nomen desiderat. qui si intellexe-  
 rint: interuerso regali hoc dono, grauiter uos tulisse:  
 gratam fore uobis populoque Ro. sua studia, ac dona arbi-  
 trabuntur. Sin hoc uos, in Rege tam nobili, in re tam exi-  
 mia, in iniuria tam acerba neglexisse audierint: non  
 erunt tam amentes: ut operam, curam, pecuniam, im-  
 pendant in eas res: quas uobis gratas fore non arbi-  
 trentur. Hoc loco Q. Catule te appello. loquor enim  
 de tuo clarissimo, pulcherrimoque monumento. non iudi-  
 cis solum seueritatem in hoc crimine, sed prope inimi-  
 ci, atque accusatoris uim suscipere debes. tuus est enim  
 honos in illo templo Senatus populi-  
 que Ro. beneficio: tui  
 nominis aeterna memoria simul cum templo illo conse-  
 cratur. tibi haec cura suscipienda: tibi haec opera sumen-  
 da est: ut Capitolium quomodo magnificentius est re-

stitutum: sic copiosius ornatum sit: quam fuit: ut illa flamma diuinitus extitisse uideatur: non quæ deleret Iouis opt. max. templum: sed quæ præclarius magnificentiúsque deposceret. audisti Q. Minutium Rufum dicere domi suæ diuersatum esse Antiochum regem Syracusis: se illud scire ad istum esse delatum: se scire. non redditum. audisti, & audies omnes è conuentu Syracusano: qui ita dicant: sese audientibus illud Ioui Opt. Max. dicatum esse ab Rege Antiocho: & consecratum. Si iudex non esses: & hæc ad te delata res esset: te potissimum hoc persequi, te petere, & agere oporteret. quare non dubito, quo animo iudex huius criminis esse debeas: qui apud alium iudicem multo acrior, quam ego sum, actor, accusatorque esse deberes. Vobis autem Iudices, quid hoc indignius, aut quid minus ferendum uideri potest? Verres ne habebit domi suæ candelabrum Iouis Opt. Max. gemmis, auroque perfectum? cuius splendore collucere, atque illustrari Iouis Opt. Max. templum oportebat: id apud istum in eiusmodi conuiujs constituitur: quæ domesticas stupris, flagitiisque flagrabunt? in istius lenonis turpissimi domo simul cum cæteris Chelidonis hæreditarijs ornamentis, Capitolijs ornamenta ponentur? quid huic sacri unquam fore: aut quid fuisse religiosi putatis? qui nunc tanto scelere se obstrictum esse non sentiat? qui in iudicium ueniat: ubi ne precari quidem Iouem Opt. Max. atque ab eo auxilium petere more omnium possit? à quo etiam dij immortales sua repetunt in eo iudicio: quod hominibus ad suas res repetendas est constitutum. miramur Athenis Minervam, Deli Apollinem, Iunonem Sami, Pergæ Dianam, multos præterea ab isto deos tota Asia, greciaque uiolatos: qui à

capitolio manus abstinere non potuerit: quod privati homines de suis pecunijs ornant: ornaturiq; sunt: id C. Verres ab regibus ornari non est passus. Itaq; hoc nefario scelere concepto, nihil postea tota in Sicilia neq; sacri, neq; religiosi esse duxit: ita sese in ea provincia per triennium gessit: ut ab isto non solum hominibus, uerum etiam dijs immortalibus bellum indictum putaretur. Segesta est opidum peruetus in Sicilia Iudices: quod ab Aenea fugiente à Troia, atq; in hac loca ueniente, conditum esse demonstrant. Itaq; Segestani non solum perpetua societate, atq; amicitia, uerum etiam cognatione se cum Populo Romano coniunctos esse arbitrantur. Hoc quondam oppidum, cum illa ciuitas cum Poenis suo nomine, ac sua sponte bellaret: à Carthaginensibus uicaptum, atq; deiectum est: omniaq; , quæ ornamento ibi esse possent: Carthaginem sunt ex illo loco deportata. fuit apud Segestanos ex ære simulacrum Dianæ tum summa, atq; antiquissima præditum religione, tum singulari opera, artificioq; perfectum. hoc translatum Carthaginem locum tantum, hominesq; mutarat: religionem quidem pristinam conseruabat. nam propter eximiam pulchritudinem, etiam hostibus digna, quam sanctissime colerent: uidebatur. Aliquot seculis post, P. Scipio bello punico tertio Carthaginem cepit. qua in uictoria ( uidete hominis uirtutem, & diligentiam: ut & domesticis præclarissimæ uirtutis exemplis gaudeatis: & eò maiore odio dignam istius incredibilem audaciam indicetis ) conuocatis Siculis omnibus, quod diutissime, sepiissimeq; Siciliam uexatam à Carthaginensibus nouerat: iubet omnia conquiri: sibi pollicetur magnæ curæ fore: ut omnia ciuitatibus, quæ cuiusq; fuissent:

fuiſſent: reſtituerentur. tum illa quæ quondã fuerant Hi-  
mera ſublata, de quibus antea dixi: Thermitanis ſunt  
reddita. tum alia Gellensibus: alia Agrigentinis. in  
quibus, etiam ille nobilis taurus, quem crudeliſſimus  
omnium tyrannorum Phalaris habuiſſe dicitur: quo  
uiuos ſupplicij cauſa dimittere homines, & ſubicere flam-  
mam ſolebat. quem Taurum Scipio cum redderet Agri-  
gentinis: dixiſſe dicitur: æquum eſſe illos cogitare: utrum  
eſſet ſiculus utilius: ſuis ne ſeruire? an populo Ro. ob-  
temperare? cum idem monumentum & domeſticæ cru-  
delitatis, & noſtræ manſuetudinis haberent. Illo tem-  
pore Segeſtani maxima cum cura hæc ipſa Diana, de  
qua dicimus: redditur. reportatur Segeſtam: in ſuis anti-  
quis ſedibus ſumma cum gratulatione ciuium, & læti-  
cia reponitur. Hæc erat poſita Segeſtæ, ſanè excelsa in  
baſi: in qua grandibus literis P. Africani nomen erat  
inſum: eumq; Carthagine capta reſtituiſſe perſcriptum.  
colebatur à ciuib; ab omnibus aduenis uiſebatur. cum  
quæſtor eſſem: nihil mihi ab illis eſt demonſtratũ prius.  
erat admodum amplum, & excelſum ſignum cum ſto-  
la: ueruntamen inerat in illa magnitudine ætis, atq;  
habitus uirginalis: ſagittæ pendeant ab humero: ſini-  
ſtra manu retinebat arcum: dextra ardentem facem præ-  
ferebat. Hæc cum iſte ſacrorum omnium hoſtis, religio-  
numq; prædo uidiſſet: quaſi ipſa illa face percuſſus eſſet:  
ita ſlagrare cupiditate, atq; amentia cœpit. imperat ma-  
giſtratibus iſte, ut eã demoliantur: & ſibi dent: nihil ſi-  
bi gratius oſtendit futurum. illi uero dicere id ſibi ne-  
phas eſſe: ſeq; cum ſumma religione, tum ſummo metu le-  
gum, & iudiciorum teneri. iſte tum petere ab illis: tum  
munari: tum ſpem, tum metum oſtendere. opponebant illi



interdum nomen Africani: donum populi ro. illud esse dicebant: nihil se in eo potestatis habere: quod imperator clarissimus, urbe hostium capta, monumentum uictoriae populi ro. esse uoluisset. Cum iste nihilo remissius, atq; etiam multo uehementius instaret quotidie: res ageretur in Senatu: uehementer ab omnibus reclamatur. itaq; illo tempore, ac primo istius aduentu pernegatur. postea quicquid erat oneris in nautis, remigibusq; exigendis, in frumento imperando: Segestanis præter cæteros imponebat aliquanto amplius: quàm ferre possent. præterea magistratus eorum euocabat: optimum, & nobilissimum quenq; ad se accersebat: circum omnia prouinciae fora rapiebat: sigillatim unicuiq; calamitati fore se denunciabat: uniuersam se funditus illam euersurum esse ciuitatem minabatur. Itaq; aliquando multis malis, magniq; metu uicti Segestani prætoris imperio parendum esse decreuerunt. magno cum luctu, & gemitu totius ciuitatis, multis cum lachrymis, et lamentatione uirorum, mulierumq; omnium, simulacrum Dianæ tollendum locatur. uidete quanta religione fuerit. apud Segestanos repertum esse Iudices scitote neminem neq; liberum, neq; seruum, neq; ciuem, neq; peregrinum: qui illud signum auderet attingere. barbaros quosdam Lilybeo scitote aduocatos esse operarios. hi deniq; illud ignari potius negocij, ac religionis, mercede accepta sustulerunt. Quod cum ex oppido exportaretur: quem conuentum mulierum factum esse arbitramini? quem fletum maiorum natu? quorum nonnulli etiam illum diē memoria tenebant: cum illa eadem Diana Segestam Carthagine reuecta, uictoriā populi Ro. reditu suo nuntiasset. quam dissimilis hic dies illi tempori uidebatur. tum

Imperator populi Ro. uir clarissimus deos patrios re-  
 portabat Segestanis, ex urbe hostium recuperatos. nunc ex  
 urbe sociorum prætor eiusdem populi turpissimus, atq;  
 impurissimus, eosdem illos deos nefario scelere aufere-  
 bat. quid hoc tota Sicilia est clarius? quam omnes Seges-  
 tanas matronas, et uirgines conuenisse: cum Diana ex-  
 portaretur ex oppido? unxisse unguentis? complexisse co-  
 ronis, et floribus? thure odoribusq; incensis, usq; ad agri  
 fines prosecutas esse? Hanc tu tantam religionem situm,  
 in imperio propter cupiditatem, atq; audaciam non ti-  
 mescebas: ne nunc quidem in tanto tuo, liberorumq; tuo-  
 rum periculo perhorrescis? quem tibi aut hominem, in-  
 uitis dijs immortalibus, aut uero deum tantis coru re-  
 ligionibus uiolatis auxilio futurum putas? tibi illa Dia-  
 na in pace, atque in ocio religionem nullam attulit?  
 quæ cum duas urbes, in quibus locata fuerat: captas  
 incensasq; uidisset: bis ex duorum bellorum flamma,  
 ferroq; seruata est: quæ Carthaginensium uictoria lo-  
 co mutato, religionem tamen non amisit: P. Africa-  
 ni uirtute, religionem simul cum loco recuperauit. Quo  
 quidem scelere suscepto, cum inanis esset basis: & in ea  
 P. Africani nomen incisum: res indigna, atque into-  
 leranda uidebatur omnibus: non solum religiones esse  
 uiolatas: uerum etiam P. Africani uiri fortissimi, rerum  
 gestarum gloriam, memoriam uirtutis, monumenta ui-  
 ctoriæ, C. Verrem sustulisse. Quod cum isti renuncia-  
 retur de basi, ac literis: existimauit homines in obliuio-  
 nem totius negotij esse uenturos: si etiam basim tanquam  
 indicem sui sceleris, sustulisset. itaq; tollendam istius im-  
 perio locauerunt. quæ uobis locatio ex publicis Seges-  
 tanorum literis priore actione recitata est. Te nunc

P. Scipio, te inquam lectissimum, ornatissimumq; adolescentem appello: abs te officium tuum debitum generi, & nomini requiro: & flagito. cur pro isto, qui laudē honoremq; familiae uestrae depeculatus est: pugnas? cur eum defensum esse uis? cur ego tuas partes suscipio? cur tuum onus sustineo? M. Tullius P. Africanus monumenta requirit: P. Scipio eum, qui illa sustulit: defendit. cum mos à maioribus traditus sit: ut monumenta maiorum ita suorum quisq; defendat: ut ea ne ornari quidem nomine alieno sinat: tu isti aderis? qui non obtrusit aliqua ex parte monumenta P. Scipionis: sed funditus sustulit: ac deleuit. quis nam igitur per deos immortales tuebitur P. Scipionis memoriam mortui? quis monumenta, atq; indicia uirtutis? si tua ea relinquis: ac deseris? neq; solum spoliata illa pati? sed etiam eorum spoliatorem uexatoremq; defendes? Ad sunt Segestani Clientes tui, socij populi Ro. atq; amici: certiorum te faciunt: P. Africanum Carthagine deleta simulacrū Dianae maioribus suis restituisse: idq; apud Segestanos eius imperatoris nomine positum, ac dedicatum fuisse: hoc Verrem demoliendum, & asportandum, nomenq; omnino P. Scipionis delendum, tollendumq; curasse. orant: atq; obsecrant: ut sibi religionem, generi tuo laudem, gloriamq; restituas: ut quod ex urbe hostium per P. Africanum recuperarint: id per te ex praedonis domo conseruare possint. quid aut his respondere honeste potes? aut illi facere? nisi ut te, ac fidem tuam implorent? adsunt: & implorant. potes domesticæ laudis amplitudinem Scipio tueri. potes. omnia in te sunt: quæ aut fortuna hominibus, aut natura largitur. non præterpo fructum officij tui: non alienam mihi lau-

dem appeto: non est pudoris mei, P. Scipione florentissimo adolescente uiuo, & incolumi, me propugnatores monumentorum P. Scipionis, defensoremq; profiteri. quamobrem si suscipis domesticæ laudis patrocinium: me non solum silere de uestris monumentis oportebit: sed etiam letari, P. Africani eiusmodi esse fortunas mortui: ut eius honos ab ijs, qui ex eadem familia sint: defendatur: neque ullum aduentitium requiratur auxilium. Si istius amicitia te impediet: si hoc, quod abs te postulo, ad officium tuum minus pertinere arbitraber: succedam ego uicarius tuo munere: suscipiam partes, quas alienas esse arbitrabar: nã ista præclara nobilitas desinat queri, populum Ro. hominibus nouis, atq; industrijs libenter honores mandare: semperq; mandasse. non est querendum in ea ciuitate, quæ propter uirtutem omnibus nationibus imperat: uirtutem plurimum posse. sit apud alios imago P. Africani: ornentur alij mortui uirtute, ac nomine. talis ille uir fuit: ita de populo Ro. meritus est: ut nõ uni familiæ, sed uniuersæ ciuitati commẽdatus esse debeat. Est aliqua mea pars uirilis: quod eius ciuitatis sum: quam ille amplam, illustrem, claramq; reddidit. præcipue quod in his artibus pro mea parte uersor: quarum ille princeps fuit: æquitate, industria, temperantia, defensione miserorum, odio improborum: quæ cognatio studiorum, & artium prope modum non minus est coniuncta: quàm ista, qua uos delectamini generis, & nominis. Repeto abs te Verres monumentum P. Africani: causam Siculorum, quam suscepi, relinquo: iudicium de pecunijs repetundis ne sit hoc tempore: Segestanorum iniuriæ negligantur: basis P. Africani restituatur: nomen inuictissimi Impera-



toris incidatur: signum pulcherrimum Carthagine aptum reponatur. hæc abs te non Siculorum defensor, non tuus accusator, non Segestani postulant: sed his, qui laudem, gloriamq; P. Africani tuendam, conseruandamq; suscepit. non uereor ne hoc officium meum P. Seruilio iudici non probem: qui cum res maximas gesserit: monumentaq; suarum rerum cum maxime constituat: atq; in his elaboret: profecto uolet hæc non solum suis posteris, uerum etiam omnibus uiris fortibus, & bonis ciuibus defendenda, non spolianda improbis tradere. non uereor ne tibi Q. Catule displiceat, cuius amplissimum in orbe terrarum, clarissimūq; monumentum est: quamplurimos esse custodes monumento- rum: putare omnes bonos alienæ gloriæ defensionem, ad officium suum pertinere. Et quidem cæteris istius furtis, atq; flagitijs ita moneor: ut ea reprehendenda tantum putem. hic uero tantum dolore afficior: ut nihil mihi indignius ferendum uideatur. Verres Africani monumentis domum suam plenam stupri, plenam flagitij, plenam dedecoris, ornabit. Verres temperatissimi, sanctissimiq; uiri monumentum, Dianæ simulacrum uirginis, in ea domo collocabit. in qua semper meretricum lenonumq; flagitia uersantur? At hoc solū Africani monumentum uiolasti? quid? à Tindaritanus non eiusdem Scipionis beneficio positum simulacrum Mercurij pulcherrime factum sustulisti? at quemadmodum dij immortales? quā audacter, quā libidinosè, quā impudenter? audisti nuper dicere legatos Tindaritanos, homines honestissimos, ac principes ciuitatis: Mercurium, qui sacris anniuersarijs apud eos, ac summa religione coleretur: quem P. Africanus Carthagine ca-

pta Tintadaritanis non solum suæ uictoriæ, sed etiam illorum fidei, societatisq; monumentum, atq; indicium dedisset: huius ui, scelere, imperioq; esse sublatum. qui ut primum in illud oppidum uenit: statim tanquam ita fieri non solum oporteret: sed etiam necesse esset: tanquam hoc Senatus mandasset: populusq; Ro. iussisset: ita continuo signum ut demolirentur: & Messanam deportarent: imperauit. quod cum illis, qui aderant, indignum: qui audiebant, incredibile uideretur: non est ab isto primo illo aduentu perseueratum. discedens mandat Proagoro Sopatro, cuius uerba audistis: ut demolia- tur. cum recusaret: uehementer minatur. ita tum ex illo oppido proficiscitur. Proagorus refert rem ad Senatum: uehementer undiq; reclamatur. ne multa. iterum iste alii quanto post ad illos uenit: quærit continuo de signo. respondetur ei: Senatum non permittere: poenam capitis constitutam: si iniussu Senatus quisquam attigisset. simul religio commemorabatur. Tum iste quàm mihi religionem narras? quam poenam? quem Senatum? uiuum te non relinquam: mori uirgis: nisi signum traditur. Sopater iterum flens ad Senatum defert istius cupiditatē: minasq; demonstrat. Senatus Sopatro responsum nullū dat: sed commotus, perturbatusq; discedit. Ille prætoris acersitus nuncio, rem demonstrat: negat ullo modo fieri posse. atq; hæc (nihil enim prætermittendū de istius impudentia uidetur) agebantur in cōuentu palām, de sella, ac de loco superiore. Erat hyems summa: tempestas, ut ipsum Sopatrum dicere audistis: perfrigida: imber maximus: cum iste imperat lictoribus ut Sopatrum de porticu, in qua ipse sedebat: præcipitem in forum deiciant: nudumq; constituent. nix erat hoc plane etiam

*imperatum: cum illum spoliatum, stipatumq; licitoribus*  
*uideres. omnes ideo putabant: ut miser, atq; innocens uir*  
*gis cederetur. fefellit hæc homines opinio. uirgis iste cede*  
*ret sine causa socium populi Ro. atq; amicum. non usq;*  
*eo improbus: non omnia sunt in eouno u. cia: nunquam*  
*fuit crudelis. leuiter hominem, clementerq; accepit. eque*  
*stres sunt medio in foro Marcellorum statuæ: sicuti fere*  
*cæteris in oppidis Siciliae. ex quibus iste C. Marcelli sta*  
*tuam delegit: cuius officia in illa ciuitate, totaq; prouin-*  
*cia recentissima erant, & maxima. in ea Sopatrum*  
*hominem, tum domi nobilem, tum summo magistratu*  
*præditum diuicari, ac deligari iubet. Quo cruciatus*  
*sit affectus uenire in mentem necesse est omnibus: cum*  
*esset uinctus, nudus, in aere, in hymbri, in frigore. neq;*  
*tamen finis huic iniuriæ, crudelitatiq; fiebat: donec po*  
*pulus, atq; uniuersa multitudo atrocitate rei, misericor-*  
*diæq; comota, Senatum clamore coegit: ut ei simulachrū*  
*illud Mercurij polliceretur. clamabant fore, ut ipsi sese*  
*di immortales ulciscerentur: hominem interea perire*  
*innocentem non oportere. Tum frequens Senatus ad eū*  
*uenit: pollicetur signum. Ita Sopater de statua C. Mar-*  
*celli, cum iam penè obduruisset: uix uiuus aufertur.*  
*Non possum disposite istum accusare: si cupiam. opus est*  
*non solum ingenio, uerum etiam artificio quodam sin*  
*gulari. unum hoc crimen uidetur esse: & à me pro uno*  
*ponitur, de Mercurio Tindaritano. plura sunt. sed ea*  
*quo pacto distinguere, ac separare possim: nescio. est pe-*  
*cuniarum captarum: quod signum à socijs pecunie ma*  
*gnæ sustulit. est peculatus: quod publicæ populi ro. si-*  
*gnum, de præda hostium captum, positum Imperatoris*  
*nostri nomine, non dubitauit auferre. est maiestatis: qd*

imperij nostri gloriae rerumq; gestarum monumenta  
euertere, atq; asportare ausus est. est sceleris: quod reli-  
giones maximas uiolauit. est crudelitatis: quod in homi-  
nem innocentem, in focum nostrum, atq; amicum, no-  
uum, ac singulare supplicij genus excogitauit. illud ue-  
ro quid sit, iam non queo dicere: quo nomine appellem,  
nescio: quod in C. Marcelli statua. quid est hoc? patronus  
ne quod erat? quid tum? quo id spectat? utrum ea res  
ad opem, an ad calamitatem clientium, atq; hospitem  
ualere debebat? an ut hoc ostenderes? contra uim tuam  
in patronis nihil praesidij esse? quis hoc non intelli-  
get: in improbi praesentis imperio maiorem esse uim:  
quam in bonorum absentium patrocinio? an uero ex  
hoc illa tua singularis significatur insolentia, superbia,  
contumacia? deirahere uidelicet aliquid te de magni-  
tudine Marcellorum putasti? itaq; nunc Siculorum Mar-  
celli non sunt patroni: Verres in eorum locum substitu-  
tus est. quam in te tantam uirtutem esse, aut dignitatem  
arbitratus es? ut conarere clientelam tam illustre, tam  
splendide provinciae, transducere ad te: auferre à certis-  
simis antiquissimisq; patronis? tu ista stulticia, nequi-  
tia, inertia, non modo totius Siciliae, sed unius tenuissimi  
Siculi clientelam tueri potes? tibi Marcelli statua pro pa-  
tribulo in clientes Marcellorum fuit? tu ex illius honore  
in eos ipsos, qui honorem illi habuerant, supplicia qua-  
rebas? quid postea? quid tandem tuis statuis fore arbi-  
trabare? an uero id quod accidit? Nam Tindaritani sta-  
tuam istius, quam sibi propter Marcellos, altiore etiā ba-  
si poni iusserat: deturbarunt: simul ac successum isti audie-  
runt. Dedit igitur tibi fortuna Siculorum C. Marcellū  
iudicem: ut cuius ad statuam Siculi te praetore alliga-



nemo Agrigenti neq; ætate tam affecta, neq; uiribus tam infirmus fuit: qui non illa nocte eo nuncio excitatus, surrexerit: telumq; quod cuiq; fors afferebat: arripuerit. itaq; breui tempore ad fanum ex urbe tota concurritur. Hora amplius iam in demoliendo signo permulti homines moliebantur: illud interea nutabat ex parte: cum alij uectibus subiectis conarentur commouere: alij deligatum omnibus membris rapere ad se finibus. repente Agrigentini concurrunt: fit magna lapidatio: dat sese in fugam istius præclari imperatoris nocturni milites. duo tamen sigilla per paruula tollunt: ne omnino inanes ad istum prædonem religionum reuerterentur. nunquam tantum mali est Siculis: quin aliquid facete, et commode dicant. uelut in hac re. aiebant in labores Herculis non minus hunc immanissimum Verrem, q̃ illum aprum Erimanthium referri oportere. Hanc uirtutem Agrigentinarum imitati sunt Assorini postea uiri fortes, & fideles, sed nequaquam ex tam ampla, neq; tam ex nobili ciuitate. Chrysas est annis: qui per Assorinorum agros fluit. Is apud illos habetur deus: et religione maxima colitur. fanum est eius in agro, propter ipsam uiam: qua Assoro itur Ennam. in eo Chrysæ est simulacrum præclare factum è marmore. id iste poscere Assorinos propter singularem eius fani religionem non ausus est. Tlepolemo dat, Hieroniq; negocium. illi noctu facta manu, armataq; ueniunt: fores ædis effringunt. æditui, custodesq; mature sentiunt: signum, quod erat notum uicinitati, bucina datur: homines ex agris concurrunt: eijatur, fugaturq; Tlepolemus: neq; quicquam ex fano Chrysæ præter unum perparuum signum ex ære, desideratum est. Matris ma-

gne fanum apud Enguinios est. iam enim mihi non modo breuiter de uno quoque dicendum est: sed etiam prae tereunda uidentur esse permulta: ut ad maiora istius, et illustriora in hoc genere facta, et scelera ueniamus. In hoc fano loricas, galeasque; aeneas, calatas opere corinthio, hydriasque; grandes simul in genere, atque eadem arte perfectas, idem ille P. Scipio, uir omnibus rebus praecellentissimus posuerat: et suum nomen inscripserat. quid iam de isto plura dicam? aut queram? omnia illa iudices abstulit: nihil in religiosissimo fano, praeter uestigia uiolatae religionis, nomenque P. Scipionis reliquit. hostium spolia, monumenta imperatorum, decora, atque ornamenta fanorum, posthac his praecclaris nominibus amissis in instrumento, ac suppellectili C. Verris nominantur. tu uidelicet solus nasus corinthius delectaris? tu illius aeris temperationem, tu operum liniamenta solertissime perspicias? haec Scipio ille non intelligebat, homo doctissimus, atque humanissimus? tu sine ulla bona arte, sine humanitate, sine ingenio, sine literis, intelligis? et iudicis? uide ne ille non solum temperantia, sed etiam intelligentia te, atque istos, qui se elegantes dici uolunt: uicerit. nam quam pulchra essent intelligebat. ita uero existimabat ea, non ad hominum luxuriam, sed ad ornatum fanorum, atque oppidorum esse facta: ut posteris nostris monumenta religiosa esse uideantur.

Audite etiam singularem eius Iudices cupiditatem, audaciam, amentiam: in his praesertim sacris polluentis: quae non modo manibus attingi, sed ne cogitatione uolari fas fuit. Sacrarium Cereris est apud Catinenses, eadem religione qua Romae, qua in caeteris locis, qua prope in toto orbe terrarum. In eo sacrario intimo fuit

signum Cereris per antiquum: quod uiri, non modo cuiusmodi esset, sed ne esse quidem sciebant. aditus enim in id sacrarium nō est uiris. sacra per mulieres, ac uirgines confici solent. hoc signum noctu clam istius serui, ex illo religiosissimo, atq; antiquissimo fano sustulerunt. postridie sacerdotes Cereris, atq; illius fani antistites, maiores natu, probatae, ac nobiles mulieres, rem ad magistratus suos deferunt. omnibus acerbum, indignum, luctuosum deniq; uidebatur. tum iste permotus illa atrocitate negocij, ut ab se sceleris istius suspicio remaneret: dat hospiti suo cuidam negotium: ut aliquē reperiret: quem ea fecisse insimularet: daretq; operam: ut is eo crimine damneretur: ne ipse esset in crimine. res non paocrastinatur. nam cum iste Catinam profectus esset: serui cuiusdam nomen defertur. is accusatur: ficti testes in eum dantur: rem cunctus Senatus Catinensium, legibus iudicat. sacerdotes uocantur: ex his quaeritur secreto in curia, quid esset factum: quemadmodum arbitrantur signum esse ablatum. respondent illae, praetoris in illo loco seruos esse uisos. res, quae esset antea non obcura: Sacerdotum testimonio perspicua esse coepit. itur in consilium: seruus ille innocens omnibus sententijs absoluitur: quo facilius uos hunc omnibus sententijs condemnare possitis. quid enim postulas Verres? quid speras? quem tibi aut deorum, aut hominum auxilio putas futurum? eō ne tu seruos ad spoliandū fanum immittere ausus es? quo liberos adire ne orandi quidem causa fas erat? his ne rebus manus asferre non dubitasti? à quibus etiam oculos cohibere te religionum iura cogebant? tamen si, ne oculis quidem captus in hanc fraudem, tam sceleratam, ac tam nefariam decidisti. nam id concupi

*fit: quod nunquam uideras: id inquam adamasti: quod  
 antea non aspexeras. auribus tu tantam cupiditatem con-  
 cepisti: ut eam non metus, non religio, non decorum uis,  
 non hominum existimatio contineret. at ex uiro bono  
 audieras credo, & bono auctore. qui id potest? qui ne  
 ex uiro quidem audire potueris. audisti igitur ex mulie-  
 re: quoniam id uiri neque uidisse, neque nosse poterant. qua-  
 lem porro illam foemina fuisse putatis Iudices? quam  
 pudicam: quæ cum Verre loqueretur? quam religiosam:  
 quæ sacrariū spoliandi ostenderet rationem? at minime  
 mirum: quæ sacra per summam castimoniam uirorum,  
 ac mulierum erant: eadem per istius stuprum, ac flagi-  
 tium esse uiolata. Quid ergo? hoc solum auditione ex-  
 petere coepit: cum id ipse non uidisset? imo uero alia  
 complura. ex quibus eligam spoliationem nobilissimam,  
 atque antiquissimam fanum: de qua priore actione testes dicere  
 audistis. nunc illa eadem quaeso audite: et diligenter, si-  
 cut adhuc fecistis: attendite. Insula est Melita Iudi-  
 ces, satis lato ab Sicilia mari, periculoſoque disiuncta: in  
 qua est eodem nomine oppidum: quo iste nunquam ac-  
 cessit. quod tamen isti textrinum per triennium ad mu-  
 liebrem uestem conficiendam fuit. Ab eo oppido non lon-  
 ge, in promontorio fanum est Iunonis antiquum: quod  
 tanta religione semper fuit: ut non modo illis punicis bel-  
 lis, quæ in his fere locis nauali praelio gesta, atque uer-  
 sata sunt: sed etiam in hac prædonum multitudine sem-  
 per inuiolatum, sanctumque fuerit. quin etiam hoc me-  
 moriae proditum est: classe quondam Masinissæ regis ad  
 eum locum appulsa, præfectum regum dentes eburneos  
 incredibili magnitudine e fano sustulisse: & eos in  
 Africam portasse: Masinissæque donasse. regem quidem pri-*



mo delectatū esse munere: post, ubi audisset unde essent:  
 statim certos homines in ququerem misisse: qui eos den-  
 tes reportarent. itaq; in his inscriptum literis punicis fuit:  
 Regem Masinissam imprudentem accepisse: re cognita re-  
 ponendos, restituendosq; curasse. Erat præterea magna  
 uis eboris: multa ornamenta: in quibus eburneæ uicto-  
 riæ antiquo opere, ac summa arte perfectæ. Hæc iste o-  
 mnia, ne multis morer: uno impetu, atq; uno nuncio per  
 seruos uenerios, quos eius rei causa miserat: tollēda, atq;  
 asportanda curauit. Pro' dij immortales quem ego homi-  
 nem accuso? quem legibus, ac iudiciali iure persequor?  
 de quo uos sententiam per tabellam feretis? dicunt le-  
 gati Melitenses publice: spoliatum templum esse Iunonis:  
 nihil istum in religiosissimo fano reliquisse: quem in lo-  
 cum classes hostiū sæpe accesserint: ubi piratæ ferè quot  
 annis hyemare solebat: quod neq; prædo uiolauerit an-  
 tea: neq; hostis attigerit: id ab uno isto sic spoliatum esse:  
 ut nihil omnino sit relictum. hic nunc iste reus, aut ego  
 accusator, aut hoc iudiciū appellabitur? criminibus enim  
 coarguitur: aut suspicionibus in iudicium uocatur. dij  
 ablati, fana uexata, nudatæ urbes reperiuntur. earum  
 autem rerum nullam sibi iste neq; inficiandi rationem,  
 neq; defendēdi facultatem reliquit: omnibus in rebus co-  
 arguitur à me: conuincitur à testibus: urgetur confessione  
 sua: manifestis in maleficijs tenetur: & manet etiam: ac  
 tacitus facta mecum sua recognoscit. Nimum mihi diu  
 uideor in uno genere uersari criminum: sentio Iudices  
 occurrendum esse facietati aurium, animorumq; uestro-  
 rum. quamobrem multa prætermittam. ad ea autem,  
 quæ dicturus sum: reficite uos quæso Iudices per deos  
 immortales: per eos ipsos, de quorum religione iam diu  
 dicamus:

dicimus: dū id eius facinus commemoro: & profero: quo  
provincia tota commota est. de quo si paulo altius ordi-  
ar: ac repetere memoriā religionis uidebor: ignoscite. rei  
magnitudo me breuiter perstringere atrocitatem crimi-  
nis non sinit. Vetus est hæc opinio: quæ constat ex an-  
tiquissimis græcorum literis, atq; monumentis: insulam  
Sicialiam totam esse Cereri, & liberæ consecratam. hoc  
cum cæteræ gentes sic arbitrantur: tum ipsis Siculis tam  
persuasum est: ut animis eorum insitum, atq; innatum  
esse uideatur. nam & natus esse has in his locis deas,  
& fruges in ea terra primum repertas arbitrantur: &  
raptam esse Liberam, quam eandem Proserpinam uo-  
cant: ex Ennensium nemore: qui locus, quod in medio  
est insula situs: umbilicus Sicialiæ nominatur. quam cū  
inuestigare, & conquirere Ceres uellet: dicitur inflam-  
masse ihædas ex is ignibus: qui ex ætne uertice erum-  
punt: quas sibi cum ipsa præferret: orbem omnium  
peragrasse terrarum. Enna autem, ubi ea, quæ dico,  
gesta esse memorantur: est loco præcelso, atq; edito: quo  
in summo est æquata agri planities, & aquæ peren-  
nes. tota uero omni aditu circumcisa, atq; direpta est.  
quam circa lacus, luciq; sunt plurimi, & lectissimi flo-  
res omni tempore anni: locus ut ipse raptum illum uir-  
ginis, quem iam à pueris accepimus: declarare uidea-  
tur. etenim propter est spelunca quædam, conuersa ad  
aquilonem, infinita altitudine: qua Ditem patrem fe-  
runt repente cum curru extitisse: abreptamq; ex eo loco  
uirginem secum asportasse: & subito non longe à Sy-  
racusis penetrasse sub terras: lacumq; in eo loco repen-  
te extitisse: ubi usq; ad hoc tempus Syracusani festos dies  
anniuersarios agunt, celeberrimo uirorum, mulierūq;

conuentu. propter huius opinionis uetustatem, quod eorum in his locis uestigia, ac propè incunabula reperiuntur deorum: mira quædam tota Sicilia priuatum, ac publice religio est Cereris Ennensis. etenim multa sæpe prodigia uim eius, numenq; declarant: multis sæpe in difficilissimis rebus præsens auxilium eius oblatum est: ut hæc insula ab ea non solum diligi, sed etiam incoli, custodiriq; uideatur. nec solum Siculi, uerum etiam cæteræ gentes, nationesq; Ennensem Cererem maxime colunt. etenim si Atheniensium sacra summa cupiditate expetuntur: ad quos Ceres in illo errore uenisse dicitur: frugesq; attulisse: quantam esse religionem conuenit eorum: apud quos eam natam esse, & fruges inuenisse constat: itaq; apud patres nostros atroci, ac difficili Reip. tempore, cum Ty. Graccho occiso magnorum periculorum metus ex ostentis portenderetur: P. Mutio, L. Calphurnio Cons. aditum est ad libros Sybillinos: à quibus inuentum est Cererem antiquissimam placari oportere. tum ex amplissimo collegio decemuirali sacerdotes populi romani, cum esset in urbe nostra pulcherrimum, & magnificentissimum templum: tamen usq; Ennam profecti sunt. tanta enim erat authoritas, & uetustas illius religionis: ut cum illuc irent: non ad ædem Cereris, sed ad ipsam Cererem proficisci uiderentur. Non obtundam diutius aures uestras: iam dudum uereor, ne oratio mea aliena ab iudiciorum ratione, & quotidiana dicendi consuetudine esse uideatur. hoc dico: hanc ipsam Cererem, antiquissimam, religiosissimam, principem omnium factorum, quæ apud omnes gentes, nationesq; fiunt: à C. Verre ex suis templis, ac sedibus esse sublatam. Qui accessi-

ſus Ennam, uidiſtis ſimulacrum Cereris è marmore: & in altero templo Liberæ. ſunt ea perampla, atq; præclara, ſed non ita antiqua. ex ære fuit quoddam modum amplitudine, ac ſingulari opere, cum ſacibus, perantiquum, omnium illorum, quæ ſunt in eo ſano: multo antiquiſſimum. id ſuſtulit. ac tamen eo contentus non fuit. ante ædem Cereris in aperto, ac propatulo loco ſigna duo ſunt, Cereris unum, alterum Triptolemi, & pulcherrima, & perampla. his pulchritudo periculo, amplitudo ſaluti fuit: quod eorum demolitio, atq; aſportatio perdifficilis uidebatur. inſiſtebat in manu Cereris dextra ſimulacrum pulcherrime factum uiſtoriae. hoc iſte è ſigno Cereris auellendum, aſportandumq; curauit. Qui tandem iſtus animus eſt nunc in recognitione ſclerum ſuorum? cum ego ipſe in commemoratione eorum non ſolum animo commouear: uerum etiam corpore perhorreſcam? Venit enim mihi ſani, loci, religionis illius in mentem: uerſantur ante oculos omnia: dies ille, quo ego Ennam cum ueniſſem: preſto mihi ſacerdotes Cereris cum inſulis, ac uerbenis fuerunt: contio, conuentusq; ciuium: in quo ego cum loquerer: tanti ſletus, gemitusq; fiebant: ut acerbiffimus tota urbe luctus uerſari uideretur. non illi decumarum imperia, non bonorum direptiones, non iniqua iudicia, non importuniſſimas iſtus libidines, non uim, non contumelias, quibus operi, oppreſſiq; erant: conquerebantur: Cereris numen, ſacrorum uetuſtatem, ſani religionem, iſtus ſcleratiſſimi, atq; audaciſſimi ſupplicio expiari uolebant. omnia ſe cætera pati ac negligere dicebant. hic dolor erat tantus: ut Verres alter orcus ueniſſe Ennam, & non proſerpinam aſportaſſe, ſed ipſam



toris incidatur: signum pulcherrimum Carthagine est  
 ptum reponatur. hæc abs te non Siculorum defensor,  
 non tuus accusator, non Segestani postulant: sed his, qui  
 laudem, gloriamq; P. Africani tuendam, conservan-  
 damq; suscepit. non uereor ne hoc officii meum P. Ser-  
 uilio iudici non probem: qui cum res maximas gesserit:  
 monumentaq; suarum rerum cum maxime constituat:  
 atq; in his elaboret: profecto uolet hæc non solum suis  
 posteris, uerum etiam omnibus uiris fortibus, & bo-  
 nis ciuibus defendenda, non spolianda improbis tra-  
 dere. non uereor ne tibi Q. Catule displiceat, cuius  
 amplissimum in orbe terrarum, clarissimumq; monu-  
 mentum est: quamplurimos esse custodes monumento-  
 rum: putare omnes bonos alienæ gloriæ defensionem,  
 ad officium suum pertinere. Et quidem cæteris istius fir-  
 tis, atq; flagitijs ita moneor: ut ea reprehendenda tan-  
 tum putem. hic uero tantum dolore afficior: ut nihil mi-  
 hi indignius ferendum uideatur. Verres Africani mo-  
 numentis domum suam plenam stupri, plenam flagi-  
 rij, plenam dedecoris, ornabit. Verres temperatissimi,  
 sanctissimiq; uiri monumentum, Dianæ simulacrum  
 uirginis, in ea domo collocabit: in qua semper meretri-  
 cum lenonumq; flagitia uersantur? At hoc solū Afri-  
 cani monumentum uiolasti? quid? à Tindaritanis non  
 eiusdem Scipionis beneficio positum simulacrum Mer-  
 curij pulcherrime factum sustulisti? at quemadmodum  
 dij immortales? quàm audacter, quàm libidinoſe, quàm  
 impudenter? audisti nuper dicere legatos Tindarita-  
 nos, homines honestissimos, ac principes ciuitatis: Mer-  
 curium, qui sacris anniuersarijs apud eos, ac summa  
 religione coleretur: quem P. Africanus Carthagine at

pta Tintadaritanis non solum suæ uictoriæ, sed etiam illorum fidei, societatisq; monumentum, atq; iudicium dedisset: huius ui, scelere, imperioq; esse sublatum. qui ut primum in illud oppidum uenit: statim tanquam ita fieri non solum oporteret: sed etiam necesse esset: tanquam hoc Senatus mandasset: populusq; Ro. iussisset: ita continuo signum ut demolirentur: & Messanam deportarent: imperauit. quod cum illis, qui aderant, indignum: qui audiebant, incredibile uideretur: non est ab isto primo illo aduentu perseueratum. discedens mandat Proagoro Sopatro, cuius uerba audisti: ut demolia-  
tur. cum recusaret: uehementer minatur. ita tum ex illo oppido proficiscitur. Proagorus refert rem ad Senatum: uehementer undiq; reclamatur. ne multa. iterum iste alii quanto post ad illos uenit: quærit continuo de signo. respondetur ei: Senatum non permutere: pœnam capitis constitutam: si iniussu Senatus quisquam attigisset. simul religio commemorabatur. Tum iste quàm mihi religionem narras? quam pœnam? quem Senatum? uiuum te non relinquam: moriere uirgis: nisi signum traditur. Sopater iterum flens ad Senatum defert istius cupiditatē: minasq; demonstrat. Senatus Sopatro responsum nullū dat: sed commotus, perturbatusq; discedit. Ille prætoris acersitus nuncio, rem demonstrat: negat ullo modo fieri posse. atq; hæc (nihil enim prætermittendū de istius impudentia uidetur) agebantur in cōuentu palām, de sella, ac de loco superiore. Erat hyems summa: tempestas, ut ipsum Sopatrum dicere audisti: perfrigida: imber maximus: cum iste imperat lictoribus ut Sopatrum de porticu, in qua ipse sedebat: præcipitem in forum deiciant: nudumq; constituent. nix erat hoc plane etiam

*imperatum: cum illum spoliatum, stipatumq; licitoribus  
 uideres. omnes ideo putabant: ut miser, atq; innocens uir  
 gis cederetur. fefellit hæc homines opinio. uirgis iste cede  
 ret sine causa socium populi Ro. atq; amicum. non usq;  
 eo improbus: non omnia sunt in eo uicia: nunquam  
 fuit crudelis. leuiter hominem, clementerq; accepit. eque  
 stres sunt medio in foro Marcellorum statuæ: sicuti fere  
 cæteris in oppidis Siciliæ. ex quibus iste C. Marcelli sta  
 tuam delegit: cuius officia in illa ciuitate, totaq; prouin  
 cia recentissima erant, & maxima. in ea Sopatrum  
 hominem, tum domi nobilem, tum summo magistratu  
 præditum dinariari, ac deligari iubet. Quo cruciatus  
 sit affectus uenire in mentem necesse est omnibus: cum  
 esset uinctus, nudus, in aere, in hymbri, in frigore. neq;  
 tamen finis huic iniuriæ, crudelitatiq; fiebat: donec po  
 pulus, atq; uniuersa multitudo atrocitate rei, misericor  
 diaq; comota, Senatum clamore coegit: ut ei simulachrū  
 illud Mercurij polliceretur. clamabant fore, ut ipsi sese  
 dij immortales ulciscerentur: hominem interea perire  
 innocentem non oportere. Tum frequens Senatus ad eū  
 uenit: pollicetur signum. Ita Sopater de statua C. Mar  
 celli, cum iam pene obduruisset: uix uiuus aufertur.  
 Non possum disposite istum accusare: si cupiam. opus est  
 non solum ingenio, uerum etiam artificio quodam sin  
 gulari. unum hoc crimen uidetur esse: & à me pro uno  
 ponitur, de Mercurio Tindaritano. plura sunt. sed ea  
 quo pacto distinguere, ac separare possim: nescio. est pe  
 cuniarum captarum: quod signum à socijs pecuniæ ma  
 gnæ sustulit. est peculatus: quod publice populi ro. si  
 gnum, de præda hostium captum, positum Imperatoris  
 nostri nomine, non dubitauit auferre. est maiestatis: qd*

imperij nostri gloriæ, rerumq; gestarum monumenta euertere, atq; asportare ausus est. est sceleris: quod religiones maximas uiolauit. est crudelitatis: quod in hominem innocentem, in socrum nostrum, atq; amicum, nouum, ac singulare supplicij genus excogitauit. illud uero quid sit, iam non queo dicere: quo nomine appellem, nescio: quod in C. Marcelli statua. quid est hoc? patronus ne quod erat? quid tum? quo id spectat? utrum ea res ad opem, an ad calamitatem clientium, atq; hospitum ualere debebat? an ut hoc ostenderes? contra uim tuam in patronis nihil præsidij esse? quis hoc non intelligeret: in improbi præsentis imperio maiorem esse uim: quam in bonorum absentium patrocínio? an uero ex hoc illa tua singularis significatur insolentia, superbia, contumacia? detrahere uidelicet aliquid te de magnitudine Marcellorum putasti? itaq; nunc Siculorum Marcelli non sunt patroni: Verres in eorum locum substitutus est. quam in te tantam uirtutem esse, aut dignitatem arbitratus es? ut conarere clientelam tam illustre, tam splendide provincie, transducere ad te: auferre à certissimis antiquissimisque patronis? tu ista stulticia, nequitia, inertia, non modo totius Sicilie, sed unius tenuissimi Siculi clientelam tueri potes? tibi Marcelli statua pro patibulo in clientes Marcellorum fuit? tu ex illius honore in eos ipsos, qui honorem illi habuerant, supplicia quærebas? quid postea? quid tandem tuis statuis fore arbitrare? an uero id quod accidit? Nam Tindaritani statuas istius, quam sibi propter Marcellos, altiore etiâ basi poni iusserat: deturbarunt: simul ac successum isti audierunt. Dedit igitur tibi fortuna Siculorum C. Marcellus iudicem: ut cuius ad statuas Siculi te prætore alliga-



bantur: eius religioni te eundem uinctum, astrictumq;  
 dedamus. Ac primo Iudices hoc signum Mercurij dice-  
 bat iste Tindaritanos C. Marcello huic Aesernino uen-  
 didisse: atq; hoc sua causa etiā Marcellum ipsum spera-  
 bat esse dicturum. quod mihi nunquam uerisimile ui-  
 sum est: adolescentem illo loco natum, patronum Siciliae,  
 nomen suum isti ad translationem criminis commoda-  
 turum. ueruntamen ita res mihi tota praeuista, atq; prae-  
 cauta est: uti si maxime esset inuentus: qui in se susci-  
 pere istius culpam, crimenq; cuperet: tamen is pro-  
 ficere nihil posset. eos enim testes deduxi: & eas li-  
 teras deportaui: ut de istius facto dubium nemini  
 esse posset. Publicae literae sunt: deportatum esse Mer-  
 curium Messanam sumptu publico: dicunt quanti:  
 praefuisse huic negotio publice legatum Poleam. quid  
 is? ubi est? praesto est: testis est. Proagori Sopatri ius-  
 su. quis est hic? qui ad statuam astrictus est. quid  
 is? ubi est? testis est. uidistis hominem: & uerba eius  
 audistis. demoliendum curauit Demetrius Gymna-  
 siarchus: quod is ei loco praeerat. quid? hoc nos dici-  
 mus? immo uero ipse praesens: Romae, nuper ipsum esse  
 pollicitum, sese id signum legatis esse redditurum: si eius  
 rei testificatio tolleretur: cautumq; esset eos testimonium  
 non esse dicturos. dixit hoc apud uos Zosippus, &  
 Hismenias homines nobilissimi, & principes Tynda-  
 ritanae ciuitatis. Quid Agrigento? non ne eiusdem  
 Sapiionis monumentum, signum Apollinis pulcherri-  
 mum, cuius in femine literulis minutis argenteis no-  
 men Myronis erat inscriptum: ex Aesculapj religiosis-  
 simo fano sustulisti? quod iste Iudices cum clam fecis-  
 set: cum ad suum scelus illud, furtumq; nefarios quos-

dam homines improbos duces, atq; adiutores adhibuisset: uehementer commota ciuitas est. uno eodem tempore Agrigentini, beneficium Africani, religionem domesticam, ornamentum urbis, indicium uictoriæ, testimonium societatis, requirebant. itaq; ab illis, qui principes in ea ciuitate erant: præcipitur, & negotium datur quæstoribus, & ædilibus: ut noctu uigilias agerent ad aedes sacras: etenim iste Agrigenti, credo pro multitudine illorum hominum, atq; uirtute, & quod ciues Ro. uiri fortes, ac strenui, & honesti permulti in illo oppido coniunctissimo animo cum ipsis Agrigentinis uiuunt: ac negotiantur: non audebat palam tollere, aut poscere, quæ placebant. Hercules templum est apud Agrigentinis, non longe à foro, sane sanctum apud illos, & religiosum. ibi est ex ære simulacrum ipsius Herculis: quo nõ facile quicquã dixerim me uidisse pulchrius. tamen non tam multum in istis rebus intelligo: quàm multa uidi. usq; eo Iudices: ut rictus eius, ac mentum paulo sit attritus: quod in precibus, & gratulationibus non solum id uenerari, uerum etiam osculari solent. Ad hoc templum, cum esset iste Agrigenti: duce Timarchide repente nocte intempesta seruorum armorum fit concursus, atq; impetus. clamor à uigilibus, faniq; custodibus tollitur. qui primo cum obsistere, ac defendere conarentur: male mulctati clauis, ac fustibus repelluntur. postea conuulsis repagulis, effractisq; ualuis, demoliri signum, ac uectibus labefactare conantur. interea ex clamore fama tota urbe percrebuit: expugnari deos patrios, non hostium aduentu, neq; repentino prædonum impetu: sed ex domo, atq; cohorte prætoriam manum fugitiuorum instructam, armatamq; uenisse.

nemo Agrigenti neq; ætate tam affecta, neq; uiribus tam infirmus fuit: qui non illa nocte eo nuncio excitatus, sur-  
 rexerit: telumq; , quod cuiq; fors afferebat: arripuerit.  
 itaq; breui tempore ad fanum ex urbe tota concurre-  
 tur. Hora amplius iam in demoliendo signo permulti  
 homines moliebantur: illud interea mutabat ex parte:  
 cum alij uectibus subiectis conarentur commouere: alij  
 deligatum omnibus membris rapere ad se finibus. re-  
 pente Agrigentini concurrunt: fit magna lapidatio: dat  
 sese in fugam istius præclari imperatoris nocturni mi-  
 lites. duo tamen sigilla per paruula tollunt: ne omnino  
 inanes ad istum prædonem religionum reuenterentur.  
 nunquam tantum mali est Siculis: quin aliquid facite, et  
 commodè dicant. uelut in hac re. aiebant in labores  
 Herculis non minus hunc immanissimum Verrem, q̃  
 illum aprum Erimanthium referri oportere. Hanc  
 uirtutem Agrigentiniorum imitati sunt Assorini po-  
 stea uiri fortes, & fideles, sed nequaquam ex tam am-  
 pla, neq; tam ex nobili ciuitate. Chrysas est annis: qui  
 per Assorinorum agros fluit. Is apud illos habetur  
 deus: et religione maxima colitur. fanum est eius in agro,  
 propter ipsam uiam: qua Assoro itur Ennam. in eo Chry-  
 sæ est simulacrum præclare factum è marmore. id iste  
 poscere Assorinos propter singularem eius fani religio-  
 nem non ausus est. Tlepolemo dat, Hieroniq; nego-  
 cium. illi noctu facta manus, armataq; ueniunt: fores  
 ædis effringunt. æditui, custodesq; mature sentiunt: si-  
 gnum, quod erat notum uicinitati, bucina datur: homi-  
 nes ex agris concurrunt: ei citur, fugaturq; Tlepolemus:  
 neq; quicquam ex fano Chrysæ præter unum perpar-  
 uulum signum ex ære, desideratum est. Matris ma-

*gnæ fanum apud Enguinos est. iam enim mihi non modo breuiter de uno quoque dicendum est: sed etiam prætereunda uidentur esse permulta: ut ad maiora istius, et illustriora in hoc genere furta, et scelera ueniamus. In hoc fano loricas, galeasque aeneas, cælatas opere corinthio, hydriasque grandes simuli in genere, atque eadem arte perfectas, idem ille P. Sapius, uir omnibus rebus præcellentissimus posuerat: et suum nomen inscripserat. quid iam de isto plura dicam? aut queram? omnia illa iudices abstulit: nihil in religiosissimo fano, præter uestigia uiolatæ religionis, nomenque P. Scipionis reliquit. hostiũ spolia, monumenta imperatorum, decora, atque ornamenta fanorum, posthac his præclaris nominibus amissis in instrumento, ac suppellectili C. Verris nomnabuntur. tu uidelicet solus uasis corinthijs delectaris? tu illius æris temperationem, tu operum liniamenta solertissime perspicis? hæc Sapius ille non intelligebat, homo doctissimus, atque humanissimus? tu sine ulla bona arte, sine humanitate, sine ingenio, sine literis, intelligis: et iudicis? uidene ille non solum temperantia, sed etiam intelligentia te, atque istos, qui se elegantes dici uolunt: uicerit. nam quàm pulchra essent intelligebat. iacirco existimabat ea, non ad hominum luxuriam, sed ad ornatum fanorum, atque oppidorum esse facta: ut posteris nostris monumenta religiosa esse uideantur.*

*Audite etiam singularem eius Iudices cupiditatem, audaciam, amentiam: in his præsertim sacris pollucendis: quæ non modo manibus attingi, sed ne cogitatione uiolari fas fuit. Sacrarium Cereris est apud Catinenses, eadem religione qua Romæ, qua in cæteris locis, qua prope in toto orbe terrarum. In eo sacrario intimo fuit*



signum Cereris per antiquum: quod uiri, non modo cuiusmodi esset, sed ne esse quidem sciebant. aditus enim in id sacrarium nō est uiris. sacra per mulieres, ac uirgines confici solent. hoc signum noctu clam istius serui, ex illo religiosissimo, atque antiquissimo fano sustulerunt. postridie sacerdotes Cereris, atque illius fani antistites, maiores natu, probatae, ac nobiles mulieres, rem ad magistratus suos deferunt. omnibus acerbum, indignum, luctuosum denique uidebatur. tum iste permotus illa atrocitate negotij, ut ab se sceleris istius suspicio remoueretur: dat hospiti suo cuidam negotium: ut aliquē reperiret: quem ea fecisse insimularet: daretque operam: ut is eo crimine damnaretur: ne ipse esset in crimine. res non paocrastinatur. nam cum iste Catinam profectus esset: serui cuiusdam nomen defertur. is accusatur: ficti testes in eum dantur: rem cunctus Senatus Catinensium, legibus iudicat. sacerdotes uocantur: ex his quaeritur secreto in curia, quid esset factum: quemadmodum arbitrantur signum esse ablatum. respondent illae, praetoris in illo loco seruos esse uisos. res, quae esset antea non obcura: sacerdotum testimonio perspicua esse coepit. itur in consilium: seruus ille innocens omnibus sententijs absoluitur: quo facilius uos hunc omnibus sententijs condemnare possitis. quid enim postulas Verres? quid speras? quem tibi aut deorum, aut hominum auxilio putas futurum? eō ne tu seruos ad spoliandū fanum immittere ausus es? quo liberos adire ne orandi quidem causa fuerat? his ne rebus manus afferre non dubitasti? a quibus etiam oculos cohibere te religionum iura cogebant? tamen si, ne oculis quidem captus in hanc fraudem, tam sceleratam, ac tam nefariam decidisti. nam id concupi

sti: quod nunquam uideras: id inquam adamasti: quod  
 antea non aspexeras. auribus tu tantam cupiditatem con-  
 cepisti: ut eam non metus, non religio, non decorum uis,  
 non hominum existimatio contineret. at ex uiro bono  
 audieras credo, & bono auctore. qui id potest? qui ne  
 ex uiro quidem audire potueris. audisti igitur ex mulie-  
 re: quoniam id uiri neq; uidisse, neq; nosse poterant. qua-  
 lem porro illam fœminam fuisse putatis Iudices? quàm  
 pudicam: quæ cum verre loqueretur? quàm religiosam:  
 quæ sacrariû spoliandi ostenderet rationem? at minime  
 mirum: quæ sacra per summam castimoniam uirorum,  
 ac mulierum erant: eadem per istius stuprum, ac flagi-  
 tium esse uiolata. Quid ergo hoc solum auditione ex-  
 petere cœpit: cum id ipse non uidisset? imo uero alia  
 complura. ex quibus eligam spoliationem nobilissimi,  
 atq; antiquissimi fani: de qua priore actione testes dicere  
 audistis. nunc illa eadem quæso audite: et diligenter, si-  
 cut adhuc fecistis: attendite. Insula est Melita Iudi-  
 ces, satus lato ab Sicilia mari, periculofoq; disiuuncta: in  
 qua est eodem nomine oppidum: quo iste nunquam ac-  
 cessit. quod tamen isti textrinum per triennium ad mu-  
 liebrem uestem conficiendam fuit. Ab eo oppido non lon-  
 ge, in promontorio fanum est Iunonis antiquum: quod  
 tanta religione semper fuit: ut non modo illis punice bel-  
 lis, quæ in his fere locis nauali prælio gesta, atq; uer-  
 sata sunt: sed etiam in hac prædonum multitudine sem-  
 per inuiolatum, sanctumq; fuerit. quin etiam hoc me-  
 moriæ proditum est: classe quondam Masinissæ regis ad  
 eum locum appulsa, præfectum regum dentes eburne-  
 os incredibili magnitudine è fano sustulisse: & eos in  
 Africam portasse: Masinissæq; donasse. regem quidē pri-

mo delectatū esse munere: post, ubi audisset unde essent: statim certos homines in quāquere mīssisse: qui eos dentes reportarent. itaq; in his inscriptum literis punicis fuit: Regem Masinissam imprudentem accepisse: re cognita reponendos, restitueudosq; curasse. Erat præterea magnavis eboris: multa ornamenta: in quibus eburneæ uictoriae antiquo opere, ac summa arte perfectæ. Hæc iste omnia, ne multis morer: uno impetu, atq; uno nuncio per seruos uenerios, quos eius rei causa miserat: tollēda, atq; asportanda curauit. Pro' dij immortales quem ego hominem accuso? quem legibus, ac iudiciali iure persequor? de quo uos sententiam per tabellam feretis? dicunt legati Melitenses publice: spoliatum templum esse Iunonis: nihil istum in religiosissimo fano reliquisse: quem in locum classes hostiū sæpe acceperint: ubi piratæ ferè quorū annis hyemare solebāt: quod neq; prædo uolauerit ante: neq; hostis attigerit: id ab uno isto sic spoliatum esse: ut nihil omnino sit relictum. hic nunc iste reus, aut ego accusator, aut hoc iudiciū appellabitur? criminibus enim coarguitur: aut suspicionibus in iudicium uocatur. dij ablati, fana uexata, nudatae urbes reperiuntur. earum autem rerum nullam sibi iste neq; insiciendi rationem, neq; defendēdi facultatem reliquit: omnibus in rebus coarguitur à me: conuincitur à testibus: urgetur confessione sua: manifestis in maleficijs tenetur: & manet etiam: ac tacitus facta mecum sua recognoscit. Nimum mihi diu uideor in uno genere uersari criminum: sentio Iudices occurrendum esse facietati aurium, animorumq; uestro- rum. quamobrem multa prætermittam. ad ea autem, quæ dicturus sum: reficite uos quæso Iudices per deos immortales: per eos ipsos, de quorum religione iam diu dicimus:

dicimus: dū id eius facinus commemoro: & profero: quo  
prouincia tota commota est. de quo si paulo altius ordi-  
ar: ac repetere memoriā religionis uidebor: ignoscite. rei  
magnitudo me breuiter perstringere atrocitatem crimi-  
nis non sinit. Vetus est hæc opinio: quæ constat ex an-  
tiquissimis græcorum literis, atq; monumentis: insulam  
Sicialiam totam esse Cereri, & liberæ consecratam. hoc  
cum ceteræ gentes sic arbitrantur: tum ipsis Siculis tam  
persuasum est: ut animis eorum insitum, atq; innatum  
esse uideatur. nam & natus esse has in his locis deas,  
& fruges in ea terra primum repertas arbitrantur: &  
raptam esse Liberam, quam eandem Proserpinam uo-  
cant: ex Ennensium nemore: qui locus, quod in media  
est insula situs: umbilicus Sicialiæ nominatur. quam cū  
inuestigare, & conquirere Ceres uellet: dicitur inflam-  
masse ihædas ex is ignibus: qui ex ætne uertice erum-  
punt: quas sibi cum ipsa præferret: orbem omnium  
peragrasse terrarum. Enna autem, ubi ea, quæ dico,  
gesta esse memorantur: est loco præcelso, atq; edito: quo  
in summo est æquata agri planicies, & aquæ peren-  
nes. tota uero omni aditu circumcisa, atq; direpta est.  
quam circa lacus, luci q; sunt plurimi, & lectissimi flo-  
res omni tempore anni: locus ut ipse raptum illum uir-  
ginis, quem iam à pueris accepimus: declarare uidea-  
tur. etenim propter est spelunca quædam, conuersa ad  
aquilonem, infinita altitudine: qua Ditem patrem se-  
runt repente cum curru extitisse: abreptamq; ex eo loco  
uirginem secum asportasse: & subito non longe a Sy-  
racusis penetrasse sub terras: lacumq; in eo loco repen-  
te extitisse: ubi usq; ad hoc tempus Syracusani festos dies  
anniuersarios agunt, celeberrimo uirorum, mulierūq;



conuentu. propter huius opinionis uetustatem, quod eorum in his locis uestigia, ac propè incunabula reperiuntur deorum: mira quædam tota Sicilia priuatum, ac publicè religio est Cereris Ennensis. etenim multa sæpe prodigia uim eius, numenq; declarant: multis sæpe in difficilissimis rebus præsens auxilium eius oblatum est: ut hæc insula ab ea non solum diligì, sed etiam incolì, custodiriq; uideatur. nec solum Siculi, uerum etiam ceteræ gentes, nationesq; Ennensem Cererem maxime colunt. etenim si Atheniensium sacra summa cupiditate expetuntur: ad quos Ceres in illo errore uenisse dicitur: frugesq; attulisse: quantam esse religionem conuenit eorum: apud quos eam natam esse, & fruges inuenisse constat. itaq; apud patres nostros atroci, ac difficili Reip. tempore, cum Ty. Graccho occiso magnorum periculorum metus ex ostentis portenderetur: P. Mutio, L. Calphurnio Cons. aditum est ad libros Sybillinos: à quibus inuentum est Cererem antiquissimam placari oportere. tum ex amplissimo collegio decemuirali sacerdotes populi romani, cum esset in urbe nostra pulcherrimum, & magnificentissimum templum: tamen usq; Ennam profecti sunt. tanta enim erat authoritas, & uetustas illius religionis: ut cum illuc irent: non ad ædem Cereris, sed ad ipsam Cererem proficisci uiderentur. Non obtundam diutius aures uestras: iam dudum uereor, ne oratio mea aliena ab iudiciorum ratione, & quotidiana dicendi consuetudine esse uideatur. hoc dico: hanc ipsam Cererem, antiquissimam, religiosissimam, principem omnium sacrorum, quæ apud omnes gentes, nationesq; fiunt: à C. Verre ex suis templis, ac sedibus esse sublatam. Qui accessi-

sis Ennam, uidistis simulacrum Cereris è marmore: &  
 in altero templo Liberæ. sunt ea perampla, atq; præ-  
 clara, sed non ita antiqua. ex ære fuit quoddam modi  
 et amplitudine, ac singulari opere, cum facibus, peran-  
 tiquum, omnium illorum, quæ sunt in eo fano: multo  
 antiquissimum. id sustulit. ac tamen eo contentus non  
 fuit. ante ædem Cereris in aperto, ac propatulo loco  
 signa duo sunt, Cereris unum, alterum Triptolemi,  
 & pulcherrima, & perampla. his pulchritudo peri-  
 culo, amplitudo saluti fuit: quod eorum demolitio, atq;  
 asportatio perdifficilis uidebatur. insistebat in manu  
 Cereris dextra simulacrum pulcherrime factum ui-  
 ctoriae. hoc iste è signo Cereris auellendum, asprotan-  
 dumq; curauit. Qui tandem istius animus est nunc in  
 recognitione scelerum suorum? cum ego ipse in commemo-  
 ratione eorum non solum animo commouear: ue-  
 rum etiam corpore perhorrescam? Venit enim mihi fa-  
 ni, loci, religionis illius in mentem: uersantur ante oculos  
 omnia: dies ille, quo ego Ennam cum uenissem: pre-  
 sto mihi Sacerdotes Cereris cum insulis, ac uerbenis  
 fuerunt: contio, conuentusq; ciuium: in quo ego cum lo-  
 querer: tanti fletus, gemitusq; fiebant: ut acerbissimus to-  
 ta urbe luctus uersari uideretur. non illi decumarum im-  
 peria, non bonorum direptiones, non iniqua iudicia,  
 non importunissimas istius libidines, non uim, non con-  
 tumelias, quibus operiti, oppressiq; erant: conquereban-  
 tur: Cereris numen, sacrorum uetustatem, fani religio-  
 nem, istius sceleratissimi, atq; audacissimi supplicio ex-  
 piari uolebant. omnia se cætera pati ac negligere di-  
 cebant. hic dolor erat tantus: ut Verres alter orcus ue-  
 nisse Ennam, & non proserpinam asportasse, sed ipsam

abripuisse Cererem uideretur. etenim urbs illa, non urbs  
 uidetur, sed sanum Cereris esse: habitare apud sese Ce-  
 rerē Ennenses arbitrantur. ut mihi nō ciues illius ciuita-  
 tis, sed omnes sacerdotes, omnes accolæ, atq; antistites  
 Cereris esse uideantur. Ennæ tu simulacrum Cereris  
 tollere audebas? Ennæ tu de manu Cereris uictoriam  
 diripere, & deam deæ detrahare conatus es? quorum  
 nihil uiolare, nihil attingere aasi sunt, in quibus erant  
 omnia quæ sceleri propria sunt, quàm religioni. Te-  
 nuerunt enim P. Popilio, P. Rupilio cons. illum lo-  
 cum serui, fugitiui, barbari, hostes. sed neq; tam serui  
 illi dominorum: quàm tu libidinum: neq; tam fugiti-  
 ui illi à dominis: quàm tu à iure, & à legibus: neq; tam  
 barbari lingua, & natione illi: quàm tu natura, & mo-  
 ribus: neq; illi tam hostes hominibus: quàm tu dijs im-  
 mortalibus. quæ deprecatio est igitur ei reliqua? qui in  
 dignitate seruos, temeritate fugitiuos, scelere barbaros,  
 crudelitate hostes uicerit? Audistis Theodorum, & Ni-  
 minium & Nicasionem Legatos Ennenses publice dice-  
 re: sese à suis ciuibus hæc habere mandata: ut ad Ver-  
 rem adirent: & eum simulacrum Cereris, & uicto-  
 riæ reposcerent: id si impetrassent: tum ut morem ue-  
 terem Ennensium conseruarent: publice in eum, tametsi  
 uexasset Siciliam: tamen, quoniam hæc à maioribus con-  
 stituta accepissent: testimonium ne quod dicerent. sin au-  
 tem ea non reddidisset: tum ut iudicio adessent: tum uti  
 de eius iniurijs iudices docerent: sed multo maxime de  
 religione quererentur. quas illorum querimonias no-  
 lite per deos immortales aspernari: nolite contemnere,  
 ac negligere Iudices. Aguntur iniuriæ sociorum: agi-  
 tur ius legum: agitur existimatio, ueritasq; iudiciorum.

quæ sunt omnia permagna: uerum illud maximū. tanta religione obstricta tota provincia est: tanta superstitio ex istius facto mentes omnium Siculorum occupauit: ut quæcūq; accidunt publice, uel priuatim incommoda: propter eam causam scelere istius euenire uideantur. Audi istis Centuripinos, Agyrinenses, Catinenses, Herbitenses, Aetnenses, complures alios, publice dicere, quæ solitudo esset in agris: quæ uasitas: quæ fuga aratorum: quàm deserta, quàm inculta, quàm relictæ omnia. ea tamen si istius multis, & uarijs iniurijs acciderunt: tamē hæc una causa in opinione Siculorum plurimum ualet: quod Cerere uiolata, omnes cultus, fructusq; Cereris, in his locis interijisse arbitrantur. medemini religioni sociorum Iudices: conseruate uestram auctoritatem. neque enim hæc externa nobis est religio: neq; aliena. quod si esset: si suscipere eam nolletis: tamen in eo, qui uiolasset: sancire uos uelle oporteret. nūc uero in communi omnium gentium religione, inq; his sacris, quæ maiores nostri ab exteris nationibus adscitæ, atq; accersitæ coluerunt: quæ sacra, ut erant re uera, sic appellari Græci uoluerunt: negligentes, ac dissoluti, si cupiamus esse: qui possumus? Vnius etiam urbis omnium pulcherri mæ, atq; ornatissimæ Syracusarum direptionem commemorabo: et in medium proferam Iudices: ut aliquādo totam huius generis rationem concludam, ac definiā. Nemo ferē uestrum est: quin, quemadmodū captæ sint à M. Marcello Syracusæ, sæpe audierit: nonnunquam etiam in annalibus legerit. conferte hanc pacem, cum illo bello: huius prætoris aduentum, cum illius imperatoris uictoria: huius cohortem impuram, cum illius exercitu inuicto: huius libidines, cum illius continentia. ab il



lo, qui cœpit, conditas, ab hoc, qui constitutas accepit, ceptas dicetis Syracusas. Nunc iam illa omitto: quæ disperse à me multis locis dicentur: ac dicta sunt: forum Syracusanorum, quod introitu Marcelli à plurima cæde servatum est: id aduentu Verris Siculorum innocentium sanguine redundasse: portum Syracusanorum, qui tum & nostris classibus, & Carthagenensium clausus fuisset: eum isto prætoris Cilicum myoparoni, prædonibusq; patuisse. mitto adhibitam vim ingenuis: matres familias violatas: quæ tum urbe capta commissa non sunt, neque odio hostili, neq; licentia militari, neq; more belli, neq; in re victoriæ. mitto inquam hæc omnia: quæ ab isto per triennium perfecta sunt. ea, quæ coniuncta cum illis rebus sunt, de quibus antea dixi: cognoscite. Urbem Syracusas maximam esse græcarum urbium, pulcherri-  
mamq; omnium sæpe audistis. est Iudices ita, ut dicatur. nam & situ est communito, tum ex omni aditu, uel terra, uel mari præclaro ad aspectum: & portus habet propè in ædificatione, aspectuq; urbis inclusos: qui cum diuersos inter se aditus habeant: in exitu coniunguntur: & conflunt. eorum coniunctione, pars oppidi, quæ appellatur insula: mari disiuncta angusto, ponte rursus adiungitur: & continetur. Ea tanta est urbs: ut ex quatuor urbibus maximis constare dicatur: quarum una est ea, quam dixi, Insula: quæ duobus portibus cincta, in utriusq; portus hostium, aditumq; proiecta est: in qua domus est quæ Regis Hieronis fuit: qua prætores uti solent. in ea sunt ædes sacræ complures: sed duæ, quæ longe cæteris antecellunt. Dianæ una, et altera, quæ fuit ante istius aduentum ornatissima: Minervæ. In hac insula extrema est fons aquæ dulcis, cui nomen Arethusa est: in-

credibili magnitudine, plenissimus piscium: qui fluctu totus operiretur: nisi munitione, ac mole lapidum à mari disunctus esset. Altera autem est urbs Syracusis: cui nomen Acradina est: in qua forum maximum, pulcher rimæ porticus, ornatissimum prytaneum, amplissima est curia, templumq; egregium Iouis Olympij: cæteræq; urbis partes una lata uia perpetua, multisq; transuersis diuisæ, priuatis ædificijs continentur. Tertia est urbs: quæ quod in ea parte fortunæ fanum antiquum fuit: Tyche nominata est: in qua & gymnasium amplissimum est, & complures ædes sacræ: coliturq; ea pars, & habitatur frequentissime. Quarta autem est urbs: quæ, quia postrema ædificata est: Neapolis nominatur: quam ad summam Theatrum est maximum: præterea duo templa sunt egregia, Cereris unum, alterum Liberæ, signumq; Apollinis qui Themuctes uocatur pulcherimum, & maximum: quod iste si portare potuisset: non dubitasset auferre. Nunc ad Marcellū reuertar: ne hæc à me sine causa commemorata esse uideantur. Qui cum tam præclaram urbem ui, copijsq; coepisset: non putauit ad laudem populi ro. hoc pertinere: hanc pulchritudinem, ex qua præsertim nihil periculi ostenderetur: delere: et extinguere. itaq; ædificijs omnibus, publicis, priuatis, sacris, et profanis sic peperat: quasi ad ea defendenda cum exercitu, non expugnanda uenisset. in ornatu urbis habuit uictoriæ rationē: habuit humanitatis. uictoriæ putabat esse: multa Romam deportare: quæ ornamento urbi esse possent. humanitatis: non planè spoliare urbē: præsertim quam conseruare uoluisset. In hac partitione ornatus, non plus uictoria Marcelli populo ro. appetiuit: quam humanitas Syracusanis reseruauit. Ro

mam quæ asportata sunt, ad eadem honoris, atque virtutis, itemque alijs in locis uidemus. nihil in ædibus, nihil in hortis posuit: nihil in suburbano. putauit si urbis ornamenta domum suam non contulisset: domum suam urbi ornamento futuram. Syracusis autem permulta, atque egregia reliquit: deum uero nullum uiolauit: nullum attigit. Conferte Verrem: non ut hominem cum homine comparetis: nequa tali uiro mortuo fiat iniuria: sed ut pacem cum bello, leges cum ui, forum, et iurisdictionem cum ferro, et armis, aduentum, et comitatum cum exercitu, et uictoria conferatis. Aedes Mineruæ est in insula, de qua ante dixi: quam Marcellus non attigit: quæ plenam, atque ornata reliquit. quæ ab isto sic spoliata, atque direpta est: non ut ab hoste aliquo, qui tamen in bello religionum, et consuetudinis iura retineret: sed ut à barbaris prædonibus uexata esse uideatur. Pugna erat equestris Agathoclis regis in tabulis picta præclare. his autem tabulis interiores templi parietes uestiebantur. nihil erat ea pictura nobilius: nihil Syracusis, quod magis uisendum putaretur. has tabulas M. Marcellus, cum omnia illa uictoria sua profana fecisset: tamen religione impeditus non attigit. iste, cum iam illa propter diuinam pacem, fidelitatemque populi Syracusani sacra, religioque accepisset: omnes eas tabulas abstulit: parietes, quorum ornatus tot secula manserat: tot bella effugerat: nudos ac deformatos reliquit. Et Marcellus, qui, si Syracusas cœpisset: duo templa dedicaturum se Romæ nouerat: id quod erat edificaturus his rebus ornare, quas cœperat, noluit. Verres, qui non Honori, neque Virtuti, ut ille, sed Veneri, et Cupidini uota deberet: is Mineruæ templum spoliare conatus est. Ille deos deorum spolijs orna-

re noluit. hic ornamenta Minervæ uirginis in meretriciam domum transtulit. Viginti & septem præterea tabulas pulcherrime pictas ex eadem æde sustulit: in quibus erant imagines Sicalæ Regum, ac Tyrannorum: quæ non solum pictorum artificio delectabant: sed etiam commemoratione hominum, & cognitione formarum. Ac uidete quanto tetrior hic tyrannus Syracusanis fuerit: quàm quisquâ superiorum: cum illi tamen ornarint templa deorum immortalium: hic etiam deorum monumenta, atq; ornamenta sustulerit. Iam uero quid ego de ualuis illius templi commemorem? uereor, ne hæc qui non uiderunt: omnia me nimis augere, atq; ornare arbitrentur. quod tamen nemo suspicari debet: tam esse me cupidum: ut tot uiros primarios uelim, præsertim ex indicum numero, qui Syracusis fuerint: qui hæc uiderint: esse temeritati, et mendacio meo conscios. Confirmare hoc liquido Iudices possum: ualuas magnificentiore ex auro, atq; ebore perfectiores nullas unquam ullo tempore fuisse. incredibile dictu est, quam multi græci de ualuarum harum pulchritudine scriptum reliquerint. nimum forsitan hæc illi mirentur: atq; offerant. esto. uerum: tamen honestus est Reip. nostræ Iudices ea, quæ illis pulchra esse uideantur: Imperatorem nostrum in bello reliquisse: quàm prætorem in pace abstulisse. Ex ebore diligentissime perfecta argumenta erant in ualuis. ea detrahenda curauit omnia. Gorgonis os pulcherrimum, cinctum anguib; reuellit: atq; abstulit. & tamen indicauit, non solum artificio, sed etiam precio, quæstusq; duci. nam bullas omnes aureas ex his ualuis, quæ erant & multe & graues: non dubitauit auferre: quarum iste non opere delectabatur: sed pondere. itaq; eiusmodi ual-



uas reliquit: ut quæ olim ad ornandum templum erant maxime: nunc tantum ad claudendū factæ esse uideantur. Etiam ne gramineas hastas? uidi enim uos in hoc non minime, cum testes dicerent: commoueri: quod erat huiusmodi: ut semel uidisse satis esset: in quibus neque manu factum quicquam, neque pulchritudo erat ulla: sed tantum magnitudo incredibilis: de qua, uel audire satis esset: nimum, uidere plusquam semel. etiam ne id concupisti? nam Sappho, quæ sublata de Prytaneo est: dat tibi iustam excusationem: propè ut concedendum, atque ut ignoscendum esse uideatur. M. Syllanionis opus tam perfectum, tam elegans, tam elaboratum, quisquam non modo priuatus, sed populus potius haberet, quam homo elegantissimus atque eruditissimus Verres? nimirum contradicta nihil potest. nostrum enim uniusquisque, qui tam beati quam iste est, non sumus: tam delicata esse non possumus: si quando aliquid istiusmodi uidere uolet: eat ad ædem felicitatis, ad monumentum Catuli, in porticu Metelli: det operam, ut admittatur in alicuius istorum Thusculanum: spectet eorum ornatum, si quid iste suorum, Aedilibus accommodauit: Verres hæc habeat domi: Verres ornamentis sanorum, atque oppidorum habeat plenam domum: uillas refertas. Etiam ne huius operarij studia, ac delicias Iudices perferetis? qui ita natus est: ita educatus: ita factus, et animo, et corpore: ut multo appositior ad deferenda, quam ad auferenda signa esse uideatur. Atque hæc Sappho sublata quantum desiderium sui reliquerit, dici uix potest. nam tum ipsa fuit egregie facta: tum epigramma græcum pernobile incisum habuit in Basi: quod iste eruditus homo, et græculus, qui hæc subtiliter iudicat: qui solus intelligit: si

unam literam græcam scisset: non sustulisset. nunc enim quod inscriptum est inani in basi, declarat quid fuerit: Et id ablatum indicat. Quid? signum Peanis ex æde Aesculapij præclare factum, sacrum, et religiosum nõ sustulisti? quod omnes propter pulchritudinem uisere, propter religionem colere solebant. Quid? ex æde Liberi simulacrum Aristei non tuo imperio palàm ablatum est? Quid? ex æde Iouis religiosissimum simulacrum Iouis Imperatoris, quem Græci Vriõn nominant: pulcherrime factum non ne abstulisti? Quid? ex æde Liberi paruum illud caput pulcherrimum, quod uisere solebamus: dubitasti tollere? Atq; ille Pean sacri ficij anniuersarijs simul cum Aesculapio apud illos colebatur. Aristeus, qui, ut græci ferunt: Liberi filius inuentor olei esse dicitur: una cum Libero patre apud illos eodem erat in templo consecratus. Iouem autem Imperatorem quanto honori in suo templo fuisse arbitramini? hinc colligere potestis, si recordari uolueritis quanta religione fuerit eadem specie, atq; forma signum illud: quod ex Macedonia captum, in Capitolio posuerat Flaminius. etenim tria ferebantur in orbe terrarum signa Iouis Imperatoris uno in genere pulcherrime facta. unum, illud Macedonicum, quod in Capitolio uidemus. alterum in ponti ore, Et angustijs. tertium, quod Syracusis ante Verrem prætorem fuit. illud Flaminius ita ex æde sua sustulit: ut in Capitolio, hoc est in terrestri domicilio Iouis poneret. quod autem est ad introitum Ponti, id cum tam multa ex illo mari bella emerferint: tam multa porro in pontum inuecta sint: usq; ad hanc diem integrum inuiolatumq; seruatum est. hoc tertium, quod erat Syracusis: quod M. Marcellus armatus, Et uictor uiderat:

quod religioni concesserat: quod ciues, atq; incolæ Syracusani colere, aduenæ non solum uisere, uerum etiam uenerari solebant: id Verres ex templo Iouis sustulit. Ut sæpius ad M. Marcellum reuertar Iudices: sic habetote: plures esse à Syracusanis istius aduentu Deos, quàm uictoria Marcelli homines desideratos. Etenim ille requisisse dicatur etiam Archimedem illum, summo ingenio hominem, ac disciplina: eumq; cum audisset interfectum: permoleste tulisse. Iste omnia quæ requisiiuit: non ut seruaret, uerum ut asportaret, requisiiuit. Iam illa, quia leuiora uidebuntur, si hoc loco dicerentur: ideo preteribo: quod iste mensas delphicas è marmore, crateras ex ære pulcherrimas, uim maximam uasorum Corinthiorum, ex omnibus ædibus sacris Syracusis abstulit. Itaq; Iudices hi qui hospites ad ea, quæ uisenda sunt: ducere solent, et unumq; ostendere: quos illi Mystagogos uocant: conuersam iam habent demonstrationem suam. nam ut ante demonstrabant, quid ubiq; esset: ita nunc quid undiq; ablatum sit: ostendunt. Quid tum? mediocri ne tandem dolore eos affectos esse arbitramini? non ita est Iudices: primum, quod omnes religione mouentur: et deos patrios, quos à maioribus acceperunt: colendos sibi diligenter, & retinendos esse arbitrantur. deinde hic ornatus, hæc opera, atq; artificia, signa, tabulæ pictæ, græcos homines nimio opere delectat. Itaq; ex illorū querimonijs intelligere possumus, hæc illis acerbissima uideri: quæ forsitan nobis leuia, & contemnenda esse uideantur. mihi credite Iudices: tametsi uosmetipsos hæc eadem audire certo scio. cum multas acceperint per hosce annos socij, atq; exteræ nationes calamitates, & iniurias: nullas græci homines grauius tulerunt: nec ferunt:

quàm huiusmodi spoliationes sanorum, atq; oppido-  
rum. licet iste dicat, emisse se: sicuti solet dicere: credite  
mihi Iudices: nulla unquam ciuitas tota Asia, & Græ-  
cia signum ullum, & tabulas pictas, ullum deniq; or-  
namentum urbis, sua uoluntate cuiquam uendidit. nisi  
forte existimatis, posteaquam iudicia seuera Romæ fieri  
desierint: græcos homines hæc uedere coepisse: quæ tum,  
non modo non uendebant: cum iudicia fiebant: uerum  
etiam coemebant. nisi arbitramini L. Crasso, C. Scæuo-  
læ, Q. Claudio potentissimis hominibus, quorū ædilita-  
tes ornatissimas uidimus: commercium istarum rerum  
cum græcis hominibus non fuisse: his qui post iudicio-  
rum dissolutiones, ædiles facti sunt: fuisse. Acerbio-  
rem etiam scitote esse ciuitatibus falsam istam, et simulatam  
emptionem: quam si quis clām surripiat: aut eripiat pa-  
lām: atq; auferat. nam turpitudinem summam esse arbi-  
trantur: referri in literas publicas, precio paruo ea, quas  
accepissent à maioribus: uendidisse: atq; alienasse. etenim  
mirandum in modū græci rebus istis, quas nos contemni-  
mus: delectantur. itaq; maiores nostri facile patiebantur,  
hæc esse quamplurima apud socios: ut imperio nostro  
quam ornatissimi florentissimiq; essent. apud eos autem  
quos uectigales, aut stipendarios fecerant: tamen hæc re-  
linquebant: ut illi, quibus ea iucunda sunt: quæ nobis  
leuia uidebantur: haberent hæc oblectamenta, & sola-  
tia seruitutis. Quid arbitramini Rheginos, qui iam ci-  
ues Ro. sunt: mereri uelle: ut ab ijs marmorea Venus il-  
la ne auferatur? quid Tarentinos? ut ne Europam in  
tauro sedentem amittant? ut Satyrum? qui apud illos  
in æde uestæ est? ut cætera? quid Thespienses? ut Cupi-  
dinis signum: propter quod unum insuntur Thespiæ?



mo delectatū esse munere: post, ubi audisset undē essent:  
 statim certos homines in quāquērem misisse: qui eos den-  
 tes reportarent. itaq; in his inscriptum literis punicis fuit:  
 Regem Masinissam imprudētem accepisse: re cognita re-  
 ponendos, restituendosq; curasse. Erat præterea magna  
 vis eboris: multa ornamenta: in quibus eburneae victo-  
 riæ antiquo opere, ac summa arte perfectæ. Hæc iste o-  
 mnia, ne multis morer: uno impetu, atq; uno nuncio per  
 seruos uenerios, quos eius rei causa miserat: tollēda, atq;  
 asportanda curauit. Pro di immortales quem ego homi-  
 nem accuso? quem legibus, ac iudiciali iure persequor?  
 de quo uos sententiam per tabellam feretis? dicunt le-  
 gati Melitenses publice: spoliatum templum esse Iunonis:  
 nihil istum in religiosissimo fano reliquisse: quem in lo-  
 cum classes hostiū sæpe accesserint: ubi piratæ ferē quot  
 annis hyemare solebāt: quod neq; prædo uiolauerit an-  
 tea: neq; hostis attigerit: id ab uno isto sic spoliatum esse:  
 ut nihil omnino sit relictum. hic nunc iste reus, aut ego  
 accusator, aut hoc iudiciū appellabitur? criminibus enim  
 coarguitur: aut suspicionibus in iudicium uocatur. di  
 ablati, fana uexata, nudata urbes reperiuntur. earum  
 autem rerum nullam sibi iste neq; insiciendi rationem,  
 neq; defendēdi facultatem reliquit: omnibus in rebus co-  
 arguitur à me: conuincitur à testibus: urgetur confessione  
 sua: manifestis in maleficijs tenetur: et manet etiam: ac  
 tacitus facta mecum sua recognoscit. Nimum mihi diu  
 uideor in uno genere uersari criminum: sentio Iudices  
 occurrendum esse facietati aurium, animorumq; uestro-  
 rum. quamobrem multa prætermittam. ad ea autem,  
 quæ dicturus sum: reficite uos quæso Iudices per deos  
 immortales: per eos ipsos, de quorum religione iam diu  
 dicamus:

dicimus: dū id eius facinus commemoro: & profero: quo  
provincia tota commota est. de quo si paulo altius ordi-  
ar: ac repetere memoriā religionis uidebor: ignoscite. rei  
magnitudo me breuiter perstringere atrocitatem crimi-  
nis non sinit. Vetus est hæc opinio: quæ constat ex an-  
tiquissimis græcorum literis, atq; monumentis: insulam  
Sicaliam totam esse Cereri, & liberæ consecratam. hoc  
cum cæteræ gentes sic arbitrantur: tum ipsis Siculis tam  
persuasum est: ut animis eorum insitum, atq; innatum  
esse uideatur. nam & natus esse has in his locis deas,  
& fruges in ea terra primum repertas arbitrantur: &  
raptam esse Liberam, quam eandem Proserpinam uo-  
cant: ex Ennensium nemore: qui locus, quod in media  
est insula situs: umbilicus Sicalie nominatur. quam cū  
inuestigare, & conquirere Ceres uellet: dicitur inflam-  
masse ihædas ex is ignibus: qui ex ætne uertice erum-  
punt: quas sibi cum ipsa præferret: orbem omnium  
peragrasse terrarum. Enna autem, ubi ea, quæ dico,  
gesta esse memorantur: est loco præcelso, atq; edito: quo  
in summo est æquata agri planities, & aquæ peren-  
nes. tota uero omni aditu circumcisa, atq; direpta est.  
quam circa lacus, luciq; sunt plurimi, & lectissimi flo-  
res omni tempore anni: locus ut ipse raptum illum uir-  
ginis, quem iam à pueris accepimus: declarare uidea-  
tur. etenim propter est spelunca quædam, conuersa ad  
aquilonem, infinita altitudine: qua Ditem patrem fe-  
runt repente cum curru extitisse: abreptamq; ex eo loco  
uirginem secum asportasse: & subito non longe a Sy-  
racusis penetrasse sub terras: lacumq; in eo loco repen-  
te extitisse: ubi usq; ad hoc tempus Syracusani festos dies  
anniuersarios agunt, celeberrimo uirorum, mulierūq;

conuentu. propter huius opinionis uetustatem, quod eorum in his locis uestigia, ac propè incunabula reperiuntur deorum: mira quædam tota Sicilia priuatum, ac publicæ religio est Cereris Ennensis. etenim multa sæpe prodigia uim eius, numenq; declarant: multis sæpe in difficilissimis rebus præsens auxilium eius oblatum est: ut hæc insula ab ea non solum diligit, sed etiam incolitur, custodiriq; uideatur. nec solum Siculi, uerum etiam cæteræ gentes, nationesq; Ennensem Cererem maxime colunt. etenim si Atheniensium sacra summa cupiditate expetuntur: ad quos Ceres in illo errore uenisse dicitur: frugesq; attulisse: quantam esse religionem conuenit eorum: apud quos eam natam esse, & fruges inuenisse constat: itaq; apud patres nostros atroci, ac difficili Reip. tempore, cum Ty. Graccho occiso magnorum periculorum metus ex ostentis portenderetur: P. Mutio, L. Calphurnio Cons. aditum est ad libros Sybillinos: à quibus inuentum est Cererem antiquissimam placari oportere. tum ex amplissimo collegio decemuirali Sacerdotes populi romani, cum esset in urbe nostra pulcherrimum, & magnificentissimum templum: tamen usq; Ennam profecti sunt. tanta enim erat authoritas, & uetustas illius religionis: ut cum illuc irent: non ad eadem Cereris, sed ad ipsam Cererem proficisci uiderentur. Non obtundam diutius aures uestras: iam dudum uercor, ne oratio mea aliena ab iudiciorum ratione, & quotidiana dicendi consuetudine esse uideatur. hoc dico: hanc ipsam Cererem, antiquissimam, religiosissimam, principem omnium sacrorum, quæ apud omnes gentes, nationesq; fiunt: à C. Verre ex suis templis, ac sedibus esse sublatam. Qui accessi-

fuis Ennam, uidiftis simulacrum Cereris è marmore: &  
 in altero templo Liberæ. sunt ea perampla, atq; præ-  
 clara, sed non ita antiqua. ex ære fuit quoddam modi  
 ita amplitudine, ac singulari opere, cum facibus, peran-  
 tiquum, omnium illorum, quæ sunt in eo fano: multo  
 antiquissimum. id sustulit. ac tamen eo contentus non  
 fuit. ante ædem Cereris in aperto, ac propatulo loco  
 signa duo sunt, Cereris unum, alterum Triptolemi,  
 & pulcherrima, & perampla. his pulchritudo peri-  
 culo, amplitudo salutis fuit: quod eorum demolitio, atq;  
 asportatio perdifficilis uidebatur. insistebat in manu  
 Cereris dextra simulacrum pulcherrime factum ui-  
 ctoriae. hoc iste è signo Cereris auellendum, asprotan-  
 dumq; curauit. Qui tandem istius animus est nunc in  
 recognitione scelerum suorum? cum ego ipse in commo-  
 ratione eorum non solum animo commouear: ue-  
 rum etiam corpore perhorrescam? Venit enim mihi fa-  
 ni, loci, religionis illius in mentem: uersantur ante oculos  
 omnia: dies ille, quo ego Ennam cum uenissem: pre-  
 sto mihi Sacerdotes Cereris cum infulus, ac uerbenis  
 fuerunt: contio, conuentusq; ciuium: in quo ego cum lo-  
 querer: tanti fletus, gemitusq; fiebant: ut acerbissimus to-  
 ta urbe luctus uersari uideretur. non illi decumari im-  
 peria, non bonorum direptiones, non iniqua iudicia,  
 non importunissimas istius libidines, non uim, non con-  
 tumelias, quibus operti, oppressiq; erant: conquereban-  
 tur: Cereris numen, sacrorum uetustatem, fani religio-  
 nem, istius sceleratissimi, atq; audacissimi supplicio ex-  
 piari uolebant. omnia se cætera pati ac negligere di-  
 cebant. hic dolor erat tantus: ut Verres alter orcus ue-  
 nisse Ennam, & non proserpinam asportasse, sed ipsam



abripuisse Cererem uideretur. etenim urbs illa, non urbs uidetur, sed fanum Cereris esse. habitare apud sese Cererē Ennenses arbitrantur. ut mihi nō ciues illius ciuitatis, sed omnes sacerdotes, omnes accolæ, atq; antistites Cereris esse uideantur. Ennæ tu simulacrum Cereris tollere audebas? Ennæ tu de manu Cereris uictoriam diripere, & deam deæ detrahere conatus es? quorum nihil uiolare, nihil attingere ausi sunt, in quibus erant omnia quæ sceleri propria sunt, quàm religioni. Temuerunt enim P. Popilio, P. Rupilio cons. illum locum serui, fugitui, barbari, hostes. sed neq; tam seruū illi dominorum: quàm tulibidinum: neq; tam fugitiui illi a dominis: quàm tu a iure, & a legibus: neq; tam barbari lingua, & natione illi: quàm tu natura, & moribus: neq; illi tam hostes hominibus: quàm tu dijs immortalibus. quæ deprecatio est igitur ei reliqua? qui in dignitate seruos, temeritate fugitiuos, scelere barbaros, crudelitate hostes uicerit? Audistis Theodorum, & Nisminum & Nicasionem Legatos Ennenses publice dicere: sese a suis ciuibus hæc habere mandata: ut ad Verrem adirent: & eum simulacrum Cereris, & uictoriæ reposerent: id si impetrassent: tum ut morem ueterem Ennensium conseruarent: publice in eum, tametsi uexasset Siciliam: tamen, quoniam hæc a maioribus constituta accepissent: testimonium ne quod dicerent. sin autem ea non reddidisset: tum ut iudicio adessent: tum uti de eius iniurijs iudices docerent: sed multo maxime de religione quererentur. quas illorum querimonias nolite per deos immortales aspernari: nolite contemnere, ac negligere Iudices. Aguntur iniuriæ socorum: agitur ius legum: agitur existimatio, ueritasq; iudiciorum.

quæ sunt omnia permagna: uerum illud maximū. tanta religione obstricta tota provincia est: tanta superstitio ex istius facti mentes omnium Sicularum occupauit: ut quæcūq; accidunt publice, uel priuatim incommoda: propter eam causam scelere istius euenire uideantur. Audistis Centuripinos, Agyrinenses, Catinenses, Herbitenses, Aetnenses, complures alios, publice dicere, quæ solitudo esset in agris: quæ uastitas: quæ fuga aratorum: quàm deserta, quàm inculta, quàm relictæ omnia. ea tametsi istius multis, et uarijs iniurijs acciderunt: tamē hæc una causa in opinione Sicularum plurimum ualeat: quod Cerere uiolata, omnes cultus, fructusq; Cereris, in his locis interyisse arbitrantur. medemini religioni sociorum Iudices: conseruate uestram auctoritatem. neque enim hæc externa nobis est religio: neq; aliena. quod si esset: si suscipere eam nolletis: tamen in eo, qui uiolasset: sancire uos uelle oporteret. nūc uero in communi omnium gentium religione, inq; his sacris, quæ maiores nostri ab exteris nationibus adscita, atq; acersita coluerunt: quæ sacra, ut erant re uera, sic appellari Græci uoluerunt: negligentes, ac dissoluti, si cupiamus esse: qui possumus? Vnius etiam urbis omnium pulcherri mæ, atq; ornatissimæ Syracusarum direptionem commemorabo: et in medium proferam Iudices: ut aliquādo totam huius generis rationem concludam, ac definiā. Nemo ferē uestrum est: quin, quemadmodū captae sint à M. Marcello Syracusæ, sæpe audierit: nonnunquam etiam in annalibus legerit. conferte hanc pacem, cum illo bello: huius prætoris aduentum, cum illius imperatoris uictoria: huius cohortem impuram, cum illius exercitu inuicto: huius libidines, cum illius continentia. ab il

lo, qui cœpit, conditas, ab hoc, qui constitutas accepit, captas dicetis Syracusas. Nunc iam illa omitto: quæ dispersæ à me multis locis dicentur: ac dicta sunt: forum Syracusanorum, quod introitu Marcelli à plurima cæde servatum est: id aduentu Verris. Siculorum innocentium sanguine redundasse: portum Syracusanorum, qui tum & nostris classibus, & Carthaginiensium clausus fuisset: eum isto prætore Cilicum myoparoni, prædonibusq; patuisse. mitto adhibitam vim ingenuis: matres familias violatas: quæ tum urbe capta commissa non sunt, neque odio hostili, neq; licentia militari, neq; more belli, neq; in re victoriæ. mitto inquam hæc omnia: quæ ab isto per triennium perfecta sunt. ea, quæ coniuncta cum illis rebus sunt, de quibus antea dixi: cognoscite. Urbem Syracusas maximam esse græcarum urbium, pulcherri-  
mamq; omnium sæpe audistis. est Iudices ita, ut dicatur. nam & situ est communito, tum ex omni aditu, uel terra, uel mari præclaro ad aspectum: & portus habet propè in ædificatione, aspectuq; urbis inclusos: qui cum diuersos inter se aditus habeant: in exitu coniunguntur: & confluunt. eorum coniunctione, pars oppidi, quæ appellatur insula: mari disiuncta angusto, ponte rursum adiungitur: & continetur. Ea tanta est urbs: ut ex quatuor urbibus maximis constare dicatur: quarum una est ea, quam dixi, Insula: quæ duobus portibus cincta, in utriusq; portus hostium, aditumq; proiecta est: in qua domus est quæ Regis Hieronis fuit: qua prætores uti solent. in ea sunt ædes sacræ complures: sed duæ, quæ longe cæteris antecellunt: Dianæ una, et altera, quæ fuit ante istius aduentum ornatissima: Minervæ. In hac insula extrema est fons aquæ dulcis, cui nomen Arethusa est: in-

credibili magnitudine, plenissimus piscium: qui fluctus totus operiretur: nisi munitione, ac mole lapidum à mari disunctus esset. Altera autem est urbs Syracusis: cui nomen Acradina est: in qua forum maximum, pulcher rimæ porticus, ornatissimum prytaneum, amplissima est curia, templumq; egregium Iouis Olympij: ceteræq; urbis partes una lata uia perpetua, multisq; transuersis diuisæ, priuatis ædificijs continentur. Tertia est urbs: quæ quod in ea parte fortunæ fanum antiquum fuit: Tyche nominata est: in qua & gymnasium amplissimum est, & complures ædes sacræ: coliturq; ea pars, & habitatur frequentissime. Quarta autem est urbs: quæ, quia postrema ædificata est: Neapolis nominatur: quam ad summam Theatrum est maximum: præterea duo templa sunt egregia, Cereris unum, alterum Libere, signumq; Apollinis qui Themuctes uocatur pulcherimum, & maximum: quod iste si portare potuisset: non dubitasset auferre. Nunc ad Marcellū reuertar: ne hæc à me sine causa commemorata esse uideantur. Qui cum tam præclaram urbem ui, copijsq; cœpisset: non putauit ad laudem populi ro. hoc pertinere: hanc pulchritudinem, ex qua præsertim nihil periculi ostenderetur: delere: et extinguere. itaq; ædificijs omnibus, publicis, priuatis, sacris, et profanis sic peperci: quasi ad ea defendenda cum exercitu, non expugnanda uenisset. in ornatu urbis habuit uictoriæ rationē: habuit humanitatis. uictoriæ putabat esse: multa Romam deportare: quæ ornamēto urbi esse possent. humanitatis: non planè spoliare urbē: præsertim quam conseruare uoluisset. In hac partitione ornatus, non plus uictoria Marcelli populo ro. appetiuit: quam humanitas Syracusanis reseruauit. Ro



nam quæ asportata sunt, ad eadem honoris, atque uirtutis, itemque alijs in locis uidemus. nihil in ædibus, nihil in hortis posuit: nihil in suburbano. putauit si urbis ornamenta domum suam non contulisset: domum suam urbi ornamento futuram. Syracusis autem permulta, atque egregia reliquit: deum uero nullum uiolauit: nullum attigit. Conferre Verrem: non ut hominem cum homine comparetis: nequa tali uiro mortuo fiat iniuria: sed ut pacem cum bello, leges cum ui, forum, et iurisdictionem cum ferro, et armis, aduentum, et comitatum cum exercitu, et uictoria conferatis. Aedes Minervæ est in insula, de qua ante dixi: quam Marcellus non attigit: quam plenam, atque ornatam reliquit. quæ ab isto sic spoliata, atque direpta est: non ut ab hoste aliquo, qui tamen in bello religionum, et consuetudinis iura retineret: sed ut à barbaris prædonibus uexata esse uideatur. Pugna erat equestris Agathoclis regis in tabulis picta præclare. his autem tabulis interiores templi parietes uestiebantur. nihil erat ea pictura nobilius: nihil Syracusis, quod magis uisendum putaretur. has tabulas M. Marcellus, cum omnia illa uictoria sua profana fecisset: tamen religione impeditus non attigit. iste, cum iam illa propter diuturnam pacem, fidelitatemque populi Syracusani sacra, religioſaque accepisset: omnes eas tabulas abstulit: parietes, quorum ornatus tot secula manserat: tot bella effugerat: nudos ac deformatos reliquit. Et Marcellus, qui, si Syracusas cœpisset: duo templa dedicaturum se Romæ uouerat: id quod erat edificaturus his rebus ornare, quas cœperat, noluit. Verres, qui non Honori, neque Virtuti, ut ille, sed Veneri, et Cupidini uota deberet: is Minervæ templum spoliare conatus est. Ille deos decorum spolijs orna-

re noluit. hic ornamenta Minervæ uirginis in meretrici-  
am domum transtulit. Viginti & septem præterea ta-  
bularum pulcherrime pictas ex eadem æde sustulit: in qui-  
bus erant imagines Siciæ Regum, ac Tyrannorum: quæ  
non solum pictorum artificio delectabant: sed etiam  
commemoratione hominum, & cognitione formarum.  
Ac uidete quanto tetrior hic tyrannus Syracusanis fue-  
rit: quàm quisquā superiorum: cum illi tamen ornarint  
templa deorum immortalium: hic etiam deorum monu-  
menta, atq; ornamenta sustulerit. Iam uero quid ego de  
ualuis illius templi commemorem? uereor, ne hæc qui  
non uiderunt: omnia me nimis augere, atq; ornare ar-  
bitrentur. quod tamen nemo suspicari debet: tam esse me  
cupidum: ut tot uiros primarios uelim, præsertim ex in-  
dicum numero, qui Syracusis fuerint: qui hæc uiderint:  
esse temeritati, et mendacio meo conscios. Confirmare hoc  
liquido Iudices possum: ualuas magnificentiore ex au-  
ro, atq; ebore perfectiores nullas unquam ullo tempore  
fuisse. incredibile dictu est, quam multi græci de ualua-  
rum harum pulchritudine scriptum reliquerint. nimi-  
um forsitan hæc illi mirentur: atq; offerant. esto. uerum  
tamen honestius est Reip. nostræ Iudices ea, quæ illis pul-  
chra esse uideantur: Imperatorem nostrum in bello re-  
liquisse: quàm prætorem in pace abstulisse. Ex ebore di-  
ligentissime perfecta argumenta erant in ualuis. ea de-  
trahenda curauit omnia. Gorgonis os pulcherrimum,  
cinctum anguib; reuellit: atq; abstulit. & tamen in-  
dicaui, non solum artificio, sed etiam precio, quæstusq;  
duci. nam bullas omnes aureas ex his ualuis, quæ erant  
& multæ & graues: non dubitauit auferre: quatuor iste  
non opere delectabatur: sed pondere. itaq; eiusmodi ual-

uas reliquit: ut quæ olim ad ornandum templum erant maxime: nunc tantum ad claudendū factæ esse uideantur. Etiam ne gramineas hastas? uidi enim uos in hoc non minime, cum testes dicerent: commoueri: quod erāt huiusmodi: ut semel uidisse satis esset: in quibus neq; manu factum quicquam, neq; pulchritudo erat ulla: sed tantum magnitudo incredibilis: de qua, uel audire satis esset: nimium, uidere plusquam semel. etiam ne id contupisti? nam Sappho, quæ sublata de Prytaneo est: dat tibi iustam excusationem: propè ut concedendum, atq; ut ignoscendum esse uideatur. M. Syllanionis opus tam perfectum, tam elegans, tam elaboratum, quisquam non modo priuatus, sed populus potius haberet, quàm homo elegantissimus atq; eruditissimus Verres? nimirum contradicta nihil potest. nostrum enim uniusquisq; quā tam beati quàm iste est, non sumus: tam delicati esse non possumus: si quando aliquid istiusmodi uidere uolet: eat ad ædem felicitatis, ad monumentum Catuli, in porticu Metelli: det operam, ut admittatur in alicuius istorum Thusculanum: spectet eorum ornatum, si quid iste suorum, Aedilibus accommodauit: Verres hæc habeat domi: Verres ornamentis sanorum, atq; oppidorum habeat plenam domum: uillas refertas. Etiam ne huius operarij studia, ac delicias Iudices perferetis? qui ita natus est: ita educatus: ita factus, & animo, & corpore: ut multo appositior ad deferenda, quàm ad auferenda signa esse uideatur. Atq; hæc Sappho sublata quantum desiderium sui reliquerit, dici uix potest. nam tum ipsa fuit egregie facta: tum epigramma græcum pernobile incisum habuit in Basi: quod iste eruditus homo, & græculus, qui hæc subtiliter iudicat: qui solus intelligit: si

unam literam graecam scisset: non sustulisset. nunc enim  
 quod inscriptum est inani in basi, declarat quid fue-  
 rit: & id ablatum indicat. Quid? signum Peanis ex  
 aede Aesculapij praeclare factum, sacrum, et religiosum  
 nō sustulisti? quod omnes propter pulchritudinem uisere,  
 propter religionem colere solebant. Quid? ex aede  
 Liberi simulacrum Aristei non tuo imperio palam ab-  
 latum est? Quid? ex aede Iouis religiosissimum simula-  
 crum Iouis Imperatoris, quem Graeci Vriōn nomi-  
 nant: pulcherrime factum nonne abstulisti? Quid? ex  
 aede Liberi paruum illud caput pulcherrimum, quod  
 uisere solebamus: dubitasti tollere? Atq; ille Pean sacri-  
 ficij anniuersarij simul cum Aesculapio apud illos cole-  
 batur. Aristeus, qui, ut graeci ferunt: Liberi filius inuen-  
 tor olei esse dicitur: una cum Libero patre apud illos eo-  
 dem erat in templo consecratus. Iouem autem Impera-  
 torem quanto honori in suo templo fuisse arbitramini?  
 hinc colligere potestis, si recordari uolueritis quantae re-  
 ligione fuerit eadem specie, atq; forma signum illud: quod  
 ex Macedonia captum, in Capitolio posuerat Flaminius.  
 etenim tria ferebantur in orbe terrarum signa Iouis  
 Imperatoris uno in genere pulcherrime facta. unum,  
 illud Macedonicum, quod in Capitolio uidemus. alte-  
 rum in ponti ore, & angustijs. tertium, quod Syracusis  
 ante Verrem praetorem fuit. illud Flaminius ita ex aede  
 sua sustulit: ut in Capitolio, hoc est in terrestri domicilio  
 Iouis poneret. quod autem est ad introitum Ponti, id cum  
 tam multa ex illo mari bella emerferint: tam multa por-  
 ro in pontum inuecta sint: usq; ad hanc diem integrum  
 inuiolatumq; seruatum est. hoc tertium, quod erat Syra-  
 cusis: quod M. Marcellus armatus, & uictor uiderat:



quod religioni concesserat: quod ciues, atq; incolæ Syracusani colere, aduenæ non solum uisere, uerum etiam uenerari solebant: id Verres ex templo Iouis sustulit. Ut sæpius ad M. Marcellum reuertar Iudices: sic habetote: plures esse à Syracusanis istius aduentu Deos, quàm uictoria Marcelli homines desideratos. Etenim ille requisisse dicitur etiam Archimedem illum, summo ingenio hominem, ac disciplina: eumq; cum audisset interfectum: permolestè tulisse. Iste omnia quæ requisuit: non ut seruaret, uerum ut asportaret, requisuit. Iam illa, quia leuiora uidebuntur, si hoc loco dicerentur: ideo preteribo: quod iste mensas delphicas è marmore, crateras ex ære pulcherrimas, uim maximam uasorum Corinthiorum, ex omnibus ædibus sacris Syracusis abstulit. Itaq; Iudices hi qui hospites ad ea, quæ uisenda sunt: ducere solent, et unumq; ostendere: quos illi Mystagogos uocant: conuersam iam habent demonstrationem suam. nam ut ante demonstrabant, quid ubiq; esset: ita nunc quid undiq; ablatum sit: ostendunt. Quid tum? mediocri ne tandem dolore eos affectos esse arbitramini? non ita est Iudices: primum, quod omnes religione mouentur: et deos patrios, quos à maioribus acceperunt: colendos sibi diligenter, & retinendos esse arbitrantur. deinde hic ornatus, hæc opera, atq; artificia, signa, tabulæ pictæ, græcos homines nimio opere delectat. Itaq; ex illorū querimonijs intelligere possumus, hæc illis acerbissima uideri: quæ forsitan nobis leuia, & contemnenda esse uideatur. mihi credite Iudices: tametsi uosmetipsos hæc eadem audire certo scio. cum multas acceperint per hosce annos socij, atq; exteræ nationes calamitates, & iniurias: nullas græci homines grauius tulerunt: nec ferunt:

quàm huiusmodi spoliationes sanorum, atq; oppidorum. licet iste dicat, emisse se: sicuti solet dicere: credite mihi Iudices: nulla unquam ciuitas tota Asia, & Græcia signum ullum, & tabulas pictas, ullum deniq; ornamentum urbis, sua uoluntate cuiquam uendidit. nisi forte existimatis, posteaquam iudicia seuerà Romæ fieri desierint: græcos homines hæc uedere cœpisse: quæ tum, non modo non uendebant: cum iudicia fiebant: uerum etiam coeuebant. nisi arbitramini L. Crasso, C. Scauolæ, Q. Claudio potentissimis hominibus, quorû ædilitates ornatissimas uidimus: commercium istarum rerum cum græcis hominibus non fuisse: his qui post iudiciorum dissolutiones, ædiles facti sunt: fuisse. Acerbiorem etiam scitote esse ciuitatibus falsam istam, et simulatam emptionem: quam si quis clàm surripiat: aut eripiat palàm: atq; auferat. nam turpitudinem summam esse arbitrantur: referri in literas publicas, precio paruo ea, quæ acceperint à maioribus: uendidisse: atq; alienasse. etenim mirandum in modum græci rebus istis, quas nos contemnimus: delectantur. itaq; maiores nostri facile patiebantur, hæc esse quamplurima apud socios: ut imperio nostro quamornatissimi florentissimiq; essent. apud eos autem quos uectigales, aut stipendarios fecerant: tamen hæc relinquiebant: ut illi, quibus ea iucunda sunt: quæ nobis leuia uidebantur: haberent hæc oblectamenta, & solatia seruitutis. Quid arbitramini Rheginos, qui iam ciues Ro. sunt: mereri uelle: ut ab ijs marmorea Venus illa ne auferatur? quid Tarentinos? ut ne Europam in tauro sedentem amittant? ut Satyrum? qui apud illos in æde uestæ est: ut cætera? quid Thespenses? ut Cupidinis signum: propter quod unum uisuntur Thespie?

quid Gnydios? ut Venerem marmoream? quid ut pī-  
 etam, Coos? quid Ephesios? ut Alexandrum? quid Ci-  
 Zicenos? ut Aiacem, aut Medeam? quid Rhodios? ut Ia-  
 lysium? quid Athenienses? ut ex marmore Iachum, aut  
 Parithalum pictum, aut ex ære Myronis buculam?  
 longum est, & non necessariū commemorare, quæ apud  
 quosq; uisenda sunt tota Asia, & Græcia. uerum illud  
 est quamobrem hæc commemorarim: quod existmare  
 uos hoc uolo: mirum quendam dolorem accidere ijs, ex  
 quorum urbibus hæc auferantur. atq; ut cæteros omitta-  
 mus: de ipsis Syracusanis cognoscite. Ad quos ego cum  
 uenissem: sic primo existimabam: ut Romæ ex istius ami-  
 cis acceperam: ciuitatem Syracusanam, propter Heraclij  
 hæreditatem, non minus esse isti amicam: quàm Mamer-  
 tinam propter prædarum, ac furtorum omnium socie-  
 tatem. simul & uerebar, ne mulierum nobilium, &  
 formosarum gratia, quarum iste arbitrio præturâ per-  
 triëniū gesserat: uirorumq; quibus cum nuptæ erāt:  
 nimia in istum non lenitudine, sed etiam liberalitate op-  
 pugnarer: si quid ex literis Syracusanorum conquire-  
 rem. itaq; Syracusis cum ciuibus romanis eram: eorum  
 tabulas scribebam: iniurias cognoscebam. cum diutius  
 in eo negotio, curaq; fueram: ut requiescerem: curamq;  
 animi remitterem: ad Carpinati præclaras tabulas re-  
 uertebam. ubi cum Equitibus Ro. ex illo conuentu hone-  
 stissimis, illos Verrutios, de quibus ante dixi: explicabā.  
 à Syracusanis prorsus nihil adiumenti neq; publicæ, neq;  
 priuatim expectabam: neq; erat in animo postulare.  
 Cum hæc agerem: repente ad me uenit Heraclius is: q-  
 tum magistrū Syracusis habebat: homo nobilis, qui Sa-  
 cerdos Iouis fuisset: qui honos apud Syracusanos est am-

plissimus. agit mecum, & cum fratre meo: ut, si nobis uideretur: adiremus ad eorum Senatum: frequentes esse in curia: se iussu Senatus à nobis petere: ut ueniremus. Primo nobis fuit dubium, quid ageremus. deinde cito uenit in mentem, non esse uitandum nobis illum conuentum, & locum. itaq; in curiam uenimus. honorifice sanè confurgitur. nos rogatu magistratus assedimus. Incipit is loqui, qui & auctoritate, & ætate, & ut mihi uisum est: usu rerum antecedeat Diodorus Timarchides. cuius omnis oratio hanc habuit primo sententiam: Senatum Populumq; Syracusanū moleste grauiusq; ferre: quod ego, cum in cæteris Sicilia ciuitatibus Senatum populūq; docuissem: quid eis utilitatis, quid salutis afferrem: & cum ab omnibus mandata, legatos, literas, testimoniaq; sumpsissem: in illa ciuitate nihil eiusmodi facerem. respondi neq; Romæ in conuentu Siculorum, cum à me auxilium communi omnium legationum consilio petebatur: causaq; totius ad me Siciliae defereretur: legatos Syracusanorum affuisse: neq; me postulare, ut quicquam contra C. Verrem decerneretur, in ea Curia: in qua inauratam C. Verris statuam uiderem. Quod posteaquam dixi: tantus est gemitus factus aspectu statuæ, & commemoratione: ut illud in Curia positum monumentum scelerum, non beneficiorum uideretur. Tum pro se quisq; quantum dicendo assequi poterat: docere me cœpit ea, quæ paulo ante commemorauī: spoliata urbem: sana direpta: ex Heraclyi hæreditate, quam palestritis concessisset, qui etiam inuentorem olei decum sustulisset: neq; illam statuam esse ex pecunia publicæ datam: sed eos qui hæreditatis diripiendæ participes fuissent: faciendam, statuendamq; curasse. eosdem Romæ fuisse legatos, illius



adiutores improbitatis, socios furtorum, conscios flagitiorum: eo minus mirari me oportere: si illi communi legatorum uoluntati, & saluti Siciliae defuissent. Vbi eorum dolorem non modo non minorem, sed propè maiorem, quàm cæterorum Siculorum esse cognouimus: tum meum animum in illos, tum ego mei consilij, negotijq; totius suscepti causam, rationemq; proposui: tum eos hortatus sum: ut causæ communi, salutiq; ne deessent: ut ei illam laudationem, quam se ui, ac metu coactos paucis illis diebus decreuisse dicebant: tollerēt. Ita q; Iudices Syracusani hæc faciunt istius clientes, atq; amici: primum mihi literas publicas, quas in ærario sanctiore conditas habebant: proferunt: in quibus ostendunt omnia, quæ dixi ablata: esse perscripta: & plura etiam, quàm ego potui dicere. pscripta autem hoc modo: quod ex æde Minervæ hoc et illud abesset: quod ex æde Iouis, quod ex æde liberi. ut quisq; eis rebus tuendis conseruandisq; præficerat: ita perscriptum erat: cum rationem ex lege redderet: & quæ acceperat, deberet tradere: petisse, ut sibi, quod hæ res abessent, ignosceretur. itaq; omnes liberatos discessisse: & esse ignotum omnibus. quas ego literas obsignandas publico signo, deportandasq; curavi. De laudatione autem ratio sic reddita est. primum cum à Verre literæ aliquanto ante aduentum meum de laudatione uenissent: nihil esse decretum. deinde, cum quidam ex illis amicis commonerent: oportere decerni: maximo esse clamore, et conuicio repudiatos. et posteaquam meus aduentus appropinquaret: imperasse eum, qui summam potestatem haberet: ut decernerent. decretum ita esse: ut multo plus illa laudatio aliquid mali, quàm boni possit afferre. Id adeo Iudices, ut mihi ab illis demonstratum est:

tum est: sic uos ex me cognoscite. Mos est Syracusis: ut si qua de re ad Senatum referatur: dicat sententiā, qui uelit. nominatim nemo rogatur. et tamen, ut quisq; honore, & ætate antecedit: ita primus solet sua sponte dicere: idq; à cæteris ei conceditur. si quando taceant omnes: tunc sortito coguntur dicere. Cum hic mos esset: refertur ad Senatum de laudatione Verris. in quo primum, ut aliquid esset moræ: multi interpellant: de Sex. Peduceo, qui de illa ciuitate, totaq; prouincia optime meritis esset: sese antea, cum audissent ei negotium fassetum: cumq; eum publice, pro plurimis eius, & maximis meritis laudare cuperent: à C. Verre prohibitos esse. iniquum esse, tametsi Peduceus eorum laudatione iam nō uteretur: tamen non prius ei decernere quod aliquādo uoluissent: quàm quod tum cogerentur. conclamant omnes: & approbāt, ita fieri oportere. refertur de Peduceo. ut quisq; ætate, et honore antecederet: ita sententiam dixit ex ordine. Id adeo ex ipso S. C. cognoscite. nam principium sententiæ perscribi solet. **RECITA. QVOD VERBA FACTA SVNT DE SEX. PEDUCEO.** dicit qui primi suaserint. decernitur. refertur deinde de Verre. dic quaeso quomodo? **QVOD VERBA FACTA SVNT DE C. VERRE.** quid postea scriptum est? **CVM SVRGERET NEMO: NEQVE SENTENTIAM DICERET.** quid hoc est? **SORS DVCITVR.** quamobrem? nemo erat uoluntarius laudator Præturæ tuæ? defensor periculorum tuorum? præsertim cum inire à populo Rogratiam posset? nemo. ipsi illi tui conuiuæ, consiliarij, & consueij uerbum facere non audebant. In Curia statua tua stabat, & nuda in ea filij: nemo fuit ne quē

nudus quidem filius, nuda provincia commoueret. Atque  
 et hoc me docent: eiusmodi senatus consulto sese fecisse lau-  
 dationem: ut omnes intelligere possent: non laudationem,  
 sed potius irrisionem esse illam: quæ commonefaceret  
 istius turpem calamitosamque præturam. Ea enim scripta  
 est: quod iste uirgis neminem cecidisset: à quo cognosci-  
 tis, nobilissimos homines, atque innocentissimos securi esse  
 percussos. quod uigilanter provinciam administrasset:  
 cuius omnes uigilias in stupris constat, adulterisque esse  
 consumptas. Hoc autem scriptum esse: quod proferre  
 non auderet reus: accusator recitare non desineret. quod  
 prædones procul ab insula Sicilia prohibuisset Verres.  
 quos etiam intra Syracusanam insulam recepisset. Quæ  
 postquam, ex illis cognoui: discessi cum fratre è Cu-  
 ria: ut nobis absentibus, siquid uellent: decernerent. de-  
 cernunt statim: primum, ut L. Fratri hospitum publi-  
 ce fieret: quod is eandem uoluntatem erga Syracusanos  
 suscepisset: quam ego semper habuissem. Id non modo tum  
 scripserunt: uerum etiam in ære incisum nobis tradi-  
 derunt. Valde hercle te Syracusani tui, quos crebro com-  
 memorare soles: diligunt: qui cum accusatore tuo satis in-  
 stam causam coniungendæ necessitudinis putant: quod te  
 accusaturus sit: et quod ad inquirendum in te uene-  
 rit. postea decernitur: ac non uarie, sed propè coniunctis  
 sententijs: ut laudatio, quæ C. Verri decreta esset: tolle-  
 retur. An \* eo cum iam non solum discessio facta esset: sed  
 etiam perscriptum, atque in tabulas relatum: Prætor ap-  
 pellatur. at quis appellat? magistratus aliquis? nemo. se-  
 nator? ne id quidem. Syracusanorum aliquis? minime.  
 quis igitur Prætozem appellat? qui quæstor istius fuerat,  
 Cealius. O rem ridiculam: O desertum hominem: O

desperatum, ac relictum: à magistratu Siculo, ne Senatusconsultum Siculi homines facere possent: ne suum ius suis moribus, suis legibus, obtinere possent: non amicus istius, non hospes, non deniq; aliquis Siculus, sed Quaestor Praetorem appellat. quis hoc uidit? aut quis audiuit? Praetor æquus, & sapiens dimitti iubet Senatum. concurrunt ad me maxima multitudo. primum Senatores clamare: eripi sibi ius: eripi libertatem: populus Senatum laudare: gratias agere: cives romani à me nusquam discedere. quo quidē die, nihil ægrius factum est multo labore meo: quam ut manus ab illo appellatore abstinerentur. Cum ad praetorem in ius adissemus: excogitat sane' diligenter, & caute quid decernat. nam, antequam uerbum facerem: de sella surrexit: atq; abiit. Itaq; tum de foro, cum iam aduesperasceret: discessimus. postridie mane ab eo postulo: ut Syracusanis liceret senatus consultum, quod pridie fecissent: mihi reddere. Ille enim uero negat: & ait indignum facinus esse: quod ego in Senatu græco, uerba fecissem: quod quidem apud græcos græce locutus essem: id ferri nullo modo posse. respondi homini ut potui: ut uolui: ut debui. tum multa, tum etiam hoc me memini dicere: faciale esse perspicuum, quantum inter hunc, & illum Numidicum uerum & germanum Metellum interesset. illum noluisse sua laudatione iuuare L. Lucillum sororis uirum: qui cum optime conuenisset. hunc homini alienissimo, à ciuitatibus laudationes per uim, & metum comparare. Quod ubi intellexi, multum apud illum recentes nuntios, multum tabulas non commendaticias, sed tributarias ualuisse: admonitu ipsorum Syracusanorum, impetum in eas tabulas facio: in quibus sigilla perscripta



erant. Ecce autem noua turba atq; rixa: ne tamen istū omnino Syracusis sine hospitibus plane nudum esse ac desertum putetis. retinere cœpit tabulas Theomnastus quidam, homo ridicule insanus: quem Syracusani theoractum uocant: qui illic eiusmodi est: ut cum pueri sententur: ut omnes, cum loqui cœperit, irrideant. Huius tamen insania, quæ ridicula est alijs: mihi tum molestæ sanè fuit. nam cum spumas ageret in ore: arderent oculi: uoce maxima uim me sibi afferre clamaret: copulati in ius peruenimus. Hic ego postulare cœpi: ut mihi tabulas obsignare, ac deportare liceret. ille contra. recitare, omnium mihi tabularum, & literarum fieri potestatem oportere. Ille furiosus urgere, nihil ad se uestras leges pertinere. Prætor intelligens, negare sibi placere, quod S. C. ratum esse non deberet: id me Romam deportare. qd multa? nisi uehementius homini minatus essem: nisi legum sanctionem, poenamq; recitassem: tabularum mihi potestas facta non esset. Ille autem insanus, q pro isto contra me uehementissime declamasset: postquam nō impetravit: credo ut in gratiam mecum rediret: libellum mihi dat: in quo istius furta Syracusana perscripta erant: quæ ego antea iam ab illis cognoram: & acceperam. Laudent te sanè iam Mamertini: qui ex tanta prouincia soli sunt: qui te saluum uelint: ita tamen laudent: ut Heius, q eius princeps legationis est: adsit: ita laudent: ut ea quæ rogati erunt: mihi parati sint respondere. ne subito à me opprimantur: hæc sum rogaturus. nauem debeant ne? fatebuntur. præbuerint ne prætor C. Verre? negabunt. ædificauerint ne nauem onerariam maximam publice: quam Verri dederunt? negare non poterunt. frumentum ne ab his sumpserit. Verres: quod

populo Ro. mitteret sicuti superiores? negabunt. quid militum, aut nautarum per triennium dederunt? nullum datum dicent. fuisse Messanam omnium istius furtorum, ac prædarum receptricem? negare non poterunt. permulta multis nauibus illinc exportata? hanc denique nauem maximam à Mamertinis datam, onustam cum isto prætore profectam? fatebuntur. Quamobrem tibi habet sane istam laudationem Mamertinam: Syracusanam quidem ciuitatem, ut abs te affecta sit: ita in te esse animatam uidemus. apud quos etiam Verrea illa flagitiosa sublata sunt. etenim minime conueniebat, eorum deorum honores haberi: qui simulacra deorum sustulisset. Etiam mehercule illud in Syracusanis merito reprehenderetur: si cum diem festum ludorum de fastis suis sustulissent celeberrimum, et sanctissimum: quod eo ipso die Syracusæ à Marcello captæ esse dicuntur: idem diem festum Verris nomine agerent: cum iste Syracusanis quæ ille calamitosus dies reliquerit: ademisset. At uide de hominis impudentiam, atque arrogantiam Iudices: qui non solum Verrea hæc turpia, hæc ridicula ex Heracly pecunia constituerit: uerum etiam Marcellæ tolli imperarit: ut ei sacra facerent quot annis: cuius opera omnium annorum sacra, deosque patrios amiserant: eius autem familiæ dies festos tollerent: per quam ceteros quoque festos dies recuperant.

ACCUSATIONIS IN C. VER-  
REM LIBER VII. ORA-  
TIO X.

EMINI uideo dubium esse Iudices:  
n quin apertissime C. Verres in Sicilia sa-  
cra, profanaq; omnia & priuatim, &  
publice spoliari: uersatusq; sit sine ulla  
non modo religione, uerum etiam dissimulatione in o-  
mnigenere furandi, atq; praedandi. sed quaedam mihi  
magnifica, & praecleara eius defensio ostenditur: cui  
quemadmodum resistam, multo mihi ante est Iudices pro-  
uidendum. ita enim causa constituitur. provinciam Sici-  
liam uirtute eius, & uigilantia singulari dubijs, forma  
dolosusq; temporibus a fugitiuis, atq; a belli periculis tu-  
tam esse seruata. quid agam Iudices? quo accusationis  
meae rationem conferam? quo me uertam? ad omnes eni  
meos impetus, quasi murus quidam, boni nomen impe-  
ratoris opponitur. noui locum: uideo ubi se iactatuerus  
sit Hortensius. belli pericula, tempora reipublicae, Im-  
peratorum penuriam commemorabit. tum deprecabitur  
a uobis: tum etiam pro suo iure contendet: ne patiamu-  
ni talem imperatorem, populo romano Siculorum testi-  
monijs eripi: ne ue obteri laudem imperatoriam crimi-  
nibus auariciae uelit. Non possum dissimulare Iudices:  
timeo, ne C. Verres propter hanc uirtutem eximiam in  
re militari, omnia, quae fecit, impune fecerit. uenit enim  
mihi in mentem: in iudicio M. A. quilij quantum auctori-  
tatis, quantum momenti, oratio M. Antonij habuisse exi-  
stimata sit. qui ut erat in dicendo non solum sapiens,

sed etiam fortis: atusa propè perorata, ipse arripuit M. Aquilium: constituitq; in conspectu omnium: tunicamq; eius à pectore abscidit: ut cicatrices populus Ro. iudicesq; aspicerent, aduerso corpore exceptas. simul & de illo vulnere, quod ille in capite ab hostium duce acceperat: multa dixit: eoq; adduxit eos, qui erant iudicaturi: uehementer ut uererentur: ne quem uirum fortuna ex hostium telis eripuisset: cum sibi ipse non pepercisset: hic nò ad populi Ro. laudem, sed ad iudicium crudelitatem uideretur esse seruatus. Hæc eadem nunc ab illis defensionis ratio, uiaq; tentatur: idem quaeritur. sit fur: sit sacrilegus: sit flagitiorum omnium, uiciorumq; princeps: at est bonus imperator, & felix, & ad dubia Reip. tempora reseruandus. Non agam summo iure tecum: non dicam id, quod debeam forsitan obtinere: cum iudicium certa lege sit constitutum: non quid in re militari fortiter feceris, sed quemadmodum manus ab alienis pecunijs abstinueris, abs te doceri oportere. non inquam sic agam. sed ita quaeram, quemadmodum te uelle intelligo: quæ tua opera, & quanta fuerit in bello? quid dicēs? an bello fugitiuorum Sicilia uirtute tua liberatam? magna laus, et honesta oratio. sed tamen quo bello? nos enim post id bellum, quod M. Aquilius confecit: sic accepinus: nullum in Sicilia fugitiuorum bellum fuisse. at in Italia fuit. fateor: & magnum quidem, ac uehemens. num igitur ex eo bello partem aliquam laudis appetere conaris? num tibi illius uictoriæ gloriam cum M. Crasso, aut Cn. Pompeio communicandam putas? non arbitror hoc etiā deesse tuæ impudentiæ: ut quicquam eiusmodi dicere audeas. obstitisti uidelicet, ne ex Italia transire in Siciliam fugitiuorum copiae possent. ubi? quando? qua



ex parte? cum aut nauibus, aut ratibus conarentur accedere? nos enim nihil unquam prorsus audiuius: & illud audiuius: M. Crassi fortissimi uiri uirtute, consilioq; factum: ne ratibus coniunctis freto fugitui ad Mes-  
 sanam transire possent. à quo illi conatu non tantopere prohibendi fuissent: si ulla in Sicilia praesidia ad illorum aduentum opposita putarentur. At cum in Italia bellum tam propè à Sicilia: tamen in Sicilia non fuit? quid mirum? ne cum in Sicilia quidem fuit eodem intervallo: pars eius belli in Italiam ulla peruasit. etenim propin-  
 quitas ad utram partem hoc loco profertur: utrum aditum facilem hostibus? an contagionem imitandi eius belli periculosam fuisse? aditus omnis, hominibus sine ulla facultate nauium non modo disiunctus, sed etiam clausus fuit: ut illis, quibus Siciliam propinquam fuisse dicis: facilius fuerit ad oceanum peruenire: quàm ad Peloridem accedere. contagio autem ista seruilis belli, cur abs te potius, quàm ab his omnibus, qui cæteras prouincias obtinuerunt: prædicatur? an quod in Sicilia iam ante bella fugitiuorum fuerunt? at ea ipsa causa est: cur ipsa prouincia minimo in periculo sit, & fuerit. nam posteaquam illinc M. Aquilius decessit: omnium instituta, atque edicta prætorum fuerunt eiusmodi: ut ne quis cum telo seruus esset. Vetus est, quod dicam: et propter seueritatem exëpli nemini fortasse uestrum inauditum: L. Domitium prætorem in Sicilia, cum aper ingens ad eum allatus esset: admiratum regis-  
 sisse, quis eum percussisset. cum audisset pastorem cuiusdam fuisse: eum ad se uocari iussit. illum cupide ad prætorem quasi ad laudè, atq; ad premiũ accurrisse. quæsisse Domitium, qui tantam bestiam percussisset? illum re-

spondisse, uenabulo. statim deinde iussu prætoris in cruce esse sublatum. durum hoc fortasse uideatur: neque ego ullam in partem disputo: tantum intelligo maluisse Domitium crudelem in animaduertendo, quam in prætermittendo dissolutum uideri. Ergo his institutis prouinciæ, iam tum, cum bello fugitiuorum tota Italia arderet homo non acerrimus, nec fortissimus, Cn. Norbanus in summo ocio fuit. perfacile enim sese Sicilia tuebatur: ne quod in ipsa bellum posset existere. etenim cum nihil tam coniunctum sit, quam negotiatores nostri cum Siculis, usu, re, ratione, concordia: et cum ipsi Siculi res suas ita constitutas habeant: ut his pacem expediat esse: imperium autem populi Romani sic diligant: ut id imminui, aut commutari minime uelint: cumque hæc ab seruorum bello pericula, et prætorum institutis, et dominorum disciplina prouisa sint: nullum est malum domesticum: quod ex ipsa prouincia nasci possit. Quid igitur? nulli ne motus in Sicilia seruorum Verre prætoris? nullæ ne consensiones factæ esse dicuntur? nihil sane quod ad S. P. que R. peruenerit: nihil quod iste Romam publice conscripserit. et tamen coeptum esse in Sicilia moueri aliquot locis seruitium suspicor. id adeo non tam ex re, quam ex istius factis, decretisque cognosco. Ac uidete quam non inimico animo sim acturus. ego ipse hæc, quæ ille querit: quæ adhuc nunquam audistis: commemorabo: et proferam. In Tricalino, quem locum fugitiui iam ante tenuerunt: Leonidæ cuiusdam Siculi familia in suspicionem est uocata coniurationis. res delata ad istum. statim (ut par fuit) iussu eius homines qui nominati erant: comprehensi sunt: adductique Lilybeum: domino denunciatum est: ut adesset: causa dicta damnati sunt. quid dein-

de? quid censetis? furtum fortasse, aut prædam expecta-  
tis aliquam? nolite usquequaq; quidem quærere. in me-  
tu belli, firandi qui locus potest esse? etiam si qua sic fuit  
in hac re occasio: prætermissa est. tum potuit à Leonida  
nummorum aliquid auferre: cum denunciavit, ut adef-  
set. fuit mundinatio aliqua, et isti non noua: ne causam  
diceret. etiam alter locus: ut absoluerentur. damnatis  
quidem seruis, quæ prædandi potest esse ratio? produci  
ad supplicium necesse est. testes enim sunt, qui in consi-  
lio fuerunt: testes publicæ tabulæ: testis splendidissima ci-  
uitas Lilybetana: testis honestissimus, maximusq; conuen-  
tus ciuium romanorum. nihil potest. producendi sunt  
itaq;: producuntur: & ad palum alligantur. etiam nūc  
mibi expectare uidemini Iudices, quid deinde factum  
sit: quod iste nihil unquam fecit sine aliquo quæstu, atq;  
præda. quid in eiusmodi re fieri potuit? quod commo-  
dum est? expectate facinus quàm multis improbum:  
uincam tamen expectationem omnium. nomine sceleris,  
coniurationisq; damnati, ad supplicium traditi, ad pa-  
lum alligati, repente multis millibus hominum inspe-  
ctantibus soluti sunt: & Leonide illi domino redditi.  
quid hoc loco potes dicere homo amentissime? nisi id, quod  
ego non quæro: quod deniq; in re tam nefaria, tametsi  
dubitari non potest: tamen, ne si dubitetur quidem: quæ-  
ri oporteat: quid, aut quantum, aut quomodo acceperis.  
remitto tibi hoc totum: atq; ista te cura libero. neq; enim  
metuo ne hoc cuiquam persuadeatur: ut ad quod faci-  
nus nemo, præter te, ulla pecunia adduci potuerit: id tu  
gratis suscipere conatus sis. uerum de ista firandi præ-  
dandi; ratione nihil dico: de hac imperatoria iam tua  
laude disputo. quid ais bone custos, defensorq; provin-

cicero quos seruos arma capere, ac bellum facere in si-  
cilia uoluisse cognoras: et de consilij sententia iudicatas:  
hos ad supplicium iam more maiorum traditos, et ad  
palum alligatos ex media morte eripere, ac liberare au-  
sus es: ut quam damnatis seruis crucem fixeras: hanc  
indemnatis ciuibus Ro. reseruares? Perditæ ciuitates, de-  
speratis omnibus rebus, hos solent exitus exitiales ha-  
bere: ut damnati in integrum restituantur: uincti soluan-  
tur: exules reducantur: res iudicatæ rescindantur. quæ  
cum accidunt: nemo est, quin intelligat rueri illam rem-  
publicam. hæc ubi ueniunt: nemo est, qui ullam spem sa-  
lutis reliquam esse arbitretur. atq; hæc sicubi, facta  
sunt: ut homines populares, aut nobiles supplicio, aut  
exilio leuarentur: ut non ab his ipsis, qui iudicassent: ut  
non statim: ut non eorum facinorum damnati, quæ ad  
uitam et fortunas omnium pertinerent. hoc uero no-  
uum, et eiusmodi est: ut magis propter reū, quam pro-  
pter rem ipsam credibile esse uideatur: ut homines ser-  
uos, ut ipse qui iudicarat, ut statim e medio supplicio di-  
miserit: ut eius facinoris danatos seruos, quod ad omni-  
um liberorum caput, et sanguinem pertineret. O præ-  
clarum Imperatorem: nec iam cum M. Aquilio fortis-  
simo uiro, sed uero cum Paulis, Sapiionibus, Marijs con-  
ferendum. tantum ne uidisse in metu, periculoq; provin-  
ciæ? cum seruiciorum animos in Sicilia suspensos pro-  
pter bellum Italiæ fugitiuorum uideret: ne quis se com-  
mouere auderet: quantum terroris iniecit? comprehendi  
iussit. quis non pertimescat? causam dicere dominos.  
quid seruis tam formidolosum? fecisse uideri pronun-  
ciavit. ortam uidetur flammam paucorum dolore, ac  
morte restinxisse. quid deinde sequitur? uerbera, atque



ignes, & illa extrema ad supplicium damnatorum, metum cæterorum, cruciatus, et crux. hisce omnibus supplicijs sunt liberati. quis dubitet, quin seruorum animos summa formidine oppresserit? cum uiderent ea facilitate prætorem: ut ab eo sceleris, coniurationisq; damnatorum uita, uel ipso carnifice internuncio redimeretur. Quid? hoc in Apolloniense Aristodamo? quid? in Leonte Magarensi non idem fecisti? quid? iste motus seruorum, belliq; subita suspicio, utrum tibi tandem diligentiam custodiendæ prouinciæ, an nouam rationem improbissimæ quæstus attulit? Halicyensis Eumenidæ nobilis hominis, & honesti magnæ pecuniæ uillicus, cum impulsu tuo insimulatus esset: HS LX a domino accepisti. quod nuper ipse iuratus docuit quemadmodum gestum esset. Ab Equite Ro. C. Matrinio absente, cum is esset Romæ: quod eius uillicos, pastoresq; tibi in suspicionem uenisse dixeras: HS centies abstulisti. Dixit hoc L. Flauius: qui tibi eam pecuniam numerauit: procurator C. Matrinij: dixit ipse C. Matrinus: dicet uir clarissimus Cn. Lentulus Censor: qui Matrinij honoris causa, recenti negotio ad te literas misit: mittendasq; curauit. Quid? de Apollonio Diocli filio Panormitano, cui Gemino cognomen est: præteriri potest? ecquid hoc tota Sicilia clarius? ecquid indignius? ecquid manifestus proferri potest? quem is, uti Panormum uenit: ad se uocari, & de tribunali citari iussit, concursu magno, frequentiaq; conuentus. homines statim loqui: mirari: quod Apollonius homo pecuniosus tam diu ab isto maneret integer: excogitauit: nescio quid attulit: profecto homo diues, repente a Verre non sine causa citatur: expectatio summa omnium, quid nam id esset: cum

exanimatus subito ipse accurrit cum adolescente filio.  
 nam pater grandis natuiam diu lecto tenebatur. nomē  
 natus iste seruum: quem magistrum pecoris esse diceret:  
 eum dicit coniurasse: & alias familias conatasse. is omni  
 no seruus in familia non erat. eum statim exhiberi  
 iubet. Apollonius affirmat seruum se omnino illo no-  
 mine habere neminē. iste hominem arripi a tribunali,  
 & in carcerem conijci iubet. ille clamare, cum rape-  
 retur: nihil se miserum fecisse: nihil commississe: pecuniam  
 sibi esse in nominibus: numeratam in præsentia non ha-  
 bere. hæc cum maxime summa hominum frequentia  
 testificaretur: ut quivis intelligere posset: eum, quod pe-  
 cuniam non dedisset: ideo illa tam acerba iniuria af-  
 fici: cum maxime ut dico hoc de pecunia clamaret: in vin-  
 cla coniectus est. Videte constantiam prætoris, et eius  
 prætoris: qui in rebus non ita defendatur, ut mediocris  
 prætor: sed ita laudetur, ut optimus Imperator. Cum  
 servorum bellum metueretur: quo supplicio dominos in-  
 demnatos afficiebat: hoc servos damnatos liberabat.  
 Apolloniū locupletissimum hominem, qui, si fugitivi bel-  
 lum in Sicilia facerent: amplissimas fortunas amitte-  
 ret: belli fugitivorum nomine indicta causa, in vincla  
 coniecit: servos, quos ipse cū consilio belli faciēdi causa con-  
 sensisse iudicavit: eos sine consilij sententia, sua sponte o-  
 mni supplicio liberauit. quid? si ab Apollonio ali-  
 quid commissum est: quamobrem iure in eum animad-  
 verteretur: tamen ne hanc rem sic agemus? ut crimini,  
 aut invidiæ reo putemus esse oportere: si quo de homi-  
 ne seuerius iudicavit? non agam tam acerbè: non utar  
 ista accusatoria consuetudine: si quod est factum clemen-  
 ter: ut dissolute factum criminer: si quid vindicatum

fevere est: ut ex eo crudelitatis inuidiam colligam. non  
 agam ista ratione: tua sequar iudicia: tuā defendam au-  
 thoritatem, quoad tu uoles. simul ac tu te coeperis tua  
 iudicia rescindere: mihi succensere desinito. meo iure enim  
 contendam: eum, qui suo iudicio condemnatus sit: iura-  
 torum iudicium sententijs damnari oportere. non defen-  
 dam Apollonij causam amici, atq; hospitis mei: ne tuum  
 iudicium uidear rescindere: nihil de hominis frugalita-  
 te, uirtute, diligentia, dicam: praetermittam illud etiam,  
 de quo antea dixi: fortunas eius ita constitutas fuisse, fa-  
 milia, pecore, uillis, pecunijs creditis: ut nemini minus  
 expediret, ullum in Sicilia tumultum, aut bellum com-  
 moueri: non dicam ne illud quidem: si maxime in culpa  
 fuerit Apollonius: tamen in hominem honestissimum, ci-  
 uitatis honestissimæ, tam grauius animaduerti causa in-  
 dicta non oportuisse: nullam inuidiam in te, ne ex illis  
 quidem rebus concitabo: cum esset talis uir in carcere,  
 in tenebris, in squalore, in sordibus, tyrannicis inter-  
 dictis tuis patri exactæ ætate, et adolescenti filio adun-  
 di ad illum miserum potestatem nunquam esse factam:  
 etiam illud praeteribo: quotienscunq; Panormum uene-  
 ris illo anno & sex mensibus (nam tam diu fuit in car-  
 cere Apollonius) totiens ad te Senatum Panormitanum  
 adisse supplicem cum magistratibus, sacerdotibusq; pu-  
 blicis, orantem, atq; obsecrantem: ut aliquando ille mi-  
 ser, atq; innocens calamitate illa liberaretur. relin-  
 quam hæc omnia: quæ si uelim persequi: facile ostendā  
 tua crudelitate in alios, omnes tibi aditus misericordiæ  
 iudicium iam pridem esse præclusos. omnia igitur conce-  
 dam: & remittam. præuideo enim quid sit defensurus  
 Hortensius. fatebitur apud istum, neq; senectutem pa-

tris, neq; adolescentiam filij, neq; lachrymas uiriusq; plus  
ualuisse: q̄ utilitatem, salutemq; provinciae. dicet Remp.  
administrari sine metu, ac seueritate non posse. quæret  
quamobrem fasces prætoribus præferantur? cur secu-  
res datæ? cur carcer ædificatus? cur tot supplicia sint  
in improbos more maiorum constituta? quæ cum omnia  
grauiter, seuerèq; dixerit: quæram cur hunc eundem  
Apollonium Verres idem, repente, nulla noua re alla-  
ta, nulla defensione, sine causa, de carcere emitti iusse-  
rit? tantumq; in hoc crimine suspicionis esse affirmabo:  
ut iā ipsis iudiciis sine mea argumentatione coniecturā  
facere permittam: quod hoc genus prædandi, quā im-  
probum, quā indignum, quāq; ad magnitudinem  
quæstus immensum, infinitumq; esse uideatur. nam quæ  
iste in Apollonio fecit: ea primum breuiter cognoscite  
quot, & quanta sint: deinde hæc expendite, atq; æsti-  
mate pecunia: reperietis icauso hæc in uno homine pecu-  
nioso tot constituta: ut cæteris formidines similium in-  
commodorum, atq; exempla periculorum proponeren-  
tur. primum insinulatio est repentina, capitalis, atq;  
inuidiosi criminis. statuite quanti hoc putetis: & quā  
multo redemisse. deinde crimen sine accusatore, senten-  
tia sine consilio, damnatio sine defensione. æstimate ha-  
rum rerum omnium precia: & cogitate in his iniqui-  
tatibus unum hæsisse Apolloniū: cæteros, profecto multos  
ex his incōmodis pecunia se liberasse. postremo tenebræ,  
uincla, carcer inclusum supplicium, atq; a conspectu  
parentum, ac liberum, deniq; a libero spiritu, & com-  
muni luce seclusum. hæc uero, quæ uel uita redimi  
recte possunt: æstimare pecunia non queo. hæc omnia se-  
ro redemit Apollonius, iam mærore, ac miseris per-



ditus: sed tamen ceteros docuit: ante istius auaritiæ, ac sceleris occurrere. Nisi uero existimatis hominem pecuniosissimum sine aliqua causa quæstus iniectum ad tam incredibile crimen: aut sine eadem causa repente e carceris emissum: aut hoc prædandi genus ab isto in illo uno adhibitum, ac tentatum: & non per illum, omnibus pecuniosis Siculis metum propositum, & iniectum. Cupio mihi iudices ab illo subici: quoniam de militari eius gloria dico: siquid forte prætereo. nam mihi uideor de omnibus iam rebus eius gestis dixisse: quæ quidem ad belli fugitiuorum pertinerent suspicionem. certe nihil sciens prætermisi. Habetis hominis consilia, diligentiam, uigilantiam, defensionemq; provinciae. summa illuc pertinet: ut sciatis, quoniam plura genera sunt imperatorum: ex quo genere iste sit. ne diutius in tanta penuria uirorum fortium talem imperatorem ignorare possitis: nõ ad Q. Maximam sapientiam, neq; ad illius superioris Africani in re gerenda celeritatem, neq; ad huius, qui postea fuit, singulare consilium, neq; ad Pauli rationem, ac disciplinam, neq; ad C. Marium, atq; uirtutem, sed ad aliud genus imperatorum sane diligenter retinendum, & conseruandum, quæso cognoscite. Itinerum primum laborem, qui uel maximus est in re militari Iudices, & insidias maxime necessarius: accipite quàm facilem sibi iste, & iucundum ratione, consilioq; reddiderit. Primum temporibus hybernis ad magnitudinem frigorum, & ad tempestatum uim, ac fluminum, præclarum sibi hoc remedium comparat. urbem Syracusas elegerat: cuius hic situs, atq; hæc natura esse loci, cæliq; diat: ut nullus unquam dies tam magna, turbulentaq; tempestate fieri: quin aliquo tempore solẽ eius dici homines

diei homines uiderent. hic ita uiuebat iste bonus Imperator hybernis mensibus: ut eum non facile, non modo extra tectum, sed ne extra lectum quidem quisquam uideret. ita diei breuitas conuiuijs, noctis longitudo stupris, & flagitijs conterebatur. Cum autem uer esse cœperat: cuius initium iste, non à fauonio, neq; ab aliquo astro notabat: sed cum rosam uiderat: tunc incipere uer arbitrabatur: dabat se labori, atq; itineribus. in quibus usq; eo se præbebat patientem, atq; impigrum: ut eum nemo unquam in equo sedentem uideret. nam, ut mos fuit Bithyniæ regibus: lectica octosoro ferebatur: in qua puluinus erat perlucidus melitensi rosa factus. Ipse autem coronam habebat unam in capite: alteram in collo: reticulumq; ad nares sibi apponebat tenuissimo lino, minutis maculis, plenum rosæ. sic confecto itinere, cum ad aliquod oppidum uenerat: eadem lectica usq; ad cubiculum deferebatur. Eo ueniebant Siculorum magistratus: ueniebant Equites romani: id quod ex multis iuratis audietis: controuersie secreto deferebantur: paulopost palam decreta auferebantur. deinde ubi paulisper in cubiculo precio, nō æquitate iura descripserat: Veneri iam, & Libero reliquū tempus deberi arbitrabatur. quo loco mihi non prætermittenda uidetur præclari Imperatoris egregia, ac singularis diligentia. nā scitote esse oppidum in Sicilia nullum, ex ijs oppidis, in quibus Prætores consistere, & conuentum agere solent: quo in oppido non isti ex aliqua familia non ignobili, delecta ad libidinem mulier esset: itaq; nonnullæ ex eo numero in conuiuium adhibebantur palam. si quæ castiores erant: ad tempus ueniebant: lucem conuētumq; nitabant. erant autem conuiuia non illo silentio Præto-

rum, atq; Imperatorum: neq; eo pudore: qui in magistratu  
 tuum conuiuijs uersari solet: sed cum maximo clamore,  
 atq; conuitio. nonnunquam etiam res ad manus, atq;  
 ad pugnam ueniebat. iste enim prætor seuerus, ac dili-  
 gens, qui populi Ro. legibus nunquam paruisset: illis di-  
 ligenter legibus, quæ in poculis ponebantur: obtempera-  
 bat. itaq; erant exitus eiusmodi: ut alius inter manus è  
 conuiuiis, tanquam è prælio auferretur: alius tanquam  
 occisus relinqueretur: pleriq; fusi sine mente, ac sine ul-  
 lo sensu iacerent. quibus ut cum aspexisset: non se præ-  
 toris conuiuium, sed ut canensem pugnam nequitia ui-  
 dere arbitraretur. Cum uero æstus summa esse iam cœ-  
 perat: quod tempus omnes semper Siciliae prætores in iti-  
 neribus consumere consueuerunt: propterea quod tum pu-  
 tant obeundam esse maxime prouinciā: cum in areis  
 frumenta sunt: quod & familiæ congregantur: & ma-  
 gnitudo seruitij perspicitur: & labor operis maxime of-  
 fenditur: & frumenti copia commonet: tempus anni non  
 impedit: tum inquam, cum concurrant cæteri prætores:  
 iste nouo quodam ex genere Imperator pulcherrimo  
 Syracusarum loco statua sibi castra faciebat. nam in  
 ipso aditu, atq; ore portus, ubi primum ex alto sinus ad  
 urbem ab litore inflectitur: tabernacula carbaseis inten-  
 ta uelis collocabat. huc ex illa domo Prætoria, quæ Re-  
 gis Hieronis fuit: sic emigrabat: ut per eos dies nemo  
 istum extra illum locum uidere posset. in eum autem  
 ipsum locum aditus erat nemini: nisi qui aut socius, aut  
 minister libidinis esse posset. huc omnes mulieres, quibus  
 iste consueuerat: conueniebant. quarum incredibile est  
 quanta multitudo fuerit Syracusis. huc homines digni  
 istius amicitia, digni uita illa, conuiuijsq; ueniebant. in-

ter eiusmodi viros, ac mulieres adulta ætate filius uersabatur: ut eum, etiam si natura à parentis similitudine abriperet: consuetudo tamen, ac disciplina patri simile esse cogeret. huc Tertia illa perducta per dolum, atque insidias ab rhodio tibicinz, maximas in istius castris effecisse turbas dicitur: cum indigne pateretur uxor Cleomenis Syracusani, nobilis mulier, itemq; Aeschryonis honesto loco nata, in conuentum suum mimi Isidori filiã uenisse. iste autem Hannibal, qui in suis castris uirtute putaret oportere, non genere certari: sic hanc Tertiam dilexit: ut eam secum ex provincia exportaret. ac per eos dies cum iste cum pallio purpureo talariq; tunica uersaretur in conuiujs muliebribus: non offendeabantur homines in eo: neq; moleste ferebant: abesse à foro magistratum: non ius dici: non iudicia fieri. lucum illum litoris, percrepare totum mulierum uocibus, cantuq; symphoniz: in foro silentium esse summum causarum, atq; iuris: non ferebant homines moleste. non enim ius abesse uidebatur à foro, neq; iudicia, sed uis, & crudelitas, & bonorum acerba, atq; indigna direptio. Hunc igitur tu Imperatorem esse defendis Hortensi? huius furta, rapinas, cupiditatem, crudelitatem, superbiam, scelus, audaciam, rerum gestarum magnitudine, atq; Imperatoris laudibus tegere conaris? hic scilicet est metuendum: ne ad exitum defensionis tue, uetus illa Antoniana dicendi ratio, atq; authoritas proferatur: ne excitetur Verres: ne denudetur à pectore: ne acutrices populus Ro. aspiciat, ex mulierum morsu uestigia libidinis, atq; nequitiz. dii faciant: ut rei militaris, ut belli mentionem facere audeas. cognoscantur enim omnia istius æra illa uetera: ut non solum in imperio, uerum etiam in stipen-



dijs qualis fuerit intelligatis. renouabitur prima illa mi-  
 litia: cum iste è foro abduci, non, ut ipse prædicat, per-  
 duci solebat. aleatoris Placentini castra commemorabun-  
 tur: in quibus cum frequens fuisset: tamen ære dirutus  
 est. multa eius in stipendijs damna proferentur: quæ ab  
 isto ætatis fructu dissoluta, et compensata sunt. Iam  
 uero, cum in eiusmodi patiëntia turpitudinis, aliena, non  
 sua facietate obduruisset: qui uir fuerit: quot præsidia, quæ  
 munimenta pudoris, et pudicitiae cœperit ui, et audacia:  
 quid me attinet dicere? aut coniungere cum istius flagi-  
 tio cuiusquam præterea dedecus? non faciam Iudices.  
 omnia uetera prætermittam. duo sola recentia sine cu-  
 iusquam infamia ponam: ex quibus coniecturam face-  
 re de omnibus possitis. unum illud, quod ita fuit illustre,  
 notumque omnibus: ut nemo tam rusticanus homo L. Lu-  
 cullo, M. Cotta Cons. Romam ex ullo municipio uadi-  
 monij causa uenerit: quin sciret, iura omnia populi Ro-  
 nutu, atque arbitrio Chelidonis meretriculæ gubernari. al-  
 terum, quod cum paludatus exisset: uotaque pro imperio  
 suo, communique populi Ro. nuncupasset: noctu stupri cau-  
 sa lectica in urbem introferri solitus est ad mulierem,  
 nuptam uni, propositam omnibus, contra fas, contra au-  
 spicia, contra omnes diuinas, atque humanas religiones. O-  
 dij immortales, quid interest inter mentes hominum, et  
 cogitationes. ita mihi meam uoluntatem, spemque reliqua  
 uitæ uestra populi que Romæ existimatio comprobet: ut ego  
 quos adhuc mihi magistratus populus Ro. mandauit: sic  
 eos accepi: ut me omnium officiorum obstringi religione  
 arbitrarer. Ita quæstor sum factus: ut mihi honorem il-  
 lum tum non solum datum: sed etiam creditum, ac com-  
 missum putarem. sic obtinui quæsturam in prouincia

sialia: ut omnium oculos in me unum coniectos arbitra-  
 rer: ut me, quaesturamq; meam, quasi in aliquo orbis ter-  
 rae theatro uersari existimarem: ut omnia semper, quae  
 iucunda uidentur esse: non modo his extraordinarijs ca-  
 piditatibus, sed etiam ipsi naturae, ac necessitati denega-  
 rem. Nunc sum designatus aedilis: habeo rationem quid  
 à populo Ro. acceperim: mihi ludos sanctissimos maxi-  
 ma cum cerimonia Cereri, Libero, Liberæq; faciendos:  
 mihi Floram matrem populo, plebiq; Ro. ludorum cele-  
 britate placendam: mihi ludos antiquissimos, qui primi  
 Romani sunt nominati: maxima cum dignitate, ac re-  
 ligione Ioui, Iunoni, Minervæq; esse faciendos: mihi sa-  
 crarum aedium procurationem, mihi totam urbem tuē  
 dam esse commissam: ob earum rerum laborem, et solli-  
 citudinem fructus illos datos: antiquiorem in Senatu sen-  
 tentiae dicendae locum, togam praetextam, sellam curu-  
 lem, ius, imagines ad memoriam, posteritatemq; proden-  
 dam. Ex his ego rebus omnibus Iudices, ita mihi deos  
 omnes propicios esse uelim: ut, tamen si mihi iucundissi-  
 mus est honos populi: tamen nequaquam tantum capio uo-  
 luptatis: quantum sollicitudinis, & laboris: ut haec ipsa  
 aedilitas, non quia necesse fuerit: alicui candidato data,  
 sed quia sic oportuerit: recte collocata, & iudicio popu-  
 li in loco posita esse uideatur. Tu cum esses praetor renun-  
 ciatus quoquo modo (mitto enim, & praetereo, quid tum  
 sit actum) sed cum esses renunciatus, ut dixi: non ipsa  
 praconis uoce excitatus es? qui te totiens seniorum, iu-  
 niorumq; centurijs illo honore affixa pronūciavit: ut hoc  
 putares: aliquam Reip. partem creditam? annum tibi il-  
 lum unum, domo carendum esse meretricis? cum tibi  
 sorte obtigisset, ut ius diceres: quantum negotij, quid one

ris haberes, nunquam cogitasti: neque illud rationis ha-  
 buisti: si forte experges facere te posses: eam provinciam  
 quam tueri singulari sapientia, atque integritate difficile  
 esset: ad summam stulticiam, nequitiamque uenisse. Itaque  
 non modo domo tua Chelidonem in praetura extrude-  
 re noluisti: sed in Chelidonis domum praeturam tuam to-  
 tam detulisti. Secuta provincia est: in qua tibi nunquam  
 uenit in mentem: non tibi iaculo fasces, et secures, et  
 tantam imperij uim, tantamque ornamentorum omnium  
 dignitatem datam: ut earum rerum ui, et authorita-  
 te omnia repagula iuris, pudoris, et officij perfringeres:  
 ut omnium bona praedam tuam duceres: nullius res tu-  
 ta, nullius domus clausa, nullius uita septa, nullius pu-  
 dicitia munita, contra tuam cupiditatem, et audaciam  
 posset esse: in qua tu te ita gessisti: ut cum omnibus tene-  
 re rebus: ad bellum fugitiuorum confugas: ex quo iam  
 intelliges, non modo tibi nullam defensionem, sed maxi-  
 mam uim criminum exortam. Nisi forte italia belli fu-  
 gitiuorum reliquias, atque illud Thempsanum incommo-  
 dum proferes: ad quod recens, cum te peropportune for-  
 tuna obtulisset, si quid in te uirtutis, atque industriae fuis-  
 set: idem, qui semper fueras, inuentus es. cum ad te Va-  
 lentini uenissent: et pro his homo disertus, et nobilis  
 M. Marius loqueretur: ut negotium susciperes: ut, cum  
 penes te praetorium imperium, ac nomen esset: ad illam  
 paruam manum extinguendam ducem te, principemque  
 preberes: non modo id refugisti: sed eo ipso tempore, cum  
 esses in litore: Tertia illa tua, quam tecum deportabas:  
 erat in omnium conspectu. ipsis autem Valentinis ex-  
 tam illustri, nobilique municipio, tantis de rebus respon-  
 sum nullum dedisti: cum esses cum tunica pulla, et pal-

lio. Quid hunc proficiscentem, quid in ipsa prouincia fuisse existimatis? qui cum iam ex prouincia non ad triumphum, sed etiam ad iudicium decederet: ne illam quidē infamiam fugerit: quam sine ulla uoluptate capiebat. O' diuina Senatus frequentis in aede Bellonae admurmuratio. memoria tenetis Iudices: cum ad uespera sceret: et paulo ante esset de hoc Thempsano incommodo nuntiatum: cum inueniretur nemo qui in illa loca cum impetio mitteretur: dixisse quendam Verrem esse non longe à Thempsa? quam ualde uniuersi admurmurauint? quā palām principes contradixerint? Et is tot criminibus, testimonijsq; conuictus in eorum tabellis spem sibi aliquam ponit: quorum omnium palām causa incognita uoce damnatus est. Esto nihil ex fugitiuorum bello, aut suspitione belli, laudis adeptus est: quod neq; bellū eiusmodi, neq; belli fuit periculum in Sicilia: neq; ab isto prouisum est: ne quod esset. at uero contra bellum prædonum classem habuit ornata, diligentiamq; in eos singularem. itaq; isto prætore præclare defensa prouincia est. sic de bello prædonum, sic de classe Siciliensi Iudices dicam: ut hoc iam ante confirmem: in hoc uno genere omnes inesse culpas istius maximas auaritiæ, maiestatis, dementiæ, libidinis, crudelitatis. hæc dum breuiter expono: quaeso, ut fecistis adhuc: diligenter attendite. Rem naualem primum ita dico esse administratam: non uti prouincia defenderetur: sed ut classis nomine pecunia quaereretur. Superiorum prætorum consuetudo cum hæc fuisset: ut naues ciuitatibus, certusq; numerus nauitarum, militumq; imperaretur: maximæ, et locupletissimæ ciuitati Mamertinæ nihil horum imperauisti. ob quam rem quid tibi Mamertini pecuniæ clā



dederint: post uidebitur: ex ipsorum literis & testibus  
 quæremus. nauem uero Cybeam maximam triremis  
 instar pulcherrimam, atq; ornatissimam, palàm ædifi-  
 catam sumptu publico, sciente Sicilia, per magistratam,  
 senatumq; Mamertinū, tibi datam, donatamq; esse dico.  
 hæc nauis omni præda Siciliensi, cum ipsa quoq; esset  
 ex præda: simul cum iste decederet: appulsa Veliam est,  
 cum plurimis rebus, & ijs quas ante Romam mittere  
 cum cæteris furtis noluit: quod erant carissimæ: maxi-  
 mæq; eum delectabant. Eam nauem nuper egomet ui-  
 di Velie: multiq; alij uiderunt, pulcherrimam, atq; or-  
 natissimam Iudices. quæ quidē omnibus, qui eam aspe-  
 xerant: prospectare iam exilium, atq; explorare fugā  
 domini uidebatur. Quid mihi hoc loco respondebis? ni-  
 si forte id: quod tamen si probari nullo modo potest: ta-  
 men dici quidem in iudicio de pecunijs repetundis ne-  
 cesse est: de tua pecunia constare ædificatam esse eam  
 nauem. Aude hoc saltem dicere, quod necesse est. no-  
 li metuere Hortensi ne quæram, qui licuerit ædifi-  
 care nauem Senatori. antiquæ sunt istæ leges, &  
 mortuæ, quemadmodum tu soles dicere: quæ uetant. fuit  
 ista responsio quondam: fuit ista seueritas in iudicijs: ut  
 istam rem accusator in magnis criminibus obijciendam  
 putaret. quid enim tibi naue opus fuit? qui si quo publi-  
 ce proficiscereris: & præsidij, & uecturæ causa sum-  
 ptu publico nauigio præberentur. priuatim autem nec  
 proficisci quoquam potes: nec accersere res transmarinas  
 ex ijs locis, in quibus tibi habere, mercari nihil licet. de-  
 inde cur quicquam contra leges parasti? ualeret hoc cri-  
 men in illa ueteri seueritate, ac dignitate Reipublicæ.  
 nunc non modo te hoc crimine non arguo: sed ne illa q-

dem communi uituperatione reprehendo. Postremo tu tibi hoc nunquā criminofum, nunquā inuidiofum fore putasti? celeberrimo loco palām tibi ædificari onerariam nauē in ea provincia, quam tu cum imperio obtinebas? quid eos loqui, qui uidebant: quid exiftmare eos, qui audiebant: arbitrare? inanem te nauem eſſe in Italiā deducturum? nauiculariam te, cum Romam ueniſſes: eſſe facturum? ne illud quidem quiſquam poterat ſuſpicari: te habere in Italia maritimum fundum: & ad fructus deportandos onerariam nauem comparare. eiſmodi de te uoluisti ſermonem eſſe omnium? palām ut loquerentur, te illam nauem parare: quæ prædam ex Sicilia deportaret: & quæ ad ea ſurta, quæ reliquiſſes: cōmearet? Verum hæc omnia, ſi doces nauem de tua pecunia ædificatam: remitto: atq; concedo. ſed hoc homo amentiffime non intelligis priore actione ab iſtis iſtis tuis Mamertinis laudatoribus eſſe ſublaturum. nam dixit Heius princeps ciuitatis, princeps iſtus legationis, quæ ad tuam laudationem miſſa eſt: nauē tibi operis publicis Mamertinorum eſſe ædificatam: eiq; faciendæ Senatorem Mamertinum publice præſuiſſe. Reliqua eſt materies. hanc Rheginis, ut ipſi dicunt (tameſi tu negare non potes) publice, quod Mamertini materies non habent: imperauiſti. Si, & quo fit nauis, et qui faciunt, imperio tibi tuo, non precio præſto fuerunt: ubi tandem iſtuc latet: quod tu de tua pecunia dicis impenſum? At Mamertini in tabulis nihil habent. primum uideo potuiſſe fieri: ut ex ærario nihil darent. etenim uel Capitolium, ſicut apud maiores noſtros factum eſt: publice gratis coactis ſabris, operisq; imperatis, ex ædificari, atq; effici potuit. deinde id, quod perſpicio, & quod oſtendam, cum iſtis

produxero, ipsorum ex literis: multas pecunias isti erogatas in operum locationes falsas, atque inanes esse perscriptas. nam illud minime mirum est: Mamertinos, a quo summum beneficium acceperant: quem sibi amiciorum quam populo Romano esse cognouerant: eius capiti literis suis peperasse. Si argumento est, Mamertinos pecunias tibi non dedisse: quia scriptum non habent: sit argumento, tibi gratis constare nauem: quia quid emeris, aut quid locaueris, scriptum proferre non potes. At enim ideo nauem Mamertinis non imperasti: quod sunt foederati. dii approbent. habemus hominem in Fecialium manibus educatum: unum, praeter ceteros, in publicis religionibus foederum, sanctum, diligentem. omnes qui ante te, Praetores fuerunt: dedantur Mamertinis: quod is nauem contra pacem foederis imperarint. sed tamen tu sancte homo, ac religiose, cur Taurominitanis ite foederatis nauem imperasti? an hoc probabis? in aqua causa populi, sine precio uarium ius, et disparem conditionem fuisse? Quid si eiusmodi esse haec duo foedera duorum populorum Iudices doceo: ut Taurominitanis nominatim cautum, et exceptum sit foedere: ne nauem dare debeant? Mamertinis in ipso foedere sanctum, atque perscriptum sit: uti nauem dare necesse sit? istum autem contra foedus, et Taurominitanis imperasse: et Mamertinis remisisse? num cui dubium poterit esse: quin Verre praetore plus Mamertinis Cybea, quam Taurominitanis foedus opitulatum sit? Recitentur foedera. Isto igitur tuo, quemadmodum praedicat, beneficio, ut res indicat, precio, atque mercede, minuiisti maiestatem rei publicae: minuiisti auxilia populi romani: minuiisti copias, maiorum uirtute, ac sapientia comparatas: sustulisti ius imperij, conditionem

seniorum, memoriam fœderis. Qui ex fœdere ipso nati-  
uem uel usq; ad oceanum, si imperassemus, sumptu, pe-  
riculoq; suo armatam, atq; ornatam mittere debuerunt:  
hi ne in freto ante sua tecta & domos nauigarent: ne  
sua mœnia, portusq; defenderent: precio abs te ius fœde-  
ris, imperij conditionem emerunt. quid censetis in hoc  
fœdere faciundo uoluisse Mamertinos impendere labo-  
ris, operæ, pecuniæ? ne hæc biremis ascriberetur: si id ul-  
lo modo possent à nostris maioribus impetrare? nam  
cum hoc munus imperaretur tam graue ciuitati: inerat  
nescio quomodo in illo fœdere societatis quasi quædam  
nota seruitutis. Quod tum recentibus suis officijs, inte-  
gra re, nullis populi ro. difficultatibus, à maioribus no-  
stris fœdere assequi non potuerunt: id nunc nullo no-  
uo officio suo, tot annis post, iure imperij nostri quot an-  
nis usurpato, ac semper retento, summa in difficultate na-  
ui, à C. Verre precio affecti sunt. At nō hoc solū affe-  
cti, ne nauē darent. ecquē nautam, ecquē militem, qui  
aut in classe aut in præsidio eēt: te prætor p. trienniu Mam-  
mertini dederunt? deniq; cum ex senatus consulto, itemq;  
ex lege Terentia & Cassia, frumentum æquabiliter  
emi ab omnibus Siciliae ciuitatibus oporteret: id quoque  
munus leue, atq; commune Mamertinis remisisti. dices fru-  
mentum Mamertinos non debere. quomodo non debe-  
re? an ut ne uenderent? non enim erat hoc genus fru-  
menti ex eo genere, qđ exigeretur: sed eo, quod emeretur.  
Te igitur authore, & interprete, ne foro quidem, &  
comeatu Mamertini populū ro. iuuare debuerunt. Quæ  
tandem ciuitas fuit, quæ deberet? qui publicos agros  
arant, certum est quid ex lege Censoria dare debeant.  
cur ipsi quicquam præterea, ex alio genere imperauisti?



quid decumani? nunquid præter singulas decumas ex lege Hieronica debent? cur ijs quoq; statuisti: quantum ex hoc genere frumenti empti darent? qui sunt immunes: ij certe nihil debent. at ijs non modo imperasti: uerum etiam quo plus darent, quàm poterant, hæc sexagena millia modium, quæ Mamertinis remiseras: addidisti. neq; hoc dico: cæteris non recte imperatum esse. Mamertinis, qui erant in eadem causa: & quibus superiores omnes prætores item, ut cæteris, imperarant: pecuniâq; ex senatus consulto, & ex lege dissoluerant: his dico nò recte remissum. & ut hoc beneficium, quemadmodum dicitur, trabali clauo figeret: cum consilio causam Mamertinorum cognoscit: & de consilij sententia Mamertinis se frumentum non imperare pronunciat. audite decretum mercennarij prætoris ex ipsius commentario: & cognoscite quanta in constituendo iure sit auctoritas.

Recita commentarium R. C. libenter ait se facere: itaq; perscribit. quid si hoc uerbo non esses usus, libenter? nos uidelicet, inuitum te quæstum facere putaremus? ac de consilij sententia. præclarum recitari consilium Iudices audistis. utrum uobis consilium recitari tandem prætoris uidebatur: cum audiebatis nomina? an prædonis improbissimæ societas, atq; comitatus? en foederum interpretes, societatis pactores, religionis auctores? nunquã in Sicilia frumentum publice est emptum: quin Mamertinis pro portione imperaretur: antequam hoc delectum, præclarumq; consilium iste dedit: ut ab his nummos acciperet: ac sui similis esset. Itaq; tantum ualuit istius decreti auctoritas: quãtum debuit eius hominis: qui à quibus frumentum emere debuisset: ijs decretum uendidisset. nam statim L. Metellus, ut isti successit: ex C. Sacre

dotis, & Sex. Peducei instituto, ac literis frumentum Mamertinis imperauit. tum illi intellexerunt, se id, quod a malo auctore emissent: diutius obtinere non posse. Age porro tu, qui te tam religiosum existimari uoluisti inter pretem fœderum: cur Tauromunitanis frumentum, cur Netinis imperasti? quarum ciuitatum utraq; fœderata est. Ac Netini quidem sibi non defuerunt. nam simulac pronunciaſti, libenter te Mamertinis quidem remittere: te adierunt: & eandem suam causam fœderis esse docuerunt. tu aliter decernere in eadem causa non potuiſti: pronuncias Netinos frumentum dare non oportere: & ab his tamen exigis. Cedo mihi eiusdem prætoris literas, & rerum decretarum, & frumenti imperati, & rerum decretarum tritici empti. quid potius in hac tanta, ac tam turpi inconstantia suspicari possumus Iudices? quàm id quod necesse est? aut istam à Netinis pecuniam cum posceret: non datam: aut id esse actum ut intelligerent Mamertini: se bene apud istum tam multa precia, ac munera collocasse: cum idem alij iuris ex eadem causa non obtinerent. Hic mihi etiam audebit mentionē facere Mamertinæ laudationis. in qua quàm multa sint uulnera, quis est uestrum Iudices quin intelligat? primum, ut in iudicijs, qui decem laudatores dare non potest: honestius est ei nullum dare: quàm illum quasi legitimum numerum consuetudinis non explere. tot in Sicilia ciuitates sunt: quibus tu per triennium præfuiſti: arguunt cæteræ: pauca, & parua metu repressæ silent: una laudat. hoc quid est? nisi intelligere quid habeat utilitatis uera laudatio? sed tamen ita Verres prouinciæ præfuiſti: ut hac utilitate necessario sit carentdū. Deinde id, quod alio loco ante dixi: quæ est ista tandē

Laudatio? cuius laudationis legati principes, & publice  
 tibi nauem edificatam, & priuatim seipsos abs te spo-  
 liatos, expilatosq; esse dixerunt? Postremo quid aliud isti  
 faciunt, cum te soli ex Sicilia laudant: nisi testimonio no-  
 bis sunt: omnia sibi esse largitum: quæ tu de republica  
 nostra detraxeris? Quæ colonia est in Italia, tam bo-  
 no iure? quod tam immune municipium? quod per hos  
 annos tam commoda uacatione sit usum omnium rerû:  
 q̃ Mamertina ciuitas per trienniu? soli, ex fœdere quod  
 debuerunt: non dederunt: soli isto prætor omnium re-  
 rum immunes fuerunt: soli in istius imperio ea condi-  
 tione uitæ fuerunt: ut populo ro. nihil darent: Verri ni-  
 hil denegarent. Verum ut ad classem, quo ex loco sum di-  
 gressus: reuertar: accepisti à Mamertinis nauem contra  
 legem: remisisti contra fœdera: ita in una ciuitate bis im-  
 probus fuisti: cum & remisisti, quod non oportebat: &  
 accepisti, quod non licebat. exigere te oportuit nauem:  
 quæ contra prædones, non quæ cum præda nauigaret:  
 quæ defenderet ne prouincia spoliaretur: non quæ no-  
 ua prouinciæ spolia portaret. Mamertini tibi & urbē,  
 quo furti undiq; portares: & nauem, qua exportares:  
 præbuerunt. illud tibi oppidum receptaculum prædæ  
 fuit: illi homines testes, custodesq; furtorum: illi tibi & lo-  
 cum furtis, & furtorum uehiculum comparaucrunt:  
 itaq; ne tum quidem cum classem auaricia, ac nequitia  
 tua perdidisti: nauem Mamertinis imperare ausus es.  
 quo tempore in tanta inopia nauium, tantaq; calamita-  
 te prouinciæ, etiam si precario essent rogandi: tamen ab  
 his impetraretur. reprimebat enim tibi & imperandi  
 uim, & rogandi conatum præclara illa non populo ro.  
 reddita biremis: sed prætori donata Cybea. Ea tui mer-

tes imperij, auxilium iuris, consuetudinis, foederis. Habetis unius ciuitatis firmum auxilium amissum, ac uenditum precio. cognoscite nunc nouam praedandi rationem, ab hoc primum excoGITatam. Sumptum omnem in classem frumento, stipendio, caeterisq; rebus, Nauarcho suo quaeq; ciuitas semper dare solebat. is neq; ut accusaretur à nautis committere audebat: & ciuib; suis rationem referre debebat: in illo omni negotio non modo labore, sed etiam periculo suo uersabatur. Erat hoc, ut dico, factitatum semper: nec solum in Sicilia, sed in omnibus prouincijs: etiam in sociorum, & latinorum stipendio, ac sumptu, tum cum illorum auxilijs uti solebamus. Verres post imperium constitutum, primus imperauit: ut ea pecunia omnis à ciuitatibus sibi adnumeraretur: ut is eam pecuniam tractaret: quem ipse praefecisset. cui potest esse dubium? quamobrem & omnium consuetudinem ueterem primus immutatis? & tantam utilitatem per alios tractandae pecuniae neglexeris? et tantam difficultatem cum crimine molestiae, cum suspitione susceperis? Deinde alij quaestus instituuntur: ex uno genere nauali uidete quam multi: accipere à ciuitatibus pecunias: ne nautas darent: precio certo missos facere nautas: missorum omne stipendium lucrari: reliquis quod deberet: non dare. Haec omnia ex ciuitatum testimonijs cognoscite. Recita testimonia ciuitatum. Huncine hominem? hancine impudētiam Iudices? hancine audaciam? ciuitatibus pro numero militum pecuniarum summas describere: certo precio sexcentenos nummos nautarum missione constituere. quos qui dederat comineatu potius ætatis abstulerat. iste quod et nauae nomine pro stipendio, frumentoq; acciperat: lucrabatur. Itaq; quae-



stus duplex unius missione fiebat. Atque hæc homo  
 amentissimus in tanto prædonum impetu, tantoq; peri-  
 culo provinciae, sic palam faciebat: ut & ipsi prædones  
 scirent: & tota provincia testis esset. Cum propter istius  
 hanc tantam auariciam, nomine classis, essent in Sici-  
 lia re quidem uera naues inanes: quæ prædâ prætori,  
 non quæ prædonibus metum afferrent: tamen, cum P.  
 Cescius, & P. Tadius decem naubus his semiplenis  
 nauigarei: naucm quandam piratarum præda refertam  
 non coeperunt: sed abduxerunt onere suo plane captam,  
 atq; depressam. Erat ea naus plena iuuentutis formosis-  
 simæ, argenti facti, atq; signati, multa cum stragula ueste.  
 Hæc una naus ex classe nostra nõ capta est, sed inuenta  
 ad Megaridẽ: qui locus est nõ longe à Syracusis. quod ubi  
 isti nunciatum est: tametsi noctu cum mulierculis iace-  
 bat ebrius: erexit se tamen: & statim questori, legatoq;  
 suo custodes misit complures: ut omnia sibi integra,  
 quàm primum exhiberetur. Appellitur naus Syracusas:  
 expectatur ab omnibus: supplicium summi de captiuis pu-  
 tatur. iste quasi præda sibi aduecta, non prædonibus ca-  
 ptis, si qui senes aut deformes erant: eos in hostium nu-  
 mero ducit. qui aliquid formæ, ætatis, artificijq; habe-  
 bant: abducit omnes: nonnullos scribis suis, filio, coher-  
 tiq; distribuit: symphonicos homines sex, cuidam ami-  
 co suo Romam muneri misit. nox illa tota exinanien-  
 da naui consumitur. Archipiratam ipsum uidet nemo:  
 de quo supplicium summi oportuit: hodieq; omnes sic ha-  
 bent persuasum (quid eius sit, uos coniectura quoq; asse-  
 qui debetis) istum clam a piratis ob hunc Archipira-  
 tam pecuniam accepisse. coniectura bona est. iudex esse  
 bonus nemo potest: qui suspitione certa non mouetur.

hominem

hominem nostis: consuetudinemq; omnium tenetis: qui  
 ducem praedonum, aut hostium coeperit: quam libenter  
 eum palam ante oculos omnium esse patiatur. Hominem  
 in tanto conuentu Syracusis uidi neminem Iudices: qui  
 Archipiratam captum uidisse se diceret: cum omnes, ut  
 mos est: ut solet fieri: concurrerent: quaererent: uidere ca-  
 perent. quid accidit? cur tantopere iste homo occultare-  
 tur? ut eum ne casu quidem quisquam aspicere posset?  
 Homines Mamertani Syracusis, qui saepe istius ducis no-  
 men audissent: cum eum saepe timuissent: cum eius cru-  
 ciatu, atq; supplicio pascere oculos, animumq; exaturare  
 uellent: potestas aspiciendi nemini facta est. Unus plures  
 praedonum duces uiuos coepit P. Seruilius: quam omnes  
 antea. ecquando igitur isto fructu quisquam caruit: ut  
 uidere piratam captum non liceret? At contra, quacunq;  
 iter fecit: hoc iucundissimum spectaculum omnibus, uim-  
 etorum, captorumq; hostium prebebat. itaq; ei concur-  
 sus undiq; fiebat: ut non modo ex his oppidis, qua du-  
 cebantur: sed etiam ex finitimis uisendi causa conueni-  
 rent. ipse autem triumphus quamobrem omnium triu-  
 phorum gratissimus populo ro. fuit, atq; iucundissimus?  
 quia nihil est uictoria dulcius. nullum est autem testimo-  
 niu uictoriae certius: quam quos saepe metueris: eos te ui-  
 ctos ad supplicium duci uidere. Hoc tu quãobrem non  
 fecisti? quamobrem ita iste pirata celatus est: quasi eum aspi-  
 cere nefas esset? quamobrem supplicium non sumpsisti?  
 quam ob causam hominem reseruasti? ecquem audisti in  
 Sicilia antea captum Archipiratam: qui non securi per-  
 cussus su? unum cedo auctore tui facti: unius profer exē-  
 plum. uiuum tu Archipiratam seruabas: quem per triu-  
 phum credo, quem ante currum tuum duceres. neque

enim quicquam erat iam reliquum: nisi ut classe populū  
 ro. pulcherrima amissa, provinciaq; lacerata, triumphus  
 naualis tibi decerneretur. Age porro, custodiri ducem  
 prædonum nouo more, quàm securi feriri omnium ex=  
 emplo magis placuit. quæ sunt istæ custodiæ? apud quos  
 homines? quemadmodum est asseruatus? Lautumias Sy=  
 racusanas omnes audistis: pleriq; nostis. opus est ingens,  
 magnificum, regum, ac tyrannorum: totum est, ex saxo,  
 in mirandam altitudinem depressum, & multorum  
 operis penitus excisum. nihil tam clausum ad exitus,  
 nihil tam septum undiq; nihil tam tutum ad custodias  
 nec fieri, nec cogitari potest. in has Lautumias, si qui  
 publicæ custodiendi sunt: etiam ex cæteris oppidis Sici=  
 liæ deduci imperantur. Eò quod multos captiuos ciues  
 romanos coniecerat: et quod eodem cæteros piratas con=  
 trudi imperarat: intellexit, si hunc subditiuum Archi=  
 piratam in eandem custodiam dedisset: fore ut à multis  
 illis in Lautumijs uerus ille dux quæreretur. itaq; homi=  
 nem huic optime, tutissimæq; custodiæ non audet com=  
 mittere. deniq; Syracusas totas timet. amādat hominem.  
 quo? Lilybeum fortasse. uideo: tamē homines maritimos  
 non planē reformidat. minime Iudices. Panormum  
 igitur? audio: quanquam Syracusis, quoniam in Syra=  
 cusano captus erat: maxime si minus supplicio affici, at  
 custodiri oportebat. ne Panormum quidem. quid igitur?  
 quo putatis? ad homines à Piratarum metu, &  
 suspitione alienissimos, à nauigando, rebusq; mariti=  
 timis remotissimos, ad Centuripinos, homines maxime  
 mediterraneos, summos aratores: qui nomen nunquam  
 timuissent maritimi prædonis: unum te prætorē horruis=  
 sent Apronium terrestrem Archipiratam. Et ut quibus

facile perspicere: id ab isto actum esse: ut ille suppositus facile et libèter se illum qui non erat: esse simularet: imperat Centuripinis: ut is uictu, cæterisq; rebus quamlibet alissime commodissimeq; habeatur. Interea Syracusani homines periti, et humani, qui non modo ea, quæ perspicua essent: uidere, uerum etiam occulta suspicari possent: habebant rationem omnes quotidie piratarum: qui securi ferirentur: quàm multos esse oporteret, ex ipso nauigio, quod erat factum sex remorum numero coniecebant. Iste quod omnes, qui artificij aliquid habuerant, aut formæ: remouerat: atq; abduxerat: reliquos si ut consuetudo est, uniuersos ad palum alligasset: clamorẽ populi fore suspicabatur: cum tãto plures abducti essent: quàm relictĩ. propter hanc causam cum instituisset alios alio tempore producere: tamen in tanto conuentu nemo erat, quin rationem numerumq; haberet. Et reliquos, non desideraret solum: sed etiam posceret: Et flagitaret. cum maximus numerus deesset: tum iste homo nefarius in eorum locum, quos donum suam de piratis abduxerat: substituere, Et supponere cœpit ciues romanos: quos in carcerẽ antea coniecerat, quorum alios Sertorianos milites fuisse insimulabat: Et ex hispania fugientes ad Siciliam appulso esse dicebat: alios qui a prædonibus erat capti, cum mercaturas facerent: ut aliquam ob causam nauigarent, sua uoluntate cum piratis fuisse arguebat. Itaq; alij ciues Ro. ne cognoscerentur: caputibus obuolutis et carcere ad palum atq; ad necem rapiebantur. alij cum a multis ciuibus Ro. recognoscerentur: ab omnibus defenderentur: securi feriebantur. quorum ego de acerbissima morte, crudelissimoq; cruciatu dictam: cum eũ locũ tractare cœpero: et ita dictam: ut si me in ea queri



monia quam sum habiturus de istius crudelitate, & de  
 cuius Ro. indignissima morte: non modo vires, uerum  
 etiam uitz deficiat: id mihi præclarum, & iucundum  
 putem. Hæc igitur est gesta res: hæc uictoria præclara:  
 myoparone piratico capto, dux liberatus: symphoniaci  
 Romam missi: formosi homines, & adolescentes, & arti  
 fices domum abducti: in eorum locum, & ad eorum nu  
 merum ciues Ro. hostilem in modum cruciati: & nece  
 ti: omnis uestis ablata: omne aurum, & argentum, & ab  
 latum, & auersum. At quemadmodum ipse sese induit  
 priore actione? qui tot dies tacuisset: repente in M. Annij  
 hominis splendidissimi testimonio, cum is ciues Ro. dixis  
 set, & Archipiratam negasset, se curi esse percussum: exi  
 luit conscientia sceleris, & furore ex maleficijs concepto,  
 exatatus: dixit se, quod sciret sibi crimini datum iri pe  
 cuniam acceperisse: neq; de uero Archipirata sumpsisse sup  
 plicium: ideo securi non percussisse: domi esse apud sese  
 archipiratas dixit duos. O' clementiam populi romani,  
 seu potius patientiam miram, ac singularem. ciuem Ro.  
 securi esse percussum Annij eques Ro. dicit. taces. Archi  
 piratam negat. fateris. fit in eo gemitus omnium, & cla  
 mor. cum tamen à præsentis supplicio tuo se continuit po  
 pulus romanus: & repressit: & salutis tue rationem iu  
 dicum seueritati reseruauit. qui sciebas tibi crimini da  
 tum iri? quamobrem sciebas? quamobrem etiam suspici  
 bare? inimicum habebas neminem. si haberes: tamen nõ  
 ita uixeris ut metum iudicij propositum habere debe  
 res. an te, id quod fieri solet: conscientia timidum, suspi  
 ciosumq; faciebat? qui igitur cum esses in imperio iam  
 tum iudicium, & crimen horrebas: is cum tot testibus co  
 arguare: potes de damnatione dubitare? Verum si cri-

men hoc metuebas: ne quis abs te suppositum esse diceret:  
 qui pro archipirata securi feriretur: utrum tandem tibi  
 ad defensionem firmitus esse putasti? iudicium coactum;  
 atque efflagitatum? eò producere: ad ignotos tanto post  
 eum, quem archipiratam esse diceres? an recenti re, sy-  
 racusis apud notos, inspectante Sicilia penè tota, securi  
 ferire? uide quid intersit, utrum faciendum fuerit. in il-  
 lo reprehensio nulla esse potuit. hic defensio nulla est.  
 itaque illud semper omnes fecerunt: hoc quis ante te,  
 quis præter te fecerit, quæro. Piratam uiuum tenuisti.  
 quem ad finem? dum cum imperio fuisti? quamobrè?  
 quam ob causam? quo exemplo? cur tam diu? cur in-  
 quam, cuius romani, quos piratæ coeperant: securi  
 statim percussis, ipsis piratis lucas usuram tam diutur-  
 nam dedisti? uerum esto: sit tibi illud liberum omne  
 tempus: quod cum imperio fuisti. etiam ne priuatus? etiã  
 ne reus? etiam ne penè damnatus, hostium duces priua-  
 ti in domo retinueris? Vnum, alterum mensem, prope  
 annum, deniq; domus tuæ piratæ, a quo tempore capti  
 sunt: quoad per me licitum est: fuerunt: hoc est quoad  
 per M. Atilium Glabrimonem licitum est: qui postulan-  
 te me, produci, atq; in carcerem condi imperauit. quod  
 est huiusce rei ius? quæ consuetudo? quod exemplum?  
 hostem acerrimum, atq; infestissimum populi Ro. seis  
 potius communem hostem gentium, nationumq; omnium  
 quisquam omnium mortalium priuatus intra moenia  
 domus suæ retinere poterit? qui, si pridie, quàm a me te  
 coactus es confiteri, ciuibus Ro. securi percussis, prædo-  
 num ducem uiuere: apud te habitare: si inquam pridie  
 domo tua profugisset: si aliquam manum contra populum  
 Ro. facere potuisset: quid diceres? apud me habitauit: me-

cum fuit: ego illum ad iudicium meum, quo facilius cri-  
 men inimicorum diluere possem: uiuum, atq; incolumē  
 reseruauī. ita ne uero? tu tua pericula communi periculo  
 defendes? tu supplicia, quæ debentur hostibus uictis: ad tu-  
 um non ad populi R. tempus conferes? populi Ro. hostis  
 priuatis custodijs asseruabitur? At etiā qui triumphant:  
 eoq; diutius uiuos hostium duces seruant: ut his per tri-  
 umphum ductis, pulcherrimum spectaculum fru-  
 ctumq; uictoriæ populus R. præcipere possit: tamen cū  
 de foro in Capitolium currum flectere incipiunt: illos  
 duci in carcerem iubent: idemq; dies & uictoribus im-  
 perij: & uictis uitæ finem facit. Et nunc credo esse du-  
 bium: quin tu id commissurus non fueris: præsertim cū  
 statuisses, ut ais, tibi causam esse dicendam: ut ille archi-  
 pirata non potius securi feriretur: quàm quod erat ante  
 oculos positum: tuo periculo uiueret. Si enim esset mortu-  
 us: tu qui crimen ais te metuisse: quæro cui probares? cum  
 constaret istum Syracusis ab nullo uisum esse archipira-  
 tam: ab omnibus desideratum? Cum dubitaret nemo:  
 quin abste pecunia liberatus esset: cum uulgo loque-  
 rentur suppositum in eius locum, quem pro illo proba-  
 re uelles: cum tu te fassus esses, te id crimen tanto ante me  
 tuisse: si eum diceres esse mortuum: quis te audiret?  
 nunc cum uiuum istum nescio quem prodnces: tamen  
 te derideri uides. quid si aufugisset? si uincla rupis-  
 set? ita ut in eo ille nobilissimus pirata fugit: quem  
 P. Seruilius, qua felicitate cœperat: eadem recupera-  
 uit. quid diceres? uerum hoc erat: si ille semel uerus  
 archipirata securi percussus esset: pecuniam illam nō  
 haberes. si hic falsus esset mortuus: aut profugisset:  
 non esset difficile alium in suppositi locum suppo-

nere. Plura dixi, quàm uolui, de illo archipirata: Et tamen ea quæ certissima sunt huius criminis argumeta prætermisi. uolo enim mihi totum esse crimen hoc integrum. est certus locus: certa lex: certum tribunal: quo hoc reseruetur. Hac tanta præda auctus, manapijs, argento, ueste locupletatus, nihilo diligentior ad classem ornandam, milites reuocandos, alendosq; esse coepit: cum ea res, non solum provinciae saluti, uerum etiam ipsi prædæ esse posset. Nam æstate summa, quo tempore cæteri prætores obire provinciam, Et concurrere consueuerunt: aut etiam in tanto prædonum metu, Et periculo ipsi nauigare: eo tempore ad luxuriam, libidinesq; suas domo sua regia quæ Regis Hieronis fuit: qua prætores uti solent: contentus non fuit. tabernacula, quæ admodum consueuerat temporibus æstiuis: quod antea iam demonstraui: ærbasus intenta uelis collocari iussit in litore: quod est litus in insula Syracusis post Arethusæ fontem, propter ipsum introitum atq; hostium portus, ameno sanè, Et arbitris remoto loco. Hic dies æstiuos sexaginta Prætor populi romani, custos, defensorq; provinciae sic uixit: ut muliebria quotidie conuiuia essent: uir acumberet nemo, præter ipsum, Et prætextatum filium. tamen si recte sine exceptione dixeram: uirum, cum isti essent: neminem fuisse. nonnunquam et libertus Timarchides adhibebatur. mulieres aut nuptæ, nobiles, præter unā mimi Isidori filiam: quā iste propter amorem ab Rhodio tibicine abduxerat: Pippa quædam, uxor Aescrionis Syracusani: de qua muliere plurimi uersus, qui in istius cupiditate facti sunt: tota Sicilia pœlebratur. Erat Nice facie eximia, ut prædicatur: uxor Cleomenis Syracusani. hanc Cleomenes uir amabat:



ueruntamen huius libidini aduersari nec poterat: nec audebat: & simul ab isto donis, beneficysq; plurimus deuinciebatur. illo autem tempore iste, tameñ ea est hominis impudentia: quam nostis: ipse tamen cum uir esset Syracusanus: uxorem eius parum poterat animo soluto, ac libero tot in acta dies secum habere. itaq; excogitat rem singularem. naues, quibus Legatus præfuerat: Cleomeni tradidit. Classi populi Ro. Cleomenem Syracusanum præsse iubet, atq; imperat. hoc eo facit: ut ille non solum abesset a domo, tum cum nauigaret: sed etiam libenter cum magno honore, beneficioq; abesset. Ipse autem remoto atq; ablegato uiro non liberius quàm ante: quis enim unquam istius libidini obstitit? sed paulo solutiore tamen animo secum illam haberet: si non tanquam uirum, at tanquam æmulum remouisset. Accipit nauem sociorum atq; amicorum Cleomenes Syracusanus. Quid primum aut accusem: aut querar Iudices? Siculo ne homini legati, quæstoris, populi R. deniq; potestatem, honorem, auctoritatem dari? si te impediēbat ista conuiuiorum, mulierumq; occupatio: ubi quæstores? ubi legati? ubi ternis denarijs æstimatum frumentum? ubi muli? ubi tabernacula? ubi tot tantaq; ornamenta magistratibus, & legatis senatu populoq; romano promissa, & data? deniq; ubi præfecti, & tribuni tui? si cuius Ro. dignus isto negotio nemo fuit: quid ciuitates quæ in amicitia fideq; populi R. perpetuo manserant? ubi Segestana? ubi Centuripina ciuitas? quæ tum officijs, fide, uetustate, tum etiam cognatione populi R. nomen attingunt? O dij immortales. quid si harum ipsarum ciuitatum militibus, nauibus, Nauarchis Syracusanus Cleomenes iussus est imperare? non omnis homines ab isto di-

gnitatis, æquitatis, officijq; sublatus est. <sup>2</sup> Ecquod in Sicilia bellum gessimus? quin centuripinis socijs, Syracusanis hostibus uteremur? atq; hæc omnia ad memoriam uetustatis, nõ ad contumeliam ciuitatis referri uolo. itaq; ille uir clarissimus, summusq; Imperator, M. Marcellus, eius uirtute captæ, misericordia conseruatae sunt Syracusæ: habitare in ea parte urbis, quæ insula est: Syracusanum neminem uoluit. hodie inquam Syracusanum in ea parte habitare non licet. est enim locus, quem uel pauci possunt defendere. committere igitur eum non fidelissimis hominibus noluit. simul quod ab illa parte urbis nauibus aditus ex alto est. quamobrem qui nostros exeratus sepe excluderant: ijs claustra loci commitenda non existimauit. Vide quid intersit inter tuam libidinem, maiorumq; autoritatem: inter amorem, furoremq; tuum, & illorum consilium, atq; prudentiam. illi aditum litoris Syracusanis ademerunt. tu maritimum imperium concessisti. illi habitari in eo loco Syracusanum, quo naues accedere possent: noluerunt. tu classi, & nauibus Syracusanum præesse uoluisti. quibus illi urbis suæ partem ademerunt: ijs tu nostri imperij partem dedisti: & quorum sociorum opera Syracusani nobis dicto audientes sunt: eos Syracusanis dicto audientes esse iussisti. Egreditur Centuripina quadrigemi Cleomenes e portu: sequitur Segestana nauis, Tindaritana, Herbitensis, Heracliensis, Apolloniensis, Haluntina, præclara classis in specie, sed inops, & infirma propter dimissionem propugnatorum, atq; remigum. tandem in imperio suo classem iste prætor diligens uidit: q̄ diu conuiuium eius flagitiosissimum præteruecta est. ipse autem qui uisus multis diebus non esset: tum se tamen in

conspectum nautis paulisper dedit. stetit soleatus præ-  
 tor populi R. cum pallio purpureo, tunicaq; talari, mu-  
 liercula nixus in litore. iam hoc ipso istum uestitu Sici-  
 li, civesq; romani permulti sæpe uiderunt. Posteaquam  
 paulum prouecta classis est: & Pachinum quinto die  
 deniq; appulsa est: nautæ fame coacti, radices palma-  
 rum agrestium, quarum erat in illis locis, sicut in ma-  
 gna parte Siciliæ, multitudo colligebant: & his mise-  
 ri, perditiq; alebantur. Cleomenes autem, qui alterum  
 se Verrem cum luxuria, atq; nequitia, tum etiam impe-  
 rio putaret: similiter totos dies, in litore tabernaculo po-  
 sito, perpotabat. Eæ autem repente ebrio Cleomene, su-  
 rrientibus cæteris, nunciatur piratarum naues esse in  
 portu Edissæ. nam ita is locus nominatur. nostra au-  
 tem classis erat in portu Pachini. Cleomenes autem,  
 quod erat terrestre præsidium non re, sed nomine: spe-  
 rabat ijs militibus, quos ex eo loco deduxisset: exple-  
 re se numerum nautarum, & remigum posse. reperta  
 est eadem istius hominis auarissimi ratio in præsi-  
 dijs, quæ in classibus. nam erant perpauca reliqui: cæ-  
 teriq; dimissi. princeps Cleomenes in quadriremi Cen-  
 turipina malum erigi: uela fieri: præcidi anchoras im-  
 peraui: & simul, ut se cæteri sequerentur: signum da-  
 ri iussit. hæc Centuripina navis erat incredibili cele-  
 ritate uelis. nam scire isto prætore nemo poterat, quid  
 quæq; navis remis facere posset. & si in hac quadrire-  
 mi propter honorem, & gratiam Cleomenis minime  
 multi remiges, & milites deerant. Euolarat iam e con-  
 spectu fere fugiens quadriremus: cum etiam nunc cæ-  
 teræ naues suo in loco moliebantur. Erat animus in re-  
 liquis. quanquam erant pauci: quoquo modo sese res ha-

bebat: pugnare tamen se uelle clamabant: & quod reliquum uitæ, uirumq; fames fecerat: id ferro potissimū reddere uolebant. Quod si Cleomenes non tanto ante fugisset: erat enim sola illa naus constrata, & ita magna: ut propugnaculo cæteris posset esse: quæ, si in prædonum pugna uersaretur: urbis instar habere inter illos piraticos myoparones uideretur. sed tunc inopes reliæti à duce, præfectoq; classis, eundem necessario cursum tenere cœperunt. Pelorum uersus, ut ipse Cleomenes: ita cæteri nauigabant. neq; ita tamen prædonum fugiebant impetum: quàm Imperatorem sequebantur. Tum ut quisq; in fugâ postremus, ita periculo princeps erat. postremam enim quâq; nauē piratæ primam adoriebantur. ita prima Haluntinorum naus capitur: cui præerat Haluntinus homo nobilis Philarcus: quem ab illis prædonibus Locrenses postea publicè redemerunt. ex quo uos priore actione iurato, rem omnem causamq; cognostis. deinde Apolloniensis naus capitur: & eius præfectus Anihropinus occiditur. Dum hæc aguntur: interea Cleomenes iam ad Pelori litus peruenerat: iam sese in terra è naui eiecerat: quadrirememq; in solo fluctuantem reliquerat. reliqui Præfecti nauium, cum in terram Imperator exisset: cum ipsi neq; repugnare, neq; mari effugere ullo modo possent: appulsis ad Pelorum nauibus Cleomenem persecuti sunt. Tunc prædonum dux Heracleo, repente, præter spem, non sua uirtute, sed istius auaricia, nequitiaq; uictor, classē pulcherrimā populi Ro. in litus expulsam, & eiectam, cum primum aduersa seret: inflammari, incendiq; iussit. O' tempus miserū, atq; acerbū provincie Sicilie. O' casum illum multis



innocentibus calamitosum, atq; funestum. O' istius nequitiam, ac turpitudinem singularem. una atq; eadem nox erat: qua prætor amoris turpissimi flamma, ac classis populi romani prædonum incendio conflagrabat. Affertur nocte intempesta grauis huiusce mali nuntius syracusis: curritur ad Prætorium: quo istum è conuiuio illo præclaro reduxerant pauloante mulieres cum cantu, atq; symphonia. Cleomenes, quanquam nox erat: tamen in publico esse non audet: includit se domi: neque aderat uxor: quæ consolari hominem in malis posset. Huius autem præclari Imperatoris ita erat seuera domi disciplina: ut in re tanta, in tam graui, nuntius nemo admitteretur: nemo esset: qui auderet aut dormientem excitare: aut interpellare uigilantem. Iam uero re ab omnibus cognita, concursabat urbe tota maxima multitudo. non enim, sicut antea consuetudo erat: prædonum aduentum significabat ignis è specula sublatus, aut tumultus: sed flamma ex ipso incendio nauium & calamitatem acceptam, & periculum reliquum nuntiabat. Cum prætor quæreretur: & constaret ei neminem nuntiasse: fit ad domum eius cum clamore concursus, atq; impetus. Tum iste excitatus exit: audit rem omnem ex Timarchide: sagum sumit. lucebat iam ferè: procedit in medium uini, somni, stupri plenus. Excipit ab omnibus eiusmodi clamorem: ut ei lampfaceni periculi similitudo uersaretur ante oculos. hoc etiam maius hoc uidebatur: quod in odio simili, multitudo hominum hæc erat maxima. tum istius acta commemorabantur: tum flagitiosa illa conuiuia: tum apellabantur à multitudine mulieres nominatim: tum querebatur ex ipso palam, tot dies continuos, per quos nunquam

uisus esset: quid egisset? tum imperio ab isto præpositus Cleomenes flagitabat: neque quicquam propius est factum: quam ut illud uticense exemplum de Adriano transferreretur Syracusas: ut duo sepulchra duorum Prætorum improborum, duabusq; in prouincijs constituerentur. uerum habita est à multitudine ratio temporis: habita est tumultus: habita etiam dignitatis, existimationisq; communis: quod is est conuentus Syracusis Ciuū Romanorum: ut non modo illa prouincia, uerum etiam hac Re P. dignissimus existimetur. Cōfirmant ipsi se: cum is etiam tum semisomnus stuperet. arma capiunt: totum forum, atq; insulam, quæ est urbis magna pars: complent. Vnam illam solam noctem prædones ad Pelorum commorati, cum fumantes etiam nostras naues reliqissent: accedere incipiunt ad Syracusas. cū uidelicet sæpe audissent: nihil esse pulchrius, q̃ Syracusarū mœnia, ac portus: statuerant sese, si ea Verre prætore non uidissent: nunquā esse uisuros. ac primo ad illa æstua Prætoris accedunt: ipsam illā ad partem litoris, ubi iste per eos dies tabernaculis positis castra luxuriæ colloarat. quem posteaquam inanem locum offenderūt: et Prætozem commouisse ex eo loco castra senserunt: statim sine ullo metu in portum ipsum penetrare cœperūt. cum in portum dico Iudices (explanandum est enim diligentiùs, eorum atusa qui locum ignorant) in urbē dico, atq; in urbis intimam partem uenisse piratas. nō enim portu illud oppidū clauditur: sed urbe portus ipse cingitur: et concluditur: nō ut alluantur à mari mœnia extrema: sed influat in urbis sinum portus. Hic te prætore Heracleo Archipirata cū quatuor myoparonibus paruis ad arbitrium suum nauigauit. Pro' dij immortales: pi-

raticis myoparo, cum imperium Populi Romani, no-  
 men, ac fasces essent Syracusis: usq; ad forum, & ad o-  
 mnes urbis crepidines accessit: quo neq; Carthaginen-  
 sium gloriosissimæ classes, cum mari plurimum poterat:  
 multis bellis sæpe conatæ, unquam aspirare potuerunt:  
 neq; populi Ro. inuicta ante prætorem te gloria illa na-  
 ualis unquam tot punicis, sicaliensibusq; bellis penetra-  
 re potuit: qui locus eiusmodi est: ut ante Syracusani in  
 moenibus suis, in urbe, in foro hostem armatum, ac ui-  
 ctorem, quam in portu ullam hostium nauem uiderent.  
 hic te prætore prædonum nauiculæ peruagatæ sunt: quo  
 Atheniensium classis sola post hominum memoriam  
 CCC nauibus ui, ac multitudine inuasit: quæ in eo  
 ipso portu, loci ipsius, portusq; natura uicta, atq; supera-  
 ta est. hic primum opes ipsius ciuitatis uictæ, commi-  
 nuæ, depressæq; sunt: in hoc portu Atheniensium  
 nobilitatis, imperij, gloriæ naufragium factum existi-  
 matur. eone pirata penetrauit? quo simul atq; adesset: nō  
 modo à latere, sed etiam à tergo magnam partem ur-  
 bis relinqueret. Insulā totam præteruectus est: quæ est  
 urbis magna pars Syracusis suo nomine ac moeni-  
 bus. quo in loco maiores ( ut ante dixi ) Syracusanum  
 quenquam habitare uetuerunt. quod qui illam partem  
 urbis tenuerint: in eorum potestatem portum futurum  
 intelligebant. At quemadmodum peruagatus? radices  
 palmarum agrestium, quas in nostris pauius inueno  
 rar: iaciebat: ut omnes istius improbitatem, & calami-  
 tatem Siciliæ possent cognoscere. Siculos ne milites? ara-  
 torum ne liberos? quorum patres tantum labore suo fru-  
 menti exarabant: ut populo R. totiq; Italiae suppedita-  
 re possent: eos ne in insula Cereris natos, ubi primum

fruges inuenta esse dicuntur: eo cibo esse usos: a quo maiores eorum ceteros quoque frugibus inuentis remouerunt. Te prætor Siculi milites palmarum stirpibus: prædones Siculo frumento alebantur. O spectaculum miserum, atque acerbum: ludibrio esse urbis gloriam, populi R. nomen: hominum conuentu, atque multitudine piratico myparone, in portu Syracusano de classe populi R. triumphum agere piratam: cum Prætoris nequissimi, inertissimique oculos prædonum remi respergerent. Postea quam portu pirata non metu aliquo affecti, sed satietate exierant: tum coeperunt querere homines causam illius tantæ calamitatis: dicere omnes, et palam disputare: minime esse mirandum: si militibus, remigibusque dimissis, reliquis egestate, et fame perditis, prætor tot dies cum mulierculis perpotante, tantæ ignominia, et calamitas esset accepta. hæc autem istius uituperatio, atque infamia confirmabatur eorum sermone: qui a suis ciuitatibus illis nauibus præpositi fuerant: qui ex illo numero reliqui, Syracusas classe amissa refugerant. dicebant, quos ex sua quisque naui missos sciret esse. res erat clara: neque solum argumentis sed etiam certis testibus istius audacia tenebatur. homo certior fit: agi nihil in foro, et conuentu toto die: nisi hoc queri a Nauarchis: quemadmodum classis esset amissa. illos respondere, et docere unumquemque, missione remigum, fame reliquorum, Cleomenis timore, et fuga. Quod posteaquam iste cognouit: hanc rationem habere coepit. causam sibi dicendam esse statuerat iam ante, quam hoc usuuenerit: ita ut ipsum priore actione dicere audistis. uidebat illis nauarchis testibus, tantum hoc crimen sustinere se nullo modo posse: consi-



lium caput primo stultum, ueruntatem clemens: Cleome-  
nem, & Nauarchos ad se uocari iubet. ueniunt. acu-  
sat eos: quod huiusmodi de se sermones habuerint: ro-  
gat: ut id facere desistant: & in sua quisque naui dicat se  
tantum habuisse nautarum: quantum oportuerit: neque  
quæquā esse dimissum. Illi enim uero, se ostendunt, quæ  
uellet, esse facturos. iste non procrastinat: aduocat ami-  
cos statim: quærit ex his sigillatim, quot quisque nautas  
habuerit. respondit unusquisque: ut erat præceptum. iste  
in tabellas refert: obsignat signis amicorum. providens  
homo: ut contra hoc crimen, si quando opus esset: hac ui-  
delicet testificatione uteretur. Derisum credo esse homi-  
nem amentem à suis consiliarijs: & admonitum, ha-  
sæ ei tabellas nihil profuturas. etiā plus ex nimia Præto-  
ris diligentia suspicionis in eò crimine futurum. Etiam  
iste erat hac stultitia multis in rebus usus: ut publi-  
ce quoque, quæ uellet in ciuitatum literis, & tolli, &  
referri iuberet. quæ omnia nunc intelligit sibi nihil  
prodesse: postea quam certis literis, testibus, authorita-  
tibusque conuincitur. ubi hoc uidet: illorum confessionem,  
testificationem suam, tabellas sibi nullo adiumento futu-  
ras: inuit consilium non improbi prætoris. nam id quidē  
esset ferendum: sed importuni, atque amentis tyranni.  
Statuit, si hoc crimen extenuare uellet (nam omnino  
tollī posse non arbitrabatur) Nauarchos omnes testes sui  
sceleris uitæ esse priuandos. Occurrebat illa ratio: quid  
Cleomeni fiet? potero ne animaduvertere in eos: quos  
dicto audientes esse iussi? missum facere eum: cui impe-  
rium potestatemque permisi? potero ne eos afficere sup-  
plicio: qui Cleomenem secuti sunt? ignoscere Cleo-  
meni: qui secum fugere: & consequi iussit? potero ne in  
eos esse

eos esse uehemens: qui naues inanes non modo habuerunt:  
 sed etiam apertas. in eum dissolutus: qui solus habue-  
 rit constratam nauē, et minus exinanitam: pereat Cleo-  
 menes una. ubi fides? ubi execrationes? ubi dextræ, cō-  
 plexusq;? ubi illud contubernium muliebris muliæ, in  
 illo delicatissimo litore? fieri nullo modo poterat: quin  
 Cleomeni parceretur. Cleomenem uocat: dicit ei, se sta-  
 tuisse animaduertere in omnes Nauarchos: ita sui peri-  
 culi rationes ferre, ac postulare. tibi uni parcam: Et to-  
 tius istius culpæ crimen, uituperationemq; inconstantiae,  
 potius suscipiam: quam aut in te sim crudelis: aut tot tam  
 graues testes uiuos, incolumesq; esse patiar. agit gratias  
 Cleomenes: approbat consilium: dicit ita fieri oportere.  
 admonet tamen illud: quod istum fugerat: in Phalar-  
 gum Centuripinum nauarchum non posse animaduer-  
 ti: propterea, quod secum fuisset una in Centuripina  
 quadrirem. quid ergo? iste homo ex eiusmodi ciuitate,  
 adolescens nobilissimus, testis relinqueretur? in præsentia  
 inquit Cleomenes: quoniam ita necesse est. sed post ali-  
 quid uidebimus: ne iste nobis obstare possit. Hæc po-  
 steaquam acta, Et constituta sunt: procedit iste repente  
 ē prætorio: inflammatus scelere, furore, crudelitate, in  
 forum uenit: Nauarchos uocari iubet. qui nihil metue-  
 rent: nihil suspicarentur: statim accurrunt. iste homini-  
 bus miseris, innocentibusq; iniici cathenas iurat. im-  
 plorare illi fidem populi romani: Et quare id faceret:  
 rogare. tunc iste hoc causæ dicit: quod classē prædo-  
 nibus prodidissent. Fit clamor, Et admiratio populi:  
 tantam esse in homine impudentiam, atque audaciam:  
 ut aut alijs causam calamitatis attribueret: quæ omnis  
 propter auariciam ipsius accidisset: aut, cum ipse prædo

num socius putaretur: alijs prodicionis crimen inferret.  
 deinde, hoc quintodecimo die crimen esse natum, postq̃  
 classis esset amissa. Cum hæc fierent: quærebatur ubi  
 esset Cleomenes. non quo illum ipsum, cuiusmodi esset:  
 quisquam supplicio propter illud incommodum dignum  
 putaret. nam qd Cleomenes facere potuit (non enim pos-  
 sum quenkum insimulare falso) quid inquam magno-  
 pere potuit Cleomenes facere, istius auaricia nauibus ex-  
 inanitis? atq; eum uident sedere ad latus prætoris: & ad  
 aurem familiariter, ut solitus erat, insusurrare. tum uero  
 omnibus indignissimu uisum est: homines honestissimos,  
 electos ex suis ciuitatibus, in ferrum, atq; in uincla con-  
 iectos. Cleomenem propter flagitioru, ac turpitudinis so-  
 cietatem familiarissimum esse prætoris. apponitur his ta-  
 men accusator Neuius turpio quidam, qui C. Sacerdote  
 prætoris, iniuriarum damnatus est: homo bene apposi-  
 tus ad istius audaciam: quẽ iste in decumis, in rebus ca-  
 pitilibus, in omni calumnia, præcursorem habere so-  
 lebat, & emissarium. Veniunt Syracusas parentes, pro-  
 pinquiq; miserorum adolescentium hoc repentino ca-  
 lamitatis suæ commoti nuncio: uinctos aspiciunt cathe-  
 nis liberos suos: cum istius auariciæ poenam, collo, & cer-  
 niabus suis sustinerent: adsunt: defendunt: proclamant:  
 fidem tuam, quæ nusquam erat: nec unquam fuit: im-  
 plorant. Pater aderat Dexio Tindaritanus homo no-  
 bilissimus, hospes tuus: cuius tu domi fueras: quem ho-  
 spitem appellaras. eum, cum illa auctoritate, & mise-  
 ria uideres præditum: non te eius lachrymæ, non se-  
 nectus, non hospitij ius, atq; nomen a scelere aliquam ad  
 partem humanitatis reuocare potuit. Sed quid ego hospi-  
 tij iura in hac tam immmani bellua commemoro? Qui

Sthenium Thermitanum hospitem suum, cuius domum  
 per hospitium exhausit: & exinanivit: absentem in re-  
 os retulerit: causa indicta capite damnari: ab eo nunc  
 hospitiorum iura, atq; officia quaeramus? cum homi-  
 ne enim crudeli nobis res est? an cum fera atq; imma-  
 ni bellua? te patris lachrymae de innocentis filij periculi  
 non movebant? cum patrem domi reliquisses: filium  
 tecum haberes: te neque praesens filius de liberorum  
 charitate, neq; absens pater, de indulgentia patria com-  
 movebat? Catheras habebat hospes tuus Aristeus, De-  
 oxionis filius. quid ita? prodiderat classem. quod ob praemium?  
 deseruerat exercitum. quid Cleomenes? igna-  
 tus fuerat. at cum tu ob uirtutem corona aurea dona-  
 ras. dimiserat nautas. at ab omnibus tu mercedem missio-  
 nis acceperas. Alter pater erat Herbitensis Eubulida,  
 homo domi suae clarus, & nobilis: qui quia Cleome-  
 nem in defendendo filio laeserat: nudus pene est de-  
 stitutus. Quid erat autem quod quisquam diceret: aut  
 defenderet? Cleomenem nominare non licet. at causa  
 cogit. mori si appellaris. nunquam enim iste est cui-  
 quam mediocriter minatus. At remiges non erant. praetorem  
 tu accusas? frange. ceruicem. Si neq; praetorem, neq;  
 praetoris aemulum appellare licebit: cum in his duobus  
 tota causa sit: quid futurum est? Dicit etiam causam He-  
 raclius Segestanus homo domi suae summo loco natus.  
 audite, ut uestra humanitas postulat Iudices. audietis  
 enim de magnis incommodis, iniurijsq; sociorum. Hunc  
 scitote fuisse Heraculum in ea causa: qui propter gra-  
 uem morbum oculorum, tum cum nauigaret: & ius-  
 su eius qui potestatem habuit, in compectu Syracusis  
 remanserit. Iste certe neq; prodidit classem: neque metu



perterritus fugit: neque exercitum deseruit. etenim tum  
 esset hoc animaduersum: cum classis Syracusis profici-  
 scbatur. iste in eadem causa fuit: quasi esset in aliquo  
 manifesto scelere deprehensus: in quem ne falso quidem  
 causa conferri criminis potuit. Fuit in illis Nauarchis  
 Heracliensis quidam Furius (nam habent in illi non  
 nulla huiusmodi latina nomina) homo quandiu ui-  
 xit, domi suae, non solum post mortem tota Sicilia cla-  
 rus, & nobilis. in quo homine tantum animi fuit: non  
 solum ut istum libere lederet (nam id quidem, quoni-  
 am moriendum uidebat: sine periculo se facere intelli-  
 gebat) uerum morte proposita cum lachrymans in car-  
 cere mater noctes, diesq; assideret: defensionē causae suae  
 scripsit: quam nunc nemo est in Sicilia, quin habeat: quin  
 legat: quin tui sceleris, & crudelitatis ex illa oratione  
 commonefiat. In qua docet, quot à ciuitate sua nauitas  
 acceperit: quot, & quanti quenq; dimiserit: quot secum  
 habuerit. item de cæteris nauibus dicit. quæ cum apud  
 te diceret: uirgis oculi uerberabantur. ille morte propo-  
 sita, facile dolorem corporis patiebatur. clamabat, id  
 quod scriptum reliquit: facinus esse indignum: plus im-  
 pudicissimæ mulieris apud te de Cleomenis salute, quàm  
 de sua uita lachrymas matris ualere. deinde etiam il-  
 lud uideo esse dictum: quod, si recte uos populus Ro. co-  
 gnouit: non falso ille iam in ipsa morte de uobis præ-  
 dicauit. non posse Verrem testes interficiendo, crimina  
 sua extinguere: grauiorem apud sapientes iudices se  
 fore ab inferis testem, quàm si uiuus in iudicium pro-  
 duceretur. tum auariciæ solum, si uiueret: nunc, cum ita  
 esset necatus: sceleris, audaciæ, crudelitatis testem fore.  
 Iam illa præclara: non testium modo cæternas, cum

tua res ageretur: sed tum à dijs manibus innocentium poenas, sceleratorumq; furias in tuum iudicium esse uenturas. sese ideo leniorem casum suum fingere: quod iam ante aciem securium tuarum, Sextiq; tui atrnificis uultum, & manum uidisset: cum in conuentu ciuium Ro. iussu tuo securi cives Ro. ferirentur. ne multa Iudices: libertatem quam uos socijs dedistis: hac ille in acerbissimo supplicio miserrimæ seruitutis abusus est. Condemnat omnes de consilij sententia: tamen neq; iste in tanta re, tot hominum causa, P. Vectium ad se accersit, quaestorem suum: cuius consilio uteretur: neque P. Cernium talem uirum Legatum: qui, quia Legatus isto prætore in Sicilia fuit: primus ab isto iudex reiectus est prætore sed de latronū, hoc est de comitū suorū sententia condemnat omnes. Hic cuncti Siculi fidelissimi, atque antiquissimi socij, plurimis affecti beneficijs à maioribus nostris, grauiter commouentur: & de suis periculis, fortunisq; omnibus pertimescunt. Illam clementiam, mansuetudinemq; nostri Imperij in tantam crudelitatem, inhumanitatemq; esse conuersam? condemnari tot homines uno tempore nullo crimine? defensionem suorum furtorum prætorem improbum ex indignissima morte innocentium quaerere? Nihil addi iam uidetur Iudices ad hanc improbitatem, amentiam, crudelitatemq; posse. & recte nihil uidetur. nam, si cum aliorum improbitate certet: longe omnes multumq; superabit. sed secum ipse certat: id agit: ut semper superius suum facinus nouo scelere uincat. Phalargum Centuripinum dixeram exceptum esse à Cleomene: quod in eius quadrirem Cleomenes uectus esset: tamen quia pertinuerat adolescens: quod eandem suam causam uide-

bat esse, quam illorum, qui innocentes peribant: ad ho-  
 minem dædit Timarchides: à securi negat esse ei pe-  
 riculum: uirgis ne cederetur, monet ut caueret. ne mul-  
 ta. ipsum dicere adolescentem audistis: se ob hunc uirgarum  
 metum, pecuniam Timarchidi numerasse. Leuia  
 sunt hæc in hoc reo crimina. metum uirgarum Nauar-  
 chus nobilissimæ ciuitatis precio redemit. humanum.  
 alius ne condemnaretur pecuniam dedit. usitatum est.  
 non uult populus Ro. obsoletis criminibus accusari Ver-  
 rem: noua postulat: inaudita desiderat: non de præto-  
 re Siciliæ, sed de crudelissimo tyranno fieri iudicium  
 arbitratur. Includuntur in carcerem condemnati. sup-  
 plicium constituitur in illos: sumitur de miseris parenti-  
 bus Nauarchorum. adire ad filios suos prohibentur:  
 liberis suis cibum, uestitumq; introferre. patres hi, quos  
 uidetis, iacebant in limine: matresq; miserae pernocta-  
 bant ad hostium carceris, ab extremo complexu libe-  
 rum exclusæ: quæ nihil aliud orabant: nisi ut filio-  
 rum extremum spiritum excipere sibi liceret. Aderat  
 ianitor carceris, carnifex prætoris, mors, terrorq; socio-  
 rum, & ciuium, lictor Sestius: cui ex omni gemitu, do-  
 loreq; certa merces comparabatur. ut adeas: tantum da-  
 bis: ut cibum tibi introferre liceat: tantum. nemo recu-  
 sabat. quid ut uno ictu securis afferam mortem filio  
 tuo? quid dabis? ne diu crucietur? ne sæpius feriat? ne  
 cum sensu doloris aliquo, aut cruciatu spiritus aufe-  
 ratur? Etiam ob hanc causam pecunia lictori dabatur.  
 O' magnum atq; intolerandum dolorem: O' grauem  
 acerbamq; fortunam. non uitam liberum, sed mortis  
 celeritatem precio redimere cogebantur parentes. atque  
 ipsi etiam adolescentes cum Sestio de eadem plaga, &

de uno illo ictu loquebatur: idq; postremū parētes suos liberi orabant: ut leuandi cruciatus sui gratia pecunia licitori daretur. Multi, & graues dolores inuenti parentibus, & propinquis. multi. ueruntamen mors sua extrema. non erit. est ne aliquid ultra, quo crudelitas progredi possit: reperietur. nam illorum liberi, cum erunt securi percussi, ac necati: corpora feris obijciuntur. hoc si luctuosum est parenti: redimat precio sepeliendi potestatem. Onasum Segestanium hominem nobilem dicere audisti: se ob sepulturam Heraclij Nauarchi pecuniam Timarchidi dinumerasse: hoc ne possis dicere. patres enim ueniunt amissis filiis irati: uir primarius, homo nobilissimus, dicit: neque de filio dicit. Iam hoc quis tum fuit Syracusis qui non audierit? quin sciat? has per Timarchidem pactiones sepulturae cum uiuis etiam illis esse factas. non palam cum Timarchide loquebantur? non omnes hominum propinqui adhibebantur? non palam uiuorum funera locabantur? Quibus rebus omnibus actis, atque decessis, producantur è carcere: & deligantur ad palum. Quis tam fuit illo tempore durus, & ferreus? quis tam inhumanus? praefer unum te: qui non illorum aetate, nobilitate, miseria commoueretur? ecquis fuit, quin lachrymaretur? quin ita calamitatem putaret illorum: ut fortunam tamen non alienam, periculum autem commune agi arbitraretur? Feriuntur securi. letaris tu in omnium gemitu: & triumphas: testes auariciae tuae gaudes esse sublato. Errabas Verres: & uehementer errabas: cum te maculas furtorum, & flagitiorum tuorum, sociorum innocentium sanguine lueve arbitrare: praeceptis amentia ferebare: q te existima-



res auariciæ vulnera crudelitatis remedijs posse sanare. etenim, quanquam illi sunt mortui sceleris tui testes: tamen propinqui neq. tibi defunt: tamen ex illo ipso numero nauarchorum aliqui uiuunt: & adsunt: quos ui mihi uidetur ab illorum innocentium pœna fortuna ad hanc causam reseruauit. Adest Philarchus Haluntinus: qui quia cum Cleomene non nauigauit: oppressus à prædonibus, & captus est: cui calamitas saluti fuit: q. nisi captus à piratis esset: in hunc prædonem sociorum incidisset. dicet is pro testimonio de missione nautarum, de fame, de Cleomenis fuga. Adest Centuripinus Phalargus in amplissima ciuitate, amplissimo loco natus. eadem dicit: nulla in re discrepat. Per deos immortales Iudices quo tandem animo feretis? aut hæc quemadmodum auditis? Vtrum ego desipio: et plusquam satis opus est, doleo in tanta calamitate, miseriâq. sociorum? an uos quoq. hic acerbissimus innocentium cruciatus, et mœror pari sensu doloris afficit? ego enim cum Herbitensem, cum Heracliensem securi esse percussum dico: uersatur mihi ante oculos indignitas calamitatis. eorum ne populorum ciues, eorum ne agrorum colonos, ex quibus maxima uis frumenti quot annis plebi romanæ illorum operis, ac laboribus quæritur: qui à parentibus spe nostri imperij, nostræq. æquitatis suscepti educatiq. sunt: ad C. Verrii nefariam immanitatem, & ad eius securẽ funestam esse seruatos? cum mihi Tindaritani illius uenit in mentem: cum Segestani: tum iura simul ciuitatum, atq. officia considero. quas urbes P. Africanus etiã ornandas esse spolijs hostium arbitratus est: eas C. Verres non solum illis ornamentis, sed etiam uiris nobilissimis nefario scelere priuauit. en quod Tindaritani libenter



prædicent: nos in septemdecim populis Siciliae non eramus: nos semper in omnibus Punicis Siciliensibusq; bel-  
 lis amicitiam fidemq; populi Ro. secuti sumus: à nobis  
 omnia populo Ro. semper & belli adiumenta, & pacis  
 ornamenta administrata sunt. Multum uero hæc his iu-  
 ra profuerunt in istius imperio ac potestate. Vestros quon-  
 dam nautas contra Carthaginem Scipio duxit. at nunc  
 naues contra prædones penè inanes Cleomenes ducit.  
 Vobiscum Africanus hostium spolia, & præmia laudis  
 communicauit. At nunc per me spoliati naue à prædo-  
 nibus abducta, ipsi in hostium numero, locaq; ducemur.  
 ni. Quid uero illa Segestanorum non solum literis tra-  
 dita, neq; commemorata uerbis, sed multis officijs illo-  
 rum usurpata & comprobata cognatio, quos tandem  
 fructus huiusce necessitudinis in istius imperio tulit?  
 nempe hoc fuit iure Iudices: ut ex sinu patris nobilissi-  
 mus adolescens, et è complexu matris ereptus innocens  
 filius, carnifici Sextio dederetur. Cui ciuitati maiores no-  
 stri maximos agros, atq; optimos concesserunt: quam im-  
 munem esse uoluerunt: hæc autem apud te cognationis,  
 fidelitatis, uetustatis, authoritatis, ne hoc quidem iuris  
 obtinuit: ut unius honestissimi, atq; innocentissimi ci-  
 uis mortem, & sanguinem deprecaretur. Quo con-  
 fugient socij? quem implorabunt? qua spe deniq; ut ui-  
 uere uelint tenebuntur? si uos eos deseritis? ad Sena-  
 tum deuenient: qui de Verre supplicium sumat? non est  
 usitatum, non Senatorium. ad populum Ro. confugient?  
 facilis est causa populi. legem enim sociorum causa ius-  
 sisse, & eius legis custodes, ac uindices præposuisse dicit.  
 Hic locus est igitur unus: quo perfugiant: hic portus: hæc  
 arx: hæc ara sociorum: quo quidem nunc non ita confu-

giunt: ut antea in suis repetendis rebus solebant. non ar-  
 gentum, non aurum, non uestem, non mancipia repe-  
 tunt: nō ornamenta, quæ ex urbibus, fanisq; erepta sunt.  
 metuunt homines imperiti, ne iam hæc populus Ro. con-  
 cedat. Et iam fieri uelit. patimur enim iam multos: Et  
 filemus: cum uideamus ad paucos homines omnes o-  
 mnium nationum pecunias peruenisse. quod eo magis fer-  
 re æquo animo atque concedere uidemur: quia nemo  
 istorum dissimulat: nemo laborat, ut obscura sua ca-  
 piditas esse uideatur. in urbe nostra pulcherrima atque  
 ornatissima quod signum? quæ tabula picta est? quæ  
 non ab hostibus uictis capta, atque apportata sit? at  
 istorum uillæ sociorum fidelissimorum Et plurimus,  
 Et pulcherrimus spolijs ornatae refertæq; sunt. ubi pe-  
 cunias exterarum nationum esse arbitramini? quibus  
 nunc omnes egent: cum Athenas, Pergamum, Cyzicū,  
 Miletum, Chion, Samon, totam deniq; Asiam, Achaiam,  
 Græciam, Siciliam iam in paucis uillis inclusas esse ui-  
 detis. Sed hæc, ut dico, omnia iam socij uestri relin-  
 quunt, Et negligunt Iudices: ne publice à populo Ro.  
 spoliarentur, officijs ac fide prouiderunt. paucorum ca-  
 piditati, tum cum obsistere non poterant, tamen suffice-  
 re aliquo modo poterant. nunc uero iam adempta est  
 non modo resistendi, uerum etiam suppeditandi facul-  
 tas. Itaq; res suas negligunt: pecunias, quo nomine iu-  
 dicium hoc appellatur: non petunt: relinquunt: Et ne-  
 gligunt. hoc iam ornatu ad uos confugunt. aspici-  
 te, aspiciate Iudices squalorem, sordesq; sociorum. est  
 Sthenius hic Thermitanus cum hoc capillo, atq; ueste:  
 domo sua tota expilata, mentionem tuorum furtorum  
 non facit: sese ipsum abs te repetit: nihil amplius. totius

enim tua libidine, & scelere, ex sua patria, in qua multis uirtutibus, & beneficijs floruit princeps sustulisti. Dexio hic, quem uidetis: non quæ publice Tyndari, non quæ priuatim sibi eripuisti: sed unicum miser abs te filium optimum, atq; innocentissimum flagitat. non ex libris æstimatis tuis pecuniam domum, sed ex tua calamitate cineri, atq; ossibus filij sui solatium uult reportare. Hic iam grandis natu Ebulida hoc tantum exactis ætate laboris, itinerisq; suscepit: non ut aliquid ex huius bonis usurparet: sed ut quibus oculis cruentas ceruices filij sui uiderat: ipsdem te condemnatum uideret. Si per L. Metellum licitum esset Iudices: matres illorum, uxores, sororesq; ueniebant. quarum una, cum ego ad Heracliam noctu accederem: cum omnibus matronis eius ciuitatis, & cum multis facibus mihi obuiam uenit: & ita me suam salutem apellans, te suum carnificem nominans, filij nomen implorans, mihi ad pedes misera iacuit: quasi ego exatire filium eius ab inferis possem. faciebant hoc idem in cæteris ciuitatibus grandes natu matres, & item paruuli liberi miserorum: quorum uirorumq; ætas laborem, & industriam meam, fidem, & misericordiam uestram requirebant. Itaq; ad me Iudices præter cæteras hanc querimoniam Sicilia detulit lachrymis. ego ad hoc non gloria inductus accessi: sed ne falsa damnatio, ne carcer, ne catenæ, ne uerbera, ne secures, ne cruciatus sociorum, ne sanguis innocentium; ne deniq; etiam exanguum corpora mortuorum, ne mæror parentum, ac propinquorum magistratibus nostris quæstui posset esse. Hunc ego si metum Siciliæ, damnatione istius per uestram fidem, & uirtutem deicere Iudices: satis offi-



tio meo, satis illorum uoluntati, qui à me hoc petiue-  
 runt: factum esse arbitror. quapropter, si quē forte in-  
 ueneris: qui hoc nauale crimen conetur defendere: ista de-  
 fendat: illa communia, quæ ad causam nihil perti-  
 nent prætermittat: me culpam fortunæ assignare: cala-  
 mutatem crimini dare: me amissionem classis obijcere:  
 eum multi uiri fortes in communi, incertoq; periculo bel-  
 li, & terra, & mari sæpe offenderint. Nullam tibi obij-  
 cio fortunam: nihil est, quod cæterorum res minus com-  
 mode gestas proferas: nihil est, quod multorum nau-  
 fragia fortunæ colligas. ego naues inanes fuisse dico: re-  
 miges, nautasq; dimissos: reliquos stirpibus uixisse pal-  
 marum: præfuisse classi populi Ro. Siculum, perpetuo so-  
 cys, atq; amicas Syracusanum: te ipso illo tempore super-  
 rioribusq; diebus omnibus in litore, cum mulierculis per-  
 potasse dico. harum rerum omnium auctores, testesq; pro-  
 duco. Num tibi insultare in calamitate, num interclude-  
 re perfugium fortunæ, num casus bellicos exprobare,  
 aut obijcere uideor? tamen si solent hi fortunam sibi obij-  
 ci nolle: qui se fortunæ commiserunt: qui in eius pericu-  
 lis sunt ac uarietate uersati. istius quidem calamitatis tua  
 fortuna particeps non fuit. homines enim in prælijs, nō  
 in conuiuijs belli fortunam tentare, ac periclitari solēt.  
 in illa autem calamitate non Martem fuisse communem,  
 sed Venerem possumus dicere. quod si fortunam tibi obij-  
 cere non oportet: cur tu fortunæ illorum innocentium ue-  
 niam, ac locum non dedisti? Etiam illud prædicat licet:  
 quod supplicium more maiorum sumpseris: se curiq; per-  
 cussis: iatroco à me in crimen & inuidiam uocari. nō  
 in supplicio crimen meum uertitur: non ego securi nego  
 quenquam feriri debere: non ego metum ex re militari,

*non seueritatem imperij, non poenam flagitij tolli dico oportere: fateor non modo in socios, sed etiam in ciues, militesq; nostros persepe esse uere, ac uehementer uindictatum. quare hæc quoq; prætermittas licet. Ego culpam nõ in Nauarchis, sed in te fuisse demonstro: precio milites, remigesq; dimisisse arguo. hoc Nauarchi reliq; dicunt: hoc Netinorum fœderata ciuitas publice dicit: hoc Herbitenses, hoc Amestratini, hoc Ennenses, hoc Agyrinenses, Tindaritani, Locrenses publice dicunt: tuus deniq; testis, tuus Imperator, tuus hospes Cleomenes hoc dicit: sese in terra esse proiectum: uti pachyno, è terrestri præsidio milites colligeret: quos in nauibus collocaret. quod certe non fecisset: si suum numerum naues haberent. ea est enim ratio instructarum nauium, ornatarumq;: ut non modo plures, sed ne singuli quidem possint accedere. dico præterea, illos ipsos reliquos nautas fame, atque inopia rerum omnium confectos fuisse, ac perditos. dico aut omnes extra culpam fuisse: aut si uni attribuenda culpa sit: in eo maximam fuisse: qui optimam nauem, plurimos nautas haberet: summum imperium obtineret. aut si omnes in culpa fuissent: non oportuisse Cleomenem constitui spectatorem illorum mortis, atque cruciatus. dico etiam, in illo supplicio mercedem lachrymarum, mercedem uulneris, atq; plagæ, mercedem fineris, ac sepulturæ constitui nefas fuisse. Qua propter si mihi respondere uoles: hoc dicito. classem instructam, atq; ornata fuisse: nullum propugnatorem abfuisse: nullum uacuum tractum esse remum: rem frumentariâ esse suppeditatâ: mentiri Nauarchos: mentiri Et tam graues ciuitates: mentiri etiâ Siciliam totam: proditum esse te à Cleome-*

ne: qui se dixerit exisse in terram: ut pachyno deduce-  
ret milites: animum illis, non copias defuisse: Cleomenem  
acerrime pugnantiem ab his relictum esse, atq; desertum:  
numum ob sepulturam datum nemini. quæ si dices: tene-  
beris. sin alia dices: quæ à me dicta sunt, non refutabis.  
Hic tu etiam dicere audebis? est in Iudiciis ille fami-  
liaris meus: est paternus amicus ille? non ut quisq; maxi-  
me est, qui cum tibi aliquid sit: itz te huiusmodi crime-  
na maxime eius pudet? Paternus amicus est. ipse pater si  
iudicaret per deos immortales quid facere posset, cum ti-  
bi hæc diceret? Tu in prouincia populi Re. prætor, cum  
tibi maritimum bellum esset administrandum: Mamier-  
tinis, ex fœdere quam deberent nauem, per triëniū re-  
misisti: tibi apud eosdem priuatim nauis oneraria maxi-  
ma publice est ædificata: tu à ciuitatibus pecunias classis  
nomine coegisti: tu precio remiges dimisisti: tu cum nauis  
esset à quæstore, et ab Legato capta prædonum: archi-  
piratam ab omnium oculis remouisti: tu, ciues romani  
qui esse dicerentur: qui à multis cognoscerentur: se curi se-  
rire potuisti: tu tuam domum piratas abducere: in iudi-  
cium archipiratam domo producere ausus es: tu in pro-  
uincia tam splendida, apud socios fidelissimos, ciues Ro-  
honestissimos, in metu, periculoq; prouinciæ, dies conti-  
nuos complures in litore, conuiuijsq; iacuisti: te per eos  
dies nemo domi tue conuenire, nemo in foro uidere potu-  
it: tu sociorū, atq; amicorum ad ea conuiuia matres famili-  
as adhibuisti: tu inter eiusmodi mulieres prætextatum tu-  
um filium, nepotem meum, collocauisti: ut ætati maxime  
lubricæ, atq; incertæ exempla nequitiae parētis uita præ-  
beret: tu prætor in prouincia cum tunica pallioq; purpu-  
reo uisus es: tu propter amorem libidinemq; tuam, impe-

rium nauium Legato populi R. ademisti: Syracusano  
 tradidisti: tui milites in prouincia Sialiae frugibus, fru-  
 mentoq; caruere: tua luxuria, atque auaricia classis po-  
 puli R. capta & incensa est: post Syracusas conditas quæ  
 in portum nunquam hostis accesserat: in eo te prætoris  
 primū piratæ nauigauerunt: neq; hæc tot tantaq; dedeco-  
 ra dissimulatione tua, neque obliuione hominum, ac ta-  
 citurnitate, tegere uoluisti: sed etiam nauium præfectos  
 sine ulla causa, de complexu parentum suorum, hospi-  
 tumq; tuorum, ad mortem cruciatumq; rapuisti: neque in  
 parentum luctu, atq; lachrymis, te mei nominis commemo-  
 ratio mitigauit: tibi hominum innocentium sanguis  
 non modo uoluptati: sed etiam quæstui fuit. Hæc si tibi  
 tuus parens diceret: posses ab eo ueniam petere? posses  
 ut tibi ignosceret postulare? Satis est factum  
 Siculis: satis officio, ac necessitudini Iudices: satis promissio  
 nostro, ac recepto. reliqua est ea causa Iudices: quæ nō  
 iam recepta, sed innata, neq; delata ad me, sed in anima,  
 sensuq; meo penitus affixa, atq; insita est: quæ non ad so-  
 ciorum salutem, sed ad ciuium romanorum, hoc est ad-  
 uniuscuiusq; nostrum uitā, et sanguinē pertinet. In qua  
 nolite à me, quasi dubium sit aliquid, argumenta Iudi-  
 ces expectare. omnia quæ dicam de supplicio ciuium ro-  
 manorum: sic erunt clara, et illustria: ut ad ea probāda  
 totam Siciliam testem adhibere possim. furor enim quidā  
 sceleris, & audaciæ comes, istius effrenatum animum, im-  
 portunamq; naturam tanta oppressit amentia: ut nunquā  
 dubitaret in conuentu, palam, supplicia, quæ in conui-  
 ctos maleficiū seruos constituta sunt: ea i ciues Ro. ex prome-  
 re uirgis quā multos ceciderit: quid ego commemorem?  
 tantum breuissime dico Iudices. nullum fuit omnino ista



## IN VERREM

prætor in hoc genere discrimen. Itaque iam consuetu-  
 dine ad corpora cuium Ro. etiam sine istius nutu,  
 ferebatur manus ipsa lictoris. Num potes hoc negare  
 Verres? in foro Lilybei, maximo conuentu, C. Seruiliū  
 ciuem romanum, in conuentu Panormitano ueterem ne-  
 gociatorem, ad tribunal, ante pedes tuos, ad terram uir-  
 gis, & uerberibus abiectum? aude hoc primum negare  
 si potes. nemo Lilybei fuit: quin uiderit. nemo in Sicilia:  
 quin audierit. plagis confectum dico a lictoribus tuis  
 ciuem Romanum, ante oculos tuos concidisse. ob quam cau-  
 sam dij immortales? tamen si iniuriam facio communi  
 causæ, & iuri ciuitatis. quasi enim possit esse ulla causa:  
 cur hoc cuiq̃ cui Ro. iure accidat: ita quero, quæ in Ser-  
 uilio causa fuerit. ignoscite in hoc uno Iudices. in cæte-  
 ris enim non magnopere causas requiram. Locutus erat  
 liberius de istius improbitate, atq; nequitia. quod isti si-  
 mul ac renunciatum est: hominem iubet Lilybeum uadi-  
 monium Venerio seruo promittere. promittit. Lily-  
 beum uenitur. cogere eum cœpit: cum ageret nemo: nemo  
 postularet: HS duobus millibus sponsonem facere cum  
 lictore suo: ni furtis quæstum faceret. Recuperatores de  
 cohorte sua dicit daturum. Seruilius & recusare: & de-  
 precari: ne iniquis iudicibus, nullo aduersario, iudicium  
 capitis in se constitueretur. Hæc cum maxime loqueretur:  
 sex lictores circumsistunt ualentissimi, & ad pulsandos,  
 uerberandosq; homines exercitatissimi: cædunt acerrime  
 uirgis: deniq; proximus lictor ( de quo sæpe iam dixi )  
 Sextius, conuerso bacillo oculos misero tundere uehe-  
 mentissime cœpit: itaq; illi cum sanguis os, oculosq; com-  
 plesset: concidit: cum illi nihilominus iacenti latera  
 runderet: ut aliquando spōdere se diceret. sic ille affectus  
 illinc

illinc tum pro mortuo sublatus, breui postea est mortuus. Iste autem homo uenerius, & affluens omni lepore, & uenustate, de bonis illius in æde Veneris argenteum Cupidinem posuit: sic etiam fortunis hominum abutebatur ad nocturna uota cupiditatum suarum. Nam quid ego de cæteris ciuium Ro. supplicijs sigillatim potius, q̃ generatim, atq; uniuerse loquar? Carcer ille, qui est à crudelissimo tyranno Dionysio factus Syracusis: quæ Lautumiae uocantur: in istius imperio domicalium romae norum fuit. ut quisq; istius animum, aut oculos offenderat: in lautumnas statim conijciebatur. Indignum hoc uideo uideri omnibus Iudices: & id iam priore actione, cum hæc testes dicerent: intellexi. retineri enim putatis oportere iura libertatis non modo hic, ubi tribuni plebis sunt: ubi cæteri magistratus: ubi plenum forum iudiciorum: ubi Senatus authoritas: ubi existimatio populi Ro. & frequentia: sed ubicunq; terrarum, & gentium uiolatum ius ciuium Ro. sit: statutis id pertinere ad communem causam libertatis, & dignitatis. In externorum hominum, & maleficorum, sceleratorumq; in prædonum, hostiumq; custodias tu tantum numerum ciuium Ro. includere ausus es? nunquam ne tibi iudicij, nunquam concionis, nunquã huius tantæ frequentiae, quæ nunc animo te iniquissimo, infestissimoq; intuetur: uenit in mentem? nunquam tibi populi Ro. absentis dignitas, nunquã species ipsa huiusmodi multitudinis, in oculis, animoq; uersata est? nunquam te in horum conspectum rediturum, nunquam in forum populi Ro. uenturum, nunquam sub legum, & iudiciorum potestatem casurum esse putasti? At quæ erat ista libido crudelitatis exercendæ? quæ tot scelerum suscipiendorum causa? nulla In

dicitur: præter prædandi nouam singularemq; rationem.  
 Nā ut illi, quos à poetis accipimus: qui sinus quosdam  
 obsedisse maritimos, aut aliqua promontoria, aut præris-  
 pta saxa tenuisse dicuntur: ut qui essent appulsi nau-  
 gys, interficere possent. sic iste in omnia maria infestus,  
 ex omnibus Siciliae partibus imminabat. quæcūq; na-  
 uis ex Asia, quæ ex Syria, quæ Tyro, quæ Alexandria  
 uenerat: statim certis indicibus, et custodibus tenebatur:  
 uectores omnes in lautumias coniciebantur: onera, atq;  
 merces in prætoriam domum deferebantur. Versabatur  
 in Sicilia longo interuallo alter, non Dionysius ille, nec  
 Phalaris (tulit enim illa quondā insula multos, et crude-  
 les tyrannos) sed quoddam nouum monstrum, ex uete-  
 re illa immanitate: quæ in iisdem locis uersata esse dici-  
 tur. non enim Carybdin tam infestam, neq; Scyllā nau-  
 tis: quā istum in eodem freto fuisse arbitror. hoc ē iste  
 infestior: quod multo se pluribus, et maioribus canibus  
 suauinxerat. Cyclops alter, multo importunior. hic enim  
 totam insulam obtinebat: ille Aetnam solā, et eā Sici-  
 liae partem tenuisse dicitur. At quæ causa tum subicie-  
 batur ab ipso Iudices huius tam nefariæ crudelitatis? ea  
 dem quæ nunc in defensione commemorabitur. Quicūq;  
 accesserant ad Siciliam paulo pleniores: eos Sertorianos  
 milites esse, atq; à Dianio fugere dicebat. illi ad depre-  
 candum periculum proferebant, alij purpuram Tyriā,  
 thus alij, atq; odores, uestemq; linteam: gemmas alij, et  
 margaritas: uina nonnulli græci, uenalesq; Asiaticos: ut  
 intelligeretur ex meribus: quibus locis nauigarent. non  
 intelligebant eas ipsas sibi causas esse periculi: quibus ar-  
 gumentis se ad salutem uti arbitrabantur. iste enim hæc  
 eos ex piratarum societate adeptos esse dicebat: ipsos in

Lautimias abduci imperabat: naues eorum, atq; onera diligenter asseruanda curabat. His institutis, cum completus iam mercatorum carcer esset: tum illa fiebant, quæ L. Suetum equitem Ro. lectissimum virum dicere audistis: quæ cæteros audietis. ceruices in carcere frangebantur indignissime civium romanorum: ut etiam illa uox, & illa imploratio, civis Ro. sum: quæ sæpe multis in ultimis terris opem inter barbaros, & salutem tulit: ea mortem illis acerbiores, & supplicium maturius ferret. Quid est Verres? quid ad hæc cogitas respondere? num mentiri me? num fingere aliquid? num augere crimen? num quid horum dicere istis defensoribus tuis audes? cædo mihi quæso ex ipsius sinu literas Syracusanorum: quas iste ad arbitrium suum confectas esse arbitratur: cædo rationem carceris: quæ diligentissime conficitur: quo quisq; die datus in custodiã, quo mortuus, quo necatus sit. **LITERAE SYRACUSANORVM.** Videtis ciues romanos gregatim coniectos in lautimias: uidetis indignissimo in loco coacervatam multitudinem uestrorum civium: quærite nunc uestigia prius: quibus exitus illorum, ex illo loco compareant. nulla sunt. omnes ne mortui? si ita posset defendere: tamen fides huic defensioni non haberetur. sed scriptum extat in iisdem literis: quod iste homo barbarus, ac dissolutus neq; attendere unquã, neq; intelligere potuit. *ἀδύνατος* inquit: hoc est, ut Siculi loquuntur, supplicio affecti, ac necati sunt. Si quis rex, siqua ciuitas exterarum gentium, siqua natio fecisset aliquid in ciue Ro. eiusmodi: nõ ne publice vindicaremus? nõ bello psequeremur? possemus hæc iniuriã ignominiaq; nominis romani intantum, impunitaq; dimittere? quot bella maiores nostros,



Et quanta suscepisse arbitramini: quod ciues Ro. iniu-  
 ria affecti: quod nauicularij retenti: quod mercatores spo-  
 liati dicerentur? at ego retentos non queror: spoliatos fe-  
 rendum puto: nauibus, mancipijs, mercibus ademptis, in  
 uincla coniectos esse mercatores: Et in uinculis ciues Ro-  
 neatos esse, arguo. Si hæc apud Scythas dicerem, non  
 hic in tanta multitudine ciuium romanorū, non apud  
 Senatores lectissimos ciuitatis, non in foro populi Ro. de  
 tot, Et tam acerbis supplicijs ciuium romanorum: ta-  
 men animos etiam barbarorum hominum permouere.  
 tanta enim huius imperij amplitudo, tanta nominis Ro-  
 dignitas est apud omnes nationes: ut ista in nostros ho-  
 mines crudelitas nemini concessa uideatur. Num ego ti-  
 bi ullam salutem, ullum periculum putem? cum te im-  
 plicatum seueritate iudicij, circumretitum frequentia  
 populi Ro. esse uideam? Si mehercules (id quod fieri in-  
 telligo non posse) ex his laqueis te exueris: ac te aliqua  
 ui, ac ratione explicaris: in illas tibi maiores plagas in-  
 cidendum est: in quibus te ab eodem me, superiore ex lo-  
 co confici, Et concidi necesse est. Cui si etiā, id quod de-  
 fendit: uelim concedere: tamen illa ipsa defensio non mi-  
 nus esse ei perniciofa, quā mea uera accusatio debeat.  
 quid enim defendit? ex Hispania fugientes se excepisse:  
 Et supplicio affectisse dicit. quis tibi id permisit? quo id  
 iure fecisti? quis idem fecit? qui tibi facere licuit? forum  
 plenum, Et basilicas, istorum hominum uidemus: et ani-  
 mo æquo uidemus. ciuile enim dissensionis, Et siue amen-  
 tiæ, siue fati, seu calamitatis, non est iste molestus exi-  
 tus: in quo reliquos saltem ciues incolumes licet conserva-  
 re. Verres ille uetus proditor Cōsulis, translator Quæ-  
 sturæ, auersor pecuniæ publicæ, tantum sibi authorita-

is in Rep. suscepit: ut quibus hominibus per Senatum, per populum romanum, per omnes magistratus, in foro, in suffragiis, in hac urbe, in Rep. uersari liceret: is omnibus mortem acerbam, crudelemq; proponeret: si fortuna eos ad aliquam partem Sicaliae detulisset. ad Cn. Pompeium clarissimum uirum, et fortissimum. permul ti occiso Perpēna ex illo Sertoriano numero militum con fugerunt. quem non ille summo cum studio saluum, in- columēq; seruauit? cui cini supplici non illa dextera in uicta & fidem porrexit? & spem salutis ostendit? Ita ne uero? quibus fuit portus apud eum, contra quem arma tulerunt: is apud te, cuius nullum in Rep. unquam monumentum fuit: mors, et cruciatus erat constitutus? ui de quā commodam defensionem excogitaris. malo me hercules id, quod tu defendis: his iudiciis populoq; ro- mano, quā id, quod ego in simulo: probari. malo in quā te, isti generi hominum, quā mercatoribus, & nauica- larijs inimicum, atq; infestum putari. meum enim cri- men auariciae te nimiae coarguit: tua defensio furoris ci- iusdam, & immanitatis, & inaudite crudelitatis, & pene nouae proscriptionis. Sed non licet me isto tanto bo- no Iudices uti: non licet. adsunt enim Puteoli tot: fre- quentissimi uenerunt ad hoc iudicium mercatores ho- mines locupletes, atq; honesti: qui partim socios suos, par- tim liberos ab isto spoliatos, in uincla coniectos, partim in uinclis necatos, partim se curi percussos esse dicēt. Hic uide quā me sis usurus æquo: cum ego Cranium te- stem produxero: qui suos liberos à te se curi percussos esse dicat: qui à te nauem suam, mercesq; repetat: refellito si poteris: meum testem deseram: tibi fauebo: te inquam adiunabo: ostendito illos cum Sertorio fuisse: à Dianio fu-

gentes ad Siciliam esse delatos. nihil est quod te malim  
 probare. nullum enim facinus, quod maiore supplicio di-  
 gnus sit: reperiri, neque proferri potest. Reducam iterum  
 Equitem romanum L. Flauium, si uoles. quoniam prio-  
 re actione, ut patroni tui diffident: nona quadam sapien-  
 tia, ut omnes intelligunt: conscientia tua, atque auctorita-  
 te meorum testium, testem nullum interrogasti: interro-  
 getur Flauius si uoles: qui nam fuerit L. Herennius is-  
 quem ille argentariam Lepti fecisse dicit: qui cum am-  
 plius centum ciues romanos haberet, ex conuentu Syra-  
 cusarum: qui eum non solum cognoscerent: sed etiam  
 lachrymantes, ac te implorantes defenderent: tamen a  
 te inspectantibus omnibus Syracusanis securi percus-  
 sus est. Hunc quoque testem meum refelli, et illum Heren-  
 nium sertorianum fuisse abs te demonstrari, et pro-  
 bari uolo. quid de illa multitudine dicemus eorum: qui  
 capitibus inuolutis in piratarum, captiuorumque; nume-  
 ro producebantur: ut securi ferirentur? quae ista nona  
 diligentia? quam ob causam abs te cogitata? ante L.  
 Flauij, ceterorumque; de L. Herennio uociferatio commo-  
 uebat? an M. Annij grauiissimi, atque honestissimi uir-  
 summa auctoritas paulo ante diligentiores timidioreque;  
 fecerat? qui nuper pro testimonio, non aduenam nescio  
 quem, nec alienum, sed eum ciuem romanum, qui omni-  
 bus in illo conuentu notus, qui Syracusis natus esset: a te  
 securi percussus esse dixit. Post hanc illorum uocifera-  
 tionem, post hanc communem famam, atque querimoniam,  
 non mitior in supplicio, sed diligentior esse cepit. capi-  
 tibus inuolutis ciues Ro. ad necem producere instituit.  
 quos tamen iacito necabat palam: quod homines in con-  
 uentu (id quod antea diximus) nimium diligenter pra-

donum numerū requirebant. Hæc in plebe Ro. te præ-  
 tore est constituta conditio: hæc negocij gerendi spes: hoc  
 capitis, uitæq; discrimen. parum ne multa mercatoribus  
 sunt necessario pericula subeunda fortunæ? nisi etiam  
 hæc formidines ab nostris magistratibus, atq; in nostris  
 prouincijs impendebunt? ad eam ne rem fuit hæc sub  
 urbana, ac fidelis prouincia Sicilia, plena optimorum  
 sociorum, et honestissimorum ciuium romanorū: quæ  
 ciues ro. omnes suis ipsa sedibus libentissime semper ac-  
 cepit: ut qui ex ultima Syria, atq; Aegypto nauigarent:  
 qui apud barbaros propter togæ nomen in honore ali  
 quo fuissent: qui ex prædonum insidijs, qui ex tempestu  
 tum periculis profugissent: in Sicilia securi ferirentur?  
 cum se iam domum uenisse arbitrarentur? Nam quid  
 ego de P. Gaudio Consano munice dicam Iudices? aut  
 qua ui uocis, qua grauitate uerborum, quo dolore animi  
 dicam? tamen si dolor me non deficiat. ut cætera mihi in  
 dicendo digna re, digna dolore meo suppetant, magis  
 elaborandum est. quod crimen eiusmodi est: ut, cum pri  
 mum ad me delatum est: usurum me illo non putarem.  
 tamen si enim uerissimum esse intelligebam: tamen credi  
 bile fore non arbitrabar. coactus lachrymis omnium  
 ciuium Ro. qui in Sicilia negociantur: adductus Valē-  
 tinorum hominum honestissimorū testimonijs, omniūq;  
 Rheginorum, multorumq; Equitum Ro. qui casu tum  
 Messanæ fuerunt: dedi tantum priore actione testimo-  
 nium: res ut nemini dubia esse posset. quid nunc agam?  
 cum iā tot horas de uno genere, ac de istius nefaria cru-  
 delitate dicam: cum prope omnem uim uerborum eius-  
 modi, quæ scelere istius digna sunt: alijs in rebus con-  
 sumpserim: neq; hoc prouiderim: ut uarietate criminū



nos attentos tenerē: quemadmodum de tanta re dictum?  
 opinor unus modus, atq; una ratio est. rem in medio po-  
 nam: quæ tantum habet ipsa gravitatis: ut neque mea,  
 quæ nulla est: neq; cuiusquam, ad inflāmandos uestros  
 animos eloquentia requiratur. Gaius hic, quem dico,  
 Consanus, cum illo numero ab isto in uincla coniectus  
 esset: & nescio qua ratione, clam ē lautumijs profugisset:  
 Messanamq; uenisset: qui propē iam Italiā, & mœnia  
 Rheginorū uideret: & ex illorum metu mortis, ac tene-  
 bris, quasi luce libertatis, et odore aliquo legum recrea-  
 tus, reuixisset: loqui Messanæ cœpit: & queri, se in uin-  
 cla esse coniectum: sibi recta iter esse Romam: Verri se  
 præsto aduenienti futurū. non intelligebat miser: nihil  
 interessē, utrū hæc Messanæ, an apud ipsum in prætorio  
 loqueretur. nam, ut ante uos docui: hanc sibi iste urbem  
 delegerat: quā haberet adiutricē scelerum, furtorū rece-  
 ptricem, flagitiorū omniū sociā. Itaq; ad magistratū Ma-  
 murtinū statim deducitur Gaius: eoq; ipse die casu Mes-  
 sanam Verres uenit. res ad eum defertur: esse ciuem ro-  
 manum: qui se Syracusis in Lautumijs fuisse querere-  
 tur: quē iam ingredientem nauem, & Verri numis atro-  
 citer minitantem, a se retractum esse: & asseruatum: ut  
 ipse in eum statueret, quod uideretur. Agit hominibus  
 gratias: & eorum erga se beneuolentiā diligentiamq;  
 collaudat. ipse inflammatus scelere, et furore, in forū ue-  
 nit. ardebant oculi: toto ex ore crudelitas emnebat. ex-  
 pectabāt oēs, quo tandē progressurus, aut quidnā actus-  
 rus esset: cū repente hoīem proripi, atq; in foro medio nu-  
 dari, ac deligari, et uirgis expediri iubet. clamabat ille  
 miser, se ciuē esse romanū, municipē Cossanū: meruisse se  
 cū L. Precioso plēdidissimo Equite romano: q̄ Panormi ne-

gocaretur: ex quo hæc Verres scire posset. tum iste, se cō-  
 perisse ait, eum speculandi causa in Siciliam, ab dua-  
 bus fugitivorū esse missum. cuius rei neq; index, neq; ue-  
 stigium aliquod, neq; suspicio cuiquam esset ulla. deinde  
 iubet undiq; hominem proripi: uehementissimēq; uerbera-  
 ri. Cedebatur uirgis in medio foro Messanæ ciuis ro-  
 manus Iudices: cum interea nullus gemitus, nulla uox  
 alia istius miseri inter dolorem, crepitumq; plagarum  
 audiebatur: nisi hæc: ciuis Romanus sum. hæc se comme-  
 moratione ciuitatis, omnia uerba depulsurum, crucia-  
 tumq; à corpore deiecturum, arbitrabatur. is non modo  
 hoc non perfecit, ut uirgarū uim deprecaretur: sed cum  
 imploraret sæpius, usurparetq; nomen ciuitatis: crux,  
 crux inquam infelici, et eruminoso, qui nunquam istam  
 potestatem uiderat: comparabatur. O' nomen dulce li-  
 bertatis: O' ius eximium nostræ ciuitatis: O' lex Portia,  
 legesq; Sempronie: O' grauiter desiderata, & aliquā-  
 do reddita plebi romanæ tribunitia potestas: hucino tan-  
 dem omnia reciderunt. ut ciues Ro. in provincia popu-  
 li romani, in oppido fœderatorum, ab eo, qui beneficio  
 populi ro. fasces, & seures haberet: deligatus in foro uir-  
 gis cederetur? quid cum ignes, ardentesq; laminæ, cæte-  
 riq; cruciatus admouebantur? si te illius acerba implo-  
 ratio, & uox miserabilis, non inhibebat: ne ciuiū qui-  
 dem romanorum, qui tum aderant: fletu, & gemitu ma-  
 ximo commouebare? in crucem tu agere ausus es quen-  
 quam: qui se ciuem romanum esse diceret? Nolui tam ue-  
 hementer agere hoc prima actione Iudices: nolui. uidi-  
 stis enim ut animi multitudinis in istum dolore, & odio,  
 & communis periculi metu concitarentur. statui egomet  
 mihi, tum modum orationi meæ, & C. Numitorio Equi

ti Ro. primo homini, testi meo: & Glabrimonem id quod  
 sapientissime fecit, facere letatus sum: ut repente consilio  
 in medio testem dimitteret. & enim uerebatur ne po-  
 pulus Ro. ab isto eas poenas ui repetisse uideretur: quas  
 ueritus esses, ne iste legibus, & uestro iudicio non esset  
 persoluiturus. Nunc quoniam iam exploratum est omni-  
 bus, quo loco causa tua sit: & quid de te futurum sit: sic  
 tecum agam. Gaium istum, quem repentinum specula-  
 torē fuisse dicis: ostendam in lautumias Syracusis a te es-  
 se coniectum: neq; id solum ex literis ostendam Syra-  
 cusanorum: ne possis dicere me, quia sit aliquis in li-  
 teris Gaius, hoc fingere, & eligere nomen: ut hunc  
 illum esse possim dicere: sed secundum arbitrium tu-  
 um testes dabo: qui istum ipsum Syracusis abs te in lau-  
 tumias coniectum esse dicant. producam etiam Cassanos  
 municipes illius, ac necessarios: qui te nunc sero doce-  
 ant: iudices non sero: illum P. Gaium, quem tu in crisi-  
 cem egisti: cuem Ro. & municipem Cassanum, non spe-  
 culatorem fugitiuorum fuisse. Cum hæc omnia, quæ pol-  
 liceor: cumulate tuis proximis plana fecero: tum istuc  
 ipsum tenebo: quod abs te mihi datur. eo contentum me es-  
 se dicam. quid enim nuper, tu ipse, cum populi Ro. cla-  
 more, atq; impetu perturbatus exiluisti: quid inquam lo-  
 cutus es? illum, quod moram supplicio quæreret: ideo  
 clamitasse, se esse cuem romanum. sed speculatorem fuis-  
 se. iam mei testes ueri sunt. quid enim dicit aliud C. Nu-  
 mitorius? quid M. P. Cotij nobilissimi homines, ex agro  
 Taurominitano? quid Q. Luceius? qui argentariam  
 Rhegi maximam fecit? quid enim cæteri? adhuc enim  
 testes ex eo genere a me sunt dati: non qui nouisse Ga-  
 nium: sed qui se uidisse dicerent: cum is, qui se cuem

Ro. esse clamaret: in crucem ageretur. hoc tu Verres idē  
dicis: hoc tu confiteris: illum clamitasse, se ciuem esse roma-  
num: apud te nomen ciuitatis ne tantum quidē ualuisse:  
ut dubitationem aliquam crucis, ut crud. lissim, teterri-  
mūq; supplicij aliquam paruam moram saltem posset af-  
ferre. hoc teneo: hic hāreo Iudices: hoc sum cōtentus uno:  
omitto, ac negligo cetera: sua confessione induatur, ac in-  
guletur necesse est. qui esset, ignorabas? speculatorem es-  
se suspicabare? non quero qua suspitione: tua te accuso  
oratione. ciuem Ro. se esse dicebat. si tu apud Persas, aut  
in extrema India deprehensus Verres, ad supplicium  
ducerere: quid aliud clamitares: nisi te ciuem esse ro-  
manum? Et si tibi ignoto, apud ignotos, apud barba-  
ros, apud homines in extremis, atq; ultimis gentibus po-  
sitos, nobile, Et illustre apud omnes nomen tuæ ciuita-  
tis profuisset: ille, quisquis erat: quem tu in crucem ra-  
picbas: qui tibi esset ignotus: cum ciuem se Ro. esse dice-  
ret: apud te prætorem si nō effugū, ne moram quidē mor-  
tis mentione, atq; usurpatione ciuitatis assequi potuit?  
Homines tenues, obscuro loco nati nauigant: adeunt ad  
ea loca: quæ nunquam antea uiderunt: ubi neq; noti esse  
ijs, quo uenerunt: neque semper cum cognitoribus esse  
possunt. hac una tamen fiducia ciuitatis non modo apud  
nostros magistratus, qui Et legum, Et existimationis pe-  
riculo continentur: neq; apud ciues solum romanos, qui  
Et sermonis, Et iuris, Et multarum rerum societate in-  
eti sunt: fore se tutos arbitrantur: sed, quocunq; uenerint:  
hanc sibi rem præsidio sperant esse futurum. tolle hanc  
spem: tolle hoc præsidium ciuibus romanis: constitue ni-  
hil esse opis in hac uoce: ciuis romanus sum: posse impu-  
ne prætorem, aut alium quemlibet supplicium, quod ue-



lit, in eum constituere, qui se ciuem Ro. esse dicat: quod quis ignoret: iam omnes prouincias, iam omnia regna, iam omnes liberarum ciuitates, iam omnem orbem terrarum, qui semper nostris hominibus maxime patuit: ciuibus romanis ista defensione praeluseris. Quid si L. Precum Eqtem romanum, qui tum in Sicilia: nominabatur? etiam ne id magnum fuit? Panormum literas mittere: afferuasse hominem: custodis Mamertinorum tuorum uinctum, clausum habuisse: dum Panormo Precus ueniret: cognosceret hominem: aliquid de summo supplicio remitteres: si ignoraret: tum, si ita tibi uideretur: hoc iuris in omnes constitueres: ut, qui neque tibi notus esset: neque cognitorem locupletem daret: quamuis ciuis Ro. esset: in crucem tolleretur. Sed quid ego plura de Gauius? quasi tu Gauius tum fueris infestus: ac non nomini, generi, iuri ciuium hostis: non illi inquam homini: sed causae communi libertatis inimicus fuisti. quid enim attinuit, cum Mamertini more, atque instituto suo crucem fixissent post urbem, in uia Pompeia: te iubere in ea parte figere: quae ad fretum spectaret? Et hoc addere, quod negare nullo modo potes: quod omnibus audientibus dixisti palam: te iatro illum locum deligere: ut ille, qui se ciuem Ro. esse diceret: ex cruce Italiam cernere, ac domum suam prospicere posset. Itaque illa crux sola Iudices post conditam Messanam illo in loco fixa est. Italiae spectus ad eam rem ab isto delectus est: ut ille in dolore, cruciatuque moriens, pangusto freto diuisa seruitutis, ac libertatis iura cognosceret: Italia autem alumnum suum, seruitutis extremo, summoque supplicio affixum uideret. Facinus est uinciri ciuem romanum: scelus uerberari: prope parricidium neatri: quid dicam in crucem tollere? uerbo satis di-

igno tam nefaria res appellari nullo modo potest. non fuit his omnibus iste contentus. spectet inquit patriam: in conspectu legum, libertatisq; moriatur. non tu hoc loco Gauium, non unū hominem, nescio quē, ciuē romanū, sed communem libertatis, & ciuitatis causam in illū cruciatum, & crucem egisti. Iam uero uidete hominis audaciā. non ne eum grauius tulisse arbitramini? quod illam ciuibus Ro. crucem, non posset in foro, non in comitio, non in rostris defigere? quod enim his locis in prouincia sua celebritate simillimum, regione proximum, potuit: elegit: monumentum sceleris, audaciæq; suæ uoluit esse in conspectu Italiae, uestibulo Siciliae, praeuerectio-  
ne omnium: qui ultro citroq; nauigarent. si hæc non ad ciues romanos, non ad aliquos amicos nostræ ciuitatis, non ad eos, qui populi romani nomen audissent: deniq; si non ad homines, uerum ad bestias, aut etiam, ut longius progrediar: si in aliqua desertissima solitudine ad saxa, & ad scopulos hæc conqueri, & deplorare uellem: tamen omnia muta, atq; inanima, tanta, & tam indigna rerum atrocitate commouerentur. nunc uero, cum loquar apud Senatores populi Ro. legum, iudiciorumq; & iuris auctores: timere non debeo: ne nō unus iste ciuis Ro. illa cruce dignus, cæteri omnes simili periculo indignissimi iudicentur. Paulo ante Iudices lachrymas in morte misera, atq; indignissima Nauarchorum non tenebamus: & recte, ac merito sociorum innocentū miseria commouebamur. quid nunc in nostro sanguine tandem facere debemus? nam ciuium Ro. sanguis coniunctus existimandus est: quoniam id & salutis omnium ratio, & ueritas omnium postulat. omnes hoc loco ciues Ro. & qui adsunt: & qui ubicunq; sunt: uestrā

seueritatem desiderant: uestram fidem implorant: uestrum auxilium requirunt: omnia sua iura, commoda, auxilia, totam deniq; libertatem, in uestris sententijs uersari arbitrantur. A me, tamen si satis habent: tamen si res aliter acciderit: plus habebunt fortasse: q̃ postulant. nam & si quis istum de uestra seueritate eripuerit: id quod neq; metuo Iudices: neq; ullo modo fieri posse uideo: sed si in hoc me ratio fefellerit: Siculi causam suam perisse querentur: et mecum pariter moleste ferent: populus quidem Romanus breui, quoniā mihi potestatem apud se agendi dedit: ius suum, me agente, suis suffragijs ante Cal. febr. arias recuperabit. Ac si de mea gloria, & amplitudine queritis Iudices: non est alienum meis rationibus, istum mihi ex hoc iudicio ereptum ad illud populi Ro. iudiciū reservari. splendida est illa causa, probabilis mihi, et facilis: populo grata, atq; iucunda. deniq; si uideor hic, id quod ego nō quæsiui: de uno isto uoluisse crescere: isto absoluto, quod sine multorū scelere fieri non potest: de multis mihi crescere licebit. Sed me hercules uestra, rei; publicæ causa Iudices, nolo hoc in hoc delecto consilio tantum flagitium esse commissum: nolo eos iudices, quos ego probarim: atq; delegerim: sic in hac urbe notatos, isto absoluto ambulare: ut non cera, sed ceno obliti esse uideantur. Quamobrem te quoq; Hortensi, quia monendi locus est: ex hoc loco moneo: uideas ē, atq; ē: et consideres: quid agas: quo progrediare: quem hominem, & qua ratione defendas. neq; de illo quicquam tibi præfinio: quominus ingenio mecum, atq; omni dicendi facultate contendas. cætera, si qua putas te occultius extra iudicium, quæ ad iudicium pertinent: facere posse: si quid artificio, consilio, potentia, gratia, corpūs istius, moliri cogitas: ma-

gnopere censeo desistas: & illa quæ tentata iam, & crepta ab isto sunt: à me autem peruestigata, & cognita: moneo ut extinguas: & longius progredi ne sinas. magno tuo periculo peccabitur in hoc iudicio: maiore quàm putas. quod enim te liberatum iam existimationis metu, desunctum honoribus, designatum cons. cogites: mihi crede ornamenta ista, & beneficia populi Ro. non minore negotio retinentur: quàm comparantur. tulit hæc ciuitas, quoad potuit: quoad necesse fuit: regiam istam uestram dominationem in iudicijs, & in omni republica: tulit. sed quo die populo Ro. Tribuni pl. restituti sunt: omnia ista nobis (si forte nondum inteligitis) adempta, atq; crepta sunt. omnium nunc oculi coniecti sunt hoc ipso tempore in unumquemque nostrum: qua fide ego accusem: qua religione hi iudicent: qua tu ratione defendas. de omnibus nobis, si quis tantulum de recta regione deflexerit: non illa tacita existimatio, quam antea contemnere solebatis: sed uehemens, ac liberum populi Ro. iudicium consequetur. nulla tibi Quinte cum isto cognatio est: nulla necessitudo: quibus excusationibus antea, numquam in aliquo iudicio studium tuum defendere solebas: earum habere in hoc homine nullam potes: quæ iste in provincia palam dictitabat: cum ea, quæ faciebat: tua se fiducia facere dicebat: ea ne uera putentur: tibi maxime est prouidendum. Ego mei iam rationem officij confido esse omnibus iniquissimis meis persolutam. nam istum, paucis horis primæ actionis omnium mortalium sententijs condemnauimus. reliquum iudicium non iam de mea fide, quæ per spectata est: neq; istius uita, quæ damnata est: sed de iudicijs, & uere ut dicam, de te futurum est. at quo tem-



pore futurum est? nam id maxime prouidendum est. et-  
 enim cum omnibus in rebus, tum in Rep. permagni mo-  
 menti est, ratio, atq; inclinatio temporum. nepe eo: cum  
 populus ro. aliud genus hominum, atq; alium ordinem  
 ad res iudicandas requirit: nempe ea lege iudicys, iudi-  
 cibusq; nobis promulgata, quam non is promulgauit:  
 cuius nomine proscriptam uidetis: sed hic reus. hic in-  
 quam sua spe, atq; opinione, quam de uobis habet. le-  
 gem illā scribendam, promulgandamq; curauit. Itaq;  
 cum primo agere coepimus: lex non erat promulgata:  
 cum iste uestra seueritate permotus, multa signa dede-  
 rat, quamobrem quibus responsurus non uideretur: men-  
 tio de lege nulla fiebat. posteaquam iste recreari, &  
 confirmari uisus est: lex statim promulgata est: cui legi  
 cum uestra dignitas uehementer aduersaretur: istius spes  
 falsa, & insignis impudentia maxime suffragatur. Hic  
 siquid erit commissum à quoquam uestrum: quod repre-  
 hendatur: aut populus ro. iudicabit de eo homine, quem  
 iam antea iudicys indignū putauit: aut hi, qui propter  
 offensionem iudiciorum de ueteribus iudicys lege noua  
 noui iudices erunt constituti. mihi porro, ut ego non di-  
 cam: quis omnium mortalium non intelligit, quam lon-  
 ge progredi sit necesse? potero silere Hortensi? potero  
 dissimulare? cum tantum Resp. uulnus acceperit: ut ex-  
 pilatæ prouinciæ, uexati socj, dij immortales spoliati,  
 ciues Ro. cruciati, & necati impune me actore esse ui-  
 deantur? potero hoc ego onus tantum, aut in hoc iudi-  
 cio deponere? aut diutius tacitus sustinere? non agitando  
 res erit? non in medium proferenda? non Populi Ro. fi-  
 des imploranda? non omnes, qui tanto se scelere obstrin-  
 xerint: ut aut fidem suam corrumpi paterentur: aut iu-  
 dicium

dicium corrumpent: in discrimen, ac iudicium uocandi? Quæret aliquis fortasse: tantum ne igitur laborem, tantas inimicitias, tot hominum suscepturus es? non studio quidem hercule ullo, neq; uoluntate. sed non idem mihi licet: quod is, qui nobili genere nati sunt: quibus omnia Populi Ro. beneficia dormientibus deferuntur. longe alia mihi lege in hac ciuitate, et conditione uiuendum est. uenit enim mihi in mentem M. Catonis hominis sapientissimi: qui cum se uirtute, non genere Populo Ro. commendari putaret: cum ipse sui generis initium, ac nominis, ab se gigni, et propagari uellet: hominum potentissimorum suscepit inimicitias: et maximus in laboribus usq; ad summam senectutem, summa cum gloria uixit. posteaq; Pompeius humili, atq; obscuro loco natus non ne plurimus inimicitijs, maximusq; suis periculis, ac doloribus amplissimos honores est adeptus? modo L. Fimbriam, C. Marium, C. Celiū uidimus non mediocribus inimicitijs, ac laboribus contendere: ut ad istos honores peruenirent: ad quos uos per ludum, ac negligentiam peruenistis. Hæc eadem est nostræ rationis regio, et uia: horum nos hominum sectam, atq; instituta persequimur. uidemus quanta sit in inuidia, quantoq; in odio apud quosdam homines nobiles, nonorum hominum uirtus, et industria: si tantulum oculos deiecerimus: præsto esse insidias: si ullū locum aperuerimus suspicioni aut crimini: accipiendum esse statim uulnus: esse nobis semper uigilandum, semper laborandum uidemus. inimiciæ sunt: subeantur labores: suscipiatur. et enim tacite magis, et occulte inimiciæ timendæ sunt: quàm indictæ, et apertæ. hominum nobiliū non fe-

## IN VERREM


re quisquam nostræ industriæ fauet: nullis nostris officiis beniuolentiam illorum allicere possumus: quasi natura, et genere disiuncti sint: ita dissident à nobis animo, ac uoluntate. quare quid habent eorum inimicitie periculi? quorum animos iam ante habueris inimicos, et inuidos: quàm ullas inimicitias susceperis? Quam obrem mihi Iudices optandum est illud: in hoc reo finem accusandi facere: cum et populo Ro. satisfactum: et receptum officium Siculis necessarijs meis erit persolutum. deliberatum autem est: si res opinionem meam, quam de uobis habeo: sefellerit: non modo eos persequi: ad quos maxima culpa corrumpendi iudicij, sed etiam illos, ad quos conscientie contagio pertinebit. Proinde si qui sunt: qui in hoc reo, aut potentes, aut audaces, aut artifices ad corrumpendum iudicium uelint esse: ita sint parati: ut disceptante populo Ro. mecum sibi rem uideant futuram. Et si me in hoc reo, quem mihi inimicum Siculi dederunt: satis uehementem, satis perseuerantem, satis uigilantem esse cognorunt: existiment in his hominibus, quorum ego inimicitias populi Ro. salutis causa suscepero: multo grauiorem, atque acriorem futurum. Nunc te Iupiter Optime Maxime, cuius iste donum regale, dignum tuo pulcherrimo templo, dignum Capitolio, atque ista arte omnium nationum, dignum regio munere, tibi factus ab regibus, tibi dicatum, atque promissum per nefarium scelus de regijs manibus extorsit: cuiusque sanctissimum, et pulcherrimum simulachrum Syracusis sustulit: teque Iuno Regina, cuius duo fana duabus in insulis posita sociorum, Melitæ, et Sami, sanctissima, et antiquissima simili scelere idem iste omnibus bonis, ornamentisque nu-

dauit: teq; Minerva, quam iste duobus in clarissimis, & religiosissimis tēplis expilauit: Athenis, cum auri grana pondus, Syracusis, cum omnia præter tectum, et parietes abstulit: teq; Latona, & Apollo, & Diana, quorū iste Deli non sanum, sed, ut hominum opinio, & religio fert: sedē antiquā, diuinūq; domicaliū nocturno latrocinio, atq; impetu compilauit: etiam te Apollo, quē iste Chios sustulit: teq; etiam, atq; etiam Diana, quam Pergæ spoliauit: cuius simulachrum sanctissimum Segestæ, bis apud Segestanos consecratū, semel ipsorū religione, iterū P. Africani uictoria, tollendū, asportandumq; curauit: teq; Mercuri, quē Verres in uilla, et in priuata aliqua palestra posuit: P. Africanus in urbe sociorum, & gymnasio Tyndaritanorum, inuentus illorum custodem, et præsidem uoluit esse: teq; Hercules, quem iste Agrigenti nocte in tempesta, seruorum instructa, et comparata manu conuellere ex suis sedibus, atq; auferre conatus est: teq; sanctissima mater Idea, quam apud Enguinis augustissimo, et religiosissimo in templo sic spoliatam reliquit: ut nunc nomen modo Africani, et uestigia uiolatæ religionis maneant: monumenta uictoriæ fanūq; ornamenta non extent: uosq; omniū rerum forēsium, consiliorum maximorum, legū, iudiciorumq; arbitri, et testes, celeberrimo in loco prætorij locati Castor, et Pollux, quorū ē templo quæstum sibi iste, & prædā maximam improbissime cōparaui: omnesq; dij, qui uehiculis Thersarum solennes cætus ludorū initis: quorū iter iste ad suum quæstum, nō ad religionū dignitatem faciendū, exigendumq; curauit: teq; Ceres, et Libera, quarū sacra, sicut opiniones hominū, ac religiones ferunt: longe maxi-



mis, atq; occultissimis ceremonijs continentur: à quibus in-  
 tra uitæ, atq; uictus, legum, morum, mansuetudinis, hu-  
 manitatis exēpla hominibus, & ciuitatibus data, ac di-  
 spersa esse dicuntur: quarum sacra Populus Ro. à græ-  
 cis ascita, & accepta, tanta religione, & publice, et pri-  
 uatim tuetur: non ut ab alijs huc allata, sed ut cæteris  
 hinc tradita esse uideantur: quæ ab isto uno sic pollu-  
 ta, & uiolata sunt: ut simulacrum Cereris unū, quod  
 à uiro non modo tangi, sed ne aspici quidem fas fuit: è sa-  
 crario Catinæ conuellendum, auertendumq; curaue-  
 rit: alterum autem Ennæ ex sua sede, ac dōmo sustule-  
 rit: quod erat tale: ut homines cum uiderent, aut ipsam  
 uidere se Cererem, aut effigiem Cereris non humana  
 manu factam esse: sed cælo delapsam arbitrarentur: uos  
 etiam, atq; etiam imploro & appello sanctissimæ deæ,  
 quæ illos Ennenses lacus, lucosq; colitis: cunctæq; Sici-  
 liæ, quæ mihi defendēda credita est: præsidetis: quibus,  
 inuentis frugibus, & in orbem terrarum distributis, om-  
 nines gentes, ac nationes uestri religione numinis conti-  
 nentur: cæteros item deos, deasq; omnes, imploro: atq; ob-  
 testor: quorum templis, & religionibus iste nefario quo-  
 dam furore, & audacia instinctus, bellum sacrilegum  
 semper, impiumq; habuit indictum: ut si in hoc reo,  
 atq; in hac causa, omnia mea consilia ad salutem socio-  
 rum, dignitatem populi romani, fidem meam spectau-  
 runt: si nullam ad rem, nisi ad officium, & ueritatem  
 omnes meæ curæ, uigiliæ, cogitationesq; laborarūt: quæ  
 mea mens in suscipienda causa fuit: fides in agenda: ea-  
 dem uestra in iudicanda sit. deniq; uti C. Verre, si eius  
 omnia sunt inaudita, et singularia facinora sceleris, au-

dacæ, perfidiæ, libidinis, auariciæ, crudelitatis: dignus  
 exitus eiusmodi uitæ, atq; factis uestro iudicio consequa-  
 tur: uiq; respublicæ, meaq; fides, una hac accusatione mea  
 contenta sit: mihiq; post hac bonos potius defendere li-  
 ceat: quàm improbos accusare necesse sit.



PRO M. FONTEIO.  
ORATIO XI.

Desunt permultæ.

— Hoc prætor oppressam esse ære alieno Galliam. à quibus uersuras tantarum pecuniarum factas esse dicunt. à Gallis. nihil minus. à quibus igitur. à ciuibus romanis: qui negotiantur in Gallia. cur eorum uerba non audimus? cur eorum tabulæ nullæ proferuntur? insector ultro: atq; in isto accusatori Iudices: insector inquam: ac flagito testis. plus ego in hac causa laboris, et operæ consumo, in poscendis testibus: quàm cæteri defensores, in refutandis. audacter hoc dico Iudices: non temere confirmo. referta Gallia negociatorum est: plena ciuium romanorum. nemo Gallorum sine ciue Ro. quicquid negocij gerit: nummus in Gallia nullus sine ciuium Rotabulis commouetur. uidete quo descendam Iudices: quod longe uidear à consuetudine mea, et cautione, ac diligentia discedere. unæ tabulæ proferantur: in quibus uel si quid sit aliquod: quod significet pecuniam Fonteio datum: unum ex toto negociatorum, colonorum, publicanorum, aratorum, pecuariorum, numero testem producant: uere accusatum esse concedam. Pro diu immortales, quæ est hæc causa? quæ defensio? Prouinciæ Gallie M. Fonteius præfuit: quæ constat ex his generibus hominum, et ciuitatum: qui (ut uetera mittam) partim nostra memoria, bella cum Populo Ro. acerbæ, ac diuturnæ gesserunt: partim modo ab nostris imperatoribus



subacti, modo bello domiti, modo triumphis ac monumentis notati, modo ab Senatu agris urbibusq; mulctati sunt: partim, qui cum ipso M. Fonteio ferrum, ac manus contulerunt: multoq; eius sudore ac labore sub Populi Ro. imperium, ditionemq; ceciderunt. est in eadem provincia Narbo martius, colonia nostrorum ciuium, specula Populi romani, ac propugnaculum istis ipsis nationibus oppositum, et obiectum. est item urbs Massilia: de qua ante dixi: fortissimorum, fidelissimorumq; sociorum: qui Gallicorum bellorum pericula Populi Ro. corporis, remissisq; compensarunt. est praeterea numerus ciuium Ro. atq; hominum honestissimorum. huic provinciae: quae ex hac gentium uarietate constaret: M. Fonteius (ut dixi) praefuit: qui erant hostes: subegit: qui proximi fuerant: eos ex ijs agris, quibus erant mulctati: decedere coegit: caeteris, qui ita rco magnis saepe erant bellis superati: ut semper Populo Ro. parerent: magnos equitatus ad ea bella, quae tum in toto orbe terrarum a Populo Ro. gerebantur: magnas pecunias, ad eorum stipendium, maximum frumenti numerum ad Hispaniense bellum tolerandum, imperauit. is, qui gessit: in iudicium uocatur: uos, qui in re non interfuistis: causam una cum Populo Ro. cognoscitis. dicunt contra, quibus inuitissimus imperatum est: dicunt, qui ex agris ex Cn. Pompeij decreto decedere sunt coacti: dicunt, qui ex bello, caede, & fuga nunc primum audent contra M. Fonteium inermem consistere. quid coloni Narbonenses? quid uolunt? quid existimant? hunc per uos uolunt, se per hunc incolumes existimant esse. quid Massiliensium ciuitas? hunc praesentem ijs affectu honoribus: quos habuit amplissimos: uos autem absens orat: atq; obsecrat: ut sua religio, lau-

datio, authoritas, aliquid apud uestros animos momen-  
 ti habuisse uideatur. quid? ciuium Ro. quæ uoluntas est?  
 nemo est ex tanto numero: quin hunc optime de prouin-  
 cia, de imperio, de socijs, & ciuibus meritum esse arbi-  
 tretur. Quoniam igitur uidetis, qui oppugnent M. Fon-  
 teium: cognoscitis qui defensum uelint: statuite nunc, qd  
 uestra æquitas, quid Populi Ro. dignitas, postulet: uirū  
 colonis uestris, negotiatoribus uestris, amantissimis, atq; an-  
 tiquissimis socijs, & credere, & consulere malitis: an  
 his, quibus neq; propter iracundiam fidem, neq; propter  
 infidelitatem honorem habere debetis. quid si maiorem  
 etiam hominum honestissimorum copiam affert: qui hu-  
 ius uirtuti, atq; innocentie testimonio possint esse? tamen  
 ne plus Gallorum consensio ualebit? quam summa au-  
 thoritas omnium? Cum Gallie Fonteius præesset: scitis  
 Iudices maximos Populi Ro. exercitus in duabus Hispa-  
 nijs, clarissimosq; imperatores fuisse. quam multi Equi-  
 tes romani, quam multi Tri. militum, quales, & quot, et  
 quotiens legati ad eos exercitus? præterea Cn. Pompeius  
 maximus, atq; ornatissimus hyemauit in Gallia, M. Fon-  
 teio imperante. satis ne uobis multos, satis idoneos testes,  
 & conscios uidetur ipsa fortuna esse uoluisse earum re-  
 rum: quæ M. Fonteio prætore gererentur in Gallia? quæ  
 ex tanto hominum numero testem in hac causa produ-  
 cere potestis? quis est ex eo numero: qui uobis author pla-  
 ceat? eo nos iam laudatore & teste utemur. Dubitabi-  
 tis etiam diutius Iudices: quin illud, quod initio uobis  
 proposui: uerissimum sit: aliud per hoc iudiciū nihil agi:  
 nisi ut M. Fonteio oppresso testimonijs eorum, qbus mul-  
 ta Reip. causa inuitissimis imperata sunt: se gniores  
 posthac ad imperandum cæteri sint: cum uideant eos

oppugnari: quibus oppressis populi romani imperium  
 incolume esse non possit. Obiectum est etiam: quæ-  
 stum M. Fonteium ex uiarum munitione fecisse: ut aut  
 ne cogeret munire: aut id, quod munitum esset: ne im-  
 probaret. si & coacti sunt munire omnes: et multorum  
 opera improbata sunt: certe utrunq; falsum esset: & ob  
 uacationem precium datum: cum immunis nemo fuerit:  
 et ob probationem, cum multa improbata sint. quid?  
 si hoc crimen optimis nominibus denegare possumus: &  
 ita: ut non culpam in alios transferamus: sed uti docea-  
 mus: eos isti munitioni præfuisse: qui facile officium suū,  
 & præstare, & probare possunt: tamen ne uos omnia  
 in M. Fonteium iratis testibus freti conferetis? Cum ma-  
 ioribus Reip. negocijs M. Fonteius impediretur: & cum  
 ad Remp. pertineret, uiam Domitiam munire: legatis su-  
 is primarijs uiris C. Annio Bellieno, & C. Fonteio, ne-  
 gotium dedit: itaq; præfuerunt: imperauerunt pro di-  
 gnitate sua, quod uisum est: & probauerunt. quod uos,  
 si nulla alia ex re, ex literis quidem uestris, quas scri-  
 psistis: & missis, & allatis, certe scire potuistis. quas si  
 antea non legistis: nunc ex nobis quid de ijs rebus Fon-  
 teius ad legatos suos scripserit: quid ad eum illi rescri-  
 pserint: cognoscite. Lege M. ad C. Annium legatum  
 ad C. Fonteium legatum. Lege à C. Annio legato, à  
 C. Fonteio legato. Satis opinor esse perspicuum Iudi-  
 ces: hanc rationem munitionis, neq; ad M. Fonteium per-  
 tinere: & ab his esse tractatam: quos nemo possit repre-  
 hendere. Cognoscite nunc de crimine Vinario: quod il-  
 li inuidiosissimum & maximū esse uoluerunt. Cri-  
 men à Pletorio Iudices ita constitutum est: Fonteio non  
 in Gallia primum uenisse in mentem: ut portorium uini

*institueret: sed in Italia hac proposita ratione Roma  
profectum. Itaq; Titium Tolosæ quaternos denarios  
in singulas uini amphoras portory nomine exegisse. Cro-  
dimum Portium & Numium ternos uictoriatos. nul-  
chalone serene umbinos & uictoriatos mille. atq; in  
his locis se crodimi & nulchalone ab his portorium  
esse exactum: si qui Cobiamacho: qui uicus inter Tolo-  
sam & Narbonem est, diuerterentur: neq; Tolosam ire  
uellent. Elefiodolus tantum senos denarios ab his: qui  
ad hostem portarent exegissent. Video Iudices esse cri-  
men & genere ipso magnum. Veltigal enim esse imposi-  
tum fructibus nostris dicitur: & pecuniam per magna  
rationem ista cogi potuisse confiteor & inuidiam. Vel  
maxime enim inimici hanc rem sermonibus diuulgare  
uoluerunt. Sed ego ita existimo quo maius crimen sit id  
quod ostendatur esse falsum, hoc maiorem ab eo iniuriã  
fieri qui id confingat. Vult enim magnitudine rei sic  
occupare animos eorum: qui audiunt: ut difficilis aditus  
ueritati relinquatur. -*

*Desideratur quæ de crimine Vinario erant reliqua. nec  
non, quæ ad bellum Vocontiorum, et dispositionem hy-  
bernorum pertinebant.*



At hoc Galli negant. Actio rerum & ius argumen-  
 torum coargui potest. Igitur testibus Iudices non crede-  
 re cupidis, & iratis, & coniuratis, & ab religione re-  
 motis, non solum potestis: sed etiā debetis. etenim si, quia  
 Galli dicunt: iacoco M. Fonteius nocens existimandus  
 est: quid mihi opus est sapiente iudice? quid a quo quæsi-  
 tore? quid oratore non stulto? dicunt enim Galli. nega-  
 re non possumus. hic si ingeniosi, & periti, & æqui iu-  
 dicis has partes esse existimatis: ut quoniam quidem testes  
 dicunt: sine ulla dubitatione credendum. sit: salus ipsa ui-  
 torum fortium innocentia tueri non potest. sin autem  
 in rebus iudicandis non minimā partem ad unāquāq;  
 rem existimandam, momentoq; suo ponderandam, sapi-  
 entia iudicis teneret: nā multo nostræ maiores grauioresq;  
 partes sunt ad cogitandum, quā ad dicendū meæ. mi-  
 hi enim semper unaquaq; de re, testis non solum semel,  
 uerum etiam breuiter interrogandus: & saepe etiam nō  
 interrogandus: ne aut irato facultas ad dicendum data,  
 aut cupido auctoritas attributa esse uideatur. uos et sæ-  
 pius eandem rem animus agitare: & diutius uno de te-  
 ste cogitare potestis. et si quem nos interrogare nolumus:  
 quæ causa nobis tacendi fuerit, existimare debetis.  
 Quamobrem si hoc Iudices præscriptum lege, aut offi-  
 cio putatis: testibus credere: nihil est, cur alius alio iudi-  
 ce melior, aut sapientior existimetur. unum est enim, &  
 simplex aurium iudicium, & promiscue, & commu-  
 niter stultis, ac sapientibus ab natura datum. quid est  
 igitur: ubi elucere possit prudentia? ubi discerni stultus  
 auditor, & credulus, ab religioso, & sapienti iudice?  
 nimirum illud: in quo ea, quæ dicuntur à testibus: con-  
 iectura, & cogitatione traduntur, quanta auctoritate,

quanta animi æquitate, quanto pudore, quanta fide, quan-  
 ta religione, quanto studio existimationis bonæ, quantæ  
 cura, quanto timore dicantur. An uero uos id in testimo-  
 nijs hominum barbarorum dubitabitis? quod persepe  
 et nostra, et patrum memoria sapientissimi Iudices  
 de clarissimis nostræ ciuitatis uiris dubitandum non pu-  
 tauerunt? qui Cn. et Q. Cepionibus, L. et Q. Me-  
 tellis testibus in Q. Pompeium hominem nouum non  
 crediderunt: quorum uirtuti, generi, rebus gestis, fidem  
 et auctoritatem, in testimonio, cupiditatis, atq; inimi-  
 ciarum suspicio derogauit. Ecquem hominem uidimus?  
 ecquem uere commemorare possumus? parem consilio,  
 grauitate, constantia, cæteris uirtutibus, honoris, inge-  
 nij, rerum gestarum ornamentis, M. Emilio Scauro fuis-  
 se? tamen huius, cuius iniurati nutu propè terrarum  
 orbis regebatur: iurati testimonio, neq; in C. Fimbriam,  
 neq; in C. Memmium creditum est. noluerunt ij, qui il-  
 dicabant: hanc patere inimicijs uiam: quem quisq; odis-  
 set: ut eum testimonio posset tollere. Quantus in L. Cras-  
 so pudor fuerit, quod ingenium, quantæ auctoritas, quis  
 ignorat? tamen is, cuius etiam sermo testimonij aucto-  
 ritatem habebat: testimonio ipso, quæ in M. Marcellum  
 inimico animo dixit: probare non potuit. Fuit, fuit il-  
 lis iudicibus diuinum ac singulare iudices consiliū: qui  
 se non solum de reo, sed etiam de accusatore, de teste,  
 iudicare arbitrabantur: quid fictum, quid fortuna, ac  
 tempore allatum, quid precio corruptum, quid spe, aut  
 metu deprauatum, quid à cupiditate aliqua, aut inimi-  
 cijs profectum uideretur. quæ si iudex non amplecte-  
 tur omnia consilio: non animo, ac mente circumspectet:  
 si quicquid ex illo loco dicitur: ex oraculo aliquo dici

arbitrabitur: profecto satis erit id, quod dixi antea: nō  
 surdum iudicem huic muneri, atq; officio præesse: nihil  
 erit quamobrem ille nescio quis sapiens homo, ac mul-  
 tarum rerum peritus ad res iudicandas regratur. An  
 uero illi Eqtes Ro. quos nos uidimus: qui nuper in Rep-  
 iudicijsq; maximis floruerunt: habuerunt tantum ani-  
 mi, tantum roboris: ut M. Scauro testi non crederent?  
 nos Belgarum, atq; Allobrogum testimonijs non credere  
 timetis? Si inimico testi credi non oportuit: inimicius Mar-  
 cello Crassus: an Fimbria Scaurus ex ciuilibus studijs,  
 atq; obrectatione domestica: quàm huic Galli? quorum,  
 qui optima in causa sunt: equites, frumentum, pecuniâ,  
 semel, atq; iterum, ac sæpius inuitissimi dare coacti sunt:  
 cæteri, partim ex ueteribus bellis agro mulctati: par-  
 tim ab hoc ipso, bello superati, & oppressi. Siqui ob  
 aliquod emolumentum suum cupidius aliquid dicere ui-  
 dentur: ijs credi non conuenit: credo maius emolumen-  
 tum Cepionibus, & Metellis propositum fuisse ex Q.  
 Pompeij damnatione: cum studiorum suorum obrectato-  
 rem sustulissent: quàm cunctæ Gallie ex M. Fonteii ca-  
 lamitate: in qua illa prouincia prope suam immunita-  
 tem, ac libertatem positam esse arbitratur. An si homi-  
 nes ipsos spectare conuenit (id quod in teste profecto ua-  
 lere plurimum debet) nō modo cum summis ciuitatis no-  
 stræ uiris, sed cum infimo ciue Ro. quisquam amplissi-  
 mus Gallie comparandus est? scit Indutimarus quid  
 sit testimonium dicere? mouetur eo timore quo nostrum  
 unusquisq; cum in eum locum productus est? Recordamini  
 Iudices quantopere laborare soleatis: non modo qd  
 dicatis pro testimonio: sed etiam quibus uerbis utamini:  
 nequod minus moderate positum, nequod ab aliqua re

piditate prolapsū uerbum esse uideatur. uultu deniq;  
laboratis: nequa significari possit suspicio cupiditatis: ne  
et cum proditis: existimatio sit quædam tacita de uobis  
pudoris, ac religionis: et cum disceditis: ea diligenter con  
seruata, ac retenta uideatur. credo hæc eadem Indutio  
marum in testimonio timuisse: aut cogitasse: qui primum  
illud uerbum consideratissimum nostræ consuetudinis;  
arbitror: quo nos etiā tunc utimur: cum ea dicamus iura  
ti, quæ comperta habemus: quæ ipsi uidimus: ex toto testi  
monio suo sustulit: atq; omnia se scire dixit. uerebatur  
enim uidelicet: ne quid apud uos populūq; Ro. de exi  
stimatione sua deperderet: nequa fama consequeretur eius  
modi: Indutiomarum talem uirum, tam cupide, tam te  
mere dixisse: non intelligebat, se in testimonio nihil præ  
ter uocem, et os, et audaciam neq; cuius suis, neq; ac  
cusatoribus nostris præstare debere. An uero istas na  
tiones religione iurisiurandi, ac metu deorum immor  
taliū in testimonijs dicendis commoueri arbitramini?  
quæ tantum à cæterarum gentium more, ac natura dis  
sentiunt: quod cæteræ pro religionibus suis bella susci  
piunt: istæ contra omnium religiones. illæ in bellis ge  
rendis ab dijs immortalibus pacem, ac ueniam petunt:  
istæ cum ipsis dijs immortalibus bella gesserunt. Hæ  
sunt nationes: quæ quondam tam longe ab suis sedibus,  
Delphos usq; ad Apollinem Pythium, atq; ad oraculū  
orbis terræ uexandum, ac spoliādum profectæ sunt. ab  
iisdem gentibus sanctis, et in testimonio religiosi, obse  
sum Capitolium est, atq; ille Iupiter: cuius nomine ma  
iores nostri sanctam testimoniorum fidem esse uolue  
runt. postremo his quicquam sanctum, ac religiosum  
uideri potest? qui, etiam si quando aliquo metu adducti



deos placandos esse arbitrantur: humanis hostijs eorum  
 aras, ac templa funestant: ut ne religionem quidem co-  
 lere possint: nisi eam ipsam prius scelere uiolarint. quis  
 enim ignorat eos, usq; ad hanc diem, retinere illam im-  
 manem, ac barbaram consuetudinem hominum immo-  
 landorum? quamobrem quali fide, quali pietate existi-  
 matis esse eos: qui etiam deos immortales arbitrentur ho-  
 minum scelere, & sanguine facillime posse placari? cū  
 his uos testibus uestram religionem coniungetis? ab his  
 quicquam sancte, aut moderate dictum putabitis? hoc  
 uestre mentes tam castę, tam integre sibi suscipient? ut  
 cum omnes legati nostri, qui illo triennio in Galliam ue-  
 nerunt: omnes Equites romani, qui in illa prouincia sue-  
 runt: omnes negotiatores eius prouincię, deniq; omnes in  
 Gallia, qui sunt socij Populi Ro. atq; amici: M. Fonteiu  
 incolumem esse cupiant: iurati priuatim & publice lau-  
 dent: uos tamen Gallis credere malitis? qd ut secuti esse  
 uideamini? uoluntatem ne hominum? grauior igitur uo-  
 bis erit hostium uoluntas, q̃ ciuium? an dignitatem te-  
 stium? potestis igitur ignotos notis, iniquos æquis, alie-  
 nigenas domesticas, cupidos moderatis, mercenarios gra-  
 tuitis, impios religiosis, inimicissimos huic imperio, ac  
 nomini, bonis, ac fidelibus, & socijs & ciuibus antefere-  
 re? An uero dubitatis Iudices? quin insitas inimici-  
 tias istę gentes omnes, & habeant, & gerant cum Po-  
 puli Ro. nomine? sic existimatis eos hic sagatos bracha-  
 tosq; uersari animo demisso, atq; humili: ut solent ij, qui  
 affecti iniurijs, ad opem iudicum supplices inferioresq;  
 confugiunt? nihil uero minus. Hi contra uagantur læti,  
 atq; erecti passim toto foro, cum quibusdam minis, &  
 barbaro, atq; immani terrore uerborum. quod ego pro-  
 fecto non

fecto non crederem: nisi aliquotiens ex ipsis accusatori-  
 bus uobiscum simul Iudices audissem: cum præciperent,  
 ut caueretis: ne hoc absoluto, nouum aliquod bellum  
 Gallicum concitaretur. Si M. Fonteium Iudices in cau-  
 sa deficerent omnia: si turpi adolescentia, uita infami,  
 magistratibus, quos ante oculos uestros gessit: conuictis  
 uirorum bonorum testimonijs, legationibus flagitiose  
 obitis inuitis suis omnibus, in iudicium uocaretur: si in  
 eo iudicio colonorum populi Ro. Narbonensium, fide-  
 lissimorum sociorum Massiliensium, ciuium Ro. o-  
 mnium testimonijs, tabulisq; premeretur: tamen esset  
 uobis magnopere prouidendum: ne quos ita afflictos  
 à uestris patribus, maioribusq; accepissetis: ut contem-  
 nendi essent: eos pertimuisse, & eorum minus, & ter-  
 rore commoti esse uideremini. Nunc uero, cum lædat  
 nemo bonus: laudent omnes uestri ciues, atque socij: op-  
 pugnent ij: qui sepius hanc urbem, & hoc impe-  
 rium oppugnarunt: cumq; inimici M. Fonteii uobis, ac  
 Po. Ro. minentur: amici ac propinqui supplicent uobis:  
 dubitabitis non modo uestris ciuibz, qui maxime glo-  
 ria, ac laude ducuntur: uerum etiam exteris nationi-  
 bus, ac gentibus ostendere: uos in sententijs ferendis ci-  
 ui parcere, quàm hosti cedere maluisse? Magna meher-  
 cule causa Iudices absolutionis cum cæteris causis hæc  
 est: nequa insignis huic imperio macula, atq; ignomi-  
 nia suscipiatur: si hoc ita perlatum erit in Galliam, Se-  
 natum, Equitesq; Populi Ro. non testimonijs Gallorum,  
 sed minus commotos, rem ad illorum libidinem iudicas-  
 se. Ita uero: si illi bellum facere conabuntur: excitandus  
 nobis erit ab inferis C. Marius: qui Indutiomaro ista  
 minaci, atq; arroganti par in belligerando esse possit: ex

citandus Cn. Domitius, & Maximus: qui nationem Al-  
 lobrogum, & reliquias, suis iterum armis conficiat: atq;  
 opprimat. aut quoniam id quidem non potest: orandus  
 erit nobis amicus meus M. Pletorius: ut suos novos cliē-  
 tes à bello faciendo deterreat: ut eorum iratos animos,  
 atq; horribilis impetus deprecetur. aut si nō poterit: M.  
 Fabium subscriptorem eius rogabimus: ut Allobrogum  
 animos mitiger: quoniam apud illos Fabiorum nomen  
 amplissimum. Nolunt isti, aut quiescere, id quod uicti  
 ac subacti solent: aut, cum minantur: intelligere, se pe-  
 pulo Ro. non metum belli, sed spem triumphi tendere.  
 Quod si in turpi reo patiendum non esset: ut quicquā  
 isti se minis profecisse arbitrarentur: quid faciendum uo-  
 bis in M. Fonteio arbitramini? de quo homine Iudices  
 (iam enim mihi uideor hoc, prope causa duabus actio-  
 nibus perorata, debere dicere) de quo uos homine Iudi-  
 ces ne ab inimicis quidē ullum fictum probrosum non  
 modo crimen, sed ne maledictum quidem audistis. Ec-  
 quis unquam reus, præsertim in hac uitæ ratione uer-  
 satus, in honoribus petendis, in potestatibus, in imperijs  
 gerendis, sic accusatus est: ut nullum probrum, nullum  
 facinus, nulla turpitudine, quæ à libidine, aut à petulan-  
 tia, aut ab audacia nata esset: ab accusatore obiceretur,  
 si non uera, attamen ficta, cum aliqua ratione, ac suspi-  
 cione? M. Emiliū Scāurum summum nostræ ciuitatis  
 uirum scimus accusatum à M. Bruto. extant orationes?  
 ex quibus intelligi potest: multa in illum ipsum Scāuriū  
 esse dicta. falso? quis negat? ueruntamen ab inimico di-  
 cta, & obiecta. Quam multa M. Aquilius audiuit in  
 suo iudicio: quam multa L. Cotta: deniq; P. Rutilius: qui  
 & si damnatus est, mihi uidetur tamen inter uiros opti-

mos, atq; innocentissimos esse numerandus. ille igitur ipse homo sanctissimus, ac temperatissimus multa auduit in sua causa: quæ ad suspicionem stuprorum, ac libidinem pertinerent. Extat oratio hominis (ut opinio me fert) nostrorum hominum longe ingeniosissimi, atq; eloquentissimi, C. Gracchi: qua in oratione permulta in L. Pisonem turpia ac flagitiosa dicuntur. at in quem uirum? qui tanta uirtute, atq; integritate fuit: ut etiam illis optimis temporibus, cum hominem inuenire nequam neminem posses: solus tamen frugi nominaretur. quem cum in concionem Gracchus uocari iuberet: et uiator quæreret, quem Pisonem? quod erant plures: cogis me inquit dicere inimicum meum frugi. Is igitur uir: quæne inimicus quidem satis in appellando significare poterat: nisi ante laudasset: qui uno cognomine declarabatur, non modo quis esset: sed etiam qualis esset: tamen in falsam atq; iniquam probrorum insimulationem uocabatur. M. Fonteius ita duabus actionibus accusatus est: ut obiectum nihil sit: quo significari uestigium libidinis, petulantiae, crudelitatis, audaciae possit. non modo nullum facinus huius protulerunt: sed ne dictum quidem aliquod reprehenderunt. quod si aut quantam uoluntatem habent ad hunc opprimendum: aut quantam ad maledicendum licentiam: tantum haberent aut ad ementiendum animi: aut ad fingendum ingenij: non meliore fortuna ad probra nunc audienda Fonteius, quam illi, de quibus antea commemoravi: fuisset. Frugi igitur hominem Iudices, frugi inquam, et in omnibus uitæ partibus moderatum, ac temperantem, plenum pudoris, plenum officij, plenum religionis uidetis positum in ue-



stra fide, ac potestate: atq; ita: ut commissus sit fidei: permissus potestati. uidete igitur uirum sit æquius: hominem honestissimum, uirum fortissimum, quem optimū, dedi inimicissimus, atq; immanissimis nationibus: an red di amicis? præsertim cum tot res sint: quæ uestris animis pro huius innocentis salute supplicent. primum generis antiquitas: quam Thusculo ex clarissimo munici pio profectam in monumentis rerum gestarum incisam ac notatam uidemus. tum autē continuæ Præturæ: quæ & cæteris ornamentis, & existimatione innocentie maxime floruerunt. deinde recens memoria parentis: cuius sanguine non solum Asculanorum manus, à qua interfectus est: sed totum illud foeciale bellum macula sceleris imbutum est. postremo ipse, cum in omnibus uitæ partibus honestus, atque integer: tum in re militari cum summi consilij & maximi animi: tum uero usū quoq; bellorum gerendorum in primis eorum hominū, qui nunc sunt: exercitus. Quare si etiam monendi estis à me: quod non estis Iudices: uideor hoc leuiter pro mea authoritate uobis præcipere posse: ut ex eo genere homines, quorum cognita uirtus, industria, felicitas in re militari sit: diligenter uobis retinendos existimetis. fuit enim maior talium uirorum in hac Rep. copia: quæ cum esset: tamen eorum non modo saluti, sed etiam honori consulebatur. quid nunc uobis faciendum est, studiis militaribus apud iuuentutem obsoletis, hominibus autem, ac summis ducibus partim ætate, partim ciuitatis discordijs, ac Reip. calamitate consumptis: cum tot bella aut à nobis necessario suscipiantur: aut subito atq; improprie nascantur? nonne & hominem ipsum ad du-

bia Reip. tempora reseruandum, & ceteros studio laudis, ac uirtutis inflammandos putatis? Recordamini quos legatos nuper in bello L. Iulius, quos P. Rutilius, quos L. Cato, quos Cn. Pompeius habuerit. scietis fuisse tum M. Cornutum, L. Cinnam, L. Syllam praetorios homines, belli gerendi peritissimos: praeterea C. Marium, P. Didium, Q. Catulum, P. Crassum, non literis homines ad rei militaris scientiam, sed rebus gestis, ac uictorijs eruditos. Age uero nunc inferte oculos in curiam: introspicite penitus in omnis Reip. partes: utrum uidetis nihil posse accidere: ut tales uiri desiderandi sint? an, si acciderit: eorum hominum copia Populum Ro. abundare? quae si diligenter attendetis: profecto Iudices utrum ad labores belli impigrum, ad pericula fortem, ad usum, ac disciplinam peritum, ad consilia prudentem, ad casum, fortunamq; felicem, domi uobis, ac liberis uestris retinere, quam inimicissimis Reip. nationibus, & crudelissimis, tradere, & condemnare maletis. At infestis prope signis inferuntur Galli in Fonteiun: & instant: atq; urgent summo cum studio, summa cum audacia. nos uero Iudices & multis, & firmis praesidijs, uobis adiutoribus isti immani, atq; intolerandae barbariae resistemus. Primum obijcitur contra istorum impetus Macedonia fidelis, & amica Populo Ro. provincia: quae, cum se ac suas urbes non solum consilio, sed etiam manu Fontei conseruatam esse dicat: ut illa per hunc a Thracum aduentu, ac depopulatione defensa: sic ab huius nunc capite Gallorum impetus terroresq; depellit. Constituitur ex altera parte ulterior Hispania: quae profecto non modo religione sua resistere istorum cupidi-

tati potest: sed etiam sceleratorum hominum periuria  
 testimonijs, ac laudationibus suis refutare. Atq; ex ipsa  
 etiam gallia fidelissima, & grauissima auxilia sumun-  
 tur. Venit huic subsidio misero, atq; innocenti Massilien-  
 sium cuncta ciuitas: quæ non solum ob eam causam la-  
 borat: ut huic, à quo ipsa seruata est: parem gratiã re-  
 ferre uideatur: sed etiam, quod ea conditione, atq; eo fa-  
 to se in his terris collocatam esse arbitrat: ne quid no-  
 stris hominibus istæ gentes nocere possint. pugnat pari-  
 ter pro salute M. Fonteï Narbonensis coloma: quæ per  
 hunc ipsa nuper obsidione hostium liberata, nunc eius-  
 dem miseris, ac periculis commouetur. deniq; ut opor-  
 tet bello Gallico: ut maiorum iura, moresq; præscribunt:  
 nemo est ciuis romanus: qui sibi ulla excusatione uten-  
 dum putet. omnes illius provincie publicani, agricolæ,  
 pecuarij, cæteri negotiatores, uno animo M. Fontium,  
 atq; una uoce defendunt. Quod si tantas auxiliorum no-  
 strorum copias Indutiomarus ipse despexerit, dux Al-  
 lobrogum, cæterorumq; Gallorum: num etiam de ma-  
 tris hunc complexu lectissimæ, miserrimæq; foemina  
 uobis inspectantibus auellet? atq; abstrahet? præsertim  
 cum uirgo Vestalis ex altera parte germanum fratrem  
 complexa teneat: uestramq; Iudices, ac populi Ro. fidem  
 imploret: quæ pro uobis, liberisq; uestris tot annos in  
 dijs immortalibus placandis occupata est: ut ea nunc  
 pro salute sua, fratrisq; sui, animos uestros placare pos-  
 sit. cui misere quod præsidium, quod solatium reliquum  
 est, hoc amisso? nam cæteræ foeminae gignere ipsæ si-  
 bi præsidia, & habere domi fortunarum omnium so-  
 cium, participemq; possunt. huic uero uirgini quid est

præter fratrem? quod aut incundum, aut ætium esse possit? Nolite pati Iudices aras deorum immortalium, Vestæq; matris, quotidianis uirginis lamentationibus de uestro iudicio commoueri. prospicite ne ignis ille æternus nocturnis Fonteie laboribus, uigilijsq; seruatus, sacerdotis Vestæ lachrymis extinctus esse dicatur. Tendet ad uos uirgo Vestalis manus supplices easdem: quas pro uobis dijs immortalibus tendere consuevit. cauete ne periculosum, superbumq; sit, eius uos obsecrationem repudiare: cuius preces si dij aspernarentur: hæc salua esse non possent. Videtis ne subito Iudices: uirum fortissimum M. Fonteium parentis, & sororis commemoratione lachrymas profudisse? qui nunquam in acie pertimuerit: qui se armatus sæpe in hostium manus multitudinemq; immiserit: cum in eiusmodi periculis eadem se solatia suis relinquere arbitretur: quæ suus pater sibi reliquisset: idem nunc perturbato animo pertimescit: ne non modo ornamento, & adiumento non sit suis: sed etiam cum acerbissimo luctu dedecus æternum miseris, atq; ignominiam relinquat. O' fortunâ longe disparem M. Fonte: si diligere potuisses: ut potius telis tibi Gallorum, quàm periurijs intereundum esset. tum enim uitæ socia uirtus, mortis comes gloria fuisset. nunc uero qui est dolor? uictoria te, atq; imperij pœnas ad eorum arbitrium sufferre: qui aut uicti armis sunt: aut inuitissimi paruerunt? à quo periculo defendi te Iudices auem fortem, atq; innocentem: curate ut nostris testibus plus, quàm alienigenis credidisse uideamini: plus saluti ciuium, quàm hostium libidini consuluisse: grauiorem duxisse eius obsecrationem, quæ uestris



*sacris præsist: quàm eorum audaciam: qui cum omnium  
 sacris, delubrisq; bella gesserunt. postremo prospicite iudices id quod ad dignitatem Populi Ro. maxime pertinet: ut plus apud uos preces uirginis Vestalis, quam minae Gallorum ualuisse uideantur.*

## PRO A. CECINNA.

## ORATIO XII.

I QUANTVM IN AGRO, locisq; desertis audacia potest: tantum in foro, atq; in iudicijs impudentia ualeret, non minus in causa cederet A. Cecinna.

**S**ex. Ebutij impudentiæ: quàm tum in ui facienda cessit audaciæ. uerum & illud considerati hominis esse putauit: qua de re iure decertari oporteret: armis non contendere: & hoc constantis: qui cum ui, & armis certare noluisse: eum iure, iudicioq; superare. Ac mihi quidem cum audax præcipue fuisse uidetur Ebutius in conuocandis hominibus, & armandis: tum impudens in iudicio: nõ solum quod in iudiciũ uenire ausus est (nam id quidem, tametsi improbe fit in aperta re: tamen malicia est iã usitatum) sed quod nõ dubitauit id ipsum, quod arguitur: confiteri. nisi forte hoc ratiois habuit: quoniã si facta uis esset moribus: superior in possessione retinenda nõ fuisset: quia contra ius morẽq; facta sit: A. Cecinnã cum amicis metu pterritum profugisse. nũc quoq; in iudicio, si causa more, institutoq; omniũ defendatur: nos inferiores in agendo non futuros. sin è consuetudine recedatur: se, quo impudentius egerit: hoc superiorem discessurum. quasi uero, aut in iudicio possit idem improbitas: quod in ui confidentia: aut non eo libentius tum audaciæ cesserimus: quo nunc impudentiæ facilius obsisteremus. Itaq; longe alia ratione Recuperatores ad agendam causam hac actione uenio: atq; initio ueneram. tum enim nostræ causæ spes erat posita in defensione mea: nunc in confessione aduersarij. tum in nostris, nunc uero in illo-

rum testibus. de quibus ego antea laborabam: ne si im-  
 probi essent: falsi aliquid dicerent: si probi existima-  
 rētur: quod dixissent, probarent: nunc sum animo æquis-  
 simo. si enim sunt uiri boni: me adiuvant: cum id iurati  
 dicunt: quod ego iniuratus insimulo. sin autem minus  
 idonei: me non lædunt: cum ijs siue creditur hoc ipsum,  
 quod nos arguimus: siue fides non habetur: de aduersa-  
 rii testimonio fide derogatur. Veruntamen cum illorum cau-  
 se actionem considero: non uideo quid impudentius  
 dici possit. cum autem uestram in iudicando dubi-  
 tationem: uereor ne id, quod uidentur impudenter fecis-  
 se: astute, & callide fecerint. nam si negassent uim homi-  
 nibus armatis esse factam: facile honestissimus testibus in  
 re perspicua tenerentur. sin confessi essent: & id quod  
 nullo tempore iure fieri potest: tum ab se iure factum esse  
 defenderēt: sperarunt id, quod assecuti sunt: se iniectu-  
 ros uobis causam deliberandi, & iudicandi iustam mo-  
 ram, ac religionem. simul illud, quod indignissimum est:  
 futurum arbitrati sunt: ut in hac causa non de impro-  
 bitate Sex. Ebutij, sed de iure ciuili iudicium fieri ui-  
 deretur. Quia in re si mihi esset unius A. Cecinnæ cau-  
 sa agenda: profiterer satis idoneum esse me defensorem:  
 propterea, quod fidem meam, diligentiamq; præsta-  
 rem: quæ cum sunt in actore causæ: nihil est, in re præ-  
 fertim aperta, ac simplici, quod excellens ingenium re-  
 quiratur. sed cum de eo iure mihi dicendum sit: quod  
 pertineat ad omnes: quod constitutum sit à maioribus:  
 conseruatum usq; ad hoc tempus: quo sublato non solum  
 pars aliqua iuris diminuta, sed etiam uis ea, quæ iuri  
 maxime est aduersaria: iudicio confirmata esse uidea-  
 rē: uideo summi ingenij causam esse: non uti demon-

stretur, quod ante oculos est: sed ne, si quis uobis error in tanta re sit obiectus: omnes potius me arbitrentur causae, quam uos religioni uestrae defuisse. quanquam ego mihi sic persuadeo Recuperatores: non uos tam propter iuris obscuram, dubiamq; rationem, his iam de eadem causa dubitasse: quam, quod uidetur ad summam illius, exstimationem hoc iudicium pertinere: moram ad condemnandum acquisisse: simul & illi spatium ad sese colligendum dedisse. Quod quoniam iam in consuetudinem uenit: & id uiri boni uestri similes in iudicando faciunt: reprehendendum fortasse minus: querendum uero magis etiam uidetur: idco, quod omnia iudicia aut distrahendarum controuersiarum, aut puniendorum malefactorum causa reperta sunt: quorum alterum leuius est: propterea, quod & minus laedit: & persepe disceptatore domestico diiudicatur: alterum est uehementissimum: quod & ad grauiores res pertinet: & non honorariam operam amici, sed seueritatem iudicis, ac uim requirit. quod est grauius, & cuius rei causa maxime iudicia constituta sunt: id iam mala consuetudine dissolutum est. nam, ut quæq; res est turpissima: sic maxime, & maturissime iudicanda est. at ea, de qua exstimationis periculum est: tardissime iudicatur. qui igitur conuenit, quæ causa fuerit ad constituendum iudicium: eandem moram esse ad iudicandum? Siquis, quod spondit, qua in re uerbo se uno obligauit: id non facit: maturo iudicio, sine ulla religione iudicis condemnatur. qui per tutelam, aut societatem, aut rem mandatam, aut fiduciae rationem, fraudauit quempiam: in eo, quo delictum maius est: eo poena est tardior. est enim turpe iudicium: & facto quidem tur-



pe. Videte igitur quàm inique accidat: quia res indigna sit: ideo turpem existimationem sequi: quia turpis existimatio sequatur: ideo rem indignam non uindicari. At si quis mihi hoc iudex, recuperator'ue dicat: potuisti enim leuiore actione confligere: potuisti ad tuum ius faciliore, & commodiore iudicio peruenire. quare aut muta actionem: aut noli mihi instare, ut iudicem. tamen is aut timidior uideatur, quàm fortis, aut cupidior, quàm sapientem iudicem esse æquum est: si aut mihi præscribat quemadmodum meum ius persequar: aut ipse id, quod ad se delatum sit: non audeat iudicare. etenim si Prætor is, qui iudicia dat: nunquam petitori præstituit: qua actione illi uti uelit: uidete. quàm iniquum sit: constituta iam re, iudicem quid agi potuerit: aut quid possit: non quid actum sit: quærere. uerum tamen nimæ uestre benignitati parceremus: si alia ratione ius nostrum recuperare possemus. nunc uero quis est? qui aut uim armatis hominibus factam relinqui putet oportere? aut eius rei leuiorem actionem nobis aliquam demonstrare possit? ex quo genere peccati, ut illi clamant: uel iniuriarum, uel capitis iudicia constituta sunt: in eo potestis atrocitatem nostram reprehendere? cum uideatis nihil aliud actum: nisi possessionem per interdictionem esse repetitam? Verum siue uos existimationis illius periculum, siue iuris dubitatio tardiores fecit adhuc ad iudicandum: alterius rei causam uosmetipsi iam uobis sæpius prolato iudicio sustulistis: alterius ego uobis hodierno die causam profecto auferam: ne diutius de controuersia nostra, ac de communi iure dubitetis. & si forte uidebor altius initium rei demonstrandæ petisse: quàm me ratio iuris, & ius, de quo in-

dictū est: & natura cause coegerit: quæso ut ignoretis: non enim minus laborat A. Cecinna: ne summo iure egisset: quam ne certum ius non obtinuisse uideatur.

M. Fulcinius fuit Recuperatores e municipio Tarquinienſi: qui & domusæ cum primis honestus existimatus est: & Romæ argentariam non ignobilem fecit. Is habuit in matrimonio Cesenniam, eodem e municipio, summo loco natam, & probatissimam foeminam: sicut & uiuus multis ipse rebus ostendit: & in morte sua testamento declarauit. huic Cesenniae fundum in agro Tarquinienſi uendidit temporibus illis difficillimis solutionis. cum ueretur dote uxoris numerata: quo mulieri esset res cautior: curauit ut in eo fundo dos collocaretur. aliquanto post iam argentaria dissoluta, Fulcinius huic fundo uxoris continentia quædam prædia, atq; adiuncta meratur. moritur Fulcinius. multa enim quæ sunt in re: quia remota sunt a causa: prætermittam. testamento facit heredem, quem habebat e Cesennia filium: usum fructum omnium bonorum suorum Cesenniae legat: ut frueretur una cum filio. magnus honos uiri, iucundus mulieri fuisset: si diuturnum esse licuisset. frueretur enim bonis cum eo: quæ suis bonis heredem esse capiebat: & ex quo maximum fructum ipsa capiebat. sed hunc fructum mature fortuna ademit. nam breui tempore M. Fulcinius adolescens mortuus est: heredem P. Cesennium fecit: uxori grande pondus argenti, matrisq; partem bonorum maiorem legauit. itaq; in partem mulieres uocatae sunt. Cum esset hæc auctio hereditaria constituta: Ebutius iste, qui iandiu Cesenniae uiduita te, ac solitudine aleretur: ac se eius in familiaritate insinuasset hæc ratione: ut cum aliquo suo compendio ne

gocia mulieris, si qua acciderent: controuersiasq; suscipere-  
ret: uersabatur quoq; eo tpe in his ratioibus auctionis, et  
partitionis: atq; et se ipse inferebat: et intrudebat: et in eā  
opinionem Cēsenniam adducebat: ut mulier imperita ni-  
hil putaret agi callide posse: ubi non adesset Ebutius.  
quam personam iam ex quotidiana cognoscitis uita Re-  
cuperatores mulierum assentatoris, cognitoris uiduarii,  
defensoris nimium litigiosi, conciti ad rixam, inepti, ac  
stulti inter uiros, inter mulieres periti iuris, et callidi:  
hanc personam imponite Ebutio: is enim Cēsenniae fuit  
Ebutius: ne forte quærat is num propinquus? nihil alie-  
nius amicus aut a patre, aut a uiro traditus? nihil ma-  
ius. quis igitur ille, quem supra deformauī: uoluntari-  
us amicus mulieris, non necessitudine aliqua, sed ficto  
officio, simulataq; sedulitate coniunctus, magis opportu-  
na opera nonnunquam, quā aliquando fideli. Cum  
esset, ut dicere instituerā: constituta aucto Romæ: suade-  
bant amici, cognatiq; Cēsenniae id, quod ipsi quoq; mulie-  
ri in mentem ueniebat: quoniam potestas esset emendi  
fundum illum Fulcanianum: qui fundo eius antiquo con-  
tinens esset: nullam esse rationem, amittere eiusmodi oc-  
casionem: cum præsertim pecunia ex partitione deberetur:  
nusquam eam posse melius collocari. Itaq; mulier  
facere constituit. mandat: ut fundum sibi emat. cui tan-  
dem? cui putatis? an non in mentem uenit omnibus illius  
ad hoc munus, et ad omnia mulieris negocia paratissim-  
e quo nihil satis caute, nihil satis callide agi posset? re-  
cte attenditis. ebutio negotium datur. adest ad tabu-  
lam: licet Ebutius: deterrentur emptores multi, par-  
tim gratia Cēsenniae, partim etiam precio: fundus ad-  
diatur Ebutio: pecuniam argentario promittit Ebutius.

quo testimonio nunc uir optimus utitur, sibi emptum esse: quasi uero aut nos ei negemus addictum: aut tamen quisquam fuerit: qui dubitaret: quin emeretur Cesenniae: cum id plerique scirent: omnes ferè audissent: hi coniectura assequi possent: cum pecunia Cesenniae ex illa hereditate deberetur: eam porro in praedijs collocari maxime expediret: essent autem praedia, quae mulieri maxime conuenirent: ea uenirent: liceretur is: quem Cesenniae dare operam nemo miraretur: sibi emere nemo posset suspicari. Hac emptione facta, pecunia soluitur à Cesennia. cuius rei putat iste rationem reddi non posse: quod ipse tabulas auerterit: se autem habere argentarij tabulas: in quibus sibi expensa pecunia lata sit, acceptaque relata: quasi id aliter fieri oportuerit. cum omnia ita facta essent: quemadmodum nos defendimus: Cesennia fundum possedit: locauitque: neque ita multo post A. Cecinna nupsit. ut in pauca conferam: testamento facto mulier moritur: facit heredem ex deinceps, et semuncia Cecinam: ex duabus sextulis M. Fulcinium libertum superioris uiri: Ebutio sextulam aspergit. hanc sextulam illa mercedem isti esse uoluit assiduitatis, et molestiae, si quam susceperat. Iste autem hac sextula se ansam retinere omnium controuersiarum putat. Iam principio ausus est dicere: non posse heredem esse Cesenniae Cecinam: quod is deteriore iure esset: quam ceteri ciues: propter incommodum Volaterranorum, calamitatemque ciuilem. itaque homo timidus, imperitusque, qui neque animi, neque consilij satis haberet: non putauit esse tanti hereditatem: ut de ciuitate in dubium ueniret: concessit credo Ebutio, quantum uellet de Cesenniae bonis ut haberet. immo, ut uiro forti, ac sapienti dignum fuit: ita et



luniam, stulticiamq; obtrivit: ac contudit. in possessione bonorum cum esset: & cum ipse sextulam suam nimium exaggeraret: nomine hæredis arbitrum familiaræ heriscundæ postulavit. Atq; illis paucis diebus, posteaquam uidet nihil se ab A. Cecinna posse litium terrore abradere: homini Romæ in foro denunciat: fundum illum, de quo ante dixi: cuius istum emptorem demonstravi fuisse mandato Cesenniae: suum esse: seq; sibi emisse. Quid ais? Istus ille fundus est: quem sine ulla controversia quadriennium, hoc est, ex quo tempore fundus uenit: quoad uixit, possedit Cesennia. Vtus enim inquit eius & fructus fundi testamento uiri, fuerat Cesenniae. Cum hoc nouæ litis genus tam maleficiose intendere: placuit Cecinnæ de amicorum sententia constituere: quo die in rem præsentem ueniretur: & de fundo Cecinna moribus deduceretur. colloquuntur: dies ex uiriusq; commodo sumitur. Cecinna cum amicis ad diem uenit in castellum Axiâ: ex quo loco fundus is, de quo agitur: non longe abest. Ibi certior fit à pluribus: homines permultos liberos, atq; seruos coegisse, & armasse Ebutium. cū id partim mirarentur: partim nō crederent: ecce ipse Ebutius in castellū uenit: denūciat Cecinnæ se armatos habere: abiturum eum non esse, si accessisset. Cecinnæ placuit & amicis, quoad uideretur saluo capite fieri posse: experiri. tum de castello descendunt: in fundum proficiunt. Videtur temere commissum. uerum, ut opinor, hoc fuit causæ: tam temere istum re commissurum, quàm uerbis nunciabatur: nemo putauit. Atque iste ad omnes introitus, quæ adiri poterat: non modo in eum fundum, de quo controversia fuerat: sed etiam in illum proximum, de quo nihil ambigebatur:

armatos

armatos homines opponit. Itaq; primo cum in antiquum fundum ingredi uellet: quod ea proxime accedi poterat: frequentes armati obsiterunt. quo loco depulsus Cecinna: tamen qua potuit ad eum fundum profectus: ex quo, ex conuentu uim fieri oportebat. eius autem fundi extremam partem oleæ directo ordine definiunt. ad eas cum accederetur: iste cum omnibus copijs præsto fuit: seruūq; suum nomine Antiochum ad se uocauit: et clara uoce imperauit: ut eum, qui illum olearum ordinem intrasset: occideret. Homo mea sententia prudentissimus Cecinna, tamen in hac re plus mihi animum, quam consilij uidetur habuisse. nam cum & armatorum multitudinem uideret: & eam uocem Ebulij, quam commemorauit: audiuisset: tamen accessit propius: & iam ingrediens intra finem eius loci, quem oleæ terminabant: impetum armati Antiochi, cæterorumq; tela, atq; incursus refugit. eodem tempore se in fugam conferunt uicini amici, aduocatiq; eius metu perterriti: quemadmodum illorum testem dicere audistis. His rebus ita gestis, P. Dolabella Prætor interdixit, ut est consuetudo, de ui hominibus armatis, sine ulla exceptione, tantum, ut unde deiecerat: restitueret. restituisse se dixit. sponsio facta est. hac de sponsione uobis iudicandum est. Maxime fuit optandum Cænnæ Recuperatores: ut controuersie nihil haberet. secundo loco: ut ne cum tam improbo homine. tertio: ut cum tam stulto haberet. etenim non minus nos stulticia illius subleuat: quam lædit improbitas. improbus fuit: quod homines coegit: armauit: coactis, armatisq; uim fecit. læsit in eo Cænnam. subleuauit ibidem. nam in eas ipsas res, quas improbissime fecit: testimonia sumpsit: & eis in causa testimonijs utitur. Itaq;

mihi certum est Recuperatores: antequam ad meam de-  
 fensionem, meosq; testes uenio: illius uti confessione, &  
 testimonijs. quid confitetur? atq; ita libenter confitetur: ut  
 non solum fateri: sed etiam profiteri uideatur Recu-  
 peratores? conuocaui homines: coegi: armaui: terrore mor-  
 tis, ac periculo capitis, ne accederes, obstiti. ferro (inquit)  
 ferro, et hoc dicit in iudicio: te reieci: atq; perterrui. quid?  
 testes quid aiunt? P. Vetilius propinquus Ebutij, se  
 Ebutio cum armatis seruis uenisse aduocatum. quid præ-  
 terea? fuisse complures armatos. quid aliud? minatum  
 esse Ebutium Cecinnæ. quid ego de hoc teste dicam? ni-  
 si hoc Recuperatores? ut ita non minus ei creda-  
 tis: quod homo minus idoneus habetur: sed ideo cre-  
 datis: quod ex illa parte id dicit: quod illi causæ ma-  
 xime est alienum. A. Terentius alter testis, non modo  
 Ebutium, sed etiam se ipsum arguit. in Ebutium hoc  
 dicit: armatos homines fuisse. de se autem hoc prædi-  
 cat: Antiocho Ebutij seruo imperasse: ut in Cecinnam  
 aduenientem cum ferro inuaderet. quid loquar am-  
 plius hoc de homine? in quem ego dicere, cum rogarer  
 à Cecinna: nunquam uolui: ne arguere illum rei capi-  
 talis uiderer: de eo dubito nunc, quomodo aut loquar,  
 aut taceam: cum ipse hoc de se iuratus prædicet. Dein-  
 de L. Celius non solum Ebutium cum armatis dixit  
 fuisse compluribus: uerum etiam cum aduocatis per pau-  
 cis eo uenisse Cecinnam. de hoc ego teste detraham? cui  
 æque, atque meo testi ut credatis, postulo. P. Memmius  
 fecit: qui suum non paruum beneficium commemo-  
 rauit in amicos Cecinnæ: quibus sese uiam per fra-  
 tris sui fundum dedisse dixit: qua effugere possent: cum  
 essent metu omnes perterriti. huic ego testi gratias agam:

quod & in re misericordem se præbuit: & in testimo-  
 nio religiosum. A. Attilius & eius filius L. Attilius  
 & armatos ibi fuisse: & se suos armatos adduxisse di-  
 xerunt. etiam hoc amplius. cum Ebutius Cecinnæ ma-  
 lum minaretur: ibi tum Cecinnam postulasse: ut mori  
 bus deductio fieret. hoc idem P. Rutilius dixit: & eo  
 libentius dixit: ut aliquo in iudicio eius testimonio cre-  
 ditum putaretur. duo præterea testes nihil de ui, sed de  
 ipsa emptione fundi dixerunt, P. Cesennius auctor fun-  
 di, non tam auctoritate graui, quàm corpore: & ar-  
 gentarius, Sex. Clodius: cui nomen est Phormio: nec mi-  
 nus niger, nec minus confidens, quàm ille Terentia-  
 nus est Phormio: nihil de ui dixerunt: nihil præterea,  
 quod ad uestrum iudicium pertineret. Decimo uero lo-  
 co testis expectatus, & ad extremum reservatus dixit  
 Senator Populi romani, splendor ordinis, decus atque  
 ornamentum iudiciorum, exemplar antiquæ religio-  
 nis Fidiculanus Falcula: qui cum ita uehemens, acerq;  
 uenisset: ut non modo Cecinnam periurio suo læderet:  
 sed etiam mihi uideretur irasci: ita eum placidum,  
 mollemq; reddidi: ut non auderet: sicut meministis:  
 iterum dicere, quot millia fundus suus abesset ab urbe.  
 nam cum dixisset minus abesse LIII: populus cum  
 risu acclamauit ipsa esse. meminerāt enim omnes, quā-  
 tum in Albiano iudicio accepisset. In eum quid di-  
 cam? nisi id, quod negare non possit? uenisse in consilium  
 publicæ quæstionis, cum eius consilij iudex non esset:  
 & in eo consilio, cum causam non audisset: & pote-  
 stas esset ampliandi: dixisse sibi liquere: dum incogni-  
 ta re iudicare uoluisset: maluisse condemnare, quàm ab-  
 soluere: cum si uno minus damnarent: condemnari reus



non posset: non ad cognoscendam causam, sed ad explendam damnationem præsto fuisse. uirum grauius aliquid in quempiam dici potest: quàm ad hominem condemnandum, quem nunquam uidisset: neq; audisset: ad ductum precio esse? an certius quicquam obijci potest? quàm quod is, cui obijcitur: ne nutu quidem infirmare conatur? Veruntamen is testis, ut facile intelligeretis eum non adfuisse animo: cum ab illis causa ageretur: testesq; dicerent: sed tantisper de aliquo reo cogitasse: cum omnes ante eum dixissent testes, armatos cum Ebutio fuisse complures: solus dixit non fuisse. uisus est mihi primo ueterrator intelligere præclare, quid causa optaret: & tantummodo errare, quod omnes testes infirmaret: qui ante eum dixissent: cum subito ecce idem qui solet, suos solos seruos armatos fuisse dixit. quid huic tu homini facias? non ne concedas interdum: ut excusatione summæ stulticiæ, summæ improbitatis odium deprecetur? Vtrum Recuperatores his testibus non credidistis: cum quid liqueret, non habuistis? at controuersia non erat, quin uerum dicerent. an in coacta multitudine, in armis, in telis, in præsentis metu mortis, perspicuo periculo cædis, dubium uobis fuit, an esse uis aliqua uideretur, nec ne? quibus igitur in rebus uis intelligi potest: si in his non intelligetur? An uero illa defensio uobis præclara uisa est: non deiecti: sed obstiti. non enim te sum passus in fundum ingredi: sed armatos homines opposui: ut intelligeres, si in fundo pedem posuisses: statim tibi esse pereundum. quid ais? is, qui armis perterritus, fugatus, pulsus est: non uidetur esse deiectus? posterius de uerbo uidebimus. nunc rem ipsam ponamus: quam illi non negant: et eius rei ius, actionemq; quæ

ramus. Est hæc res posita: quæ ab aduersario non negatur. Cecinnam, cum ad constitutam diem, tempusq; uenisset: ut ius, ac deductio moribus fieret: pulsum, prohibitumq; esse. ui, coactis hominibus, & armatis. Cum hoc constet: ego homo imperitus iuris, ignarus negotiorum, ac litium, hanc puto me habere actionem: ut per interdictum, melius ius teneam: atque iniuriam tuam persequar. fac in hoc errare me: nec ullo modo posse per hoc interdictum id assequi: quod uelim: te uti in hac re magistro uolo. quæro, sit ne aliqua huius rei actio? an nulla? conuocari homines propter possessionis controuersiam non oportet: armari multitudinem iuris retinendi causa non conuenit: nec iuri quicquam tam inimicum, quam uis: nec æquitati quicquam tam infestum est, quam conuocati homines, & armati. quod cum ita sit: resq; eiusmodi sit: ut in primis à magistratibus animaduertenda esse, uideatur: iterum quæro: si ne eius rei aliqua actio? an nulla? nullam esse dicis? audire cupio qui in pace, & ocio, cum manum fecerit: copias parare: multitudinem hominum coegerit: armari: instruere: homines inermes, qui ad constitutum experiundi iuris gratia uenissent: armis, uiris, terrore, periculoq; mortis repulerit: fugarit: auerterit: hoc dicat: feci equidem, quæ dicis, omnia: & ea sunt, & turbulenta, & temeraria, & periculosa. quid ergo est? impune feci. nã quid agas mecum ex iure ciuili, ac prætorio nõ habes. Ita ne uero Recuperatores? hoc uos audietis? & apud uos dici patiemini sæpius? cum maiores nostri tante diligentia, prudentiaq; fuerint: ut omnia omnium non modo tantarum rerum, sed etiam tenuissimarum iura statuerint: persecutiq; sint? ut hoc genus unum, uel ma-

ximum prætermitterent: ut si qui me exire domo mea  
 coegisset armis: haberem actionem: si qui introire pro-  
 hibuisset: non haberem? nondum de Cecannæ causa di-  
 sputo: nondum de iure possessionis nostræ loquor: tan-  
 tum de tua defensione C. Piso queror. quando ita dicis:  
 Et ita constituis: si Cecanna, cum in fundo esset: inde de-  
 iectus esset: tum per hoc interdictum eum restitui oportu-  
 fuisse. nunc uero deiectum nullo modo esse inde: ubi nõ  
 fuerit: hoc interdicto nihil nos affectos esse: quero, si  
 te hodie domum tuam redeuntem coacti homines, et  
 armati non modo limine, tectoq; ædium tuarum, sed  
 primo aditu, uestibuloq; prohibuerint: quid acturus  
 sis? monet amicus meus te L. Calphurnius: ut idem di-  
 cas: quod ipse antea dixit: iniuriarum. quid ad causam  
 possessionis? quid ad restituendum eum: quem oportet  
 restitui? quid denique ad ius civile: aut ad actoris no-  
 tionem, et ad animaduersionem ages? iniuriarum?  
 plus tibi ego largiar. non solum egeris: uerum etiam  
 condemnaris licet: nunquid magis possidebis? actio enim  
 iniuriarum non ius possessionis assequitur: sed dolorem  
 imminutæ libertatis iudicio, poenâq; mitigat. prætor in-  
 terea, Piso tanta de re tacebit? quemadmodum te resti-  
 tuat in ædes tuas non habebit? qui dies totos aut uim  
 fieri uetat: aut restitui factam iubet: qui de fossis, de  
 cloacis, de minimis aquarum, itinerumq; controuersijs,  
 interdictis repente obmutescet? in atrocissima re quid  
 faciat non habebit? Et C. Pisone domo, tectisq; suis  
 prohibito, prohibito inquam per homines coactos, et ar-  
 matos, prætor quemadmodum more, et exemplo opi-  
 tulari possit non habebit? quid enim dicet? aut quid tu-  
 am insigni accepta iniuria postulabis? unde ut prohi-

bitus sis? nemo unquam interdixit. nouum est, non di-  
co inusitatum, uerum omnino inauditum. unde deie-  
ctus? quid proficies: cum illi hoc respondebunt tibi: quod  
tu nunc mihi: armatos se tibi obtulisse: ne in aedes acce-  
deres: deijci porro nullo modo potuisse: qui non acceffe-  
rit. deijciior ego inquis: si quis meorum deijciatur. omnino  
iam bene agis. a uerbis enim recedis: Et aequitate ute-  
ris. nam uerba ipsa si sequi uolumus: quomodo tu deij-  
ceris: cum seruus tuus deijciatur? Verum ita est uti di-  
cis: te deiectum debeo intelligere: etiam si tactus non  
fueris. non ne? age nunc: si ne quidem tuorum quisquā  
loco motus erit: atque omnes in aedibus adseruati, ac re-  
tenti: tu solus prohibitus: Et a tuis aedibus ui, atq; ar-  
mis perterritus: utrum hanc actionem habebis: qua nos  
usi sumus? an aliam quampiam? an omnino nullā? nul-  
lam esse actionem dicere in re tam insigni, tamq; atro-  
ci, neq; prudentiae, neq; auctoritatis tuae est. alia si quae  
forte est: quae nos fugerit: dic quae sit. cupio discere. haec  
si est, qua nos usi sumus: te iudice uincamus necesse est.  
non enim uereor ne hoc dicas, in eadem causa eodem  
interdicto te oportere restitui: Cecinnam non oportere.  
etenim cui perspicuum non sit? ad incertum reuocari  
bona, fortunas, possessiones omniū: si ulla ex parte senten-  
tia huius interdicti diminuta, aut infirmata sit: si au-  
thoritate uirorum talium ius armatorum hominum  
iudicio approbatum uideatur: in quo iudicio non de  
armis dubitatum: sed de uerbis quaesitum esse dica-  
tur. is ne apud nos optinebit causam suam? qui se ita  
defenderit: eieci ego te armatis hominibus, non deieci:  
ut tantum facinus non in aequitate defensionis: sed in  
una litera latuisse uideatur? huiusce rei nos statuetis nul-



lam esse actionem. nulli experiundi ius constitutum. quod obstitit armatis hominibus: qui multitudine co-  
 acta non introitu, sed omnino aditu quempiam prohi-  
 buerit. Quid ergo, hoc quam habet vim? ut ista re ali-  
 quid cum aliqua ex parte differre uideatur: utrum, pe-  
 dem cum intulero: atq; in possessionem uestigium fecero:  
 tum expellar, atq; deiciar: an in eadem ui atq; iisdem  
 armis mihi ante occurratur: ne non modo intrare, uerū  
 etiam aspicere, aut aspirare possim. qui hoc ab illo dif-  
 fert: ut ille cogatur restituere: qui ingressum expulerit: il-  
 le qui ingredientem repulerit, non cogatur? Videte per  
 deos immortales quod ius nobis, quam conditionem  
 uobismetipsis, quam deniq; ciuitati legem constituere ue-  
 litis. huiusce generis una est actio, per hoc interdictum,  
 quo nos usi sumus: constituta. ea si nihil ualeat: aut si ad  
 hanc rem non pertinet: quid negligentius, aut qd stul-  
 tius maioribus nostris dici potest? qui aut tantæ rei præ-  
 termiserint actionem: aut eā constituerint: quæ nequa-  
 quam satis uerbis causam, & rationem iuris amplecte-  
 retur? periculosum est dissolui hoc interdictum: captio  
 sum est omnibus rem ullam constitui eiusmodi: quæ cū  
 armis gesta sit: rescindi iure non possit. uerū tamen est  
 turpissimum illud: tantæ stulticiæ prudentissimos homi-  
 nes condemnari: ut uos iudicetis huius rei interdictum,  
 atq; actionem in mentem maioribus nostris non uenisse.  
 Queramur inquit licet: tamen hoc interdicto Ebu-  
 tius non tenetur. quid ita? quod uis Cecinnæ facta nō  
 est. dici in hac causa potest: ubi arma fuerint: ubi co-  
 acta hominum multitudo: ubi instructi, & certis locis  
 cum ferro homines collocati: ubi mune, pericula, ter-  
 roresq; mortis: ibi vim non fuisse? nemo inquit oati-

sus est, neq; saucius. quid ais? cum de possessionis contra-  
uersia, & de priuatorum hominum contentione iuris  
loquamur: tu uim negabis esse factam: si cædes & occasio  
facta non erit? ego exercitus maximos sæpe pulsos, & fu-  
gatos esse dico, terrore ipso, impetuq; hostium sine cuius-  
quam non modo morte, uerum etiam uulnere. Etenim  
Recuperatores non ea sola uis est: quæ ad corpus no-  
strum, uitamq; peruenit: sed etiam multo maior ea:  
quæ periculo mortis iniecto, formidine animum per-  
territum loco sæpe, & certo de statu dimouet: itaq; sau-  
cij sæpe homines, cum corpore debilitantur: animo ta-  
men non cædunt: neq; eum relinquunt locum: quem sta-  
tuerint defendere. at alij pelluntur integri: ut non du-  
bium sit: quin maior adhibita uis ei sit: cuius animus sit  
perterritus: quàm illi, cuius corpus uulneratum sit. quod  
si ui pulsos dicimus exercitus esse eos, qui metu, ac te-  
nui sæpe suspitione periculi fugerunt: & si non solum  
impulsu scutorum, neque conflictu corporum, neq; ictu  
cominus, neque coniectione telorum, sed sæpe clamore  
ipso militum, aut instructione, aspectuq; signorum ma-  
gnas copias pulsas esse, & uidimus: & audiimus: quæ  
uis in bello appellatur: ea in otio non appellabitur? &  
quod uehemens in re militari putatur: id leue in iure ci-  
uili indicabitur? & quod exercitus armatos mouet: id  
aduocationem togatorum non uidebitur mouisse? & uul-  
nus corporis magis istam uim, quam terror animi decla-  
rabit? et sauciatio quaeretur: cum fugam factam esse con-  
stabit? tuus enim testis hoc dixit: metu perterritis nostris  
aduocatis, locum qua effugerent demonstrasse. qui non  
modo ut fugerent: sed etiam ipsius fugæ tutam uiam  
quaesierunt: his uis adhibita non uidebitur? quid

rum testibus. de quibus ego antea laborabam: ne si improbi essent: falsi aliquid dicerent: si probi existimarentur: quod dixissent, probarent: nunc sum animo æquissimus. si enim sunt uiri boni: me adiuvant: cum id iurati dicunt: quod ego iniuratus insimulo. sin autem minus idonei: me non ledunt: cum ijs siue creditur hoc ipsum, quod nos arguimus: siue fides non habetur: de aduersarij testium fide derogatur. Veruntamen cum illorum causæ actionem considero: non uideo quid impudentius dici possit. cum autem uestram in iudicando dubitationem: uereor ne id, quod uidentur impudenter fecisse: astute, & callide fecerint. nam si negassent uim hominibus armatis esse factam: facile honestissimis testibus in re perspicua tenerentur. sin confessi essent: & id quod nullo tempore iure fieri potest: tum ab se iure factum esse defenderet: sperarunt id, quod affectu sunt: se iniecturos uobis causam deliberandi, & iudicandi iustam moram, ac religionem. simul illud, quod indignissimum est: futurum arbitrati sunt: ut in hac causa non de improbitate Sex. Ebutij, sed de iure ciuili iudicium fieri uideretur. Qua in re si mihi esset unius A. Cecinnæ causa agenda: profiterer satis idoneum esse me defensorē: propterea, quod fidem meam, diligentiamq; præstarem: quæ cum sunt in actore causæ: nihil est, in re præsertim aperta, ac simplici, quod excellens ingenium requiratur. sed cum de eo iure mihi dicendum sit: quod pertineat ad omnes: quod constitutum sit à maioribus: conseruatum usq; ad hoc tempus: quo sublato non solum pars aliqua iuris diminuta, sed etiam uis ea, quæ iuri maxime est aduersaria: iudicio confirmata esse uideatur: uideo summi ingenij causam esse: non uti demon-

stretur, quod ante oculos est: sed ne, si quis uobis error in tanta re sit obiectus: omnes potius me arbitrentur causae, quam uos religioni uestrae defuisse. quanquam, ego mihi sic persuadeo Recuperatores: non uos tam propter iuris obscuram, dubiamque rationem, bis iam de eadem causa dubitasse: quam, quod uidetur ad summam illius existimationem hoc iudicium pertinere: moram ad condemnandum acquisisse: simul et illi spatium ad sese colligendum dedisse. Quod quoniam iam in consuetudinem uenit: et id uiri boni uestri similes in iudicando faciunt: reprehendendum fortasse minus: querendum uero magis etiam uidetur: ideo, quod omnia iudicia aut distrahendarum controuersiarum, aut puniendorum malefactorum causa reperta sunt: quorum alterum leuius est: propterea, quod et minus laedit: et per sepe disceptatore domestico diiudicatur: alterum est uehementissimum: quod et ad grauiores res pertinet: et non honorariam operam amici, sed seueritatem iudicis, ac uim requirit. quod est grauius, et cuius rei causa maxime iudicia constituta sunt: id iam mala consuetudine dissolutum est. nam, ut quaeque res est turpissima: sic maxime, et maturissime iudicanda est. at ea, de qua existimationis periculum est: tardissime iudicatur. qui igitur conuenit, quae causa fuerit ad constituendum iudicium: eandem moram esse ad iudicandum? Siquis, quod spondit, qua in re uerbo se uno obligauit: id non facit: maturo iudicio, sine ulla religione iudicis condemnatur. qui per tutelam, aut societatem, aut rem mandatam, aut fiduciae rationem, fraudauit quempiam: in eo, quo delictum maius est: eo poena est tardior. est enim turpe iudicium: et facto quidem tur-



pe. Videte igitur quàm inique accidat: quia res indigna sit: ideo turpem existimationem sequi: quia turpis existimatio sequatur: ideo rem indignam non vindicari. At si quis mihi hoc iudex, recuperator uel dicat: potuisti enim leuiore actione configere: potuisti ad tuum ius faciliore, & commodiore iudicio peruenire. quare aut mutas actionem: aut noli mihi instare, ut iudicem. tamen is aut timidior uideatur, quàm fortis, aut cupidior, quàm sapientem iudicem esse æquum est: si aut mihi præscribat quemadmodum meum ius persequar: aut ipse id, quod ad se delatum sit: non audeat iudicare. etenim si Prætor is, qui iudicia dat: nunquam petitori præstituit: qua actione illi uti uelit: uidete quàm iniquum sit: constituta iam re, iudicem quid agi potuerit: aut quid possit: non quid actum sit: quærere. uerum tamen nimæ uestre benignitati parceremus: si alia ratione ius nostrum recuperare possemus. nunc uero quis est? qui aut uim armatis hominibus factam relinqui putet oportere? aut eius rei leuiorem actionem nobis aliquam demonstrare possit? ex quo genere peccati, ut illi clamant: uel iniuriarum, uel capitis iudicia constituta sunt: in eo potestis atrocitatem nostram reprehendere? cum uideatis nihil aliud actum: nisi possessionem per interdictum esse repetitam? Verum siue uos existimationis illius periculum, siue iuris dubitatio tardiores fecit adhuc ad iudicandum: alterius rei causam uosmetipsi iam uobis sæpius prolato iudicio sustulistis: alterius ego uobis hodierno die causam profecto auferam: ne diutius de controuersia nostra, ac de communi iure dubitetis. & si forte uidebor altius initium rei demonstrande petisse: quàm me ratio iuris, & ius, de quo in-

dictū est: & natura causæ coegerit: quæ sō ut ignoscatis.  
 non enim minus laborat A. Cecinna: ne summo iure egis-  
 se: quā ne certum ius non obtinuisse uideatur.  
 M. Fulcinius fuit Recuperator: ē municipio Tarqui-  
 niensi: qui & domus suæ cum primis honestus existima-  
 tus est: & Romæ argentariam non ignobilem fecit. Is  
 habuit in matrimonio Cesenniam, eodem ē municipio,  
 summo loco natam, & probatissimam fœminam: sicut  
 & uiuus multis ipse rebus ostendit: & in morte sua  
 testamento declarauit. huic Cesenniae fundum in agro  
 Tarquinienensi uendidit temporibus illis difficillimis so-  
 lutionis: cum ueretur dote uxoris numerata: quo mulie-  
 ri esset res cautior: curauit ut in eo fundo dos collocatre-  
 tur. aliquanto post iam argentaria dissoluta, Fulcinius  
 huic fundo uxoris continentia quædam prædia, atq;  
 adiuncta mercatur. moritur Fulcinius. multa enim quæ  
 sunt in re: quia remota sunt a causa: prætermittam. te-  
 stamento facit hæredem, quem habebat ē Cesennia fi-  
 lium: usum fructum omnium bonorum suorum Cesen-  
 niae legat: ut frueretur una cum filio. magnus honōs  
 uiri, incundus mulieri fuisset: si diuturnum esse licuisset.  
 frueretur enim bonis cum eo: quæ suis bonis hæredē esse  
 capiebat: & ex quo maximum fructum ipsa capiebat.  
 sed hunc fructum mature fortuna ademit. nam breuī  
 tempore M. Fulcinius adolescens mortuus est: hæredem  
 P. Cesennium fecit: uxori grande pondus argenti, ma-  
 triq; partem bonorum maiorem legauit. itaq; in partem  
 mulieres uocatae sunt. Cum esset hæc auctio heredita-  
 ria constituta: Ebutius iste, qui iandiu Cesenniae uiduita-  
 te, ac solitudine aleretur: ac se eius in familiaritate in-  
 sinuasset hac ratione: ut cum aliquo suo compendio ne-

gocia mulieris, si qua acciderent: controuersiasq; suscipere: uersabatur quoq; eo tpe in his ratioibus auctionis, et partitionis: atq; et se ipse inferebat: et intrudebat: et in ea opinionem Cesenniam adducebat: ut mulier imperita nihil putaret agi callide posse: ubi non adesset Ebutius. quam personam iam ex quotidiana cognoscitis uita Recuperatores mulierum assentatoris, cognitoris uiduarii, defensoris nimium litigiosi, conciti ad rixam, inepti, ac stulti inter uiros, inter mulieres periti iuris, & callidi: hanc personam imponite Ebutio. is enim Cesenniae fuit Ebutius: ne forte queratis num propinquus? nihil alieuius. amicus aut a patre, aut a uiro traditus? nihil minus. quis igitur? ille, quem supra deformavi: uoluntarius amicus mulieris, non necessitudine aliqua, sed ficto officio, simulataq; sedulitate coniunctus, magis opportuna opera nonnunquam, quam aliquando fideli. Cum esset, ut dicere institueram: constituta auctio Romae: suadebant amici, cognatiq; Cesenniae id, quod ipsi quoq; mulieri in mentem ueniebat: quoniam potestas esset emendi fundum illum Fulcanianum: qui fundo eius antiquo continens esset: nullam esse rationem, amittere eiusmodi occasionem: cum praesertim pecunia ex partitione deberetur: nusquam eam posse melius collocari. Ita q; mulier facere constituit. mandat: ut fundum sibi emat. cui tandem? cui putatis? an non in mentem uenit omnibus illius ad hoc munus, & ad omnia mulieris negotia paratissima ne quo nihil satis caute, nihil satis callide agi posset? re. Ele attenditis. ebutio negotium datur. adest ad tabulam: licetur Ebutius: deterrentur emptores multi, partim gratia Cesenniae, partim etiam precio: fundus adiciatur Ebutio: pecuniam argentario promittit Ebutius.

quo testimonio nunc uir optimus utitur, sibi emptum esse: quasi uero aut nos ei negemus addictum: aut tum quisquam fuerit: qui dubitaret: quin emeretur Cesenniae: cum id plerique scirent: omnes ferè audissent: hi coniectura assequi possent: cum pecunia Cesenniae ex illa hereditate deberetur: eam porro in praedijs collocari maxime expediret: essent autem praedia, quae mulieri maxime conuenirent: ea uenirent: liceretur is: quem Cesenniae dare operam nemo miraretur: sibi emere nemo posset suspicari. Hac emptione facta, pecunia soluitur à Cesennia. cuius rei putat iste rationem reddi non posse: quod ipse tabulas auerterit: se autem habere argentarij tabulas: in quibus sibi expensa pecunia lata sit, acceptaq; relata: quasi id aliter fieri oportuerit. cum omnia ita facta essent: quemadmodum nos defendimus: Cesennia fundum possedit: locauitq; neq; ita multo post A. Cecinnae nupsit. ut in pauca conferam: testamento facto mulier moritur. facit heredem ex deince, & femuntia Cecinnam: ex duabus sextulis M. Fulcinium libertum superioris uiri: Ebutio sextulam aspergit. hanc sextulam illa mercedem isti esse uoluit assiduitatis, & molestiae, si quam susceperat. Iste autem hac sextula se ansam retinere omnium controuersiarum putat. Iam principio ausus est dicere: non posse heredem esse Cesenniae Cecinnam: quod is deteriore iure esset: quam ceteri ciues: propter incommodum Volaterranorum, calamitatemq; ciuilem. itaq; homo timidus, imperitusq;, qui neq; animi, neq; consilij satis haberet: non putauit esse tanti hereditatem: ut de ciuitate in dubium ueniret: concessit credo Ebutio, quantum uellet de Cesenniae bonis ut haberet. immo, ut uiro forti, ac sapienti dignum fuit: ita et



lumniam, stulticiamq; obtinuit: ac contudit. in possessione bonorum cum esset: & cum ipse sextulam suam nimium exaggeraret: nomine hæredis arbitrum familiarie heriscundæ postulauit. Atq; illis paucis diebus, posteaquam uidet nihil se ab A. Cecinna posse litium terrore abradere: homini Romæ in foro denunciat: fundum illum, de quo ante dixi: cuius istum emptorem demonstrauisse mandato Cesenniae: suum esse: seq; sibi emisse. Quid ais? Istus ille fundus est: quem sine ulla controuersia quadriennium, hoc est, ex quo tempore fundus uenit: quoad uixit, possedit Cesennia. Vnus enim inquit eius & fructus fundi testamento uiri, fuerat Cesenniae. Cum hoc nouæ litis genus tam maleficiose intenderet: placuit Cecinnæ de amicorum sententia constituere: quo die in rem præsentem ueniretur: & de fundo Cecinna moribus deduceretur. colloquuntur: dies ex uiriussq; commodo sumitur. Cecinna cum amicis ad diem uenit in castellum Axia: ex quo loco fundus is, de quo agitur: non longe abest. Ibi certior fit à pluribus: homines permultos liberos, atq; seruos coegisse, & armasse Ebutium. cū id partim mirarentur: partim nō crederent: ecce ipse Ebutius in castellū uenit: denūciat Cecinnæ se armatos habere: abiturum eum non esse, si accessisset. Cecinnæ placuit & amicis, quoad uideretur saluo capite fieri posse: experiri. tum de castello descendunt: in fundum proficiunt. Videtur temere commissum. uerum, ut opinor, hoc fuit causæ: tam temere istum re commissurum, quàm uerbis nunciabatur: nemo putauit. Atque iste ad omnes introitus, quæ adiri poterat non modo in eum fundum, de quo controuersia fuerat: sed etiam in illum proximum, de quo nihil ambigebatur:

armatos

armatos homines opponit. Itaq; primo cum in antiquū fundum ingredi uellet: quod ea proxime accedi poterat: frequentes armati obsiterunt. quo loco depulsus Cecinna: tamen qua potuit ad eum fundum profectus: ex quo, ex conuentu uim fieri oportebat. eius autem fundi extremam partem oleæ directo ordine definiunt. ad eas cum accederetur: iste cum omnibus copijs præsto fuit: seruūq; suum nomine Antiochum ad se uocauit: et clara uoce imperauit: ut eum, qui illum olearum ordinē intrasset: occideret. Homine sententia prudentissimus Cecinna, tamen in hac re plus mihi animi, quam consilij uidetur habuisse. nam cum & armatorum multitudinem uideret: & eam uocem Ebutij, quam commemorauit: audiuisset: tamen accessit propius: & iam ingrediens intra finem eius loci, quem oleæ terminabant: impetum armati Antiochi, cæterorumq; tela, atq; incursus refugit. eodem tempore se in fugam conferunt una amici, aduocatiq; eius metu perterriti: quemadmodum illorum testem dicere audistis. His rebus ita gestis, P. Dolabella Prætor interdixit, ut est consuetudo, de ui hominibus armatis, sine ulla exceptione, tantum, ut unde decieasset: restitueret. restituisse se dixit. sponsio facta est. hac de sponsione uobis iudicandum est. Maxime fuit optandum Cecinæ Recuperatores: ut controuersie nihil haberet. secundo loco: ut ne cum tam improbo homine. tertio: ut cum tam stulto haberet. etenim non minus nos stulticia illius subleuat: quam lædit improbitas. improbus fuit: quod homines coegit: armauit: coactis, armatisq; uim fecit. læsit in eo Cecinam. subleuauit ibidem. nam in eas ipsas res, quas improbissime fecit: testimonia sumpsit: & eis in causa testimonijs utitur. Itaq;

mihi certum est Recuperatores: antequam ad meam de-  
 fensionem, meosq; testes uenio: illius uti confessione, et  
 testimonijs. quid confitetur? atq; ita libenter confitetur? ut  
 non solum fateri: sed etiam profiteri uideatur Recu-  
 peratores? conuocati homines: coegi: armaui: terrore mor-  
 tis, ac periculo capitis, ne accederes, obstiti. ferro (inquit)  
 ferro, et hoc dicit in iudicio: te reieci: atq; perterrui. quid?  
 testes quid aiunt? P. Vetilius propinquus Ebutij, se  
 Ebutio cum armatis seruis uenisse aduocatum. quid pra-  
 terea? fuisse complures armatos. quid aliud? minatum  
 esse Ebutium Cecinnae. quid ego de hoc teste dicam? ni-  
 si hoc Recuperatores? ut ita rco non minus ei creda-  
 tis: quod homo minus idoneus habetur: sed ideo cre-  
 datis: quod ex illa parte id dicit: quod illi cause ma-  
 xime est alienum. A. Terentius alter testis, non modo  
 Ebutium, sed etiam se ipsum arguit. in Ebutium hoc  
 dicit: armatos homines fuisse. de se autem hoc praedi-  
 cat: Antiocho Ebutij seruo imperasse: ut in Cecinnam  
 aduenientem cum ferro inuaderet. quid loquar am-  
 plius hoc de homine? in quem ego dicere, cum rogarer  
 a Cecinna: nunquam uolui: ne arguere illum rei capi-  
 talis uiderer: de eo dubito nunc, quomodo aut loquar,  
 aut taceam: cum ipse hoc de se iuratus praedicet. Dein-  
 de L. Celius non solum Ebutium cum armatis dixit  
 fuisse compluribus: uerum etiam cum aduocatis perpau-  
 cis eo uenisse Cecinnam. de hoc ego teste detraham? cui  
 aequae, atque meo testi ut credatis, postulo. P. Memmius  
 secutus est: qui suum non paruum beneficium comme-  
 morauit in amicos Cecinnae: quibus sese uiam per fra-  
 tris sui fundum dedisse dixit: qua effugere possent: cum  
 essent metu omnes perterriti. huic ego testi gratias agam?

quod & in re misericordem se præbuit: & in testimo-  
 nio religiosum. A. Atilius & eius filius L. Atilius  
 & armatos ibi fuisse: & se suos armatos adduxisse di-  
 xerunt. etiam hoc amplius. cum Ebutius Cecinnæ ma-  
 lum minaretur: ibi tum Cecinnam postulasse: ut mori  
 bus deductio fieret. hoc idem P. Rutilius dixit: & eo  
 libentius dixit: ut aliquo in iudicio eius testimonio cre-  
 ditum putaretur. duo præterea testes nihil de ui, sed de  
 ipsa emptione fendi dixerunt, P. Cesennius author fun-  
 di, non tam auctoritate graui, quàm corpore: & ar-  
 gentarius, Sex. Clodius: cui nomen est Phormio: nec mi-  
 nus niger, nec minus confidens, quàm ille Terentia-  
 nus est Phormio: nihil de ui dixerunt: nihil præterea,  
 quod ad uestrum iudicium pertineret. Decimo uero lo-  
 co testis expectatus, & ad extremum reseruatus dixit  
 Senator Populi romani, splendor ordinis, decus atque  
 ornamentum iudiciorum, exemplar antiquæ religio-  
 nis Fidiculanus Falcula: qui cum ita uehemens, acerq;  
 uenisset: ut non modo Cecinnam periurio suo læderet:  
 sed etiam mihi uideretur irasci: ita eum placidum,  
 mollemq; reddidi: ut non auderet: sicut meministis:  
 iterum dicere, quot millia fundus suus abesset ab urbe.  
 nam cum dixisset minus abesse LIII: populus cum  
 risu acclamauit ipsa esse. meminerāt enim omnes, quā-  
 tum in Albiano iudicio accepisset. In eum quid di-  
 cam? nisi id, quod negare non possit: uenisse in consilium  
 publicæ quæstionis, cum eius consilij iudex non esset:  
 & in eo consilio, cum causam non audisset: & pote-  
 stas esset ampliandi: dixisse sibi liquere: dum incogni-  
 ta re iudicare uoluisset: maluisse condemnare, quàm ab-  
 soluere: cum si uno minus damnarent: condēnari reus



non posset: non ad cognoscendam causam, sed ad explendam damnationem præsto fuisse. utrum grauius aliquid in quempiam dici potest: quam ad hominem condemnandum, quem nunquam uidisset: neq; audisset: ad ductum precio esse? an certius quicquam obijci potest? quam quod is, cui obijcitur: ne nutu quidem infirmare conatur? Veruntamen is testis, ut facile intelligeretis eum non adfuisse animo: cum ab illis causa ageretur: testesq; dicerent: sed tantisper de aliquo reo cogitasse: cum omnes ante eum dixissent testes, armatos cum Ebutio fuisse complures: solus dixit non fuisse. uisus est mihi primo ueterrator intelligere præclare, quid causa optaret: & tantummodo errare, quod omnes testes infirmaret: qui ante eum dixissent: cum subito ecce idem qui solet, suos solos seruos armatos fuisse dixit. quid huic tu homini facias? non ne concedas interdum: ut excusatione summæ stulticiæ, summæ improbitatis odium deprecetur? Vtrum Recuperatores his testibus non credidistis: cum quid liqueret, non habuistis? at controuersia non erat, quin uerum dicerent. an in coacta multitudine, in armis, in telis, in præsentis metu mortis, perspicuo periculo cædis, dubium uobis fuit, an esse uis aliqua uideretur, nec ne? quibus igitur in rebus uis intelligi potest: si in his non intelligitur? An uero illa defensio uobis præclara uisa est: non deieci: sed obstiti. non enim te sum passus in fundum ingredi: sed armatos homines opposui: ut intelligeres, si in fundo pedem posuisses: statim tibi esse pereundum. quid ais? is, qui armis perterritus, fugatus, pulsus est: non uidetur esse deiectus? posterius de uerbo uidebimus. nunc rem ipsam ponamus: quam illi non negant: et eius rei ius, actionemq; quæ

ramus. Est hæc res posita: quæ ab aduersario non negatur. Cecinnam, cum ad constitutam diem, tempusq; uenisset: ut ius, ac deductio moribus fieret: pulsum, prohibitumq; esse. ui, coactis hominibus, & armatis. Cum hoc constet: ego homo imperitus iuris, ignarus negotiorum, ac litium, hanc puto me habere actionem: ut per interdictum, meum ius teneam: atque iniuriam tuam persequar. fac in hoc errare me: nec ullo modo posse per hoc interdictum id assequi: quod uelim: te uti in hac re magistro uolo. quæro, sit ne aliqua huius rei actio? an nulla? conuocari homines propter possessionis controuersiam non oportet: armari multitudinem iuris retinendi causa non conuenit: nec iuri quicquam tam inimicum, quam uis: nec æquitati quicquam tam infestum est, quam conuocati homines, & armati. quod cum ita sit: resq; eiusmodi sit: ut in primis à magistratibus animaduertenda esse, uideatur: iterum quæro: sit ne eius rei aliqua actio? an nulla? nullam esse dicis? audire cupio qui in pace, & ocio, cum manum fecerit: copias pararit: multitudinem hominum coegerit: armarit: instruxerit: homines inermes, qui ad constitutum experiundi iuris gratia uenissent: armis, uiris, terrore, periculosoq; mortis repulerit: fugarit: auerterit: hoc dicat: feci equidem, quæ dicis, omnia: & ea sunt, & turbulenta, & temeraria, & periculosa. quid ergo est? impune feci. nã quid agas mecum ex iure civili, ac prætorio nõ habes. Ita ne uero Recuperatores? hoc uos audietis? & apud uos dici patiemini sæpius? cum maiores nostri tantæ diligentia, prudentiaq; fuerint: ut omnia omnium non modo tantarum rerum, sed etiam tenuissimarum iura statuerint: persecutiq; sint? ut hoc genus unum, uel ma-

ximum prætermitterent: ut si qui me exire domo mea  
 coegisset armis: haberem actionem: si qui introire pro-  
 hibuisset: non haberem? nondum de Cecinnæ causa di-  
 sputo: nondum de iure possessionis nostræ loquor: tan-  
 tum de tua defensione C. Piso queror. quando ita dicis:  
 Et ita constituis: si Cecinna, cum in fundo esset: inde de-  
 iectus esset: tum per hoc interdictum eum restitui oportu-  
 uisse. nunc uero deiectum nullo modo esse inde: ubi nõ  
 fuerit: hoc interdicto nihil nos assecutos esse: quero, si  
 te hodie domum tuam redeuntem coacti homines, et  
 armati non modo limine, tectoq; ædium tuarum, sed  
 primo aditu, uestibuloq; prohibuerint: quid acturus  
 sis? monet amicus meus te L. Calphurnius: ut idem di-  
 cas: quod ipse antea dixit: iniuriarum. quid ad causam  
 possessionis? quid ad restituendum eum: quem oportet  
 restitui? quid denique ad ius civile: aut ad actoris no-  
 tionem, et ad animaduersionem ages? iniuriarum?  
 plus tibi ego largiar. non solum egeris: uerum etiam  
 condemnaris licet: nunquid magis possidebis? actio enim  
 iniuriarum non ius possessionis assequitur: sed dolorem  
 imminutæ libertatis iudicio, pœnâq; mitigat. prætor in-  
 terea, Piso tanta de re tacebit? quemadmodum te resti-  
 tuat in ædes tuas non habebit? qui dies totos aut uim  
 fieri uetat: aut restitui factam iubet: qui de fossis, de  
 cloacis, de minimis aquarum, itinerumq; controuersijs,  
 interdicis: is repente obmutescet? in atrocissima re quid  
 faciat non habebit? Et C. Pisonæ domo, tectisq; suis  
 prohibito, prohibito inquam per homines coactos, et ar-  
 matos, prætor quemadmodum more, et exemplo opi-  
 tulari possit non habebit? quid enim dicet? aut quid tu  
 um insigni accepta iniuria postulabis? unde ni prohi-

bitus sis? nemo unquam interdixit. nouum est, non dico inusitatum, uerum omnino inauditum. unde deiectus? quid proficies: cum illi hoc respondebunt tibi: quod tu nunc mihi: armatos se tibi obstitisse: ne in aedes accederes: deici porro nullo modo potuisse: qui non accesserit. deicior ego inquis: si quis meorum deijatur. omnino iam bene agis. a uerbis enim recedis: Et aequitate utris. nam uerba ipsa si sequi uolumus: quomodo tu deijceris: cum seruus tuus deijatur? Verum ita est uti dicis: te deiectum debeo intelligere: etiam si tactus non fueris. non ne? age nunc: si ne quidem tuorum quisquā loco motus erit: atque omnes in aedibus adseruati, ac retenti: tu solus prohibitus: Et a tuis aedibus ui, atq; armis perterritus: utrum hanc actionem habebis: qua nos uisi sumus? an aliam quampiam? an omnino nullā? nullam esse actionem dicere in re tam insigni, tamq; atroci, neq; prudentiae, neq; auctoritatis tuae est. alia si quae forte est: quae nos fugerit: dic quae sit. cupio discere. haec si est, qua nos uisi sumus: te iudice uincamus necesse est. non enim uereor ne hoc dicas, in eadem causa eodem interdicto te oportere restitui: Cecinnam non oportere. etenim cui perspicuum non sit? ad incertum reuocari bona, fortunas, possessiones omniū: si ulla ex parte sententia huius interdicti diminuta, aut infirmata sit: si auctoritate uirorum talium ius armatorum hominum iudicio approbatum uideatur: in quo iudicio non de armis dubitatum: sed de uerbis quaesitum esse dicitur. is ne apud nos optinebit causam suam? qui se ita defenderit: eieci ego te armatis hominibus, non deieci: ut tantum facinus non in aequitate defensionis: sed in una litera latuisse uideatur? huiusce rei nos statuetis nul-



lam esse actionem? nulli experiundi ius constitutum?  
 quod obstitit armatis hominibus: qui multitudine co-  
 acta non introitu, sed omnino aditu quempiam prohi-  
 buerit? Quid ergo, hoc quam habet vim? ut ista re ali-  
 quid cum aliqua ex parte differre uideatur: utrum, pe-  
 dem cum intulero: atq; in possessionem uestigium fecero:  
 tum expellar, atq; deiciar: an in eadem ui atq; ysdem  
 armis mihi ante occurratur: ne non modo intrare, uerū  
 etiam aspicere, aut aspirare possim. qui hoc ab illo dif-  
 fert: ut ille cogatur restituere: qui ingressum expulerit: il-  
 le qui ingredientem repulerit, non cogatur? Videte per  
 deos immortales quod ius nobis, quam conditionem  
 uobismetipsis, quam deniq; ciuitati legem constituere ue-  
 litis. huiusce generis una est actio, per hoc interdictum,  
 quo nos usi sumus: constituta. ea si nihil ualet: aut si ad  
 hanc rem non pertinet: quid negligentius, aut qd stul-  
 tius maioribus nostris dici potest? qui aut tantæ rei præ-  
 termiserint actionem: aut eā constituerint: quæ nequa-  
 quam satis uerbis causam, & rationem iuris amplecte-  
 retur? periculosum est dissolui hoc interdictum: captio-  
 sum est omnibus rem ullam constitui eiusmodi: quæ cū  
 armis gesta sit: rescindi iure non possit. uerū tamen est  
 turpissimum illud: tantæ stulticiæ prudentissimos homi-  
 nes condemnari: ut uos iudicetis huius rei interdictum,  
 atq; actionem in mentem maioribus nostris non uenisse.  
 Queramur inquit licet: tamen hoc interdicto Ebu-  
 tius non tenetur. quid ita? quod uis Cecinnae facta nō  
 est. dici in hac causa potest: ubi arma fuerint: ubi co-  
 acta hominum multitudo: ubi instructi, & certis locis  
 cum ferro homines collocati: ubi minæ, pericula, ter-  
 roresq; mortis: ibi uim non fuisse? nemo inquit oati-

sus est, neq; saucius. quid ais? cum de possessionis contra-  
 uersia, & de priuatorum hominum contentione iuris  
 loquamur: tu uim negabis esse factam: si cades & occasio  
 facta non erit? ego exercitus maximos sepe pulsos, & fis-  
 gatos esse dico, terrore ipso, impetuq; hostium sine cuius-  
 quam non modo morte, uerum etiam uulnere. Etenim  
 Recuperatores non ea sola uis est: quæ ad corpus no-  
 strum, uitamq; peruenit: sed etiam multo maior ea:  
 quæ periculo mortis iniecto, formidine animum per-  
 territum loco sepe, & certo de statu dimouet. itaq; sau-  
 cij sepe homines, cum corpore debilitantur: animo ta-  
 men non cedunt: neq; eum relinquunt locum: quem sta-  
 tuerint defendere. at alij pelluntur integri: ut non du-  
 bium sit: quin maior adhibita uis ei sit: cuius animus sit  
 perterritus: quam illi, cuius corpus uulneratum sit. quod  
 si ui pulsos dicamus exercitus esse eos, qui metu, ac te-  
 nui sepe suspitione periculi fugerunt: & si non solum  
 impulsu scutorum, neque conflictu corporum, neq; ictu  
 cominus, neque coniectione telorum, sed sepe clamore  
 ipso militum, aut instructione, aspectuq; signorum ma-  
 gnas copias pulsas esse, & uidimus: & audiuius: quæ  
 uis in bello appellatur: ea in otio non appellabitur? &  
 quod uehemens in re militari putatur: id leue in iure ci-  
 uili iudicabitur? & quod exercitus armatos mouet: id  
 aduocationem togatorum non uidebitur mouisse? & ul-  
 nus corporis magis istam uim, quam terror animi decla-  
 rabit? et sauciatio quaeretur: cum fugam factam esse con-  
 stabit? tuus enim testis hoc dixit: metu perterritis nostris  
 aduocatis, locum qua effugerent demonstrasse. qui non  
 modo ut fugerent: sed etiam ipsius fugæ tutam uiam  
 quesierunt: his uis adhibita non uidebitur? quid

igitur fugiebant? propter metum? quid metuebant?  
 uim uidelicet potestis igitur principia negare: cum ex-  
 tremam conceditis? fugisse perterritos confitemini: cau-  
 sam fugæ dicitis eandem, quam omnes intelligimus:  
 arma, multitudinem hominum, incursionem, atque im-  
 petum armorum: hæc ubi conceduntur esse facta: ibi uis  
 facta negabitur? At uero hoc quidem iam uetus est, et  
 maiorum exemplo multis in rebus usitatum: cum ad  
 uim faciendam ueniretur: si quos armatos quamuis  
 procul conspexissent: ut statim testificati discederent: opti-  
 me sponsonem facere possent: ni aduersus edictum præto-  
 ris uis facta esset. Ita ne uero? scire esse armatos satis  
 est: ut uim factam probes? in manus eorum incidere non  
 est satis? aspectus armatorum ad uim probandam ua-  
 lebit? incursum & impetus non ualebit? qui abierit fa-  
 cilius sibi uim factam probabit? quam qui effugerit?  
 At ego dico hoc: si, ut primo in castello Cecinæ dixit  
 Ebutius, se homines coegisse: & armasse: neque illum, si  
 eo accessisset: abiturum: statim Cecinna discessisset: dubi-  
 tare uos non debuisse: quin Cecinæ facta uis esset.  
 si uero, simulac. procul conspexit armatos: recessisset: eo  
 minus dubitaretis. omnis enim uis est: quæ periculo aut  
 decedere nos alicunde cogit: aut prohibet accedere. Quod  
 si aliter statueris: uidete ne hoc uos statuatis: qui uiuis  
 discesserit: ei uim non esse factam: ne hoc omnibus in  
 possessionum controuersijs præscribatis: ut confligen-  
 dum sibi, & armis decertandum putent: ne, quemad-  
 modum in bello, poena ignauis ab imperatoribus con-  
 stituitur: sic in iudicijs deterior causa sit eorum, qui fuge-  
 rint: quam qui ad extremum usque contenderint. Cum de  
 iure, & legitimis hominum controuersijs loquimur: &

in his rebus uim nominamus: pertenuis uis intelligi debet. uidi armatos: quamuis paucos: magna uis est. decessi unius hominis telo perterritus: deiectus, detrususque sum. hoc si ita statuetis: non modo non erit cur depugnare quisquam post hac possessionis causa uelut: sed ne illud quidem, cur repugnare. sin autem uim sine caede, sine uulneratione, sine sanguine nullam intelligetis: statuetis homines possessionis cupidiores, quam uitae esse oportere. Age uero: de ui te ipsum habebo iudicem Ebuti: responde si tibi uidetur: in fundum Cecinna utrum noluit tandem: an non potuit accedere? cum te obtulisse, & repudiasse dicis, certe hunc uoluisse concedis. potes igitur dicere non ei uim fuisse impedimento? cui cum cuperet: eoque consilio uenisset: per homines coactos non sit licitum accedere? Si enim id, quod maxime uoluit: nullo modo potuit: uis profecto quaedam obstiterit necesse est: aut tu dic quamobrem cum uellet accedere: non accesserit. iam uim factam negare non potes. deiectus quemadmodum sit, qui non accesserit: id quaeritur. dimoueri enim; & depelli de loco necesse est eum: qui deiciatur. id autem accidere ei: qui potest? qui omnino in eo loco, unde se deiectum esse dicit: nunquam fuit? Quod si fuisset: & ex eo loco, metu permotus fuisset: cum armatos uidisset: diceret ne esse deiectum? opinor. an tu, qui tam diligenter, & tam callide uerbis controuersias, non aequitate dyudicatis: & iura non utilitate communi, sed literis exprimis: poteris ne dicere deiectum esse eum, qui tactus non erit? quid? detrusum dices? nam eo uerbo antea Praetores hoc interdicto uti solebant. quid ais? potest ne detrudi quisquam qui non attingitur? nonne, si uerbum sequi uolumus:



hoc intelligamus necesse est? eum detrudi: cui manus affe-  
rantur? necesse est inquam, si ad uerbum rem uolumus  
attingere: neminem statu detrusum qui non adhibita ui,  
manu demotus, & actus præceptis intelligatur. deiectus  
uero qui potest esse quisquam, nisi in inferiorem locum  
de superiore motus? potest pulsus, fugatus, eiectus de-  
niq: illud uero nullo modo potest, deiectus esse quisquam:  
non modo qui tactus non sit: sed ne æquo quidem, &  
plano loco. quid ergo? hoc interdictum putamus co-  
rum esse causa compositum? qui se præcipitatos ex locis  
superioribus dicerent? eos enim uere possumus dicere  
esse deiectos. an, cum uoluntas, & consilium, & senten-  
tia interdicti intelligatur: impudentiam summam, aut  
stulticiam singularem putabimus: in uerborum errore  
uersari? rem, & causam, & utilitatem communem  
non relinquere solum: sed etiam proderet? An hoc du-  
bium est? quin neq; uerborum tanta copia sit, non mo-  
do in nostra lingua, quæ dicitur esse inops: sed ne in aliis  
quidem ullas res ut omnes suis certis, ac proprijs uoca-  
bulis nominentur? neq; uero quicquam opus sit uerbis:  
cum ea res, cuius causa uerba quæsitæ sint, intelligatur.  
quæ lex, quod senatus consultum, quod magistratus edi-  
ctum, quod fœdus, aut pactio, quod (ut ad priuatas res  
redeam) testamentum, quæ iudicia, aut stipulationes, aut  
pacti, & conuenti formula, non infirmari, aut conuelli  
potest? si ad uerba rem deflectere uelimus? consilium  
autem eorum, qui scripserunt: & rationem, & authori-  
tatem relinquamus? sermo hercule & familiaris, &  
quotidianus non cohærebit: si uerba inter nos aucupabi-  
mur. deniq; imperium domesticum nullum erit: si ser-  
uulis hoc nostris concesserimus: ut ad uerba nobis obe-

diant: non ad id, quod ex uerbis intelligi possit: obtem-  
 perent. Exemplis nunc uti uidelicet mihi necesse est ha-  
 rum rerum omnium? non occurrit unicuiq; uestru aliud  
 alij in omni genere exemplum? quod testimonio sit: non  
 ex uerbis aptum pendere ius: sed uerba seruire homi-  
 num consilijs, & auctoritatibus? Ornate & copiose L.  
 Crassus homo longe eloquentissimus, paulo ante quam  
 nos in forum uenimus: iudicio centumuirali hanc sen-  
 tentiam defendit: & facile, cum contra eum pruden-  
 tissimus homo Q. Mutius diceret: probauit omnibus:  
 M. Curium, qui haeres institutus esset ita, mortuo postu-  
 mo filio: cum filius non modo non mortuus, sed ne na-  
 tus quidem esset: haeredem esse oportere. quid? uer-  
 bis satis hoc cautum erat? minime. quæ res igitur ua-  
 luit? uoluntas. quæ si tacitis nobis intelligi posset: uerbis  
 omnino non uteremur. quia non potest: uerba reperta  
 sunt: non quæ impedirent: sed quæ indicarent uolun-  
 tatem. Lex usum, & auctoritatem fundi iubet esse bien-  
 nium. at utimur eodem iure in ædibus: quæ in lege non  
 appellantur. si uia sit immunita: iubet, quæ uelit, agere  
 iumentum. potest hoc ex uerbis intelligi: licere si uia sit  
 in Brutijs immunita: agere, si uelit, iumentum per M.  
 Sauri Thusculanum. actio est in authorem præsentem  
 his uerbis. quâdoquidē te in iure conspicio. hac actione  
 Appius ille Cæcus uti non posset: si tam uere homines  
 uerba confectaretur: quàm rem, cuius causa uerba sunt:  
 non considerarent. testamento si recitatus haeres esset pu-  
 pillus Cornelius: isq; iam annos XX haberet: uobis in-  
 terpretibus amitteret hereditatem? Veniunt in mentem  
 mihi permulta: uobis plura certo scio. uerum ne ni-  
 mium multa complectamur: atque ab eo, quod propo-

situm est: longius aberret oratio: hoc ipsum interdī-  
 ctum de quo agitur: consideremus: intelligetis enim in eo  
 ipso, si in uerbis ius constituamus: omnem utilitatem nos  
 huius interdicti, dum uersuti, & callidi uolumus esse:  
 amissuros. VNDE TV, AVT FAMILIA,  
 AVT PROCVRATOR TVVS. si me uilli-  
 cis tuus solus deiecerit: non familia deiecerit, ut opinor,  
 sed alius de familia. recte igitur diceres te restituisse? q̄p-  
 pe. quid enim facilius est? quam probari ijs, qui latine  
 sciant: in uno seruolo familie nomen non ualere? si ue-  
 ro ne habeas quidem seruum præter eum, qui me deie-  
 cerit: clames uidelicet: si habeo familiam: a familia mea  
 fateor te esse deiectum. neq; dubiū est: quin, si ad rem ius  
 dicendam uerbo ducimur, nō re: familiam intelligamus:  
 quæ constet ex seruis pluribus: quin unus homo fami-  
 lia non sit. uerbum certe hoc non modo postulat: sed  
 etiam cogit. at uero ratio iuris, interdicti q; ius, et Præto-  
 rum uoluntas, et hominum prudentiū consiliū, et au-  
 thoritas, respuat hanc defensionem: & pro nihilo pu-  
 tet. quid ergo? isti homines latine non loquuntur? immo  
 uero tantum loquuntur: quantum est satis ad intelligen-  
 dam uoluntatem: cum sibi hoc proposuerint: ut siue me tu  
 deieceris: siue tuorum quispiam, siue seruorum, siue ami-  
 corum: ut seruos non numero distinguant: sed appellent  
 uno familie nomine. de liberis autem, quisquis est, pro-  
 curatoris nomine appelletur: non quo omnes sint: aut ap-  
 pelletur procuratores: qui negotij nostri aliquid gerant:  
 sed in hac re, cognita sententia interdicti uerba exqui-  
 ri omnia noluerunt. non enim alia causa est æquitatis  
 in uno seruo, & in pluribus: non alia ratio iuris in  
 hoc genere duntaxat, utrum me tuus procurator deie-

cerit is, qui legitime procurator dicitur omnium rerum  
 eius, qui in Italia non sit: absit uero Reip. causa: quasi qui  
 dam pene dominus, hoc est alieni iuris uicarius: aut  
 tuus colonus, aut uicanus, aut cliens, aut libertus, aut  
 quuius, qui illam uim, deiectionemq; tuo rogatu, aut  
 tuo nomine fecerit. Quare si ad eum restituendum, qui  
 ui deiectus est: eandem uim habet aequitatis ratio: ea  
 intellecta, certe nihil ad rem pertinet: quæ uerbo-  
 rum uis sit, ac nominum. tam restitues: si tuus me li-  
 bertus deiecerit: nulli tuo præpositus negotio: quàm si pro-  
 curator deiecerit: non quo omnes sint procuratores:  
 qui aliquid nostri negotij gerunt: sed quod in hac re  
 queri nihil attinet. tam restitues: si unus seruulus, q̃  
 si familia deiecerit uniuersa: non quo idem sit seruulus,  
 quod familia. uerum quia non quibus uerbis quidq;  
 dicatur, queritur: sed quæ res agatur. etiam, ut longi-  
 us à uerbo recedamus: ab æquitate ne tantulum qui-  
 dem: si tuus seruus nullus fuerit: Et omnes alieni, ac  
 mercenarij: tamen Et ipsi tuæ familiæ Et genere  
 Et nomine continebuntur. Perge porro hoc idem inter-  
 dictum sequi. HOMINIBVS COACTIS. ne-  
 minem, coegeris: ipsi conuenerint sua sponte: certe coegerit  
 is, qui congregat homines: Et conuocat. Coacti sunt ij,  
 qui ab aliquo sunt unum in locum congregati. si non  
 modo conuocati nõ sunt: sed ne conuenerunt quidẽ: sed  
 ij modo fuerunt: qui etiã antea, non uis ut fieret: uerũ  
 colendi, aut pascendi causa esse in agro consueuerãt: defen-  
 des homines coactos non fuisse: Et uerbo quidem supe-  
 rabis, me ipso iudice: re autem ne consistes quidem ullo  
 iudice. uim enim multitudinis restitui uoluerunt: non  
 solum conuocatæ multitudinis. sed, quia plerumque



ubi multitudine opus est: homines cogi solent: ideo de coarctis compositum interdictum est: quod etiam si uerbo differre uidebitur: re tamen erit unum: Et omnibus in causis idem ualebit: in quibus perspicitur una atque eadem causa aequitatis. ARMATIS V E. quid dicemus? armatos si latine loqui uolumus: quos appellare uere possumus? opinor eos, qui scutis, telisq; parati, ornatique sunt: quid igitur? si glebis, aut saxis, aut fustibus aliquem de fundo precipitem egeris: iussusq; sis, quem hominibus armatis deieceris, restituere: restituisse te dicemus? uerba si ualent: si causae non ratione, sed uocibus ponderantur: me authore dicito. uinces profecto non fuisse armatos eos: qui saxa iacerent: quae de terra ipsi tollerent: non esse arma cespites, neque glebas: non fuisse armatos eos: qui praetereuntes ramum de fringerent arboris: arma esse suis nominibus, alia ad tegendum: alia ad nocendum: quae qui non habuerint: inermes fuisse uinces. uerum siquidem erit armorum iudicium: tum ista dicito. iuris iudicium cum erit, Et aequitatis: caue in ista tam frigida, tam ieiuna calumnia delitescas. non enim reperies quenquam iudicem, aut Recuperatorem: qui tanquam si arma militis inspicienda sint: ita probeat armatum. sed perinde ualebit: quasi armatissimi fuerint: si reperientur ita parati fuisse: ut uim uitae aut corpori potuerint asferre. Atque, ut magis intelligas, quae uerba nihil ualeant: si tu solus, aut quiuis unus cum scuto, cum gladio impetum in me fecisset: atque ego ita deiectus essem: auderes ne dicere? interdictum esse de armatis hominibus? hic autem hominem armatum unum fuisse? non opinor tam impudens esses. atqui uide ne multo nunc sis impudentior. nam tum

quidem

quidem omnes mortales implorare posses: quod homines in tuo negotio latine loqui obliuiscerentur: quod inermes armati iudicaretur: quod, cum interdictum esset de pluribus: commissa res esset ab uno: unus homo plures esse homines iudicaretur. uerum in his causis non uerba ueniunt in iudicium: sed ea res, cuius causa uerba hæc in interdictum coniecta sunt. Vim, quæ ad caput, & ad uitam pertinet: restitui sine ulla exceptione uoluerunt. ea fit plerumq; per homines coactos, armatosq;: si alio consilio, eodem periculo facta sit: eodem iure esse uoluerunt. non enim maior est iniuria, si tua familia, quàm si tuus uillicus, non si tui serui, quàm si alieni, ac mercennarij, non si tuus procurator, quàm si uicinus, aut libertus tuus, non si coactis hominibus, q̃ si uoluntarijs, aut etiam assidujs, ac domesticis, non si armatis, quàm si inermibus, qui uim haberent armatorum, ad nocendum, non si pluribus, quàm si uno armato. quibus enim rebus plerumq; uis fit: eiusmodi hæc res appellantur interdicto. si per alias res eadem facta uis est: ea, tamen si uerbis interdicti non concluditur: tamen sententia iuris, atq; auctoritate retinetur. Venio nunc ad illud tuum non deieci: si non fui accedere. puto te ipsum Piso perspicere, quanto ista sit angustior, iniquiorq; defensio: quàm si illa uterere: non fuerunt armati, cum fustibus, & saxis fuerunt. Si me hercule mihi non copioso homini ad dicendum, optio datur: utrum malim defendere: non esse deiectum eum, qui ui, & armis ingredienti sit occursum: an armatos non fuisse eos: qui sine scutis, ac sine ferro fuerint: omnino ad probandum utranq; rem uideã infirmam, nugatoriãq; esse.

ad dicendum autem in altera uidear mihi aliquid reperire posse: nō fuisse armatos eos, qui neq; ferri quicquā, neq; scutum ullum habuerint: hic uero hāream: si mihi defendendum sit, eum qui pulsus, fugatusq; sit: non esse deiectum. Atq; illud in tota defensione tua, mihi maxime mirum uidebatur: te dicere iurisperitorum auctoritati obtemperari non oportere. quod ego, tamen si non nunc primum, neq; in hac causa solum audio: tamen admodū mirabar, abs te quāobrem diceretur. nam ceteri tum ad istam hortationē decurrunt: cum se in causa putant habere aequū, & bonū, quod defendant. si contra uerbis, & literis, & (ut dici solet) summo iure contenditur: solent eiusmodi iniquitati & boni, et aequi nomē, dignitatemq; opponere. tum illud, quod dicitur: si ueni, be, \* irridet: tum aucupia uerborū, et literarū tendilae in inuidiā uocant: tum uociferantur ex aequo, et bono, non ex callido, uersutoq; iure rem iudicari oportere: scriptum sequi calūniatoris esse: boniq; iudicis, uoluntatē scriptoris, auctoritatēq; defendere. In ista uero causa, cum tu sis is, qui te uerbo, literaq; defendas: cū tu sint eae partes: unde deiectus es? an i de quo prohibitus es accedere? eiectus es, non deiectus. cum tua sit haec oratio: fateor me homines coegisse: fateor armasse: fateor tibi mortem esse minitatum: fateor hoc interdictum praetoris uindicari: si uolūtas, et aequitas ualeat. sed ego inuenio in interdicto uerbum unum: ubi delitescam. non deiecti te ex eo loco: quē in locum prohibui ne uenires. in ista defensione accusas eos: qui consuluntur: quod aequitatis censcant rationem, non uerbi haberi oportere. Et hoc loca Scenolam dixisti causam. apud Centūuiros non tenuis-

se: quem ego antea non commemoravi: quod idem faceret, quod tu nunc: tamen si ille in aliqua causa faciebat: tu in nulla facis: tamen probasse nemini quod defendis: quia uerbis oppugnare aequitatem uidebatur. Cum id miror, te hoc in hac re alieno tempore, et contra, quam ista causa postulasset, defendisse: tum illud uulgo in iudicijs & nonnunquam ab ingeniosis hominibus defendi mihi mirum uideri solet: nec iurisconsultis concedi: nec ius civile in causis semper ualere oportere. Nam qui hoc disputant: si id dicunt: non recte aliquid statuere eos, qui consulantur: nec hoc debent dicere iuri civili, sed hominibus stultis obtemperari non oportere. si illos recte respondere concedunt: & aliter iudicari dicunt oportere: male iudicari oportere dicunt. neque enim fieri potest: ut aliud iudicari de iure, aliud responderi oporteat: nec ut quisquam iuris numeretur peritus: qui id statuat esse ius: quod non oporteat iudicari. At est aliquando contra iudicatum. primum utrum recte: an perperam? si recte: id fuit ius, quod iudicatum est. si aliter: non dubium est, utrum iudices, an iurisconsulti uituperandi sint. deinde si de iure uario quippiam iudicatum est: non potius contra iurisconsultos statuunt: si aliter pronunciatum est, ac Mutio placuit: quam ex eorum autoritate: si ut Manilius statuebat, sic est iudicatum. Etenim ipse Crassus non ita causam apud centumuiros egit: ut contra iurisconsultos diceret: sed ut hoc doceret: illud quod Scenola defendebat: non esse iuris: et in eam rem non solum rationes afferret: sed etiam Q. Mutio socero suo, multisque peritissimis hominibus authoribus uteretur. Nam qui ius civile contemnendum putat: is uincula reuellit, non-



modo iudiciorum, sed etiam utilitatis, uitæq; commu-  
nis. qui autem interpretes iuris uituperat: si imperitos  
iuris esse dicat: de hominibus nō de iure civili detrahit.  
sin peritis non putat esse obtemperandum: non homines  
lædit: sed leges, ac iura labefactat. quod uobis uenire  
in mentem profecto necesse est: nihil esse in ciuitate tam  
diligenter, quam ius civile retinendum. etenim hoc sub-  
lato, nihil est, quare exploratum cuiquam possit esse, qd  
suum, aut quid alienum sit: nihil est quod æquabile in-  
ter omnes, atq; unum omnibus esse possit. Itaq; in cæte-  
ris controuersijs, atq; iudicijs, cum queritur aliquid fa-  
ctum, nec ne sit: uerum an falsum proferatur: et fictus  
testis subornari solet: & imponi falsæ tabulæ nonnun-  
quam honesto, ac probabili nomine: bono uiro iudica-  
tor obijci: improbo facultas dari: ut cum sciens perpe-  
ram iudicauit: testamentum aut tabulas secutus esse ui-  
deatur. In iure nihil est eiusmodi. Recuperatores: non ta-  
bulæ falsæ: non testis improbus: deniq; nimia ista, quæ  
dominatur in ciuitate potentia, in hoc solo genere quie-  
scit: quid agat: quomodo aggrediatur iudicem: qua de-  
niq; digitum proferat: non habet. Illud enim potest dica-  
iudici ab aliquo, nō tam uerecundo homine, quàm gra-  
tioso: iudica hoc factum esse: aut nunquam esse factum,  
uel cogitatum: crede huic testi: has comproba tabulas.  
hoc non potest. cui filius agnatus sit, eius testamentum  
non esse ruptum, iudica: quod mulier sine tutore autho-  
re promiserit, deberi. non est aditus ad huiusmodi res  
neq; potentia cuiusquam, neq; gratia. deniq; quo ma-  
ius hoc, sanctiusq; uideatur: ne precio quidem corrup-  
pi iudex in eiusmodi causa potest. iste uester testis, qui

ausus est dicere fecisse uideri eum: de quo ne cuius rei  
argueretur quidem scire potuisset: ipse nunquam aude-  
ret iudicare, debere uiro dotem: quam mulier nullo au-  
thore dixisset. O' rem præclaram, uobisq; ob hoc reti-  
nendam Recuperatores. quod enim est ius ciuile? quod  
neq; inflecti gratia, neq; perfringi potentia, neq; adul-  
terari pecunia possit: quod si non modo oppressum, sed  
etiam desertum, aut negligentius adseruatum erit: nihil  
est: quod quisquam sese habere certum, aut à patre ac-  
cepturum, aut relicturum liberis arbitretur. quid eni  
refert, ædes, aut fiendum relictum à patre: aut aliqua  
ratione habere bene partum: si incertum sit? quæ cum  
omnia tua iure mancipij sint: ea possis ne retinere? si  
parum sit communium ius: si ciuili, ac publica lege con-  
tra alicuius gratiam teneri non potest? quid inquā pro-  
dest fundum habere? si, quæ decentissime descripta à ma-  
ioribus iura finium, possessionum, aquarū, itinerumq;  
sunt: hæc perturbari aliqua ratione, commutariq; pos-  
sunt? mihi credite: maior hæreditas uenit unicuiq; uestrū  
in ysdem bonis, à iure, et à legibus: quàm ab ijs, à qui-  
bus illa ipsa bona relictæ sunt. nam ut perueniat ad me  
fundus testamento alicuius fieri potest: ut retineā quod  
meum factum sit: sine iure ciuili non potest. fundus à  
patre relinqui potest: at usucapio fundi, hoc est finis sol-  
licitudinis, ac periculum litium, non à patre relinqui-  
tur: sed à legibus. aquæductus, haustus, iter, actus, à  
patre, sed rata auctoritas harum rerum omnium à iu-  
re ciuili sumitur. quapropter non minus diligenter ea,  
quæ à maioribus accepistis: publica patrimonialia iuris, q̃  
prinate rei uestre retinere debetis. non solū quod hæc

iure civili septa sunt: sed etiam quod patrimonium, uni  
us incommodo dimittitur: ius amitti non potest sine ma  
gno incommodo ciuitatis. In hac ipsa causa Recupe  
ratores, si hoc nos non obtinemus: ui armatis homi  
nibus deiectum esse eum, quem ui armatis hominibus  
pulsam, fugatumq; esse constet: Cecinna rem non amit  
tet: quam ipsam animo forti, si tempus ita ferret, amit  
teret: in possessionem in praesentia non restituetur: ni  
hil amplius populi ro. causa, ciuitatis ius, bona, for  
tunae, possessionesq; in dubium, incertumq; reuocabuntur:  
uestra auctoritate hoc constituetur: hoc praescribetur:  
qui cum tu posthac de possessione contendes: eum si in  
gressum modo deieceris: in praedium restituas oportebit.  
sin autem ingredienti cum armata multitudine ob  
uius fueris: & ita uenientem repuleris: fugaris: auer  
teris: nō restitues \* tu res si equos uestes \* si uim nō in  
caede solum sed etiam in animo libidinis. nisi cruor  
\* appareat: uim non esse factam: iniuriarum delictum  
esse: qui prohibitus sit: nisi ex eo loco ubi uestigium  
impresserit, deici neminem posse: iuris retinet senten  
tiam: & aequitatem plurimum ualere oportere: uer  
bo, ac litera ius omne torqueri: uos statuite Recupera  
\* tores ut uiliores esse uideantur. Hoc loco percommode  
accidit: quod non adest is: qui paulo ante affuit: &  
adesse nobis frequenter in hac causa solet: uir ornatif  
simus C. Aquilius. nam ipso praesente de uirtute eius, et  
prudencia timidius dicerem: quod & ipse pudore quo  
dam afficeretur ex sua laude: & me similis ratio pu  
doris a praesentis laude tardaret. cuius auctoritati di  
ctum est ab illa causa concedi nimium non oportere.

Vereor de tali uiro ne plus dicam: q̄ uos aut sentiatis: aut apud uos commemorari uelitis. quapropter hoc dicam: nunquam eius auctoritatem nimium ualere: cuius prudentiam populus Ro. in cauendo, non in decipiendo perspexerit: qui iuris ciuilis rationem nūquam ab æquitatē seiunxerit: qui tot annos ingenium, laborē, fidem suam populo Ro. promptam, expositamq; præbuerit: qui ita iustus, & bonus uir est: ut natura, non disciplina consultus esse uideatur: ita peritus, ac prudēs: ut ex iure ciuili non scientia solum quædam, uerum etiam bonitas nata uideatur: cuius tantum est ingenium: ita prompta fides: ut quicquid inde haurias: purum, lī quidumq; te haurire sentias. Quare per magnam iniustitiam a nobis gratiam: cum eum authorem nostræ defensionis esse dicatis. illud autem miror: cur uos aliquid contra me sentire dicatis: cum eum authorem uos pro me appelletis: nostrum nominetis. Veruntamen quid ait iste uester auctor? omnibus quicqd uerbis actum pronuntiatumq; sit. conuenit. Ego ex isto genere consultorum nō nonnumquam ut opinor istum ipsum, quo uos auctore rem istam agere, & defensionem causæ constituere uos dicatis. qui cum istam disputationē mecum ingressus esset: non posse probare quenquā esse deiectum, nisi ex eo loco in quo fuisset: rem et sententiā interdicti mecum facere fatebatur: uerbo me excludi dicebat: a uerbo autem posse recedi nō arbitrabatur. Cū exēplis uterer multis: etiā illa materia ægatis ab uerbo, et ab scripto: plurimis sæpe in rebus ius, et æqui boniq; rationē esse seiunctā: semperq; id ualuisse plurimum: quod in se auctoritatis habuisset æquitatisq; plurimum: consolatus est me: & ostendit



in hac ipsa causa nihil esse quod laborarem. nam uerba ipsa sponsonis facerent mecum: si uellē diligenter attendere. quonam inquam modo? quia certe inquit deiectus est Cecinna ui hominibus armatis aliquo ex loco: si non ex eo loco, quem in locum uenire uoluit: at ex eo certe, unde fugit. quid tum? Prætor inquit interdixit: ut, unde deiectus esset: eo restitueretur: hoc est quicunque is locus esset: unde deiectus esset. Ebutius autem, qui factetur aliquo ex loco deiectum esse Cecinnam: is quo modo se restituisse dixit: necesse est: male fecerit sponsonem. Quid est Piso? placet tibi pugnare uerbis? placet causam iuris, & æquitatis, & non nostræ possessionis, sed omnino possessionum omnium constituere in uerbo? Ego quod mihi uideretur: quod à maioribus factitatum: quod horum auctoritate, quibus iudicandum est: dignum esset: ostendi: id uerum, id æquum, id utile omnibus esse: spectari quo consilio, & qua sententia, non quibus quidque uerbis esset actum. tu me ad uerbum uocas. non ante uenio: quam recusaro. nego oportere: nego obtineri posse: nego ullam rem esse: quæ aut comprehendi satis, aut caueri, aut excipi possit: si aut præterito aliquo uerbo, aut ambigue posito, sententia, & re cognita non id quod intelligitur, sed id quod dicitur: ualebit. quoniam satis recusavi: uenio iam quo uocas: quero abs te: sum ne deiectus: non de Fulciniano fundo: neque enim Prætor, si ex eo fundo essem deiectus: ita me restitui iussisset: sed eo unde deiectus essem: sum ex proximi vicini fundo deiectus, qua adibam ad istum fundum: sum de uia: sum certe alicunde, siue de privato, siue de publico: eo restitui sum iussus. restituisse te di-

*xisti. nego me ex decreto Prætoris restitutionem esse. Quid  
 ad hæc dicimus? aut tuo, quemadmodum dicitur, gladio,  
 aut nostro defensio tua conficiatur necesse est. si ad inter-  
 dicti sententiam confugis: et de quo fundo actum sit tum,  
 cum Ebutius restituere iubebatur: id quærendum esse di-  
 cis: neque æquitatem rei uerbi laqueo capi putas oport-  
 ere: in meis castris, præsidysq; uersaris. mea, mea est  
 ista defensio: ego hoc uociferor: ego omnes homines deosq;  
 testor: cum maiores uim armatam nulla iuris defensio-  
 ne texerint: non uestigium eius, qui deiectus sit: sed  
 factum illius, qui deiecerit: in iudicium uenire: de-  
 iectum esse, qui fugatus sit: uim esse factam, cui peri-  
 culū mortis sit iniectum. istum locum fugis: & refor-  
 midas: & me ex hoc, ut ita dicam, campo æquitatis, ad  
 istas uerborum angustias, & ad omnes literarum angu-  
 los reuocas. in ijs ipsis intercludere insidijs: quas mihi co-  
 naris opponere. non deieci: sed eieci. peracutum hoc ti-  
 bi uidetur: hic est mucro defensionis tuæ: in eum ipsum  
 causa tua incurrat, necesse est. ego enim tibi refero: si non  
 sum ex eo loco deiectus: quo prohibitus sum accedere:  
 at ex eo sum deiectus: quo accessi: unde fugi. si prætor nō  
 distinxit locum: quo me restitui iuberet: et restitui iussit:  
 non sum ex decreto restitutus. Velim Recuperatores,  
 hoc totum si uobis uersutius, quàm mea consuetudo de-  
 fendendi fert, uidebitur: sic existimetis: primum alium  
 non me excogitasse: deinde huius rationis non modo  
 nunc inuentorem, sed ne probatorem quidem esse me:  
 idq; me non ad meam defensionem attulisse: sed illorū  
 defensioni retulisse. me posse pro meo iure dicere neque  
 in hac re, quam ego protuli: quæri oportere, quibus*

uerbis Prætor interdixit: sed de quo loco sit actum:  
 cum interdixit: neque in ui armatorum spectari opor-  
 tere, in quo loco sit facta uis: uerum sit ne facta. te uero  
 nullo modo posse defendere: in qua re tu uelis: uerba spe-  
 ctari oportere: in qua re nolis: nõ oportere. Verũtamen  
 et qd mihi respondetur ad illud: quod antea dixi: non  
 solum re & sententia, sed uerbis quoq; hoc interdi-  
 ctum ita esse compositum: ut nihil commutandum ui-  
 deretur? attendite diligenter quæso Recuperatores: est  
 enim uestri ingenij, non meam, sed maiorum pruden-  
 tiam cognoscere. non enim sum id dicturus, quod ego  
 inuenerim: sed quod illos non fugerit. Cum de ui in-  
 terdicatur: duo genera causarum esse intelligebant: ad  
 quæ interdictum pertineret. unum, si qui ex eo loco,  
 quo ueniret: alterum, si ab eo deiectus esset. & horum  
 utrunq; neq; præterea quicquam potest accidere Recu-  
 peratores. id adeo, si placet, considerate. Si qui meam fa-  
 miliam de meo fundo deiecerit: ex eoque loco deiecerit.  
 si qui mihi præsto fuerit cum armatis hominibus extra  
 meum fundum: & me introire prohibuerit: non ex eo,  
 sed ab eo loco me deiecerit. ad hæc duo genera rerum,  
 unum uerbum, quod satis declararet utraq; res: inue-  
 nerunt: ut siue ex fundo, siue à fundo deiectus essem:  
 uno, atq; eodẽ interdicto restituerer. V N D E T V. hoc  
 uerbum unde, utrunq; declarat: & ex quo loco, & à  
 quo loco. unde deiectus est Cecinna? ex urbe. unde de-  
 iecti? ab urbe. unde deiecti Galli? à Capitolio. unde  
 qui cum Graccho fuerunt? ex Capitolio. uidetis igitur  
 hoc uno uerbo significari res duas: et ex quo, & à quo  
 loco. V I. Cum autem eo restitui iuber: ita iuber: ut si Gal

li à maioribus nostris postularent: ut eo restitueretur:  
 unde deiecti essent: & aliqua in hoc assequi possent: nō  
 opinor eos in cuniculum, quā aggressi erant: sed in Ca-  
 pitolium restitui oporteret. hoc enim intelligitur: unde  
 deiecasti, siue ex quo loco, siue à quo loco: eo restituas: hoc  
 iam simplex est: in eum locum restituas: siue ex hoc lo-  
 co deiecasti: restitue in hunc locum: siue ab hoc loco: re-  
 stitue in eum locum: non ex quo, sed à quo deiectus.  
 Vt si qui ex alto, cum ad patriam accessisset: tempesta-  
 te subito reiectus optaret, ut cū esset à patria deiectus:  
 eo restitueretur: hoc opinor optaret: ut à quo loco depul-  
 sus esset: in eum se fortuna restitueret: non in salū, sed in  
 ipsam urbem, quam petebat. Sic quoniam uim uerbo-  
 rum necessario similitudine rerum aucupamur: qui po-  
 stulat, ut à quo loco deiectus est: hoc est unde deiectus  
 est: eo restituatur: cum uerba nos eo ducunt: tum res ipsa  
 hoc sentire, atque intelligere cogit. Etenim Piso (redeo  
 nunc ad illa principia defensionis meae) si quis te ex aedi-  
 bus tuis uel hominibus armatis deiecerit: quid ageres?  
 opinor hoc interdicto, quo nos usi sumus: persequerere.  
 quid? si qui iam de foro redeuntem armatis homini-  
 bus domum tuam te introire prohibuerit? quid ages?  
 utere eodem interdicto. cum igitur praetor interdixerit:  
 unde deiectus es: ut eo restituaris: tu hoc idem, quod  
 ego dico: & quod perspicuum est: interpretabere: cum  
 illud uerbum unde in utranq; rem ualeat: eoq; tu resti-  
 tui sis iussus: tam te in aedes tuas restitui oportere, si è ue-  
 stibulo, quam si ex interiore aedium parte deiectus  
 sis. Vt uero iam Recuperatores nulla dubitatio sit: si-  
 ue rem, siue uerba spectare uultis: quin secon-



dum nos iudicatis: exoritur hic iam obrutis rebus omnibus, & perditis, illa defensio, eum deici posse, qui tum possideat: qui non possideat, nullo modo posse. itaque, si ego sum à iuis aedibus deiectus: restitui. non oportere: si ipse sis: oportere. numera quàm multa in ista defensione falsa sint. Disorat primum illud attende: te iam ex illa ratione esse depulsum: quod negabas quenquam deici posse: nisi in eo loco esset: nunc iam posse concedis. eum qui non possideat, negas deici posse. cur ergo aut in illud quotidianum interdictum, unde ille me ui deiecit, additur: cum ego possiderem: si deici nemo potest: qui non possidet? aut in hoc interdictum, de hominibus armatis non additur? si oportet quæri: possederit. nec ne? negas deici, nisi qui possideat. ostendo si sine armatis, coactis uel hominibus, deiectus quisquam sit: eum, qui fateatur se deiecasse: uincere sponsonem: si ostendat eum non possedis se. negas deici, nisi qui possideat. ostendo ex hoc interdicto de armatis hominibus, qui possit ostendere non possedis eum, qui deiectus sit: condemnari tamen sponsonis necesse esse: si fateatur esse deiectum. dupliciter homines deiciuntur: aut sine coactis, armatis uel hominibus: aut per eiusmodi rationem aut uim. ad duas dissimiles res, duo deuincta interdicta sunt. in illa ui quotidiana non satis est posse docere se deiectum: nisi ostendere possit: cum possideret: tum deiectum. ne id quod satis est. nisi docet ita se possedis: ut nec ui, nec clâ, nec precario possederit. itaque is, qui se restituisse dixit: magna uoce sæpe confiteri solet: se ui deiecasse: uerum illud addit: non possidebat. uel etiam, cum hoc ipsum concessit: uincit tamen sponsonem: si planum facit, ab se illum, aut ui, aut clam, uult

precario possedisse. Videtis ne quot defensionibus eum,  
 qui sine armis, ac multitudine uim fecerit: uti posse ma-  
 iores uoluerunt? hunc uero qui ab iure, officio, bo-  
 nis moribus, ad ferrum, ad arma, ad cædem confu-  
 gerit: nudum in causa destitutum uidetis: ut, qui ar-  
 matus de possessione contendisset: inermis planè de spon-  
 sione certaret: ecquid igitur interest Piso inter hæc in-  
 terdicta? ecquid interest utrum hoc additum? cum \*  
 A. Cecinna possederit: nec ne? ecquid te ratio iuris,  
 ecquid interdictorum dissimilitudo, ecquid autoritas  
 maiorum commouet? si esset additum: de eo queri opor-  
 teret. additum non est: tamen oportebit. Atque ego in  
 hoc Cecinnam non defendo. possedit enim Cecinna Re-  
 cuperatores: & id, tamen si extra causam est: percurram  
 tamen breui: ut non minus hominem ipsum, quàm ius  
 commune defensum uelitis. Cesenniam possedisse pro-  
 pter usum fructum non negas. qui colonus habuit con-  
 ductum de Cesennia fundum: cum idem ex eadem \*  
 conductione fuerit in fundo: dubium est, quin si Ce-  
 sennia tum possidebat: cum erat colonus in fundo: post  
 eius mortem hæres, eodem iure possederit? deinde  
 ipse Cecinna, cum circuiret prædia: uenit in istum fun-  
 dum: rationes à colono accepit. sunt in eam rem te-  
 stimonia. postea cur Ebuti de isto potius fundo, quàm de  
 alio, si quem habes, Cecinna denunciaabas? si Cecinna  
 non possidebat? ipse porro Cecinna cur se moribus de-  
 duci uolebat? idq; tibi de amicorū, et de ipsius C. Aglij  
 sententia respóderat: et ad eum. \* At enim Sylla  
 legem tulit. ut nihil de illo tempore, nihil de calamitate  
 Reip. querar: hoc tibi respondeo: adscripsisse eundem

Syllam in eandem legem: si quid ius non esset rogari: eius ea lege nihilum rogatum. quid est quod ius non sit: quod populus iubere, aut uetare non possit? ut ne longius abeam: declarat ista ascriptio esse aliquid. nam nisi esset: hoc in omnibus legibus non ascriberetur. Sed quaero abs te putes ne si populus iusserit me tuum, aut item te meum seruum esse: id iussu ratum, atque firmum futurum? perspicias hoc nihil esse: ut in cæteris: quæ rogavi. Primum illud concedis: non quicquid populus iusserit, ratum esse oportere. deinde nihil rationis affers: quamobrem si libertas adimi nullo modo possit: ciuitas possit. nam & eodem modo de utraque traditum nobis est: & si semel ciuitas adimi potest: retinere libertas non potest. qui enim potest iure Quiritium liber esse is: qui in numero Quiritum non est? Atque ego hanc adolescentulus causam cum agerem contra hominem disertissimum nostræ ciuitatis Cottam: probaui. cum Aretinæ mulieris libertatem defenderem: & Cottæ Decemuiris religionem iniecerim: non posse sacramentum nostrum iustum iudicari: quod Aretinus adempta ciuitas esset: & ego uehementius contendissem ciuitatem adimi non potuisse: Decemuiros prima actione non iudicauerunt. postea re quæsitâ, et deliberatâ, sacramentum nostrum iustum iudicauerunt. Atque hoc & contradicente Cotta, & Sylla uiuio iudicatum est. Iam uero in cæteris, ut omnes, qui in eadē causa sunt: et lege agant: & suum ius persequantur: et omnes iure ciuili sine cuiusquam aut magistratus, aut iudicis, aut periti hominis, aut imperiti dubitatione utantur: quid ego commemorem? dubium nemini nostrum est. Certe queri hoc solere

me non præterit: ut ex me ea, quæ tibi in mentem non  
ueniunt, audias: quemadmodum si ciuitas adimi non  
possit: in colonias latinas sæpe nostri ciues profecti sint.  
aut sua uoluntate, aut legis mulcta profecti sunt: quam  
multam si sufferre uoluissent: tum manere in ciuitate  
uoluissent. Quid? quem Pater patratus dedit: aut su-  
us pater populus'ue uendit: quo is iure amittit ciui-  
tatem? Vt religione ciuitas soluatur: ciuis romanus  
traditur: qui cum est acceptus: est eorum: quibus est  
deditus: si non accipiunt, ut Mancinum Numantini: re-  
tinet integram causam, & ius ciuitatis. Si pater  
uendit: eum, quem in suam potestatem suscepit: ex  
potestate dimittit. Iam populus cum eum uendit, qui  
miles factus non est: non adimit ei libertatem: sed  
iudicat non esse eum liberum: qui ut liber sit: adi-  
re periculū noluit. cum autem incensum uendit: hoc  
iudicat: cum ij qui in seruitute iusta fuerunt: censu libe-  
rentur: eum, qui cum liber esset: censeri noluerit: ipsum  
sibi libertatem abiudicasse. Quod si maxime ij scē rebus  
adimi libertas aut ciuitas potest: non intelligunt qui  
hæc commemorant: si per has rationes adimi maiores  
posse uoluerunt: alio modo noluisse. Nam ut hæc ex  
iure ciuili protulerunt: sic afferant uelim: quibus le-  
ge, aut ratione ciuitas, aut libertas erepta sit. Nam quod  
ad exilium attinet: perspicue intelligi potest quale sit.  
exilium enim non supplicium est: sed profugium por-  
tusq; supplicij. nam qui uolunt pœnam aliquam sub-  
terfugere, aut calamitatem: eo' solū uertunt: hoc est sedē  
ac locū mutant. Itaq; nulla in lege nostra reperietur, ut  
apud cæteras ciuitates: maleficiū ullū exilio esse mulcta-



nam. Sed cum homines, uincta, necesse. ignominiasque ui-  
 tant, quæ sunt legibus constitutæ: confugiunt quasi ad ar-  
 ma in exilium: qui si in ciuitate legis uim subire uellent:  
 nõ prius ciuitatem quàm uitam amitterent. quia noluit:  
 non adimitur his ciuitas: sed ab his relinquitur: atque de-  
 ponitur. Nam cum ex nostro iure duarum ciuitatum ne-  
 mo esse possit: tum amittitur hæc ciuitas denique: cum is  
 qui profugit: receptus est in exilium, hoc est in aliam ciui-  
 tatem. Non me præterit Recuperatores, tamen si de hoc iu-  
 re multa prætereo: tamen me longius prolapsus esse:  
 quàm ratio uestri iudicii postularit. Verum id feci: non  
 quod uos in hac causa hanc defensionem desiderare ar-  
 bitraretur: sed ut omnes intelligerent: nec ademptam cui-  
 quam ciuitatem esse: nec adimi posse. hoc cum eos scire uo-  
 lui: quibus Sylla uoluit iniuriam facere: tum omnes cæ-  
 teros nouos, ueteresque ciues. neque enim ratio asferri po-  
 test: cur si cuiquam nouo cui potuerit adimi ciuitas: non  
 omnibus patricijs, omnibus antiquissimis ciuibus possit.  
 Nam ad hanc quidem causam nihil hoc pertinuisse: pri-  
 mū ex eo intelligi potest: quod uos ea de re iudicare non  
 debetis: deinde quod Sylla ipse ita tulit de ciuitate: ut nõ  
 sustulerit horū nexa, atque hæreditates. iubet enim eo-  
 dem iure esse, quo fuerint Ariminenses: quos quis ignorat  
 duodecim coloniarum fuisse? Et a Populo Romano hæredita-  
 tes capere potuisse? Quod si adimi ciuitas A. Cecinnæ le-  
 ge potuisset: magis illam rationem tamen omnes bo-  
 ni quæreremus: quemadmodum spectatissimum, pru-  
 dentissimumque hominem, summo consilio, summa uir-  
 tute, summa auctoritate domesticæ præditiū leuatum  
 iniuria ciuem retinere possemus: quàm uti nunc cum  
 de iure

de iure ciuitatis nihil potuerit deperdere: quisquam  
 existat: nisi tui Sexte similis & stulticia & impu-  
 dentia: qui huic ciuitatem ademptam esse dicat. Qui  
 quoniam Recuperatores suum ius non deseruit: neq;  
 quicquam illius audaciæ, petulantiaeq; concessit: de-  
 relinquo iam communem causam: populiq; ius in  
 uestra fide ac religione depono. Is homo ita se pro-  
 batum uobis uestriq; similibus semper uoluit: ut  
 id non minus in hac causa laborarit: nec conten-  
 derit aliud: quàm ne ius suum dissolute relin-  
 quere uideretur: nec minus uereretur: ne conte-  
 mnere Ebutium: quàm de eo contemptus esse existi-  
 maretur. Quapropter si quid extra iudicium est:  
 quod homini tribuendum sit: habetis hominem sin-  
 gulari pudore, uirtute cognita, & spectata fide am-  
 plissimū, Henriæ nomine totius in utraq; fortu-  
 na cognitum multis signis & uirtutis & humani-  
 tatis. siquid in contraria parte in homine offenden-  
 dum sit: habetis eum, ut nihil dicam amplius: qui se  
 homines coegisse fateatur. sin hominibus remotis  
 de causa quæritis: cum iudicium de ui sit: is qui ar-  
 guitur, uim se hominibus armatis fecisse fateatur:  
 uerbo se non æquitate defendere conetur: id quoq; ei  
 uerbum ipsum ereptam esse uideatis: auctoritatem  
 sapientissimorum hominum facere nobiscum: in iu-  
 diciū nō uenire, utrum Cecinna possederit, nec ne:  
 tamen doceri possedisse: multo etiā minus quæri A.  
 Cecinnæ fundus sit, nec ne: mo tamen id ipsum do-  
 cuisse, fundum esse Cecinnæ: cum hæc ita sint: sta-

PRO A. CECINNA.

tuite quid uos tempora Reip. de armatis hominibus,  
quid illius confessio de ni, quid nostra decisio de equi  
tate, quid ratio interdicti de iure admoneant, ne  
inducens.



284169

---

THE UNIVERSITY OF CHICAGO

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637  
TEL. 773-936-5000

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637  
TEL. 773-936-5000



\* a b c d e f g h i k l m n o p q r s t  
 u x y z A B C D E F G H I K L  
 M N O P Q. Omnes Quaternio-  
 nes præter Q. duernum.

aa bb cc dd ee ff gg hh ii kk ll mm nn  
 oo pp qq rr ss tt uu xx yy zz AA  
 BB CC DD EE FF GG HH II  
 KK LL MM. Omnes Quaternio-  
 nes præter MM Sexternum.

aaa bbb ccc ddd eee fff ggg hhh iii kkk ll  
 mmm nnn ooo ppp qq q rr r sss ttt uuu  
 xxx yyy zzz AAA BBB CCC  
 DDD EEE FFF GGG HHH  
 III KKK LLL MMM.  
 Omnes Quaterniones.

aaa bbb ccc ddd eee fff ggg hhh iii  
mmm nnn ooo ppp qqq rrr sss ttt  
xxx yyy zzz AAA BBB CCC  
DDD EEE FFF GGG HHH  
III KKK LLL MMM.  
Omnes Quaterniones.

VENETIIS IN AEDIBVS ALDI,  
ET ANDREAE SOCERI,  
MENSE AVGVSTO.  
M. D. XIX.







